


ARNOLDI FERRONI BYRDI-
GALENSIS, REGII CONSILIARII,
DE REBVS GESTIS GALLORVM
LIBRI IX.

AD HISTORIAM PAVLI AEMYLI

*additi, perducta historia usque ad tempora
Henrici II. Francorum Regis.*

Tertia editio nunc recens aucta & recognita.



LVTETIAE,

Ex officina typographica Michaelis Vascosani, uia Iaco-
baa, ad insigne Fontis.

M. D. LV.

EX PRIVILEGIO REGIS.

PRIVILEGII SENTENTIA.

CAVTVM est auctoritate Henrici II. Francorum Regis, ne quis alius præter Vascofanum, hos nouem libros Arnoldi Ferroni Senatoris Burdigalensis, de rebus gestis Gallorum ad historiam Pauli Aemylij additos, ante sexennium imprimat, nèue uendat. Qui secus fecerit, libris & pœna in sanctione æstimata, mulctabitur. Lutetia Parisiorum, VII. Idus Februarij: M. D. LIII.

Ex mandato Regis, D. Renato Baillet libellorum supplicum in Regia magistro, præsentè.

Mahieu.



VAE res magno atque excellenti ingenio homines olim ad monumenta rerum gestarum posteris tradenda excitaverunt, hæ ipsæ quin me ab hoc instituto revocarent, parum abfuit. Partim enim laudis studio ducti, cum esse hanc unam, quæ tantos labores posteritatis memoria consolaretur, intelligerent, partim studio illustrandæ patriæ, præmissæque à populis, Regibusque propositis, partim studio veritatis proponendæ, similibusque aliis causis, exempla ut proponerent posteris, unde quod imitarentur acciperent, id aggressi sunt. Ac mihi quidem laudem sperare hoc seculo, cuius ea hætenus labes et macula fuit, aliorum labores aut ridere, aut contemnere, suos sine rivali laudare, sani hominis non videbatur. Illustrandæ autem patriæ consilium, etsi optimum, seponendum semper ab hoc scribendi genere putabamus. Præmia autem nulla hoc tempore industriæ constituta vidimus: quippe illa honore, liberalitateque alitur. Ea ubi dempseris, parum sibi constant industriæ fructus. Nunc vero cum diuitis magni laudabilisque homines fiant, ingenium, eloquentia, constantia, integritas refriguisse videntur, omnesque industriæ fontes exaruisse: præsertim cum ad ingenij laudem parandam labore opus sit et sudore, ad opes parandas, quæ cuique lubet nitatur. Ita fit ut homines docti, studiosi, industrii, ignoti sint, inter vulgus numerentur, nullo numero, nulla gratia, nulla auctoritate habeantur: præmia eruditæ debita, districta teneantur à paucis. Veritatis autem studium etsi nos movere maxime potuit, periculum tamen quod semper vidimus conflatum studiosis eius proponendæ, odiorumque segetes inde gliscientes progredientesque, hoc præsertim tempore, quo virtutem alligatam videmus, foris sine fide, tribunalia sine iure, conculcatam disciplinam omnem militarem,



omniū aetatiū ordines simulatores ac dissimulatores, uel ip-
sos homines philosophiæ sacris addictos ab hac prouincia
deterret. Accedunt eò quorundā ioci & sales qui scripto-
rum incōditorū omnia plena indignātur. Videndū uero ne
qua in re illi laudē modestiæ uenantur, qui ea causa nihil se
scribere profitentur, in ea ipsa re sint impudentes: & qui se
fontes esse iactitant philologiæ, cū aliorum rigare debeant
ingenia, arescere illi siccitate deprehendātur, cū grauissime
sciamus à prudentissimis uiris scriptum, multos partim in-
ertia nihil scribere, partim ambitione, cū se putant satis ma-
gnam esse adeptos gloriā, eāq; maiore uisum iri, si in exi-
stimantium arbitrium sua scripta nō uenerint. Hac ego diu
mecum agitans, quin genus hoc scriptorū omne deleuerim,
parum absuit. At uicit tandē, quod uincere fuit æquum, &
uicit quidem studium ueritatis passim proponēde. Is mihi
solus stimulus, hi demum aculei fuisse ad res gestas Gallorū
perscribendas, cum niderē scriptores horū temporū, & uul-
gares, & eruditos passim res ita narrare & contexere, in-
uolucris ut rerum & uerborū ueritatis amicissimā simplici-
tatē tegant: potentiorum ut auribus omnia data prudentes
rerum æstimatores intelligāt, totāq; mente in ea cogitatione
curāq; uersati uideantur, ea demū ut literis mandarēt quæ
illis grata essent, & ad id unde aliquis status ostēdi potuit,
uel a dederint, ut quā lucem ueritatis, uita memoriā, nuntiā
ueta statis historiā sapientissimī homines dixerūt, eā, quoad
eius fieri potuit, artificiosum mēdaciū, corruptelā disciplinā
rū reddiderint. Scribā autē quæ hac aetate aut certe proxima
gesta sunt, ab eōq; ordiar, unde Paulus Aemilius, nobilissi-
mus rerū Gallicarū scriptor, finē fecit. Vnicus mihi erit sco-
pus ueritas, ex qua si quid in me odij confletur, opprimi me
onere officij malo, q̃ illud quod cū fide mihi imposui oneris,
aut ppter metū deserere, aut ppter ingenij debilitatē reuicere

ARNOLDI

3

ARNOLDI FERRONI BURDIGALENSIS, DE REBUS GESTIS GALLORVM
LIB. I.

MORTVO Britannorum Regulo, bellum Britannicum, quod iam extinctum esse uidebatur, repente renouatum est. Proceres Britanici dum dissentiunt de Annae Britanniae filia collocanda, id bellum excitarunt. Nam pars Alanum Alebretum Aquitanum multorum oppidorum dominum praeferebat, isque uoluntate patris cum ea matrimonium contraxisse falso iactabatur, priorie die quam is decederet: sed repudiante Anna, uanum eorum erat studium. Pars tacite Gallo studebat: pars Maximilianum Federici Caesaris filium ad eas nuptias aperte uocabat, non solum praesidio futurum (si quid aduersus Gallis accideret) sed libertatem etiam Britannicam confirmaturum. Nec ignota eorum studia Gallo. Vltro curoque legationes iussu sciebat. Iam omnia composita ex animi sententia Maximilianus coniectura augurabatur, totamque Britanniam animo inuaserat. Iam matrimonij nomine potius parte Galliae opulentissima, Belgarumque principatu, quid non speraret adiuncta Britannia? Diu deliberatum est apud Gallos, quae ratio iniretur depellendae huiusce procellae. Cunctatio Maximiliani consilium confirmauit. Adhibiti in consilium prudentissimi homines, ita statuerunt: Quod Maximiliani affinitatem repudiandam, Quod Annae nuptias Regi maturandas, praesertim cum potentissimi uicini dominatus periculosus esset, a quo nihil nisi simulatam amicitiam praesens, Quod postea bellum expectari par sit, cum iam imme-

mor affinitatis & fœderis, bella ex bellis ferendo, regni æ-
 mulum sese profiteatur. Itaque datum est negotium qui-
 busdam Annam tentandi. Hæc primum mirabatur: deinde
 etiam fidem datam Maximiliano (iam enim procuratorio
 nomine, uerbis conceptis, misso Volphango Polaymo Au-
 striaco, more maiorum, ritique Regio, absens ei pacta fue-
 rat) frangere uerebatur. Sed Laualla, aliaque Britannica
 nobiles, quarum & consuetudine utebatur, & familiari-
 tate delectabatur, muneribus Gallicis delinita, ad spem am-
 pliorem regni melioris puellam impulerunt: prætexentes
 Maximiliano marito tueri uix posse Britanniam: Pontifices
 auctores sacrorum facile legibus eam soluturos: quas nec uio-
 latus esse, dum tutius & certius matrimoniū initur. Puella
 præclara indole, admirabilique uirtute, his persuasa, se, ditio-
 nemque Britannicam in fidem Regis contulit, ac paucis po-
 stea diebus, magno Gallorum plausu, celeberrimæ nuptiæ
 confectæ sunt. Britannia Gallorum regno adiecta, Britan-
 nis frementibus, certumque ducem desiderantibus. Maxi-
 milianus hæc à Carolo parari prius rescierat: ubi autem cō-
 fectæ omnia intellexit, qui iam antea inimico in Carolum
 animo fuisset, multo grauius hoc dolore exarsit, atque ita
 commotus est, ut & conuitia fœda in Carolum ingereret,
 & pro Galliæ regno opprimendo sese deuoueret. Senferat
 Henricus Anglorum Rex id moliri Carolum: ac iam à Ma-
 ximiliano excitatus, exercitum in Galliam parauerat. Per-
 uenerat Anglus è Calcto Bononiam oppidum maritimum,
 tentans si quo tandem pacto id expugnare possit. Contra-
 xit & Carolus copias. hæc dum lentius progrédiuntur, Phi-
 lippus Creperetors, qui præsidio Atrebatibus datus erat,
 Bononiam defendendam suscepit cum Cardone. Oppu-
 gnantur Bononienses lentè. Misso in castra ad Regem ca-
 duceatore, de pace agi cœptum est: à qua Henricus non ab-
 Arnol. Ferroni de rebus horrebat,

horrebat, & Gallorum opera in regno recuperando usus, & domesticas seditiones ueritus, Maximiliano etiam nulla, ut conuenerat, subsidia afferente. Conuenit ut Carolus impensas belli refunderet, certa quotannis pecunia impensarum nomine eroganda. Anglus in Britanniam rediit. Atrebatenses interea urbem leui praesidio teneri sentientes, consilia inibant de urbe Maximiliano dedenda: us eò copias miserat: hæ celeritate usæ, urbi iam proxima erant. Paratis omnibus, portisque summa custodum socordia ita obseruatis, ut clauæ adulterinae admouerentur, post cantuunculam pronuntiatam, qua milites maturare iuebantur, in urbem introducti sunt. Urbem præerat Paulus Carquilenus nomine absentis Cardoni. hic ad primum hostium motum cum militibus in arcem sese proripuit: mox arci etiam, sibi que timens, cum secundo die auxilium Gallorum adesset, arcem deseruit. Vrbs direpta est: multi obruncati: non à templis, non à domibus coniuratorum temperatum est. A author cōturbationis uilissimus quidam faber ferrarius fertur, qui secundum mœnia urbis habitabat: ac solus eò relictus erat, dum Ludouicus undecimus uertere solum Atrebatenses cogit, in Galliâ que uelut coloniam eos deducit. Præfectum Carquilenum, quem & Carcaluentum uocant, Britanum fuisse constat. Eum uino languidum, confectum cibo, stertentem somno, interceptum aiunt ab hostibus: direptosque Atrebatenses fuisse ob stipendia multorum mensium militi non persoluta à Maximiliano. Est & fanum Omerie eodem tempore expugnatum, aliis in aliud tempus oppugnationem referentibus. Satis constat, quocunque tempore receptum sit oppidum, summa custodum socordia id accidisse: hostes duce Georgio Daberfio, copias eduxisse quasi urbem oppugnatos, Gallos mœnibus siti que oppidi fretos paratos fuisse: sed hostes sese in castra recepisse: hoc idem totis octo diebus

finxisse: quin & ex oppido Gallis prodeuntibus in castra quasi fugientes abiisse. Ita multum remississe Gallos de pristina diligentia, qua antea usi fuerant: ubi his creuisse negligentiam cum audacia uident. Belgarum peditatum, & Germanos auxiliares, turres proximas murumque adhibitis scalis summa usos celeritate occupasse, alibi sopitis custodibus, alibi custode nullo: re fractis deinde portis progressos, caesis Francus & oppidanis, loco poritos. Eodem tempore Ambianorū ciuitas ab iisdem tentata est: Catharina Licia, uirili mulier animo, dum uigiles parum suo munere fungitur, dormitantes stertentēque excitat. Ambiani ad strepitum aduenientium hostium adcurrunt: pars ad urbis custodiam relictā est: pars alia urbe egressa Maximiliani fugat milites, ingenue fassos unius mulierculae uigiliis & industria ademptam uictoriam. Dum haec in Gallia geruntur, Federicus Caesar fato functus est, cum prius Maximilianū filium Francfordiae consortem imperij, ab iis qui Caesarum eligendorum iura sibi uendicant, declarari curasset. Fuit is annus impertitae nobis à Deo Opti. Maxi. salutis, millesimus quadringentesimus octogessimus sextus. Ita ille Caesar declaratus est post patris mortem: diadema, infulasque solēnes illas Caesarum neque unquam suscepit, neque (cum facile posset) suscipere admodum laborauit. Is imperij res compositurus turbatas morte patris, reddita Margareta filia una cum quibusdam oppidis, quae sua esse coniebat, factus inuit cum Carolo. Pace fruebatur Gallia cum Ludouicus sfortia (necdum tamen sumpto Ducis nomine, quippe uiuente adhuc Ioāne Galeatio duce Mediolanensium) crebris nuntiis, ob simulcrates quas gesserat cum Alphonso Rege Neapolitano, non cessabat Carolum in spem certissimam Regni Neapolitani impellere, ultro etiam ad eam prouinciam omnem suam operam, opesque deferens. Ferdinandus

quoque

Annol. Ferroni de rebus

quoque Aragonum Rex maxime laborabat in recuperando Comitatu Ruscinonis & Perpeniani. Abhorrebant tamen proceres Gallici à Ferdinando, iusta uenditione quasitas res negantes, tutum esse reddi, præsertim quæ spectarent ad limites Regni. Exclusus Ferdinandus Oliuerium Maillardum unum è sodalibus Franciscanis magna uipercunia sibi deuincit: alij id adscribunt Ioanni Maulconi Fræciscano. hic Annæ Regiæ sorori erat à confessionibus sacris, uanam ambitionem eo cultu tegens, cui facile in rem id esse Gallicam persuasit: illa Ludouico Ambasiano, Albienfi Pontifici. It cum Regi infixissent aculeum, quasi non redditis
 " his rebus, sese ipse falleret: imperatorem omnium & ma-
 " gistrum Deum non falleret: contrahi quidem animum uti-
 " litatis specie, sed ubi certum sit uitium adiunctum rei, quæ
 " speciem utilitatis affert, continuò arripiendum honestum,
 " discernendam abiiciendamque utilitatem: atque ita existi-
 " mandum, conscientiam mentis nostræ quam à Deo accepimus,
 " à nobis diuelli non debere: hanc unam testem optimo-
 " rum nobis consiliorum uiuis, fatòque sanctis futuram. Hæc
 " illi cum subinde occinerent, facile eum in eam sententiam
 adduxerunt, maxime iam meditantem bellum Neapolitanum, neque post suum discessum conuelli res Gallicas uolentem. Ipse Ferdinandus postea, res eas tantum pignori obligatas fuisse, ac pecunia soluta, de hypothecis Regi decedendum aiebat. Si tamen iure æquo per eius gratiam aut potètiā uti potuisset, testamentòque condito lui ea pignora posse, Ludouicum sanxisse: quæ tamen in perditis & desperatis à se habita sint, cum hominem neminem inueniret, per quem hæc à Carolo impetrare posset: donec à Fræciscano sodale tacitum sibi subsidium comparasset, qui ex incerto certum sese compotemque consilij reddidisset. Aragonensi pecunia omnis remissa est: & prouincia ea lege red-
 Gestis Gallorum Lib. I.

dita, ut ipse, quique ei succederent, comiter maiestatem Gal-
 licam conseruarent: ipse in Gallos arma ne ferret: nec alios
 qui in Gallos bella essent gesturi, commeatu, aliâue ope iu-
 uaret: nec per fines regni sui transire sineret. Ludouicus Am-
 basianus oppida Aragonensi reddidit. Eodémque tempo-
 re Ludouicus Valesius dux Aureliorum, qui postea regnum
 adeptus est, uxoris precibus & lachrymis, quæ soror erat
 Caroli, insigni mulier & sanctitate & pudicitia, liberatus
 est è custodia: in amicitiam quoque Regis interiorem admis-
 sus, non sine laude mansuetudinis, cum bello uictum Rex
 seruasset, dignitatique pristinae restituisset. Interea Rex ad
 bellum Neapolitanum animum intendebat: milites scribe-
 bat: arma, equos, machinas bellicas parabat: auxiliares ex
 Heluetiis, Scotis, aliisque fœderatis uocabat: cômeeatum, aut
 pecuniam quæ bello diuturno satis esset, congregabat. Ludo-
 uico Aureliorum principi negotium datum est, ut & ueteres
 naues quæ Massilia subsistebant, resciceret, & pararet alias
 plures: uti Campania, Lucaniaeque oram primo quoque
 tempore aut occuparet, aut infestaret. Misi legati ad Ma-
 ximilianum Cæsarem, Alexandrum sextum Pontificem Max.
 Ferdinandum Aragonensem Regem, Henricum Britan-
 niae Regem, Venetos, aliosque Principes, pacifica omnia re-
 tulerunt. Alphonsus iunior regnum Neapolitanum, defun-
 cto patre, obtinebat, Ferdinando patri industria dispar. Is,
 ubi tantos belli apparatus in se parari uulgò iactaretur, ue-
 lut incertis rumoribus rem exagitata[m] contemnebat. Po-
 steaquam autem certissimis authoribus nuntiis, literis cer-
 tior est factus de Caroli aduentu, non indiligenter quæ ad
 bellum, quæque ad rem militarem pertinebant, parauit. A
 Maximiliano Cæsare, Ferdinando Aragonensi, reliquisque
 Regibus, cum fœdere Gallico obstricti essent, subsidia nulla
 eo tempore impetrauit. Cum Alexandro Pötifice Romano,

Arnol. Ferroni de rebus

spreto

spreto Gallico fœdere, per Ioannem Borgiam Nepotem &
 Pontificum occulta iniuri fœdera Florentinos, Vrſinóſque ſi-
 bi adiunxit, & Vidum Vbaldum Urbini Regulum, tran-
 ſitum Gallorum impedituros. Nicolaum Vrſinum Petilia-
 num, Flaminiam cum ualido exercitu miſit: Claſſem uali-
 dam inſtruxit, eiſque Federicum fratrem præfecit. Romam
 deinde uenit, longâque oratione Pontifici, Purpuratiſque
 oſtendit, non minus ſibi quàm uniuerſæ Italiæ aduentum
 Gallorum pertimeſcendum eſſe. Impetrauitque à Pontifice
 exercitum, ut quem nuper contraxerat ad urbis deſenſio-
 nem, ad Petilianum mitteret. Pariſienſes longum Regis è
 Gallia diſceſſum ueriti, conati ſunt Regem ab ea expeditio-
 ne miſſis Legatis deterrere, quos ille inauditos dimiſit, dicti-
 tans nequaquam ſibi tot opus eſſe conſultoribus: eóque poſt-
 hac Pariſienſibus inſenſus eſt. Cauſa potior indignationis
 fuit, quòd pecuniam ad id bellum à Rege petitam liberè ne-
 gaſſent. Annus agebatur milleſimus quadringenteſimus
 nonageſimus quartus, cum Rex nunc Moliniũ, nunc Lag-
 dunum adiens, pulcherrimarum mulierum amore teneba-
 tur: conuiuiis etiam eas adhibens, certâque loca designans,
 quibus hæ mulieres, quibus ipſe conſueuerat, conuenirent:
 naſtus etiam homines non ignobiles emiſſarios, archite-
 ctóſque libidinum. Ita duei breuitatem conuiuiis, noctis ló-
 gitudinem uoluptatibus conterebat. Inde Viennam adiit,
 urbem ſitam in finibus Delphinatium: eóque loco ab Anna
 ſore ſore magno ingenio muliere admonitus, reſipiſcere cœpit,
 uoluptatũque occaſiones bellicis cogitationibus occupa-
 tionibúſque fallere. Ibi Petrum Borbonium qui Annam ſo-
 rorem in matrimonium duxerat, uicarium ac rectorem re-
 gni donec abeſſet, pronuntiauit: ſinguliſque præfecturis
 præfectos conſtituit, omnes tamen Borbonio parituros. An-
 na ſoror multum apud fratrem gratia atque authoritate

ualebat: quo factum est ut ad eam absente Rege omnia referrentur. Igitur non sine uenustissimarum mulierum lachrymis, quæ agere ab eo diuellebatur, accinxit se ad Neapolitanam profectiorem. Regem in expeditionem proficiscentem nobilitas Gallica secuta est: calonum, luxarum, plaustorum, carrucarum infinitus numerus: nam multis opus erat ad machinas bellicas centum quadraginta insignes uehendas, cum interim paruorum innumerabilem traherent copiam. Diu deliberatum est, Rexne præsens bello adesse deberet, Petro Borbonio & Anna sorore, reliquaque nobilitate Gallica Regem reuocante. Sed Stephani Versij suppraefecti Belcarientis, & Gulielmi Brisssoneti Quæstoris Regij, quibus solis ad interiorem Regis amicitiam aditus patebat, uicit sententia, ut is bellum id susciperet. Vna hæc cura angebat Regem, unde pecuniam in sumptus belli pararet: nam quæ parata erat, iam consumpta erat. A Genuensibus mercatoribus & Mediolanensibus constat non sine fœnore mutuo sumptum ingentem numerum pecuniæ. Rex cum ad Taurinos progrediretur, nactus est Blancham uiduam, Allobrogum ducis uxorem: ea quicquid auri in ornamentis esset, contulit. Ille id suscipiens, pignori dedit, sumptus inde mutuo duodecies mille nummis aureis. Tantumdem sumpsit à uidua Montferrati: eaque in Galliam reuersus bona fide persoluit: totoque itinere dum partim à mensariis, partim fœderatis mutuas sumit pecunias, nec remige in supplementum ad classem quam instruxerat, opus fuit: nec stipendio qui ab eoeducti sunt milites eguerunt. Interea classis Gallica, cui Ludouicus Aureliorum dux præerat, classi Neapolitanæ occurrit. Gallica classis ad portum Genuensem stationem habebat. Ibi sunt qui certatim scribant uario certamine: tandem depressas interceptasque naues hostiles, Federico fugato. Sed qui comites Carolo in ea expeditione adfuerunt.

Arnold. Ferroni de rebus

narrant

narrant ad Spediam locum quem uocant Speciem, & Rapalam, uicina Genue loca, egressos hostes duce Obiecto Fescio, cum interim classe etiā Gallis occurrerent. Erant Gallis instructæ naues Gallicæ, maiores decem, myoparones maiores triginta, minores quindecim, onerariæ duodecim. Sperabant hostes ex urbe motum aliquem in Gallos. Ludouicum constat clāsi occurrisse: sed ita litori proximam nauem prætoriam ad nauigasse, ut pedestres hostium copias machinis bellicis emissis è mari & præsterneret & fugaret, terribiles machinarū impetu, quarum usum exactior è ignorabant Itali: etsi prius ad eos perlatas proditum sit. Antonium etiam Basseium sup præfectum Diuionensem cū Heluetiorum instructa acie præsto fuisse, & renouantes prælium multis cæsis fuisse: Sfortianus etiam militibus, quos Ioannes Adurnus eduxerat, angustias itinerum obsidentibus, etsi hi prælio abstinerint. Ita cæsi fugatiq; sunt hostes, captis multis, inter quos fuit Fregosinus, Petri Fregosi Purpurati Pontificij Genuensis filius, magni apud eos nominis: nanque illi spurios non minus quàm naturales & legitimos liberos obseruant. Est & Rapala oppidum expugnatum. Germani scriptores etsi his congruunt, prælij tamen seriem aliter narrant: Federicum cum quatuor hominū millibus, Gallis occurrisse: eos à Gallis & Heluetiis circumuentos fuisse: neque tamen ideo minus aciem instruxisse: sed militū numero & machinarum impetu impares fuisse hostes: ac tandem & cæsos & fugatos fuisse: Cecidisse ex Neapolitanis mille, ex Gallis uix trecentos. Ludouicus mare relinquens, cū Federicus inde sese proripuisset, Astam secessit, eoque loco nactus Carolum, certiorè eum fecit de uictoria. Ludouicus Sfortia cum uxore, regio magnificòq; comitatu è Mediolano egressus, Regi ad Astam occurrit: ei que gratias egit quòd eam prouinciam se authore suscepisset: Regiq; fidè

Gestis Gallorum Lib. I.

„ & operam omnem detulit. Pergeret felicibus auspiciis: nec
 „ uires hostium metueret. Qui apud Italos potentia omnino
 „ ualeant, quatuor esse: Alexandrum Pontificem, quem cum
 „ Columnensibus solis uires conferre minime ausum, certum
 „ sit: quid facturus aduersus tantam potentiam? Venetos, qui
 „ hoc tempore quieti sint: Mediolanenses, quos ipse nutu suo
 „ regat. Ita aduersus Neapolitanos solos rem Gallis futuram.
 „ Hos omnes quatuor concordēs opēsque conferentes supera-
 „ tos: quid futurum hoc tempore, quo aduersus unum bellum
 „ sit gerendum? Neapoli recepta, tanta auxilia terra marique
 „ sese subministraturum, Turcarum ut imperium Constan-
 „ tinopolitanumque diadema nullo negotio Gallia florens re-
 „ cipiat: Ita futurum ut res gestas Magni Caroli famamque
 „ Rex adolescens uincat. Nec uana pollicitationes, si à labiis
 „ non dissensissent praeordia, aut pectus non postea à lingua
 „ mutatum res ipsa docuisset. Ibi Rex pustulis toto corpore e-
 „ manantibus, coorta etiam febris, aegrotare coepit: sed febre le-
 „ uatus, cum consilia belli omisurus putaretur, ad pristinas
 „ cogitationes reuersus est. Ascanius Sfortia Ludouici frater
 „ interea Romae Regi egregiam nauabat operam, ut & Iu-
 „ lianus Cardinalis, quem postea Pontificem factum Iulium
 „ uocarunt. Hi Ostiam Iuliano eodem Pontifice Ostiensi ad-
 „ nitente Columnensium factione, Pontifici extorserunt: in-
 „ tercipiebantque commeatus qui Tyberi Romam uehebantur.
 „ Instante iam hyeme Ferdinandus Alphonsi Regis filius,
 „ Nicolaus Petilianus, Virgilius Vrsinus, Ioannes Iacobus
 „ Triuultius, deiectione Gallorum à Genua eiiciendorum, co-
 „ pias cogere, à Florentinis equos parare, finitimos populos
 „ ad se allicere coeperunt: Ita contractis copiis & numero &
 „ rei militaris peritia haudquaquam spernendis, ad sapim
 „ peruenire. Prodit usfluuius ex Apennini iugis. Ad eos de-
 „ pellendos Rex misit Aubigniu (quem Scoti Ebrardus Stuar-
 „ Arnol. Ferroni de rebus dum uo

dum uocabant) & Franciscum Roberti Seuerinatis filium cum quibusdam equitibus à Sfortia sumptis. Horum aduentu cognito Aragonenses & Neapolitani copias equestres educunt, equitatu pulso: sequentibusque Gallis & Sfortianis, repente pedestres copias emittunt. Ita dum utrinque receptui canitur, utrique in castra exercitum reducunt. Aubignius castra celeriter uallo fossaque muniit: leuibusque praeliis quotidie certabatur, cum castra castris essent proxima. Erant cum Aubignio Rodolphus Gonzaga, & Galeotus Mirandulanus. Ac quodam die cum tormentorum bellicorum pileæ ferreæ ex uallo in hostium castra torquebantur, ita affluctæ res sunt hostium, adcurrentibus Gallis, deleri ut potuerint eodem die, ni Vidus Vbaldus Urbini princeps, qui nuper in castra hostium uenerat, suos tergadantes reuocasset, paucisque ex fuga reuocatis restitisset. Enituit eodem praelio uirtus Gratiani Calmontij spurij è nobili Calmontiorum Aquitanorum familia. Hunc etiam alio nomine Artiguanum uocabant. Imitatus est hac in parte maiores suos, præcipuè uero Brandelesium Calmontium, cuius ut uiri fortis, animosi, & acriter se morti offerentis uirtus, laudem ad posteros propagauit. Et Aubignius suspecta habebat auxilia Sfortiæ: & Ferdinandus de suorum fide dubitabat: quo factum est, ut neutri rem praelio committerent. Alexander Pontifex iritatus Columnesium iniuriis, copias suas è Flaminia reuocauit. Ita cedente Ferdinando, equitibusque Gallicis extremum agmen carpentibus, dissolutæ sunt eorum copiae: secuti que Galli & Sfortiani in Flaminia Mordanum ceperunt & diripuerunt: Catharinamque Hieronymi Riparij Sixti olim Pontificis Romani nepotis uxorem, Aragonesium partes secutam, Legatos ad Regem mittere coegerunt: qui ibi eam futuram, ubi ille prescriberet, & ea facturam quæ imperaret, firmarunt. Ita

passim Italiae omnes proceres Regi adiuncti, uel eius aduentum speciem nouarum rerum concipientes, uel machinarum impetu perterriti, ut sunt ad res nouas intenti. Accedebat inueterata de Gallorum humanitate liberalitatēque memoria: quam tamen paulatim deposuerunt, Gallis insolentissime rapinis omnia fœdantibus. Carolum inde Sfortia & apud Mortarium & Papiam magnifice excepit. Ingressi Regi plausu maximo à multitudine undique occurrente, gratulatio significata est: similiq̃ue plausu & frequentia usque ad ades deductus est: ibi Stephanus Versius, qui ad familiaritatem Regis intimam peruenerat, conatus est uoluntatem Regis à Sfortia alienare, uel suspectum eum palā sentiens, uel apud Ludouicum Aureliorum Ducem gratiam initurus, qui iam palā Mediolanensem ditionem ad se reuocabat. eoque factum est, ut duplicarentur apud Gallos nocturnæ excubiæ. Nec Sfortiam id latuit: sed simulationum inuolucris rem tegens, rogauit Regem qua tandem ratione suspectum eum haberet, qui opes omnes suas conferat ad prouinciam, quam ipse sibi semel decreuit debellandam. Rex bene eo sperare iusso, negauit unquam apud se uel leuiculam suspicionem resedisse: petiitq̃ue Ioannem Galeatum Ducem Mediolanensem uisere sibi liceret: is æger corpore, lectulōque decumbens, imo e pectore suspiria trahebat. Rex misertus est principis nobilissimi, qui uelut custodia septus ea arce adseruabatur: obsecrauit ne in consilium cogitationum, desperationem aut timorem adhiberet: curaret diligenter ualitudinem: Dei ope futurum sanitati restitutus constituta ut omnia negotia, si quæ angunt uideret. Ille flens gratissimam sibi esse Regis aut uoluntatem: fecisseque nihil eum à necessitudine ueteri obsequioque Galeati patris in Gallos alienum: actum de se: commendauitque filiolum. Rex cum multa eum libenter esset rogaturus, supersedit ob Sfortiam

Arnol. Ferroni de rebus

præsentem.

præsentē. Ibi Isabella Alphōsi Regis Neapolitani filia, Ga-
 leatii uxor, pedibus Sfortiæ aduoluta humum conspersit la-
 chrymis, capillo passo, circumque caput reiecto negligenter,
 tandem aliquando patris Alphonsi Ferdinandique fratris
 miseretur, orauit. satis iam ultum iniurias suas. quid tan-
 dem expectaret, nisi ut è Regibus seruos redderet? Quid
 ego uobis (inquit) pater & frater, præter lachrymas possum
 reddere, quas uos ex morte mariti imminente pro me ipsa
 plurimas uideo effundere? quid possum nisi mater? quid nisi
 squalida gemere? memini quidem, memini, dum hæc mi-
 hi nuptias conciliaretis, præsidium uos uobis quasi parare-
 tis, huc me deduxisse: pro quo præsidio præsens uobis ad-
 sit ruina. Sfortia respondit iactam aleam, neque rem esse in-
 tegram: depromendas fuisse eas deprecationes pro marito
 & pro seipsa, quæ uenustula esset & adolescentula. Fuere
 ex aulico comitatu qui ita putarunt, Regem eius oratione
 commotum, ut si, quas ad Sfortiam illa preces effudit, geni-
 bus suis obuoluta effudisset, ad æquas pacis cōditiones, quas
 eo tempore per Venetos Alphonsus maiore regni parte de-
 lata offerebat, uenturus existimaretur. Inde Placentiā co-
 mitante Sfortia Rex peruenit: ibi certior factus Sfortia Ga-
 leatium nepotem animam agere, equis saepe mutatis Papiā
 properabat: sed in itinere audiit decessisse: Mediolanūmq;
 properauit, cum prius rediturum se Regi recepisset, necta-
 men rediit. Fama est Galeatium nepotem pronepotēque
 ueneno ab eo sublatos, ita apte temperato, ut sub aduentum
 Gallorum occumberet. eius rei indicium fuisse tumore &
 liuore decoloratum corpus utriusq; mortui. Ita ille Medio-
 lanensem principatum malis artibus quæsitum obtinuit,
 cuius dominatio neque iucunda fuit multitudini, & bonis
 ita molesta, magno ut omnibus in odio fuerit. Ciccus Cala-
 ber uir natura peracutus & prudens, expulso Ludouico

Sfortia cum Bona Sabaudiana matre, moderabatur Galea-
rij nomine res Mediolanēſium. Bona, cum eſſet leui ingenio,
per Antonium Teleſinum Ferrarienſem adoleſcentem ue-
nuſtiſſimum, qui ad eius amicitiam arreperat, totāque
eam poſſidebat, eiſque obſequentior ea erat, quā caſtam
mulierem deceret, reuocauit Sfortiam, ne quicquam diſſua-
dente Ciceo. Is reuocatus. Ciceo necato cum in amore &
delictis illa aliquantulum Teleſini uerſata fuiſſet, tādē &
tutela filij, & omnium rerum adminiſtratione priuata eſt,
omnia ad ſe Ludouico Sfortia reuocante, donec ſublatus ne-
potibus Mediolanēſi imperio potitus eſt. Inde Rex, cum
Florentinis nō ſatis & quis uteretur ob Petri Medicis factio-
nem, qui Neapolitano adhærebat, Sarzanam obſidere ce-
pit. Secus Macram amnem Lunam ueuſtum olim aiunt
fuiſſe oppidum & nobiliſſimum: quod hodie nullum ex-
tat, uicinis tamen locis Lunenſis regionis nomen retinenti-
bus. Ad Macræ dextram ſupra Lunam eſt Sarzana, cuius
arcem à Thoma Fregoſo communitam lautiſſimēque & di-
ficatā proditum eſt. Ad eam perueniens Carolus cepit ma-
chinis admotis oppugnare: erat ea neque commeatu, neque
deſenſoribus admodum munita. Sed & prius Monpenſe-
rius locum enim munitum, cui Caſtro nouo nomen, diripue-
rat. Florentini quibuſcunque conditionibus cum Rege trā-
figendum cenſuerunt: agrēque impetrauit Petrus medices,
ut eò mitteretur cum paucis. Sed Franciſcus Valorus, Ta-
naus, Neruius, & plerique aduerſæ factionis paucos poſt
dies legationem aliam decreuerunt. Miſi ſunt obuiam Me-
dici Franciſcus Piennus, & Gulielmus Briſſonetus, acturi
de pacis conditionibus. Hi multa petierunt quæ ſe non im-
petratos credebant. Primum ut Sarzanam dederet, idque
ille abnuit: deinde ut Piſas, Petraſanctam, Liburnum, Piſani
portus munitiſſimam arcem, Libraſanctam, poſtremò liberū

Arnol. Ferroni de rebus

per

per Florentiam transitum Regi præberet. Quæ omnia concessa sunt. Ad dextram Macra amnis sunt Castrum nouū, Fossa noua, Ortus nouus, Villafranca: atque in Apennini radicibus Pontremulum haud ignobile oppidum: quæ omnia in Regis uenerunt potestatem. Ad Pontremulum inter Sfortianos & Germanos qui Regi militabant, seditio orta est: casisque Germanis quibusdam ad arma conclamatum est. Sed Galeatio Seuerinate & Ludouico Luxemburgo occurrentibus contentio composita est, non sine Heluetiorum clade. Inde Pisas Rex peruenit nullo non honore genere acclamationumque à populo exceptus. Ibi cum stipendia militi soluta non essent, Sfortia triginta milia nummum aureorum mutuo dedit Regi, eò id libentius faciens, quòd speraret futurum ut Sarzanam & Petrasanctam, loca munita, quæ à Florentinis maioribus suis extorta contendebat, recuperaret: itaque non destitit à Rege petere. Vbi autem ex cunctatione Gallica satis agnoscat extenuari suas spes & euanescere, commotior factus abiit, dictitans eo statu res esse suas, quæ se absente explicari non possint. Reliquit tamen cum Rege Galeatium Seuerinatem cui spuriam filiam collocarat, hominem prudentem rei que militaris non imperitum. Pisanorum ciuitas magna atque opulenta fuit. Hos cum Florentini multis saepe bellis uexassent, uetigales tandem sibi fecerunt: multoque infirmiores redegerunt, cum res eorum terra marique diu floruisent. Galeatius spe potiunde ciuitatis, cum Pisanis communicat, horatusque est eos accurata oratione, ut se liberos meminissent, adesse Regem etate copiusque florentem, à quo libertatem petere possint: qua nisi hoc tempore potiantur, nequitquam posthac sperare debeant. Hac impulsu occasione Pisani, qui iam ante se Florentinorum obnoxios dominationi dolerent, liberius audaciusque de libertate recuperanda consilia inire cepe-

runt: indiētōque consilio, uel sui capitis periculo Pisas in libertatem uindicandas decernunt. Galeatius huius se consiliū principem futurum pollicetur. Quærebatur ratio perficiendi. Erat Ioannes Rabotius, Regius apud Gratiopolim consiliarius, uario homo ingenio: sed ei potiora semper omnia unde quæstum undecunque pararet, quàm fides atque integritas fuisse. Hic eo tempore munere fungebatur Libellorum, magistri nomine, absentis: cum eo agitur, postulationes ut suas ad Regem deferat: id ille recepit, uictus muneribus. ita constituta re, cum Rex è solennibus sacris rediret, uel ad ea adiret, obuiam prodeunt, effusa plebe, feminis marentibus, populōque libertatem identidem atque identidem acclamante. Rogat Rex Rabotium, petitione insolita concursūque plorantium commotus, quorsum hæ plebis petitiones tendant. Ille miserrimam esse populi conditionē respondit, direptas à Florentinis fortunas ciuium: locupletes in exilium actos: sana uexata: uectigalem urbem singulis rebus, quæcunque uenirent, nouis portoriis impositis, factam. Rex, cum ille iustas preces diceret, quando libertatem peterent, libertatem se eis dare professus est. Ita ad plebem Rabotius cōuersus, libertate eos à Rege donatos pronūtiat. Paulisper fremitus gaudentium libertate fuit: mox etiam omnes acclamarunt, gratiāsque Regi egerūt. Inde effusa plebs ad pontem circa Arnū situm properant. Ima parte pontis stabat leo marmoreus (quem Matorem uocabant) referens Florentinorum dominationis insignia. Illi leonem deturbant, comminuunt, dissipant: odiūque quod in Florentinos attulerant, in eorum insigne profuderūt: mox etiam suo loco reposuerunt, addito Regis simulachro magnifice depicto, equestrique statua, è qua Rex stricto ense leonem pedibus conculcatum prostermeret. Sed hæc adulantis populi studia quàm uana fuerint, postea compertum est, cum urbe

Arnol. Ferroni de rebus à Maximiliano

à Maximiliano Cafare recepta, in Regis statuâ eadem per-
 egerint, Cafaris erecta statua qua Gallicam comminueret.
 .. adeo ſemper eſt plebs in utranque partem immodica ſiue
 .. oderit, ſiue amarit. is eſt iocantis fortuna ludus. Piſani inte-
 rea magiſtratus expellunt, bonis eorum publicatis, ut &
 eorum quos Florentinorum rebus ſtudere uidebant. Politia-
 num quoque oppidum, Piſanorum conſilia ſecutum, expul-
 ſo pratore arcêque deiecta, rebellauit. Rex cernior factus de
 Pici Mirandulani eruditi hominis morbo, tanti uiri fama
 commotus, medicos ſuos ad eum properare iuſſit. Sed mor-
 bi uis ſerum fuiſſe auxilium oſtendit. Petrus Medices Flo-
 rentiam redierat, domumq; ſuam lautiſſime regiôque more
 adificatâ Regi præparabat. Erat is ſummo apud ſuos odio
 ob munitiones locorum Regi traditas. Augebant inuidiam
 Franciſcus Valorus & Nertiorum factio, Laurentiniſque
 Medices. hi cum quibuſdam aliis, naſti locum quo iniurias
 ulciſcerentur, in eum inimicitiarum dolorumque iracundia
 eruperunt. relata res eſt ad ſenatum. dicuntur in Mediceſen-
 ſententiæ graues, ut quiſque grauiffime dixit contumelioſiſ-
 ſimæque in Mediceſen, ita quamaxime rempublicam iuiſſe
 uiſus eſt. de his rebus Medices admonitus, in curiam uenit.
 Iacobus Nertius ſolum ſe admiſſurum ait, cum comitatu
 prohibitorum aditu: uociſerantique fores clauſit. Aguntur
 omnia raptim & turbate: neque Medici deprecandi pur-
 gandique ſpatium datur. His de cauſis Medices armata fa-
 milia uocatôque ad parteis Paulo Uſinâ cum paucis aliis,
 cum iam uulguſ inconditis uocibus ſtreperet, Libertatē iden-
 tidem acclamans, è Florentia ſe proripuit, abſente n hoſtem
 indicarunt, bona eius publicarunt & diripuerunt, eiſque
 aqua atque igni interdixerunt. Matthæus Balafius qui Pe-
 tri domum à Rege miſſus exornabat, domum ipſam ſupel-
 lectilemque diripuit, qui ſi maxime ob Regem Petro hoſtis

esse debebat, tamē hospitii domus direpta, perfidiā cū auaritia certasse significabat, quāuis is rapinas suas prae-textu tegebat pecuniā, quā ab argentariis Mediceis Lugduni sibi debitam contendebat. Omnes Mediceis clientes & familiares insitoresque, quos plures habebat, sese ad motum fortunae mouere cōperunt, ut narrantem multi eum postea audierunt eo ipso tempore, nondum direptis bonis, neque à magistratibus ad suum commodum (quod postea accidit) conuersis, insitorem Florentinum, à quo ad uestimenta sibi suisque paranda aut pannos aut pecuniam ad centum usque numos aureos petebat, ei prae-cidisse, negasseque, quem hostes cines iudicassent, huic se sua posse etiam mutuò poscenti cōcedere. Medices patria profugus, Venetias peruenit: duosque dies extra urbem duxit, dum ambigunt Veneti, an eum recipientes, Regis in se animum iritarent: sed cum Philippus Cominius qui apud eos à Rege legatus missus erat, nihil à Rege hac de re luerarum se accepisse profiteretur, magnifice eum exceperunt, eūque unā cum niginti aliis quos deligeret è familia (quod passim cōcedi non solet) armatū, in publicū prodire permiserunt. Rex etsi in eū à Stephano Versio multisque aliis incensus, nunquā tamen uerbo nec scripto eū in seclatus est: nicēmq; eius se dolere professus est: impetrassetque ei reditum à Florentinis, nisi ipsi Florentini cōmodo eius dolentes, florentibus rebus eius, regia consilia turbari ostēdissent. Florentini paulò ante à legatione nonā ad Regē decreuerāt, qui se suāque omnia in fidē eius cliētēlāque dederēt. Erat inter legatos Hieronymus Ferrariensis Dominicanus sodalis: hic Petrū Medicen proprio nomine anteuertisse questus est, quod ciuitatis nomine factū deceret. Legatus benigne responsū. Inde Rex instructo exercitu Florentiā ingressus, exceptus est incredibili honore & pompā, nihilque prae-termissum est, quod ad ornatū excogitari posset, quod nō

Arnol. Ferroni de rebus

in eum

in eū collatū sit, ut uel magnifici triūphi pōpa percipi posset.

» Rex cū Florētinis fœdera inuit, quorū summa fuit: Darent
 » illi Regi centū & uiginti nummum aureorū millia, quin-
 » quaginta millia statim numerarentur, reliqua aquis pen-
 » sionibus: Loca à Medice Regi tradita, Rex ab eis precariō
 » cum prasidio teneret: ea is redderet post quatuor menses,
 » Neapoli capta, aut prius, si in Galliam rediret: insignia illi
 » regia reciperent, ipse eos in fidem reciperet. Hæc ut rata in
 po. ferum essent, iureiurando ad altare diui Ioannis sancir-
 ret. Multa quoq; cauta sunt eo fœdere Petro Medici & Al-
 phonsa uxori, cui dos restitui debebat. Florentiā post octa-
 uum diem abiit, saluis & rebus ciuium, & pudicitia uxo-
 rum, quod illi maxime uerebantur. Dum Rex Florentino-
 rum res componit (nam hi Pisanis datam libertatem graui-
 ter ferebant) ad eum ueniunt Antonius Lauretanius, &
 Dominicus Truissianus, Venetorum decreto legati missi, ea
 quidem ratione (ut dictitabant) ut Regi Romam aduenti,
 si quid possent, Venetorum nomine commodarent. Misit &
 Rex legatos ad Alexandrum Pontificem, Ludouicum Tre-
 molium, Ioannem Ganaium, Paulum Vidaudum quæsto-
 rem: præmisit & Ludouicum Luxemburgum, & Ludoui-
 cum Alegrium Ostiam cum Heluetiis ad duo hominum
 millia. Admiserat in urbem Pontifex Ferdinandum Al-
 phonsi filium, unā cum Italicis aliquot militibus, quos an-
 tea ad urbis defensionem contraxerat. Ita factum est ut le-
 gati Regis dubio essent uitæ discrimine. Sed cū & Luxē-
 burgus auxilio Colummensium fretus parte una ex Ostia
 properare iactaretur, & appropinquare etiam Regis in ur-
 bem aduentus putaretur, mutato consilio remissi ad Regem
 sunt legati. Diffiderēque tunc artibus suis & simulationi-
 bus Pontifex cepit: ac tum demum, quando ita Regi pla-
 ceret, etsi tumultum imminere non leuem uideret, aditum se

Gestis Gallorum Lib. I. B iiij.

cesserat, praesidiisque id firmarat, Baptista Vrsino uno comitante ex Purpuratorum cœtu. Agitatum est de abroganda dignitate Pontifici: admotaque sunt machinae bellicae Vaticano, cum is Regiis legatis de pace acturis portas clausisset. Ipsi Purpurati palam agere cœperunt, & dicere discernendam in eum questionem: ex Vaticano inuitum educendum: secernendos dandósque iudices apud quos causam dicat, Ascanius Sfortia Pontificatum emptum aiebat: idem plerique alij, & sane haud insulse, ni ipsi nundinationibus ipsis praefecti fuissent, cum & Vicecancellarij (sic enim uocant) iordinem, ingentemque pecuniam cum domo pontificia idem ipse Sfortia recepsisset. Pontifex circumspectus rebus omnibus, subductisq; rationibus, territus etiam ruina muri ex Vaticano suapte sponte disiecti, ne diutius de capite suo comitia agerentur, misit ad Regem qui nuntiaret ad aequas pacis condiciones se uenturum. Conuenit tandem ut oppida aliquotdonec in Galliam rediret, à Pontifice Rex retineret: ut Valentinus Borgia Cardinalis Alexandri filius, Regia castra quatuor menses sequeretur: ut Zexymus quem & Gemen uocant, Turcarum principis frater daretur: ut Ostiensis arx Iuliano Cardinali redderetur: ei reliquisque Purpuratis, omnibusque alijs Gallos secutis fraudi ne in posterum esset quòd Regem secuti essent. iis si quid ablatum esset, restitueretur: ipse in Regem arma ne ferret, aliosue ferentes ne cōsilio ullàne ope iuaret: ex Gallis duo quos deligeret Rex, Purpuratorum numero adscriberentur. Allecti mox in Purpuratorum ordinē Gulielmus Brissonnetus, qui prius quaestor Regius ac fuerat paulo antea, Maclouiensi Pontificatu donatus: & Philippus Luxemburgus, Cœnomanensium Antistes. Mox Rex obside recepto Valentino Borgia intra paucos dies qui ad patrem perfugit, & accepto Zexymo Turca, Vaticanum ad Pontificem salutadum profectus est:

ei que ut filius pius ueluti parenti & Pontifici se submisit. Eoque tempore Petrus Vachius, Antonellus Salernitanus, & plures alij è Genua cum classe Gallica profecti, cum incerti locorum diu deerrassent, ad Regem circa Populoniam in terram egressi peruenierunt: pecunia allata, ex qua Colūnensibus maior pars erogata est, ob stipendia militum quos in Regis gratiam ad duo millia se aluisse aiebant. Alphonsus Caroli aduentum sentiens, magna cura & diligentia fines suos tueri uoluit. Sedangebatur memoria procerum aliquot Neapolitanorum à se iniuria caesorum: eorum uocibus resonare loca omnia & uigilans & dormiens, furiis ueluti quibusdam percitus, augurabatur. Neque uero ex pristina animi magnitudine ulla apud eum memoria resedit: sed ex anguis atque aestuans regno abdicato, Ferdinandum filium pro se regnare iubet, ipse parum apte compositis rebus, Mazaram secessit, arctioris uitae instituta sacra professus, sed prius eò ingentem uinorum suauissimorum copiam aduehendam curauit: eoque loco paucos post menses calculi doloribus uexatus occubuit, cum uere ad frugem redisse, uigiliisque & ieiuniis corpus macerasse diceretur. Aquilam interea Galli pulsas Aragoniis recepere, ut & Populum & Tranium & Latinum pulsas Vrsinis, commotis iam omnibus ipsa fama & opinione fortitudinis Gallicae. Rex è Roma abiens instructo exercitu, omnia pacata Columnensium opera inuenit. Monfortij paululum restiterunt, sed à Gilberto Cliuensi Germanicarum copiarum ductore oppugnati, imperata fecerunt: oppidum expugnatum & direptum, caeso etiam Iacobo Gointio, qui cum prius Regi militasset, maiore à Ferdinando stipendio constituto rebellauerat. Idem accidit Ferentinis. Alexander quoque Pontifex passus est Ostia, Centumcellis, Anxuris que arce Francos potiri. Inde ad montem Ioannis properatum est, octoque horis conti-

Arnol. Ferroni de rebus

nuis

nis cū machinarum impetu deiecta mœnia essent, irruē-
 tibus Gallis cæsi sunt hostes, oppidum receptum: pars quidē
 Gallicarum copiarum per Sabinorum in Neapolitanis Re-
 gnum perueniebat: pars alia per Latium ad Lirim conten-
 debat. Admouebatur copiæ fano Germani. Ad Casini mō-
 tis radices fanū est id Germani, intra cuius mœnia & am-
 bitum scatent uberrimi fontes: hi amnem augent quarto su-
 præ milliario ad fanum Eliæ oriētem: is quæ cum aliis Lirim
 amnem in Samnitibus producit: rursus quæ duodecim ex-
 pletis passuum millibus, in maiorem Liris cursum, ad locū
 quem Pontem Curuum uocant, incidit. Ferdinandus fanū
 adiit Germani cum quinque millibus equitum, peditum
 quinque millibus: alij quatuor constituunt, quingentos ad-
 dētes equites: adiuntq; quadrato agmine ad Gallica accessis-
 se, sed Gallos detrectasse certamē. Locus est Montanus Cā-
 celli nomine, sex passuū millibus à fano Germani distans:
 hunc occupari iubet Ferdināus. Sētere id Galli, misēq; Pe-
 tro Riuesi Tribuno militari, fugati mox sunt hostes. Sed &
 Ferdinandus, cū audiret cum prima acie Iacobū Lotaringū
 Guysium ad Germanū peruenire, uel praliū detrectans uel
 quod Neapolitanum tumultū uerebatur, inde sese proripuit:
 ita fanū Germani industria celeritatēq; Lotaringi receptū:
 quo tamen loco si unquā aliās, aut Galli ob locorū munitio-
 nes diutina obsidione fatigādi, aut pralio aperto lacessendi
 fuerāt. Hoc loco edicto à Rege sancitū, ut ueteres possessores
 qui arces, aliæue loca, Ioannæ reginæ tempore possedissent,
 quorū Aragoniorū tyrannide interuense essent possessiones,
 ad ueterem dominatum possessionēq; redirent. Aquilanis
 quoq; multa extra ordinē indulta, & ius monetæ cudēdæ.
 Circa id tempus Caieta à Gallis recepta, arx diu obsessā,
 Braneto & Turtimondo diu defensa, tandem deditiōem
 fecit, Robino Frainaxello strenuo industriōque homine op-
 gestis Gallorum Lib. I.

pugnante. Eo loco casus Menaldus Iussanus, unus è Bigeronum nobilitate. Restabat Capua, ea supra Casilinū, duodecimo à mari milliario, amni Vulturno adiacebat. Nunc aliò translata. Eò mox contendit Carolus, ut si quid ad urbē alioqui munitam hostes adderent, celeritate præcurreret, munitionesq; impediret. Eam ualido præsidio tenebat Ferdinandus: præfeceratque ei Ioannem Iacobum Triuultium, Nicolaum Petilianum, & Virgilium Vrsinum, omnes rei militaris peritissimos. Venerat eò prius Ferdinandus. is solus in urbem admissus est: milites exclusi: hortatus tamen fuerat eos, ne necessario tempore fidem mutarent, futurum ut crastino die rediret. Interea ciues fremere, iam accisas res Ferdinandi, nobilitatis animos mutatos. quid tandem frustra nitendo, odium sibi quaererent? Conclamare omnes, & Iacobum Triuultium obsecrare, urbi consulat. quid pro his pugnarent, à quibus omnibus fortunis spoliati essent: quiq; ornamenta omnia, laudem, honorémque ueterum familiarum depeculati essent? Hoc audito uulgi fremitu, magnus omnibus incesit timor. His de causis concilio conuocato, de summa rerum Petilianus Vrsinus & Triuultius deliberāt. Constitutum est uti Triuultius ad Regem de pace acturus deditioneque mitteretur. Erat Triuultius summa apud suos nobilitate, patria tamen profugus Mediolanensi ob similitates quasdam, quas gesserat cum Ludouico Sfortia priuato adhuc, neque ad tantum principatū cuecto: transferatq; ad Alphosum Neapolitanū Regē, huiusq; opera & Alphosus & Ferdinandus toto hoc bello Neapolitano optima fidelissimq; usus erat. Ipse autē uel ad motum fortuna cōsilia dirigens, uel Ferdinandi res pro deploratis habens, discedere ab eo, Gallorumque experiri amicitiam constituit: nactusq; hanc legationis occasionem, ad Carolum transit. Rex Triuultium, quod erat honesto loco natus, relique militaris pe-

ruia

Arnol. Ferroni de rebus

ritia laudatus, & in honore apud Ferdinādum fuerat, humanissime excepit: maioriq̃ stipēdio conditionēque apud se turmis præpositum militaribus habuit. Hunc alij falso scribunt comitem initio fuisse Regi huius expeditionis. Impetrauit is ut Virgilio Vrsino & Nicolao Petruano fide publica Nolam abireliceret, aut in alia pacata loca. Erat Capuæ multitudo insolens belli, diuturnitate pacis. Itaque intellecta Triuultij ad Gallum profectio, ingens undique clamor, direptaque Regis pecunia & suppellectili, milibus sine imperio hac atque illac cursitantibus, de deditioe legatos mittunt ad Regem. Petilianus interea & Virgilius Vrsinus Nolam peruenerunt, ibique post aliquot dies, etsi fide publica eis cautum esset, asseruati tamen sunt diligentius quàm conditio eorum requireret, & sane egressi fuerāt è Capua, nondum diplomate Rege quo fide Regia abirēt, misso. Turmāsque equitum plures missas ab eis ad Ferdinandum peruenisse constabat: quæ causa fuit, ut Galli fœderese teneri non dicerent, cum ab his ipsis fœderis leges uiolata essent: nec tamen unquam in uincula coniecti sunt, quod quosdam odio Gallorum prodidisse uidemus. Ita Capua recepta est, misso à Rege Aubignio (quem Scoti Stuardum uocant) & Prospero Columna. Ferdinandus Neapolim rediens ciues cœpit benignissime alloqui, appellare singulos, maiorum suorum merita, si qua erant, referre: contumelias si quibus illatæ erant, meritorum cumulo sarcire se in posterum decreuisse: omniāque ipse agebat, agitabātque quæ cōfirmandis animis placandisq̃ conferrent. Sed Capuæ deditioe audita cum ex urbe abiisset, à ciuibz exclusus in arcem se contulit: eoque inspectante, ciues stabulum eius suppellectilēque ornatissimam locis proximis sepositam diripuerunt, cum prius tumultuose & Iudeorum & Hispanorum, quos sectam Mahometis sequi aiebant, bona diri-

puissent. Vix è Capua Carolus prodierat, cū è Neapoli ad-
 sunt legati qui se omnia quæ imperaret facturos receperūt.
 Præmissi sunt Neapolim Petrus Rohannus Giensis Tribu-
 nus militaris, Stephanus Versius Belcariesis Suprafectus,
 profecthionis Regi author, & Ioannes Ganaius præses Pa-
 risiensis: Hi publice Regio nomine immunitates ciuium cō-
 firmarunt. Paulò post deiecta parte mœnium, in urbē Rex
 ingressus est triumphantis habitu. Ingredientem ciues nullo
 non honorum genere exceperunt. A ciuibus, fœminis, ado-
 lescentibus, sacerdotibus, omniq̃ ordine publice priua-
 timq̃ signa lætitiæ præbita sunt. Adfuerunt præsto Regi
 Caraffe multis ab Aragoniis ditati opibus, Traianus Troia-
 ac Montella Regulus, Celancensis, Grauinienſis. Merillaniē-
 sis. Ferdinandus diffusus Germanis, quos accersierat, cum
 Hispano tumultuantibus, ex arce Sicilia penit, relicto tuen-
 dæ arci Alphonso Daualo cum quibusdam Germanis: dia-
 dema q̃ue Regium magnifice Rex suscepit. Hinc Oui arcem
 admotis machinis, cum ex arce alia Daualus abiisset, qua-
 tere cœpit. Federicus Alphonsi frater locum medium collo-
 quio petuit: uelle sese cum Rege de conditionibus agere. Huic
 fide publica permissum, ad Regem ut ueniret. ubi ad Regē
 uenit, primū p̃sionem regni nomine quæ Regno non in-
 ferior uidebatur, offert: sequenti die rediens, maiorem partē
 regni tantum: partem Ferdinando nepoti, Regio nomine ti-
 tulōq̃ue possidendam petebat: sibi q̃ saluas res suas & uxo-
 ris. Huic Rex & nepoti in Gallia ditionem opulentam,
 quam ducatus nomine impertirer, obtulit. Multa à Federi-
 co dicta sunt, cur eas condiuones respueret. Itaque colloquio
 finito se ad suas munitiones re infecta recepit, cum prius &
 Thomam Fregosum & Daualum initio tumultus arcibus
 præposuisset, & Antonium Picciolum Consentinum. Fama
 est Suzannam Borboniam neptem oblatam à Rege Ferdi-
 nando

nando nupturam cum quinquaginta millibus nummorum aureorum, annuis uectigalibus, totidem si in Galliam ueniret. Neapoli degens Carolus, proceres regni in uerba sua iurare uoluit: eosque postea in fidem recepit. Decursus quoque militares habiti. Audita ciuium querelæ, tributorum antea exactorum magnitudinem minui petentium. Id Rex libenter audiuit: tributæque quantum eis usum est, minuit, ob id à populo & laudatus & amatus. Loca deinde uicina adiit: atque iterum Neapolim rediēs magnifice exceptus est, cum antea ob arces nō deditas, honores delatos repudiasset. Nec tamen nobilitas Neapolitana diutius Regis aduentu lata-ta est cum difficiles eis ad Regem paterent aditus: rarique essent qui aut præmio essent affecti, aut magistratibus prioribus, stipendiisue quibus Aragoniis militabant, non deie-cti. Cūque nobiles homines, qui magno suo incommodo Andegauen-sium olim partes secuti erant, præmia expectarent, repente edicto Regio præcisa eis est spes, eoque confir-matæ possessiones eorum qui Aragonensium partes tutati fuerant: cuius edicti causam sustinebant aulici aliquot no-biles: re quidem uera nemo dubitabat, quin Ioannes Gana-ius præses Parisiensis & iuris præfectus, edictum id mer-cenarium ad suum quæstū nundinationemq; finxisset, quòd tamen prius propositum fuerat in gratiam tantū Mariūani Comitæ, ei que soli datum. Ita irritati multorum animi, qui nato quæstuosissimo illo edicto ius suū retinere se posse dis-fidebant. Qui ex hostibus in arce Ouerant, post longā ob-sidionem pacti nisi intra octauum diem auxilia adessent, facerent deditionem, octauo die lapso arce Regi cesserunt. Ferdinandus in Ischiam secessit, agre admissus, nec nisi post multas suorum preces, ab eo qui loco præerat, eo factum est, ut intronissus, & illum & filium pugione arrepto necarit: inde ad patrem transiit, custodia alij tributa. Eodēque tē-

pore Petrus Medices Neapolim ueniens, humanissime à Rege exceptus est. Columnenses, Fundos cum multis oppidis à Rege acceperunt. Alienatis omnium animis à Ferdinando, Calabriam, Appuliam, Lucaniam per praefectos mox maiore ex parte recepit. Aubignium, Gallicamque nobilitatem multis etiam oppidis donauit. Stephanum Versum profectiois authorem Nola imperio donat: ad eumque res omnes referri uoluit, pulso Vrso Vrsino uetere Comite Nola, ac Duce Asculi. Cum esset Carolus Neapoli, frequentes ad eum rumores afferebantur, literisque item Philippi Cominij, sui apud Venetos legati, certior fiebat, Alexandrum Pontificem Romanum, Maximilianum Caesarem, Ferdinandum Hispaniae Regem, Venetos, Ludouicum Sfortiam, contra se coniurare. Coniurandi haec erant causae: Primum quod uerentur Alexander, Veneri, & Sfortia, ne pacato regno Neapolitano, in se Rex uerteret uires suas: deinde quod Gallos nolebant inueterascere in Italia: tum quod uicini Regis calamitas cautiore eos reddebat: sollicitabantque illi Caesarem in easdem partes, negantes saluo Rege, res imperij tutas. Maximilianum ueteres inimicitiae & dolor repudiatæ filiae incitant: Alexander contumeliae dum Rex Romam adiit illatae monetur: Sfortiam spes munitorum aliquot locorum, quæ Rex praesidio tenebat, recipiendorum, impellit: Ferdinandus iam se, Rege Italiam ingressò, ubi Ruscinonem adeptus est, totum ab eius amicitia auerterat. atque ubi à Roma sciuit Regem egressum, Antonium Foscaram ad Regem caduceatorem mittit, qui doceret, Ferdinandum sibi consanguinitate coniunctum: proinde temperaret ab eius regno inuadendo: aliter futurum, ut cogeretur propinqui uisceri iniurias. Huic Carolus inspeccante exercitu, hæc ne essent fœdera cum eo inita? num illi profectioem indicatam? rogauit: idne electum tempus turbandi sui consilij? Ad quæ

Arnol. Ferroni de rebus

Foscara

Fonsēca, nisi temperaret ab ea prouincia, futurum ait ut ille propinquum tueretur, cum interim Galli equites frendentes, Fonsēcam uelut uiolandā pacis authorem, non caduceatorem, interimendum aiebant. Ille nihilominus fœderibus exhibitus, subscriptis à Carolo & Ferdinando ut erant ea chartis scripta, inscidit, Regique Ferdinandi nomine & amicitiam renuntiavit, & bellum indixit. Rex iactam alē respondit: sine ope Ferdinandi, ut cœpisset, iter ita se cōfecturum. Fonsēca postea caduceatoris munere egregie perfunctus, nihil non honorum in Regem contulit: auditas esse ait à se uoces militum sibi insultantium: quid minus deceret quā uiolari maiestatem legati sacrosanctā? multaque alia prudenter locutus, multis à Rege muneribus receptis, dimissus est: passimque interdictum ne quis eum dicto aut facto uel leuissime laderet: custodibusque datis in loca pacata perductus est. Ludouicus sfortia, Aurelium Mediolani competitorum, iactatāsque in itinere ab aulicis in se uoces suspicionum plenas, iustam sibi esse fidei mutatā occasionem iactabat: Pontifex liberum aditum Carolo datū, ut Neapoli mox recepta in Turcam duceret exercitum: Neapoli recepta imminere Italiæ querebatur. Cautiores Veneti, qui tuendæ Italiæ fœdus contractum aiebant, ut non laceßendi Regis gratia, ita si ultro laceßeret, sese fœderatosque tuendi. Erat Venetiæ Regio nomine Philippus Cominius, multis præsidii ingenij, industriæque munitus: ille in hominum uel ciuium uel aliorum legatorum corruptelis, ad ea quæ tacite inibantur fœdera eruenda, cognoscendaque, mirandum in modum solers, atque aptus erat: quiduis facere, dicere, in eiusmodi rebus hostium ut consilia nota haberet, sciebat: industriisque ex familia sua hominibus gratiosis undique tota urbe emissis, præmiisque & pollicitationibus multis captis, acutissimè tota urbe quid cōsiliij inirent legati Pontificis, Ma-

ximiliani, Sfortia, Ferdinadi, indagare & odorari solebat. Hunc quodā die venire ad se iubet Senatus Venetus. Venienti dux ei de sententia consilij pronuntiauit, sordus istum cum Pontifice, Maximiliano, Ferdinando, & Sfortia, primum ob Turcæ arma imminencia Christianis depellenda: deinde ob Italiæ defensionem: postremò ob sese ipsos tuendos: idq; eum iusserunt ad Regem scribere. Cominius angustatus & inquietus, quæ dubitatione, paratior eos esse existimans, Germanosque mox eis adfuturos. Quorum si auxilia Venetis præstò adfuissent, implicatum oportebat omnino Regis esse redditum. Ut autem sunt Itali ad aliorum odoranda consilia sagacissimi, irritare cœperunt Cominium, ut expiscarentur exprimerentq; ab irritato, si quid possent. At is ad se rediēs, videnti similis, id sordus paucis ante diebus Regi se indicasse per literas ait: Regemq; scripsisse, id se rescisse antequam è Roma discederet: atque ea ille perbelle simulabat, cum tamen agitari tantum sordera, non inita esse scisset. Ille eos commotos videns, addidit, ad Ludouicum Aurelium, ut Astam valido præsidio teneret, & Petrum Borboniū Galliæ Præto-rem, ut omnia quæ opus esset, pararet ad ea sordera turbāda, se scripsisse. Erant & Veretiis Ferdinandi Neapolitani legati: moxq; passim apud reliquorū principū legatos, signa undiq; lætitiæ exhibita sunt. Et tamē ipsi ad Cominij simulationē ita ingemuerunt, ut frontem ferre nisi sint: omnium enim maxime grauitè ferunt, cōsiliorum secretas machinationes diuulgari, iactantes uetus illud militaris hominis, & timentes, Bene consultum surripitur sæpiissime. Quippe si re- sciuerè inimici consilium tuum, tibi tuopte consilio occludēt linguam, & constringunt manus: atque eadem quæ illis uoluisi facere, faciunt tibi. hac certe parte Gallorum leuitatem uincentes, cum animi magnitudine inferiores sint: qui quæ audierunt, male continent, palamque etiam cōsilia sua effertunt.

efferunt. Interea augebantur hostium copiae: incertisq; rumoribus iactabatur, plusquam quinquaginta millia peditum, equitumque ab eis scripta. Tantum numerum coactum Rex non putabat. At ubi super alium alius idem omnes nuntiantes superuenerunt, facta fides: pararique coepta sunt & quae ad Neapolim tuendam & quae ad reditum sufficerent. Praesidia multis locis imposita sunt. Gilbertus Borbonius, Mompenserius Praetor, & Legatus Regius, Proregis addito nomine, arci Neapolitanae cum praesidio Claudius Rabandaigeus & Lauernadeus relictus, Aubignius Calabriae, Georgius Suilius Tareti: Iulianus Lotaringus, Gabriel Mosalcous, Gulielmus Villanouanus, Gratianus Guerrius, & plures alij hac atque illac locis munitis cum praesidio relictis sunt, parum tamen pecuniaria re instructi. Sparrum (alij Lessparrum uocant ab oppidulo & arce in Aquitania eiusdem nominis) aiunt Apuliae praepositum, ab eoq; edicto Regio impetratum, ut debitoribus ad credita soluenda biennium daretur. Aquilanis praepositus diocesces Vitriacus Robertus Lenocurtius, Ostia Nauarrus aut Nauarris nicinus, qui & Catabri dicuntur, Menaldus Guerrius: Brutis praepositus Franciscus Persius ex Alegreorū familia. Sparrum narrant cum ex Brundusio prodiēs saepe qui Messanae pro Aragonio erat, ad pugnam eliceret, ubi saepe fuisset superior, tandem cum quingentis hostes peditibus Messana egressos: at multos in insidiis dispositos. Produisse Sparrum cum Gallis ducentis: pulsosque mox hostes donec peruentum sit ad locum insidiarum: tum demum impetu facto undique circumuentos Gallos, multosque caesos, captum Sparrum. Nec desunt qui eodem tempore Rhegium à Ferdinando ducentis Gallis caesis, receptum uelint: Crotonem expugnatam, Tarentinos seditione concussos, cum plebs Aragonios, nobilitas Gallos tueretur: Ferdinandum edicto proposito condonasse

omnia nobilitati: Aquilanos tamē nūquā à Gallis desciusse. id nos pressius suo loco exequemur. quindecim tantū cōstat ad regnum tuendum hominū millia reducta. Ipse cum decem aut nouem hominum millibus quā potest celerissime ad iter se accingit. Ferunt Venetorum aliorūque nomine legationem missam ad Regem: hos hanc habuisse summam orationis. Aut Ferdinando regnum redderet, aut in

" Turcam duceret copias. Regem respondisse, solitos Gallos in

" Turcas sine eorum hortatu bella capeffere, & suis auspiciis

" gerere. Regnum Neapolitanum maioribus suis ademptum

" per uim. Actum in iram prorupisse, subiunxisseque: Bellos

" uerò Venetos consultores, qui architecti sint totius huius tu-

" multus, quorum sit negotiationes potius quā bella exerce-

" cere: futurum ut breui catenam illam quam adamantinam

" iactitent, dissoluat. Pontificem hanc telam texuisse: Venetos

" diduxisse: filum eos neuisse, & opus esse acu: daturūque

" se operam, ut neque tantum eis supersit otij ad Gallica negotia

" curanda, neque bello potius quā negotiationibus se

" immiscendi. Id si uerum est, mirum est Batzetis Turcarum imperatoris legatum Venetiis eo tempore fuisse, fixderis etiam huius non ignarum, cū Turcæ Gallorum arma maxime uereretur: etsi Zexymo extincto maxima cura liberati sunt, summa nequitia Alexandri Pontificis, qui pecunia accepta Zexymum ueneno corruptum Carolo dederit. Sunt qui narrent, petita pecuniam presentem à Rege à Neapolitanis remissa maiore parte, modò presentem numerarent. petitos obsides ducentos, qui in Galliam Regem sequeretur: quod non sit impetratum. Est & ob Gallorum rapinas cōiuratum in Regem: sed de duobus detectis insidiis supplicium sumptum. Camillus cum è Brundusio in Gallos saepe erumpens leuibus præliis eos fatigasset, tandem casus est. Hunc & Camillum Pandoneum uocant. Eodēque tempore cō-

stat Virgiliū Vrsinum & Petilianum, qui iustōne bello capti essent dubitabatur, Regia sententia liberatos. Hostamē Rex usque ad Astam secum uolebat educere, ne quid interea molirentur. Pontificem audiebat Rex ex urbe ueteri, loco diffidentem, Perusiam contendisse. Posthac paratis omnibus, ē Neapoli in Galliam rediens, Romam peruenit: misitque ad Pontificem qui in urbem ueterem confugerat, qui ad colloquium eum elicerent: nec tamen potuit irritatum eius animum mollire. Inde Viterbium. Cū autem Tuscanella ciues in gratiam Pontificis Gallos aditu prohiberent, Carolus scalas aliāque ad oppugnationem necessaria expediri iubet: docuitque Gallos, optimum esse, oppiduli huius exemplo, reliquis inferre timorem, ita posthac infesta minime futura itinera: ususque alacri militum opera, multis caesis, post horam tertiam expugnauit oppidum: praeda militibus concessa est. Alij ob negatū cōmeatum oppugnatiū oppidum aiunt: Laurentanósque & Phaliscos eandem expertos cladem. Sunt etiam qui eam oppugnationem Carolo prius Romam petente factā scribant: Potiores sunt apud me authores qui in reditu Tuscanellam expugnatam aiūt. Narrant uerō Guysium Lotaringum cum suis urbe exclusum, impetum in urbem fecisse, ubi plusquam ducenti sint caesi eius. Sequenti die multis necatis urbe potitum, Rege tamen grauitur id ferente. Inde Senas adiit: ibique à Philippo Cominio certior factus est de hostium numero. Hic non destitit monere Regem, celeritatem adhiberet ad iter conficiendum, priusquam hostium copiae conuenirent, nec suos distraheret, prudens consilium: sed iuuenem principem, iuuenes consultores magis delectabant. Eo loco Rex suos ad conciliū coniuocat: ostendit Florentinos offerre triginta milia nummū aureorum, quæ prius sint polliciti mutua daturos: præterea septuaginta millia: equitum mille, peditum

duo millia, unâ cum Frâncisco Cicco rei militaris peruiſſimo, qui Regem donec in Galliam redierit, ſequatur tantum petere munita loca, quæ ab ipsis, Petronæ Medice precariò accepiſſet, præſidius deduſtus redderet. Ludouicus Tremolius & Ioannes Iacobus Triuultius, & plures alij, conditiones à Florentinis latas, recipiendas contendunt, Liburno tatum retento. diſſentiſſi Ludouicus Lignius Luxemburgus. In Piſanorum gratiam Regis conſenſu hæc ſententia probata eſt, repudiatus optimus Florentinorum conditionibus. Reſertur etiam ad conſilium, petentibus Senenſibus, ſint ne hi in fidẽ Regis recipiendi, præſidiumque eis relinquendum. Miſſos hos faciendos Triuultius, Cominius, & plerique alij aiebant: accelerandum Regi iter, ut primo quoque die Aſtam perueniret, antequam copię quas Veneti contrahebant, in unum locum coactæ, Gallos diſtraherent, & implicarent: diſperſos neque Regi utiles, neque ſibi ipsis præſidio eſſe poſſe. Cũ in eam ſententiam omnes tranſiſſent, mutato conſilio, quod Luxemburgo Senenſes ingentem pecuniam pollicebantur, urbiſque Præſectum uolebant, trecenti præſidio relictĩ ſunt, qui intra paucos menſes inde fugati ſunt. Deinde conſumptis fruſtra aliquot diebus, Carolus iter Piſas facere cœpit. Cũ Piſas ueniſſet, Piſani Luxemburgum, Tremolium, aliõſque homines nobiliſſimos rogare cœperũt, ut qua hætenus fide & humanitate Galli in calamitoſos fuiſſent, ea in ſe eſſent: nẽue paterentur iterũ eos in Florentinorũ miſeram ſeruitutẽ recidere. Atq; eos quidẽ benignitas comitatusque Piſanorũ, qua in eos uſi erant antea, utebanturque, & fortuna ita mouebat, ut hominum miſerorum & ope non indignorum preces mouere debebant. Sed iuſſurandum à Rege Florentiæ præſtitum & Regem ipſum & aulicos pleroſque mouebat: ipſique Florentini, ubi aperte ea à Rege petere non audent, occulte cuniculis oppugnare Piſanorum

norum libertatem experunt, uocatis ad suas partes Gulielmo Briffoneto Cardinali, Petro Rohanno tribuno Gienfi, Ioâne Ganaio praeside, incertum precibus an precio, an motis Reipublica utilitate. Ad hæc, plebs gregarios ipsos milites, custodēsque & stipatores Regios deliniuerat, ut passim illi & Briffoneto & Ganaio, ni sententiam mutarent, minitarentur. Accidit ut quodam die Pisani multis stipati ex Gallica nobilitate, ad Regem adirent: atque ubi longa oratione pro libertate ad Regem usi essent, aculeos in Briffonatum, Ganaium, Giensem iniicerēt. Ac Rex Pisanos abiectos excitauit, datam libertatem se adēpturum negans. Inuectus autem in audaciam eorum, qui homines de se optime meritos apud se traducerent: mox, sed consumptus frustra septem diebus, Robertum Entraguium Pisis reliquit, Lignij consilio. Huic etiam & quibusdam aliis loca alia munita cum praesidio relicta sunt, quæ illi fidem metientes utilitate, uelut additione palam proposita magna inde pecunia sumpta distraxere. Deliberatum est an Genua tentanda esset: negabāt duces distrahendæ Regi copias: nec tamen fatigatus Rex Iuliani Cardinalis Ostensis precibus, temperauit, quin Genuam Philippum Sabaudianum mitteret, unā cum Claudio Polignaco & Hugone Ambasiano, cum aliquot equitibus & peditibus. Petrus Borbonius certior factus de Regis reditu, præmiserat Genuam Ioannem Molonium, & Stephanum Neuesum cum octo myoparonibus. Hi excepti à Ludouico Elisco & Ioanne Adurno, circa Rapalam partim capti, partim fugati sunt: ipsique Philippus Sabaudianus & Iulianus Cardinalis & Hugo Ambasianus, qui in suburbia Genuæ peruenerant, sperantes ex ciuitate ad seditionem aptissima motum aliquem: parum absuit quin in manus uenirent hostium. Ad Pontremulum hostes Regis iteri impediebant. Eò missus est Petrus Gienfis Tribunus cū

prima acie. Erant ibi in praesidio trecenti, pro loci magnitudine satis instructi ad iter impediendum, atque his rebus quæ ad obsidionem ferendam opus erant. Superueniente Ioanne Iacobo Triuultio qui multos ex his priuata familiaritate notos habebat, factum est, ut deditionem facerent. Sed per incommode accidit, ut Helueti à ciuibus aliquot pulsarentur, atque illi contumeliæ impatientes ad arma concurrerent: uiolatâque lege deditionis, in oppidanos sauirent: castrum etiam oppugnarent, ut inde uix tandem Regis iussu submoti sint. Suadebat Triuultius ut Rex iactitaret, se ad Galeatio Mediolanensem ditionem restituendam, puerôq; conseruandum imperium, proficisci: ac multos eo pacto sibi adiuncturus putabatur. Id consilium uelut maiestate Gallica indignum Rex contempsit. Inde circa Alpes, Pontremulo uicinas, præmisit Petrum Rohannum Giensem cum prima acie: ipse etiam suis summum iugum tenentibus, incipit Apenninum scandere, sequente post terga Tremolio. Sed prius ob machinarum bellicarum ingentium molem quæ summa difficultate trahebantur, propterea quòd locus impeditißimus est ad iter faciendum, territus est: locôq; humili quinque continuos dies statina habuit: identidemque de Germanorum Heluetiorumque perfidia querebatur, qui Pontremuli diripiendi authores fuissent. Sed consumpto comiteatu, accidit ut Helueti & Germani machinas perducendas deposcerent, si tamen scelus id admissum Rex condonaret. Fatigatus Rex precibus Tremoli, culpam hanc eis condonauit. Illi bini simul funibus adstricti uinctique, atque alij alios urgentes, recentésque fessis submissi, adiunctis Gallicis equis, alacriter machinas perduxerunt. Proditum est Tremolium ipsum depositis uestibus, ut accenderet reliquorum animos, cepisse machinarum bellicarum pilas æneas, alacriterque pertulisse. Ac iam Tarro proximi erant:

Arnol. Ferroni de rebus Gallique

Gallique cum Rege die quinto Iulij, anno impertita nobis salutis à Deo Opt. Max. millesimo quadringentesimo quinto & nonagesimo, peruenerunt ad uicium cui Foronono nomen est. Accidit ut duobus ante Regis aduentum diebus, quidam ex leui Venetorum equitatu occurrentes quadraginta Gallicis equitibus, quos Petrus Gienſis præmiſerat ad hoſtium caſtra ſpeculanda, factò equeſtri prælio ſecundo, quòd numero ſuperiores erant, Gallos uſque ad caſtra ſequeretur. caſiſque aliquot, capita eorum ad Venetos referrent, capto etiam Germano quodam, acri homine & prudenti. At Gienſis ueritus ne ſi hoſtes in ſe impetum facerent, impar eſſet, montem ruruſ ſcandere cœpit, eiſe ſe anguſtiis tutatus. Cõfederant hoſtes in Parmenſi agro ad Tarrum. Principes tanti exercitus fuere Franciſcus Gonzaga Mantuæ Regulus, Franciſcus Seuerinas Sfortiæ nomine, Lucas Piſanus & Melchior Triuiſianus legati Venetorũ. Seuerinas productò Germano qui nuper captiſ fuerat, numerum ab eo petiit eorum qui Gienſem ſecuti erant. Ille prudenter auxit numerum, remiſſoque captiuo ad Gonzagam deliberare cœperunt de Gienſi opprimendo. Gonzaga cum numerum à Germano ementitum pro uero haberet, negauit tutò poſſe deleri Gienſem: Triuiſianoque & Piſano idem ſentientibus, cum nondum coactas dicerent omnes copias, dilatatum eſt id conſilium Seuerinatis, qui conſingi à captiuo numerum diceret: & ſane nullo negotio Gienſis deleri potuit, ni paruo momento deterriti hoſtes caſtris ſe continuiſſent. Sequenti die, antequam milites educeret in aciem, Rex eos hortatus eſt breui oratione, in hunc modum. Si quam
 „ alacritatem haſtenus in propulſandis hoſtium iniuriis oſte-
 „ diſtis, eandem retinetis, certam iam uobis ſpondeo uictoriã,
 „ milites. Enim uero quin retineatis neque mihi unquam du-
 „ bium fuit, neque magnitudo animi ueſtri multis magniſq;

Gestiſ Gallorum Lib. I.



„ rebus perspecta, uereri sinit. Cum eis hostibus res nobis est,
 „ quorum si nunquam uires experti essemus, hærendum no-
 „ bis fortè esset: iactitare enim & rei militaris peritiam, &
 „ proauos magno fastu soliti sunt. At quo magis facta dictis
 „ potiora sunt, eo toto hoc itinere superatos à nobis memini-
 „ stis. Si Neapolitanum principatum, quem se nobis hoc præ-
 „ lio adempturum putant, retenturi demum essemus, satis e-
 „ quidem ampla essent operæpretia. Nunc depulsis hostibus,
 „ & ille fixus manebit: & quicquid Veneti tot imposturis
 „ uersutis que partum habent, in nostrâ fortè uenturû est po-
 „ testatem. Equidè cum tota hac peregrinatione nostra Nea-
 „ politana, ut hospites amicissimi undique exciperemur, nullû
 „ pretium tanti itineris uigiliarumue referre uos angebar. Ve-
 „ niebat enim in mentem, præmio excitari magnorum etiam
 „ uirorum animos: nunc uerò illuxit dies, qua spoliatis diuisi-
 „ mis, sed inertissimis hostibus, digna tadè tot laboribus præ-
 „ mia recipiatis. Nec quàm multi hostes in nos irruere dicantur,
 „ anxie quæsieritis. Sape multitudo ipsa mole sua corrui-
 „ tur. Totæ illæ copiæ ex inertissimis hominibus coactæ sunt, qui
 „ languidi uino, confecti cibo, debilitati stupris, eructare ser-
 „ monibus suis eadem nostram audent: sed pænas iandudum
 „ perfidiæ inertiaeque debitas, hodie recepturi sunt. Nobis ad-
 „ sunt Heluetij fidelissimi socij, equites expeditissimi, machi-
 „ næ bellicæ instructissimæ. Quod si, quam fremitus iste ue-
 „ ster alacritatem ostendit, eandem retinetis, uicimus mili-
 „ tes: atque ita uicimus, ut hic dies in posterum & Gallicum
 „ nomen hostibus formidolosum redditurus sit: & nos post-
 „ hac à talibus eorum coniurationibus liberaturus. Succla-
 „ matum est, & frequenter à militibus, fœlicibus auspiciis in
 „ pugnam prodire: futurum, ut per hostium cadauera uiam
 „ aperirent. His dictis instructa est acies. Sinistrum cornu
 „ Petro Rohanno Giensi Tribuno militari, & Ioanni Iacobo

Arnol. Ferroni de rebus

Triuulzio

Triuultio datum est, adiuncto etiam Ioāne Chabaneo Palicio: parumque absuit, quin Ioānes Fuxeus Narbonæ Regulus, & Guysius, dum de ordinibus prius ducendis certant, in apertum certamen loco iniquissimo uenerint: sed hæc ægrè tandem à Gienfi sopita sunt, Ioanne dextro cornui præfecto. Deinde aderant Helueticum ad hominum duo milia, quos Niuernensis, Gilbertus Cleuensis, & Antonius Basseius, unus è Burgundiæ nobilitate diæceres Diuionensis, Ludouicusque Lornayus, magnus Regina prægustator, in certos numeros distributos ducebant. Aderant eo loco tormenta bellica, ductoribus Vido Louero (quem & Guydonem Loserium uocant) & Ioanne Grangio. Media aciei Rex ipse præerat, equo insigni (quem dono acceperat à Carolo Sabaudiano monoculum) uectus: lorica eleganter uarièque contexta, paludamentoque militari ornatus. Eadem arma eundemque amiculum uoluntate Regis sumpserunt Ludouicus Lignius Luxemburgus, Piennus, Matthæus Spurius, Berbonius, Boneuallius, Adrianus Mombronius, cui Archiaco cognomen, Galiorus Tenolacus, alique aliquot ex Gallica nobilitate florentes ætate, & uirum robore insignes: eosque circa se Rex eodie habere uoluit. Dextrum cornu tenebat Ludouicus Tremolius unà cum Ioanne Fuxeo & Roberto Fricinesello. Hi que eo ordine & alacritate prodibant, ut in prædam non prælium profecturi uiderentur. Rex plusquam quadringentos ex equitibus stipatoribus suis, relictis equis primæ aciei adiunxit. Proditum est nefando præmio accensos hostes in Regem, pollicitis centum nummum aureorum millibus ei qui caput Regis retulisset. Sed & Epirotas aut Albanos auxilij spem præcidisse sfortiæ, nisi is prius polliceretur ultra stipendia, & singulis mensibus nummum aureum, & pro capitibus singulis Gallorum conto elatus alterum nummum aureum, idque cum pollicitum.

Veneti quoque instruunt aciem. Praesidio castris non leuem numerum relinquunt. Franciscus Seuerinas cum parte equitatus peditatusque ad Giensem primamque aciem debellandam cum Ioanne Bentiuolo missus est. Franciscus Gonzaga cum flore equitum peditumque in Regem proruit à sinistra. Antonius Vrbinas cum delecta manu equitum, iussu Gonzagæ lente sequebatur, ut cum propius esset accessum ordinisque perturbati, ab latere aperte Gallos aggrediretur, sed non nisi signo prius dato. Erant in hostium exercitu quinquaginta millia peditum, atque equitum : Regi uix octo millia aut equitum, aut peditum. Qui maiorem numerum addunt, decem millia adfuisse uolunt. In ipso procinctu cum nondum ad iactum teli uentum esset, Philippus Cominius, et Gulielmus Brissonetus Cardinalis, cum hostibus de fœderibus agebant, Lucas Pisanus et Rodolphus Gonzaga, quando Rex liberum tantum transitum peteret, non denegandum censebant. Franciscus Gonzaga et Melchior Triuisianus dissentiebant. Ac iam dextero Tarro Galli processerant, cum machinæ bellicæ primum à Gallis in Venetos, deinde etiam à Venetis in Gallos emissa sunt, paruo utrinque incommodo. Tum demum hortante Gonzaga, cum hostes undique procurrissent, triplici undique alueo ad ulteriorem ripam contendebant. Iam prima acies ita processerat, ut Rex hostes in se irruentes intuitus, coactus sit auertere uultum à prima acie, uertereque ad hostes, accedereque ad extremam aciem. Gonzaga cum delecta manu equitum procurrere coepit, aliique turmatim in Gallos inuehi acriterque instare. Horum aduentu qui à frequēti equitatu circuibantur, paulum loco cesserunt Galli. At mox simul connixi magno impetu in hostes concurrerunt, certatumque est aliquantulum acriter : sed proruentibus à sinistra Gallicis equitibus, à latereque undique in hostes inuectis, non tulerunt Gallorum

Arnol. Ferroni de rebus

impetum.

impetum. At mox incitati fuga alij in castra, alij longius profugerunt. Multum cōtulit ad uictoriam Gallis leuis hostium equitatus, qui cū à tergo Gallos inuadere debuisset, plaustris aliquot mulisue conspectis, quibus uehebantur impedimenta, prædæ spe ducti in ea impetum fecerunt: qui & ipsi posteaquam receptui cecinit Gonzaga, trepidantes dum se ad suos recipiunt, concisi sunt. Seuerinas etiam Giensem adortus, uix dum abiectis hastis, non tulit Gallorum impetum: urgentibusque Heluctiis, sagittariisque Scotis & Aquitanicis, loco pulsi pedites, multis casis, uniuersi mox terga uerterunt. Gienensis suos ne sequerentur prohibuit, ignarus quo statu Regis res essent. Sed qui Regi proximierant equites, in fugientes hostes ita inuecti sunt, ut eos usque ad castra sequerentur. Hos Rex sequi noluit: solisque, cum sui fugientibus instarent, unà cum Antonio Ambusio cubiculario suo, paucisque aliis relictus est. Id Gonzaga intuitus, qui signa suorum fugientium nunc manu prehendebat, nūc eos acerbis uocibus incessebat, consistere aliquot ex his iubet: ipseque in Regem rursus prouens, æquare pugnam uidebatur. Sed & Rege acriter dimicante, & Gallis aliquot occurrentibus, rursus in fugam hostes uersi sunt. Actum suadentibus suis, cum Gienfi Rex se coniunxit, qui si perterritis hostibus institisset, facile eo die perterritos castris exiisset. Accidit ut medio in prælio huiusce belli Nicolaus Petilianus & Virgilius Vrsinus, qui liberali custodia à Rege asseruabantur, nacti occasionem ad hostes transirent: iamque fugam meditantes & castra relinquentes ab eo auerterint consilio. Petilianus, etiamsi recentes aliquot cohortes prælium renouarent, uictoriam certam spondebat. Sed ita consternati erant eorum animi, ut nihil minus, quàm de prælio cogitaret. Virgilius Vrsinus in domum secedens uicinā, Gallis deinceps fidelis futurus est. Hunc demum ad Astam

Gestis Gallorum Lib. I.

(ut æquam erat, & conuenerat) cum bona gratia à Rege dimissum alijs aiunt. Ita Galli quò uoluerant trans Tarrum progressi sunt. Cæsar ex hostibus peditum duo millia, equites mille: submersi tantundem. Impedimēta Gallica dum bellum ferueret, direpta. Matthæus Spurius Borbonius captus non longe à Rege, mōxque pecunia Regia liberatus. Clades Italicorum principum qui in Regem irruerant, morte insignis. Nam Bernardum forte Brachium, Ioannem Piccininum, Rodolphum Gonzagam, Raimutium Farnesium, Antonium Scarampam, Guydum Gonzagam, Ioannem Mariam, Galeotum Gazoldum, Theophilum Poëtam, Rubertum Bagnum, Vincentium Corsum, Ascanium Martinnengum, Robertum Strosium, Alexandrum Beraldum Patavinum, Petrum Maseum Véronensem, Bernardinum Sæctouitalem, Ioānem Georgium Colornum, Galeatium Corregium, aliōsque plerosque nobilissimos principes desideratos constat: Vulneratos Hannibalem Bentiuolum, Gilbertum Carpensēm, Galeotum Mirandulanum, Antonium Palanycinum, Bernardinum Montonum. Totòque eo certamine & pluuisse & cælum atratū ob ingentes tonitrus fuisse certum est. Mirum est Italicos aliquot scriptores in re tam recenti, cui multi hodie uiuentes adhuc interfuerunt, uictoriam ad Venetos pertrahere uoluisse: triumphos Gonzaga cecinisse: huic uni acceptam Italiae libertatem retulisse, quasi Carolus animo Italiam omnem inuasisset. Rex quo loco prælium commissum erat, cœnauit: curatisque corporibus militum, pernoctasse eum quidam eodem loco uolunt: alij, paulò altius castra translata: ubi saucios Rex ipse inuisens comiterque appellans, maxime recreauit: sed cum castra hostium uiderentur ad bellum instructissima, deliberatum est an renouato prælio impetus in ea faciendus esset. Iacobus Triuultius, Franciscus Ciccus, Camillus Vnellius

Itali rei militaris peritissimi, sequendos hostes decernebant: inde Parmam: mox Mediolanum in Gallorum uenturum potestatem. Luxemburgus, Fuxeus, Gienſis quiescendum Regi suaserunt, eamque sententiam Rege secuto, excubiarum obeundarum manus Heluetiis datum, sane quàm libenter id in se recipientibus: totaque nocte ignibus factis, clangoribusque buccinarum, non leniter hostes terruerunt, unde à Rege sequenti die trecentis nummis aureis donati sunt: eoque loco & Regi & proceribus Gallicis Italicisque, qui eum sequebantur, attenuato uictu utendum necessario fuit, cum Regi panis uix secundarius, reliquis uix ater adesset: ut nec reliquis aliquot diebus quibus ad Astam peruenit. Sed hac parte nullius unquam ex postulationes audite sunt. eo illierant in Regem animo, extrema ut pati mallent, quàm hisce de rebus querelas ad eum peruenire, què ipsum seruire etiam tempori uidebant. Post pugnam, biduo de induciis pacisque conditionibus utrinque actum est. Tertio die, instructa acie, hora una antequam illucesceret, inde Rex profectus est: eoque die parum consequi hostes potuerit, ob Tarrum mole undarum uastiores eadem nocte reditum: parumque certi duces itinerumue exploratores Gallicis aderant, quæ causa fuit, ut penè imprudentia insigne facinus admissum sit. Triuultio erat uexillum albu, non dissimile ei quod gestari uiderant Galli à Gonzaga signifero. Erat eo die præmissa prima acies cum Triuultio impedimentis machinisque: reliqui cum Rege sequebantur instructi intentique. Ac primum quoniam prima acies uia militari processerat, ultima deuio itinere paululū ex uia aperta deflexerat, conspecto etiam uexillo albo, postquā haud procul inter se fuisse, strepitu uelut hostes properarent, prima acies extrema metū simul & tumultū facere: ac penè parum abfuiſſet quin concurrissent, ni utrinque præmissi equites rem

certius explorassent. Regem secutus est Franciscus Seuerinas cum toto leui equitatu. Sed trecentis Heluetiis unà cum paruulis machinis agmen claudentibus ita perterriti sunt, ut ne uni quidem ex toto Gallico exercitu, negotium facessere potuerint. Gonzaga cum toto exercitu sequebatur. Sed primi diei mora illata, & aliquorum dierum frustra labore suscepto, sequendi finem fecit. Rex incolumis cum incolumi exercitu tandem Astam peruenit, nisi quòd pauci uigiliis fatigati, desiderati sunt: inter quos fuit Ioannes Andoinus auus eius qui postea ad Landrisium cæsus est. Interea ad Caietā tumultuatum est. multi Aragoniorum excitati pollicitationibus impetum in Gallos faciunt, cadunt, diripiunt, obtruncant Gallos, undique acclamantes Aragonium nomen. Necesse fuit Gallis in arcem se recipere. Admonent mox Versium, & Pompeium Columnam, qui nō dum ad Ferdinandum transierat, de oppidanorum insolentia. Illi die sacro Ioanni, mari in arcem ingressi prodeuntibus Gallis contuderūt oppidanorum superbiam, multis necatis, multis quoque captis, & aduectis inde cum mulieribus ad Neapolim, ut inde in Narbonensem prouinciam mari ueherentur. Sed hos aiunt dum Genuensi classi occurrunt, solutos. Gallos proditum est cū Quadrata in Apulia essent pulsī, euocantibus oppidanis, necatis Aragoniis, urbe iterū potitos. Monopolim cū Veneta classis cum Antonio Grimano appulisset, pulsa est à Gallico presidio, cui præerat Prudentius Tranus cum Georgio Duratio iuvene impigro, tandem tamen expugnata est. Primi qui moenia ascendere, fuere Lodarinus & Matthæus Capellus: inde Matthæus Rissus & Georgius Volsimontius, Petro è Bemiborum familia prius cum aliquot aliis necato. captus Prudentius, reliqui elapsi: ciues humanissime tractati. Pulignanum & Molā quoque recepere. Sape tamē à Conuersanis ubi Duratius ierat, pul-

Arnol. Ferroni de rebus

si,

si, quibusdam casis, in quibus fuit Gauinius, deploratus maxime à Veneris. Desuilius, quem Suillum uocant, Tarento eos saepe expulit. Sunt qui ita exacte historiam hanc Neapolitanam persecuti sunt, ut Ephemerides ediderint totius huius itineris. Nemo tamen diligentius quàm Andreas Vineæ, cuius et opus Octauiano Pontifici Engolismensium, ex falsa inscriptione antea tributum, qui comes adfuit Carolo. Aliis displicuit scrutari omnia hæc et excutere morosius exemplo ueterum, quorum scripta legimus. Is et Mōfortū à Gallis expugnati, et Montis Ioannis meminit. Ad-
dit, dum Rex è loco quem Florentinum uocant, ocreatus et quos admitteret, in pedum iter Iudæi Isaci precibus hominis industri, qui initiari uoluerit, abluique, Iudaismo spreto, sacrosanctæ persuasionis nostræ mysteris. Ita illum Rege patre lustrico splendide saluari aqua expiatum à Ioanne Darcio Andegauensium pontifice, magnisque munere-
ribus à Rege donatum. Meminit idem oppugnationis Mōtis Ioannis, ubi Oliuerij Coitiuū, quem et Talieburgum uocant, ab oppido eiusdem nominis in Aquitania, spectata sit industria, isque urbi præpositus, fanum Germani occupatum à Guysto, sed nulla hostium clade ait: in arce autem quam Ciuitatulam uocant, post uarie machinis strata mœnia, euocatos ait Gallos ad colloquium. Lignium et Gili-
bertum Cleuensium Neucrsium collocatos cum his, impetratasque ab hostibus uiginti quatuor horarum inducias. His lapsis acrius emissas machinas. Rursus uocatos Gallos: fœdus rectum, nisi intra quartum diem subsidia uenirent, aut Ferdinandus copias eas educeret quæ congregi possent cum Gallis: aut deditionem facerent saluis impedimentis, relictis tamen machinis omnibus: post eum diem factam deditionem. Oppugnatam deinde Oui arcem per multos dies, deditamque tandem iisdem conditionibus: arci præpositos

Claudium Rabaudaigum & Carolum Lauerdacū. Nar-
rat uerò eam omnium rerum copiam inuentam in Castro
novo, uix ut Lutetia suppeditare tantam posset. Nam præter
frumenti triticique omnis generis, carnis suillæ, bouinæque,
lucanicorum, panni aurei, argentei, serici, coccinei omnis co-
loris: holosericeæ, byssinæ, subsericæ, undulata, Damascenæ,
Attalica, polymita uestis, omniumque pretiosorum pan-
norum infinitum numerum inuētum. Aliquot præterea cu-
bicula ubi inerant ephippia, & quæ uulgo uocantur selle
equestres omnis generis. Aliquot ubi inerant consensoria
desultoriæque equorum, quæ pedum sustentacula dicuntur.
Alia ubi frena & lupata, alia ubi parapleuridia, alia ubi
phalera, alia ubi habenæ, alia ubi calcaria, alia ubi tela o-
mnis generis & arma, quæ singula singulis essent locis cu-
biculisque collocata. Alia ubi arcus, alia ubi chordæ, alia ubi
pile, ferreæque fistulæ: alia ubi enses, alia ubi hastæ, alia ubi
sulphurei apparatus omnis generis ad longissimam obsi-
dionem ferendam aderant. Nam machinas bellicas omnis
generis tantas inuentas ait, eaq; magnitudine, ut aggre Gal-
litantas tota Italia inueniri posse antea sibi persuassissent.
Refert idem filiam Traiani Melphitani principis sapissime
in istar equitum fortissimorum effusissimis habenis concitato
maxime equo cum Gallis congressam magna omnium ad-
miratione. Vasa uerò aurea argenteaque tanta inuenta, fa-
cile ut eorum splendore & Regiæ familia, domusque &
Aureliæ, Borboniæque domus, simul omnem coniunctum
splendorem uincerent. Nam uasorum murrhinorum, cry-
stallinorum, fischilium, toreumaturn pretiosorum, scyphorum
sigillatorum, uasorum areorum, stanneorum, plumbeorum
abundantiam neminem satis posse enarrare, cum singulis
uas, ut uitreis & fischilibus & aliis sua essent sedes am-
plissima: ubi hinc escaria, hinc potoria, hinc uinaria, hinc
Arnol. Ferroni de rebus aquaria,

aquaria, hinc olearia, hinc unguentaria, hinc pulmentaria
 & coquinaria summo essent ordine constituta, qua referre
 frigida esset curiositatis, quibus tamen admoneri possunt
 qui circumfluunt omnibus copiis, atque in omnium rerum
 abundantia uiuunt, ne his fidant immodice, qui subitam
 fundatissimæ familie ruinam uideant. Quo die Tuscanella
 à Guyssio, Lotaringo direpta est, Regem ait certiore[m] fa-
 ctum de Lessparri Orualli captiuitate, cuius & nos supra
 meminimus sub Sparri nomine, ut & Italici scriptores.
 Lessparrus uero dicitur ab oppido & arce eiusdem nominis
 sita in Aquitania, in Medulorum finibus: & illi in nomini-
 bus Gallicis, & nos interdum in Italicis cecutimus: quo
 magis uenia danda est eis, qui eadem in hac expeditione dñi
 oppugnationem Gallicam referunt; ut diuersa loca separa-
 runt: ut & ius qui pro Maxara Messanam, & Misagnam
 uocauerunt. Plane ita mutata sunt & locorum & urbium no-
 mina, ut qui interdum uulgaribus, qui ueterum nominibus
 loca designant, utcunque ferendi potius quàm reprehendē-
 di uideantur. Meminere & alij horum temporum scripto-
 res crebro Ludouici Vindocinensis è Vindocinensium illu-
 strissima familia, cuius fideli opera Rex saepe usus sit, ut &
 alterius Vindocinensium principis natu maioris, qui ad
 Vercellas è Gallia properarat spe praelij capeffendi dum ob-
 sidetur Aurelius ad Nouariam: quo defuncto ingens fuit
 tota aula luctus. Sed hæc postea accidere. Sape iidem me-
 minere Alegrij, Crussolli, Bauldricourtij, Mauleoni, Miolan-
 tij, Pria, Camincani, Chalmontij, Vergij, Hospitalis, Beau-
 montij, Lislij, Palicij, Chadeneri, Cleriusi, Claudij Chastrei,
 Daunoi, Toilei, quem & uocant Ganaichū, Francisci Sal-
 bei, Philippi Moulinij, Roberti seu Robineti Frainexelli, Iu-
 liani Bourgueni, Caroli Brillaci, Ioannis Cardonij, Rigaldi
 Doreilleij, Iehanoti Tetrij, Brisei, quem & Brisetum uocant

Chandiotti, Castridrusi, Chesnoi, Susannei Brosi, Tintauille, Adami Malbranchi, Valletani, Odeti Riberaci, Bourdilloni, Bulsaci, Vachausi, Calliotti Lenolaci, Castilloni, Edouilli. Persequi uerò omnia etiam minutissima, quæ illi aliq; in Ephemerides digessere, indignum est grauitate historie quam institimus, ne nobis usu ueniat, quod L. Sisenna eruditissimi homines stant uenisse, ut in historia puerile quiddam confectemur. Narrat Iacobus Sadoletus quo tempore Carolus Rex adiit Italiam, certissimis nuntius & literis allatum, Regem Turcarum metu percussum & territum, relinquendam sibi Epirum & Græciam putasse, præsidia ex oppidis omnibus deducta, copias omnes Bizantium fuisse reductas, classes ad Hellespontum adesse iussas, cum nō iam de obsidione perferenda ullāne ratione resistendi, sed de fuga & traiectione cogitaret. Alexander Pontifex Romanus cachinnum dicitur sustulisse, in hanc Caroli expeditionem quam calcarit ligneo demum adhibito confectam aiebat. Is uero adhibetur delicatis hominibus equitantibus ipsa in urbe media in pace.

ARNOLDI FERRONI RE-
RVM GALLICARVM

LIB. II.



IC status rerū Gallicarum Rege à Neapoli reuerso erat. Cateram per eos ipsos dies, quibus Rex Senensium res rediens componebat, Anna Valeſia Caroli ſoror, & Petrus Borbonius Gallia prætor literis Regis certiores facti de hoſtium coniuratione rediriſque, multum dubitabant nonne copias, ſubſidio Regi futuras Arnol. Ferroni de rebus occuſurasque

occurſurūſque ei, ſcriberent, cūm iſ ut erat atate florens cō-
 temnēſque hoſtium minas, nihil de hiſ ad eos perſcripiſſet.
 Vt rem totam accelerarēt, effecerunt Philippi Comini, Re-
 gij apud Venetos legati literæ, quæ fluctuantes adhuc ani-
 mo incertōſque de Venetorum apparatu excitant. Itaque
 cūm Ludonicum etiam ſfortiam paratum uiderent ad Aſtā
 occupandam, delectu raptim per urbes Gallie uicinas ha-
 bito, contractiſque aliquot Heluetiorum millibus, & au-
 xiliis quæ præſto à Ludonico Salutiano miſſa adfuerant: cū
 ſex peditum millibus, equitum mille quingentis eō miſſus
 eſt Ludouicus Valeſius Aureliorum princeps, eō ardentius
 eam prouinciā ſuſcipiens, quòd Aſtā materno iure iam-
 dudum poſſidebat, eripique ſibi nolebat: ſimule etiam fa-
 ciliorem inde uiam ad Mediolanum ſfortiam deſcendū
 ratus. Huic tamen diſſerte denuntiatum, ne nouas ipſe res
 moliretur: hoſtium demum conatibus obuiam iret: Regi
 tantum ad Ticinum amnem, ſi res paterentur, occurreret.
 Ludouicus cūm comperiſſet ſoluta omnia apud hoſtes, oc-
 caſione rei bene gerendæ inductus, ſeu indignatus ſibi ma-
 ioribuſque ſuis à ſfortia Mediolanenſem principatum oc-
 cupari, inſtructo paratōque exercitu prope Nouariam por-
 uenit. Ciues Torniellorum factione impulſi expulſi ſfor-
 tianis cum in urbem receperunt, Monferrati uidua eniten-
 te, auxiliāque ei ſubmittente, arcem poſt tertium diem rece-
 pere. Nec otioſus erat ſfortia: Galeatum Seuerinatem cum
 ualida peditum equitūq; manu Nonnum miſerat, locum
 Aſtæ proximum. Non intulerat com meatum in Nouariam
 Aurelius, eāque ualido præſidio tenebat. Urgebat Noua-
 ria recepta ſfortiam. Itaq; miſſo eō Seuerinate, cuius copias
 auxere & Germani à Maximiliano miſſi, & qui ex Itali-
 co exercitu è fuga Fornouenſi Parmam fugerant: adiuncto
 etiam ſæderis iure Franciſco Gonzaga, cum Venetorum co-

piis, Nouariam obsidet. Ita commutato rerum statu, ex obsessore Aurelius obsessus factus est. Galli fortiter obsidionē ferro: eruptionibusque crebris equitatum hostium fugare. Seuerinas machinis admotis urbem oppugnandam censebat: Gōrāga non inutilem proximam oppugnationem, sed precipitem periculo uictoriam futuram aiebat. Huius consilium Veneti secuti, castra munierunt. aditus omnes, quibus comineatus in urbem inferri possent, praecluserunt. ita non iam armis, sed fame oppugnatur Aurelius. Erant qui suaderent Aurelio, praesidio in urbe relicto, cum nondum undique septus esset, ipse ad Regē perueniret, curaturus res suas commodius, Regēque ad auxilium ferēdum excitaturus. Vidua Sabaudiana cum rex Thuriū peruenisset, per quaestorem suum, adiuncto etiam Gulielmo Brissoneto Cardinale, Regem ad bellum in Sfortiam parandum acuebat: decretūque est, ut Antonius suppraefectus Diuionensis ad Heluetios proficisceretur, ualidas ex his copias educturus. Georgius etiam Ambasianus, Rothomagensium Pontifex, qui Aurelium secutus fuerat, ab eoque ad Regem ex urbe emissus, Gulielmi Brissoneti promissis melius sperare iussus, cum is optime Aurelio cuperet, monebat eum, obsidionem ferret: satis in tempore ad futura auxilia, sed ad extremam famem iam obsessi peruenerant. Itaque Iacobus Castillonius cum delecta manu equitum, ingentem tritici cōminuti numerum in Nouariam ferendum suscepit: nec tamen tertia pars salua perlata est, insidiis hostium undique occurrentiū intercepta. Ipsi etiam Gallici equites magna ex parte aut caesi aut fugati sunt. Philippus Aurengius qui rege reuerso multum apud eum auctoritate ualebat, reliquique omnes proceres Gallici, a quibus conditionibus bello finem imponi uolebant, reditum ad suos parantes: quorum desiderio Gallici milites, uenia nulla impetrata, ē castris abibant. Ac tandem

Arnol. Ferroni de rebus dem

dem, qui suadebant auxilia Aurelio mittenda, a quibus ipsi conditionibus re transigi uolebant, modo ab hostibus prius hæ proponerentur. Sed fame homines interea consumebantur: ut iam ad equos, canes, mures, insignia pretia peruenirent. Neceſſitas ipsa delicias eas, quibus certabatur ab utro prius ageretur de pace, Gallis extorsit: missis quæ literis tentate sunt pacis conditiones. Ab hostibus mox in castra Regia missi qui palam suaderent pacem, occultis mandatis dissuaderent. Conuentum est, ut à Rege Philippus Aurengius, Petrus Rohannus Giensis Tribunus militaris, Piennæus, Philippus Cominius: ab hostibus, Franciscus Gonzaga, cum quibusdam aliis, in locum medium inter castra conuenirent. Sequenti die in Regia castra Franciscus Bernardinus, & quidam alij missi. Hi Nouariam occupatam reſpetebant: Galli Genuam ueluti Gallorum beneficiariam urbem petebant. Tandem frustra consumptis aliquot diebus, Aurengius, Rohannus, Piennæus, Ganaius, cum hostibus conuenerunt, ut donec certiora inirentur fœdera, Aurelio liber exitus ab urbe tribueretur, nihil eis tamen de obsidione remittentibus. Atque ut incolumis ille abiret, obses interea datus Franciscus Gonzaga Joanni Fuxeo. Ibi etiam Sfortia impetere cauillo cœpit Gallicos legatos, cum in dictandis fœderis legibus alterum alter perturbaret, simulque eloquerentur: quod ab Italica grauitate alienissimum erat. Petrus Rohannus Nouariam peruenit: Aureliumque unum cum paruulo comitatu liberum abduxit. Res parum abfuit à seditione, qui ritantibus obsessis, absumptis omnibus alimentis, illum abire incolumem, sese prædam hosti futuros: agrè que sopita est comitate Rohanni, qui nepote suo obside relicto sanxit, intra triduum omnes se liberaturum. Post quartum diem quàm redierat Aurelius, fœdus cum Sfortia iktum est, ut Galli omnes exterique milites qui Nouariæ erant, libere

cum impedimentis abirent. Educendi eos munus suscep-
runt Galeatius Scuerinas, & Franciscus Gonxaga: idque
optima fide perfecerunt. Nouaria imperium penes ciues ma-
nebat: triginta tantum Galli arcem tenebant: hi donec cer-
tius fedus iniretur, annonam à Sfortianis emere possent:
ciues nec Gallos, nec Italos in urbem immitterent. Sed fame
qui inde abierant, morbisque ita consumpti erant, ut in ipsa
itinere partim fame enecti sint, partim cibum ingestum re-
cipere non potuerint: partim nimia deglutiendi, famemque
explendi insania occumberent. Ex quinquaginta millibus qui in-
de prodierant, plusquam quadringenti mox absumpti. Rex
pecuniam in eos liberaliter erogauit: affatimque cibis redeun-
tes expleuit, defunctorumque parentibus, si qui adfuere, sti-
pendia persoluta sunt. At Sfortia interea Nouarienses sibi
adiunxit, urbemque mox recepit. Arx praesidio Gallorum
tenebatur: adfueruntque eodem tempore Heluetiorum decem
millia, quos Antonius suppraefectus Diuionensis eduxerat
militiae auidos. Erant duo millia Heluetiorum qui Regi mi-
litarant: tria millia partim ex his qui è Nouaria redierant,
partim qui eò fama praelij excitati conuenerant. Alij maiorem
addunt numerum, uiginti enim duo millia adfuisse: maior
pars cum uxoribus liberisque è domo prodierat. Hos simul
conuenire noluit Rex, ratus parum tutò tanta multitudi-
ni salutem suam committi. Ludouicus Aurelius Heluetiorum
aduentu ferocior factus, unà cum Ludouico & Antonio
Luxemburgis, Gulielmo Brissone Cardinali (cui montes
aureos pollicebatur, cum gratia multum apud Regem uale-
ret) Regem ad bellum excitabat, submissosque & concita-
tos aliquot Heluetios praelium poscere ferocius inbebat: reli-
quos qui praelium dissuadebant, minis etiam aperte terrens,
ut Philippo Aurengio hac de re differenti, ementiri eum,
mendaciaque struere exprobrarit: quod genus contumeliae
Arnol. Ferroni de rebus apud

apud Gallicos proceres multo maximum est. Diu deliberata re cum nihil promoueret Aurelius, decretum est, ut Rohannus, Piëneus, Ganaius, rediret pacem inituri. Ea est huius pacta conditionibus, ut Sfortia Regem potius inieret, aduersus hostes quoslibet, Neapoli: nauesq; duas suppeditaret instructissimas, subsidio futuras arcibus Neapolitanis: sequenti anno tres naues daret: ipseq; praesens expeditioni, si praesens Rex ad recipienda sua rediret, Regem sequere: ur. Veneris hostis esset, si hi pacis foedera haec abnuerent, Aragoniosae sequerentur, idque eis intra duos menses denuntiaret: Regi pecuniam mutuo datam expensam ferret. Rex sequenti die quo foedus initum est, reditum parabat. Id Aurelius grauiter ferens, per suos sollicitabat Heluetios, stipendia trium mensium integra peterent, ratus eo pacto Regem belli consilia renouaturum. Illi nocte conueniunt: clanculis primum sermonibus frendere: mox palam stipendia trium mensium petere, quae pollicita sibi esse contendebant: totaque nocte tubicines cornicinesque extra uallum audui sunt clangorem fundentes uastum, eò etiam prouecti, ut consilia inierint de Rege abducendo. Nam quod Galli pauci adessent, facile id fieri posse putabant. Ita excitata ab his seditio acrius sauire coepit, quam illi ipsi uellent. Alij Regem mittendum: proceres Gallicos opulentiores abducendos aiebant. Iamque in Antonium suprapraefectum Diuionensem et Ludouicum Lornaium manus iniecerant. Rex prima uigilia, incertum an seditionis metu, an quòd ita prius constituisset, inde sese proripiens, consilia eorum frustratus est. Aurengius missus ad eos pacandos, stipendiaq; trium mensium his qui nuper domo acciti uenerant, soluta sunt: reliquis eius temporis quo militassent, addito stipendio quindecim dierum ob reditum. Ita illi ad suos, Regis liberalitate laudata, redierunt: sed Rege cautiore reddito, quantum se proferre, extero demum fie-

tus milite posthac audeat. Constituerat uero Rex, Francos suos ita bello assuefacere, ut deinceps extero non indigeret milite. huiusce rei plura exempla afferebantur ei exteriorū & Regum, & populorum qui iis exteris, quibus salutem suam crediderant, usi erant infide'issimis: qui ut eos inclinari paulisper timore uident, sic impellunt ut sua perfidia abutantur ad eorum exitium. Interea Neapolitani ab Aragoniis sollicitati Ferdinandum ad se reuocabant: isque captans omnes occasiones, copias iam contraxerat: Neapolimque aduolat. Gilbertus Mompenserijs populares conatus sedare primum conatus est: ut uidit omnia infesta, arces munit: in eas se recipit cum Salernitano principe. Aversa & Capua ciues factum Neapolitanorum secuti, Ferdinandum etiam admiserunt. Is quò rebus suis rectius cōsuleret, Columenēses etiam, quos tot beneficiis Erācus cumularat, sibi adiunxit. Hi florētibus Regis rebus, quādiu spes cōmodi premii que affulsit, fideles fuerunt: ubi turbari res eius uident, mutato cū fortuna animo primi in partes Ferdinandi trāsgressi sunt. Veneti quoque accesserunt partibus, pacti maritima aliquot loca. Rex priusquam ex Asta abiret, nauibus aliquot instructis quibus praefecit Eymericum Darbanum, obseſis opem tulit. Is cum esset rei militaris non imperitus, nautici belli omnino rudis cū hostibus occurrisset, loco se tenuit, Liburnūque rediit, nec subsidio ulli obseſis fuit Gilbertus Mompenserijs, cū sera esse auxilia uideret, & à multitudi-
ne commeatum in multos menses paratum consumi, aliud iniit consilium: quod ut sequeretur multa eum mouerunt. Quippe rumor incesſerat sparsus literis sfortiae, Regē pugna ad Tarum inita fato conceſſisse. Ergo cum ueretur ne omnia essent obstructa, pactus est cū Ferdinādo, nisi intra praestitutum diē auxilia uenirēt, arces dederet: Gallus liber esset in Galliā reditus. Hæc ut rata essent, obsides dedit

Arnol. Ferroni de rebus — Francisco

Franciscum Alegrium, & Petrum Marchianum, Gulielmū Capellā, Ioannem Roqueberfū, Georgium Gentium homines nobiles, relique militaris peritos. At Mompenserius, Stephanus Versius, & alij, Claudio Ognano Aquitano relicto in praesidio arcibus, cū aliquot alius Tarentu secesserunt: idque praesidio munierūt, aut (ut alij scribunt) Salernū. Plane cōstat Suilliū qui Tarento praerat, longo tēpore obsidionem tolerasse: Is tandem peste grassante egit supremū uitae diem, nec nisi fame quasi enectus, urbe post reditum Caroli multis mensibus defensa, cecidit. Id alij quoque adscribunt Iuliano Lotaringo, quem Rex ducem designarat montis S. Angeli. At is eo demum loco saepe expulit hostes. Eorum audita profectio, parum absuit quin obsides à Ferdinādo necarentur, quasi uiolatis fœderis legibus, dum eodem tempore in ora Apuliae ab Antonio Grimano eò à Venetis cum classe misso, Monopolis Gallis extorqueretur: hique etiam mutua data pecunia Ferdinando, maritima aliquot loca pignoris nomine retinuerunt: Franciscūq; Gonzagā cum ualido exercitu subsidio Ferdinando miserunt. Addunt eo tēpore alij Gallos qui Sansuerinū obsidebant, pulsos Consentiam à Consaluo receptam, & hostes egregie Gabriele Monfalcono cum Gallis Manfredonium tuente pulsos. Rex Taurinos adit, Petrum Rohannum & Ioannē Ganaium ad Sfortiam legatos misit, qui nuntiarent, sane quā libēter uenturum se cum eo in colloquium, ut de summa rei inter se transigerent. Is colloquiū declinandi rationes aliquot attulit. Primum, tantis colloquiis cū Rex Neapolim adiret, nihil profectum: exemplisq; compertum & nostra & patrū nostrorum memoria, ex mutuis hisce colloquiis accendi odia: deinde Ludouici Lignū Luxemburgi odium pratexebat, Gulielmīque Brissonei Cardinalis, qui suspectum eum iamdudum reddiderāt apud Regem. Tum iacturatas fuisse

querelas Ticini à quibusdam, qui eum inuitum abducendū palam ferebant. Sed si is ad Regem uel obsidibus datis uel fide publica uenisset, satis constabat, Regem pacis cupidum cum eo transacturum fuisse de Mediolanensi principatu, quem Aurelius uendicabat. Nam nec Rex potentiam Aurelij æquo animo ferebat: nec eius querelis turbari pacis cōsilia uolebat. Ita Sfortia, quòd fœderatorum consiliis gratificaretur, prudenter declinare sibi uisus est Regis colloquiū: minus liberali eo responso, quo uno tantos motus bellicos, indignamque tali principe captiuitatem futuram auertere potuerat. Rex Philippum Cominium legatum ad Venetos remisit, sciscitatum, uellent iuberentne ratas esse pacis conditiones cum Sfortia initas: Monopolim redderent: Gonzagā à Ferdinando reuocarent: ipsumque Ferdinandum declararent eo nouo fœdere quod cum Pōtifice, Maximiliano, aliisque pepigerant, non contineri. Hi post aliquot dies responderunt, nullum bellum à se in Gallū susceptum. Copias quas eduxerint, eductas Sfortie fœderati gratia, quem Rex eo principatu deicere uoluerat. Hæc palam priuatim receperunt, his se conditionibus hos motus temperaturos: Ferdinādus ut Neapolitanum regnum beneficiarium apud Regem profiteretur, in clientelamque, Alexandri Pontificis uoluntate reciperetur: quinquaginta millibus nummūm aureorum pensione, æ quis conditionibus Regi quotannis soluenda: quam ipsi ei mutuo se daturos profitebantur: Tarētum Regi interea relinqueretur. quòd si Rex quod iactitabat, Italiam prius ingressus, Turcam debellare cuperet, centum naues instructissimas offerebant: daturosque se operam, ut & Maximilianus & Pontifex ualida auxilia equitum peditumque suppeditarent. At Sfortia qui naues duas instructas subsidio Regi mittere ex fœdere debebat, misso Genuam à Rege Stephano Neueso, certior factus de Gallorum

Arnol. Ferroni de rebus qui

qui obsidebantur, modico commeatu, rem uariis ex causis consultò extrahebat. Ad extremum etià duas subsidio Ferdinando, uiolato fœdere misit. Cominius rediens de his à Neueso admonitus, exposulauit cum sfortia, monuitque cum, uideret cautius quò progredieretur: quod sua sponte facturus esset non solum libenter & prolixè, sed celeriter etià faceret: his nauibus subductis Neapolitanas Regi arces adimi, quibus ademptis Regis in se odium accendat. Ille naues quidā pactas, at non ut his Galli imponerētur, aiebat: sequenti tamen die futurum ei recepit, ut Calcatium Seuerinatem cum ualida classe subsidio Regi mitteret, nec tamen misit: ita ille erat eruditus artificio simulationis utriusque ut se uendicaret. Galli interea Neapolitani regni loca aliquot præsidio tenebant. Tota moles belli uersa in fines Calabriae: eò Galli secesserant unà cum Gilberto Mompenserio. Ferdinandus exercitum producit. Nec Galli detrectant certamen, tamen si Ebrardo Aubignio dissuadente, qui ager corpore moleste ferebat incuria Möpenserij debiliores Regi res quotidie fieri. Sed tardissime Gallis pecunia suppeditabatur: & quæ ex regno aderat, consumpta iam erat, ut mēsum quatuordecim militi stipendia deberentur: quæ causa fuit ut Germanorum aliquot cohortes Gallis relictis ad Ferdinandum transierint, Heluetiis tamen ad extremum Gallo militantibus: etsi eadem eos stipēdiorum causa mouere poterat. Occurrente itaque Ferdinando utrinque acriter pugnatum est. Sed Galli quòd locorum iniquitate explicare equitatum non potuerant, fugati, in castra paucis desideratis rediere. Ea uictoria Ferdinandus elatus, per alios Tarentum iubet oppugnari. Id ualido præsidio Georgius Desuellius, uel ut alij malunt, Gratianus Guyenneus tenebat. Cæsi Neapolitani fugatiq̃ue, erumpentibus ex eo Gallis, obsidionem post decimum diem soluerunt. Gallus pabuli inopia

circa Ebulium secessit: castra munivit: equitatu fame consumptum pabulo refecit. Hunc Ferdinandus secutus cum totis copiis, suos hortatus ne fugientem Francum elabi sinerent. Nec Francus praelium derelictabat. Concurritur acerrime. Peditum aequale aliquantum fuit certamen. At hostes imperio ducum minus audientes magno impetu ruentes, & sese implicabant & Nauarrorum cohortes eodem metu perterrituere. Italicique pedites Heluetios & Aquitanos aggressi facile reiecti sunt, equites quoque nullo ordine ruentes, excepti à robore Francici equitatus concisique. Gallus uiribus fortior factus, Aragonis instare cepit: cum Ferdinandus clamitans partem iam sibi adimi uictoria, praelium instaurat. Sed Gallis equitibus undique premētibz, fugatisque his qui castra obsidebant, Ferdinandus quin in manus Gallorum ueniret parum absuit: Eo perterritus Neapolim adcurrit. Hunc Galli secuti & ipsi Neapolim recipere frustra tētant. Ea spe deiecti inde abierunt. Interea arces Neapolitanae à Ferdinando recipiuntur. Vergilius Vrsinus, & Camillus Vitellius cum satis ualido exercitu in Apuliam subsidio Gallis uenerunt: castra cum Mompenserio iunxerunt. Ferdinandus castra propius mouit. & loco non in quo committi poterat praelium: idque accelerandum & Mompenseriorius & Vrsinus decreuerant: sed seditione militum impediti sunt, quos concitatos à Percio Mōpenseriorius frendebat, sumpturus de eo supplicium, cum dicta imperiumue Proregis palam contemneret, ni aduersæ res ad alias eum cogitationes traduxissent. Galli Atellam compulsi, ualidius à Ferdinando Hispaniæ Rege, missis etiam Hispanis cum Consaluo Aegidario, oppugnati sunt. Hic uias omnes quibus comēatus inferri possent, praelusit. Tērauit etiam Atellæ molas frumentarias occulte immisso milite frangere. sed accidit ut Mompenseriorius admonitus eò mittere delectam equitum

Arnol. Ferroni de rebus manum,

manum, in quibus fuit Ferronus Burdigalēsis (qui suppræfectus eius urbis paucis antè annis fuerat) Camillus Vitellius, & Gimelus è Lemonicensiū præfectura summo genere natus affinitatēque Regulo Tureneo cōiunctus, qui hostes adorti, fugatosque usque in castra persecuti sunt. Sed cū singulis diebus noctibūque idem tentatum esset ab hostibus, tandem magno eorum discrimine concisa sunt mole frumentaria. Mompenseriū etiam agrotare cœpit: ac uel morbo territus, uel fractus rebus aduersis, deditionem fecit, ea lege, ut loca omnia à Gallo occupata redderet: ipsi salui cum impedimentis in Galliam mitterentur. Ita & Mompenseriū & Vrsinus in Ferdinandi uenerunt potestatem, cum multis Gallorum Heluetiorūque cohortibus, deditione ignobili pacti salutem: quam nec acceperunt, per speciem clāsis parandæ, qua in Galliam redirent, in loca parū salubria relegati. Mompenseriū aliū febre ex immodicis aestibus cōtracta, aliū ueneno sublatum aiunt. Ex Gallis pauci domum rediere. Vrsino etiam fides uiolata est, Ferdinando fœdera palam uiolante, quod diceret Caietā retineri adhuc à Gallis. Sed nec apud uiolatorem fœderum diuturnum gaudiū mansit. Nupserat ei consanguinea adoleſcēcula adhuc. Immodico coitu extenuatis uiribus, uel ut aliū maluit febre circa Atellam contracta, uel profluuio sanguinis, fato concessit. Federico Aragonio Alphonsi fratri regnum delatum est. Caieta adhuc præsidio Gallorum tenebatur. Sunt ad Caietam terrestres aditus difficillimi, paruaque custodia indigent. Ibi nobilis portus, in cuius introitu arx est munitissima: ex qua si naues aut onerariæ, aut alia conspici possint, machinis inde facile fugari possunt. Stephanus Versius eo loco collectos Gallos, qui Gilberti Borbonij Mompenseriū fœdera cum Ferdinando secuti non erant, in quibus fuere Ioānes Ferronus, & Camillus Vitellius, aliaque plu-

res, perduxit: commeatum in urbem affatim introduxit. Aeger Ferdinandus eo loco & Venetas aliquot naues cum Grimano, Federicòque misit: quæ machinis bellicis territa, soluta mox obsidione, abierunt. Paratæ sunt etiam terrestres copiae Francisco Gonzaga duce, quæ vel locorum iniquitate, vel quòd Gonzagam iam tæderet Aragonensium dominationis, inde abierunt. Vno enim loco, idque lente cum Galli oppugnarentur, facile hostium impetum depellebant. Ita Federicus Columnensibus eam provinciam suscipientibus, ad Ferdinandi donationes adiecit etiam alia eis oppida: hique etiam cum oppugnarent Caietã, uigiliisque oscitanter agerët, antelucano tempore erumpentibus Galli fugati sunt. Hæc Gallicos annales secutus scripsi. At exteri ita easdem res narrant, rex eda ut nobis omnia rursus sint, ut me quidem pudeat tantæ incertitudinis. Narrabo uero bona fide quæ hi prodiderint: sic enim i. Interea Ferdinadus cum tribus millibus peditum, equitibus quingentis, quibus Hugo Cardonius præerat, unã cum Consaluo Ferdinando, quem uiolato fœdere subsidio Ferdinadus Hispaniarum Rex miserat, cum quinque millibus peditum, & septingentis equitibus, e Messana Rhegium delatus est: facileque impetrauit, ut portæ sibi aperirentur. Qui Gallicarum partium erant, sub aduentum Ferdinandi urbe excedentes, in arcem sese receperunt: hanc mox ille oppugnare adortus est. Non uidebantur Galli laturi obsidionem: itaque trium dierum inducias impetrarunt. Dum agitur de conditionibus, Consalvus machinas tormentaque auehi imperat, partemque arcis potuit, multis casis qui imparati nihil tale expectassent: reliqui in partem aliam arcis munitiorem sese recepere: ea cum expugnari etiam posset, uelo expanso, colloquium petebant. Cum produissent hostes ad colloquium, quæsiere quod ob factum dictumue uiolatis induciis casti essent: simul orarunt,

Arnol. Ferroni de rebus

ut

ut remoto exercitu, siquid transigi possit, conficeretur. Emanuel Benavidius, unus è Cōsalui comitibus, uiolato fœdere, obambulantes è sua cohorte aliquot prius uulneratos que-
rebatur. hæc etsi confecta apparebat, conuenit ut arce de-
dita, Galli incolumes, complicatis uexillis, armis succincti
emitterentur. Præerat tum Rhegio Adrianus Maillius Cō-
tius. Ferdinandus dum recens terror esset, ad fanum Aga-
thæ, & Semenariam cum tribus peditum millibus misit.
Nec ibi mora deditiois facta: emissi tamen ab oppidanis
prius Gallici milites incolumes alia porta. Multæ Gallicis
militibus, cum alij inermes quasi in pace abambularent, alij
pabulatum dilapsi essent, à Consaluo intercepti sunt. Ber-
nardus Aubignius, quem multi Ebrardum Stuardum uo-
cant, qui Brutiis præerat, cum aperte bellum geri uideret, ad
Terinam consilium habuit: is locus hodie Terrænouæ no-
mine notior est. Adfuere Aubignio præsto Franciscus Ale-
grius iunior, cui Persio cognomen: Gratianus Guerrus, Ge-
orgius Desuilius, Ludouicus Dillierus, Erăcisus Bouchar-
dus Aubaterreus, Gabriel Alebretus Dauenesus, Gasto Ca-
stelbaiacus, Nicolaus Danfrenillus, Maserius Gaillardus,
Riuierius Lislius. Placuit, quādo equitatu pollerent, pugnā-
di copia fieret ferocienti hosti. Ita ad Semenariam propere-
tum est, eo consilio, si se hostes in urbem reciperent, ut omni
parte simul urbs oppugnaretur. Ferdinandus, qui satis nos-
set, in euentu eius præliū positum esse si superior euaderet, ut
facile postea paterno regno potiretur, tutam fore belli aleā
ratus, dissuadente Consaluo totam curā in certamen intēdit.
Aubignius, omnibus præparatis, in cāpos apertos qui Se-
menariæ subiacēt, circa flumē uicinū collocauit suos: uidens-
que ad flumen properare Ferdinandum & Consaluum,
latatus est pugnandi copiam sibi fieri. Consaluus & Hu-
go Cardonius, quorum consilio utebatur Ferdinandus, col-

locauere ad lauam pedites Hispanos & Terraconenses citiore in ripa: equitatum in dextram expansis late alis deduxerunt. Aubignius Heluetiorum pediatum Hispanico pediatui opponit: è Brutiis & Gallico pediatu cohortes aliquot in tergo subsidio relinquit: ipse parte equitatus sumpta partem alteram Alegrio committit. Erat Gallus flumen transeundum: expectarátque Consalvus ut occupatos in traiciendo distraheret. At ubi uidet quadrato agmine Gallos in se ferri, ne suis distrahendis reliquorum robur minueret, instruit aciem, occurrereque Hispanos equites Gallicis iubet, si forte loco eos pellere possint. Hi cum cataphractis. Gallicis congressi, ne primum quidem eorum impetum tulere: nec Hispani pedites clamorem Heluetiorum sustinuerunt, sed equitum suorum fuga commoti sensim sese proripiebant. Id intuitu Aubignius & Alegrius, à dextra & Leua cum robore equitatus inuecti in pedes, proculcatis multis reliquos in fugam uerterunt. Heluetij & Galli instantes ingentem eorum edidere cadem. Ferdinandus & Cardonius, quàm fugam suorum cernebant, cum cohorte pratoria occurrebant: redire eos in pugnam iubebant: multi rediere, sed Aubignius cum sua ala acriter instabat. Ferdinandus cum suos pelli undique uidet, in fugam uertit equum: sequentibusque è Brutiis aliquot qui Regem agnouerant, parum abfuit quin interciperetur. Sed equo ob precipitatum cursum lapsus, cum iam Galli manum iniucerent, à Ioanne Andrea Altauillano subleuatus, equoque alio donatus, inde se proripuit. magna fortunæ indulgentia. Quippe Altauillanus à quo subleuatus fuerat, uix dum eo paululum progresso ab equitibus Gallicis necatus est, dignissimus longissima uita, qui dum hero subuenit, uiuus nidensque in certissimam perniciem sese coniecerit. Ferdinandus cum pauci fugiēs Messana, Consalvus, in ipso itinere pluribus se adiungentibus,

Arnol. Ferroni de rebus

Semenariam

Semenariam prius, mox loco diffidens Rhegium concessit. Semenaria mox in Gallorum rediit potestatem, unà cum Fano Agathæ & vicinis aliquot arcibus. Ferunt Ludouicū Aragonium unum ē Pontificiis purpuratis captum: sed dum mutata ueste in priuati sacrificuli modum obambulat, relictum. Theodorus Triuultius, & Benauidius ita uulnerati sunt, ut desperata ualetudine uix tandem pristina ualetudini restituti sint. Consaluum Semenaria egressum cū per ignotos Gallis calles Rhegium sese proripuisse, frustra Aubignius persecutus est. Alegrius & Insulanus instandum esse mox putabant Semenariæ, nec percussis Hispanis & Consaluo sese inde proripiendi occasionem dandam. Id cū displicuisse, Aubignio fatigato toto die labore, quando hoc bene successisset, hilarem hunc sumendum diem, & crastino die posse tentari diceretur, nequicquam postea, nocte fugientibus Hispanis tentatum. Interea Ferdinandus, cū ē Messana conscendisset unā cum classe parum frequenti, uti Syracusas transmitteret, non ita multum prouectus, reiectus uentis est in Messanam. Ibi literæ prius uenerant, Commotos Neapolitanos, Columnensium opera multos in armis esse. Duce tantum & authore Rege belli opus esse. Si se cōmotis ciuibz ostendat, & Neapolim & Capuam & Campaniæ loca omnia mox, Gallorum dominationis pertasa, ultro ueterē Regem acclamatura esse: ciues repudiatis malis suis asoribus, ad authoritatem Aragonum esse redituros. His literis lectis, repudiato consilio Cardonij & Ludouici Aragonij, primum cœpit de reuersione cogitare: celeritēque Neapolim deuectus, promptiora ciuium studia quàm existimaret, nactus est, pulsus Gallis obuios ciues, festo cultu procures, Gilbertus Borbonius, ut uidit omnia aduersa, arcibus se continuit. Dum Galli, qui in præsidio Auerse & Capuæ relictī erant, Mompenserio opem ferunt, ciues Fer-

Gestus Gallorum Lib. II. E ij

dinandi vexilla erigentes in eius potestatem rediere. Neque
 uerò arcibus annona in multos menses illata fuerat, neque
 hæc instructa rebus ad longam sustinendam oppugnatio-
 nem necessariis. Ferdinandus arces, & Cardonij cōsilio, &
 Prosperi Columnæ auxilio usus, summa ui oppugnat, dum
 neque nūmi in stipendium militi, neque auxilijs spes adest.
 Borbonius re cum suis deliberata, inducias cum Ferdinando
 paciscitur: his additum, nisi intra eum diem qui cōuenerat,
 auxilia adessent, arces dederet: Galli omnes incolumes cum
 omni & supellectile quā auferre possent, & armis, emit-
 terentur. Interea certiores facit Aubignium, nisi intra pau-
 cos dies obseſis opem ferat, actum de arcibus. Aubignius
 cum longo morbo confectus esset, premereturq; adhuc do-
 loribus acerrimis corporis, cō e Lucanis accitum misit Ale-
 grium Persium cum robore equitatus & peditatus. Is ob-
 uios habuit in itinere Aragonios: exceptisq; angusta uia,
 cum equitatum explicare non potuisset, quā uenerat redire
 sese simulauit. mox Ebulium adiit. instare hostis, nec Galli
 detrectarunt certamen. Videbatur haud inaequale certa-
 men, donec Petrus Irigous, Alegrij monitu Aquitanos ur-
 gere cepit, rogareq; siccine pugnaturos sese sponduissent?
 In castris feroces, in acie trementes? ecquid cum toties uicto
 hoste litigarēt? Illi incitati facile fregerunt Aragonios, præ-
 sertim cum iam distracti essent, missus qui castra Gallica op-
 pugnarent. Ea egregie defensa sunt à Francisco Malherba.
 ita uersi sunt hostes in fugam: multi caesi: vexilla tredecim
 relata. Ferdinandus parum absuit quin à Carolo Bridaco
 Dargio necaretur fugiens. Alegrius uictis instans, cum in
 conspectum arcis uenisset, Gallos accendit, quasi paratum
 esset auxilium: ut iam de necādis obsidibus deliberarit Fer-
 dinandus, quasi uiolatis conditionibus. Galli Neapolim re-
 cipere tēant. Magdalena fanum tenuerunt: hortos Regios

Arnol. Ferroni de rebus

inuascent:

inuaserunt: sperantes tumultum aliquem ex tam uasta ciuitate. Iam admonebat obsides arcibus Ferdinandus, minitans eis laqueum. Alegrius quidem longo circuitu in arcem peruenerat, erumpensque ancipiti praelio cum hoste congressus est. Mompenserius quando Alegrij auxilium ferum uidebat, in uetere sententia manebat: Reliqui uiolatas leges induciarum à Ferdinando aiebant, cum ingentes munitiones interea extruxisset. In eas Galli è portu erumpentes, deiectis munitionibus Columnenses in fugam uerterunt. nã Prosper Columna totus et animo et corpore in eam curã incumbebat: Alfonso tamen Daualo strenue dimicante, Phari turre recepta, labare Gallis animi cœpere. Hi mox confirmati sunt morte eiusdem Dauali. nanque is cum Punico mancipio agens de incendenda Gallica classe, sagitta ictus occubuit, dum incautius pretium ad Pœnum per summum horrorum parietē perfert. Iam Prosper eas munitiones Ecclie monti admouerat, ut re desperata per Pausilippum mortem Persius redire cogeretur. Pomelianoque oppido direpro frustra sequente Ferdinando, fugatis ad Nola uicinos campos Terraconensibus equitibus, expugnatisq; multis Samnitum oppidis, exercitum tandem in Apulia in hyberna dimisit. Itaque cum undique præcisa esset spes auxilij, Mompenserius nouis conditionibus scriptis, obsidibus prius receptis instructo exercitu cecit. Secessit in Apuliam, et corrogata undique pecunia (neque enim à Rege afferebatur) exercitum instaurat. Huic adfuerunt Paulus Ursinius, Virginius Ursinus, et Paulus Vitellius cum Salernitano. Hi soli ex exteris fidem minime cum fortuna mutant. Persius euocatus à Mompenserio, tardius cum robore Heluetiorum aduenit. Rogatus ecquid tardius aduenisset tories efflagitatus, contumeliose respondit ut nisi aut ab Heluetiis Mompenserius sibi metuisset, quos ille sibi conciliarat oppidulorū

aliquot direptione, uel Virginij Vrsini oratione placatus
 esset, supplicium sumpturus de Alegrio quasi seditioso ia-
 ctaretur. Ferdinandus paulò antea legatos Venetias mise-
 rat auxilium à federata ciuitate petentes. Cùm negaretur,
 pollicitus est sese oppigneraturum Apulie aliquot ciuitates.
 Ea pactione Veneti Franciscum Gonzagam cum ualido
 exercitu misere. Eius aduentu recreatus Ferdinandus castra
 propius mouet. Occurrerat hic ad Fogiam Ferdinando. In-
 terea haud longe à furcis Caudinis Mompenserijs audiens
 progressas aliquot Germanorum & Neapolitanorum co-
 hortas, uti se cum Prospero Columna coniungerent, nactus
 palanteis cum Paulo Vitellio eas mox consecratus est &
 concidit: in ea tamen tumultuaria pugna necati ex Gallici
 equitibus Cemperus unus ex Boiorum nobilitate, & Poi-
 ethus Aruernus. Ferdinandus auctus nouis copiis quas Io-
 annes Gonzaga adduxerat, Circellum uenit. id oppidum
 Galli obsidebant: soluta est obsidio. Inde Ferdinandus per-
 git ad Frangetum oppugnandum. Primo die uana fuit op-
 pugnatio, erumpentibus oppidanis: sequenti admota cura
 essent machinae, & prostrata moenia, potitur urbe Ferdina-
 dus. direpta urbi, dum Galli adsunt auxilio, faces subiciun-
 tur: miserè que uagante incendio serum fuit auxilium. Eodè
 impetu recepta Altauilla. Qui res gestas Gonzaga scripse-
 re, narrant Valatenses direptos: inde Regem & Gonzagā
 Nuceriam conuenisse. Inde Paludem, Circellum, & Fran-
 getum. Ita proxima fuisse castra ut quo loco pranderent
 Galli, Aragonij cœnarent: eodem è flumine utrisque hauriē-
 tibus, ubi utrinque multi sint cæsi dum cunctantur. Ies-
 naldos, dum se Galli Atellam recipiunt ab hoste direptos,
 & Andretenses, qui loco cesserant. Nusquam integris uiri-
 bus certatū: tumultuarijs pugnis quotidie: quibus Epirotæ
 equites Gallorum nim non sustinentes, per gyrum elabentes,

Arnol. Ferroni de rebus

uarietate

uarièque concurrentes Gallos fatigabant. Germanorum aliquot cohortes dum stipendia non representantur, & ampliora ab hoste offeruntur, ad hostes transiisse. Mompenseri ubi suos artem uider, castra propius mouit Frangeto oppidulo. Luce prima iubet instruaturs pedestris acies, se equitatum omnem leuèmq; armaturam educturum. Videbatur & hostes in certamen uenturi. At Heluetij uel causati stipendia non soluta, uel Alegrij Persij oratione commoti, qui infensior Mompenserio ueteribûsq; simultatibus incitatus grauius imperium illius ferre uidebatur, negarunt nisi persoluto integro stipendio sese produuros. Ita discordia horum conuulsa res Gallica. Accisis rebus in Atellam Galli se recipere, fremente frendenteque Mompenserio, qui talem contumeliâ uindicaturus erat, si per fata licuisset. Alegrijus leuibus ex causis irritatum aiebat Mompenserium, quem elato animo omnis, quæ haberetur contra uoluntatem eius, oratio grauius offenderet. Vocatus est Consalius cum robore Hispanorum militum ad Atellam. Erat Gallicum praesidiû extra Atellam dispositum gratiâ frumentariarum molarum tuendarum. Id cum opprimere uellet Consalius, Hispani peditatum quo abundabat, Heluetiorum & Aquitanorum cohortibus opposuit: equitatum ita disposuit, ut ala una abderetur inter molas & oppidum decliui loco: altera undiq; excurrès Gallos sese proripientes opprimeret. Iam Hispani concitati cum ingenti clamore in Heluetios & Aquitanos incurrunt. Heluetij insolito tumultu turbati primum dilabi, mox Aquitanos imitati qui sagittis hostes iam morabatur, inuecti in eos facile impetum sustinebant, nisi equum clamore compulsi utrique in urbem sese proripuissent. Alegrijus ex urbe egressus cum lectissimis equitum copiis, cum ab Epirotis equitibus eluderetur, in peditatum Hispanum progressus, multis proculcatis & dissipatis & captiuis abdu-

Gestis Gallorum Lib. 11. E iij

Etis, in urbem rediit. Consalius feruentetumultu molas cō-
fregit, eo ipso uictoria sese positum magnifice iactitans. Is
postero die ad laceffendos Gallos progressus cum loco fidē-
tes detrectare diceret certamen, Ripam candidam oppidu-
lum praesidio uacuum nequicquam queritantibus ciuibus,
qui se iam à Ferdinando in fidem receptos aiebant, Hispani-
nis dripiendum dedit. Gallus plus animi quàm uirium erat.
prohibebantur pabulatione, aquabantur agre, nullam ha-
bebant annonae copiam propositis uariis consiliis, nihil ex-
plicitius occurtebat quàm eruptione tentare fortunam: erat
id plenum periculi: itaque desperata tutela urbis Atellanae,
de deditioe agere cœpere. Alegrius ipse in castra ad Ferdi-
nandum profectus est. His legibus deditio facta, ut Galli in-
columes cum supellectili impensis Ferdinandi in Galliae ui-
cina loca ueherentur: machinas bellicas relinquerēt: maiores
equos praeter unum ne quis aucheret, nisi ex Regis uolun-
tate: Virginius Vrsinus liberè ad suos rediret. Ille auctor
fuit Gallis ne in aciem dimicationemque uenirent. Nec ta-
men fides illis seruata: nanque sub specie parandae classis in
loca insalubria relegati multi periere, uel calis inclementia,
nullo hostium dolo, ut Italici scriptores prodidere: uel simu-
lata fallacia, propinato etiam quibusdam ueneno, ut uideo
Gallicos aliquot scriptores narraffe, praecipue de Virginio
Vrsino praeter fixdus necato. Occubuit Gilbertus Borbo-
nius, Mompenseriuss, Robertus Lenocurtius. Mompenseriuss
indignatione, cum promissa non seruarentur, multi uolunt
decessisse, tamen si à Gonzaga moneretur, si saperet, ne praeter-
quam quas captiuitas ipsa haberet molestias adderet: Et
illas quas haberet, recte ferret. Ex Heluetiis mille trecentis
uix trecenti in Galliam rediere. Hi toto eo bello fidelissimi
Gallo fuere, nisi quod ab Alegrio concitati pugnam detre-
ctarunt, libenter pugnaturi si ille imperasset. E Germanis

Arnol. Ferroni de rebus

occurringi

occurrenti Mompenserio missi, cum trium mensium solum stipendia accepissent, ul'ro in castra Ferdinandi peruenere. deditio facta Gonzagæ Mantuano, non Ferdinando: erat enim Mompenserus sororius Gonzagæ. Ferdinandus paulo post desideratus, ipseque Gonzaga graui & diuturno morbo concussus est. Interea Aubignius & Cösentiam & Laynum & pleraq; alia loca, quæ prius occuparat in Brutis Consaluis, cæsis qui in præsidio relictierant Hispanis, recepit. itaque ille in Brutios mox rediit aucto exercitu. Sane Aubignio præter opinionem improuiso incidit Consaluis, cuius fuerat uirtus domi militiaq; cognita. Venère ad Aubignium Hispani aliquot equites, colloquio locum petentes. Vbi quæ postularent audiit (narrabant autem Atella deditionem, horrabantur, mallet Federici noui Regis, nam is Ferdinando successerat, clementiam quàm uim experiri) conuenit datis decem dierum inductis ut is è suis mitteret quosdam, qui exquirerent uerane essent quæ narrata erant. Ea ubi uera esse audiit, pactus est ut urbes uacuas præsidii relinqueret: ipse cum uniuerso exercitu liberè ad suos rediret. quo federe etiam cautum, ut ab Oberto Rosscto, præfecto Caietæ, orto ea parte Galliæ quæ Delphini nomen retinet, impigro homine & nauo, Caietæ arx cum urbe dederetur. Oliuetanis dum Rodoricus Daualus arma temere infert, urbe illi erumpunt cum Gallis: circæque uicum cui Insula nomen, multis cæsis occubuit Daualus. Oliuetani tamen paulo post adueniente Consaluo, emissis liberè Gallis, imperata fecere. Idem Consaluis Menaldum Guerram, qui portu arcæque Ostensi occupata Pontificem fatigabat, mox uictum abduxit. Aubignius instructus copiis in Galliã rediit. Atellæ deditionem & uictoriam multi Gōzaga acceptam referunt, non Consaluo aut Hispanis. Id quidē constat, ea deditione ita fractos & comminutos Gallos, ut fa-

Gestis Gallorum . Lib. II.

cilē qui superfuere debellati sint. Circa ea tempora Neapoli dira scabies homines inuasit, cui cū pharmaca ut nouo morbo quærerentur, multos absumpsit. Hunc morbum uane quidam dixere elephantiasim: alij lichenas: & id impetiginis genus, quod accepto osculo mentum uenaretur: à C. Plinio, cuius & C. Celsus plures species prodidit, designatum. Alij carbonem, alij ignem sacrum, alij lepræ speciē, alij inter morbos populatim aut uiastrorum, aut aëris intemperie uaganteis collocauere: adnotantq; eodem anno quo is morbus grassari cœpit, in Romano agro Tyberim, in Bononiensi Rhenum, in Ferrariēsi & Mantuano Padum, in Veneto Athesim extra solutos limites exundasse: tantisque imbribus annum eum maduisse, ut terris undique humentibus minus mirandum sit æstiuum aërem ad eam intemperiem peruenisse, calidam & humidam, quā M. Tullius ex Philosophorum placitis putredini corruptionique causam dare scripsit. Alij quidam inter morbos contagione polluentes adscribere occultam & uenenatam illius esse naturam uoluerunt. Ne hoc quidem prætereundum est, dum rediit Carolus & diuersatur apud Astenses, singulari certamine, congressos Gallum & Italum. Gallus cū esset paruulo corpore, Landa nomine, quasi nanus ab Italo Christophoro

„ Zerbulo Genuensi uasto corpore homine uocatus, At hic,
 „ ait, nanus Herculi tuo clauam est extorsurus. Inspectante Rege, pompæque insigni parata, & præparatus longo ordine his rebus, quæ ad singulare certamen, nescias uanius an profusius, parari solent, tandem congressi diu gladiis acriter rem gessere. Vix unquam alias tanto animo & Galli & Itali in certamen singulare ullos uenisse fatebantur. Dum successu alitur utrinque certamen, dum neutri certum est cedere, dum Italarum præsentia Zerbulo, Gallorum Landæ crescere uires uidentur: tandem impaſſo per uiscera gladio

Arnol. Ferroni de rebus iacuit

iacuit Zerbulus. Iacentem sese condonare Italorum nobilitati Landa professus est: isque in vicinum tētorium delatus, curatus est. Zerbulo Rex uictō trecentos nummos aureos, Landa uictori quingentos donauit. Vix meminisset huius duelli, nisi Symphorianus Campegius M. Antonium Sabellicum odio Gallorum tam præclarum facinus præterisse indignaretur, qui & in tantæ rei memoriam quo loco pugnatum est, trophæum erectum ait Fuit is Landa Burdigalensis, familia honesta potius quàm illustri. Carolus ad eos qui Caietam obtinebant, iterum atque iterum subsidia decreuit. Sed uel socordia eorum qui præpositi erant, uel hostium uigilantia labor irritus fuit, etsi fere integro biennio his qui ab Aubignio submissi erant, urbem acriter tuentibus, & Venetorum & Ferdinandi Hispani, & Federici Neapolitani conatus iriti fuerint. Rex Lugdunum petuerat. eò allatum est ei de filij morte: magnūque dolorem cepit: at multo maiorem Anna Regina, quæ humi prostrata miserè deflebat extinctum filiolum, ut neque modus, neque intermissio lachrymarum, neque ulla admodum leuatio ad futura uideretur. Adfluentem moerentēque exquisitis undique oblectamētis Rex consolatus est: nihilque prætermisit quod ad eam recreandam pertineret. Eius pueruli ferociam patri exosam sunt qui scribāt: Ex quo omnibus formem magnatum intuentibus, uideri necesse est miserrimam: sic distrahuntur in contrariis uoluntates eorum cupiditates, à liberis ut, eisque infantibus, sibi metuant. Ipse Carolus cum esset in rebus gerendis satis industrius, & comitate liberalis atque peculiaribus Regum uirtutibus abundaret: quorundam familiaritate & consuetudine ita oblectabatur, regnare ut hi demum uiderentur. Rex cum eum una hæc cura Neapolis recipiēda urgeret, nona fœdera cum aliquot Italis principibus inibat, Pōtifice, Venetis quoque, & Gestis Gallorum Lib. II.

Florentinis & Senensibus ad parteis uocatis. Exteri multa equitum pedumque millia pollicebantur: nec Gallus se-
gnius copias scribebat. Iamque parata erant omnia. præ-
missæ copię. his præesse debebat Ludouicus Aureliorū prin-
ceps: quem ut paludatus ad castra proficisceretur, Rex quo-
tidie expectabat. Is diem è die ducere, modo hanc, modo
illam causam impeditæ profectionis necitare. Verebatur e-
nim longiorem profectionem, cum Regem parum esse fir-
ma ualitudine uideret, seseque regno potiturum. Re ad cõ-
siliū relata, decretum ut is primo quoque die exiret. Is nõ
sua ipsius querela, at Regio nomine prætorem exiturum se
aiebat. Itaque commotus huius dissimulatione Carolus, om-
nia belli consilia abiecit, crebrò dictitans, neminem se ho-
minem inuitum in castra missurū, repositurus tamen Au-
relīo, ni priores res eum ab hoc consilio auertissent. Et tamē
ne nihil actum uideretur, missus est Iacobus Triuultius,
qui exercitui præesset. & huius quoque conatus uani fuere,
nouis occasionibus uetera consilia extrudentibus. Nanque
eodem tempore Baptistinus Fregosus Eliscorum factione,
adiuuante etiam Paulo Fregoso purpurato Pontificio, pa-
truo, urbe pulsus Genuensium, si expeditæ aliquot cohortes
mitteretur, quo die uenisset, Genuam se redditurum recipie-
bat. Ita Rex missis ad Triuultium literis, iubet parte copia-
rum ei data Genuam tentet. Eodēque tempore Iulianus
Ostiensis Pontifex, Sauonam quoque Regi pollicebatur, si
auxilia adessent. Huic etiam partem copiarum ad Sauonā
recipiendam Rex tradi imperat, uel ignarus satis distractas
copias missis ad Genuam cohortibus, uel sperans utraq; ur-
be se potiturum. Triuultius quo pacto curaret Regis man-
data, fideliter exquirebat. Dum uerò tempus ducitur, certior
factus sfortia, Genuam missis copiis muniit: Galli que pro-
fecti cum Baptistino Fregoso, dubitare cœperunt de eius fide.

Arnol. Ferroni de rebus

) Tantum

Tantum enim absfuit, ut eius praesidio Gallicam classem firmarent, ut & à Sauonenfibus urbe, portu, statione, commeatu, aqua deniq; prohiberetur. Ita labor hic irritus fuit. Iulianus etiam Cardinalis, Sauonenfium res munitiores naétus quàm speraret, fatigatis nequicquam Gallis, inde se proripuit. Ita dum plures simul rei benegerendae occasiones mifcentur, altera altera frustrata est. Triumultius Mediolanensem ipsum principatum tentare uolebat: in Italiã cūpiebat belli molem trans ferre, in sede ac solo fuorum: ab his armis, equis, commeatibus, auxilia uentura rebatur: omnia ibi sfortia inimica infesta que futura. Et iam aliquot oppidula receperat, cū in Galliam à Rege reuocatus est. Eodē tempore & cum Ferdinando Hispania Rege, quod iam ante suspectum fuerat, motum est bellum. Qui è Neapoli redierant, auxilia Federico ab eo mitti nuntiant. Misi sunt qui eius regionem populareretur. ipse etiam misit qui Galliã Narbonensem excurrerent: hi terrore magno illato, agros populati, ad suos se receperunt. Accensa utrinque odia. Rex quum copias coegisset, his praefecit Carolum Albonium, cui & Sanctoandreaano cognomen est, hominem acrem & rei militaris peritissimum. Arx est Salsarum (quam Salsulariū nomine sunt qui putent à ueteribus designari) circa Ruscinonem. Ea ita à Perpeniano distat, ut locus alter alteri auxilio esse non possit. Valido eam hostes praesidio tenebant. Ridere hi consilia Gallorum, qui eò copias admouerant. Sed nihilo secius Albonius uincas agere, tormēta castro admouere: & quo loco aquis palustribus locus septrus est, eo etiã hostes terrere. Ferdinandus ipse ad Perpenianum exercitiū comparauerat instructissimum. Sed Albonius inter Salsulas & Perpenianum loco oportune capto, diremerat Hispanis societatem auxiliū mutui continuatāque obsidione decē horis integris, Salsula in potestatem Gallorum uenire. Et

sane eo tempore nõ erat his mœnibus praesidiũq; locus, quibus hodie, firmatus. Nam tertio post hoc prælium anno à Ferdinando ita munitum esse, suadente Petro Nauarro, qui opus ipse ex rediuiuo quasi nouum extruxerit, relatum est. Sanctoandreas cum suadere uellet Regi, ut receptum locum muniret, minime ex auditus est, deterrito Rege impensarum magnitudine. Capti eo loco ex Hispanorum nobilitate quinquaginta, multi necati, præda ingens relata. Caetata tandem in hostium uenit potestatem, sed æquis conditionibus: Commeatu, nauibus, pecunia instructi, ad suos se receperunt, Massiliamque appulerunt: unde agitari cœptum est de pace inter Ferdinandum & Carolum. Misit in Galliã Ferdinandus Ioannem Mauleonem sodalem Franciscanũ (nam hoc hominum genere maxime cum usum ait Cominius, & Italos plerosque proceres Corius, quasi specie religionis in speculis constituti diuina humanis miscere simulatione libera eis liceat.) Cum eo Rex ad Ferdinandum Renarum Clerium & Michaëlem Grandimontanum Aquitanum remisit. hi id agebant cum Ferdinando, ut auxilio esset Regi ad Neapolim recipiendam, ipse partem regni modicam Sicilia uicinam recepturus. Id illi redeuntes recepisse Ferdinandum aiebant. Sed cùm Ferdinandi legati qui cum his redierant, parum hæc sibi comperta dicerent, remissi sunt ad Ferdinandum iidem illi, Clerius Grandimontanus & Paulus Bouchagius, rogantes, num hæc pepigisset, præsensque forderibus se ad futurũ certo die edixisset. Is de his quidem se cum Regiis legatis egisse dicebat, sed tẽrandi gratia, non quasi exploratam rem asserendi: sane quàm lubenter curaturum se, ut pax cum Aragoniis, Italisque coeat. Quæ cùm Clerius & Grandimontanus audirent, excauerũt. Grandimontanus etiam Ferdinando, uenia prius impetrata, palam dixit, hos sermones cum prioribus parum con-

Arnol. Ferroni de rebus

gruere:

gruere: ad quæ ille quasi non exaudiens, uel quod uere non exaudierat, nihil respondit. Ita pacta sunt in aliquot menses induciæ. Paulò antea dira scabies homines inuasit tota Gallia, cuius & suprà meminimus: cui cùm remedia ut nouo morbo deessent, multos absumpsit. Galli Neapolitanam scabiem, quòd eo redeûtes eam experti sunt: Itali Gallicam, quòd è Gallia à Gallis ad se euectam: rursus & aliq̃ Hispanicam, ob Hispanorum circa Neapolim appulsum, uocant, utroque populo in alterum nomen reiciiente. Veteribus olim non ignotam sunt qui contendant: tam frequentem nō fuisse certissimum est. Ac quidā ita prodidere, Hispanos ex Indica nauigatione cum Christophoro Columbo redeuntes, ea infectos rediisse: iunctosque postea Consalui copius, mali contagione serpente socios infecisse. Esse porrò apud Indos cum morbum frequentem, sed qui facile ligno Ebena eoque quod Gaiaciū uocant, apud eos excellenti, curetur. unde & Indicā aliq̃ scabiem, in Indiā eam relegantes, uocant. Est illa quidē Columbi nauigatio omni laude dignissima, sed quam Artemidorus & Eudoxus olim designarant. Nec minus olim laudati, quos Græci narrant insulam in Oceanum uersus meridiem reperisse. Iambolus à pueritia eruditus, post patris qui mercaturam faciebat mortem, & ipse mercaturam fecit. Per Arabiam transiens ad aromata emenda, captus à latronibus: ac deinde ultra Aethiopiam maritimā ductus, ex more quo exteri expiationis gratia nauigiolo imponuntur, post quatuor mēsum nauigationem multis actus tempestatibus, cum suis ad insulam delatus est, figura rotundā, stadiorum ambitu quinque millium: cognouitque insulæ ritus. Septem quoq; insulas, simili magnitudine paribus interualis eiusdem gentis. Nec prorsus fabulosa Eudoxi illa nauigatio quanquam refellat eam Strabo. Taprobanem ut liqueret insulā esse Onesicritus præstitit, cuius Eratosthenes

Et mensuram prodidit Et uicos. C. Plinius Claudij principatu notio-
 rem factam hoc modo narrat. Annij Plocami qui maris rubri uectigal à fisco redemerat libertus circa Arabia nauigans, Aquilonibus raptus, præter Carmaniam decimoquinto die Hippuros portum eius inuectus hospitali Regis clementia sex mensium tempore imbutus alloquio, percontanti postea enarrauit Romanos Et Casarem. Mirum in modum in auditis iustitiam ille suspexit, quod pares pōdere denarij essent in captiua pecunia, cum diuersa imagines indicarent à pluribus factos. Et hoc maxime sollicitatus ad amicitiam, legatos quatuor misit, principe eorū Rachia. hi narrabant Lunam apud ipsos non nisi ab octaua ad decimam sextam supra terram aspici: quod etsi falso narrarent cum nulla uideatur omni mari insula qua eodem quo nos pacto non intueatur Lunam crescentem atque decrecentem: C. Plinij tamen mendacium non est, at legatorum. Legimus Eudoxum cum Lathurum Regem fugeret, Arabico sinu egressum per hoc pelagus, ut C. Nepos affirmat, Gades usque peruectum: Et apud C. Plinium Hannonem per fretū Gaditanum egressum, ad Arabiam usque uenisse. Relata ab eodem Plinio insulae Aethiopici maris plures. Statius Sebosus Fortunatas insulas recenset. Iuba Rex de iis ita inquisiuit, ut Et nomina referret, à quo Et Mauritania insula reperta, in quibus Getulicam purpuram tingere instituerat. Horum omnium diligentia uicta est etate ista à Christophoro Columbo. Circa idem tempus institutum fuerat Lutetiae cœnobium prostituerarum mulierum ad fugem redeuntium resipiscentiumque: indeque ad alias Galliae urbes manauit. Simile quid olim à Iustiniano Casare institutum narrat Procopius: Et Pius Pontifex apud Viennenses resipiscentibus fœminis dicatum ait sanum, quæ Teutonica lingua hymnos decantent. Harum si quæ ad labem pristini

sceleris redierit, pœnam esse in Danubium præcipitatione. Caroli impetus resederant: certo tamen consilio Neapolis repetendæ: cum Francisco Gonzaga & Vrsinis noua inibat fœdera, Florentinis adiunctis, Alexandroque Pontifice ad partes uocato. Veneti quoque accessuri uidebantur. Interea dum cautius res meditatur, profectionem iterum atque iterum differt. Ac cum in eum sermonem incideret, palam assererebat nunc hac nunc illa parte erratum: sed si eo rediret, se perfecturum, ut errata prioris profectionis cautiorebus consiliis sarciret. Castrum Ambasianum magnifice, conquisitis undique architectis solertibus, ædificabat. Caput & ipsam Galliam probatissimis institutis regere. Ipse bis hebdomade, omnium querelis auditis, ius dicebat, libero omnibus aditu ad auditorium dato. Nemo fuit quantumuis abiectus, qui non ad prætorium ubi uenisset, audiretur. Constituerat, magistratus Regios salariis auctis, ab omni quæstus auocare, iure illo etiam sportularum sublato. Duodecies centum millia libellarum Turonicarum, nomine tributi à Gallia tantum quotannis exigere uolebat ad alendas copias. Ipse se familiamque suam, omnes etiam aulicos magistratus, ex fructibus obuentionibusque regionum prædiorum, canonis Regum, aliorumque iurium, alere debebat: quem morem priscos Gallia Reges conseruasse ferunt. Sacerdotum ambitionem fastumque tollere uolebat. Vxoriorum torum caste colebat, cum prius adolescentiam uariis illecebris traduxisset. Pater puerum Latinis literis instrui noluerat. Ipse optimos quosque authores in linguam patriam uersos didicit. Magistratus non nisi eruditissimis probatissimisque uiris dedit. Ac sæpe falsus ab aulicis, qui inde pecuniam extorquebant, ad Senatorium gradum neminem admisit, qui non ab ipso Senatu nominatus lectusque esset. Nec temere nouam ullam sanctionem proposuit, quæ non à Gallia ci-

riis prius probata discussaq; fuisset. Ferebatur gloria, flagrabat cupiditate iusti triūphi, cupidus laurea & nominis illustRANDI, omnia apud eum lauta, elegātia, exquisita: gibbo de formis, oculo peto, at ingenio acuto. Cum audiisset Græca Iustiniāni sanctione cautum, ne quid absenti Episcopo ex ecclēsiæ redditibus mitteretur, at id uerteretur in alios usus ecclēsiæ, cogitabat de ea lege renouanda, sed hæc consilia interpellata bello refrixerant. Tanta indole Princeps, repente sublatus est. Nam quodam die ex cubiculo uxoris prodicens, unā cum ea in ambulacrum apud Ambasiā substituit, ut qui in castro pila ludebant simul spectarent. Atque ibi orto sermone cū Ioāne Episcopo Andegauense de prioris uitæ erratis, ita sibi futurum propitiū Deum obtestabatur, si nō speraret posthac futurum, ut Deū neq; culpa ulla piabili, neq; explabili, quoad eius fieri posset, offenderet. Hæc dicēs mox auersus corruit, hora dici post meridiū secunda, iacutiq; ad horā nonētis undecimā, quo cū uox eum defecisset, expirauit. Sed cū ad se redire uisus esset, extrema hæc uox teritiō audita est, Deū sacræque Virginē implorantis. Vbi primū corruit, in uicinū ambulacro cubiculū, quo nullū toto castro sordidius erat, perductus: ubi casu nō culcitra, nō torus linteo ornatus. Palearium tantū aderat linteis sordidis substratum. Atque ibi is cui tot castra ornatissima, tot urbes florentissima parebant, animā egit, magno sui desiderio apud omnes relicto, annum agens uicesimum septimum, cū regnasset annos quatuordecim: magnificēque ad Dionysū Parisiorum sepultus est, sepulcrōque maiorum illatus. Ipse pēdebat à quibusdam auleis qui apud eum omnia poterant: quales fuere Stephanus Versius, Gulielmus Brissonetus Cardinalis, Burdelotus Castilloneus, Lignius, Florimondus Roberterius, & Ludouicus Poncherius, ille Regi à secretis, hic quæstor: Ludouicus Grauillus Tribunus maritimo-

Arnol. Ferroni de rebus rum.

tum. Sed tamen è Neapoli reuersus res acutius explorabat. Extinctus creditur attonito stupore, eoque morbo quo pariter nerui tum sentiendi, tum mouèdi uim amittunt. & multis antè mensibus signa morbi apparuerunt: purgationeque indigere eum Regi medici tres censebant, uno disidente, quem indoctum reliquis eruditissimis Rex præferebat. Iussis etiam Caroli manibus peragendis dies est dicta: Ex Ambasia corpus elatum, procerum Gallicorum magno comitatu, solennibusque his adhibitis quæ parentalibus Regum celebrandis adhiberi solent. Nam Ludouicus eum quàm amplissime, supremo die suo efferrè uoluerat. Tres adfuerunt ex Purpuratorum ordine, Gulielmus Brissonetus, Philippus Luxemburgus, Ioannes Peraudus. Vbitunque corpus repositum est, tantus fuit lampadum, luminumque splendor, ardere ut sacra ædes uideretur: quod & toto itinere accidit. Simulacrum uiuum, quoad eius fieri potuit Carolum referens, elatum est. Laudatio ei dicta est à Ioanne Bellouisa Andegauensium Pontifice. Erat is Regi à sacris confessionibus. Multus hinc de ipso Carolo sermo, plerisque incopinatam mortem mirantibus, breuitatem uitæ atque Regni laudauerentibus, qui adolescens ea confecerit, quæ pauci diutissime regnantes affecuti sint. At apud alios uita eius uariè laudabatur, reprehendebaturque. Aditam quidem paratam ab eo in Italiam, magno nominis splendore, nullo Regni commodo: quem si ceteri Reges æmulari contendant, & armis & pecuniis & hominibus exhausturi breui sint Galliam, Italis proceribus aliisque exteris bellum ex bello semper ferentibus & augmentibus, priuatorum commodorum gratia. Pro tot thesauris congestis in Neapolim uita inde satis superque relata. Inuectum Carolum in Neapolim uictorem, cum insigni illa Laureâ. At hostes triumphasse à core Gallico conuulso: expugnatas eorum arces. At Francos

genus hominum optime moratum, modestissimos mores ea expeditione exuisse, dominatum eos accepisse Neapolis. At in clientelam impegnisse delutiarum fastusque exteri & Campani. Sane cum obsequentiorem fuisse aulicis quàm deceret. Repudiatam Maximiliani affinitatem spe Britannia regno adiiciendæ. Vanam spem fuisse nullis relictis liberis. quanquam quæ hic Regni utilitas, cum fœdere matrimonij diserte Britanni cauisse se uane tamen iactarent, ut si duo inde liberi ex eo matrimonio nati essent, secundus Britannia imperaret. Conseruebant prudentes huius imperium cum Ludouici undecimi patris imperio. Illum, proceribus Gallicis uariis artibus circumuentis, Ioannem Armeniacum apud Lectoram fide data necari iussisse, sorori incestum prætexentem, cum qua illum nunquam nuptias contraxisse uersimile erat. Incestum, si fuerit, expiatum sane longo ante tempore, condonatumque à Pontificibus fuisse. Nil hic diplomate Pontificio opus fuisse, cum alij Pontifices culpam expiassent. Carolum fratrem ueneno per familiares ab eo sollicitatos sublatum, ut inuidi, aut Burgundiones iactitabât. Circumuentum Burgundionem, hostibus pecunia suppeditata, militæque per speciem missionis dato. Proscriptam ab eo nobilitatem. Inde populum aucto tributo fatigatum. Senatuum, magistratuum, legum munia in illum unum translata. Ut uerissime iocari solitus sit, se demum Rege Gallicos Reges ex ephebis excessisse: à seque è pueritiæ disciplina in ueri principatus splendorem eductos. Ludouicum, cum posset Caroli Burgundi hæredem filiam Carolo collocare, id neglexisse pudendo errore, qui harum familiarum tot seculis manusuras controuersias sedare potuerit. At Carolum ducta Anna Britannia maxime promouisse res Gallicas Contra, huius mitia fuisse imperia, qui etiam tributa minuire uoluerit, magnum sui desiderium apud omnes reliquisse, quem aulici, plebs, Arnol. Ferroni de rebus nobilitas,

nobilitas, omnes ordines ut parentem pium lugerent. Et cæterorum quidem dolorem dies paulatim minuebat: Anna regina pannis pullis, uittisque obsita (tamen si pannis albis Regina Gallicæ Reges lugere solita sint) ita misere lamentabatur, ut cibo & somno integros aliquot dies abstineret: unamque eam uocem solantibus se emitteret, mariti sibi iter sequendum Angebat ea cura Ludouicum Aurelium. Vocari ad se Gulielmum Brissonetum Cardinalem iubere: eumque partes Regina consolande suscipere uoluit: Erat is unus ex omnibus minime ad eam consolandam accommodatus, qui tantum doloris ex Caroli morte receperat, ut consolatione ipse egeret. Fuerat is administrator uoluntatum regiarum: In quotidianis relaxationibus ad Regi naturam & mores ita aptus erat, regnare ut ipse cum eo uideretur. itaque multis opibus eum Rex dignitatibusque ornarat. seu seria tractaret, seu ludicra, Brissoneto acquiescebat: adeo eos inter se morum similitudo coniunxerat. Ioânes Mara Condomiensium Pontifex, homo & sapiens & sanctus & eruditus, Brissoneti opera, adnitente etiam Alano Alebreto, Pontificatum Condomiensium adeptus fuerat. Is Brissonetum ueluti cliens obseruabat: neque ab eius latere eo sane tempore discedebat. Sed in Ioanne Mara elucebant præclara uirtutis, eruditionis, religionis, liberalitatis in egenos, in Deum singularis pietatis ornamenta: ex quibus totum se expendebat, mortalia cætera & caduca censens. Ille ueluti celestem ciuitatem incoleret, in omnibus suis factis, dictis, cogitationibus, nihil præter diuina præcepta intuebatur: perfectus in literis: sacrariumque rerum iam ab adolescētia traditam tenuit disciplinam: summa orationis & elegātia & acrimonia. Atque hæc omnia, uitæ decorabat modestia & integritas. Cum eo solo Brissonetus ad Reginam consolandam profectus, thalami sui angulo humi iacentem morientemque

inuenit. At ille comite Regio familiaréque uiso, acerbius
 eiulare cæpit, reuiciens se in eum flens quàm miserrime. In-
 cipiebat colligere Briffonetus rationes aliquot, quibus eius
 dolorem minueret. At cùm illa fletet uberius, homo miseri-
 cors ferre non potuit: ac nihil præter lachrymas reddidit. Ita
 & Cardinalis & Regina multum simul lachrymarum
 effundebant. Hac Mara intuitus, cæpit Reginam hac ora-
 tione consolari, eo libentius auditus, quòd ob uita sancti-
 „ moniam Regina commendatus erat, Moxentem te mariti
 „ mortem Regina, non esse reprehendendam arbitrabar. Pu-
 „ dicarum est id mulierum, & qua egre à maritis diuellan-
 „ tur: & qua magis pudicitia ceteris excellis, eo maiorem
 „ luctum, uberores lachrymas adfuturas uidebam. Quòd
 „ autem ita angeris, ut & conuictum & consuetudinē pri-
 „ stinam reieceris, & cibo aliquot iam dies somnòque absti-
 „ nueris: plane ostendis, mole te doloris obrutam, fatum tibi
 „ accelerare, & adhibuisse in consilium cogitationum tuarū,
 „ desperationem: quo uno & manes mariti offendis, & Dei
 „ Opt. Max. iram implacabilem in te pronocas, ni ab ea sen-
 „ tentia dimoueri te patiare. Amisisti maritum: morte illius
 „ perturbatis. Quid est quòd eo nomine querare? Est ille do-
 „ lor cōmunis tibi cum omni nobilitate aulica. Maritum au-
 „ tem si ea lege tibi Deus Opt. Max. dedisset, immortalis ut
 „ immortalitatem tibi etiam adferret, ereptum tibi dolere de-
 „ bebās. Quid ei accidit, quod non omnibus nobis immineat?
 „ Ut non commouemur cū inquilinum post constitutum
 „ tempus domo locata migrare uidemus: ita nec moueri æ-
 „ quum cū discedere uidemus homines ex hac uita, cū
 „ commorandi certos Deus terminos circumscripserit & de-
 „ finierit. Quæ res mihi dolores hosce leuare solet, libenter tibi
 „ commemorabo, si fortè eleuare eadem res tibi tuos maiores
 „ poterit. Sæpe intueor tumulos priuatorum, busta Regum.
 „ Arnol. Ferroni de rebus Denique

• Denique in eum ipsum locum progredior, quo undiq; mixti
 • iacent omnium cineres, atque ossa hac illac dispersa: quem
 • in locum proessus, defunctorum tumulis solutus sum nullo
 • stipatus comite inambulare. Hæreo eo loco: defigo oculos in
 • ossa. deinde mecum: En illæ manus quid attrectarunt? hi pe-
 • des quo abierunt? hoc caput. quantos edificauit cogitationū
 • montes? Crede mihi, cogitatione ea non leuiter afficior. Mi-
 • sera uerò fors hominum. Si quod illa ossa reciderunt, non te
 • peruenturam censeas, stulta es: si censeas, miseranda: si ne-
 • gligas, parum sana. Attamen hera si naturam animæ à Deo
 • nobis datæ excusserimus, nobiscūque reputauerimus trā-
 • situm ex infelici hac uitæ conditione ad aliam commodio-
 • rem fieri per mortem, profecto salutare uaticinium nancisce-
 • mur, quod nos in tranquillitatem ueram animi perducet.
 • Dolere te dixi, ea atate, eo in te amore, ea animi magnitu-
 • dine Regem quod amiseris. Vide uerò ne tua ipsius causa
 • tot lachrymas profusas ipse etiam indignetur, qui immorta-
 • litatem illi inuideas. Nam illius quidē gratia nihil est quod
 • te excrucies. Neque ipsa opinor laudāus mercatorem qui
 • decoxerit, nec qui depositum inficiatus sit: quid igitur depo-
 • sitam creditamque uitam à maximo negociatore Deo, ac
 • Carolo precario concessam cum suo ille iure repetierit, resti-
 • tutam doles? Quid est quod illius causa excruciet te tuus
 • dolor intestinus? Nihil accidit illi incommodi, quid enim ac-
 • cidere incommodi ei potuit, cuius uita Deo gratissima erat?
 • nisi tu quidem ex mortalitate ad immortalitatem, ex terre-
 • stri habitatione ad caelestem, ex turbulenta uita ad pacificā,
 • ex tenebris ad lucem traductum grauius ferre uideris. Ac si
 • tu Regina eā esses, quæ nullis unquam fortuna fluctibus
 • agitata esses, culpa fortasse effusis tantis lachrymis uacares.
 • At enim cū ita uixeris, ut fortuna diu prospera nescio quid
 • maioris semper incurrerit, & in longo tempore felicitatis,

„ magnis interim sis icta uulneribus , patris morte , tuorum
 „ cæde , trium liberorum funere : maritum tuum absentem in
 „ longinquam expeditionem profectum uideris : paruo comi-
 „ tatum milie lectissimis copiosissimisque hostium milibus
 „ occurrisse audieris : in manum hostium uenisse , aut extrema
 „ passum iterum atque iterum rumore ab hostibus confecto
 „ audieris : hæc , inquam , quum magno antea animo tuleris ,
 „ repente tot angoribus partam laudem effluere uno hoc in-
 „ commodo addito , sines ? Ne Regina , ne hera , hæc commiseris
 „ alieno hoc maxime tempore , quo populus constantie ma-
 „ gnitudinis quæ exemplum memorabile à te expectat : tantū
 „ abest ut tibi in mentem quicquam uenisse putet de morte
 „ tibi ipsi acceleranda . Atque equidem ni uetus esset opinio ,
 „ ut medici dum ægrotant , aliis se potius curandos exhibeāt ,
 „ quàm ipsi sese curent , ipsi quin permittere tue prudentiæ ,
 „ nemo est quin statuisset , eorum quidem certe qui te & acu-
 „ men ingenij tui norunt , uitæ quæ tuæ moderatione . Id quan-
 „ do moribus nō est receptum , des te amicissimo Regi necesse
 „ est consolanti , neque diutius in luto impatientiæ hæreas .
 „ Nullus quidem tarde eò properare potest , unde nūquam cū
 „ semel peruenit , reditus pateat . Quid fatum te accelerare iu-
 „ bet intestinus tuus dolor ? Lege ea omnes nati sumus , ut
 „ exuere semel necesse sit mortale hoc corpus . Parce dolori : &
 „ lachrymæ finem teneant , & gemitus singultusque tandem
 „ aliquando faceffant . Omnibus horis in mortem ipsam rui-
 „ mus , quantumuis ea differre uideatur iter ad nos suum . Re-
 „ tinenda anima à Deo Opt . Max . data custodiæ corporis :
 „ nec iniussu eius cuius iussu data est , ex hac ei uita migran-
 „ dum , ne munus ab eo assignatum defugisse uideamur . Rex
 „ ipse Ludouicus ut affluctam te suo nomine consolaretur Bris-
 „ sonetus iussit . At illi accidit quod Polo , ut uerum dolorem ,
 „ ueras ipse lachrymas effunderet . Utrosque obtestor per sacrā

„ Deinomen, ne uos ipsos, ne uestrorum de uobis spem fallatis. Ne lachrymis assiduus uestras duplicate solitudines,
 „ Exhibete uos Carolo qualem eum uelletis uobis exhiberi.
 „ si prius fato essetis functi, cupereis eum uacare dolore: uel
 „ letis latissime de uobis sentire, & loqui: ita illi res illius
 „ gestas, comitatem, animi magnitudinem laudates, rem estis
 „ gratissimam facturi. Vidimus uos prosperam fortunam ferre
 „ re modestissime: facite aliquando intelligamus, aduersam
 „ quoque uos æquo animo ferre, ne tot uirtutibus hanc quasi
 „ languoris maculam aspergatis. Quod quidem si uestrorum
 „ uestraque gratia minus adduci potestis ut efficiatis, at Regis
 „ ipsius precibus donetis, Regis ipsius superioris & Dei præ-
 „ ceptis etiam obtemperaturi, cui prorsus assidui isti languo-
 „ res displicere solent. Hæc ille cum dixisset: uocati que ministri
 recreandæ defectionis cibum afferret, illa secundo post mor-
 tem mariti die cibum sumpsit: cepitque aliquid ex pristino
 dolore remittere. Tantumque deinceps p̄ illius Pontificis,
 & bene morati apud eam ualuit oratio, ut absterferet eas
 molestias, & à desperatione ad salutem traduxerit Reginā,
 placaritque eam, quam immensa uis doloris abstraxisse à
 sensu mentis uidebatur. Ferunt Hieronymum Ferrariensem
 sodalem Dominicanum, cuius responsa Florentini pro ora-
 culis habebāt, & Caroli in Italiam aduentum & prospe-
 rum reditum, mortemque illius prædixisse. Hunc quod esset
 Gallorum studiosior quàm alij uellent, à Florentinis adniten-
 te Pontifice quasi uiolata persuasionis reum damnatum:
 alij cum imposturis plebem falleret, & Auguris diuini no-
 men aucuparetur, iure casum uolunt: certe ad temperantiæ
 & sobrietatis laudem, doctrinæ & ingenij gloriam adie-
 cisse eum nemo diffutetur. Raphael Volaterranus Carolum
 ut bardo ingenio & superbo incesit, reliqui omnes exteri
 scriptores (uno excepto M. Sabellico, cuius historia omnis
 Gestis Gallorum Lib. II.

unde libet consumpta est in culpa reprehensionem, & uituperationem Gallicam: & humanitatem & liberalitatem, & reliqua animi Regēque digna ornamenta huic tribuit: quæ nec dissimulant Itali, qui patria Italicāque lingua historiam scripsere, ea plane diligentia & fide, ut reliquos omnes superasse uideantur. Narrant in reditu directā urbe uirginem, in qua erat forma & species liberalis, uim militum fugientem, strata ad illius pedes, exarsisse mox eum in eam, seductamque lectulo mox collocatam in eam cum insiliret, assecta tabula ubi diua uirgo puellum gestabat, oratum Regem à uirgine per intactam illibatamque diuinam Matrem, integra redderetur sponso, Regem uim lachrymarum profudisse, compressisse & constrinxisse uoluptatem quæ se iam profundebat & eliciebat: intactam uirginem sponso quoque captiuo liberato reddidisse, dote constituta de suo quingentorum nummum aureorum, liberatis undè sponsa omnibus proximis & affinibus.

ARNOLDI FERRONI RE-
RVM GALLICARVM
LIB. III.

POSTEAQVAM pceres Gallici more Regio iusta Carolo fecerunt, elatisque ille magna hominū & ordinum frequentia, desiderium sui apud Gallos reliquit: non diu de Rege nouo creando deliberatum est. Lege enim Gallica ad LVDOVICVM VALESIVM Aureliorum Ducem, regnum redibat. Is mox Carolo mortuo, in exequiis parandis reliquisq; Regiis muneribus obeundis regnare se ostendit, nullo neque aduer-
Arnol. Ferroni de rebus sante,

sante, neque regno minus idoneum cõtendente. Itaque co-
 ælo consilio Remos petens ungitur. Præsto Regi adfuerunt ad
 insulas regni accipiendas, Ioannes Alenconius, qui partes
 Ducis obibat Burgundiæ: Petrus Borbonius pro Duce Nor-
 mania: Renatus Lotharingus pro Duce Aquitania. Pilip-
 pus Rauestanius pro Comite Flandriæ: Gilbertus Cluensis
 pro Comite Campaniæ. Post Carolum funere elatum, auli-
 cos proceres humanissime affatus, consilia sibi capeffendi e-
 gregie regni retulit, neminem se eorũ qui Carolo militassent
 ex auctoraturũ: magistratus aulicos eodẽ se quo prius lo-
 co habiturum. Easdem eos mercedes, eadem stipendia acce-
 pturos. Ad hæc, formam futuri regni præscribens, iudicia
 se eorum peritus permissurum: militiæ se consulturum osten-
 dit. Iudicium etiam decuriã aliam statuit, supremi ei Consilij
 nomen impartiens, ad quos hæc cõtroversia referrentur, quæ
 ob potentium hominum in Senatu nimium gratiosorum fa-
 ctiones, periculose tractaretur in Senatibus. Sed horum po-
 tentia paulatim gliscens, ed erupit, pertractis auocatisque
 omnium controuersiis, & his qui iudicia differre ob poten-
 tiam uolunt, ed accurrentibus, recognoscentibusque illis su-
 premi ordinis placita resq; iudicatas pessimo exemplo: rei-
 publicæ ut Gallicæ magnam inde illatam calamitatem ui-
 deamus. Ammianus Marcellinus Valentiniano Cæsari ui-
 tio aliud datum ait, idq; dissimile. Si quis enim adisset cum,
 iudicium gratiosi & potentis inimici declinans aliũque
 postulans dari: hoc non impetrato ad eundem quem me-
 tuebat, licet multa pertenderet iusta, remittebatur. At Gal-
 lici Reges cauerunt optime, ne ea nomine dica eis scribi pos-
 set: Carolus Octauus prius eam decuriã aulici cõsilij ui-
 debatur instituisse. Fine æstatis turbidis rumoribus prorup-
 pisse Germanos Maximiliani auspiciis in Burgundiam, al-
 latum est. Ludouicus ed cohortes aliquot cũ Ioanne Fuxco

misit, quæ hostium impetus arcuerunt. Sperabant omnes tali Rege nihil non felicissime Gallis successurum: nec immerito. Vicit omnium spes. nusquam Gallorum res neque feliciores neque potentiores quàm eo Rege, etsi procellis fortunæ sine regni agitato cursu prosperarum rerum intermissus uideri potuit. Agebatur annus impartitæ nobis salutis M. CCCCXCVIII. quo tempore Ludovicus ad-mouit animum ad forensium controuersiarum innumera-biles gyros aperiendos: multaq; sancit, quæ ad earum bre-uitatem, iudiciumque moderationem pertinent. Inde cum studiosi prætextu priuilegiorum mire plerunque alios uexa-rent, leges promulgauit quibus pleraque moderatus est, fraudesque eorum repressit. Neque uerò tantum hæc unius alteriusue consilio statuit: sed prudentissimorum quorumq; adhibito consilio, quos eiusce rei gratia ut ad se euocauit, aut aulicis negotiis occupatos consilijs adhibuit. Nec teme-re aliquid edicto sancit, quod non eruditorum quorumcū-que uirorum è Gallie Senatibus delectorum iudicio prius confirmaretur. At Parisiensis Academia intercessit promul-gationi constitutionum, quas in se latas uidebat: Resque pa-rum absuit à seditione, proponētibus multis famosos libel-los in Regē ipsum, & Guydonem Rupisfortium summum iuris præfectum: remque ipsam concionatoribus palam ex-agitantibus, diuinarumq; rerum peruis libertatem amissam deplorantibus, nisi Rex gliscentem seditionem uarièque ser-pentem Luteriam ueniens extinxisset, nobilibus homini-bus (ut sunt interdum studiosis parum æqui) ridentibus, optatissimumque ad spectaculum ringētibus. Angebat alia cura Regem. Nam Anna Carolo prius nupta Britannorū principatum secum auferebat. Visæ res est grauissima, & quietem Gallicam conuulsura. Adhibito intimorum consi-lio, de repudiada Ioanna Valefia uxore, Caroli nuper Re-

gis sorore, consilium iniit. Huc uni uitam acceptam & capitiuus & odio apud fratrem flagrans Ludouicus debebat. Repudiarétne Regis sororem? & eam sororem cui tantum deberet? Quid si proceres Gallici grauius id ferant? Hæc aliquantulum agitata torsiunt Regem. Deniq; populus uxorem cui tot annis Rex assuevit, repudiari quo tandem pacto augurabitur? Vicit aliorum sententia, qui & metu cum Ioanna contractum matrimonium, & contestationibus eo tempore adhibitis id constare, neque fœdere ullo naturali contractum aiebant asserente id Ludonico. Maligni rerum assimilatores uarie id eius factum incessabant: Quasi, aiebāt, uero id esse simile potest, cum Regi Carolo tres essent liberi: cum marrens uxor captiui uitam à fratre multis lachrymis impetrasset, metum si quis initio adhibitus sit, nunquam purgatum? nullum mariti officium in tam bene de se meritam uxorem ab eo collatum? cubantē unā, ex illius complexu æque discessisse atque aliam mulierem? amplexantē pari amplexu non acceptam? desiderij eius expectationem non expletā? non pellectum animū, nō mitigatū tot lachrymis, quas profuderāt uxoris oculi pro marito liberando? Ad Pōtificem itum est Romanum. Is erat Alexander VI. Borgia filij extollendi auidissimus, omnesque etiam quærens occasiones ampliandi ei imperij. Ac ratus Ludouici amicitiam ad eam rem aptissimam, iudices ei dedit. Hi fuere Philippus Luxemburgus Cardinalis, Ludouicus Albignorum Pōtifex, Ferrandus Septensis episcopus. Hi tandem dissoluerunt lata sententia matrimonium: eoque factum est, ut Rex Annam Caroli uxorem cum Britannorum principatu acciperet. Ac ne ingratus in Ioānem uideretur, ultro ei Biturigum principatum iure fraternæ successionis debitum detulit. Ea fuit eximia pudicitia & integritate, celestis uitæ ob morum sanctitatē quædam ueluti exempla uiuens adhuc nuscit Gallorum Lib. III.

quam non præbens. Actantum abfuit ut repudium ægre ferret, ut se plerūque magno onere leuatam prædicaret: humanasque cogitationes spēsque auersata, ad diuinas animū transiulerit. ininis quidem & metu patres putarunt initum matrimonium, cum & Rex persancte iurasset nunquam eam à se habitam uxoris loco, idque aperte prioribus illis contestationibus detegeretur. Noua regina nouis magnisque plausibus iterum excepta est, Britannorum nobilitate haud satis æqua, cum interim in Galliam deuolui eum principatum uidebat. Rex ubi primum ex animi sententia regni res composuerat, totus & animo & opibus in bellum Mediolanense insistere cepit, Valentinae auiae nomine principatum Mediolanensem iure sibi delatum hereditario contendēs. Nec uero Ludouicus Sfortia, quin magnum bellum à Gallo impenderet, dubitabat. Audierat ad Alexandrum Pontificem Romanum, ad Maximilianum Cæsare, ad Venetos, ad alios Italiae regulos, missos legatos. Germanorum expeditam manum ad fines tutandos accersierat. Maximiliani affinitate fretus erat. Iam Veneti nouo Regi gratulatum uenientes, ad bellum eum accēderant, opem ei ultro suam deferentes. Actandem secretis pactationibus cum Rege initis, cum Cremonam sibi à Mediolanēsis inique ereptam dicerent, ut Cremona eis cum multis aliis oppidis cederet, fœdus cum Rege paciscuntur. Philippus Austriacus Maximiliani Cæsaris filius, Burgundiam petierat. Nec hunc ipsum irritatum Rex ad Mediolanense bellum profecturus, relinquere uolebat, ultro citroque legatis missis, adnitente Ludouico Borbonio Vindocinensi. Cum obsequi se præstaturum rerum urbiumque quas beneficiarias à Gallo tenebat, profiteretur, missus est ad Atrebatē Guydo Ruspiforsius, qui iurantem in uerba Regis ut beneficium admisit: & quedam quæ ablata maioribus suis querebat.

Arnol. Ferroni de rebus tur,

tur, reddidit. Ita uacuis reliquis curis, toto animo in Mediolanense bellum Rex incubuit. Excitabat Regis uoluntatem Ioannes Iacobus Triuultius: qui quo odio apud suos flagraret sfortia, & quam esset inops, & ab amicis, & aestimatione, & quam leuissimo momento fugaretur, ostendebat. Hunc iam pridam factione Mediolano pulsum, & Carolo militantem Rex nouerat: sibi que egregiam nauasse operam ad Nouariam meminerat. Itaque & præmissus est ad res tentandas, & parti copiarum præpositus. Paulo antea uenerat in aulam Valentinus Borgia, Alexandri Pontificis filius. Hunc Rex magnifice suscepit: atque ita sibi deuinxit, ut posthac semper magnifice de eo & sentiret & loqueretur. Cumque relicto prius galero illo sacro purpureo, affinitatem quæreretur ex aulica nobilitate, quam uellet sumendi optionem proposuit. Elegit is Carolam Fuxeam Alebreti Alani Aquitani principis filiam. Erat Alebretus Ludouico parum gratus ob fidem olim uiolatam ad Britanniam, dum priuatus bellum moliretur in Carolum: nec filiam extero homini credere uolebat. Misit igitur in aulam Ioannem Caluimontanum, qui nuptias eas dissuaderet, hominem summo acrisque ingenio. At is rationibus Regis adductus, & priusquam ad Alebretum se reciperet, donatus à Rege consiliarij Regij apud Burdigalam Senatui magistratu, facile Alebreto persuasit è re sua eas esse nuptias: atque ut maxime non sint, quicquid id esset molestiæ, concoquendum. hanc unam superesse rationem, qua in gratiam Regis rediret. Ita data illa uxor Borgiæ: easque nuptias ille cupidissime est amplexus, tum ob uicini principis Alebreti Francique affinitatem, tum ob uxoris formam eximiam pari morum & probitate & suauitate conditam. Huic præter dotem paternam, Valentia nobilis ciuitas, donec superesset, ducatus titulo insignita, data est. Ipse Cæsaris nomen accepit, crebro iactans,

Gestis Gallorum Lib. III.

uexilisque adscribens, aut Casarem aut nihil se futurum. Rex peditum uiginti quinque millia contraxerat, equitum sex millia. exercitui præfecit Ebrardum Siuardum Aubignium, Ludouicum Luxemburgum Lignium, Ioanem Iacobum Triuultium, tres uiros rei omnino militaris peritissimos. Post Alpes superatas, duo oppidula, Nomum & Roqua, Sfortia copiis firmata, Gallos excluderunt. Aubignius, Nomum cum militibus inuadens, primo in petu cepit: Roquam Triuultius, quod firmiori præsidio tenebatur. Luxemburgo suos submitte, expugnauit, utrunque oppidulum & incensum & direptum est. Inde in Alexandriam itum est. Ea firmo præsidio tenebatur, utpote in quam primos bellu impetus peruenturos Sfortia ante uidisset: eoque miserat Galeatium Scuerinateum. Galli qui primam oppugnationem hortatu Luxemburgi cepere, ab hostibus, multis casis, depulsi sunt. Triuultij consilio res cautiùs tentari coëpta est. Eam est, cum Galeatio actum de urbe relinquenda literis falso subscriptis Sfortia nomine. Sequenti die admotæ machina bellica magnam muri partem deiecerunt: totaque nocte leues aliquot machinæ admotæ, hostibus somnum exemerunt, nocturnam uerentibus oppugnationem. Galeatius ex urbe è muris dilapsus, ad Ludouicum Sfortiam petuenit, metu res Gallorum, ne forte ignauia urbem reliquisset diceretur, augens. Urbs uacua duce sibi non defuit. Galli undique urbem oppugnantes, tandem expugnarunt: nec sine suorum strage tamen. Senitum est in Sfortianos: à ciuibus temperatum. Mœnia strata. Dertona mox ab Aubignio recepta est. Papienses Alexandrinorum casum ueriti ultro deditio-nem fecere. Sfortia eo tempore Mediolani cum esset, Venetis parte alia urgentibus, Gallorum aduentum, fretus Germano milite, expectabat. At fama tot breui urbium amissarum territus, sibi que ipsi conscius quatum graueret plebs dominaturum.

natum ferret, ueneno sublati nepotibus ueris Mediolani
 hæredibus, territus etiam Galeatij aduentu, qui cataphra-
 ctorum Gallorum equitum insignē uirtutem referret, mu-
 tato consilio solum uertere statuit, ad Maximilianumq; Cæ-
 sare[m] proficisci, ratus ob affinitatem. Et copias Et uires in-
 de sibi adfuturas. Inde Comum, mox Lario lacu transmiss-
 so, in Germaniam profugit, præmissis antea eò liberis, cum
 magna auri argentiq[ue] copia. Mediolanum propter urbis
 uastitatem non munerat. Arci Bernardinum Curtium
 præfecerat. Post sfortiæ fugam, Mediolanum in Gallorum
 uenit potestatem. Rex a suis admonitus, post supplicat[ur] nes
 passim decretas, Mediolanum adiit: ubi publicè magno o-
 mnium plausu exceptus est. Arcem quæ uix expugnari non
 poterat, Triuulcius auro expugnandam aiebat. Vocatus ad
 colloquiū Curtius, qui toto triennio arcem facile defendisset,
 Triuulij opera auro expugnatus est. Tradita ei decē millia
 nummum aureorum, maiōrque Et elegantior mobilitum
 pars quæ in arce erant. Genua mox in Gallorum uenit po-
 testatem, Baptislini Fregesi opera: eiq[ue] præfecit Rex Phi-
 lippum Rauestanum, Fregosi tamen consilio res Genuensium
 moderaturū. Veneris quoque Cremonam, cum aliquot op-
 pidis quæ circa Abduam sunt, ex fœdere restitui Rex iussit:
 etsi pignoris tantum iure debitam sibi contenderent: facileq[ue]
 quicquid id esset aris alieni dissolui posset. Sed Et fœdera
 inita seruanda erant, Et illi tam potentes quouis pacto ad
 Gallorum amicitiam alliciendi. Interea dum Mediolanen-
 sium reipublicæ res diligentius obseruat, animaduertit Me-
 diolanenses tributorum mole nimium fatigatos. Tributa igitur
 ad mediocre[m] usque modum minuit, usus ea in re con-
 silio Guydonis Rupisfortij iurisprefecti, Georgij Ambasiani
 Cardinalis, Et Iasfredi Caroli, quem præsidē Senatus Me-
 diolanensis constituit: quorum consilio, pace postea undique

parta, tributa tota Gallia magna ex parte remittere uoluit: remississetque, ni Venetum Pontificiũque bellum ad maiores eũ impensas traduxissent. Fine etiam regni, Iulio Pontifice Romano, Henrico Britannia Rege, Casare Maximiliano, Heluetiis, Ferdinãdo Aragonensi, omnes Gallia partes uno eodẽque tempore inuadentibus, nunquam auxit tributa, nunquam aulicos militarẽsque magistratus, Senatũsue Gallicos ullus stipendiis fraudauit. Tantum sex mensium stipendia distulit, quã ipsa sine anni simul persoluta sunt. Neminem eorum qui antea sfortiam secuti essent, in ius uocari, à militibĩsue lacesse dicto uetuit. Si quos nobiliorum familia patrimonio dissipasse inuenit ob priorum temporum tyrãidem, bona si quã fisco addicta fuere, eis restituit: si minus, pecunia erogata ne possessores antiquos in se concitaret, nouos fundos nouasque arces uenales si quã inuenire sunt: comparauit. Gregarium quendam militem cũ Claudius Saysellus (quem postea Pontificatu Massiliensi donauit) è familia Francisci Philelphi ortum diceret, cũ literatum crederet, annuo stipendio iuuare uoluit. Eo militiam preferente, in militum gradum honestissimum, uestibus, equis, armis, pecuniãque instructissimum, adsciuit. Et quo magis popularia uiderentur imperia, Galliam repetiturus, Iacobum Triuultium Mediolanensem, Mediolani prætorem constituit. Andreã Quintinum Scorum arcis lonis præfecit, hominem rei militaris peritissimum & uigilantissimum: arcis alterius custodiam Carolo Stepeio commisit. Postea etiã professores bonarũ literarũ dicto reuocauit, aucto priore salario. Iasonem Maynũ, castri nõ ignobilis donatione, Philippum Decium, & Frãscum Curtium, salariũ magnitudine ad intermissam legum interpretationem reuocauit. Denique ex Italica nobilitate, si quos aut prudentia aut rei militaris scientia insignes comperit (habe-

bat uerò emissarios ad eos undique conquirendos) militia gradu honestissimo stipendiisque amplissimis donauit. Ipse nobilissimum quenque mensæ suæ adhibuit: & ab eis inuitatus libenter conuiuuiis interfuit, egentes priuata benignitate prolecebatur. Ita factum ut eius reipublicæ rationes quæ in perantium auaritia exaruerant, industria eius reuiuiscerent. Rebus tandem ex animi sententia constitutis Lugdunum rediit, lætus ob uxoris partum, quæ Claudiam Valensiam (erit ea postea Gallorum Regina) pepererat. eodémque tempore & decuriones Parisienses & præfectus decurionum, à Senatu mulctati sunt ob pontis Parisiensis ruinam: quæ fixa eo tempore fuit, componētibz aliis sarcinulas, aliis migrantibus, aliis dum quo facilius migrarent, liberos uagientes & infantes efferrent, redeuntibus submersis. Eum pontem Parisienses postea magnifice construendum curarunt, adhibito etiam à Rege ad id opus Iucundo Veronensi architecto, docto homine. Reuersus Rex litem composuit inter Carolum Geldriæ & Gulielmum Iuliaci principem, ob insignia eadem à Geldrensi sumpta: ad quam componendam arbitrum illi cum honorarium delegerant. Pro Iuliacó pronunciatum est: ita tamen ut is oppidum Geldriensi extortum redderet. uterque Regis sententiæ paruit. Iuliacóque Regis liberalitate quatuor aureorum nummum millia numerata sunt: decretumque annuū in posterum stipendium. Sunt qui scribant eos ultro euocatos eo prætextu, ut reliquos Germaniæ principes & Heluetios cum Maximiliano Casare committerent: ut eo bello implicatus, sfortiæ auxilia ne suppeditaret. Maximilianum quidem constat suppeditatū in id bellum à Rege pecuniam ægre tulisse. Eodémque tempore à Ladislao Pannoniæ Rege legati uenerunt gratulatum quòd sfortiam uicisset: Mediolanensibzque in ditionem redactis, auxisset regnum: petentēque, ut is amico-

rum sociorumque numero haberetur, eis quæ petebant concessa: occultioraque fœdera inita quibus Maximiliano negotium facefferet. Eodẽque anno, sed priusquam Mediolanum adiret, Senatum Rex Rothomagi, Georgij Ambassiani consilio, statuit, fixum & perpetuum futurum, non temporarium. Sfortia tandem ad Maximilianum peruenit: comitẽque exceptus est. At ubi minora ab eo quam sperabat, auxilia suppeditari posse uidit: res suas pro deploratis se habere dixit. Nec tamen sibi defuit: non ignorans apud Mediolanum animos multorum infectos partibus. Ad duodecim hominum millia ex Heluetiis conscripsit, Maximiliani usus opera, non pecunia. Italicus quoque miles eius imperiis assuetus ultro nomina dedit: ex his octo hominum millia adscripsit. Mox suorum literis certior factus, Triulũ imperia Mediolanensibus displicere, per cliẽtes atque amicos seditionem Mediolani excitat. Nam & Gallorum rapina, patratæque aliquot temere facinora, inuisos eos Mediolanensibus reddiderant, ut & morum ingenique dissimilitudo, & cũ Italicis mulieribus liberior familiaritas, uel uictoria ipse genius quæ etsi ad iustos rediit, impotentes tamen ferociorẽque reddit. Triultius seditioni iam gliscenti occurrens, coeuntes aliquot turmatim, per uicos immisso milite, obtruncat. Vocatam plebem pro concione, mitissima oratione placare conatur. Sed factione hostium obstrepente, recensere cœpit milites, aduentate iam Sfortia. Vix quatuor hominum millia inuenit: reliqua pars ex pacto militabat Valentino Borgiæ Casari ad tempus. Muniit igitur arcem. Mox Nouariam secessit, ut & hostes receptis à Flaminia militibus compesteret, & recentes milites scriberet. Et sane Nouaria ad bellicos impetus hostium eludendos aptissima erat. Irrigantur enim ferè suburbia Nouariæ fluuiolis duobus, Terduplo ab ortu, Aconia ab occasu: Nouariensique

Arnol. Ferroni de rebus

agro

agro summae Alpes imminet. Est & in extrema parte agri iucus Lanixarius, unde commeatus abunde in urbem inferendos curauit Triuultius. Sûntque tota urbe fossa manuarie, & fluuiolus nauium minime capax, castrum munitissimum. Ibi Triuultius collocat milites, aggeres munit: mittit & Pegasarium cursorem ad Regem cum certis mandatis, quo statu res essent, edoctrum. Ille mox eò Ludouicum Luxemburgum, quem secum è Mediolano reduxerat, cum expedita Aquitanorum peditum manu mittit. Aubignius dum hæc aguntur, ueritus ne res hostium superiores essent, cum Triuultio se coniungit, direpta prius Dertona. Dertonenses prius in armis fuerant, neque de magna causa. Venetos admonet societatis cum Rege initæ: auxilia exferdere debita poposcit. Illi Nicolaum Petilianum Comitem cū exercitu mittunt, ut aut cum Aubignio & Triuultio se cōiungat, aut si minus id fieri possit, agros Mediolanensium populetur. Ille, Mediolanensi agro populato, cū aditus sibi ad Aubignium præcluderentur, ad suos se recepit. Principio sequentis anni, qui fuit millesimus quingentesimus, Sfortia à suis admonitus de Gallorum fuga, Mediolanum rediit cum ualida Heluetiorum manu, quam Italico exercitu postea contracto auxit. Atque ut sunt cum fortuna mutabiles huiusce populi animi, uel q̃ Sfortianorū imperia nō ingrata olim meminerant, nihil non beneuolentiæ in eum profuderunt. Papia & Parma & Veganum accessit. Aduentantibus etiam Sfortianis, cū Nouarienses aliorum exemplum secuti, consilia agitarent de Gallis urbe expellendis, è Nouaria quoque Galli secesserūt. Benedictus Cribellus, & Ludouicus Caymus, quibus multum Sfortia deferebat, Mediolanum, Papiam, uicinâque alia loca nuper à Gallis recepta, munienda suadebant: Carolus Stampa Nouariam unam acri præsidio & ualido tuendam: eò molem belli uer-

Gestis Gallorum Lib. III. G ij

tendam: sed Italo milite, non Heluctio ad omnem aurā spei
 lucrique mobili, fidem habendam. Instare enim Gallicas co-
 pias: quæ si Nouaria potiantur, facile Mediolanū recipiant.
 Erant Aubignius & Triuultius Gallicarum copiarum du-
 ctiores. Hi pari uirtute potētiāque cū essent, parum absuit
 quin rem Gallicā satis afflicta, mutuis dissidiis subuerteret.
 Aubignius quoquo pacto Mediolanū adeundū cōtēdebat:
 Triuultius donec reficeretur exercitus, circa Nouariā expe-
 ctandū Captiuos si quos Aubignius libertate donabat, Tri-
 uultius in seruitutē reuocare conabatur: alter alterū obliquē
 cauillo impetere: alter alterius facta eleuare. Luxemburgus
 mox Regē admonuit de tanta duci discordia. Rex utrique
 abrogato imperio, summæ rerū præfecit Ludouicū Tremo-
 liū, adiectis in supplementū nouis militibus. Tremolius ubi
 primū Regia castra adiit, semotis arbitris cū utroq; congres-
 sus, facile effecit, ut ambo in gratiā redirent. Quod enim tan-
 de, inquit, iræ discordiæq; uestra erupturæ sunt? Quid tandē
 „ amplius passuræ Gallorū copię, ab hostibus fusa fugataq;
 „ & castris exuta, essent? Quis tandem sfortia laudatior triu-
 „ phus? Heluctios & Italos, fugatūque semel sfortiam, im-
 „ pune uidetis mutuis uestris demum dissidiis fretos, uos Me-
 „ diolano, Papia, Nouaria pepulisse. Quos tandem illi contē-
 „ psere: uos duces, an uestros milites? Si culpa in uobis est, ec-
 „ quas non ignominie notas uobis inuritis? si in illis, an non
 „ iure eos pertæsum est uestri imperij? cū quales in bello ipsi
 „ duces fuistis, tales reliquos fuisse æquum fuerit. Quin salte
 „ temporum rationem habuistis? At credo equidem, & tibi,
 „ Triuulti, res Carolo è Neapoli redeunte prospere gestæ spiri-
 „ tus augment: & tibi, Aubigni, Caieta toto biennio fidelissime
 „ fortissimēque defensa. Videte uerò potius ne ridendi sitis, nō
 „ solum quod rem Gallicam uestris dissidiis affligatis & ob-
 „ ruatis, sed quod etiam quibus in expeditionibus antea uos
 Arnol. Ferroni de rebus magnifice,

„ magnifice, prudentérque gesseritis (quæ sane & plures &
 „ laudabiles sunt) his uos uirtutibus factusque præclare gestis
 „ quasi maculam sicut disidium aspergatis . Continuan-
 „ da medijs fidijs uobis perpetua illa animi magnitudo, quæ
 „ & initio prudenter suscepistis , & postea fortissime susti-
 „ nuistis, ne si prioribus extrema non consonent, casu illa ma-
 „ gis, quàm uirtute gesta habeantur . Hæc ego utrique uestrũ
 „ parum esse grata coniecturâ quidem auguror: sed hæc quidẽ
 „ parte æquum est, usuram mihi patientiæ uos paulisper ac-
 „ commodare, uicissim adiurgaturos . Nam me uera potius
 „ quàm grata loqui, quamuis meum ingenium non cogeret,
 „ necessitas cogit. Cuperẽ quidem, Aubigni & Triuulti, au-
 „ ribus uestris alia dare. At multò malo uos magnos, Regi quĩ,
 „ in gratiam ubi redieritis, gratos, qualemcunque animum
 „ erga me retenturi sitis, quàm pati uestra discordia tantum
 „ Gallorum robur inane redire. His dictis facile effecit, ut in
 „ gratiam redirent: in gratiam reductos eo loco habuit, ut ne-
 „ mo agnosceret imperium mutatum . Tantum pro duobus
 „ tres copiarum ductores: nihil enim egit sine utriusque consi-
 „ lio. Sfortia cùm audiret Tremolium Mediolanum proficisci,
 „ parte prius copiarum præmissa, relictis cæteris impedinen-
 „ tis, Nouariam secessit . Aubignius suadet eò quoque Gallos
 „ educendos: sublato Sfortia facile potituros Gallos Mediola-
 „ no. Placuit id Tremolio . Itaque præmissis tantum qui iti-
 „ nera critica Mediolanum infestarent uelitibus, robur exerci-
 „ tus in Sfortiam uertit. Erant ex his Heluetiis qui Sfortie
 „ militabant, aliquot qui Carolo in expeditione Neapolitana
 „ & Nouariensi militarent: hi quẽ à Sfortia serius quàm cõ-
 „ uenisset, suppeditari stipendia querebantur. Specie populâdi
 „ ex castris egressi cum Tremolio qui literis eos prius solici-
 „ tarat, conueniunt uti accepta pecunia ingenti, Sfortiam de-
 „ serant. Erat arx Nouariensis cincta munitaque acri Gallorũ
 „ Gestus Gallorum Lib. III. G iij

præsidio, cui præerat Carolus Louenius, huius recipiendi occasionem querens. Sfortia ad eam oppugnandâ ex Alexandrinorū sinibus properabat. Eū cū toto exercitu secutus est Tremolius Raptum utrinque instructa acie concurritur, Sfortianis certamen minime detrectantibus. Pedites Italici & Germanici alacriter prælium ineunt, haud segniter proruentibus Gallis. Ioannes Fuxeus & Ludouicus Borbonius cum lectissimis equitum turmis à latere incurrentes hostium aciem præruperunt: facileque Sfortianos ancipiti terrore percussos dissipassent, ni Italici equites exceptos eos aliquandiu tenuissent. Sed Emundo Prio, & Ludouico Granillo cum recenti equitatu immisso, instantibus, equitatus hostium fusus est. Ventum erat ad Helucios, qui incertum Gallico auro corrupti, an quò Martem communem uerentur, detrectarunt certamen. Ita Sfortia conturbatus fususque Nouariam rediit. Sed spem nondum abiecerat. Helueticū cum comitatu in Nouariam illatum non uiderent, uel quòd ita pepigerant corrupti auro per Rodolphum Longum: uel quòd publico gentis edicto in gratiam Regis factò, militare aduersus eum prohibebantur, pacti sunt cum Tremolio ut salui ad suos cū omnibus impedimentis, persolutòque uel certe promisso stipendio, abirent. Nō sibi defuit Sfortia, quin per Stampam & Cribellum multis pollicitationibus detereretur eos ab eo fœdere, & fidem & iura gentium ne uiolarent obsecrans. Quò enim (inquebat Cribellus)

„ Helueticū proficiscimini? qua nos spe secuti estis? contra quos
 „ primum arma hæc induistis? Quid Gallum hostem relin-
 „ quitis? Sfortiam hostis loco habetis? Quid uosne ad hæc pa-
 „ tranda accersimus? Quem de uobis nuntium accipiet Ma-
 „ ximilianus Caesar, cū uiolata fide deditum Sfortiam reli-
 „ ctūque intelliget? Quantum te Sfortia de Helueticis fe-
 „ fellit opinio? qui calamitosam præcipientemque tuam sene-

Arnol. Ferreri de rebus Etutem,

„ Et utem, fœdam exacta stultâque atate caniciem, tot rebus
 „ antea prospere gestis, efficiant. Ne Helueti, ne uiri fortissimi
 „ hæc cōmiseritis, alieno hoc maxime tempore, quo tota Ita-
 „ lia magnitudinis uestra memorabile aliquod exemplum
 „ expectat. Moueri uidebantur aliquot Cribelli oratione: sed
 primoribus edicto se gentis uetari dictitantibus, deditio fa-
 cta est. At Cribellus, quoniam Heluetij urbe tantum egre-
 diebantur, non ipsum Sfortiam Italosue dedebant, Noua-
 riam tenendam praesidio interea censebat, donec recentes è
 Mediolano copie, quas Ascanius Sfortia Cardinalis Sfor-
 tia frater adducebat, adessent: Solicitari etiam posse Franci-
 scum Gonzagam, qui cum lecta equitum manu auxilium
 „ ferre possit. Stampa contra differere, Quid urbem tenerent
 „ quam intra paucos dies fame domiti frustra durioribusque
 „ conditionibus relicturi sint? Satiùs esse, quoniam salui Hel-
 „ uetij instructo compositoque agmine Gallis dextra laeua-
 „ que stantibus prodeant, Heluetica ueste Sfortiam ut grega-
 „ rium alium militem uestitum, Heluetiorumque arma fe-
 „ rentem, cum eis prodire: nam & facile latere posse, & ad
 „ suos se incolumem referre. Non probabat id Cribellus, Hel-
 uetio fœderum uiolatori nihil fidendum ratus. Sed Sfortia
 latere se posse putans, Heluetiis se miscuit. Non latuit dolus
 Tremolium: ita per exploratores omnia illius consilia odo-
 rabatur. Prodeuntibus Heluetiis uelut ad praelium Gallicas
 copias paratas esse iubet, hastis obuensis uelut sub iugum
 missurus. Heluetios ne ipsis quidem recusantibus, prodire
 nominatim unumquenque iubeat, diligentius explorete
 uniuscuiusque uultu. Tum demum Sfortiam agnitum pre-
 hendi iussit: prehensum in castrum Nouariense munitissi-
 mum perducit. Sunt qui ab ipsis met Heluetiis proditum, alij
 à suis met aiunt: Gallici aliquot scriptores, sumpta sodalis
 Franciscani ueste deprehensum. Ita ille in Galliam captiuus

perductus est, potius quondam nobilissima Italiae parte: tantâque potentia, ut eius arbitrio res quondam Italica steterint. Eoque die Tremolius cum Sfortia locutus, bono eum animo esse iussit: Ludovici Regis mansuetudinem multis notam & spem ei salutis & certam fiduciam præbere: inuitatimq; ad cœnam cum Aubignio humanissime solatus est: omnemque ei honorem habuit, qui in tali fortuna haberi posset. Ipse cum premeretur bello Gallico, non modo non abiecto animo fuerat, sed adhibuerat etiam omnem operâ qua huiusmodi procellam depelleret. Baiaxetem Turcarum imperatorem sollicitarat ut in Italiam arma eode anno transferret, Turcarum copiis per Forumliuium missis: qui & in ea loca descendentes, ingenti præda abducta abierunt, orturum maiorem tumultum sperantes, ut eis Sfortiani receperant. Plures id prodiderunt, diuino id ei concilio accidisse, ut post sublato ueneno nepotes, in hos acerbos fortuna impetius incideret: alij arrogantia, alij perfidia. Punica enim fide, ut noui commodi spes effulserat, palam recepta etiam cum Venetis Pontificæque fœdera uiolarat. Quidam impietati, cum eodem anno Gallos ad sacrum annum expiandæ Reipublicæ Christianæ gratia indictum à Pontifice, Româ cunctes, hospitibus nummo aureo pro Gallico capite delato, occidi iussisset. Sunt qui (quis tamen non hic rideat curiositatem aliorum in perscrutandis alienarum calamitatum causis?) potentem hominem auaritia obcecaturum, cum stipendiorum solutionem eo tempore Heluetiis differret, quo uel maxime repræsentanda erat, iure in has eum incidisse angustias, commemorent. Atqui neque illi ingenium in administrandis Mediolanensis principatus oppidis, neque prudentiam in moderandis rebus, neque astutiam ad uarios rerum euentus depellendos defuisse, ab ullo proditum est. Magnitudinem animi ne ipsa quidem captiuitas minuit. Quo fit ut ui-

Arnol. Ferroni de rebus

cisitudinem

uicissitudinem fortunæ res uario ordine miscētis qui intueatur, is hominem senem & nobilissimū tanto excidisse principatu miretur. Eum multi scribunt Lochiensis arce inclusum consenuisse: sed neque Regio more, ut par erat, obseruatum, nec satis liberaliter habitum. Narrant enim subterraneum cubiculum ædificatum, idque concameratum atque in apside curuatum, ferreis compagibus, ferreoque ostio munitum: in quod homo quōdam & potentissimus & ornatisissimus, coniectus, miseram captiuitatem passus sit. Alij post aliquot annos custodiæ Scoti equitis commissum, liberius liberalisque tandem tractatum aiunt. Fuerat ei magnum olim odiū cum crudeli dissidio cum Iacobo Triuultio, itaque id petebat à Tremolio ne cogeretur intueri eum à quo capitali odio dissideret. Id sentiens Triuultius, prodit ad salutandum hostem his uerbis. Sfortia, uides quas à te accepi contumelias, haud minore mensura redditas. Nec plura locutus sese proripuit, magis offendens quàm si contumeliosis eum uocibus uexasset. Ascanius Sfortia Cardinalis nuntio fraternæ cladis perterritus, cum turmis aliquot equitum è Mediolano fugiebat. At interceptus à Sorsino Benzenio Venetique equitatu, captus Venetias perducitur: Ludovicq; Regi repenti hominem, ex fœdere post paucos dies deditus, in Galliam perductus est: qui & ipse non modò non infracto animo propter aduersi prælij euentum, sed confirmato atq; renouato uisus est quanquam uersa omnia intelligeret: & ad Regem noctu accedens, cum multis facibus aulicis ad eius spectaculum proruentibus, honorifice quidem Regem & salutauit & appellauit: sed nec ad pedes iacuit, nec ullis lachrymis eiulatiue captiuitatem deplorauit. Quin de sua captiuitate cum Philippo Luxēburgo Cardinale, & Octauiano Sangelasiano Engolismensium Pōtifce differens, bene secū ætū aiebat: iocabaturq; Venetos de se optime meritos,

quicum ex his laqueis quibus circumretitus esset, exuissent ac ui abductū explicassent, cū periculum esset, ne in maiores plagas incideret, quibus consiciendum & concidi necesse esset: indicans hac oratione uel ad Federicum Neapolis Regem, uel ad Alexandrum Pontificem confugienti, uel ad Maximilianum redeunti, duriores sortem futuram. Ea enim consilia agitarat cum fratre: fugam etiam ambo ad Baizetem Turcam meditati, ni intercepti fuissent. Sed Ascanium, ob gradum Purpuratorum, parum carcer tenuit: ac paucis postea mensibus fidei suæ commissus est, uagarique tota Gallia permissus. Postea quoque (sed hæc aliquot deinceps annis contigerunt) cū deierasset nihil se in Gallos moturum, spemque inieciisset, futurum, sua ut opera ex cætu Gallicorum Purpuratorum uni Pontificatus pararetur, ad Comititia noui Pontificis à Rege missus est, & solutus, impetrante id agere Georgio Ambasiano Cardinale: in quem tam ingratus postea fuit, ut dum suffragia patrum in eum inclinarent, quo tempore Iulius Pontifex renuntiatus est, eius unius opera ei Pontificatus extortus sit, non sine Bernardini Caruali Purpurati querelis: qui ubi Pontificatum sibi ereptum uidet, Ambasiano potius quàm Iuliano deferri uolebat. Mediolanensis inde ditio in Gallorum rediit potestatem. Georgius Ambasius Cardinalis Mediolanum missus est: ad eum è Vercellis Mediolanum adeuntem ciues Mediolanenses profecti sunt, Regiam clementiam implorantes. Hos ille pecunia multatos, securos esse iussit, grauiora expectantes. nec ulli postea fraudi fuit sfortiam inuisse. Inde & Lignius, Luxemburgus, & Triuultius, Tremolius, & Aubignius in Galliam redeuntes magnifice excepti sunt, ob præclaram toto eo bello nauatam operam. Carolus Ambasianus Mediolani prorex relictus, uir prudēs & moderatus, seuerissimisque in militum rapinis uind-

dicandis.

Arnol. Ferroni de rebus

dicandis. Itaque factum est ut eo prorege, pacifica omnia multis annis fuerint. Is tamen longius ætate pronectus, ita captus est amore puella Mediolanensis, personatus ut oblitus decoris ambularet media in urbe, ac uix tandem admonitus à Georgio Duratio amorem abiecerit. Fama est duces præfectosque è bello reuersos, cum munera à Rege expectarent, frustratos & Ludouicus quidem ad rem fuit paulo attentior, quàm tantum Regem deceret. Illud satis constat, & Tremolium & Triuultium & reliquos proceres ab Anna Regina, Rege sciente, magnis muneribus donatos. Ea prudentia uirili, si quid hac parte Ludouicus errabat, facile sarciebat. Tantæque fuit libertas apud Gallos eo tempore, ut palam mimi personatum Regē ludis publice exhibitis Lutetia in scenam traderent ægrum, pallidum, obuoluto capite, soleatum, & aurum potui aptum (quo interdum condiuntur pretiosa medicamenta) sitientem. Quod tantum abfuit Ludouicus ut curaret uindictam, recitatis ut ludis & riserit & libertatem populi collaudarit. Ac circa id tempus Anna Fuxea ex nobili Candalorum Aquitanicorum familia, nupsit Hungariæ Regi: eas nuptias Anna Regina ob eorum affinitatem, procurante. Ludouicus interea potitus Mediolano, ut sunt Regum cupiditates insatiabiles, & sordent priora dum maiora quæque expetuntur, animū adiecit ad Neapolim, quæ à Carolo defecerat, recipiendam. Ferdinādus Hispanorum Rex, cum auxilium putaretur laturus Federico, in societatem belli & uictoria futuræ admissus est, ea conditione & nundinatione, uti ambo Reges regnum partirentur. Ferdinandum cupido finium propagandorum, præter iura consanguinitatis eò impulsit, sed causantem uanæque prætexentem iram in Federicum, quum paratus antea fuisset Neapolim Gallo stipendiariam facere. Igitur cum Ludouico Armeniaco Aubignius cum uiginti

peditū millibus, quadringētis cataphræctis equitibus Gallico numero & ordine instructis, è Mediolano per Hetruriā profectus, è tandem peruenit: pacata undique loca beneficio Alexandri Valentiniq; Borgiæ nactus. Huic prima fuit cura Columnnesium, qui ad omnē auram fortunæ uarij Gallis fuerant, compefcendorū. Arces eorū munitissimas expugnauit partim ui, partim deditione: expugnatas Valentino (nam ita quoque cōuenerat) dedit. Iordano quoque Vrsino, qui fidelissimus semper Gallo fuerat nulla deterritus rerum uariatione. Taliequitium & Allam reddidit, loca prius ablata factione partium: prædāmque à Columnnēsis abactam in eum liberaliter cōtulit. Mox Apulia omnis in Gallorū uenit potestatem, traditāq; Hispanis. In traiciēdo Liri obuius hostium exercitus nonnihil Gallos turbauit. Sed uociferāte Aubignio & iactationes equitum Gallicorū, qui se solos sine pedite paucis ante diebus hostes subigere arrogātissime contenderant, exprobrando, perruperunt turmatim equites, hostēsque in fugam uerterunt. Capua inde tentata est. Fabritius Columnna urbi præerat: eo inuito passim Neapolitani in Gallica castra contendebant. Venit & ipse cum Aubignio in colloquium. At cū ille ueluti parua uictoria conductiones duriores ferret, ipse ut belli euentum ancipitem expectaturus, integra omnia existimaret, nihil eo actum colloquio, Valentino Borgia pacis perturbante consilia. Et iam machinis admotis quatiebant Galli urbis mœnia, cū Fabritij hortationibus excitati ciues, multos primo impetu repulerūt. Orta inde indignatio, urbsq; grauius oppugnari cœpta. Cum hostes iam uiribus suis diffiderent, Galli calentes adhuc à recēti ira prælium ineunt. Mox in fugam auersi sunt: effusiq; quā iter patebat, nisi quos cades oppressit, urbe pelluntur. Fabritius ubi suorum effusam fugam uidet, equo admissio urbe egressus, fugiens Gallis sequentibus

Arnol. Ferroni de rebus

in castra

in castra reductus est, seruatusque pacta mercede persoluta: etsi Valentinus Borgia magnam auri copiam Aubignio nequicquam pollicitus esset, si hominem aut interficeret aut sibi dederet, Iordanus Vrsinus, quem ob fidelitatem toto bello exhibitam Galli fovebant, cum sponsor accessisset mercedis intra trimestre persoluendæ, effecit ut mox liberaretur. Neapolis deinde recepta est sed paucis antè mensibus ingentem armorum machinarumque multitudinem Valentino Federicus uendiderat, cōtractis inde plusquam triginta millibus nummum aureorum. Federicus pactus est cū Aubignio uti à Rege acciperet certa annua uectigalia, annuumq; sibi suisq; stipedium. Cum se ille sponsores adhiberet, auehereque ex formula pacti suppellectile omnem posset, cum Aubignij literis in Galliam profectus est ad Ludouicū: non solum annuis illis uectigalibus stipendiisque donatus, sed locupletissimo etiam comitatu, quem ex suis confiscare posset Gallico stipendio ornatus, multis quoque oppidis horisque et domibus amantissimis traditis: ob quæ identidem feliciorē se regno adempto quàm seruato respondit. Nec uerò temporaria fuit ea liberalitas: Regno etiam Neapolitano pulsas Gallis, idem cultus, idem honos, eadem ei præmia reddita: consiliis quoque intimis à Rege adhibitus est: regioque more quasi regnaret, cultus. Filius arcem Tarentinā retinens, ea maluit Hispanos quàm Gallos potiri. Circa id tēpus Regia classis in Turcas ad Mitylenē expugnandā cum Veneta missa est: oppugnatāq; urbe arx munita praesidio expugnari nō potuit, cæsis aliquot Gallis frustrāq; obnitētibus ex trecetis qui intercepti fuerāt Thracibus missis ab hoste, ut in arcē peruaderēt, uiginti eò peruenire, Galli Melum petiere: intercepte biremes aliquot hostium, quas Veneti adgredi ausi nō erāt. Italici scriptores culpā Gallis adscribūt. Gallici culpā in Venetos referūt, qui ante tēpus ne monitis quidē Gallis, abierint.

Gestis Gallorum Lib. III.

Classi Gallicæ præfuit Philippus Rauestanius. Galli iam Neapolitanas res consecerant: undæque cura fuit reipublicæ constituendæ, quæ ut in bellis fluxa, parum stabat. Ita que iussu Regis in Senatum probi quinque uiri & iuris ciuilibus scientia illustres, allecti: in quibus & Martinus Riuius, & Matthæus Afflictus, & Petrus Coardus, qui postea Præses fuit Lutetiæ. Accidit, ut cùm casu in Leontis Tomacelli & Marini fratris domo cœnaret Aubignius, & super cœnam iniecta esset à Francisco Puderico mentio de Ioniani Pontani eruditione, ut postridie Pontanum accersitum multis muneribus donaret Aubignius: uelletque hominem iam senem honorifica functione ornare. At is uel uariationem rerum prauidens, uel otio senectutis consulens, modeste causatus senectutem, functione abstinuit. Calabria & Apulia ex fœdere in Hispanorum uenerat potestatem, iidem Tarentum acceptis peditibus Aquitanicis, à Ludouico Armeniaco Nemorense, ad quem summum imperium Rex quasi ad Proregem detulerat, receperant. Ambigi cœptum est de aliquot oppidis. Matthæus Afflictus iureconsultus narrat ex his locis, quos Capitanatam & Basilicatam uocant, ortam primum controuersiam, hanc alij Capitinatâ, olimque Normanorum & Græcorum temporibus Catapaniatam fuisse aiunt, quod qui ei præisset missus à Cæsare. Constantinopolitano, diceretur Græco nomine corrupto Catapanus, quæ uox contractis atque immutatis literis, uersa est in Capitinatam: quique Catapanus fuerat, in Capitanium. Addit idem Afflictus, initium disidiij ortum prius ex castro Ragnani, quod Alexander & Lioneëtus Richardi nullo iu-bente suum esse contendentes inuaserunt. Vel ob oppidum promotorij Gargani Dauniis attributum. Paulus Rosellus è Tripalda Hirpinorum oppidulo sub pacificatoria legationis specie uiolatus inducius à Consaluo ciectos Gallos ait,

unde

Arnol. Ferroni de rebus

unde exarsisse ira Armeniacum, ut erat contumelia impa-
 tientissimus. Consalvus ubi uidet se Gallicis copiis impa-
 rem, cum Armeniaco uenit in colloquium ad sanum sacra-
 tum Antonio. Consaluum & Hispani & Italici scriptores
 non inferiorem Furio Camillo, aut P. Scipione, aut C. Cæ-
 sare faciūt: & plane uigebat in eo studia rei militaris: nullæ
 apud illum libidinum illecebræ. Vtebatur hominibus for-
 tissimis, eoque eos loco habebat quo se ipsum. Erant in ho-
 mine industriæ quidam stimuli: in laboribus patietissimus,
 in largitione profusissimus. Comprehedebatur multos ami-
 citia, tuebatur obsequio, idem edoctus uersare suam naturâ
 ad tempus. Milites in officio liberalitate, indulgentiâque
 parum interdum retinere uidebatur: at eosdem mox, quasi
 uices alternas inter se essent pacti, ferocientes ita domabat,
 ut ad officium facile reuocaret. Suapte ingenio, quod nulla
 doctrina excoluerat, præsentium & imminentium casuum
 insignis æstimator, futurorum certissimus coniector. Incertis
 & obscuris, donec qualia essent deprehendisset, raro ac-
 quiescebat. In bellicis rebus quid molendum, quo tempore
 imparati hostes intercipiendi, quâ peruadendum, quâ an-
 teuortendum, nocturne an diu occurrendum: ubi in insidias
 præcipitatus esset, quâ euadendum, ita solers, præmeditata
 iam olim ut ei omnia uiderentur. At idem peruertebat faci-
 le omnia fidei fundamenta, ubi utilitatis speciem uideret, la-
 tebras periuriis suis facile quærens. Nanque eas uirtutes si-
 mulatio perpetua, perfidia, nullus Deum metus iurisiuran-
 di contemptus præstringebant. Huius hæc uox circumfer-
 tur: Tela honoris generoso militi crassiorum esse texendam.
 qua significabat, si quid in contubernio militari paulo con-
 tumeliosius dictum sit, id esse interdum dissimulanter inter-
 pretandum, ne leuibus ex causis temere ad capitālia dissidia
 ueniamus: qua in re uidetur hodie corrupta disciplina mili-

taris. Is dum dat exigitque ab Armeniaco iusiurandum, ne communia essent ea oppida de quibus ambigebatur, erigerentur interea utriusque Regis uexilla, securo interea Armeniaco totus ad belli cogitationes traductus est. Nam Ferdinandus Apulia Calabriaque non contentus, spe iam integrum Neapolitanum regnum hauserat. Literis autem admonebat Consaluum, sereret belli undique occasiones. Itaque mox eiectis Gallis, & Capitanatam, & Basilicatam uiolato fœdere recepit. Hic quum Armeniaco homini & acri & uchementi, quasi quasdam contumeliæ faces admonisset, non tulit ille contumeliam, eductisque Gallicis copiis Hispanos instituit coercere. Nactus autem palantes & dispersos, pluribus uulneratis plures captiuos abduxit, tota etiam Apulia exacturus Consaluum. Itaque cum lectis copiis in Brutios Aubignium miserat. Addunt Hispani scriptores, Consaluum dum se Baroli continet, ad singulare certamen Armeniacum prouocasse, eum pugnam detrectasse. Itali scriptores, saepe prouocatum ab Armeniaco Consaluum ad praliū aiunt respondisse, se non ad prouocationem ferociētis hostis, sed ex occasione captata rationēque prius inita, bella capeffere solitum: quoque magis mirere, per praconem prouocatum aiunt. Deliberatum est de tota belli ratione, cū se iam Consalvus Barolum loco munito recepisset. Erant in consilio Gabriel Alegrius, Iacobus Chabaneus, Palicius, Ludouicus Darsius, Castello Formantius, Bartholomæus Chandius, Thomas Monferratus, Matihæus Aquinanus, Mondracus & Torsius: multis dissentientibus, & oppugnandum Barolum suadentibus. Itum in eam sententiam ut bellum protraheretur, occuparētur undique loca munita, ea præsidii firmarentur, Armeniacus obsideret Barolum: daret operam ne commeatus inferretur. Iam Aubignius Consentia recepta, Brutiorum oppida & munita loca par-

tim armis, caeso Hispanorum praesidio, partim uoluntaria deditioe hosti extorserat. Hispani Barolo erumpentes assidue leuibus praeliis cum Gallicis equitibus congreguebantur: quo factum ut diripere multa oppida properarent Armeniacum, à progressu hostes facile arcerent. Conuenerat inter Armeniacum et Consaluum, ut pacta certa mercede captiui utrinque ad suos redirent: Ea comitate factum, ut ultro sese Hispani Gallique cauillis impeterent. Accidit quodam die ut certare uellent Hispani quasi publico duello cum totidem Gallicis. Armeniacus, qui ea contentione acui suorum animos uideret, non detrectauit certamen. Placuit utrinque undecim deligi. Tranſi locus delectus, quē Veneti ex fœdere occuparant. Itali scriptores narrant sex horis continuò pugnatum. Inclinate uictoria in Hispanos, à Torsio, Mondraco, Petro Baiardo, Arturo, Oliucio Cabanaco elusos Hispanos: Hos enim septos aliorum equorum corporibus, Hispanorum impetus sustinuisse, cum Hispanorum equi olfactu necatorum aliorum equorum commoti, Hispanos equites excuterent. Venetos iudices consultos utris uictoriam addicerent, iudiciū ampliassse: ita ueluti cōperendinato iudicio utrosque sibi uictoriam arrogasse. Symphorianus Campegius narrat septem Gallorum equis occisis, Baiardū et Torsium ita restitisse Hispanis, ut in fugam uersos reliquos fuga sibi consulere coegerint. Narrat autem quinque Italos adiunctos à Consaluo sex Hispanis equitibus, cum totidem Gallis congressos pro uictis publice habitos, quantumuis Veneto iudice iudiciū ampliante. Gerebatur ita bellū, medio ut in praelio uictis parceretur: captiui honestis conditionibus liberarentur. Accidit ut Petrus Baiardus, tumultuaria in pugna uulnerato Alphonso, quem alij Allosum uocant, alij Aldonsum Sotomaiorem, captum abduceret, neque aliter quàm Gallos commilitones apud se ha-

beret, eaque adhiberet fouendis uulneribus quæ adhiberi in ea rerum penuria possent. Is redditus pristinae ualitudini palam Terralium uti inhumanum & uilem habere, dicta factaque eius eleuare, ut plane uideretur illius existimationi & dignitati illudere: deniq; cum acuta febre laborare Baiardum nosset, ad certamen singulare hominem prouocauit. Baiardus morbo recreatus conditionem auide arripuit. Obsignatis ab utroque tabellis conuenit, siquis è Gallis aut Hispanis impediret prætextu ullo, ne uictor in uictorem lege ageret, ut is tamen captiuus abduci posset, non secus atq; si armis superatus esset. Ea lex ab Alphonso dicta, quasi equitum Gallicorum uim superato Terralio metueret. Congressi ambo cum essent, primo ictu uane in cassidem impacto ab Hispano, cum id uitaasset Baiardus, ipse in collum hostis gladio adactò quum armato hoste longius aberrasset, tertio demum per iugulum uitata lorica adactò necauit Hispanum. Alphonso qui equitatu ualidum Baiardum sciret, pedestrem pugnam maluerat. Cæso arma Baiardus non ademit. Hispanis sepeliendum dedit: aut si hi impendium sepultura recusarent, ultro sepulturus. Hi, cum uictus esset illustri familia, laudato Baiardo gratias egere, abducto ad sepulturam corpore. Exteri scriptores narrant bis congressos Gallos cum Italis & Hispanis: priore congressu incertam uictoriâ, altero congressos Italos cum Gallis superiores euasisse. Vagabatur inde Gallicus equitatus adeo libere per Apulie campos, ut Armeniacus præconis uoce diserte pecuariis imperaret, pecus deducerent in late patentes Cerignole campos, se curaturum ne quid his damno fraudine sit. Id ille palam edixerat, gnarus Consaluum fraudi locum inuenturum, educturumque suos quasi ad paratam prædam: parte uerò alia Gallicum equitatum emitti per Palicium & Torsum iubet, quasi Canusium, quò sese Petrus Nanarrus cum

valido Hispanorum praesidio receperat, oppugnaturus. Cōsaluus occulte prima uigilia suis emissus, partem equitatus mittit ad praedam intercipiendam ad Campos Cerignole: partem aliam ualle ima collocat, ut ex insidiis praesidio Gallico, quod pecora tuebatur, occurreret. Inuolant Hispani equites in pecora: Praeda onusti inde sese proripere parant. Galli qui praesidio relictī erant, impetu facto in fugā passim eos coniiciunt. Simulabant hi fugam eo effusius, quo maturius in insidias eorum qui abditi essent, incurrerent. Cédendo quidem sensim impetus Gallorum sustinebāt, donec ad uallem qua latebant Hispani, pertracti sunt. Inde exorti Hispani integris uiribus & recentibus equis, fatigatis Gallis se circumfudere: multos interclusos & interfecere & cepere. Redeuntes & uictoria insolescentes nactus Palicius ē Canusij simulata obsidione rediens, sparsos & inconditos sine ordine ita cecidit ut praeda extorta potiretur, & captiuos liberaret. Iacobus uerò & Theodorus Boccalus & Ludouicus Gordus cum aliquot Hispanis equitibus ita acriter pugnabant, ut facile aequari potuerit certamen, nisi reliqui fuga sibi consuluisent. Vulnerato Didaco & Boccalo, capti illi cum flore equitatus hostilis in castra perducti sunt. Alij scribunt à fortuna partem iam praesentemque Hispanorum uictoriam interpellatam, dum casu Palicius uere ē Canusio rediit, & praeda onustos hostes dissipat: ut ipsa fortuna quasi eos obiecisset Gallis uideretur, ut fortè multa eueniunt quae non audeamus optare. Armeniacus equites, prout cuiusque opera fuerat, & ante omnes Palicium, Torcium, Terralium collaudatos praeda donat, insignibusque donis: & cum robore exercitus ad Baroli mania progressus est, ultro Consaluum ad pugnam prouocans. Cum pugnandi copia non fieret, agris quacunque incedebat populatus, oppidis multis castrisque expugnatis, magnam uim praeda trahens ad Ca-

nusium oppugnādum vergit. Canusio præerat Petrus Nauarrus, magna apud suos authoritate, quasi rei militaris peritissimus. Erant & cohortes aliquot è Nauarris Hispanisque ab eo delectæ. Consalius territus antea Paliciꝝ aduentu simulato, eò prius Paulum Collium cum ducentis submiserat: eò perferuntur machinæ bellicæ, & alius omnis apparatus oppidorum oppugnādorū. Et Galli quidem strata murorum parte tormentis, Thoma Monferrato cum Aquisano peditatu urgente, uarie Nauarrum & oppidanos terrebant. Nauarrus & Collius pro dirutis alios muros reficiebant: hoc primo secundoque die impigre. Indies deinde pauciores, uel pilis plumbeis necati, uel uigiliis confecti, segenius uim arcebant, Gallis in magna copia peditum succedentibus aliis in locum aliorum. Quarto die cum admotæ essent machinæ, Collio ex urbe egresso, pollicentique, si conditiones haud iniquæ offerantur, cessurum oppido Nauarrum, missus est Thomas Monferratus ad eum, monuitque hominem ne uim ultimam experiri uellet. Deditio facta his legibus ut Nauarrus signis militariibus expansis, tympanisque pulsantibus incolumi cum exercitu, uulneratis quoque per Gallicos equos in castra perductis, emitteretur. Palicius ne tam liberali conditione emitteretur suadebat: ui oppugnaturum se uno die recipiebat. Alegrius conditiones eas specie amplas, re inanes aiebat. Condonandum esse aliquid Nauarro, qui uereretur ne quid sibi de pristina gloria deperiret. Potirentur modò Galli Canusio, magnifice ille ad suos rediret: uictum tamen & oppido spoliatum rediturum: satis ea hostem deditione remissurum spiritus, compressurum animum, seducturum arrogantiam. Ita Galli Canusio potiti sunt. Eo terrore percussis hostibus, Cerignolā recipit Monferratus, Formatiū Quadratam, Rubos Palicius, Alegrius Fogiam, Sipontum Baiardus, Altamuram Ludonicus Darnol. Ferroni de rebus suis,

sius, Fanum Georgij Săctocolumbanus, Giracium Galiotus Genolacus. Eodem terrore Galli Iapygiam, Messapiā, Pleu-
ceriam, Salertinos uniuersamque Apuliam sui iuris fecere,
exceptis paucis locis. Aletium, Calatanam, Rudias, Oriam,
Mottulas, caesis qui in praesidio erant Italici & Hispani, mi-
liti diripienda dedere. Castellantum, cum sese ciues Galli-
carum semper fuisse partium profiterentur, uoluntaria dedi-
tione acceptum. Conuersani quoque in uerba Gallorum iu-
rantes in fidem recepti sunt. Eodem tempore Ouetanos, qui
praesidium Hispanicum expulsis Gallis receperant, à Lu-
xemburgo expugnatos diripiendosque militi datos prodi-
dere. Paucis ante mensibus uenerat in Galliam ex Hispania
rediens Philippus Maximiliani Caesaris filius. Is &
Ferdinandi soceri nomine, & Maximiliani patris, Regem
Lugduni agentem inuisit: & cum pacis mandata habere se
à socero diceret, benignissime auditus est: prius enim aduen-
tus sui spem faciens, uenturum sese pacis stabiliendae causa
scripserat. Haec palam. Clā uero cum Maximiliano patre a-
gebat, ut Germanorum tria millia ad Consaluum mitteren-
tur: nam horum robur Consaluum Heluetio peditatui op-
ponere decreuerat. Clam quoque naues parabat Ferdinan-
dus, quas Hispanico peditatu instructas Batolum mitteret.
Accidit ut quo tempore Philippus sequestrum se pacis pro-
fiteretur, eo per Aubignium de rebus Apuliae Rex fieret cer-
tior, atque ut erat in submitendis undique exploratoribus
callidus, per Ioannem Dalburgium Pontificem Vuorma-
tensem admoneretur de delectu Germanorum qui Consal-
uo mitterentur. Ipse Philippus ea erat prudentia, ut per de-
lectos homines industrios e Belgis undique submitteret, qui
se in multorum familiaritatem insinuando, omnes rumo-
rum uentos colligerent, atque exciperent: pellicerent etiam
uel gratia uel liberalitate Gallos ut eorum consilia nota habe-

ret. Per hos certior factus non ignarum esse Regem occultorum consiliorum, uereri capit ne uelut simulator à Rege retineretur, aut idem sibi usuueniret quod Ludouico XI. Gallorum Regi, qui sese Perona in fidem arbitriumque Caroli Burgundi contulisset. Itaque cum Rege collocutus, aliena culpa ne reus haberetur orabat: se quidem ea mandata pacis quæ accepisset à socero, afferre: si quid ille clam moliat, ignorare. Rex qui etiam metum Philippi per suos explorarat, eo nomine uacuo animo & soluto esset, orat. Ne tamen ignarum se fraudis, atque adeo caudicem & fungum qui illi crederet, putaret, fabella hac metum eius elusit: Compilatum (ait) à furibus fanum, diem dixit foribus, quippe quæ irruptentibus illis additum præbuissem, nec profano satis fideliter excubassent. Tum fores, iniquum esse aiunt se in iudicium uocari, quæ terebrata & conuulsa uix tandem patuissent: prius uerò fanum ipsum accusandum quòd fures ingressos receperit, tulerit diripientes, & præda onustos emisit. Sunt qui scribant multò antea præuidentem hæc Philippum, non nisi prius acceptis obsidibus in Galliã uenisse. Armeniacus rursus Barolum admouet copias, per caduceatorem prouocans Consaluum ad pugnam. At is loci munitione confidens, pugnam detrectauit. Cum autem uideret Canusium redire Gallos, præmissumque peditatum & bellicas machinas, Iacobum Mendocium, summo apud Hispanos loco hominem, qui cum flore equitatus abeuntium extremum agmen carperet, emisit. Versa est equitatus Gallici pars Alegrio duce in Hispanos, nec uelocitas eis quibus concurrere mos est, Gallis stabili pugna assuetis, proderat. Ita pluribus uulneratis, duobus necatis Hispani equites ad suos se recipiunt: urgere Galli: instare fugientibus: Mendocius suis reuocatis fortiter prælium instaurare. Sed cum cohortes aliquot hostiles expansæ in alas utroque latere Gal-

Arnol. Ferroni de rebus los dimicantes

los dimicantes inuasissent, & Fabritius Columna cum ala integra subsidio Hispanis uenisset, multis uulneratis despōdere animos, ac sese inde Galli proripuerē. Neque enim prēmīssis antē alius Armeniacus auxilio eis esse poterat. Auclī sunt Hispanis animi felici eo successu. Captiui aliquot ē Gal-
lus abduclī sunt, inter quos Carolus Motta, quem captiuum de pugnae successu procaciter differentem, & Columnen-
sium Italarūque uires extenuantem, causam dedisse uolunt singulari certamini, quo totidem Gallos totidem Italis congressos uictos Italici scriptores referunt, Gallicis dissen-
tientibus. Nanque incerta utrosque uictoria redisse uolunt, cum omnes prater legem dictā stadū finibus impetu equo-
rum eueclī sint. Apud Castellanctum Petro Nauarro, qui uicino Tarento praeerat, oppidanos commouente, non diu quies Gallus fuit. Dum enim Lanius & precio spoliari se, & ariete publice uenum exposito uociferatur, Galli qui in praesidio erāt, quibus praeerat Christophorus Aubrius Raderayus, submissis à Nauarro Hispanis, nocte intempesta ab hospitibus uno eodēque tempore comprehensi sunt, & equis & armis spoliati turpiter oppido eieclī. Aubrius ita eieclū cum perfidiam Castellanctium uindicandam suadet, facīle Armeniaco homini & acri & uehementi per-suadet, properet ad uindicandum tetrum facinus. Marius Aequicola & Ioannes Monferratus dissuadebant Arme-
niaco ne quid se commoueret, facīle in tempore daturus il-
los pēnas perfidiae. Ipse si se subducat cum robore exercitus, non sibi defuturum in omnes occasiones intentum Consal-
uum, quin aut Rubos aut Altamurā aut Fogiam mox ad-
uolet. Armeniacus Castellanctium aduolat, ut exasperat ira & stomacho: & quindecim nummū aureorū millibus. quae ciues pro expiandā ea perfidia offerebant, contemptis, admotis machinis muri partem sternere incipit: at arcto

adhuc ad irrumpendum loco, cum moræ impatiens immitteret undiq; Gallos, oppidanis & Hispanis, quibus ex inarum desperatione animi acuebantur, haud impigre restitibus, suos reuocat, strata maiore parte: muti uiam suis postea facturum. Hæc cogitantem terret eques Gallicus Mericus Guarnertius, nuncians ni Rubos contendat, actum de Palicio & oppido. eò enim cum totis copiis Consaluum è Barolo progressum. Itaque retro unde uenerat, Rubos Palicio opem laturus contendit, sed instructo exercitu: iam enim assuetus Hispanicis insidiis, ne dispersi Galli à leui hostium equitatu exciperentur metuebat. Hactenus ita rexerat res Gallicas Armeniacus ut fortitudinem Hispani, misericordiã uicti, fidem socij perspexisse se faterentur. Alegrius uel imperium eius perosus, uel Apulorum commotus sermonibus, qui parum abstinentes familiares esse Armeniaci querebatur, non desinebat aperte figere maledictis Armeniacum: pertinere hoc ad existimationem Gallicæ existimationis palam aiebat, ut aut Armeniacus eis uteretur quos abstinentis præstaret, aut si spe amicitie deceptus esset, missos eos faceret: nihil interesse prædaretur ne Armeniacus, an eos secum duxisset qui ueluti in prædã inuitati pro emissariis habeantur. Cum autem iactitaret spe prædæ & pecunie maioris consequendæ retentas Gallicas copias ad Castellanetum, uir acer ingenio augebat atrocitatem eorum, quæ dicebat, uultu truci, cum accisas Gallicas copias, Rubos receptos, Palicium oppressum & foedissime desertum ingentis pecunie uana spe consequendæ quereretur: & hac atque illac uolitantem Armeniacum, qui tardus sit & parum efficax, ardentibus Gallis pugnae copiam non facere: distractos tandem Gallos pro prædã hosti præbiturum: ipse ita sentiet posterius, cum satis feriatum cessatione torpere Gallum agnosceret. Hæc delata ad Armeniacum, uarie hominem affecerunt: repositus

" *turus tamen alio loco Alegrio, publicè tantum edixit: Quo*
 " *in exercitu Imperator rumoribus vulgi exagitetur, nihil esse*
 " *salutare. Nihil esse quod sibi inuidiam paret ex familiarium*
 " *sordibus: tatum eos abesse ab avaritia & rapinis, quantum*
 " *eum ab abstinentia: se tandem aliquando pro istis dictis &*
 " *factis Alegrium ulturum, ut ne impune illuisset in se uidea-*
 " *tur: interea curet uterque suum negotium. Alegrium quasi*
 " *bellicis negotiis, molestus & operosis implicatus sit, mox*
 " *querere quo defungatur ruiturus, talibus curis. Se, quod sit*
 " *imperatoris munus, daturum operam, ut bene gerenda rei*
 " *occasionem eis prabeat. Multis bellis didicisse quando pu-*
 " *gnandum sit. Nō ita facile reprehēdenda Imperatorū con-*
 " *silia, quæ omnibus patere non debeant: pollutam & ui-*
 " *latam disciplinam militarem insolentia Alegrii, cui satis esse*
 " *debeat si in tempore recte pareat. Nec si quid ipse securus sit*
 " *non uideat, idcirco minus existimare debere, se nihil nisi*
 " *summa ratione fecisse: Quibus de causis Castellaneū pro-*
 " *fectus sit, Alegrio non esse reddēdam rationem. Verba eius,*
 " *uerba dum sint, se laturum, ne quid priuata ea contentione*
 " *res hostium superiores sint: ceterum ubi in prasens certamē*
 " *ueniendum sit, facta uerbis potiora futura. Interea Con-*
 " *saluus cum quinque millibus peditum, equitibus trecentis*
 " *(nam celeriter è uicinis locis prasidia Hispanorum &*
 " *Italorum eduxerat) Nauarro è Tarēto euocato, castris pro-*
 " *pe Rubos positis, ad motis machinis, in tres partes copias*
 " *diuisit, ut una semper pars, quiescentibus aliis duabus, op-*
 " *pugnaret urbem. Anceps diu praelium fuit. Palicius urbem*
 " *tuebatur cum centum Gallicis equitibus, unā cum Amadeo*
 " *Sabaudiano. Chabaneus, cui Curtuno cognomen, unā cum*
 " *Arturo Oliuerio trecetos pedites partim è Narbonensi pro-*
 " *uincia, partim ex Aquitania celeriter circumagebat, ut subi-*
 " *re Hispanis murum præ incidentibus telis facile non fuerit.*

Gestis Gallorum Lib. III.

Novem horis cōtinuis, qui Paliciꝝ res gestas Gallice scripsit, narrat pugnatum, equitibus Gallicis unà cum Palicio pro uallo fortiter obsistētibus. Cōsaluus ubi animaduertit paucitate oppugnantium æquari certamen, Italos milites plūbis æneis fortissimum quemque è Gallis impetere iubet: simul integras copias submittit. Vulnerati sunt & Palicius & Curtonus & Arturus. Hispani alij per ruinas strati muri, alij scalis ascensum parant: aduersus quos acerrime & Gallici & Aquitanici pedites concurrunt. Hostes & numero & uiribus superiores partim per semiruta, partim scalis, iam multis pilarum plumbearum ictu necatis, transcendē. Ita Rubos Hispani recepere. Ex peditibus constat omnes aut necatos aut uulneratos: equitum maior pars uulneribus quoque cōfecta. Palicius & Amadeus Sabaudianus, & Arturus Oliuerius & Curtonus capti, latis Hispanis, qui pro Palicio, Armeniaco sese potitos existimabāt: Atque ita cōfectum bellum unius urbis expugnatione, Rubos uictores permissu Cōsalui diripiūt. Renocauit inde medio ferè die milites Cōsaluus, cum attentari agnouisset earum mulierum pudicitiam quæ ad aras cōfugerāt. Eas Barolum perductas, non contumelia exemptas, sed libidini ducum reseruatas apparuit. Expleti libidine Hispani, eas tandem emisere. Apparuit imparatum Palicium, cum custodes parum suo munere fungerentur, oppressum: multis tamen horis acriter dimicatum omnes consentiunt. Reposcente interea Armeniaco captiuos ea mercede, qua conuenerat inter eos initio belli, id quæ conceptis uerbis, si quis se sciens periurio contaminaret, satis ostendit Cōsaluus se fidem utilitate metiri: iusiurandum & deos pro nugis habere. Palam enim, uiolatas prius à Gallis inducias querebatur: clām, his redditis, labare rem Hispanicam aiebat. Itaque equites excepto Palicio & Curtono longa diurnaque cu-

stodia asseruauit. Pedites prius curatos, crudeli exemplo remigibus Hispanicis myoparonibus adiunxit. Inde cum redisset Barolum, & Armeniacus haud longe à Rubis abesset, Castellanetorum perfidiam identidem accusans, quafactum esset ut serius adesset, ita consilia bellica disposuit nequid nisi exquisitis omnium sententiis moliretur. Accessit huic uulneri recens terror. Nam Casarem Borgiam Valentinum iam fidem cum fortuna mutasse ferebant: & qui omnia Regi quem Mediolani inuiserat, receperat, ex auctorato exercitu uana simulatione promptissimos quosque è suis ad Consaluum ire passus est. Recreauit spes Gallicas Aubigni interea uictoria, rebus cognitis quæ ad Rubos erant gesta. Is cum sciret Hugonem Cardonium è Messana Rhegium soluisse, & fuso Iacobo Sanseuerino, & Didaco Ramiro, qui à Francisco Harcurtio ad Terinam obsidebatur, liberato. Terina quoque direpta, ne iterum Gallis præda esset, uideret longius progressurum, disquirere cepit quo pacto ferociam eius contunderet. Erant cum eo Claudius Grinianus (hunc alij Grinium uocant, prodisseque uolunt è familia Iacobi Brimej Grignij, qui olim nobilitatus sit animi excelsi & inuicti magnitudine, eoque nomine à Philippo Burgundia Duce inter equites uelleris aurei adscriptus) & Franciscus Malherba è Belnensium nobilitate, eorū qui Aureliis uicini sunt, pingueque solum & uliginosum incolunt, pedites Aquitanos & Heluetios, qui M. octingentorum numerum explebant, Malherba committit: ipse equites cum Griniano, qui quadringenti erant, partiuit. Fixerat Hugo castra ea planicie quæ à Terina prospicitur. Aubignius explicat mox late equitatum, uti hosti terrorem incutiat, neque paucitate copiarum animaduersa, audacior euadat. Dextrum cornu Honorato Besemiano & Alphonso Salernitano, quasi in Lunæ gyrum gradientibus comit-

tit: Lauū Griniano cum paucis cataphractis equitibus, maiore uero parte leuis armaturā: Media ipse acie graditur, robur cataphractorum equitum ira ducens, ut Salernitano & Besemiano facile iungi posset. At Malherbam aptissime ad Heluetiorum phalangem & peditatum Aquitanicum, qui sagittis perite emittendis ualebat, unā leuis armaturae equitibus adiunxerat. Hugo quoque Cardonius cum detestationem pugnae, fugae comitem esse uideret, nondum communitis castris, sese ad certamen accingit, Emanueli Benauidio committit dextrum cornu, Theodoro Triuultio laeuum, partitis inter eos Siculis & Italicis Hispanisque equitibus: in media acie aduersus Aubignium subsistit cū cataphractis Aragoniis equitibus, quorum aliis aliquot ueteranis iam pridem exacto Neapoli Mompēserio utebatur: pedites Hispanos & Siculos Antonio Lauā committit, homini consueque belli cupido, ut tum demum ea hora se felicem diceret, cum ostēdendae Hispanorum uirtuti occasio pediti Hispano daretur aduersus Heluetios & Gallos tot uictoritis praeferosces, demptōq; hoc fulgure Gallici nominis circumlaturum ubiq; Hispanos arma iactitaret. Congressi utrinq; acriter pugnant, eaque celeritate ab utroq; cornu procursum, ut machinarum bellicarum opera inutilis fuerit. Hugo ipse ante equo insigni uectus, exemplo suo satis suos hortabatur. Aubignius ubi aequari pugnam uidet, Griniano imperat uti expansa ala intransuersos Hispanos Siculosque pedites incurrat: Is celeriter inuectus uarie pedites dissipat. Is terror obiectus hosti Malherbam impulit, ut magno impetu Heluetios & Aquitanos extruderet, qui percussis hostibus instantes, pedites in fugam uerterent. Hugo, quum equitibus labarent animi, ita acriter obsistebat, ut quosdā e suis prehēderit, & aduersos in hostē uerterit. Tum uelut redintegrata est pugna. At Aubignius cum ala cataphractorum Scotorū

ita se intulit, ut pulsi loco hostes perturbatis ordinibus in fugam uersi sint. Ita undique fuga facta. Galli multis stadiis fugiētes persecuti sunt, multus in itinere & caesis & captis, dum incautus per montium angustias euadētes confectatur. Grinianus necatus est: Aubignius uix uno atque altero stipatus (omnes enim in prædā intenti hostes sequebantur) facto impetu ab Hispanis aliquot equitibus captus est, nec agnitus: mox tamen opē ferentibus equitibus aliquot Gallicis & Italicis, qui Salernitano militabant, ad unum caesis Hispanis liberatus est. Ferunt iugulum Aubigni iterū atque iterum ab Hispano equite petitiū, sed Ioānis Stuardi Albanie reguli, uix dum adhuc pubescentis, opera, qui reliquos celeriter ad opem ferendā euocarat, seruatum. Relata quindecim uexilla militaria: capti M. trecenti, mille caesi. Galli supellectili omni impedimentisque hostium sunt potiti, & Hispanicis equis ducentis, quorum iacturam grauitur Cardonius tulit. Is sese proripuit in locum altum, cui Bubalina Motta nomen: locoque diffusus longius in Siciliā rediit. Aubignius mox Mottam Bubalinam, dedētibz se oppidanis, & Pentadaethylum Locrorum oppidum ui expugnauit: & quia hyems instabat, dimissis in hyberna copiis, Armeniacum mox certiore facit de uictoria adeptus. Elato autem Griniani defuncti corpore ad Bubalinam Mottam, militari pōpa & captiui Hispani & relata ex hostibus uexilla feretrū præibant. Ita illius funeri iustis magnifice solutis, reliquisque equitibus, decursiones quoque militares habitæ. Simul cum Griniani corpore elata quoque sunt aliorū corpora. In his quinquaginta equites fuere notissima uirtutis: pedites centū. Aduenerat paulò antea Petrus Summuntius (in quo erat summa eruditio, & cum eruditione iunctus urbanitatis lepos) ad salutandum Aubigniū: isque precibus illius hac funebri oratione fortissimorū uirorū exequias celebra-

uit: Maxime uelle procures, uiuum potius Grinianum quã
mortuum, reliquosque fortissimos cõmilitiones casos, lauda-
remus: sed quoniam ita natura comparatum, ut corpus flu-
xum, animum immortalem naeti, euocate Deo Opt. Max.
corpus humo, animam calo tandem aliquando reddamus,
enitendum est nobis ne ulla posteritas memoriam fortissi-
morum uiroꝝ inobscurare taciturnitate nostra possit, quã-
do quidem uita defunctorũ in uiuorum quodammodo sita
est memoria. Atq; ut omittam & genus & auos & pro-
auos (hæc enim ut splendidissima sint, ita aliena sunt, maio-
rum sunt nostrorũ) Grinianum ipsi semper scitis apud suos
charum, apud principes magnum, apud uos summa bene-
uolentia fuisse. Missus prima militia ad Cordeum, omnem
exercitum in se conuerit. Haud facile discerneres miliuine
an Cordeo charior esset: neque Cordeus alium quenquam
deligere solitus ubi quid promptissime agendum esset: neq;
milites alio duce plus confidere. Qua quisque maxime ra-
tione alliciendus esset, unus omnium callebat. Cum Carolo
uerò Rege huc profectus, uirtute, assiduitate, consilio, tanto
Regi acceptissimus fuit. Multa præterea eaque præclarissi-
ma, ad singulare enim factum properat oratio. Meministis
enim procures, meministis qualem operam Regi Aubignio-
que toto hoc bello præstiterit. Vidistis nobilissimum homi-
nem militaribus armis oneratum, humi iacentem, fatigatũ
nocturnis uigiliis quiescere. Meministis qua uos ille libera-
tate fouerit: meministis ut idem primus quidem prælium
lubenter inire solitus sit, postremus commissio prælio exce-
dere. Nunquam hominem ab instituta animi magnitudi-
ne, auaritia ad sordis ullas reuocauit, non libido ad uolu-
ptatem, non amœnitus ad illecebras. Quid cõmemorem fa-
ciles priuatorum ad eum aditus? liberæ querimonias? ut
miles eum pro cõmilitione, socj pro fratre, exteri pro pa-
trone

„ trono passim haberent. Nam humanitate quidem tāta fuit,
 „ ut difficile sit dictu, utrum hostes magis fortitudinem eius
 „ roburq; ueriti sint, an clementiā superati amarint. Hæc qui
 „ uidet ab aliis neglecta, facile intelligit quantum in homine
 „ & nobilissimo & opulentiſſimo laudanda sint. Nanque ut
 „ grauius ferri, maiorique dedecori haberi uidemus uerrucas
 „ in facie, quā nauos & luxata alia membra quæ tegun-
 „ tur: ita ob eam quam de nobilissimis hominibus reliqui cō-
 „ cepere opinionem, quasi de iis qui reliquos uirtute uincere
 „ debeant, minima quæque eorum uitia morosius obseruan-
 „ tur. Tali indole Grinianus ereptus est nobis (ut Mars fortē
 „ quemque pignerari solet) dum fugientibus hostibus instat;
 „ & subducta casside quo statu res sint nostrā explorat: sed
 „ ita occubuit, ut multis prius hostibus & uulneratis & cæ-
 „ sis, uictoriam nobis nobilissimam reliquerit. Quamobrem
 „ fortissimi milites, celi breuius exequias tanti uiri: celebra-
 „ turi uerò sumus optime, si illius exemplo nitamur semper
 „ ad optima, si ille nobis exemplar sit, si eius fortitudinē, ma-
 „ gnitudinēq; animi imitemur, eius abstinentiam censurā
 „ nostram esse putemus, fortunatāque mortem eius nobis
 „ persuadeamus, quæ naturæ debita pro patria potissimū
 „ est reddita: persoluisseque cum naturæ debitum, quæ ei usu-
 „ ram uitæ dederat, tanquam pecuniæ, nulla præstituta die:
 „ confecisseque iter iucundum, quo confecto dum diuorum
 „ consortio fruatur, nulla reliqua cura, nulla solitudine anga-
 „ tur, emissūque è custodia & leuatum uinculis in æternā
 „ domū remigrasse. Feramus ipsi æquisimo animo eius mor-
 „ tem, quem uirtutis perfectæ perfectū functum munere ui-
 „ demus: cui telis hostium interempti uitæ socia uirtus, moris
 „ comes gloria adfuerit. Ac si præreptos illi aliquot annos,
 „ præcisas potius fortē aliquot horas doleamus: id tamen in
 „ mentem nobis ueniat, tam splendide & integre uitam an-

„ teactam id perficere ut satis superq; uixisse uideatur. Cuius
 „ fortitudinem si perpenderitis, rationibus subductis intelli-
 „ getis, si desiderium Aubignū & fortissimi cuiusque intue-
 „ mur, fortissimū uirum Grinianum parum uixisse: si ad earū
 „ rerum quas gessit magnitudinem, satis uixisse: si ad fortunæ
 „ uarietatem & commutationem, nimium diu uixisse: si ad
 „ memoriam rerum praeclarissime gestarum, semper uicturum
 „ esse. Atque ut angī possumus eo nomine quod fortissimi uiri
 „ cogitationes & actiones medio in spatio fracta sint & cor-
 „ ruerint, isque ipse antè in ipso cursu obrutus quā portum
 „ conspexerit, consolari tamen haud leuiter debemus, cū ex
 „ hac tāta rerum perturbatione in feliciorē uitam migrasse
 „ hominem uideamus. Cuius fortissimi manes ita conque-
 „ scunt, ut aeterna omnia, secura, tranquilla Dei Opti. Maxi.
 „ ope adepti esse uideātur. Iam hyems in exitu erat, cū Hugo
 „ Cardonius reparato exercitu, misisset etiam quinque homi-
 „ num millibus à Ferdinando, auxerat exercitum, ut iam ad
 „ octo hominum millia in armis haberet. Siculus Cardonius,
 „ Hispanis praeerat Ferdinandus Andrada belli peritissimus.
 „ Aderat & Ioannes Cardonius & Alphonsus Caruailus,
 „ & Emanuel Benauidius, & Antonius Læua. Aubignius
 „ superiores cū non ignoraret hostes numero militum, con-
 „ fessus tamen ueterano milite, & frustra toties expectans à
 „ Rege auxilium, aleam rursus belli tentandam sibi persuasit.
 „ Itaque facturus hosti pugnandi copiam, ex Gioia oppido
 „ copias educens, in campos uicinos progressus est. Primum
 „ agmē ipse sibi sumpsit: secundū Honorato Sanseuerino, ter-
 „ tiū Alphōso Salernitano tribuit: Malherba pedites cū ma-
 „ chinis bellicis cōmisit. Apud hostes in dextro cornu Ema-
 „ nuel, in sinistro Caruailus, in media acie Hugo Cardonius,
 „ sequente Læua cum equite & pedite Hispano uetere. Ade-
 „ rat deinde cum recentibus copiis Andrada. Aubignius cum
 „ Arnol. Ferroni de rebus Emanuelis

Emanuelis cornu cōcurrit, ita acriter ut pulsi hostes iam terga darent. At cedentibus mox adfuere Cardonius & Læna: turbatisque equis uir uiro congregiendi serè ex equestri pedestre certamen reddidere. Anceps erat, utrinque multis cadentibus, certamen, nec ulli fuga consilium tentaturi uidebantur. Franci eminus hastis, Hispani cominus paruulis succincti gladiis in hastatos inuolabant, ordinésque perturbabant: ac quanquam ita peruasissent Germani, qui unà cū Aubignio erant, perturbata ut cohortes Hispanorum uiderentur: illi tamen ita celeriter undique circumagebantur, ut ipsos Germanos frangerent, cominus gladiolis in eos inuecti. Tandem hostes saepe & multum cogitantes, qua fronte acieque densa, cū numero uincerent superessentque integra copia, Aubignū equitatum nimis tenuē & rarum impellerent, Alphonsus Caruailus sinistrum cornu circumducens ita in Aubignium, cuius equitatum in angustum locū coactum uidebat, inuectus est, ut faciliè pepulerit labore & uulneribus fessos. Inde dissipati Aubigniani equites, & quā quisque potuit, inde sese effusa fuga proripuit. Aubignius ab hostibus interceptus, suorum cuneo in equum relatus est. Alphonsus Sanseuerinus, cū tardius Aubignio opem ferret (nam iam hostes peditatum quoque Gallicum dissiparant) à Ferdinando Andrada fugatus est. Honoratus Sanseuerinus, ne tentata quidem pugna, quasi seruū esset auxilium, cū fuga comes esset Alphonso, unà cum eo interceptus & abductus est. Aubignius Gioiam, inde Angitulam sese proripuit. Andrada & Cardonius celeritate uictoriae usi, Angitulam mox expugnant. Aubignius cum suis in castrum munitum transit, per multos menses, etsi admotis machinis, obsidionem foriter tolerans. Scio à Iehannoto Dinuerso, & Podenasio equitibus Gallicis & Aquitanicis huius pugnae aduersum euentum in culpam Aubignū relatus.

tum, cum illi Malherbam admonerēt, quod essent Galli numero hostibus inferiores, protrahēdam pugnam: loca munita insidenda. Sed quando multo calumniari facilius gesta possumus, quā quid opus factū sit antequā gerantur consulere, euentus rerum parum sani homines metiri solent hominum prudentiam. Quæ in rem Gallicā essent haud ignorasse Aubignium tot præliis assuetum facile crediderim: fieri uerò potuisse, ut qui amplas res & secundas ductu suo sæpe gessisset, scientiæ militari & fortunæ, qua sæpe in bellis periclitatus superior semper euaserat, confideret, à qua tum desertus sit. Interea ut finis unius mali, principium esset alterius, Consalius aucto exercitu ex pluribus Germanorum cohortibus, & undique aduecta annona, Preianne Gallo frustra obnitente: iam etiam Venetis, qui sese spectatores futuros huius belli receperant, neutrique auxilium laturos, occulte Ferdinando fauentibus, post septimum mensem Barolo egressus est, ultro Gallus congressurus. Armeniacus, qui aucto exercitu non ignoraret maiora ausurum Consaliū, rogat Matthæum Aquaiianum, qui Conuersanum tenebat, ut ad Altemuram sese Ludouico Darsio coniungens Canusium ad se properaret. Petrus Nauarrus Matthæum ad Darsium properantem, dispositis in itinere insidiis, literis perlectis & corrupto pecunia tabellario, cum id ille ignoraret, interceptit, captiuūque abduxit. Consalius ad Carignolam tandē cum robore exercitus peruenit, euocato prius ad se Petro Nauarro & Ludouico Errera. Alij Ciriniolam oppidum uocant, Cereneolam alij. Peruenerant iam ad Armeniacum ad Canusium agentem, Darsius, Alegrius, Formantius, ex Castillonum illustri familia. Traianus Carraciolus, Palicius, Alegrius, cum hostis pugnandi copiam faceret, etsi uix hora dici superesset, ferox sermone belli aleam subeundam ferociter aiebat, oblique dissidentes timoris Arnol. Ferroni de rebus arguens.

arguēs. Cui armeniacus, qui quoniam aduersperasceret, ma-
 „ lebat sequenti die pugnare: Ego quidem (ait) dimicaturus
 „ sum. Vereor uerò ne praeclarus hic consultor, currenti potius
 „ equo quàm hastæ confidat, ubi in apertam contentionē cer-
 „ tamēque uenerimus. haud dubie euentum belli ominatus,
 fugamque Alegrij. Ipse ita instruxit aciem, ut in dextro cor-
 nu ipse cum Darsio esset, Chandius in media cum peditatu,
 extremam Alegrius duceret: atque ita decretum est exqui-
 sitis singulorum sententiis, ut cum Armeniacus inuectus es-
 set in hostem, Chandius è media acie machinas bellicas e-
 mitteret. Parum absuit quin Armeniacus & Alegrius in-
 ter se digladiarentur, sed Arsius permulsit iram Armeniaci.
 Concurrere principio leues ala equitum: Tormenta hostiū
 bellica in Gallos emissa sunt, quorum fumo & excitato
 puluere, equitibus Gallicis uisendi hostis & procurrendi
 facilius copia adimebatur. Ea tormenta cum iterum in Gal-
 los emitterentur, metu Italorum, qui ea uentura in Gallorū
 potestatem uerebantur, aut casu incensa sunt. Armeniacus
 procurrrens in Germanos & sinistrae alae equites, fossis ali-
 quot, quas hostes prius leuiter texerant, incurrens, ne ad eos
 perueniret factum est. Itaque retro agmen flectens, dum lo-
 cum alium, quò irrumperet, disquirat, pila plumbea ictus ce-
 cidit. Chandius eisdem fossis hærens, & pilis quoque plu-
 beis ab Hispano pedite impetitus, dissipatis Heluetiis eodē
 loco necatus est. Hunc & Chandencium uocant, illustri
 natum familia è Piætonica nobilitate, aut Piætonibus uicina
 haud longè Niorto urbe. Ita Galli animos demittunt &
 contrahunt. Cædes inde, non iam pugna erat, cum uictos
 duces Galli uiderent, Hispani & Germani ingenti ululatu
 restarentur. Formantius acriter dimicans captus est: Dar-
 sius multis necatis, cum effusam fugam Alegrij atque alio-
 rum uideret, saepe Diris deuouens hominis contumaciam,

qui simultate sua extremo diei tempore uana elatione animi subnixus, Gallicam uirtutem eo facto maculasset, & de uera bellicgerendi ratione Armeniacum dimouisset, & ipse tandem perfugit Venusiam. Alegrius Tripaldà post uarias latitationes, inde Auersam tandem peruenit. Et Italici & Gallici & Hispanici scriptores huius diei celebrem uictoriã, his fossis adscribunt, quibus occubuit Armeniacus. Sepem enim constituuerat Consaluus, qua peruasuros equites Gallicos rebatur palis statutis crebris, ac uirgultis implicatis, perforatisque tignis ac per foramina traiectis longuriis, truciſque ex uitibus demissis humo congesta: agerq; parte una stolonibus abundans, faciliorem fraudem efficiebat. Alij ita narrant, nono Calend. Maij anno millesimo quingentesimo tertio, Consaluum in pontem Cannarum uenisse: postridie cum teteret Ciriniolam, uenisse subsidio Gallos: fuisse utrinque acriter pugnatum, donec equites Gallorum ab extrema acie nullo premente sese reciperet. Ea re animaduersa, equites Hispanorum, & Italos Gallorum à fronte praeliantium latera adortos perturbasse: ita hosti partam uictoriam. Aubignius interea per hostes certior factus de Armeniaco cæso, utque complorata essent res Gallica, missis etiam equitibus qui eadem renunciarent, sese in fidem Consalui contulit, pactus omnium incolumitatem, & liberum in Galliã discessum: ipse, donec confectum esset bellum, liberali custodia asseruaretur: bello confecto, liberaretur. Ac ne Cōsaluus sub belli nondum confecti formularem extraheret, conuenit ut Neapoli, arcibus, & Caieta reddita aut expugnata, confectum bellũ haberetur, atque idem iuris statueretur, Neapoli cum arcibus à Gallis ea astate retenta. Galli secundum eam pugnam plures captiui abducti sunt: tormenta bellica eximie magnitudinis capta. Interea Neapolitani pulsos Gallis, & in arcem confugientibus, oratores ad Cōsaluum

Arnol. Ferroni de rebus

mittunt,

mittunt, nihil aliud petentes quàm incolumitatem sibi, & ueterum tabularum, immunitatum & iurium cōfirmationem. Consalvus benignissime auditos, cōnaque adhibitos Neapolitanos, collaudatis Ferdinādī in eam ciuitatem studiis, ita sibi eorum beneuolentiam conciliat, libenter ut illi pro Ferdinando Consaluum, siquid is molitus esset, regnare uoluissent. Omnium sibi laborum circa Apuliam exhaustorum nequaquam tantum fructum esse, quàm ultro sibi conciliatos Neapolitanos, profitebatur. Itaque ex Apulia Campaniam ueniēs, magnifice, receptis aliis urbibus, Neapoli exceptus est. Admotæ mox sunt à Petro Nauarro arcibus machinæ. Valentina turris haud diu oppugnata, recepta est. Turris nouæ oppugnatio diutius eos occupauit, sed cuniculis à Nauarro ductis, parte proriente Galli deditio- nem fecere, uiolati tamen omnes præter fœdus. Inde Oui arx iisdem cuniculis tentata, oppressis ruina muri prolabētis custodibus, expugnata. Ludouicus interea Darsius qui Venuſiam se receperat, cum delecta Gallorum manu crebrò eo loco erumpens, uarie Hispanos fatigabat. Itaque cūm Valentinum Benauidium cum turmis aliquot Hispanicis interceptisset, eò missus est à Consaluo Antonius Lena cum Iacobo Areliano, qui erumpentem coerceret, quos ille sæpe fatigatos uarie eludebat: occupata etiam Atella & Altamura, cæso Hispanico præsidio. Inde Consalvus Caietam contendit. Erant eo loco Alegrius, Ludouicus Salastiorum regulus, Oddo Ribberacus Daydius cum Aquitanico peditatu. Caietam ductis quoq; cuniculis dum oppugnat Nauarrus, contrà ex urbe aliis actus cuniculis, uanum fuit hominis studiū. simul Gallici pedites, ex urbe machinis emissis, fortissimum quenque ex hostibus sternebāt. Classis quoque Gallica Preianne duce, & Iona nauarcho adolescente, quæ inter Molam & Caietam prouecta erat, machinis

emissis hostes Formianis littoribus uagantes passim necabat. Cæsi sunt in Caietæ oppugnatione Sanctius Armentalus, Alphonſus Lopeſus, Antius Liteſtanius Germanus, Sed maxime cōmotus eſt Conſalvus morte Hugonis Cardonij iam Gallicis bellis affueti, & Rodorici Maurici. Itaque remiſſa obſidione, in Caſtillonē rediit, quod alij Formianiū M. Tullio fuiſſe aiunt. Rex interea conſcriptis ſeptem pedum millibus & quadringentis equitibus, Ludouicum Tremolium & Franciſcum Gonzagam copiis præſcit. Eos ſubſidio ſuis mittit. Sed Tremolio Romæ grauiter ægrotante, ut iam deſperata eſſet hominis ualeudo, ſumma imperij rediit ad Gonzagam. Moritur interea Romæ Alexander VI Pōtifex Max. Is cū filio Valérino Cæſari imperaſſet, ut propinato ueneno inuitatos purpuratos tolleretur, dum miniſtri errore & Alexandro & Cæſari, & Hadriano purpurato, qui multum gratia apud eos ualebat, è lagena ueneno infecta crebra pocula dantur, accidit ut quibus pernicies parabatur liberarentur, Alexander Pontifex & Valentinus ſeſe obrutos ueneno ſentirent. Alexandro intra paucos dies extincto, filius mulæ utero recenter necatæ incluſus, aliſque pharmacis adhibitis, ſeruatus eſt: ſed ita aduerſa fuit ualitudine, dum agitur de Pontifice deligendo, ut, quod concupierat, è ſuis quem uellet, Pontifex non deſignaretur. Iouianus Pontanus acerbo carmine inuectus eſt in hunc Pontificem, Lucretiamque eius filiam, quem ei ſponſam, nurum, filiam fuiſſe ait: amarius Aëtius Sincerus, qui ab eo uictos ait Nerones, Caligulas, Halagabalos, & quod nos calum & numina dicimus, illum longo tempore apinas credidiſſe. Gallicus exercitus multum poterat ad comitia Pontificia. Georgius Ambroſius Rothomagenſium Pōtifex, unà ſecum è carcere liberato Aſcanio Sfortia Ludouici fratre, cū is omnem ei ſuam deſerret operam, ingratiffimum Aſcanium Arnol. Ferroni de rebus ſenſit.

sensit. Elusus est uerò egregie à Iuliano, quem Iulium Pontificem nominatum legimus. Is cum & Borgiæ opera & Gallorum uel studio uel metu uideret patrū studia in Georgium inclinare, ultro adiit hominem: Et Pontificatum quidē
 „ (ait) omnium suffragiis dari tibi fateor. Atque ego quidem
 „ haud diffiteor, uel pleraq; me, tantā ut tibi dignitatē parare,
 „ & simulasse dolētē & dissimulasse uolētē, tādē ut aliquā-
 „ do rē omnē ad effectū consilij perducere. Hactenus tacui, cū
 „ præmatutam denunciationem officij studijque intellerem,
 „ eisi dolebam cum alios occupare possessionem Pontificatus
 „ uidebam. Sed usque mihi temperaui dum perducerem eò rē
 „ ut dignum aliquid, & dignitate tua, & Gallica expecta-
 „ tione efficerem. Id uerò ueremur amici tui, ne quod olim nō
 „ ignoras accidisse, quiritentur exteri purpurati, metu te Gal-
 „ licorum armorum designatum: nouaque habeant postea
 „ comitia de alio designando. Quin tu eos, cum uideas parata
 „ omnium in te studia, hoc metu libera? Neque enim circun-
 „ fusis patribus armis Gallicis, uane quis obiecturus Spiritus
 „ sacrosancti numine nos desertos? Itaque censeo emittas mox
 „ omnes Gallicos milites urbe, Pontificatum minime contro-
 „ uersum sine dubio adepturus. Hæc suadeo ut non peritissi-
 „ mus harum rerum, ita de studiis erga te patrum non igna-
 „ rus. Quæ erunt necessaria in eo tibi parando honore, in eadē
 „ nec infidelem, nec segnem operam polliceor. Georgius hac
 „ oratione commotus, rem defert ad Borgiam. Is ridere Iuliani uanitatem, qui homo in dedecore natus, ad turpitudinem
 „ educatus, ad simulationem accommodatus, sequester comi-
 „ tiorum corrumpendorum, periuriis delibutus, qui nullum in
 „ locum tam sanctum peruenit, in quo nō, quanquam in aliis
 „ culpa non esset, tamen ex sua improbitate infamie suspicio-
 „ nem non relinqueret, tanto postea interuallo sacrosancti
 „ Spiritus numen ad Pontificia comitia reuocet. Paruit tamen

malo omine illius consiliis . Ita Galli Roma egressi , Iulianique opera Pontificatus Georgio extortus , renunciato Pontifice Pio III . Ipsum Iulianum multi postea audiere , uanitatem Gallicam ridentem : & Pio paucorum dierum Pontifice , cum multa in Gallos moliretur , mortuo , Iulianus Pontifex preparatis ante in id consiliis Pontificatum adeptus est . Actius Sincerus acerbo carmine in hunc mox Pontificē designatum , uaticinatus est , paratum omnia euertere , qui nihil meminisset , præter uincula & exilium . Iam Heluetij & Galli unâ cum Gonzaga longius progressi erant . Aderât & Ludouicus Salassus , & Sadricurtus spurius , & Matthæus Trantius , Alegrius Antonius Basseius , Michaël Grandimontanus , Petrus Medices Florentinus , Sanctocolumbanus , Theodorus Triuultius , qui se iam pridē ad Gallos receperat : Borbonius Aquitanus , qui comitis Lauedani cognomine notior est : Gilbertus Carpinas , Ioannis Bentiuoli Bononiensium Reguli gener : Rambertus Malatesta Sogliani Comes , pluresque alij partim è Caieta euocati , partim Gallica stipendia secuti . Vrsini uel Borgiæ irritati simultatibus , uel à Iacobo Mendocio maiorum stipendiorum spe sollicitati , desertis Gallis Consaluo hæserunt . Galli qui è Caieta eruperât , Molam & Itrium adorti cæsis Hispanis diripiūt . Arcem Sicam dum oppugnant , uana fuit oppugnatio . Consaluo è Formiano motis castris supra Casinum arcem munitam , quâ è templo Galli erexerant , cæsis direptisque Gallis recipit . Aquinum Gonzaga profectus est . Missi sunt à Consaluo Fabritius Columna , & Ludouicus Petilianus , qui cum Columnensium & Vrsinorum equitibus extremū agmen carperent . In hos inuectus Alegrius sex captis , multis uulneratis , reliquos in fugam uertit . Gonzaga ex Aquino motis castris , Fregellas se recepit . Consultanti quidnam agendum , quâ peruadendum , multis in diuersas sententias Arnol. Ferroni de rebus tendentibus

tendentibus plures dies consumpti sunt. Placuit tandē Lyri
amne ponte constrato traduci copias. Fuere qui sibi persua-
derant, quorundam (qui Gonzaga familiares erant) opera,
admonitos hostes de consiliis Gallicis. Nā Consalius quasi
non interfuisset modò, sed præsuisset extremis cōsiliis, leuem
mox armaturam equitariumque Hispanicum misit cum Pe-
tro Paceo & Fabritio Columna, qui aduersam hosti ripā
tuerentur: munitionēque longē latēque perducta, Gallos
transitu arcerent. Galli interea ad traiciendum Lyrim, pō-
tem consternebant, pilis Hispanicis aneis, & Italicis saepe
prohibiti. Galli quoque iisdem pilis uarie hostes infestabāt.
Itaque accidit ut à Gulielmo Bayleno Poiano Aquitano e-
quite, cui ubi uisum esset, collineare sagittā raro à proposito
scopo aberrabat, Fabius Vrsinus sagitta emissa necaretur.
Interea à Fabritio Columna, Galli qui Euandri arcem cum
Federico Monfortio retinebant, acerrime oppugnantur, cūm
Gonzaga admonitus à Sadricurto, qui arcē magni momen-
ti ad bellum aiebat, minime obseſus auxilium tulisset, neque
ferre uellet. Pacta Gallorum incolumitate deditur arx Fa-
britio. Dissimili euentu turrim ad Lyrifauces positam, cūm
fortiter admotis quoque machinis Galli oppugnarent, An-
tonio Basseio urgēte, Hispani dedere coacti sunt, pacta quo-
que suorum incolumitate. Iam ponte constrato nequicquā
hostes cūm munitiones oppugnassent & ripa aduersa ce-
dere cogerentur: erant ita Gallica tormenta è superiore infe-
riorēque ripa instructa, ut ad pontem emissa transeuntibus
maximo essent auxilio. Et iam Basseius cum delecta Hel-
ueticorum manu transierat, Fabritius Columna & Ferdi-
nandus Andrada in transeuntes inueſti, uarie eos urgebāt.
Sed Alegrius & Sadricurtus, & Petrus Medices, & Sā-
Etoiulianus unā cum Baiardo trāsgreſſi, faciliē Hispanos &
Italos equites propellebant, cum repentē Consalius cum

robore exercitus aduolat. Eius erat consilium ut impeditos Gallos, & inopinantes aggressus, qui nondum flumen transierant, concideret. Basseius & Alegrius, etsi numero inferiores, audacius subsistere. Sed Galli machinis aptissime à Consaluo dispositis, ne auxilium iam transgressis ferrent, prohibebantur. Quod Alegrius Basseiisque intuiti, Heluetios hortati, dum & Galli quierant cum Alegrio equis casis peditum munus libenter susciperent, in tormenta hostium bellica impetum faciunt ut iam Fabritius Columna & Andrada pulsi loco, sese ad suos reciperet. Sed ea ab Hugone Moncata egregie defensa, & Germanis militibus, tandem ut Heluetiis Gallisque ad suos redeundum fuerit. Casi sunt è Gallis aut Heluetiis quingenti, ceterum submersi: ex hostibus ducenti desiderati. Petrus Medices in Gōzagam grauius inuehebatur, quem cunctatione simulata, exploratis satis omnibus, traiciendi alius causam fuisse aiebat: nunquam autem adduci potuisse, ipse ut traiceret. Genesius Sepulveda eo pralio commendat Ferdinādi Hilescæ signiferi Hispani robur qui machina bellica dextra amissa, uexillum laeva multis uulneribus acceptis extulerit. Hunc ait, amisso brachio, quo signum sustinebat sinistra manu, ne pede quidem relato signum recepisse, dum turpe ducit, loco cedere quem semel occuparat: & paulo post ingruentibus Gallis, qui signum maxime petebat, sinistram quoque manum amisisse: tunc uerò cum statuisset non ante signum quam uitam amittere, id truncis brachiis extulisse, tandiuque loco immotum constitisse, donec Galli pulsi essent. Hunc postea euocatum à Consaluo pro tanto facinore palam commendatum, & ad Ferdinandum Regem cum testimonio & commendatione tantæ uirtutis perductum, ab eoque pro eo ac merebatur gratiam ei relatam præmiæque tributa. Galli in castra regressi de integro & consilium Eyris traiciendi Arnol. Ferroni de rebus inibant.

inibant. Sed Gonzaga cum se suspectum Gallis sentiret, uel Sandricurii cōiuiis commotus, à quo padiconis nomine insignitum se frendebat, uel (quod Sandricuritus iactabat) ut abducto secum robore Italicarum copiarum, utres Gallicæ minuerentur, abdicato sponte imperio abiit, culpam conferens in Gallorum contumaciam, nihil suo egressum se officio dictitans: sed hætenus ea erant consecuta quæ hyemi aduentanti, locisque parum bello aptis imputari poterat. Eius discessu & hostibus aucti animi, & ex hac spe deturbati Galli non leuiter perculsi sunt: & tamen, ut in rebus fluxis, summam imperij detulere ad Ludovicum salassiorum regulum, donec Regi aliud placuisset: exteris tamen multis, qui florentibus rebus præstò fuerant, deuolantibus, & ad hostes se recipientibus. Hyems deinceps adeò imbribus frequens, locus præsertim cœnosis adeò utrorumque copias affluxit, ut Consalius tot pro ripa extructis munitionibus, eas deferere & ad Sueßam se recipere coactus sit: & Galli, qui toties pro Lyri traiciendo certassent, abeunte hoste nihil deliberarent de transitu, deteriores locos & parum munitos ueriti. Tætauerat is prius perfringere Gallicum pontem, in eamque operam conuehi iusserat ligneas munitiones, quæ impetu amnis emissæ superiori loco pontem perfringerent. Beiomantius cum cohortibus Aquitanicis paruis nauiculis traiciens, elicit omnem eum apparatus & abduxit, cæsis qui adornabant Hispanis nauigiolisque aliquot depressis & ratibus abductis. Consalius cum hæc frustra expertus esset, Prosperi Columnæ consilio deliberat de incedendo ponte Gallico. Ad id traiectoriâ nauem deligit, eamque lignis exilibus, sulphure utraque parte intinctis, ingentiq; alia materia sicca, resinata, & piceata, complet: hancque maximo sonitu incitatam ad pontem emittit. irritò conatu, cū & Galli dolo intellecto leuibus machinis emissis

uenientem arcerent, & ignis ab Hispanis temere illatus, & antenas & latera & foros proramque ipsam, resinatumque & piceatum omnem apparatus prius consumeret, quàm ponti Gallico nocere posset. Galli interea hyemis sæuitia plures absumpti sunt. Vigiliæ multos conficiebâr: Heluetiorumque affecta laboribus corpora. & equi pabuli inopia consumpti. Tot rebus oppressi, cum neq; pecunia auersa, stipendia à regiis quæstoribus bona fide exoluerentur, Salassus cõstituit peditibus relictis, qui munitiones tuerentur, equitatus robur Caietam deducere. Ercmere pedites, obiiçse hostium insidiis, stipendia non solui, affecta iam omnium uigiliis corpora. Permulsit Salassus iras eorum: réque iterû deliberata constitutû est, uti & pedites & equites in hyberna deduceretur. Machinæ uerò bellicæ fluuiatilibus nauibus impositæ sunt; eorûmque auhendorum cura mādada Petro Medici: nam is, licet pleriq; id munus detrectaret quasi periculi plenum, receperat: futurumque potius ut uita spoliaretur ab hostibus, quàm hi machinis potirentur, edixerat. Atque ut receperat, ad extremum præstitit. Nam fluuiatiles naues machinis onustæ, in ipsis fluminis faucibus, proris auersis & undis dantibus locum, unà cum eo & plerisque aliis obrutæ sunt: tametsi Medices iam cùm initio littora agitata uentis intumescere, ac resonantem undiq; fragorem & murmur uideret & audiret increbrescere, cautius sese ea cura explicare potuit. Iā Cõsaluus (ut erat ad exploranda Gallica cõsilia callidissimus, & exploratores plures ingenti pretio deuinctos in Gallicis castris habebat) certior factus fuerat de eorum in Caietam discessu. Itaque Liuiani Vrsini consilio, parte alia Lyris, adiunctis compluribus nauiculis, atque inuicem colligatis, asseribusque constrictis, doliis quoque applicatis ponte facto traiecit copias: imparatosque Gallos nactus, qui sugium se receperat, caesis

Arnol. Ferroni de rebus

illis

illis oppido potitur. Salassus interea cum robore copiarum Caietam properabat. Accelerant Ferdinandus Andrada & Iacobus Mendocius cum leui equitatu hostium, ut extremum abeuntium agmē inuadant. Petrus Terralius Baiardus solus acriter diu impetum hostium sustinuit, donec adessent & Bernardinus Adurnius & Grandimontanus & Sanctocolumbanus, cum aliis aliquot Gallicis & Italicis circa lapideum pontem Formianum, qui & diu impetū hostium pluribus quoque necatis sustinere. Atque ubi satis intelligunt longius suos progressos, sensim se quoque Caietā recipiunt, pluribus tamen desideratis, in quibus & Adurnius occisus est & Sanctocolumbanus uulneratus, unā cū Buscto & Bourdelio. Consalvus ad Caietam oppugnandā contendit, non ignarus frumenti inopia, ut in tanta multitudine, urgeri Gallos. Galli quoque cū ingrauesceret annona, essētq; in summa difficultate nummaria, ne frustra obsidionis incōmoda perferrent, sãctocolumbanum misere qui salutato Cōsalao narraret, si non indignæ militariibus hominibus conditiones offerrentur, Caieta cessuros: sin secus, potius nō indignam Gallico nomine mortem appetituros. Remissi sunt Caietam cum eo Petrus Nauarrus, Didacus Mēdocius, Petrus Pacæus, cum Salasso transacturi. Tandē cū multis diebus Triuultius, Basseius & Alegrius cum Consaluo collocuti essent, his legibus urbs dedita est, ut Galli omnes, Itali, Heluetij, quā uisum fuisset, uel terra uel mari cū omnibus equis impedimentisque liberē in Galliam redirent: Caietanorum res omnes saluæ essent, reliquisque urbibus quæ Gallicas partes fouisset, fraudi ne esset: Aubignius, Formatius, & reliqui captiui, qui Neapolum abducti essent, liberarentur. Non potuit impetrari à Consaluo ut Matthæus Aquæuianus & Sansfuerini liberarentur. Diserte tamē aditum est, integra eorum causa Ferdinando seruaretur: de

his neque Ferdinandus, neque Consalius supplicium sumere possent, donec per legatos Gallicos cum Ferdinando Rex egisset. Ei rei peragenda octo menses statuti sunt: hiq; postea pace inter Reges conciliata, liberati sunt. Traianus Caracciolus cum omnibus suis liber emissus est: hiq; qui à Gallis capti erant liberati. Eo pacto Galli in Galliam redierunt: Salassus tamen in itinere defunctus est. De regis Quaestoribus, qui pecuniam auertissent, decreta peculatus quaestio: Ioannésque Herouetus peculatus damnatus est: Sadri-currisque & Basseius & Alegrius, quasi re male gesta, diu aula exclusi sunt: Alegrius tamen intra paucos menses in gratiam rediit. Sed & equitum peditumque stipendiū praefecti fraudauerant, falsum interea equitum numerum deferentes. Sunt qui scribāt Aubignium & plerosque alios aliorum captiuorum facta permutatione redditos: uoluntque unā cum Aubignio captū prius Alegrium, liberatum. Herouetus ab ipsis Gallicis Italicisque praefectis ita aiebat fraudari stipendia, ut nunquam copiae eo quo debebant numero uiderentur, quin & intransuentione publica alij alius equos commodarent. Ex iis aliquot nominabat magni nominis, qui stipendium equitum fraudabant & praedam, haud leuem domum auertebant. Ludouicus Darsius cum eo fœdere uti posset, ea fuit animi magnitudine, ut expansis uexillis resonantibusque tympanis Venusia egressus, frustra obnitente Antonio Laua in Galliam redierit. Is etsi ob Armeniaci amicitiam Alegrio parum æquus esset, positus tamen similitudinibus auctor fuit Regi, ut hominem acrem & rei militaris peritissimum reuocaret in aulam. Incidit bellū hoc Neapolitanum secundum, in annum millesimum quingentesimum secundum & tertium. Rex interea, qui militaribus uiris deditus, parum æquus uidebatur eruditus, cepit eos quoque praemiis in aulam inuitare. Actum Synce-

rum, qui cum Federico Neapolitanorum Rege uersabatur, liberali stipendio fouit: impetrauitque à Ferdinādo ut Neapolim rediens auitis paternisque fortunis restitueretur. Inerat Regi cum grauitate iunctus facetiarum non scurrilis lepos: ut eius multa lepide dicta circunferantur, in quorum possessionem uulgus iam inuasit. Audiens unum ex Heluetiis suis stipatoribus, diris confixum Pontificiis, cum a s alienum ad tempus non dissoluisset. An i deo (inquit) minus, diris confixi pane albo uescuntur? significans, plerisque qui castra sequuntur, parum hæc esse curæ. Cum audisset galero & causia Pontificia donatum indoctum quendam ab Alexandro Pontifice, Bellum uerò histrionem (ait) Pontificem, qui nobis in purpura simias, in pelle leonis asinos exhibeat. Eiusdem est illud, Deteriorem esse conditionem equorum, quam asinorum: Quippe equos cursu fatigari & disrumpi, ut asinis sacerdotia præfecturæque ecclesiasticas e Româ referant. significans, ignaris hominibus, ac nullo passim delectu habito, ut quisque prius Romam adcurrit, sacerdotiorum uacua munera his conferri. Annam Reginam cum uideret cupidine dominandi flagrantem, multa se quoque; in scio moliri, Vxori pudicæ multa aiebat condonanda. Eandem acrius instantem, tundendo adepturam se sperantem: ut desponderet Carolo Maximiliani Cæsaris nepoti Claudiam filiam, fixdus aiebat uelle pacisci inter musculos domesticos & alurôs. Atque eidem occinenti eadem æquè studere, atque adeo erga nurus ita animum induxisse omnes socrus ut eis iniquæ sint, ita respondit: Itane uerò tantidem esse putas; præesse Britannia minori obnoxiam filiam Gallicis Regibus: quanti nuptam potentissimo Regi unâ nobilissimi regni comodis frui? Visne, inquit, clitellas asini ephippiis equi præferre? Principio & cernas cū ceruis cornibus amplis insignitas à natura: at cū cerua ceruis sese præferret; indigna-

tum Deum, ex cornes ut in posterū prodirent imperasse. Solebat enim uel fabella uel apologo quid sentiret efferre, admonēs Reginā, ne sua sibi insolentia potentiā minueret. Eisdem dicenti futurū, ut claudicantem leuiter filiā gener contemneret, id ingessit: Certum esse amorem morum: futurum, ut formam atas popularetur. Iniurias priuato sibi illatas regnum adeptus ulcisci noluit, dictitans, Parum decorum esse Regi Gallico, iniurias illatas Aureliorum ducibus ulcisci. Lugduni deprehensus ab aulicis duobus uiuo Carolo, & antequam nosceretur, uexatus multis uerborum contumeliis, cum illi cōturbati Carolo mortuo abiissent, absentes sua sponte reuocauit, pristinaēque dignitati restituit, exiisse sese personam Aureliorum ducis dictitans: proinde Regi nihil hāc esse curā. Cum Iulius Pontifex sacrilegū eum insimularet: Atqui (inquit) absurdissimum est, ut qui donaria diuū ipse manibus gerat, alios sacrilegū arguat. Plebem & rusticos pascula aiebat esse tyrannorum & militum: milites pascula esse demonum. Cum audiret Bernenses eos qui Ioanni Nauarriorum Regi parent, nobilitatem ex a quo omnes iactare: Atqui, aiebat, decem nobilibus eiusce gētis, unicusensis satis superque fuerit: Hoc & in Pictonicos iactitabat. Cū Pontifex diras in eum euomeret: Atqui, ait, precandi ille nō imprecandi causa Pontifex constitutus: repetens laudatam eam uocem sacerdotis quæ adduci non potuit, ut Alcibiadē execraretur. Cum audisset Franciscum Gallicum Cæsarem, qui postea regno potitus est, magno a re alieno contracto, Regia quoque pecunia à quæstoribus mutuò sumpta, anxium esse, rationes hæ in fiscum quo pacto referrentur, ipse quidem eum uacuo animo esse iussit: hac tamen fabella admonuit. Equitabam cum patre: proximus mihi uidebar oppido in quod perueniendum nobis erat: itaque uisis templi pinnis altiusculis, cum è uia languerem, ad patrem conuersus:

Arnol. Ferroni de rebus

uersus:

uersus: en iam, aio, confecta uia: peruenimus in oppidum:
 (aberamus uero ab eo loco multis stadiis) ille ad me conuer-
 sus, Adolescens, inquit, ne posthac pinnis uisis templorum,
 iter te executum dixeris. tacite innuens indignum esse, ut spe
 & specie largitionis, nondum adepti principatus commo-
 da se percepturum existimaret. Cum honori uelificari Re-
 gio Iulius Pontifex diceretur, non tantum otij superfuisse
 aiebat diuo Petro, ut res Claudij Caesaris aut Domitij Ne-
 ronis, quæ ad se nihil attinebāt, curaret. Ex antiquorū rebus
 gestis res gestas Philippi Macedonis Alexandri patris, &
 Vlpj Traiani Caesaris maxime probabat. Vnus ē sodalitis
 Franciscano magni nominis corā eo cōcionans, argutissimis
 disputationibus concionē clauserat, dum in dubiū reuocat, si
 Dei Opt. Max. specie dæmon uiro integræ uitæ appareat,
 isque sese coli iubeat, si is pro Deo dæmonē habens coluerit,
 an is in sacrosanctæ persuasionis uiolata crimē inciderit?
 Eo audito, qui magis deliraret uidisse se neminē aiebat. Pro-
 inde futurum uti posthac concionibus sacris abstineat, nisi
 concionatores lites eas inter se bona fide componant. Aulico
 „ magni nominis, uxoris adulterium deplorāte: Dixit, inquit;
 „ Pontificæ, & uxoris adulterium, si quis contempserit, nun-
 „ quam sanum hominem commouebunt, & de gradu deiti-
 „ cient: si quis his uel leuiter commoneatur, aculeum noctur-
 „ num diurnūque qui perpetuò hæreat, relinquet. Cæterū
 „ probi utroque mouentur. Gloriabatur, cum sollicitum suspi-
 „ cionibus regnum, suspensum metu, perturbatum nouis con-
 „ siliis Carolus tradidisset, id se Frācisco florenti & atate &
 „ uiribus tranquillum relicturum. Cum audisset à Senatu
 „ Mediolanensi postica libidine abusum, exustum: Pol, inquit;
 „ uereor ne Mediolanenses omnes exurantur: temperatiquē
 „ pœnam deinceps, nec nisi indubitatis probationibus cō-
 „ strictos damnari iussit. Cum audiret Iulium immodice sese
 „ Gestis Gallorum Lib. III. R ij

efferentem qui tot urbes puncto temporis recepisset, quas
uix Franci intra triennium occuparant: Non enim (inquit)
erat Gasto Fuxeus: imitatus Iliensem: is gloriante Eimbria,
qui Ilium XI die ceperat, quam urbem Agamemnon X anno
uix ceperat, ipse eam XI die cepisset, Non enim Hector ade-
rat, qui pro ciuitate pugnaret. De magnitudine frequentia-
que hominum qui Lutetiae erant, disceptanti et Stifaco mi-
ranti quo pacto tantus numerus hominum aleretur: Quin
miraris, ait, quo ego pacto cum tot annos pedibus aeger ia-
ceam, pedestre tamen certamen incam, ubi res exigit? signi-
ficans hominum industria et improbo labore multa perfi-
ci. quae factu natura difficilia uideantur. Cum Stifacus, ut
erat perfacetus, et Regi gratissimus, id uero se mirari di-
ceret, quod Rex pedibus non careret, qui eos tam saepe exa-
gitasset subagitantis adolescentulis aulicis: Hac, inquit, ra-
tione membra tibi iam pridem euulsa omnia et sublata de-
cui, à te toties in idem negotium sollicitata. Antonio Viuo-
nio, dum ex condito unusquisque narraret quibus studiis
adulescentiam traduxisset, dicentis se pelle uituli contectum, in
aucupium, quod aues falleret, descendere solitum: Tu uero, ait,
haud omnino adhuc uitulinam pellem exuisse uideris. no-
tans in eo socordiam apertam. Nam Galli socordes et stul-
tos, uituli nomine designare soliti sunt. Narranti Aleandro
ex ueterum monumentis, augures si ulcus haberent, inau-
gurandi gratia, sedere prohiberi: quasi hoc esset signum, non
oportere qui ulcus aut perturbationem animo habeat, tra-
ctare res diuinas. Felicem ait Pontificem, qui in ea tempora
non incidisset: nunquam enim inaugurandi potestatem ha-
biturum si ad uetera sacra redeamus. Eidem referenti, solitos
olim et cane et capella abstinere sacerdotes, ut non mo-
do attingere, sed ne appellare quidem liceret: pessime hoc
aiebat obseruari ab Alebreti filio, uno ex Purpuratis Ponti-
ficis,

Arnol. Ferroni de rebus

ficiis, qui & capra carnibus, Biarnensium mores imitatus, haud illibenter uesceretur, & agmē canum uenationis gratia in delitiis haberet. Cum saepe repeteret edictis suis Iulius, Ecclesiae seruanda gratia bellum Ludouico indictum: laudabat id uetus prudentis hominis qui capitaliorem dixit iniustitiam eorum, qui tum cum maxime fallunt, id agunt, ut boni uideantur. Vnus ex stipatoribus eius Despensius cum Aulico, genere, honore, existimatione, principe suae familiae, exarserat iracundia, cum stipator nobilitate generis non se esse inferiorem Aulico iactitaret: erantque eo nomine in certamen uenturi. Hos ante se iubet sisti Ludouicus, rogātque stipatorem, unde ei genus, quid ita se conferret nobilissimo homini. Tum ille eo se genere natum ait, quo nullū sit nobilius. Id quidem fateri, Regem ortum stirpe Noae: sibi uero genus esse ac gentilitatem ex alterutro eorum, qui cum Noe fuissent eo tempore quo uniuersus orbis aquis submersus est. Cachinnum dicitur Rex sustulisse, in stipatorē, quasi eadem gentilitate sibi coniunctum, conuersusque ad Aulicum magnae nobilitatis, rogauit despiceretne eum cui genus esset Regium sibiq; aequale. Eoque ioco placauit utrunque, dextramque porrexit ambobus: utriusque enim animi magnitudinem perspectam habens, iacturam se neutrius facere uelle aiebat: quod necesse erat, si ad singulare certamen uenissent. Baionensem Centurionem & Lemouicensem superbis de exitu & ordine praelij differentes haecenus tulit, ut Baionensi diceret, Cum te rogabo pernas quomodo salire oporteat in dolio uel seria: Lemouicēsi autem, Cum te rogabo, castanea qua in terra, & quo pacto repastinata serenda, & quibus campis rapa & napus latentur, tum demū respondeto. Silente utroque, conuersus ad Lemouicum, Nostin, inquam, in alio solo rapam biennio satam conuerti in napum: in alio napum raporum accipere speciem? ita & tu

hausisti à Baionensi superbiam, ille à te ignorantiam qua
 sic insolebat. Libros M. T. de Officiis, Catonem maiorem,
 Lælium, Paradoxa, oratiunculas aliquot in Gallicam lin-
 guam, etsi parum fideliter uersa, summopere exosculabatur.
 „ Valde delectabatur M. T. dicto, quo Casarẽ admonuerat,
 „ nullam de uirtutibus eius plurimis nec gratiorem nec ad-
 „ mirabiliorem misericordia: homines ad Deos nulla re pro-
 „ pius accedere, quàm salutem hominibus dando: nihil ha-
 „ bere nec fortunam Regiam maius quàm ut possit nec natu-
 „ ram melius quàm ut uelit conseruare plurimos: eaque Frã-
 „ cisco genero sape inculcabat, conducere arbitratus, talibus
 aureis eius uocibus undique circunsonare: Isque soceri ad-
 monitionibus excultus clementissime postea regnauit, etsi
 multis hostium domesticorũque insidiis exagitatus. De-
 lectabatur & Commentariis Iulij Casaris in linguam pa-
 triam euersis potius quàm uersis, ita erroribus scatebant;
 laudantẽque Hieronymo Aleandro clementiam Casaris,
 ipse quidem laude non indignam, caterum temporariam
 & alliciendis Romanis ostentatam aiebat, exemplum af-
 ferẽs ex Vxcloduni deditiõne, cùm deditis Casar omnibus
 qui arma tulissent, manus præcidisset, uitamque concessisset:
 & Galliam ipsam pacatam per se, specie belli undique con-
 quista, uexasset & spoliasset. Fidelitatem quoque Casaris
 se desiderare aiebat his in Commētariis, in numero aut cæ-
 sorum, aut eorum qui ex urbibus ad bellum prodissent, re-
 ferendo. Aleandróque Xerxis numerum terrestrium co-
 piarum referente, quas fuisse CLXX myriades: & Semi-
 ramidis Assyriorum Regina, cui fuerat peditatus centum
 millia, equitatus centum myriades, falciferorum & plau-
 strorum decies decem millia, uirorum in camelis pugnantiũ
 idem numerus: aliorum camelorum (ubi opus erat) uicies
 decna millia: naues in Baëtris ter mille: Elegantia uenusta-
 Arnol. Ferroni de rebus reque

teque uerborum abundantes externos, historiae ueritatem aiebat transgressos: tantumque abesse ut aut quæ de Xerxe aut Semiramide scripsissent, uera sibi esse persuaderet, ut & in probatissimis historiis corruptos interdum numeros bel-latorum ueretur: quos & à Valerio Antiate uanissime auctos T. Liuius passim fatetur. Aiebat uerò Græcos, qui pauca gessissent, disertissime historiam scripsisse: Romanos & diserte scripsisse, & res gessisse historia non indignas: Gallos, multa strenue cum gessissent, nihil lueris mandasse. Alcandrum Rex, cum Lutetia summo auditorum concursu Gryphum Ausonianum primum, & Theodori Cææ Græcæ Linguae grammaticas institutiones: mox & Platonis Timæum, & M. Tullij Ciceronis librum de uniuersitate enarraret: quingentorum nummorum aureorum stipendio annuo fouerat. Ea liberalitate factum est ut ad mansuetio-rum Musarum studia plures confluerint. Rogabant La-scaris, & Robertus suscipere causam Benedicti Scaligeri aduersus Venetos qui Veronam aliæque oppida Scaligeris

“ extorsissent. At ille uetere uersu respondit, Non sibi his esse
 “ opus qui pro diuitis titulos & tumulos demum auorum
 “ ostentare soliti sint. Cum Dornallus narraret, uiolato iure-
 iurando Valentinum Borgiam Casarem à Consaluo perfidi-sime retentum, & uinctum ad Ferdinandum missum: Ergo, ait, posthac pro Punica, Hispanicam fidem sumus ce-lebraturi. Narrabat Copus Basiliensis medicus, Regi acce-
 ptissimus, ex ueteribus scriptoribus, Cernos qui ex Sicilia in Calabriam ac Rhegium urbem transnarent per aestatem de-siderio pabuli, longitudine natationis defessos, quod onus capitis super aquas extantis non facile perferant, ad leuan-dum laborem rationem hanc inire. Natate quidem ordine cunctos, unius ductum alio post alium sequente: ita uideri exercitus imaginem, congruo ordine incedentis. Inter na-

tādum uerò singulos super anteriores caput imponere: Ac si
accidat ordinis decurionem animo labare, mox hūc in ter-
go locari, alium uerò decurionis in locum substitui, quasi
nouus tergi ductor declaratus sit: Ita repræsentari aciem, in
qua Aubignius tergum, frontē Grinianus regat usque adeo
etiam ad ceruos militaris disciplina transisse uideatur. Hæc
narrantem intuitus Rex, risu diffuens, Non mirum igitur si
apud Rhegium cerui, disciplina astūque militari pollentes,
Gallos crista feroces deuicerint. inuens Gallos militari po-
tius astutia, quàm robore Apulia Calabriaque depulsos.
Cum Lutetia obambulans, obuios haberet quosdam è Se-
natu, qui raptim ad Senatum properabant: An non, inquit,
hi ad nundinas uidentur proficisci? imitatus Stratoctem &
Dioclem qui sese mutuo ad messem auream inuitabant: ita
enim tribunal, & curiam uocabant. Cum narraret Alean-
der quosdam ex ueteribus olim usos cornibus antepocula
inuenta, usos fumo & cochlea pro tubis: id retulit, ætate ho-
mines fieri aptiores. Vetus illud, Neceffe est facere sumptū
qui quatit lucrum, maxime probabat: cum tamen non se-
queretur, identidem illud iactitās, Qui homo mature qua-
siuit pecuniam, nisi eam mature parcat, mature esurit. Dice-
bat, eum qui Pontificibus his qui bello potius quàm pietati
student, primus arma, sodalibus sanctioris uitæ instituta
professus, equos permisisset, & militarem & caelestem di-
sciplinam corrupisse. Cum audiret Armeniacum effluctim
deperire puellam Napolitanam, quæ uultu esset adeo mo-
desto, adeo uenusto ut nihil supra: Grauem esse aiebat ty-
rannum uoluptatem, quæ ea demum concupiscat quorum
sit copia angustior. Pragmaticos forenses uariis cauillis im-
petebat. Itaque ualde laudabat aruspis augurisque eius re-
spōsum, qui cōsulenti quid oculis maxime podesset, respon-
dit: Si pragmaticū patronūque rarissime uideris. Ipse Lu-

Arnol Ferroni de rebus

tetia

teritæ persæpe quum Liliatis subfelliis ius dicebatur, intere-
rat, patronosque disertos non illibenter audiebat. Eos tamē
sutoris artificium impudenter sibi uendicare aiebat: Nan-
que quod sutoris est proprium, dentibus alutam producere:
hoc patronos in dilatandis prudentum responsis & Casa-
rum legibus facere aiebat. Itaque principatum adeptus
multa statuit quæ uidebantur utilia ad litium anfractus
tollendos, sed ea adhibitis prudentissimis hominibus utrius-
que ordinis. Exteros quidem etsi olim inimicissimos fouit,
ut Ioannem Ludouicum Fliscum, quem inter equites Tor-
quatos adscripsit, tribunumque maritimorum apud Genuē-
ses designauit. Mortuo Carolo, perlegens, libello oblato,
Caroli domesticos, duorum ex iis cum quibus simultates
olim gesserat priuatus, nominibus crucem addidit: illi con-
turbati abeunt, crucem sibi rati paratam. At mox humani-
sime reuocantur, eo enim se signo obliuisci ait simultatum.
Suppræfectum Aurelianensem quo familiariter priuatus
erat usus, sæpèque sordiū reum liberarat: cum in eo essent o-
mnia ad perniciē profligata, damnari passus est: id adiiciēs,
Contendi priuatus pro amico: Regnum cum sum adeptus,
leges mihi tuenda. Nactus ad Braccum Lutetia senatores
Parisienses, qui sese pile ludo oblectabāt, acriter increpitos,
si posthac deprehenderentur, pro senatoribus habiturum se
stipulatorum loco edixit: pertinere hoc ad maiestatem sena-
toriam putans, si minus occupati ludicris publicis uideren-
rentur. Feruente adhuc bello Neapolitano, Rex ut Ferdin-
andum ad sua tuenda reuocaret, auerteretque cum in co-
gitationem domestici belli, ex Gallia & Tellosagis equites
accerisit, pedites conscribit: his copiis præficit Riuinum Tribu-
num militarem: eumque mittit ad Ruscinonem oppugnā-
dam. Paucis ante annis Galli arcem incenderant eam quæ
Salsiarum nomen accepit, olim etiam Salsularum. Ferdinā-
Gestis Gallorum Lib. III.

dus loci naturam contemplatus, Petro Nauarro auctore,
 ruderi ueteri lapidibusque cōfractus nouis adhibitis succur-
 rit, reliquias colligit, adhibitisque Regio apparatu operis,
 breui arcem instaurauit: munuitque ualidissimis propugna-
 culis, loci natura arcem alioqui munitissimam, magna eorū
 socordia qui Leucatam superiori loco oppidum Regio no-
 mine obtinebant, qui neque ædificantes arcuissent, neque
 Regem admonuisset. Riuius late diductis copiis obsidebat
 Salsulas, Hispani sæpe erumpunt ex eo loco: plurimum uerò
 proficiebant in repellendus uulnerandisque Gallis emissis
 æneis tormentis. Vulgo iactatum cum Galli unum è propu-
 gnaculis expugnasse se crederent, id quidem corruisse, incē-
 dio tamen ab hoste clam immisso & ruina Gallos plerosq;
 oppressos, defensoribus in partem aliam arcis, momento tē-
 poris, ut conuenerat, receptis, qui inde miro se artificio sub-
 duxerant. Riuius animaduertes pralium iniquius esse suis,
 nectamen multum profici propter loci difficultatem, suos
 reuocat quasi habiturus Hispani mox erumpūt, sed à Gal-
 lis fugam simulantibus nunquā in insidias præcipitati sunt,
 facile ad suos se recipiētes. Extremum erat intercludere ho-
 sti commeatus, progressos longius excipere, atque eos intra
 munitiones continere: idque diligenter à Gallis curabatur.
 Interim tamen leuibius decursionibus utrinque certabatur,
 ubi & plures desiderati sunt: inter quos Rupipotius, qui
 Regi gratissimus erat, pila plumbea emissa necatus est: si-
 mulque uulneratus Asprimontanus, qui uicecomitis Ortē-
 sis nomine notior est. Sed continuata obsidione, cum a deesse
 Ferdinandus diceretur multa secum trahens peditum equi-
 tūque millia, ipseque Riuius acri morbo nexaretur, soluta
 est obsidio. Fuere qui Tribunū auro corruptum soluisse ob-
 sidionem uellent. Id falsum fuit, rumore tamen uulgi exa-
 gitatum. Est enim ea Gallica plebis in iudicando leuitas
 Arnol. Ferroni de rebus

uti ignara consiliorum bellicorum, si quid minus succedit, mox in proditionem culpam omnem uertat, multaque ex opinione cōfictis que rumoribus, pauca ex ueritate astimet. Alij scribunt pactis inducijs Hispanos in Siciliam à Ferdinando missos, ut inde iunctis uiribus Apulia Gallos pellerent. Paulo antea miserat Rex ad Iulium Pontifi. Max. legatos, qui ei de Pontificatu adepto gratularentur: operamque suam deferrent: obsequium que exhiberent, quale pium Pōtificibus Gallici Reges exhibere soliti sunt. Legati hi fuerunt, Petrus Piētonicus, Sanctoualerianus: Pontifices Ebredunensis, & Ruthenēsis: Martinus Ritijs, quem Neapoli extorrem Rex in patrum Parisiensium senatum adlegerat: & Gulielmus Budæus qui Regi erat à secretis, & literarum nomine innotescere incipiebat: hi amicissime excepti sunt. Multi quoque qui è Neapoli rediere, salutato Pontifice, Regi cum optime cupere credebant: sed emicuit inter omnes Baiardus, qui omnium ora oculosque in se magnitudine rerum gestarum conuertebat. Consalui de hoc est iudicium, plures Gallis equos esse albos, pullos, rutilos, giluos, castaneos, leucophæos, unicum uerò Baliū (nam Gallica lingua Baiardus equus, qui Latinis balius aut badius est, dicitur, paululum immutatis literis: hos & alij spadices uocauere. Balios porrò Cassius medicus equos magnopere commendat) inueniens non unum è multis Gallicis equitibus esse Baiardū, potius inter tam multos spectata licet uirtutis prope singularem. Rex antea anno M.D.II. VII. Calend. Septemb. è Mediolano tota multitudine obuiam cum insulsi effusa, fausta que omnia acclamante, Genuam ingressus est, summo apparatu exceptus. Is ciues per Philippum Rauestanum admonuerat ne longius sibi obuiam trent, locūque designarat quo illi occurrerent. Obuij Genuenses facti sunt Regi, Brixio Iustiniano gratias agente, ac urbem

in clientelam Regis dedente. Procumbentibus Genuëſibus, Rex mox data dextra Iuſtiniano, conſurgere omnes iubet. Venere Genuam cum Rege Borgia Valentinus Caſar, Regulus Monſerratus, Ludouicus Salafforum Regulus, Iacobus Triuultius, Philippus Raueſtanus qui Genuæ proregē agebat; Petrus Giensſis Tribunus militaris, Dunenſis, Ligniacus, Trimolius, Chaumontius, Petrus Fuxeus, & plerique alij: Iulianus, quem diximus poſtea deſignatum Pōtiſficem: Raphael Sanctoſeorgianus, & Federicus Sanſeuerinus Romani purpurati, unā cum Georgio Ambaſiano. Rex cum inuiſſet loca munita, & quæ opus uidebantur ad perficiendas munitiones curaffet, poſtulatſis Genuenſium audiendis tandem uacauit. Delegerant hi V I I I uiros, qui quæ in rem uidebantur publicam, conſulerēt, & ad Regem deferrent. Fuere autem hi Ioannes Baptiſta Grimaldus, Symon Blancus, Andreas Cicero, Anſſeonus Vſmarſus Ambroſius Zerbus, Nicolaus Spinula, Antonius Saulus, Stephanus Auria. Petiere hi à Rege, libere ut mercaturam facere eis liceret in ſinibus Hiſpanorū, qua ob bellum Neapolitanum iam conflatum arcebantur. Deinde ne magiſtratus qui annui antea erāt, perpetui fierēt, ut acciderat in Daniele Scarampa, qui proregis amicitia ſubnixus, præto-rem Genuæ aliquot iam annis agebat. Philippus Raueſtanus grauiter poſteriore hanc petitionem tulit, ut ſerē utri-que in conuitia exarſerint, accuſantibꝫque ciuibꝫ Scarā-
pam qui pecunia reum emiſerat, decreta eo ſit nomine quæſtio, cui præeſſe debebat Stephanus Pöcherius. Rex ne quid populare deeſſet, quæ petierant ultro detulit, ut nihil tam populare Regno eius uſum ſit: ita ſe in priuati modum ſingulos preſando appellandoque demiſerat. Quarto Nonas Septembris, cum ſciret Rex edictum publice à magiſtrati-
bus, præſto ut omnes eſſent, abeuntem Regem comitaturi,
Arnol. Ferroni de rebus ipſe

ipse summo diluculo antè urbem egressus est, quàm illi conuenissent. Multi raptissime admissis equis abeuntem secuti sunt. Genuenses quo testarentur beneuolentiā erga Regem, omni eum honorum genere cumularunt: præconisque uoce publice edixerunt, & senatusconsulto sanxerunt, ut is dies quo Rex Genuā ingressus esset, pro festo deinceps annuatim celebraretur. Mirati sunt illi Regem strumis solo contentu mederi. Petrus Fuxeus Pontius referebat, se olim cum Stephano Spinula, & Bernardo Elisco senatoribus Genuensibus, in eum sermonem uenisse, ut diceret rebellionē postea Genuensium secuta, quam nos suo loco explicabimus, facili apparuisse quantum populari studio credendum sit. Eos uerò narrare solitos, culpam non penes populū, sed penes paucos concitatores uulgi esse, præcipue uerò penes nobiles Genuenses. Eos æquo iure regi rempublicā indignantes, ea fecisse quorum Genuenses non magis puderet quàm pœniteret. Itaq; initio eius tumultus, qui incidit in annū M. D. V I. missos a populo ad Regem legatos, qui nobilitatis iniurias, plebis querelam deferrent: sed dicere exorsos, cum esset Rex interfatus, aliāque sibi præuertenda esse dixisset, repulsos, eosque infesta nobilitate parum postea benigne auditos: missum uerò à nobilitate Genuensi Stephanum Viualdum cum tribus aliis, publice auditum. Vltionem iræ eos & occasionem cupiditatis explendæ nactos, Regem accendisse in eos qui imperata facere parati essent, tātum de Rauestani proregis & nobilium iniuriis quererentur. Itaque cum plenum minarum iræque profectum Regem maximis itineribus scirent, præcurrisse è ciuitate qui nuntiaret auidum pœnæ Regem uenire: ita irritatis Genuensium animis, cum pauci subdidissent ignem ac materiam seditioni, ad arma eos uenisse: cumque iam positis armis innocentiam ciuitatis tutarentur, aspernatum Regem eam orationem. Itaque cū

Rauestanus confessionem his culpa magis apud Regē profuturam diceret, rursus ad Regem missos Christophorum Cataneum & Quilicum Nigrum: Cataneum, oratione ad mitigandam iram Regis habita, ad extremum ita finisse, ut diceret Genuenses se omniāque sua fidei clemētiæque Regiæ permittere: tum demum benigne auditos, in fidem acceptos, metūque omni liberatos: Ita uerborum potius quā rerum, ni infesta nobilitas eō Regem uocasset, certamen fuisset: multos tamen palam dissuasisse ne se omnino Regiæ clementiæ committerent, ne insultandi aduersis rebus eorum potestatem nobilitas haberet: adeo sauitia imperij exasperatos animos, facile ut impetu iræ concitari potuerint: cumque decerneretur omnia Regiæ clementiæ esse permittenda, ingemuisse multos conditioni suæ, ignaros Regiæ clementiæ, cum publicam causam à priuata non segregari iniquo animo ferrent. Hac à uiris grauissimis excepta, quando in Genuensium mentionem incideramus, referre libuit, posteriore eam rebellionem ex uulgaribus historiis, suo loco postea enarraturi. Ac mihi quidem uetera facta dictaque maiorum nostrorum repetenti, cum & Genuensium reipublicæ detrimenta intueor, & aliarum ciuitatum non minores animo colligo calamitates, mirum uideri solet, unde tot nobilissimis ciuibus repente inuecta sint incommoda, quoue tandem pacto, qui olim ultro exterum imperium expetebāt, tā facile repudient. Verisimillimum uerò uidebatur, superioribus seculis uiguisse domi forisque industriam: honestam de omni uirtute inter nobiles fuisse contentionem: certamen eis fuisse, domi ne antiquiores prudentia & consilio melius, an foris iuuentus magnitudine animi ac industria res bellicas gererent. Ita seniores, quorum uirtus multis magnisque rebus esset cognita, prouinciis regendis præponebantur: iuuenes ad maxima pericula adeunda parati seniorum præ-

Arnol. Ferreni de rebus

mia

mia expectabant: ipsique ita educabantur à maioribus, ut
 equitando, iaculando, semper aliquid agerent quo aleretur
 virtus. Nunc instituuntur ad otium & illecebras: choreas
 ducunt tam frequenter, uti ad ludum saltatorium & cym-
 bala & crotalia, nō ad militiam præparari uideantur: epu-
 lis instruendis Regiam magnificentiam imitantur. Inde
 procax & superbus fastus, pro rectis blāda unoquoq; sug-
 gerente: delitiis, languore, desidia inficiuntur, & uanis
 assentationibus opinionibusque delinitum animum mol-
 liunt, ut iam uerissimum uetus illud reddiderint, quo dictū
 " est, Aetatem parentum peiorem auis, ferre nos nequiores,
 " mox daturos progeniem uitiosiore. Alea & fritillus in
 manibus est: pro magistris uitæ instituendæ, agmen canum
 & auium. Si qui adhibentur rectores formandæ iuuentuti,
 obsequentiores quàm pars sit seruiunt ipsi temporibus. Ita
 dum sumptus fiunt ingentes, ad rapinas conuersi, tum freti
 malitia peruertere urbes & expilare, decoraque omnia la-
 befactare assuescunt. Efferuntur fastidio & contumacia,
 " efficiuntque ut qui dixit, Nihil esse inspicere fortunato into-
 " lerabilius, uere dixisse uideatur. Valet apud eos plus quod
 illis nonnullorum est artificii inculcatum, quàm aut offi-
 cium, aut necessitudo, aut uis decori. Tum demum ciuitates
 extera, dum ab his quos adsciscunt, innocentiam abstinen-
 tiamque expectant, & tranquilliorē reipublicæ statum,
 non modo id non adeptæ, sed in summas miseras direptio-
 nesque se incidisse uidentes, faciliè dominatum nouum ex-
 petunt. Nec mirum, si, cum ita instituti ad gubernacula ac-
 cedant, teneant clauum, sedeant in puppi, naufragia facta
 plerunque audiamus. Id quoque indignissimum, ubi uel de
 re grauissima agatur, ita obseptum esse aditum, ad aureis
 magnatum assidentibus semper, & occupantibus eorum
 latus eis qui plus possunt, paucissimis, apud quos omnes
 Gestus Gallorum Lib. III.

frendant recidisse potentiam, ut nescias miseriorne sit eorum conditio, quorum querelis occluduntur aures, an ipsius quibus aliquot aut quatuor ita cingatur, ut mancipiorum, quæ dominorum facta sunt nexu, fractique animi & abiecti, & arbitrio carentis suo, se uultu speciem potius quam eius in quo elucere possit maiestas, exhibeat: apud quem nihil minus polleat quam ipsius iudicium & uoluntas, circumagatur uerò, & hac atque illac impellatur paucissimum susurri: qui cum esse quæstum in animum induxerunt maximum, quam maxime suis potius quam publicis seruire commodis: neque ullum, qui se in eorum committat fidem, nisi captato undique lucro subleuare: qui si magnitudine rei semel occuparint eius animos, difficilis postea atque haud scio an ullus aditus ueritati relinquatur. Disputabat hæc olim Bessario Nicenus cum Ludouico XI Rege: aderat & Ioannes Vaquerius præses Luteriæ, cui Rex idem Philosophis usu aiebat uenire, quod his qui medendi curam sibi uendicant, qui acutissime quidem de causis principis morborum differant, magnamque partem in his occupati sint: illa eorum perexigua sit oratio qua medeantur ægris. Tum Bessario, magni esse negotij ait, ad rationem ueram peruenire. Quo enim maior ingenij uis hominibus acutissimis adest, eo maiorem humanis animis consulendi parere angustiam: se tamen ex prudentiam lectione consulere, aduersus tales assentatores id i nitetur princeps, quod poëta sapientissimus, aduersus Sirenum cantus, quæ suauitate aut nouitate quadam & uarietate cantandi reuocabant eos qui prateruehebantur, ab Ulyse ait facilitatum, ut obturemus aures neque patefaciamus eorum blanditiis: adhibeamus uerò ianitores ac custodes fidißimos, rationem nempe ac iudicium circumspectum, uera demum libenter excipientes: forësque occludamus his quæ ueri solum speciem refe-

runt: uanos rumores uanâsq; suspiciones, & utilitatis imaginem, & cautionis minime necessaria titulos obdito etiam pessulo excludamus. Vbi quid igitur desertur uel à familiarissimis ad principem, submota amicitia familiaritatēque adhibeat in consilium prudentiam: excutiat rem ipsam: eo grauiore animi contentione rem uoluat, quo instructiores uiderit familiares ad delationem. Nunquam delatori tam liberè aures aperiat, ut reo non libentius referet: nihil antè statuat, quàm cum accusatione comparata sit defensionem: tandem uerò adhibitis prudentissimis hominibus, exclusis uerò eis qui rem detulerint, quicquid ab eis commoda expectant, & quorum commodo uel incommodo aut iactura honoris res est cessura, quid æquum sanctūque uidebitur decernat. Primo uerò congressu delatori aures patere, at obstruere & inuias defensori dare, hominis esse aiebat indignū tanto principatu: qui nisi tandem cohibeat tales imposturas, ipsa si cupiat salus, seruare prorsus non possit talem principatum. Horum unicam esse causam ignorantiam: eâsq; tenebras quibus suæ cuiusque hominis institutiones morēque obuoluuntur. Esse uerò indignissimū, quod factitarint Cæsares plurimi, ut exclusis eis iudicibus apud quos more institutisq; maiorum peragenda esset accusatio, iudices ipsi dent ex sua aut eorum qui detulerint, quorumue commodo res uertatur, cohorte. Ita factum ut summa nequitia plurima deferantur, parua religione multi iudicent, delecti nimirum ad urgendum propellendūque reum: eoque nomine gratiam inituros sese sperantes. Proinde rerum omnium nihil commodius esse quicquam ad principatum tuendum ac conseruandum, quàm ab his quibus imperamus, amari potius quàm metui. Recte enim à prudentissimis hominibus dictum, Malum esse custodem diuturnitatis metum: contraque beneuolentiam fidelem esse uel ad perpetuitatē. Erga

potentiores autem uehementer amorem populi commoueri
opinione liberalitatis, beneficentia, iustitia, omniumque ea-
rum uirtutum quæ pertinent ad mansuetudinem morum.
Habere fidem tum principi plebæ, cum eum existimat ade-
ptum cum iustitia prudentiam, admirarique quem uidet
excellentibus quibusdam & singularibus uirtutibus ex-
cultum: quem abstinentem, non immersum uoluptatibus, pe-
cunie in loco contemptorem, æquitatis & iustitiæ defen-
so-rem intrepidum ad pericula, ubi res exigit, subeunda agno-
scit: qui probe calleat, male impetu & familiaria & publi-
ca negotia administrari: cuique uetus illud Tyberianum, ta-
metsi uetustate iam protritum, assidue tamen moderatori-
bus rerum publicarum inculcandum, placeat. Boni pastoris
esse tondere pecus, non deglubere: cuius animus minime per-
petuo uagetur errore, nec habeat ipse quid ab aliis pendens
sequatur: qui regnum plebi potius commodo, quam fami-
liarum administrat arbitrio: neque talis sit, qualem aulico-
rum rapinis expediat esse: quique iustitiæ seruandæ causæ à
Deo Opt. Max se Regno præpositum sibi persuadeat, ut &
prohibeat inturia tenuiores, & æquitate cõstituta summos
cum infimis pari iure retineat. Olim ita erant morati qui
Cæsaribus assidebant, ut uereretur ipsi Cæsares à tali graui-
tate & probitate hominibus petere, quod minus pertineret
ad decus & plebis utilitatem: plurimum apud eos talium
uirorum bene suadentium ualebat autoritas, eaque ab iis
adhibebatur ad monendum & aperte & prudenter, si res
postulabat. Non illis aut animus abiectior erat, aut spes
amplificandæ fortunæ fractior. Multum posse ad salutem
miserorum & afflictorum: decori magnis imperatoribus,
parum potuisse ad perniciem probro nemini unquã fuisse:
sæpe hæc iisque similia auribus eorum inculcabant. Humana-
nam conditionem sic ferre, ut cum fastigium suum longe su-
pergressa

pergressa uideatur, continuo concidat. Ad Ludouicum redeundum est. Tantis princeps suis nō caruit uitiis: pecunie ita parcus ac tenax, ut & Neapolim & Mediolanum, dū iacturam pecunie timet, perdidisse eum constans sit opinio. Adolefcens plane animi fuit fluxioris, remissiorisq̃ue uitæ: ut in aulicam, quæ purgandis linteis uacabat, forma non ineleganti, oculos admouens mox seductam amplexus sit: Astæ quoque in hospita filiam; etsi forma mediocri, scitam tamen & dulces modos cytharæ edoctam, mox exarserit, pudicitiaq̃ue eius, etsi pedibus eger, illuserit. Post nuptias tamen Annæ maxime contrahebat & cohibebat eus uoluptates. Idem propensissimus leuibz ex causis ad uarias suspiciones. Carolo Borbonio etsi optime cupere, in eo tamē taciturnitatem reprehendebat, uetius illud crebrō usurpans: Quæ flumen est tranquillum, interdum latere profundiores aquas: quasi uaticinaretur quæ postea acciderunt. In Carolo octauo notat Philippus Cominius, quod regnū non tam suū quā familiariū aliquot arbitrio administraret, talisq̃ue esset plerunq; qualē esse eum aut expediret illis aut liberet. Eadē hæc omnia in Ludouicū cōgeri possunt: sed accidit ut proborū integrorūq; familiaritate uteretur. Ingratitudinē ei multi obiiciunt, orsi ab uxore. Hæc, cū esset eius precibus liberatus carcere, regnū mox adeptus repudiauit. Cōcupierat uerō priuatus adhuc, nuptias Annæ Britannicæ, unde Britannicū bellū concitatū multi uolūt. Sed male institutū consiliū, exitū reperire nō potuit. Vnde iocus Maximiliani Cæsaris, Fatale esse ut quæ somniēt Aureliorū duces, Reges Gallici adipiscātur. Nā & inuito eo, Carolo Regi Anna nupsit, & eō mortuo, Ludouico, rite tamen prius repudiata alia uxore: q̃ uti liberale ingeniū decebat, prudēs & modesta quicquid id erat, tulerat & texerat, & de salute desperantē multis lachrymis fratri eū Carolo conciliarat. Ita Ludouici animus

denictus misericordia uxoris, tamen si uxoris loco nunquā eam habuerit, paulatim elapsus est Parisiensibus aliquot fœminis, quibus priuatus consueuerat, translatisque uxori posteaquam tantum se ei debere agnouit. Multos quoque nouis amicitiiis implicatus neglexit, cum quibus priuatus coniunctissime & amantissime uixerat: quosdam etiam exegit aula, ut Petrum Giensem tribunum. Idem & multos summa pertinacia refellebat, & refelli ipse sine iracundia non poterat. Adolescens plane incognita pro cognitis habebat, hisque temere assentiebatur: nec ad considerandos rerum exitus aut tempus aut diligentiam adhibebat: unde in uarias angustias præcipitatus est. nec mirum cum in hoc quasi flexu ætatis, id uel prudentissimis accidat. At regnum adeptus rarò labebatur, eaque uitia adolescentiæ facîle declinabat, cum multam operam in inuestigandis aliorum cōsiliis conferret. Cum Renatus Carnutensium Pontifex diceret, Burgundionibus omnibus innatum esse, & in animo insculptum odium Gallicum, id quidem uerum haud diffitebatur, sed ad futurum tempus cum deposito odio, ultro Gallicum imperium exposcant: Neque sibi tamē, neque suis esse sperandum ut ea uideant tempora, ut nec Neapolitani regni receptionem.

TERTII LIBRI FINIS.

ARNOLDI

ARNOLDI FERRONI RE-
RVM GALLICARVM
LIB. IIII.

DVM hac apud Neapolim geruntur, ne
in Gallia quidē quietæ omnino res Gal-
lica fuere, dissidio à Ferdinando orto, qui
prædabundus Galliâ Narbonensem in-
festabat. Id inceptum conatu quàm effe-
ctu grauius fuit. Misso Ludouico Tremolio cessere Hispani.
Annis agebatur M. D. V. cū Ludouicus arderet studio
Neapolis recipiendæ, augendique ultra Alpes imperij, cū
repētē grauisissimus eum morbus inuasit, desperantibus me-
dicis Regiam ualitudinem: ut Anna Regina mundum o-
mnem muliebrem in Britanniam minorem mittere uolue-
rit, ni à Petro Giensi tribuno, qui itinera obseruaret, prohi-
bita esset. Ob quæ conualecente Rege primum commen-
datus est: mox muliebri ira exardescente, nullūque non
lapidem mouente, aula exclusus est: iussus etiam causam
dicere maiestatis apud Tholosanos, ob operam suam na-
uatam Ludouicæ Sabaudianæ. At Senatus Tholosanus (etsi
ut seuerissimus omnium à Regina delectus esset) non dignū
iudicauit se, qui ad reos potius urgēdos quàm subleuandos
deligeretur. Itaque Tholosani patres uel remittētes aliquid
ex pristina seueritate, uel religione iudicandi obstricti, etsi
multa urgere reum uidebantur, quæ tamen illis parum hæ-
rere uidebantur in hominem integra opinione præditum,
aula eum tantū comitatūque Regio excluderunt: Cætera
ita temperarunt, ut nihil Regiæ uoluntati iræque datum
uideretur, tametsi & Ludouica Sabaudia & Alanus Ale-
bretus multa pro testimonio in reū dixissent: & corrogata

essent responsa aliquot iurisperitorum Italarum, ut Hippolyti Marsili & Ludouici Bolognini, quibus hi consulti respondebant uiolatam maiestatem Regiam. Recreatus Rex paulisper flexit animum ad religionem, cuius maxime nos res aduersæ admonēt: Sacrique diuini corporis mysteria sacrificiaque iterum iubente Pōitice, supplicationibus passim tota Gallia decretis, instaurari iussit. Fuit idē annus insignis morte Ioannæ Carolæ Regis sororis, Ludouicique quondam uxoris: eodēque tēpore celebrata sunt sponsalia inter Frāscum Valestium, & Claudiam Ludouici filiam. Anno sequenti & philippus Maximiliani Casaris filius, & Isabella Ferdinandi uxor decessere. Philippus planē infestior fuit Francis uel ueteri odio Burgundiæ, Frācicæque familiæ, uel leuibus ex causis quas prætexebat. Aiunt, quo primum tempore Blois Regem inuisit, magnificē exceptum. Accidit ut eum Rex cœnā adhiberet, ipseque proluere manus de more pararet: tum officiū causa Philippus prolubro mantiliq̃ arrepto, ministri munere fungcretur. Id eius plenum officiū studium Rege modestissime auersante, peruenit is tādē ut abluto Regi mantile exhiberet. Erat Ioannes Grignolus Talerandus homo hilaris, iocisq̃ referendus solitus Regi risus mouere: atque is Philippo erga Regem ita

» officioso, Maeste, inquit, esto hac officiū exhibuione. Probe e-

» nim fungeris officio, maiora etiam mœrente Rege: munire

» tibi uiam uideris qua Regiæ maiestati iam pridem debitū,

» sed interruptum officium exhibeas. Gallorum res in Italia florebant, nihil prorsus sine eis ut bellicæ gloriæ reliqui referrent. Pontifex Iulius, dū olim legatione fungeretur apud Ludouicum undecimum Cardinalis, ita fuerat familiaris Ludouico Aureliorum tunc principi, non obscura ut esset eorum beneuolentia. In relaxationibus, conuiujs, aliisque uoluptatibus uterque alterum & conscium habuerat & so-

Arnol. Ectroni de rebus dalem.

dalem. Ab his initiis profectus amor, etiam Carolo Rege auctus fuerat. Is quoque Pontifex designatus, perpetuam eam beneuolentiam futuram receperat. Ardebat is cupiditate imperij proferendi. Alexander Pontifex Valentini filij opera multa renocarat ad Pöttificatum, struens spe filio amplum imperium, ni morte repentina ea spe decidisset. Bononiam Ioanni Bentiuolo adimere non potuit, & præsidio septam militum, & munitam ciuium beneuolentia erga principem satis moderatum. Post Borgiæ Valentini discessum, cum is ad Bentiuolum urbe frustratus fascis literarum misisset, quibus à plerisque ad urbem recipiendam impellebatur, Bentiuolus in multos hoc solo indicio delatos grassatus est: ob quæ plebis studiis ab eo alienata sunt. Horum certior factus Pontifex, egit cum Rege ut milites quos in Italia aiebat, ad eam sibi expeditionē adiungere sineret. Cōcessum est id Pontifici. Is collectis copiis fretus Gallico milite, cui præfuit Carolus Ambasianus, Bononiā oppugnauit. Ea tandem in eius uenit potestatem. Sed Gallicos duces frustratos dimisit: cum enim montes aurcos tripliciæque stipendia pollicitus fuisset, auideque urbe domita, illi promissa expectarent, celeberrima Bononiæ Ecclesia sacrum fecit Pontifex. Eo loco in adstantes Gallicos milites multas impietatum criminumque expiationes effudit, solum Gastonem Euxenum ense gemmato, cylindrisque & adamante Indico insigni ornato, donauit. Regem in Bentiuolum aulici acuerant, qui redeunte è Neapoli Carolo, cum ille obsidibus datis liberū transitum per Bononiam peteret, Gallos inde ab eo reiectos, eo responso cui multi inerant contumeliarum aculei, referebant. Vix Galli redierant, cum Genuenses Regis imperia exosi, sese in libertatem asseruerunt, Paulo Nono sordido homine, sed audaci & solerti duce. Rex admonitus, Ambasiano adcurrenti contracto exercitu nouas misit copias.

Gestus Gallorum Lib. IIII. L. iij

Genueses munitionem propugnaculūque ante urbem extruxerant insigni robore. Inde Regios passim prosternebant. Ambasiani iussu Lautrecus & Palicius cum delecta peditum cohorte in eum locum impetum faciunt: pugnant-tes hostes seseque audacius efferentes pilis plumbeis Galli prosternunt, ac demum in fugam alios uertunt. Hi ubi in urbem compulsi sunt, simul animus cum re eis concidit. Heluetū de rectare minime ueriti sunt propugnaculi oppu- gnationem ut rei periculosa: hostes missis ad Regem legatis, militum ferociam insolentiāque causati, deditionem fece- re. Paulus Nouus fuga mari elapsus, à myoparone Gallico interceptus, maiestatis damnatus, capite luit. Palicium uul- neratum in propugnaculi oppugnatione multi scribebant. Ortum id bellum ob mutuas querelas plebeiorum cum no- bilibus. Interdictū est Genuensibus ne conuenticula agerent, ne quid in posterum molirentur. Rex Genuam ingressus, honorifice exceptus est. Conuenere ad Saonā deinde Lu- douicus & Ferdinandus hoc ipso tempore: ubi & ita qui Gallorum apud Neapolim imperia secuti erant, possessiones denuo confirmatæ sunt, & multa clanculum per Antoniū Palauicinum Pontificis legatum, de bello in Venetos paran- do occultè agitata. Ideo libentius à Rege est auditum, ut posset Venetorum animos repungere, qui missio ad eos lega- to Regio Ioanne Lascari, conditiones æquissimas repudia- rant: neque se Regi auxilio futuros ad Neapolim repetendā professi erant. Iulius si tantum operæ consumpsisset acuen- dus in Regibus ad bellum in Turcam decernēdum, Remp. quam haud scio an ullam hodie habeant Græci, optime cō- stitutam haberent, & minus impura seruitute opprimerē- tur. nec Rhodi acerbam uasitatem uidiſsemus. si quæ arma Leo Pontifex in Gallos mouit, Rhodiis submisisset. Annus agebatur Millesimus quingētesimus septimus, cum Iulius

Arnol. Ferroni de rebus

Pontifex

Pontifex omnes vias proferendi imperij quærens, arces aliquot ciuitatēſque expugnare uellet. At poſſeſſores & domini impares ſe uidentes, Venetorum ſe fidei commiſerunt: permutatione inita, tutiora loca, & ſi minus nobilia, recipientes. Ita Pandulphus Malateſta cum Ariminum inuaderet, Pontifex Arim. ino eis ceſſit: unde factum eſt, ut Venetos quoque ipſos armis petere uellet. Hi patriis inſtitutis Rempublicam prudenter moderabantur: faciiliuſque Iulij toto imperio expuliſſent, quàm ille eos unica ciuitate. Conſtat Fauentinos & Ariminenſes diu bellis ſeditionibꝯſque uexatos, Leonardo Lauredano Venetiæ principis ſeſeſtante ſua tradidiſſe, quaſi deinceps ſperarent nihil niſi æquum à Venetis ſe paſſuros: horam enim imperia tum placida habebantur. Regi erat in animo, ubi Genuenſes pacafſet militaremque rem collocafſet, quieſcere. Pontifex miſſis legatus ad Maximilianum, Ludonicum, Ferdinandum, Margaretam, quæ Caroli adoleſcentis tutelam gerebat, prætextu belli Turcis inferendi, ſingulos ad bellum Venetis inferendum hortatur. Placuit legatos principum Cameracum conuenire. Ibi quid cuique reddendum ſit, conſeſſo bello ſtatuitur. Bellum in Venetos decernitur. Decretum Ludouico belli imperium. Veneti, eſiſi audierant eos ſœdus icifſe, cum tamẽ omnes quaſi myſterium tacitum id tenerent, orationēque ipſi Regum ſuſpenſi tenerentur, ſuſpicari nihil potuerunt: nihil omnino certi, ac nec authorem locupletem habebant. Cæteri principes & opibus & copiis iuuare eum debebāt, nec tamen iuuarunt: nec ſegnius tamẽ quæ ad bellum opus erant parauit, ut qui prius in ſumma eſſe difficultate nummaria eos non ignoraret, cupidiſſimus Cremonæ aliarumque urbium uendicandarum. Ludonicus conſilio aduocato deliberarat, an id bellum ſuſcipiendum eſſet. Purpurati omnes ſuadebant: diſſuadebat ſolus Stephanus Poncherius

Gestis Gallorum Lib. II II.

Senonum Antistes, contentum Regem patriis finibus, cedere alienis æquum esse. De Cremona si quid eum urgeret, facile Venetos, dissoluto ære alieno, ea cessuros: in reliquis eos fidē & dare paratos & accipere. Rex fœderi non interfuerat, per Georgium Ambasianum initum est: quem & Maximilianus Regio nomine in clientelam recepit ob Mediolanensem principatum. Carolus Cæsar postea iactabat, prius receptum à Maximiliano Gallum, ea cōditione, Claudia ut filia sibi nuberet. Euanescente conditione, nihil iuris inde partum: cuius rei, ut confictæ à Carolo, pauci meminere. Ne hoc quidem beneficiū clientelæque ius oppugnat, quo uno telo utuntur Sfortiani, cū saluis & integris aliorum iuribus id datum aiunt à Maximiliano: cum Cæsar si quod ius inde Sfortiæ acquiri uoluit, fraude se ipse sua cliētele potius iure priuauit, quàm ullum alteri tribuit, qui affinis Sfortiæ ius probe nosset. Ita Pontifice hortāte susceptum est bellum. Et sane patrum nostrorum memoria accepimus, magis à Gallis bella suscepta impulsu Italorum dissidentium, quàm animo ditionis proferendæ. Inter hæc Ludouicus ad conducendum ex Heluetiis militē Trimolio misso, Galliæ Mediolanique rebus constitutis, ad Triuium oppidum exercitiū admouit. Erant Regi in armis quadraginta hominum millia: nobilitas quidem Gallica prætoria Regiæq; familia & cohorti adiecta, cū ex singulis familiis, ex iis, qui uoluntariam militiam erant professi, in cohortes Regias essent electi, speciem præbebat lectissimi equitatus. Secutus est & Regem Antonius dux Lotharingus: Iacobo Chabaneo Palicio prima acies data est: cui iunxit Rex Heluetiorum turmas. Is Triuium, dudentibus se oppidanis, recepit. Pandinū iūdem diripere constituerant, cū repente nuntiantur adesse Venetorum copię. Contraxerant ū ad quinquaginta hominum millia: Bartholomæus Liuianus exercitui præerat. Iā

Arnol. Ferroni de rebus

Veneri

Venetī Triuium receperant, nullo in oppidanos seuitia libidinisque genere omisso. Franci propius uenere, & castra haud longe ab hoste fecere: tamen si iter confecissent astuosa & puluerulenta uia. Traiecerat uerò Rex prius Abduā, & Reuoltam oppidum receperat. Sed priusquā in aciem prodiret, cum Veneti prater spem pugnandi copiam facerent, breui in hunc modum oratione excitandos sibi Gallos per-
 „ tauit: Si quis est uestrum, milites, qui nouo hoc in Venetos
 „ suscepto bello nouoque hoste moueatur: is si cogitarit quo
 „ longius arma proferimus, eo nos in opulentiores, at rei mi-
 „ litaris imperitiores bellū gerere: & terrorem si quem ha-
 „ bet, deponet: & seipsum maiore proposito præmio ad ca-
 „ pessenda belli præmia excitabit. Nam & cum eo hoste rem
 „ esse uidebit, quem uos superioribus annis, cum numero præ-
 „ staret, auspicio Caroli Regis uicistis, & ex uicto prædam
 „ opimā retulistis: & qui uos olim tot terrarum spatia emen-
 „ sos, iter in patriam & penates facientes, perfidissimè Italia
 „ omni concitata inuaserit. Cum eo genere hominum res est
 „ uobis, quos uana iam pridem incesit cupido & Caesarum
 „ & Pontificum, & Regum funditus tollendorum: quique
 „ uni post hominum memoriam, maiorum nostrorum nostrā-
 „ que nobis industria partos principatus inuadere non dubi-
 „ tarint. Properandum itaque, atque obuiam eundum, mili-
 „ tes: nisi forte in mentem uobis uenit, futurum, ut iis rebus
 „ oppidisque cedant, quæ iam dudum occupata per uim pos-
 „ sident: quod tantum abest ut efficiant, omnem ut prius mo-
 „ ueant lapidem, quò dominationem etiam in posterum au-
 „ geant: quique quo plura habent, acrius quæ non habent
 „ concupiscunt. Quid quòd ignauissimi homines instructo
 „ exercitu nobis occurrere ausi sunt? iacturantes uerba illa qui-
 „ dem speciosa, terrorisque & minarum plena, sed in caput
 „ eorum, si Diis placet, recasura. Nos id à maioribus accepi-

Gestis Gallorum Lib. IIII.

» mus, freti ut uirtute roboré que in prælum progredere-
 » neque unquam audiédos putaremus magnificos istos uer-
 » borum funditatores, uerbis demum feroces, rei militaris i-
 » gnaros: quos telam potius quàm tela tractare deceat: quiq;
 » imbelles, è latebris suis eruti, metu exangues, ne primum
 » quidem belli strepitum expectaturi sint. Tot meo ductu
 » auspicioque bella semper uictores gessistis. Enimuero equi
 » est, facta mea uestraque imitanda uobis proponatis, què
 » mihi & sfortiam rei militaris non imperitum, & Medio-
 » lanensem principatum uestris armis dextrisque partum de-
 » deritis. Quod mearum fuit partium, copias letissimas, au-
 » xilia fidelissimorum Helueticorum accersij machinas suis lo-
 » cis collocaui: locum quo equitatus explicari posset, delegi.
 » Reliqua in uestra sita uidetis potestate. Audete modo uin-
 » cere, Deo Opt. Max. propitio pulcherrimam de Venetis ui-
 » ctoriam relaturi. Est locus quem incolæ Agnadellum uocat,
 » ducentis fere ab Abdua passibus, inter Castianum & Re-
 » uoltam. Vix paratæ erant Gallica copie, cum repente Ve-
 » neti Gallos ad prælum inuitare cœperunt, dissuadente Pe-
 » tiliano cunctatore illo quidem, sed Gallicis bellis assueto.
 » Nec illi detrectant certamen. Concurrunt pedites, ut æqua-
 » lis aliquantulum fuerit pugna: aperta acie collatis signis di-
 » micatum est. Rex ex sententia ducum tormenta bellica in-
 » ter uopreta defixerat, ut putarét Veneti nihil ab his sibi me-
 » tuendum. At ea maximo impetu in eos prouoluta, & or-
 » dines totos turbarunt, & ferocissimos quosque nec opinan-
 » tes prostrarunt. Carolus Borbonius adolescens, iussu Regis
 » ad Helueticos nonnihil ex pristina alacritate remittentes
 » profectus, maxime eos in hostes commouit. Tum demum
 » urgere etiam Galli. Immissus equitatus facile equitatum
 » hostium loco depulit. Liuianus urgere, clamare, ultro citroq;
 » ad Nicolai, Petilianum mittere. Sed & bellica tormèta &
 » Arnol. Ferroni de rebus Gallicis

Gallicus equitatus, nullum hostibus respirandi locum dedere: ita uersi Veneti in fugam: captus Liuianus, qui quoad potuit Francis restitit, ut & Mōrius, & Naldius, Saccius, & Citolus, ex quibus Mōrius & Saccius in ipsa acie trucidati sunt, multiq; alij quos præceps cōsiliū Liuiani ad mortē perduxit. Cæsi ex hostibus ad decē hominū millia: multi capti: fugiētes Galli usq; ad Mestru oppidum persecuti sunt: præda prope immensa: ex Gallis uix quingenti desiderati. Aquitanorū Heluetiorūque opera, qui Gallo militabant, multū ad uictoriā contulit. Eo bello cū omnes passim laudarent Grignoliū Talerandū, qui concitato equo per ruinas hostiū uiam reliquis aperuisset: Talerandus uel oblectandi Regis gratia uel laudis contemptor, per equum calcitronem & refractarium minūsq; frenis parentem, se inuito tantum sibi decus partum fatebatur. Hic cū arcana quadam effutisset præter opinionem Ludouici, illud tantum ab eo audiit uetus: Plus oportere seruum scire quā loqui. Defunctos Rex sepeliri iussit, fanūque eodem loco ædificari, ubi sacra fierent annua, idq; uetigalibus annuis dotauit. Proflugatis hostium copiis, Brixiam, Cremam, Cremonam, Bergomum per Carolū Ambasianum recepit. Pali-cium misit Vincentiam, qui & eam & Veronam & Patauium Maximiliano reddidit: Pontifici quoque curauit, Fauentiam, Rauennam, Ariminum. Caruasionorum arce munitissima Rex potitus, Ludouico Machaële repugnante & aduersante capto, cū igne in cellam, qua machinarum puluis custodiebatur, admoto afflicti & fracti essent Venetorum animi. Crema dedita à Soncino Benzonio, quem cōstat in tam munito oppido non probe fuisse affectum ad suum munus fungendum. Ea sira ad Serij fluminis sinistra, à Federico olim Aenobardo Cæsare post uastatam lacertamque Cremonam ædificata, quam multis antea annis

Veneti diligenter tuebantur, acceptam à Francisco Sfortia, eo fœdere quod aduersus Mediolanenses inierant. Rex cum omnes proscriptisset qui se militia sacramento obligassent Venetis, nisi intra decimū diem ad suos se reciperent, eo edicto multos à militia Venetorum disiunxit. Picheria oppidū à Rege direptum. Maximilianus cum in Regis congressum colloquiūque uenire constituisset, eadem omnia, quasi collocti essent, committi posse epistolis tutius esse scripsit: arx Cremonæ à Rege recepta factione eorum qui in praesidio erant: secundum eam uictoriam Mediolanum rediit, nullo non honorum genere exceptus. Veneti nouo milite conscripto, Patauium Casarianis dolo casis receperunt, missisque legatis ad Hungariæ Regem, Henricum Britannum, conuentumque Norimbergensem, pacis consilia cum Maximiliano agitabant: quæ ille omnia respuebat nisi Patauium redderetur, excitabatque Ludouicum ad opem ex fœdere ferendam. Palcius cum quatuor peditum millibus, equitibus centum Gallico numero instructus missus: receptis aliquot castellis frustra urbs aliquot menses oppugnata est: Veneti quoque & Vincentiam & Veronam frustra tentauere: sed acerbè cum ferrent, Alphonsum Ferrariensem principem in castris hostium uersari cum Hippolyto fratre, qui purpuratorum Pontificiorum ordini adscriptus pronus ferrebat in militares curas, duce Angelo Triuifiano contrā etiam classem in Ferrariensem miserunt: at munitiones cum hæc essent à Ferrariensi institutæ, in ripa classis ut explicari commode non posset, frustra fuit conatus. Huic subsidio à Rege missus Molarcus cum turmis aliquot Gallicis: quorum ope Ferrariensis classem Venetam & fugauit, & magna ex parte diripuit. Namque ubi conspexit Padi incremento classem hostium in sublime ferri, subitoque aquam horrescere, cæcòsque fluctus in se prouoluere, admonente Hippolyto

Arnol. Ferroni de rebus purpurato

purpurato, summa nocte omnes egressi urbe, machinis ce-
 riter allatis, classem Venetam feriunt, contundunt, dissi-
 pant. Hostes cum res conclamatas uiderent, triremes colli-
 gantes, in eam quæ medio loco sita erat, quò facilius reliquæ
 cremarentur, ignes iniecere: sed Ferrariensium aduentu ab
 incendio uindicatæ sunt, una tamen incensa. Calius Calca-
 gninus triremes quindecim ait captas, signa sexaginta rela-
 ta, reliquarum nauium ingentem fuisse numerum: homines ca-
 sos aut submersos supra duo millia, ex Francis & federatis
 Ferrariensi non amplius quadraginta desideratos: noluisse
 Alphonsum & Hippolytum iusto certamini rem commit-
 tere, donec aduenissent Ludouici Regis auxilia. Lawretum
 etiam terrore recentis uictoriae Venetis ademptum: sed per-
 incommode accidit, ut de præda inter gregarios aliquot mi-
 lites, Italos & Gallos, primum rixa, mox utrinque Italici
 Italos, Gallici Gallos iuuantibus, certamen apertum interce-
 deret, multique clade se mutuo fœderet: eo loco casus unus
 ex Alegrij liberis. Ferrariensis profligato hoc bello & pene
 sublato, cum firmo progressu in Rhodiginos iret, exceptus
 insidiis à Gradonico Veneto positus, fugatus est: cum & in
 Veronensium finibus captus esset Clitus eodem tempore.
 At cum iussu Regis magna equitum ac peditum auxilia
 Alphonso missa essent, rursus ille potitus est Rhodigio: Ve-
 neti missis legatis Dominico Triuisiano, Leonardo Moco-
 nio, Hieronymo Donato, & quibusdam aliis ad Iulium
 Pontificem, cum eo redierant in gratiam, pacti futurum, ut
 ei Ferrariam uicinamque loca repetenti adessent: misitque ille
 ad Maximilianum Achillem Crassum legatum, qui cum Ve-
 netis conciliaret. Matthæi etiam Gurensis purpurati Ponti-
 ficij opera usus, sed legatis Regis superuenientibus irritæ
 fraudes Pontificiæ fuere. Galli interea qui quæ in temporum
 inclinationibus sæpe minimis posita sunt momenta obser-
 uant

uabant, coniuncti Ferrariensi, à quo Rhodigium receptum erat, Carolo Ambasiano, Ioanne Iacobo Triultio, Ioanne Palisio instante Montanianum, Ateste, & Leonicum recipiunt: ut & Colontiam & Vicetiam, & Lenniacum arcemque aliam in ripa è regione Lemniacitam, Alphonsus Ferrariensis proscriptus à Iulio, dirisque confixus. Narra-
rat Caius Calcagninus Iulium prætenuisse has causas belli in Ferrarienses illati: quòd Pontificis iniussu salus ne Etigal instituisset: quòd Centum ac Prebey duo oppida non reddidisset: quòd populos nouis portoriis onerasset: quòd petenti Iulio ut isto cum Gallo fœderi nuntium mitteret, nō paruisset. Ea uero demum causa, quòd Ferrariæ iam opes animo inuasisset, urbemque figenda suorum dominationi aptissimam uideret. Alphonsum extrema omnia pati maluisse, quàm à Gallico fœdere discederet, cum Gallorum opera & auxilio imprimis, Rhodiginai insula olim à Venetis occupata, potitus esset. Addit idem cum Veneta classis in Ferrariensem agrum impetum fecisset, neminem fuisse ex fœderatis qui maturius opem tulerit quàm Regē: neminem qui plures copias multorum mensium obæratas submiserit, maiusue adiumentum ad uictoriam & classis expugnationem attulerit. Regemque ait per nuntios ac literas sæpe testatum, se libenter omne imperium pro Estensis incolumitate ac defensione expositurum: nec Insubriæ modo ac Liguriæ, totiusque Cisalpinæ regionis, sed Galliarum & reliqui regni uires, non promptius pro salute ac existimatione, quàm pro Alphōso euocaturū. Eo ferè tēpore fato functus est Georgius Ambasianus Cardinalis, cui rerum omnium administrationem perfacile Rex tribuebat: uir frugi & in omnibus uitæ partibus moderatus ac temperans, in quo erat comitate grauitas condita, nec dignitas humanitatem morum mutauerat: qui in tam subito & turbido tempore, quo Gallicæ

Arnol. Ferroni de rebus

res

res afflictæ uidebantur, ea semper exquirebat consilia, quæ ad concordiam pertinerent: tamen si multis nihil unquam ad laborasse probari potuit ea in re, potius uerò acuedo Rege in Pontificem. Hic Regi in primis iucundus & suauis fuit: ille Regi proximus, seu seria tractaret, seu relaxaret animum. cum eo in cubiculo solus, comēsque itineris semper fuit. Pellexit in suas factiones Iulius Ferdinandum Hispaniæ Regē, qui Ludouicum antea Sauonæ inuiserat: ambobusque sacro pane una suscepto, conceptis uerbis sacrosanctum fœdus pepigerant, quod tum à Ferdinando uiolatum est. Tribuunt omnes illi industriam, animi magnitudinem, ingenium acutissimum, prudentiam, cunctationem: iurisiurandi uerò religionem ab eo cultam ipsi Hispani negant. Consalius ipse sæpe questus est postea: deceptus, ut aiebat, Ferdinandi & iureiurando concepto uerbis sacrosanctis; & syngrapha manu eius obsignata: ut posthac haud illepide iocaretur, exacturum se à Ferdinando iusiurandum in eius numinis uerba, cui fidem adhibeat. Notans in eo altius labem parum sinceræ fidei: quo morbo olim Hispanos Iudaismo infectos laborasse uetus est opinio. Redierat is Consalius è Neapoli cum Ferdinādo: ad hunc cum missi essent, Ferdinandi nomine, qui cum eo supputarent rationes eius temporis, quo Neapolitanis imperasset, rationibus ille breuissime intulit innumeras myriades auri in exploratores
 „ demum collatas: ac magno uir animo, Renuntiate, inquit;
 „ Regi, quid mihi dederis: quid ego ei reddiderim, meminerit:
 „ inermem & squalidum pedite: Apuliæ & Calabriæ partem debilitatam accepi Reddidi uictorē florentēque militem, spoliis superbum: reddo iam florentissimum opulentissimūque regnum. Si tam exigue & exiliter ad calculos
 „ administrationem meam reuocet, repetam & ipse quæ à me
 „ erogata sunt. Cum ad reliquas res secūdas, hæc quoque op-

portunitas adiungeretur: Rex ut ante occuparet, quem sibi opponere parabat Iulius, Ferdinandum sibi deuinxerat. Ac is ueritus ne pro Neapoli certare cogereur, etsi Germanam Fuxeam consanguinitate Regi proximam uxorem acciperet, repente auersus est à Gallico sedere. Interea Monsi-lice aliud oppidum à Palicio Venetis extortum est & direptum, necato ab impiis militibus dissidentibus de præda Sebastiano Nangurio, dum is familie nobilitatem ostentâs, aurum pro deditioe pollicetur: oppidum receptum summa uirtute Palcū, qui cohortibus concitatis, qua murus erat apertus fortiter inuaserat: cum multi ex hostibus id intuiti, præmissis armis, ex summo se permitterent: ob id illi ab Anna Regina postea torquis aureus missus pondo ducentū. Virili enim animo mulier, de pecunia ratiocinari sordidum esse sibi persuaferat, cum de gratia referenda agebatur. Heluctū à Iulio sollicitari, in Insubrum agros impetum faciunt. Ac illi à Carolo Ambasio prætoris Regio, pecunia accepta ad suos rediere. Paratur & à Iulio & Venetis classis ad Genuam inuadendam: huic præfuerunt Octavianus & Ianus Fregosus, unā cum Nicolao Doria, & Hieronymus Contarenus: missus & Antonius Columna eodem. Sed cum Genua acri Gallorum teneretur præsidio, fugata Pōtificia classe à Preianne, irrita fuit oppugnatio. Fregosius cum iam progressus esset multorum dierum uiam, in ipsa rudentis explanatione dum uentos haberet secūdos, iterum à Preianne impetitus, Cōtarenī ope elapsus, casso Francisco Polano Veneto pila plumbea. Ambasianus trāsmissō Pado Mutinā frustra oppugnauit, decursionibus perequites uastans ea loca, quæ incurrebat ad tertium à Bononia lapidem, ubi ager curis & dolore confectus, cum inani Purpuratorum turba Iulius desidebat. Potuitque intercipere iracundum Pontificem & Bononia potiri, nisi aut diris Pontificiis territus, aut legato-

Arnol. Ferroni de rebus tum

rum Ferdinandi & Henrici Britanniae Regis pollicitationibus delusus fuisset, qui se Pontificem praestituros Regi recipiebant. Stabat in armis rigida hyeme loricatorum Pontifex; Mirandulaeque occupata Bononiam rediit. Triunlius lustrato exercitu in eum mouit: is ad Rauennam contendit. Urbinas Bononiae tuenda relictus: ueterani Galli cum tyro-ne Italico congressi. Nondum erat uentum ad primum telus iactum, cum hostes à Gallis dissipantur, machinis castrisque exuti. Bononia Bentiuolis reddita, ea lege comiter ut maiestatem Gallicam conseruarent. Has uictorias Franci Gastoni Fuxeo adscribunt. Triunlius cum posset Pontificem intercipere, haecenus usus est uictoria, ut eum cogeret quos execrationibus deuinxerat soluere. Rex quoque passim tota Gallia prohibuit, ne quis ullius diplomatis gratia Romam peteret, ne uero eo nomine à Gallia ullus nummus ad Pontificem perueniret: dabat uero Rex interea operam, ut praefectura sacra per eos, quos ipse nominabat, quasi Oeconomicos, quam commodissime administrarentur. Rursus & Iulius parata classe adiunctis multis Venerorum triremibus, quibus praefuit idem Contarenus, Genuam inuadit: adest & à Massilia classis Gallica instructissima: haec diu congressa cum emissis uariis machinis plures horas consumpsissent, restante utrinque uento in uaria loca abire: nec ausus Contarenus subsistere, cum aduentare Gallicae copiae in urbem letissima diceretur: cupiebat rursus Iulius classem Veneretam uela facere. Contarenus quasi à portu egrediens, cum paululum remigare uisus esset, Venetias sibi remigiandum iussu Senatus professus est. Interea in Pontifice Iulio ita fracto, illa quae cōsensu uidebatur & relāguisse, recrudescunt: Prosperis Regis rebus ringitur, animos Regum, Venerorum Caesaris, ad Regis odiū renouabat atque renouabat. Semper animo sic excubabat, ut in Francum aliquid moliretur:

Gestis Gallorum Lib. III. M ij

Exercitum ex Hispanis, Italisque conduxit. Huic praeficit Raymundum Cardonum adiuncto Petro Nauarro, & Ioanne Medice purpurato Pontificio, qui Leonis nomen Pontifex postea designatus tulit. Ii pergunt ad Bononiam oppugnandam: urbem Bentiuoli & Gallituebatur cum Antonio Fayeta, Luone Alegrio, Carolo Vicontio. Hostes urge re Petro Nauarro iam signum Hispanicum in murum intulerant: uidebanturque Gallirepellere uix posse hostes, cum iussu Alegrij machina aptissime emissa: miserè qui in muris peruenerant Hispani lacerantur, contunduntur, precipitantur: rursus à Pontifice in Gallos immissi Heluetij. At Gasto Fuxeus, quem Rex praetorem summum mortuo Ambasia-no pronuntiarat, uim eorum, quæ iam erumpebat in actû, egressus ipse cum lectissimo equitatu contudit. Cæpere enim Gallici equites, nunc à tergo, nunc à fronte hostes urgere, prorsus ut implicare & perturbare iter eorum niderentur. Multi ex iis à Petro Terralio Baiardo concisi: multi à Carolo Contino necati. Tandem illi longius euectum Continum insidiis positis obtruncant: ueritque Gallorum aduentum ad suos se recipiunt: Baiardus reliquias tardiorum persecutus est. Interea Ludouicus Auogarus dabat operam, ut Brixiani ab imperio Gallico deficeret: accitòque Gritto cum Venetorum copiis, urbem se ei traditurum noctu receperat: urbi præerat Iacobus Daillonus, cui Ludeo cognomen: hic detecta coniuratione, cum lege acturus esset in Auogarum, ille sese proripuit. Circumsedit deinde clanculum cum Venetis urbem Auogarus, ac per Garsetij fluuij fornicem se in urbem iniecit. Fluiuius Mella Brixiam præterlabitur, uariis per eam regionē riuius prodeuntibus quatuor. Ad dextrā uisuntur Mompianum & Seretium: ad sinistram, Choriū: quæ loca Veneti præsidio sepperant. Franci se in arcem, quæ imo in monte est, multis captis proripuerunt. At Fuxeus ad-

Arnol. Ferroni de rebus mirabili

mirabili usque celeritate, cum nondum auditum esset eum Bononiā aduentare, sedētibz hostibz ac nihil exaudientibz, urbem ingressus prope conuulsam, liberauit: hostes castra mouere obsidionēque soluere: missi qui extremum agmen abeuntium carperent: castrāque diriperent. Bergomum quoque pulsus Gallis, Venetis deditum est, receptūq; à Federico Contareno & Petro Longena: arx sua summo in monte à Francis retenta. Fuxeus qua celeritate uenerat, eadem rediens contendit ad Brixiam recipiendam. Secesserat in arce Aubignius, cui praeerat Petrus Erigonius Aquinus. Is non cessabat ciues ad officium renocare, ingenium aduersum uti flecteret, aut ab imminente urbis oppugnatione, si resipiscerent, liberaret. At illi Venetorum hortatu maledicere Gallis, Aubignio somnolētiā obiectione: Aquitanis qui arce praeerant extrema omnia minitari, ultro etiā arcem oppugnare. Obiecit se Fuxeo contendenti ad Brixiam in itinere Paulus Ballio cum Veneto equitatu. Is mox dissipatus est, capto etiam Guydo Rangonio. Oppidani, qui se locorum interuallis tutos existimabant, aduentu Gallorum percussi, nihilo segnius bellum parare: Veneti cum Gritto properare, reficere mœnia deiecta: occurrere Gallis: mulieres ex tectis proicere lapides, aquam, tela: idem de ea tuenda sperare, quod olim acciderat Philippi Mediolanensium ducis bello, quo tempore insigni uirtute Francisci Barbari Veneti, liberata est. At Fuxeus ad direptionem suos hortatus urbis opulentissima, equites, dimissis equis primo loco collocat, deinde Aquitanos & Germanos: Fauentini equites quingenti oppositi à Gritto equitibus, multos repulerunt: at Aquitanis impares, qui bis mille impressionem in urbem fecerant, cessere. Epirota quoque equites, qui cum Gritto erant porta aperta, effusa fuga sese proripuerunt: ita factum ut reliquis Gallis, qui arce excipi non potuerant ob angustiam

irrupētibus, urbe Fuxeus potitus sit. Ipse ut exarserat antea iracūdia & stomacho, ense nudato urbē ingressus est. Nulli neque homini, neque sacræ rei religio profuit, quin rabies Aquitanici Germanicique peditis omnia pollueret. Tātum præda inuentum, quantum nunquam sperassent Galli. Federicus Contarcnus casus, Gritus & Iustinianus capti, Bergomum quoque eadem celeritate receptum, tamen sic die longam viam confecisset: Ludonicus Auogarius interceptus, maiestatis damnatus capite luit. Annus agebatur Millesimus quingentesimus duodecimus, cum Fuxeo nunciatum est, collecto exercitu & Pontificis & Ferdinandi Hispanorum Regis & Venetorum, aliorūque fœderatorum copias haud longe à Raucenna paratas esse certo consilio Gallorum opprimendorum. Ipse anticuerendum ratus post paucos dies, quibus rei frumentariæ gratia moratur, mox expediri milites iubet, annonam paucorum dierum præsto esse. Paucis post diebus inopinantibus occurrit hostibus. Ii in via Flaminia sedebant, exercitum in uicinos colles, qui uisuntur ad dextram excelsi, collocarant: machinisque pulsari Gallos uidebantur, neque pugnandi copiam facturi. Priori die decursionibus per equites factus in castra reditum est, missi qui Raucennam tuerentur. M. Antonius Columna, & Petrus Castrius. Frustra cum esset Raucenna oppugnata, necato etiam Castillono & Lessina, & commeatus Gallus deesset, constituit Fuxeus oppugnare hostes. Iam facer dies instabat, quo à mortuis excitatum Deum colimus, post solennia illa quadraginta dierum ieiunia. Erant cum Fuxeo Palicius, Odetus Barbesanus, cui ab oppido Lautreco cognomen, gentilitiumq; aliud è Fuxei familia. Alegrius, Molarcus, Maugeronus, summus præfectus Normaniæ Ludouicus: uenerat, & nuper in castra Alphonsus Ferrariensium princeps. Præfecto Normaniæ, & Alphonso pri-

ma acies, secunda Alegrio, tertia Palicio commissa. Fuxeus cum prætorii cohorte Aquitanorum & Gallorum undique circumagebatur. Hispani se locis tenebant ualidis, tormentorumque bellicorum impetu, magnam stragem Gallicorum peditum fecere. Machinæ quoque Gallicæ magna clade equitum edita uoluebantur, equitesque Gallici cum hostibus congressi facili superiores apparebant, integro tamen peditatu hostium. Ita factum ut Raymundo Cardonio, fugiente unâ cum eo Carnailo & Antonio Laua, capto Fabritio Columna & Ferdinando Daualo dissiparetur uniuersus hostium equitatus. Restabat peditatus cum Petro Nauarro, hic corporibus humi stratis uitabat machinarum pilas. Germani in hos immisi, quanuis fortiter dimicarent, uinci tamen uidebantur celeritate ab Hispanis, qui breuibus accincti gladiis cominus rem gerebant. Aquitani quoque inuecti in peditatum Italicum, irrumpente cum eis Alegrio, magnam eorum edebant stragem. At Hispani ex secunda acie in Francum peditem irruentes, iam machinis imminuebant, ni ab Ienolaco Galioto pulsii essent, qui omnium obiecta & la uirtute perfregit. Fuxeus id intuitus, omnem equitatu hor- tante Palicio hostium peditatui circumfudit: ita hostes instantibus equitibus, nec respirandi spatium dantibus, sese corporibus animisque, tandem retalere pedem, ordines tamen seruantes: peruenereque in uiam & aggere & flumine munitam, capto prius Petro Nauarro. Hos sese proripiente intuitus Fuxeus: Quid agimus milites, ait, uicti fugati- que hostes consilia nostra explorabunt? quin concurrimus, pauidosque & æstuantis fugamus? Palicius contra suadere, satis eo die uires hostium accisas, satis fortuna commissum: fatigatos milites recreandos: nihil esse uerendum ne turbas tam pauci daturi sint: quod si ea eum cura angeret, expectaret fortissimas equitum alas, quæ adhuc fugientem

Gestis Gallorum Lib. IIII. M. ii. j

hostem persequuntur. Nec tamen exaudivit prudens senis
 „ consilium ferox adolescens. Quin solus, ait hic, proficiscari
 „ uos uerò sedendo uincite: admissòq; equo in hostes properat.
 Properantem secuti Lautrecus, Maugeronus, & pauci alij.
 Ii in hostem progressi, magnam eorum stragem edebant: cū
 illi paucitate horum animaduersa, exercitum in unum locū
 laxant, circumdatòsque Gallos, caesis prius equis, prosternūt:
 prostratos multis uulneribus fodientes obtruncant. Cæsius
 est Fuxeus, & ferè omnes qui cum eo properarant, excepto
 Lautreco, qui multis confossus uulneribus, inter tumulos
 caesorum pro mortuo relictus, diūque conculcatus, tandem
 in castra relatus est. Captus postea est Ioānes Medices, unus
 è purpuratis Pontificiis. Cæsi ex Gallis Alegrius cum filio,
 cui Viuerroo cognomen, & Ramonetus Sāctomoriis, unl-
 neratus Eymericus Basilacus: ex hostibus multi cæsi in qui-
 bus Benedictus Scaliger, Titus Benedicti filius: Iulius Scali-
 ger minor natu pro cæso relictus est, & plerique alij. Galio-
 tus Ienolacus cum machinas seruasset, laudatus est. Cælius
 Calcagninus Alphonso Ferrariensium principi haud par-
 uam laudis partem impertit, cuius hortatu machinas loco
 apto ait traductas, atque ita deinceps cōmode raptatas, ho-
 stium ut innumerabilē uim conciderent: acie etiam ex trās-
 uerso in hostem ducta, Rhauenna direpta à Gallico pedite,
 non quidem uoluntate Palicij, Gallicorumque aliorum pro-
 cerum, at temeritate nequitiaque Centurionis Iaquini, ho-
 minis omni diritate atque immanitate teterrimi: qui cū fa-
 na Brixia antiquissima spoliasset nudassetq; , sagulo aureo,
 & caligis & calceis aureis splendide uestitus, homo uesti-
 nus & furiosus, fretus ea familiaritate, quæ ei erat cū Mo-
 larco, dum agitur de fœderibus paciscendis, in urbem irru-
 pit, itaque gula ei postea iussu Palicij fracta: arx quoque de-
 dita postea à Iulio Vitellio. Fuxei corpus Mediolanum re-

Arnol. Ferroni de rebus latum

latum est, summo apparatu tubarumque sonitu undique
perstreperente: lecticam secuti sunt captiui principes: relata e-
tiam vexilla militaria: summo apparatu insta illi facta, ma-
gno militum more, ut non ducem, sed patrem ademptum
unusquisque: præcipue uero gregarij milites, quos
ille liberalitate, ita sibi deuinxerat, nihil ut eo Imperatore nõ
auderent Rex lectis lueris Palicij, quibus de uictoria nec-
que Fucei admonebatur, ad amicos conuersus: Vtinam, ait,
ego Italia exclusus essem, uiueret uero Fuceus, reliqui su-
peressent procures: hostibus uero tales eueniant uictoriae: si
sic iterum uincimus, uicti sumus. ut uetus id repeti iure pos-
set, Flere uictum, at uictorem perdi ab ipsa uictoria. Reden-
dum ob Ludouici Iulique contentiones. Fauebant Regi
purpurati aliquot Pontificij, Bernardinus Caruailus, An-
toniotus Gentilis, Federicus Seuerinas, Gulielmus Brissone-
tus, Raymundus Pria, Franciscus Soderinus. Horum con-
silio antea et Maximilianus Caesar, et Ludouicus decerni
Patrum concilium uolebant. Id primum Turonis, mox Pi-
sis, deinde Lugduni coactum est, ubi et multa in Pontifi-
cem statuta sunt. Cum ille interea impios prophanosque o-
mnes pronuntiaret, dirarum imprecationes uelut ex plau-
stro effundens, priuaretque eos omnibus praefecturis, nisi in
urbem redirent. At ille, præcipue uero Federicus Seuerinas,
cur abessent, non leues causas proponebat, cum multis pre-
cibus à Mantuano et Triuultio contendisset Iulius, uti ex
itinere reuocatos comprehenderent. Indictum autem Pisa-
num conuentum, cum Iulius iureiurando cauisset, post bi-
ennium antequam Pontifex renuntiaretur, id se coacturum, ne
indiceret, unicuique ius indicendi tribuisse. Ipse interim pa-
cis consilia cum Gallo simulare: quod intuitus Federicus Se-
uerinas; nihil non tentabat: sed callidus Pontifex, nolles-
agere de pace, quam per Scotum oratorem aiebat, cum in

terea & Iacobum Papiensem Cardinalem, & Auxitanensem crudeliter impeteret: quorum alterum Papiensem crudelissime necauit: alterum ex uinculis causam dicere coëgit. Terrebatur uerò edicto Regio, quo ille decreta cætus Basilienfis & Cōstantienfis in Gallia tueri se profitebatur. At Iulius ut Pisanum cætum dissolueret, alium ad Lateranum indixerat. Indicto ad Lateranum concilio pauci adfuerunt Gallicis Germanicisque Pontificibus, paucis exceptis, quos postea Maximilianus reconciliata cum Iulio amicitia misit, consilio Ludouicum opprimendi. Primò Patrum cætus, qui fuit quinto Nonas Maias, anno Millesimo quingentesimo tricesimo, Egidius Viterbiensis Augustiniani ordinis prefectus, uir præter uitæ sanctimoniam, diuinarum literarum peritissimus, ueterèque Italia dignissimus, cuius conciones ad populum grandes erant uerbis, decoræ sententiis, genere
 „ toto graues, uetus illud prudentis hominis callens, Cum Re-
 „ gibus principibusque aut omnino non loquendum, aut quæ
 „ sunt optima loqui oportere: dicere prior à Iulio Pōtifice iussus, utilia miscens dulcibus, & auribus etiam aliqua dans Pontificis, hortatus est cætum ad emendationem prioris uitæ, tacitèque ad arma in communem hostem nostræ persuasionis uertenda, hac oratione. Si quis est qui admire-
 „ tur, quòd, cum tot magni Pontifices eruditissimi, sanctissi-
 „ mi que uiri sedeant, ego potissimum cætui huic hortando
 „ præpositus sim, qui neque prudentia, neque eruditione, neque
 „ dignitate sim cum aliis conferendus: is si prudentissimi Pō-
 „ tificis mei que consilij ratione cognouerit, unà & illud quod
 „ imperauit probabit, & in his profectò laboribus uoluntatem nostram minimè reprehendendam putabit. Multum
 „ sanè interfuit quamobrem ego non uirtute ulla aliis præpositus, sed quadam superiorum tum temporum tum actio-

Arnol. Ferroni de rebus

num

„ num ratione, & tãquam à causa ipsa inuitatus uidear, qui
 „ primus hoc conflictu telum iaciam, & sacrosancti Late-
 „ ranensis cœtus auspicia capiam. Nam cùm annis ab hinc
 „ circiter uiginti, quantum in me fuit, & perexigua uires ful-
 „ ræ diuina ope tulere, Euangelia populis interpretatus sim,
 „ Prophetarum uaticinia aperuerim, Ioânis uisionem de suc-
 „ cessu Ecclesiæ, uniuersa ferè Italiæ enarrauerim, ac sapenu-
 „ mero affirmauerim eos qui tunc audiebant, ingentes Eccle-
 „ siæ & agitationes & clades uisuros, illiusque emendatio-
 „ nem fortè tandem aliquando conspecturos. Nunc par esse
 „ uisum est, ut qui hæc dixerat uentura, idem uenisse testetur:
 „ & qui toties exclamarat, uidebunt oculi mei salutaria tẽ-
 „ pora, iam tandem exclamet, uiderunt oculi mei saluem, aut
 „ certè sanctum piũque principum expectatæ instauratio-
 „ nis. Dicam itaque de cœtu ac cõuentu pio, & quàm Eccle-
 „ siæ commodus semper sit, & quàm nostris temporibus ne-
 „ cessarius: Principio quis non uidet rerum alias diuinas esse,
 „ cælestes alias, alias humanas? Ac diuinæ quidem quòd sunt
 „ motus ac mutationis expertes, emendatione non egent: cæ-
 „ lestes uerò atque humanæ, agitationi obnoxia instauratio-
 „ nem desiderant. Nam Luna cum ad solis commercia uene-
 „ rit, Sol cum à Cancro in Brumam descenderit, quasi magno
 „ mortalium dispendio, damna ab integro reponit: coguntur
 „ que præscribente natura lucis iacturam rependere: & quic-
 „ quid cadendo abstulerint, ascendendo mortalibus restituere.
 „ Quòd si cælestia siderum itinera, quanquam perpetua,
 „ immortalia, sempiterna, quandiu architecto Deo huius fa-
 „ bricæ terrænæ placuerit, redeunt tamen restituanturque:
 „ quidnam tertium hoc faciet genus, utpote fluxum, cadu-
 „ cum, mortale? Profectò aut interitu cito pereat necesse est,
 „ aut continua innouatione reficiatur. Quod enim est cibus
 „ corporibus ut uiuant, quod semen generibus ut perpetua

„ sint, id præstat humanis animis sua pro tempore emendatio,
 „ cultura, disciplina. At quemadmodum si pratis imbres, si
 „ hortis aquam aut puteos, si agris cultum, si uineis putatio-
 „ nem, si denique uiuentibus alimenta subduxeris, illa areſcēt
 „ breui. ſylueſcētque, hæc uiuere deſinent, atque emorientur.
 „ ita ſerè poſt Conſtantini Magni tempora, quæ ut ſacris re-
 „ bus multum adiecere ſplendoris & ornamenti, ita morum
 „ & uitæ ſanctitatem non parum enervariūt. Quoties ab his
 „ conuentibus habendis ceſſatum eſt, toties uidimus diuinam
 „ ſponſam à ſponſo ad tempus relictam. Vidimus Chriſtum
 „ paululum in nauicula obdormientem. Vidimus uentorum
 „ rabiem, factioſorum furorem in candida ueritatis uela ir-
 „ ruentem. Vidimus malas cupiditates, diram auri atque ha-
 „ bendi ſitim. Vidimus multos adeò ad functiones ſacras uo-
 „ catos partim bella & ſerētes & alētes, partim deditos cor-
 „ poris gaudiis, per luxū atq; ignauia atate agere. Vidimus
 „ ſumma homines ſolertia, ingenium, quo neque aliud in na-
 „ tura mortalium melius ampliūſq; , aut incultu atque ſocor-
 „ dia torpeſcere ſinere, aut prophanis curis, quum dominico
 „ gregieſſent præpoſiti, intentos occupari. Vidimus perditam
 „ malorum audaciam, aduerſus iura, authoritatem, maiesta-
 „ tem Eccleſiæ ſauientem. Vidimus, inquam, uim, rapinas,
 „ adulteria, inceſtus, omnem denique ſcelerum peſtem, ita ſa-
 „ cra prophanāque miſcere omnia, ita in ſanctum nauigioliū
 „ impetum facere, ut penè ſclerum fluctibus illa latus dede-
 „ rit, ac propè merſa & peſſundata ſit. Rurſus cum eo monē-
 „ te ſpiritu, cui hodie ſupplicationes decreta ſunt, patres ad
 „ piorum cœtum conſugerunt: quamprimū emendauere
 „ compoſuerēque omnia, uentis turbinibūſque impetraruere.
 „ & quaſi in tutiſſimum portum delati, impetum rationi, in-
 „ iuriam iuſtitia, uitia uirtuti, tempeſtates ac fluxus ſerenitati
 „ tranquillitatiq; cedere compulerunt, hymnūmq; cecinere
 „ Arnol. Ferroni de rebus ſancto

„ sancto spiritui, piscatorum, maris, atque aquarum Deo : A-
 „ quæ multæ haud potuere extinguere charitatem & illum:
 „ Iam hyems transiit, imber abiit: surge. Iacet enim sponsa, ut
 „ hyeme frondes arborū. Surgit reuereſcitq; synodorū studio,
 „ ut syluæ ueris tēpore reuocato sole frōdescunt ad solis redeū-
 „ tis radios, & fecundi spirant Zephyri, & lata plantaria
 „ germināt. Ad synodorū lumen & diuini spiritus flant au-
 „ ræ, & emortui Ecclesiæ oculi reuiuiscunt, ac recipiūt lucem,
 „ ubi pars altera impletur oraculi, iterum pusillum & uide-
 „ bitis me: quod quidem nihil aliud sibi uult, nisi sancti spiri-
 „ tus lucem quæ cœtibus omīſis extinguitur, tanquā excusso
 „ è silice nouo igne, iterum accendi & recuperari in conuenti-
 „ bus piorum. Fide plane perfecta Deo placeamus: hæc labans
 „ fulciur synodis, hæc uerum cultum diuini numinis propo-
 „ nit, sacrosanctæque fidei fundamenta tuetur. Hac incensi,
 „ qui recte expectant certa illa diuinæque præmia in eius an-
 „ choris decet, atque interdum in salo expectare fati uadimo-
 „ nium. Eo fit ut deterius de se mereantur, qui abiectis illis an-
 „ choris cupiditatibus uela pandunt, rursus altum, rursus pe-
 „ lagi naufragia spectantes. Ex ea fide & unitate trinæ diui-
 „ nitatis, myſterīſque diuini sermonis mortale hoc corpus
 „ induēte sata est illa uinea, quæ & futuram cecinere oracu-
 „ la, & præsentem Euangelia indicauere. At iam perierat
 „ uinea: nam ut testatur Dauid, illam aper è sylua depastus
 „ erat, illam tumor philosophiæ uastauerat. Arius primam
 „ montem, super cuius uertices consita erat uinea, auellere co-
 „ natus est, qui unitatem discepsit. Sabellius secundum, qui
 „ personas cōfudit. Photinus tertium, qui partum uirgineum
 „ impura temeritate labefactauit: tres ueluti impū gigantes,
 „ qui gloriæ cupiditate, & rerum nouarum studio caelestes
 „ montes loco mouere ausi sunt, ut uiam sibi facerent ad cælū
 „ oppugnandum, rescindendūque. Et erant iam uoti com-
 „ Gestis Gallorum Lib. IIII.

„ potes: nam quæ ipsi philosophia persuadebant, armis ea re-
 „ cipi principes imperabant. Philosophia nos argumentis ur-
 „ gebat: arma collatus signis oppugnabat, illa præstigiis. Hac
 „ ui fidem euertere conabantur, illa inuertere quæ credebantur.
 „ hac eos qui credebant, perdere contendebant: illa in
 „ pietatem & animas, hac in corpora uitamque sæuebant.
 „ Quid faceret diuina sponsa iam peritura? quò se uerteret?
 „ quò confugeret? cuius fidem, cuius opem, cuius auxilium
 „ imploraret? Exhorrescebat tempestas, nauicula mergeba-
 „ tur. Denique, ne multis morer, nulla effugiendi, nulla eua-
 „ dendi inuenta uia est, nisi Nicenus cætus Syluestro ad cla-
 „ uum sedenti & iam naufragium facienti adstisset, ac sta-
 „ tim diuinis fulminibus & fidei montes restituisset, & gi-
 „ gantum temeritatē d'ficiisset, ubi Deus erepta puella igno-
 „ tos atque impudentes procos repudiauit, septamque libera-
 „ li custodia adultam iam uirginem castè, & ab armatorum
 „ impetu defendit, edoctaque est sponsa aduersis rebus, nullū
 „ omnino præsidium ad se uel tuendam firmitus, uel liberan-
 „ dam accommodatius, uel uindictandam efficacius habere,
 „ quàm piorum cætum, quo uno fit ut nullæ aquæ Ecclesiæ
 „ charitatem extinguant, utque diuinus spiritus in nostris
 „ animis mansionem efficiat, qui unicus uelut aquarum ui-
 „ tor tempestatumque domitor fertur teste Mose, atque ex-
 „ cubat super aquas. Iam uerò quod de fide dixi, quæ utique
 „ parua esset sine cætibus, idem, ferme de iustitia, temperan-
 „ tia, sapientia, cæterisque uirtutibus existimari uelim: o-
 „ mnes enim desidiam pro labore, otium pro negotio, nolu-
 „ ptatem pro sollicitudine expetimus: uerum cum animadu-
 „ rimus quādoque fore (quod in cætibus fit) ut census habe-
 „ tur, ut morum & uitæ exploretur ratio, ut improbi depre-
 „ hendantur, iudicentur, plectantur: contra probi alliciantur,
 „ foneantur, attollantur, incredibiles stimuli appetendæ uir-

" tutis iniiciuntur, ut homines colligant se se, ut meliora deli-
 " berent, ut ad uitia relinquenda, & uirtutem capeffendam
 " accendantur, nihilque non honestum, nihil liberali homine
 " indignum moliantur. Illud, illud conuentuum commodum,
 " euerriculum fuit maliciarum, discerniculum fuit unde ueluti
 " ex equo Troiano tot clarissima ingeniorum lumina emicue-
 " re. Inde illa uirtutum approbatio, illa detestatio uitiorum,
 " Dionysios, Eusebios, Origenes, Basilios, Chrysostomos, Da-
 " masceos, Cyrillos, Athanasios Gracia Hilarios, Arnobios,
 " Cyprianos, Lactantios, Ireneos, Iustinos, Clementes, Afri-
 " canos, Victorinos, Prudentios, Cassianos, Hieronymus, Am-
 " brosius, Augustinos, Gregorios nobis peperit: qui cum ma-
 " gna similium turba, quos libros, quæ scripta, quæ monumē-
 " ta, quod disciplinarum, quod doctrinarum, quod diuini uel
 " auri uel argenti genus, in Christianum ararium non con-
 " gesserunt? Remi pratero, nisi tempus obsisteret minimè
 " praterendum, de Ecclesiarum rectoribus, de pastoribus
 " populorum, in quibus quidem uniuersa rei Christiana sita
 " est & summa & salus. Vt enim inferior hic mundus, cali-
 " tum motu, tum lumine regitur, ita Christiana gentes à re-
 " ctoribus suis, uelut à caelestibus pastoribus gubernantur: qui
 " si boni futuri sint, necesse est ut & lumine disciplinarum
 " fulgentes, alios doceant, & motum sanctarum actionum
 " exercentes, quæ docuerint, ipsi in primis & maximè agēdo
 " præeant. Hac duo illa sunt, quæ & docuit pastorum prin-
 " ceps Christus, cum & lucernas ardentes gestare ad clarè
 " instituendum, & ad sanctè agendum praeinctos esse ius-
 " sit: simul ipse mirificè exercuit, cum & lux mundi & diui-
 " ni patris sapientia fuerit, & sanctus appellatus sit, quod
 " probos omnes uitæ sanctimoniam antecesserit, atque ob eas
 " res pastorem se bonum dixerit. Quod uerò ob utrunque,
 " bonum se dixerit, testatur præco diuinus, qui cœpisse eum
 Gestis Gallorum Lib. IIII.

„ scribit tum facere tum docere. Idem nobis enitendum, nisi
 „ tantam dignitatem tabescere uetustate, & per socordiam
 „ dilabi uolumus: non eos imitari qui cum uni & alteri præ-
 „ fectura sacerdotiique desponsi sint, in alia mox animum
 „ adiiciunt, ac ueluti priores sponfas funere extulerint, rursus
 „ proci, rursus candidati uisuntur: quasi professi sint eam re-
 „ ligionem quæ ære demum numerato, professores auctorare
 „ didicerit, non etiam annonis mentis sibi optime conscia,
 „ quæ stipendia sunt & emerita mentium ingenuarum: ac
 „ primus quidem prudentiæ gradus fuerit ab iis abstinere:
 „ quod si more humani ingenij impegimus, redeundum in
 „ uiam, neque uerò rationis freni excutiendi, & peccata pec-
 „ cati cumulanda: id uerò indignissimum est, disferreque sa-
 „ cro retinendæ interdicto maiestatis, metisque diuini aduer-
 „ satur. Hæc si semel impegimus, in gradum nos restituunt.
 „ Interdicto eiusdem recuperandæ, unde scilicet perturbatio
 „ nos animi deiecit. Itaque ea in re debemus animum maxi-
 „ mè exercere, ut exemplo prius à nobis præposito colantur
 „ boni mores, concordia Christiana in unum omnes coalesca-
 „ mus. Huius rei, quæ omnium longè maxima est, multa
 „ præcipuâque semper fuit cura cætibus. Nam qui præstanti
 „ doctrinæ sanctum uitæ institutum adiunxerint, à Synodo-
 „ rum patribus ex uniuerso terrarum orbe conquisiti, euocati
 „ exornatique sunt summa cum eligentium laude, Ecclesiariū
 „ fructu, commodo, letitia, plausu populorum. Quid illud o-
 „ mnium grauissimum ac periculosissimum loquar, quod ne-
 „ mo tempestate nostra non deplorat: iniurias principum di-
 „ cam, an militum? legionum inconstantiam, armatarum
 „ minas? Quid enim miserius, uel audiri, uel cogitari potest,
 „ quàm ut calis terrarumque regina Ecclesia, aut ut seruire, aut
 „ manus dare, aut grassantiū tela pertimescere cogatur? adeo
 „ serpit hoc tempore, adeo insurgit, adeo inualescit, ut omnis

„ illa Ecclesiæ authoritas atque adeo tradita libertas, euerſa;
 „ proſtigata, & plane extincta eſſe uideatur. Quamobrem
 „ caue Iuli ſecunde Põtiſex maxime, caue credas ullum mor-
 „ talium quicquam melius ſalubriuſque cogitaſſe unquam;
 „ quàm ipſe ſpiritu ſancto monente cogitaſſet in Synodo in-
 „ ſtituenda, cuius quidem nulli reges, nulli Caſares, nulli prin-
 „ cipes poſſunt uel decreta contemnere, uel iuſſa negligere, uel
 „ authoritatẽ detrectare. Si qui enim forte Põtiſicem ipſum
 „ per ſe inermẽ parui pendere auſi ſunt, Synodi authoritate,
 „ principũque & nationum conſenſu, ac ſtudiis inſtructum
 „ metuere ac uereri conſueuerunt. Nani ſi Synodorum res ge-
 „ ſtas repetamus, nihil illis potentius, nihil maius, nihil mu-
 „ nitius eſſe intelligemus. Synodo nanque in Ioannem Hi-
 „ ſpaniæ, & Alphõſum Luſitanum, Rodulphum imperato-
 „ rem designatum, Gregorius X. Martinus IIII. in Petrum
 „ Aragonium animaduertit. Synodo Alexander V. Ladislaũ
 „ exauctoratum fecit. Synodo & olim Gregorius, & patrũ
 „ memoria Eugenius Græcam Eccleſiam Latinæ coniunxit.
 „ Quin in hac eadem ad omnium principe, & quæ uincere
 „ ſemper hoſtes ſolita eſt, uinci nunquam, non niſi Synodo, &
 „ II Innocentiũ aduerſarios deuicit, & III Alexander
 „ uictorem ſociõſq; ſuperauit: & innocẽtiũ Orthonẽ imperio
 „ ſubmouit: & Martinus V. hoſtilia tyrãnorũ arma diſſipa-
 „ uit: & ne omnia perſequar, quicquid laude, quicquid glo-
 „ ria dignũ à Melchiadis ætate in Eccleſia geſtum eſt, aut ad
 „ hoſtem arcendũ, aut ad Remp. componendam, id omne ex
 „ hiſ conuentibus originem ſumpſit, & proinde illis acceptũ
 „ ferendum. Vnde ueterum decretis cõſtitutum uidemus, ut
 „ quotannis bis habeantur conuentus doctentium in Eccleſiis;
 „ credo haud aliam ob cauſam, niſi ut & ſordes abluantur;
 „ & ne ſi qua diſſenſio orta eſt, latius uagetur. Et ſimulachrũ
 „ huius moris retinent paſſim Eccleſiæ; dũ conueniunt quot-

„ annis singularum diæcesium sacerdotes, ubi de moribus &
 „ doctrina pauca, multa passim alia inculcantur, nullo ueteri
 „ exemplo, qui hunc conuentum ueluti morum aliam censu-
 „ ram instituere. At nos nunquam ne tandem post undique
 „ qua sacra, qua prophana, interuersas opes, haustas uolupta-
 „ tes, ullum tempus in acerrima & attentissima cogitatione
 „ ponemus? qua perspiciamus, quo pacto rationes huiusce sa-
 „ cerdotū ad ærarium illud diuinum referamus, ubi sestertia
 „ innumera expensa cum acceptis conferenda sunt? Quousque
 „ tandem pergemus fastigium ita nostrum tollere, ut lumini-
 „ bus Regū & principum obstruere conemur? Quotus quis-
 „ que nostrum fidei initia & ipsa primordia religionis, quæ à
 „ cruce & morte, non fastu & magnificèntia profecta sunt,
 „ intuetur? Quotus quisque diuini præconis uoce edoctus, in
 „ simplicitate animi magnitudinem, in procuranda aliorum
 „ utilitate, posthabita sua ultimum finem assequenda felici-
 „ tatis constituit? non sunt sacra, non inquam, augusti isti ritus
 „ nostri ad cæterarum disciplinarum uiam & rationem diri-
 „ gendi. Quippe illæ uario multiplicique ingenio hominem
 „ exigunt: nisi simplicibus & credulis se non credunt. Nouo
 „ genere & instituendi & docendi, prius persuasos esse uo-
 „ lunt sectatores suos, quàm aliquid illis persuadeant: elatos,
 „ laudis cupidos à lumine arcant, calliditatem, confidentiam,
 „ magnificasque istas ostentationes ne admittunt quidem.
 „ Nunquàm ne imitabimur tot culmina fidei? tantas copias
 „ testium lectissimorum, qui pomæria prorogauerunt sacri
 „ dogmatis usquequaque gentium? Aut hoc restituet piorum
 „ cæcus, aut iam deplorata omnia. Nam quid aliud sanctus
 „ cæcus, nisi malorum metus, proborum spes, errorum corre-
 „ ptio, seges & restitutio uirtutum? qua dæmonum fallacia
 „ uincitur, illecebræ auferuntur, ratio amissa arcem recipit, ter-
 „ ris è calo iusticia redditur: redit siquidem ad mortales Deus.

Arnol. Ferroni de rebus

Nam

„ Nam si dixerat, Vbi duo uel tres meo nomine conuenerint,
 „ ad eos uenio, interque eos sum: quanto huclubentius se cō-
 „ feret, quod non duo uel tres, sed tot Ecclesiæ capita proficiscū-
 „ tur? Nam si angelos uocat Ioannes Ecclesiarum pastores,
 „ quid est quod uel uotis petere, uel precibus à Deo consequi
 „ non possit tanta simul frequentia angelorum? Hic Eua ab
 „ exilio reuocatur, hic serpentis caput talo premitur puellæ
 „ sanctioris: Abrahamus educitur è Chaldaeorum terris, Agar
 „ ancilla obtemperat heræ; fœdus cum Deo rursus feritur;
 „ animorum circumcisio introducit. Hic scalam figens pa-
 „ triarcharum pater in calum aditum pandit, Deo iungitur
 „ in palastrâ ludo, & audendo à Deo accepit nomē. Hic po-
 „ puli ueluti in solitudine oppressi fame, diuinitus auxilium
 „ impetrant, cali angelorumque panem recipiunt, & suau-
 „ tate uestuntur caelestium epularum. Hic cum hominum pe-
 „ ctora tanquam saxea euaserint, Moysis uirga percussa aqua-
 „ rum fontes effundūt. Hic thesaurus agro abditus effoditur;
 „ margarita emitur, lampades accenduntur, semen in agrum
 „ fertilem seritur, sinapis granum surgit in arborem, & fera-
 „ ci olea oleaster inseritur. O beata itaque tempora illa, quæ
 „ Synodos susceperunt: hæc stulta, si non agnouerint: misera, si
 „ omiserint. Et quando ueterum cœtuum commoda strictim
 „ attigimus, nunc quam breuissime nostra delibemus. Tan-
 „ tās ne uirtutes, Dū boni, tantam frugalitatem, modestiam;
 „ maiorum nostrorum non imitabimur, qui cum omnia sibi
 „ subesse uiderent, nihil sibi arrogarunt? & tamen ita cupio
 „ ueteres imitemur, aspera ut omnia & inculta, ambitionem
 „ potius quàm pietatem redolentia uitemus, ne plebem durā
 „ emendare uolumus, à nobis auertamus. Frugalitatem exi-
 „ git pietas, non pœnam: utamur argento, non capiamur: itā
 „ quidem ut non auro à nobis & munditiæ, sed uitis & il-
 „ lecebris indictū bellū uideatur. Appello ergo te Iulī secūde

„ Pontifex maxime, summus ille te appellat Deus, qui suam
 „ te gerere uicem in terris uoluit: qui è tanto iam pridem Se-
 „ natute unum delegit, qui nonum usque in annum Ecclesiæ
 „ suæ te sponsum defendit, qui & bonam cogitâdo mentem,
 „ & magnam agendo facultatem dedit, quantum nulli ma-
 „ iorum unquam præstitit, ut prædones abigeres, uias pur-
 „ gares, seditiones tolleres, Dei templum, omnium quæ usquã
 „ uisa sunt magnificentissimum excitares, militiæ arma & eccle-
 „ siæ (quod nemo antea aut potuit aut curauit) magnis Regi-
 „ bus metuenda faceres: ut denique imperium propagares,
 „ ut Ariminum, Rauennam, Fauentiam, & alia per multa
 „ recuperares. Quæ etsi tibi eripere hostis potest, quin tamen
 „ primus Pontificum hæc gesseris, efficere non potest. Magno-
 „ rum enim principum uirtus non casu aut euentu, sed ex cõ-
 „ siliis atque actionibus censenda est. Tibi uerò etiam atque
 „ etiam uidendum, ne dum capiti mederi pares, reduuiam cu-
 „ rasse uideare. Caput uerò illud fuerit tuarum actionum, si
 „ Christi hostem Maumetem fregeris: reliqua tibi adempta,
 „ alio tempore reddentur. Nunc rebus gestis hæc duo deerât,
 „ ut Synodum uocares, & communi Christianorum hosti
 „ bellum indiceres: & quæ ab iniurio semper cogitasti, spo-pon-
 „ disti, decreuisti, iam Deo, iam Christiano gregi, iâ tuæ præ-
 „ stes tum pietati, tum fidei. Ac scias te bonos omnes in ma-
 „ gnâ spem erexisse, quippe qui bellorum & malorum tẽ-
 „ porum iniuria, ad hæc differenda quidem coactus fueris,
 „ ad negligenda uerò & deferenda non minis, non telis, non
 „ cladibus adduci potueris, qui animum eâ constantia firma-
 „ ris, ut hi fluctus, hæc aquæ, hi turbines, procellæ, quanquam
 „ multæ, firmam tamen charitatem tuam extinguere nõ po-
 „ tuerint. Ille itaque idem Deus qui præter hæc omnia quæ
 „ ad animum exercendum enume-raui, immortalia beneficia
 „ his superioribus annis, tum Romæ tum Bononiæ, cum etiâ

Arnol. Ferroni de rebus

intra

„ intra ædes tuas extinctus habereris, te in uitam reuocauit,
 „ & ad hæc maxima opera gerenda reſeruauit, ut & ipſe
 „ Deus extincto Pontifici maniſeſtiſſimo mirabiliſque exem-
 „ plo, & Pontifex extinctæ Eccleſiæ ſanctiſſima Synodo uitã
 „ reſtitueret: atque unã cum reuiuſcente Pontifice, etiam Ec-
 „ cleſia moribus reuiuſceret. Ille, inquam, Deus peti man-
 „ datque, ut duo illa animo uolutes, cures peragas: & euellas,
 „ eruas errores, luxum, uitia: inſtituas, ædifices, plantes mode-
 „ rationem, temperantiam, ſanctimoniam. In te uno iſſitum:
 „ quod ueterum decretis ſanctum eſt, tibeas exerceri hoc lo-
 „ co. Primum ſi quis nouum quid proponit, ſi quid quod per-
 „ tinet ad quantumuis magnæ potentix emendationem in-
 „ ſtaurationemue, huic ne id fraudi ſit: Deinde ne cui præci-
 „ damus ueterẽ licentiã libertatẽmq; dicendi: Tum ne immo-
 „ deſtis uocibus perſtrepamus, aut uanis tumultibus cœtum
 „ perturbemus: Vt deniq; iſ deligantur, qui grauiffimis de re-
 „ bus diſputent, nõ qui diuſius ſolũ & gratia apud magnos
 „ polleant: at ſingulis maximisq; ex urbibus qui iudicio pro-
 „ borũ, & in ſtudiis liberaliſſimis grauiffimisq; uerſa: ſunt,
 „ & opinione probitatis paſſim cõmẽdentur. Ad hæc uerò a-
 „ genda cũ alia permulta, tũ præcipuẽ amiſſus exercitus exci-
 „ tare nos debet: quod equidẽ diuina prouidẽria factũ putem,
 „ quò armis demũ Eccleſiæ ſteti, alienis cederemus, ut ad no-
 „ ſtra redeũtes, uictores euaderemus. Noſtra autẽ arma ſunt,
 „ pietas, religio, probitas, ſupplicationes, uota, lorica fidei, atq;
 „ arma lucis, ut ait Paulus. Ad quæ ſi Synodi opera redibi-
 „ mus ut armis nõ noſtris inferiores aliquo hoſte fuimus, ita
 „ noſtris erimus omni hoſte ſuperiores. Nos quidẽ paulo antea
 „ occupata à Frãciſ Italiæ parte nobiliſſima, ſic orbẽ reipubli-
 „ cæ cõuerſum uidebamus, ut uix audire ſonitũ, uix impreſſã
 „ orbitã intruci poſſemus, minore omnino ſonitu quã putara-
 „ mus lapſa erat omnia: ſpes iniecta nulli ueturi ea poteſtate



„ hominem, qui labefactatus has partes aut suscipere posset,
 „ aut tueri. Ecce autem exstitisti tu Iuli, uindex libertatis no-
 „ stræ, conuertisti arma in florentissimum Regem: qua in re in
 „ summam gloriam uenisti: quæ tamen si in ueros fidei hostes
 „ conuertisses, hominum credo admiratione in celo esses. Ve-
 „ niat quæso in mentem Moſis bellum, quod aduersus Ama-
 „ lechum Regem geſſit: uidebis populum Deo charum, gla-
 „ dius fidentem ſemper uinci: contra precibus ſupplicantem,
 „ ſemper uincere. Iofueus exercitum in prælium ducebat: Aa-
 „ ron ſacerdos cum Huro ac Moſe montem aſcendebant,
 „ illi armato corpore ferebantur in hoſtem, hi demum pur-
 „ gato animo precabantur. Illi enſibus, hi uotis agebant: illi
 „ ferro, hi pietate pugnabant. Vidimus utraque arma militiæ
 „ ac religionis: at iam quæ noſtra ſunt cognoſcamus. Dum
 „ Moſes, inquit, manus attollebat, noſter uincebat exerci-
 „ tus: dum manus remittebat, exercitus inclinabat. Ac ne
 „ caſu id factum ſuſpicemur, extremo ſermone illo ſcribitur,
 „ aduersus Amalechum, hoc eſt, Eccleſiæ hoſtem, Dei manum
 „ ac bellum eſſe à generatione in generationem: Quibus uer-
 „ bis monet Deus, utraq; generationem: & Moſis & Chri-
 „ ſti, militiæ armis uinci, pietatis ſtudio uincere: ſuperari manu
 „ decertando, ſacro faciendo, ſuperare. At quò nos tandem
 „ perduxit præceps ambitio? ut cum Chriſti mandato pacem
 „ cum hominibus ſanctè colere, cum uitis demum bellum ge-
 „ rere debeamus, Italiam tamen ipſi totam armis noſtris cõ-
 „ cutiamus? An uerò finem nunquam inueniet dominandi
 „ illa apud nos ambitio, ut non contenti poteſtate illa eximia,
 „ ad raptos dominatus animum adiuciamus? Audire opera-
 „ pretium fuerit diuinas uoces undique perſonantes, undique
 „ Synodum, pacem, ſanctam illam expeditionem eſſlagitan-
 „ tes. Quando enim uita noſtra mollior? quando ambitio pe-
 „ tulantior? quando cupiditas inſlammator? quando peccandi

Arnol. Ferroni de rebus

licentiæ

„ licentia impudentior? quando audacia aduersus pietatem
 „ loquendi, disputandi, scribendi, aut frequentior, aut securior
 „ fuit? quando in populus rerum sacrarum? quando & clauium
 „ & sanctorum præceptorum non modò negligentia, sed &
 „ contemptus maior? quãdo apertius religio & fides ludibrio
 „ uel tenui plebeculæ fuit? quando (pro dolor) sectiones in Ec-
 „ clesia perniciosiores? quando hostis potentior? quando ex-
 „ exercitus truculentior? quando obiter monstra, portæta, pro-
 „ digia tum cali minitantis tunc terræ expauescentis, aut cre-
 „ briora aut horribiliora apparuere? quando (heu fletus me
 „ impedit) cædes, quãdo clades uel prius Brixiana, uel postea
 „ Ravennate cruentior? quando, inquam, ullus inter infaustos
 „ dies, quàm sanctissima illa à mortuis excitati Christi lux,
 „ aut luctuosior aut calamitosior illuxit? scilicet, ut expleant
 „ illi uindicta feroces animos, nos uiles animæ mactamur?
 „ inutilis turba, nos cui nullæ eiulationes flebiles debentur,
 „ uexamur? Quæ quidem omnia (nisi ferrei sumus) quidnam
 „ aliud quàm cælitus missæ sunt uoces monentis Dei ac præ-
 „ cipiētis, ut Synodum habeas? ut Ecclesiam emendes? ut spō-
 „ sã tuæ undique laceßitæ pacem utranque restituas? ut gla-
 „ dios auertas urbis & Italiae iugulis imminentes? ut nostrã
 „ frenes uiuendilicentiam, Ecclesia uiscera maioribus uulne-
 „ ribus ferientem? Non enim multum refert quantum agri
 „ possideamus, sed quàm iusti, quàm p̃i, quàm diuinarum re-
 „ rum studiosissimi: ut denique post tot mala, tot incommo-
 „ da, tot calamitates, principem Christum audias Petro po-
 „ sterisque synodum ostendentem, ut unicam omnium malo-
 „ rum medicinam, tutum periclitantis nauicula portum, solã
 „ Reipublicæ confirmandæ rationem. Aebet enim Petro, con-
 „ uersus aliquando confirmet fratres suos. Imperat aliis ab
 „ ingrata Deo uita, ad gratam piãque lapso deducant:
 „ uult is ea pares, mediteris, cogites, quæ esse in eo Pontifice ac
 „ Gestis Gallorum Lib. IIII. N iij

„ niro debeant, qui sit piorum cœtum afflictum & oppressum
 „ miseri temporibus ac perditis moribus, in ueterem pietatē
 „ ac religionem uindicaturus. Ille abs te etiam atque etiam
 „ petit, ut ea quæ initio ostendisti, in sanandis hisce tumulti-
 „ bus, deinceps fecisti, etiam ad exitum augeri & cumulari
 „ per te uelis. Quando enim unquam magis uidimus lippitu-
 „ dine præpeditos, præponi diuinæ sp̄sæ arcibus pro specula-
 „ toribus? pro antistitibus eos qui oracula intelligere nequeāt:
 „ pro uigilibus, uiros somno languidos: pro præconibus, qui
 „ exiguae sint uocis: pro concionatoribus (ut de me aliquid di-
 „ cam) qui raucedinem contraxerunt: pro nauarchis qui que
 „ clauum teneant, quibus in sentina locus esse uix debeat in
 „ iactatione & æstu maris? pro præcursoribus, quibus anhe-
 „ litus sit impeditus? Audis Petre? Audis Paule? Auditis au-
 „ gustissima semper capita, tutela ac præsidium urbis Romæ?
 „ Auditis in quem maiorum cumulum Ecclesia, Christi fun-
 „ data sanguine deducta sit? Videtis acies utrinque profliga-
 „ tas? uidetis cædes? uidetis clades? uidetis campos occisorum
 „ aceruis opertos? uidetis terram hoc anno plus cruoris hau-
 „ fisse quàm pluuiæ? minus imbrum bibisse quàm sanguinis?
 „ uidetis tantum Christiani nominis, quantum fuerat ad fi-
 „ dei hostem debellandum satis, nihil nisi exitium, nihil nisi
 „ interitum superesse? Eerte sacris uestris ad Deum precibus
 „ opem, iuuate, succurrite, & quam de Iudæorum & tyran-
 „ norum faucibus eruiſtis Ecclesiam, nūc domesticis cladibus
 „ occumbentem eripite. Videtis eò rem peruenisse, nemo ut iā
 „ inueniatur qui sacram nauem, quæ fertur in scopulos retro,
 „ inhibeat, cū remiges obsurduerint: ac nec uectores quidem
 „ iactura facta reliquias colligant. Videtis flare atque reflare
 „ hinc atque illinc uentos contrarios, scindi uela, frangi propē
 „ sacræ nauis malum, carinam dehiscere? Videtis ui uentorum
 „ nauim ita impulsam in funes anchorarum, aliarum nauū,

„ uix ut præcis funibus nauæ se explicare possint. Videtis
 „ nihil aliud superesse, quàm ut leuandæ nauis gratia, iactus
 „ mercium fiat diuinarum, qui necquicquam postea omnium
 „ contributione sarciri possit. Videtis ab ipsismet Italis accersi
 „ ferocissimos hostes in Italiam: qui cum cogantur exire de
 „ nauî abiectis gubernaculis, cupiunt reliquorum naufragia
 „ ex terra intueri. Malunt uehi male & superbe Turcis gu-
 „ bernantibus, quàm iuncti nostris uictoribus obtemperare.
 „ Tales obsecro pestes auerite. Orat id à Deo populus, uiri,
 „ fæminæque, omnis ætas, omnis sexus: rogant patres, obsecrat
 „ Senatus, obtestatur ipse denique supplex Pontifex, ut Eccle-
 „ siam, ut urbem, hæc templa, has aras, hæc sacra, hæc uestra
 „ ipsorum capita seruet, ac Synodum Lateranensem à Iulio
 „ indictam hodie: quod faustum, felix fortunatumque sit, &
 „ nobis & Ecclesiæ, & toti Reipublicæ Christianæ, in orbis
 „ terræ certissimam salutem, diuini spiritus numine firmet, cu-
 „ réque iubeat, imperet, & pacari Christianos principes, &
 „ in publicum Christi hostem Maumetem nostrorum Regum
 „ arma conueriti, atque his fluctibus, his procellis, his aquis,
 „ non modò non extinguere Ecclesiæ charitatem, sed sacræ cru-
 „ cis meritis, & diuini spiritus ductu, quibus coniunctim ho-
 „ die sacra fiunt, ablui potius ab omnibus conceptis maculis,
 „ & in antiquum splendorem munditiàmque restituui. Hæc
 „ ille prudenter differebat: at cum post tertiam sessionem fæ-
 „ dus pepigisset Pontifex cum Maximiliano in æde dica-
 „ ta sacræ uirgini Populæ, Iulius qui pacis antea consilia
 „ cum Ludouico agitarat, acrius bello renouando incubuit:
 „ idemque Egidius Viterbiensis, quasi palinodia recantata,
 „ multa in Gallos effudit, quasi impij nemine persequente ex
 „ ueteri oraculo fugientes, uictoriam dedissent: & tamen uir
 „ pius uictus ueritate, extremis uerbis orationis hortatus est
 „ Pontificem, Si partam diuino munere uictoriam, si hunc diem,

si *Cæsaris* fœdera, si supplicem hanc *Rempublicam*, si res gestas, si illud quod cælo æquaret templum, si posteros, si monumenta, si trophæa, si sua omnia stabilia, æterna, felicia esse cuperet, componeret hos fluctus, tolleret intestina mala, emendaret mores, luxum, licentiam, flagitia, odia præterea, discordias, arma è *Republica* prorsus auferret: & compositis rebus pacatisq; uera sancta que pace principibus, quicquid *Christianarum* esset uirium colligeret, & ad imminens *Maumetis* periculum diramque pestem opprimendam accederet: & si res diuina & uera gloria ex animo curæ ei esset, alia omitteret omnia: has pestes aggredieretur, has domaret, has tolleret. Illi uerò adiuncto *Cæsare*, spretis prudentiū consiliis, nihil deliberatius fuit, quàm hinc *Ferdinando*, hinc *Anglo*, hinc *Heluetiis* ad arma uocatis, *Regnum Gallicum* opprimere. Quin uulgatum est, iocône cōfictō, an uero, quādo *Romani* pictores *Petro* clauēs, *Paulo* ensē tribuunt, illum in *Gallos* emissurum copias, ensē accinctum & clauibus, ad *Tybrim* profectum in aquas amnēque proieciſſe clauēs, hæc inferentem: Quandoquidem nihil *Petri* clauēs
 „ prodesſent, *Pauli* ensē (quem mox eduxerat) auxilio futurum. Idem ea fuit perfidia, ut *Federicum Sanſeuerinum*, unū è purpuratis, quid ad *Regem* transierat, bladis literis ad reditum pelliceret: alteris maxime petebat à *Francisco Gonzaga Mantuano*, & *Iacobo Triuultio* darent operam, ut quacunque ratione interceptum deprehenderent: idem, ut dum per legatos pacis conditiones scribuntur cum Rege, aliis legatis *Heluetios* summis inuitatos stipendiis uno eodēq; tempore in *Regem* armaret: *Gallos* uerò in uniuersum nouo nomine augēs *Romanam* supelleſtilem, *Miſturiunos* uocaret, quasi immodicos uini potores, quod mox emittendum esset: quo uitio ipse maxime laborabat. Neque hisce maledictis abſtinebat quæ in ipsum dupliciter recidebant. Vnde
 Arnol. Ferroni de rebus factum

factum est ut Gallici poetæ palam in eum his affixis undique uersiculis luderent:

Patria cui Genua est, genitricem Græcia, partum

Pontus & unda dedit, quî bonus esse potest?

Sunt uani Ligures, mendax est Græcia, ponto

Nulla fides: malus est, hæc tria quisquis habet.

Magnam uerò ab eo inuit gratiam Ianus Lascaris, qui his Romam allatis uersiculis, contrarios mox edidit in hanc sententiam:

Est Venus orta mari, Graiûm sapientia, solers

I ingenium est Ligurum: quî malus esse potest

Cui genus ut Veneri, à Graiis sapientia, solers

I ingenium à Genua est? Mome proterue tace.

Is tamen in eas est angustias deductus, ultro ut copias omnes suas Ludouico detulerit, modo tamen Ferrariensem nec tueretur, tantum se spectatorem tribueret. Rex Italiam omnem potius sibi relinquendam esse dixit, quàm Ferrariensem fidelissimum socium deferendum: eius finibus si Pontifex abstineret, quibusuis conditionibus sese cum eo transacturum. Iulius ubi superatû se uidet, magis irritatus est, operaque Gurcensis Cardinalis, ex Heluetius mox suppleuit copias, subnixus auro Veneto: Maximiliano etiam Casare adiuncto, clandestinisque legationibus & Ferdinandum Hispaniæ, & Henricum Britannia Regem ad bellum Gallo inferendum impulit. Ludouicus ubi uicinos Reges omnes bellum sibi parare uidet, reuocat ex Italia maiorem militû partem. Ita Pontifex ac reliqui naçti urbes uacuas milite, Italia loca quæ Rex occuparat, recipiunt. Aubignius Hispanis Brixiam reliquit, & Trutianam arcem Franciscus Biarnensis præfectus quem Baronem uocabant. Placentia & Parma ex fœdere Iulio cessere. Benedictus Cribellus auro Veneto uictus Crema dedit. Palicius cum se Papiam re-

Gestis Gallorum Lib. IIII.

cepisset, iussu quoq; Regis saluo equitatu in Galliam rediit,
 uel suapte spōte, cum se hosti imparem agnoscit. Qui super-
 fuerunt ex Gallis Mediolani, aut fugi sibi consulere coacti
 sunt, aut caesi. Ex his gregarius miles in itinere claudicans,
 obuiam factus cui cuidam Papiensi: quasi peregrini curā
 ageret, comiter inuitat in domum Gallicum militem: inui-
 tatum quiritantēque multis uulneribus confodit: mortuo
 cor uelli iussit: id conuiuio publice apposuit, indigno faci-
 nore sese polluens, & quod nemo in ferocissimo etiam hoste
 laudaret. Ferdinandus Hispaniæ Rex egerat cum Anglo,
 ut is classe in Hispaniam appellens, inde in Aquitaniam
 properans, bellum Gallo inferret. At prius per Ioannem Na-
 uarorum Regis fines pertransendum erat. Ioannes Fu-
 xeus Alebreti filius, Nauarrus imperabat. Rex motus an-
 cipiti bello cum & Hispani & Angli uni Aquitanie diuer-
 sis locis imminerent: ad Ioannem Fuxeam misso Amanio
 Alebreto Dorualo pereum tentabat Anglos Aquitania ar-
 cere: sed nihil poterat constitui quod non incurreret in ma-
 gnā difficultatem. Pungebant Dorualum dubitationes
 Nauarri. Is cum eo egit ut impediret hostium transitum.
 „ Nauarrus negabat, se impedire posse. Primū enim prohi-
 „ beri fœdere inito cum Ferdinando, ne illi esset hostis: id quo-
 „ que iactare Ferdinandum, cum redderetur ab Hispanis id
 „ Regnum posteris suis, diserte cautum, rediturum Regnum
 „ ad Hispanos si sui fœdus uiolarent. Quid autem, cur hoc tē-
 „ pore id ab eo postulet Ludouicus, qui multo tempore foue-
 „ rit Regni æmulum Gastonem Fuxeam? deinde cur aliorum
 „ controuersus sese ipse interponat? Satis superque esse sibi, sui
 „ cuiq; Regni curam: alienis disidiis implicari & inutile &
 „ molestum esse. Cur florentes res suas cum aliorum turbulē-
 „ tis misceat? cur dum alij placere studet, alterum in se accen-
 „ dens certam sibi accersat perniciem? Tum etiam quid pro
 Arnol. Ferroni de rebus Ludouico

„ Ludouico laboret, qui decreto Senatus Tholosani passus sit
 „ ditionis Biarnensis imperium sibi eripi, Regique addici? His
 „ itaque respondit Oruallus: fœdus ei antiquius esse cum Gal-
 „ lis quàm Hispanis. Porro nihil metueret Ferdinandi copias:
 „ futurum, si is uel nutu solo indicet irruptionem in Nauarræ
 „ Regnum, auxilia ut potentissima mox adsint, leuissimæ-
 „ que copię, quibus ipse agrè Hispaniã suam tueatur. Quod
 „ ad Biarnensium ditionem attinet, cum id decretum nemo
 „ executus sit, compromisso se curaturum, ius ut suum saluum
 „ ei maneat. Quid autem Fuxcum ingerat, quo sublato nihil
 „ sit metuendum? Regem ut affinem fouisse, non ut Regni al-
 „ terius æmulum. Excluderet Regno hostes Gallicos: id si fa-
 „ ceret, præclare apud Ludouicum positurum confirmabat: si
 „ non faceret, uersari eum in lubrico: in periculum etiam ueni-
 „ re repudiata ea societate ne eæ arces, innumera, eaque florē-
 „ tissima oppida quæ in Gallia possidebat, occuparetur à Gal-
 „ lis: aliter si faceret, uideret etiam atque etiam ne & in Regē
 „ esset inofficiosus, & in se metipsum pene periculosus. Spera-
 „ re se Franciam eius fore: unæ quantum uis affluētæ & iacta-
 „ tæ, portum ac perfugium futurum. His motus Rex Nauar-
 „ ræ, cum Stephanus Poncherius & Petrus Viachius hono-
 „ rarij arbori delecti, Biarnensem ei ditionem addixissent, an-
 „ tiquato à Rege Senatus decreto, fœdus cum Ludouico inuit.
 „ Ferdinandus ubi ea fœdera inita intellexit, instructas co-
 „ pias, quas in Gallum ducturus erat, uenit in eum. Atq; hæc
 „ quidem causa fuit Ferdinando uicini Regis eiiciendi: alterã
 „ etiam prætexuit, quòd edicto Pontificio & Gallorum Rex
 „ & qui ei auxilium ferrent impū pronuntiati essent, eorum-
 „ que regna publicata: exercitus, quem maximo delectu colle-
 „ ctum habuit, præfecit Federicum Toletanum Albanum:
 „ Aduentui eius cognito, Regem Ioannem effugisse. Bemon-
 „ tanos omnes Regis studiosos, totam nobilitatem effusam
 „ Gestis Gallorum Lib. 1111.

didicit. Multi uerò ex factione Agramontanorum illum nō modo recipiebant, sed etiam ulro uocabant. Cum urgeret & instaret summo cum studio Ludouicus Lerina, Pompeunenses deditiōem mox fecere deserti à Rege: multiq̃ue aliū uicini, eorum secuti exemplum, redacti mox in hostium potestati, ut Elumberri, Olitenses, Tutelenses, Amaij, Mons regū. Arces tamen aliquot, ut & Runcitani, Escuanique aspera & montosa regione freti, manu iuuentutis Menaldo Nauaglio duce armata, feliciter à se hostem reiecere. Progressus deinde est Albanus cum exercitu ad transalpinos Aquitanos, fanūque Ioannis, arcem munitam ad montis radices sitam occupauit: Garritanorum uerò agros misere populabatur, & uexabat homines contumeliarum omni genere. Montem quoque Gelatium aliam arcem recepit, diruitq̃ue paucos post menses. Adfuerunt & ex Anglia lectissima auxilia: ita eis flauit uentus aptissimus, coniuncti ut in tempore uiderentur ad Aquitaniam inuadendam. Albanus suadere his Baionam mox contenderent, suam festinationem ostentare non solum auidam uictoriæ, sed etiam celeritatis: inermes atque imparatos intercipientos. Id si celeriter fieret, se uidere impendere fatum iam, ac certè etiam appropinquare & Baionæ & Dacio, & Burdigalæ: At Britannis, cum se imparatos ad tantam expeditionem, cum à militibus, tum à pecunia causarentur, neque sperarent se commode hyemare eo loco posse, illudque sibi etiam ab Albano profiterentur, pactis cum Franco induciis, id persuaderi nō potuit. Ludouicus magnas copias ex delectu Aquitanie comparat adiunctis Germanis, Heluetiis, & ueteranis, qui in præsidiis erant. Conuenere illi in fines extremos Aquitanie: præfectisq̃ue tantis copiis Franciscus Valesius: huic adiuncti Ioannes Chabaneus Palicius, Odetus Lautrecus, Carolus Borbonius, Franciscus Dunensis Longue-
 Arnol. Ferront de rebus willanus.

willanus. Rex quoque Nauarra corroboratis iam cōfirmatisque uiribus cū multi ex ueteribus clientibus corrogati conuenissent, multitudinem uariam cōgēit, armauit, instruxit. Conuenere tandem omnes, conferunt consilia, maxime exquirentes quo pacto facilius restitueretur Ioannes in regnum: multique dies cōsumpti sunt in his deliberationibus, Commodiusne esset coniunctos simul progredi, an uerò uariis è locis hostem extrudere, partitis inter se copiis. Commodius extremum id uisum: id ut mature facerent, Rex Ioannes, & Palicius cum Germanorū duobus, Aquitanorum quatuor millibus, equitibus ducentis missi ad Pompelunam recipiendam. Borbonius missus ad Bardulorum agros populandos, Valesius Albano oppositus est: ū mox arces aliquot, trucidatis qui in præsidio erant, diripiunt. Ita factum ut mox ex Stella, Olito, Taphalia, Regē suum excipere parati essent, nisi Antonio Fonseca aduentante cum instructo exercitu, Francisco etiam Bemontano occurrente direpti essent. Albanus recentes Gallos cū agre à suis sustineri posse uideret, cogitarētque futura illis in dies, qui equitatu abundarent, omnia difficiliora, statuit pugna abstinere, ac sese Pompelunam recipere, & iam expeditus antecedeat Gallicos equites. Id intuitus Valesius admonet Paliciū à frōte illi se opponat, se instaturum à tergo fugienti parte alia. Id ille ueritus, concubina nocte magno silentio suis educ̄tis, à locorum peritis per uaria diuerticula agre educ̄tus, superat iuga Pyrenæi. Vix se illinc abstraxit, atque impeditum expeditum cū in angustum cogerentur tantæ copię, neque instantibus admodum Francis peruenit in urbem: eoque tempore hostes arcem Stellēsem recipere. Hac se deiectus Rex cum Palicio castra propius mouit: & iam prope muros castra habebat. Ac primum quidem multis ex urbe progressis, uarie dimicatum est: tardiusq; urbs uidetur oppugnata,

machinis bellicis nondum allatis. Deinde etiam copiae per suburbanam explicatae multis in hostem irruentibus, inter quos casus Alimacus. Quo loco castra habebat Fraci, duo erant fana, alterum Encratio, alterum Clarae Vestalibusque dicatum: quae cum supplices confugissent in fidem Antonij Barbesij adolescentis adhuc, data ab eo sedulo est opera ne uiolaretur. Euelli uix potuit opinio Ioanni, quin se Pompeienses sponte dedituri essent: id cum non procederet, tandem statuit urbem oppugnare. Satis constat à Ioanne Lisleo, quem uulgo Liliolum uocabant, Aquitano uexilla Gallica erecta, Bernardo Villario, et Stephano Caunao, eam quoque laudem uindicante. Palicius ad oppugnationem Pompeiunae, his quae essent necessaria comparatis, castris ad urbem positus tormentorum impetu cepit murum deicere. Eo die murus tantum deiectus est, ut et sequenti labentis muri ruina oppressi Ferdinandus Vezua, Petrus Mauricus, Iacobus Vulbanus. Franci saepe scalis ad murum positis hostes adoriuntur, saepe pulsati sunt, saepe instantes, rursus excepti ab hoste, cessere. Eo die multis casis in castra est reditus: ratio de integro ineunda fuit urbis oppugnandae: sequenti Germani deposcunt urbis oppugnationem: at cum formam totius huius negotij opinione maiorem difficilioremque agnoscerent, eam libenti animo remiserunt: iamque fracto milite, acciso equitatu, agebatur de soluenda obsidione: prius tamen per caduceatorem Albanus prouocatus ad praelium. At is cum se tuenda Pompeiunae tantum praefectum diceret, multis iocis prouocationem Gallicam eludens, detrectauit certamen: multa illis alio pacto tempestiua futura ad mortem dicens, quae facile obire ubi uelint possent. Franciscus Valesius dum è Pompeiuna castrum ingentem inuisit, uel ad fanum Ioannis Peditiporti, uel ad uicum Eustarium, ferè ab hoste interceptus. Is tamen ea fuit animi magnitu-

dine, ut ultro profectus sit hostes. Nam ū uidentes ex Eustasio præmissum copiarum robur, noctu adfuere certo consilio Valesij intercipiendi. At dum riuulum uico proximum tranare uolunt, conclamatum est ad arma, excitilixæ, calones gregariique milites & nobiles adolescentes, qui ei aderant: emissis uerò leuibus aliquot machinis, illi Francos rati paratiores, cessere. Expectauit hostes ille uno atque altero die, quibus abeuntibus, & ipse abiit. Dacio eodem tempore oppido munitissimo frustra hostes sese potiri posse falso sibi persuasere: Eam urbem uulgus Aquensem uocat: ueteres forte per nomen Augustarum aquarum designasse uidentur. Extant adhuc Thermatarum indicia, & aqua calentes. Rediit igitur ex Aquitania Regius exercitus multis admirantibus, culpamque rei male gestæ in Dunensem reuicentibus. Suspiciabatur Cantaber pactas inducias inter Reges post Pompelunam munitam, ea conditione, ne Gallus eo tempore Nauarro auxilium ferret, nèue Ferdinandus Britannos aduentantes reciperet. Ita Angli post maris longas iactationes, re infecta domum redierunt: hæ autem pactiōnes in uulgus minime emissæ sunt, ne Regi Nauarræ regnū ob Gallum spoliato, quiritandi ansa præberetur: ea in expeditione diem obiit Menaldus Naualius Fontanus, & Gasto Castelbaicus, & tribunus Cantabrorum, pater Petri illius Nauarri, qui Fontem Rapidum, Francisco Rege, Casari prodidit: is captus ab Hispanis in Ferdinandi nūquā uerba iurare uoluit: id unū orans, ut sui iuris solutus uel persoluta mercede, deliberandi spatium haberet. Id cum nō esset impetratum, mori iussus. Cum longo Dunensis tempore prorex Burdigala mansisset, in arce cui Duæ nomen est, accidit ut irritata plebs ob uina exera in urbem illata tumultuaretur, redeuntēque uicinis locis è cæna, quibusdā è suis pulsatis sequeretur. At is in arcem ingressus, emissæ mox

machina, plebem summouit: & per suos sequenti die placatam blanda oratione sedauit: Ludovicôque Regi qui pro deplorato eum habuerat, iubêti supplicium sumeret de son-
tibus, humanissimè res ipsit, iam utrinque iniurias uolutaria conuictas obliuione, nihil esse quod cicatricem, quæ iam callum obduxisset, refricaret: quæ in re plurimum apud Dunensem ualuit autoritas Alexandri Sanctogelasij, cui Läsaco cognomen: Rex etiam & Maximilianum per id tempus placarat, & cum Venetis fœdus inierat, usus ea in re consilio Stephani Poncherij Senonum Pontificis: qui etsi uidebatur eo se nomine parum ei gratum, non desistebar tamen uel suo periculo prudenter Regem admonere, desineret cum tam multis contendere, nihil uuluum uirtute agere. Quid cū tot canis hydriisque congrederetur, quibus ne unus quidē Hercules satis sit? Venetis placatis, adiuncto Maximiliano, imposturas Pontificias tandem cessuras, Britannorum Heluetiorumque minis minor negotio occurrere posse. Inde crebris principum legationibus postulatum est, ut cogeretur sacrosanctum concilium de Republica Christiana deliberaturum. Ac principes quidem excepto Britanno, multique è Purpuratorum numero, Regi clanculum fauentes, id agebant, ut pro contumaci habitus Pontifex, pontificatu excideret. Nec Venetos conciliare flectere uel legationibus Pontifex poterat. Iulius tantam inuidiam sese uix posse sustinere uidens, astuabat dubitatione, uersare que se in utraque partem cœpit, nō animo tantum sed corpore etiam, ut iā familiares sollicitum eum uiderent, trepidare hominem intelligerent, quantamcunque fiduciam uultu præferret. Is etiam interdum iocabatur, dudum se circumrodere quod tādē deuorandum esset, se in periculis cum laude & uirtute hæctenus uersatum, spe posteritatis eò perductum, plures dirutas ac penè desertas à se esse recreatas Ecclesias. Con-

Arnol. Ferroni de rebus

stat &

„ stat & paucis ante obitum diebus, uocem hanc ab eo audi-
 „ tam, Accidisset utinam, iterum autem, utinam ne unquam
 „ aut Pontificatus infulas adeptus esset, aut arma uersa in
 „ fœderatos uertisset in communes persuasione sacrosanctæ
 „ hostes. Misera uerò sors humanæ conditionis: aliquando
 „ tandem, idque serò agnoscimus morte proximi quid expe-
 „ diisset olim. Concusso orbe terrarum intestinis bellis, magnò
 „ depensum ille cupiisset, agelli se modici potius finibus conti-
 „ nuisset, quàm sacra arma profanis miscuisset. Hæc nos spe-
 „ cies cogitatioque perturbat, cùm in illud animorum consi-
 „ lium cœrũque eundum est, dum diem supremum diuinæ
 „ ultionis instare agnoscimus. Magnam uerò ille concepit
 „ maculam, ut pacis cum esse deberet minister, animo gladi-
 „ torio grassaretur ad Franciam labefactandam, sacrumque
 „ illum mucronem casum punctumque uibraret in fœderatos:
 „ orbem etiam totum concuteret fulminibus torquendis, di-
 „ risque effundendis labefactatum, nec iam recusaret in rogũ
 „ Francicum, quin audus pœnæ insileret, flammiferas faces
 „ undique prius submitbens: contraxit tamen, auxitque exer-
 „ citum, ac quanquam debilitatus, efferebat se tamen, & ad
 „ renouandum bellum reuiescere uidebatur simul atque se
 „ ipse commouerat, ad seque reuocat. Ludouicum rodebat,
 „ apud suos uellicabat, ubique carpebat: uidens tamen non
 „ licere ut cœperat hoc pertendere, spemque sibi sublatam de
 „ Ludouico subigendo, inde in morbum incidit ex diutina
 „ mentis agitatione contractum: ex quo conualescere postea
 „ uisus, mox tamen extinctus est, irarum in Gallum plenus.
 „ Et hæc quidem circa annum inciderunt millesimum quin-
 „ gentesimum decimum tertium, cùm Hêricus Angliæ Rex,
 „ quorum maiores Gallorum opera, rerum apud Britannos
 „ potiebantur (etsi non me latet scriptores rerum Anglicarum
 „ id negare) classẽ instruit ad Britanniam minorem popu-
 „

landam. Occurrit Britannica classi Gallica, numero ut inferior, ita ad tatum certamen imparata. Erat pratoria Anglorum naus Regens uocata, & Regina insignis naus Chordigera, cui praeerat Herueus Portimoger nauarchus. Necterritus Herueus numero classis Anglica, stipatus & ipse classe Gallica, pugnam inuit, occurrentesque aliquot hostiles naues mergit: occurrentem etiam Regentem inuadit, ac tandem in fugam uertit: fugientem conuersa puppe sequitur, iamque ei imminens, proximam unco detinet. Anglus ubi uidet nullum relictum fuga locum, suos ad praelium excitat: misilia utrinque ingesta sunt: utrumque Herueum circumuenire parant hostes. At ille monitus suis per transtra ut incurfarent, & contis & ingestis lapidibus Regentem opprimebat. Inde utrinque emissa machina bellica multos in mare precipitarunt, sed emissa machina Gallica ex specula Regentis, Anglos excussit. Idque intuitus Petrus Dholus praefectus specula Chordigera, funibus arreptis celeriter occupat hostilis naus speculam, nactusque tela & lapides, obruebat Anglos: alique nauarchi Gallici occupantes alias speculas, sistere Regentem iubebant: inuitamque iam abducebant. cum ex epibatis unus tribunum Anglica classis monet, ignem in Chordigera immitteret. Paruit ille, ignique immisso, Chordigera igne concepto latius fundere incendium coepit: quod, antequam occurri posset, & transtra & remos & cetera opera comprehendit: summamque tabulata iam dudum conceperant ignem, cum qui in ea erat aut absumebantur incendio, aut abiectis armis, in mare sese precipitabant. Id intuitus Herueus, uerso in aduersum clauo, nauem suam obuertit, quod facilius uentus adactum ignem in Regentem inferret: moxque idem ignis uento agitatatus inuasit Regentem: ibique flammae flammis addita, & Chordigeram & Regentem simul absumpserunt. Herueum

alij arsisse aiunt in flamma Chordigera, alij submersum. Anglica classis omissa Britanniae minoris oppugnatione, ad suos se recepit: eodemque anno Petrus Ioannes Aquitanus, quem unico nomine alij Petroioannem uocant, & Carolus Artiguanus, Britannicae classi occurrentes ad Brestum, etsi illi numero nauium superiores essent, in fugam tamen eos uerterunt. Naui tamen post aliquot dies Petrum Ioannem cum paucis myoparonibus, parum absuit quin interciperet: Regiae enim naues ac myoparones Aquitanico mari non assueti, minus poterant. Vnde idem Petrus in Britanniam maiorem excurrens, uico quodam expilato, sagitta ictus, effosso oculo rediit. Aliaeque naues eodem profectae, tempestate reiectae tenere cursum non potuerunt: ita factum, ut eodem unde profectae erant referretur. Ad Brestum tamen ille elusis quinque nauarchis, insequentibus quinque eorum nauibus restitit tanto impetu, eaque celeritate sequentibus Anglis, eorum ut Harandus nauarchus dum nimium instat fugiet, in mare praecipitavit sese ipsum. Interea Maximilianus Sfortia, Ludouici Sfortiae filius, cui Pontifex Iulius Heluetios adiunxerat, pronunciata in singulos annos ingenti in eam gentem pecunia, eorum ope Mediolanum redierat. Leo decimus, quem Purpurati in Iulij locum Pontificem designabant, etsi aperte ei faucebat, Heluetios tamen inueterascere in Italia nolebat. & Ludouicus collectis copiis consilia agibat de Mediolano recipiendo, eis praefecit Ludouicum Tremoliolum. Profecti cum eo sunt ad Mediolanum recipiendum Iacobus Triuultius, Robertus Marcha, Ioanes Scorius, Albaniae principatus nomine notior. Hi Nouariam perueniunt, ratiq; urbem paruo Heluetiorum praesidio teneri, uel eis inuitis ad iter se accingunt. Venit ad urbem tuendam nouus Heluetiorum delectus a Sfortia submissus. Hi suis adiuncti, explorata Gallorum paucitate, dein contempta in Gallorum castris Gallorum Lib. IIII. O ij

castra impronisd irruerunt. Gallicorum equitum insignis
 eo die pugna fuit: Italus externusque eques mox in fugam
 uersus: pedum dispar certamen. Helueti in Gallos effusi,
 post anceps pralium tandem in fugam eos uertere: perculsis
 instantes, impedimenta quoque diripere una cum machi-
 nis aliquot bellicis. Casi duo ex liberis Roberti Marcha,
 Ludouicus Peumontius, Carolus Monfalcus, atque unus è
 familia Triuultiorum quem Galli Corium uocabant, Itali
 Corialanum: vulneratus Ludouicus Castrinouanus, cui Pe-
 tro Bufferio cognomen. Id quoque proditum, per insidias
 noctu Heluetios Gallorum castra aggressos, de uia his lan-
 guentibus, cum multi quieti se dedissent, irrupisse illos. Qui
 res gestas Tremoli prodidere, cum ille obuiam iret Heluetiis,
 opera Triuultij aiunt exercitum in arctiora loca & uiciniora
 quam decretum esset, uenisse: ita coniunctas eorum copias
 impetu facto, Gallis stragem attulisse. Narrant & eodem
 tempore per Sacramorum expulsis Sfortianis Mediolanen-
 ses Regi conciliatos, & per Adurnios expulsis Fregosis, Gal-
 lis Genuam restitutam: quæ mox recepto Octauiano Fre-
 gojo, factione ciuium sese in libertatem asseruerit. Medio-
 lanenses quoque terræ clade Nouariensi & Sacramoro
 abeunte, Sfortiam sequuti sunt: Petrus quoque Soderinus, qui
 in gratiam Regis Mediceos Florètia expulcrat, eodem tem-
 pore pulsus. Tremolius maiorem copiarum partem in tutiore
 locum perducens, bono esse animo milites iubens, castra
 paucis à Nonaria stadiis muniit: eò quoque præcipuas ma-
 chinas abduxit, paucis exceptis quibus utebatur Marcha:
 parantemque iter ad Nonariam rursus oppugnandam, li-
 teræ Regis reuocarunt: qui audita Anglorum in Belgicam
 Gallia partem, quæ Picardia nomine notior, eruptione eis
 occurrere malebat. Circa ea tempora Iacobus Scotorum Rex,
 infestis copiis admonitus à Ludouico in Anglos mouit,

Arnol. Ferroni de rebus

multisque

multisque caſis ipſe tandem interit, poſt Norbanum arcem expugnatam cum diu pugnaffet cum leſtiſſimis Britanno- rum copiis Surreio duce, haud longe à Tylo flumine. Eſt id fatale Regibus Scotorum, ut dum alii totos ſe dant, pa- rum in tuto res ſuas collocent. Omnia ſibi faciliora Rex ad- iunctis Heluetiis putabat. Miſit ad eos Tremolium, cogni- tum multis qui ſub eo ordines duxerant, ſtipendiâque me- ruerant. Atque illi quidem munera pecuniâque accepe- runt: pecunia tamen accepta, ſpem auxilij Gallo præciderunt. Accidit id & ſfortiæ & Maximiliani Cæſaris opera, qui maioribus propoſitis præmiis, ultro etiam eos ad bellum Gallie inferendum ſollicitabant, itaque ſeriò admonitus eſt Tremolius ab Heluetiis aliquot centurionibus amiçiſſi- mis, Burgundiæ ut oppida præſidio firmaret. Erat Tremo- lius præſes Regio nomine, aut præſectus Burgundiæ. Ad- monito itaque celcritè Rege, ipſe Oxonam (quam & Af- ſonam uocant) locum munitiſſimum, commeatu machiniſ- que bellicis inſtruit. Diuionem proficiſcitur, urbem Burgun- diæ nobiliſſimam. Erat ea olim ſedes domiciliumque Bur- gundiæ principum: & domus & ſacellum eorum domui uicinum, nunc attributum flaminibus, quos uocant Cano- nicos, uſitur. Proxima urbi Cartuſia, inſigne opus, id ſoda- lium Caruſianorum munus dicatum, ubi & eorum buſta & ſepulchra adſunt nobiliſſima: caſtrum Talanum nomi- ne, munitiſſimum, non longe ab urbe, loco edito. Vrbs ut ho- die munitiſſima eſt, ita eo tempore propugnaculis carebat frequentibus, quibus hodie referta eſt: meminit Annonius caſtri Diuionenſis uelut ab Aureliano Cæſare ædificati. Eò tandem Heluetiorum copiæ peruenerunt, manâque aſidue admotis machinis quateſfaciebant. Ipſi tamen dum domui prope ſuburbia dirutæ, manibusque nimium fidit, ex urbe machina emiſſa, magna ſtrage ſubmoti ſunt. Nec ceſſat

Tremolius diruta mœnia uallo aggeribusque munire, no-
 uos quotidie milites ad urbis defensionem recipere. Ac in-
 tuitus ex arce difficilius oppugnari hostes ob suburbia, ea
 quidem incendit: uidens tamen plebem insolentem belli, uel
 quod ipse submouendum hostem quacunque uia, tutissimū
 sibi persuadebat: cum emisisset ex urbe Gallici equites, Helue-
 tios aliquot captos per uim in urbem abduxissent, captiuos
 remissa mercede ad suos redire patitur, uia sibi per hos mu-
 niens ad hostes placandos. Nec spe frustratus, per eos agi
 captum de Heluetiorum cum Rege concordia. Quid enim
 gētem amicissimam tantis sedibus diuulsam egisset in Gal-
 liam oppugnandam? quæ eos spes, quæ iura ad eam oppu-
 gnandam reuocant? Heluetios Gallorum amicitia fultos,
 nullam non Italiae orbisque partem debellare solitos, Gallos
 eorum uiribus fretos ea spolia domum retulisse, quæ perpe-
 tuò omnes admirentur. Quid attineat tot annorum amici-
 tiam nulla causa diffui? Hæc Tremolū prudentissimi homi-
 nis dicta, pronis auribus accepta, facile Heluetios placarūt.
 Tātūm fredebant ex Italicis expeditionibus, quibus Gal-
 lis militassent, ingentem pecuniam deberi, pro qua dissol-
 uenda Rex appellatus, procrastinando eos lusisset. Erant
 autem cētum millia nummūm aureorum. Tremolius quā-
 do pecunia in promptu deerat, uade apud eos relicto Rena-
 to Maserio nepote, conuenit cum eis ut domum redirēt. Nec
 multo pōst redierunt: ne ullum quidem redeuntes læserunt:
 ac paulo pōst accepta pecunia, Maserio recepto, operam ul-
 tro suam Regi detulerunt. Palam tamen iactitantes, ut Ma-
 ximiliano Cæsari placerent, ea conuentione actum de urbi-
 bus Burgundia ei restituendis: in uiam quod se illi daret, eo
 tempore belli huius gratia, quod ipsi cōfecissent, nihil opus
 esse. Rex etsi primum indignatus est ob fœdus cum Helue-
 tiis pactum, admonitus tamen à Tremolio de quorundam

dubia fide, de Maximiliani dictis factisque, lubenter quicquid id fuit aris alieni dissoluit. Caesar interea Maximilianus per Carolum nepotem Anglos stimulabat ad Galliam inuadendam, adeo parum constans in fœderibus initis cum Ludouico seruandis, hoste ut se eum apertum quàm amicū male Rex profiteretur. E Caetero progressi Angli, Flandriæ nobilitate ad arma uocata, latè Gallorum agros populabantur. Contraxit & Rex copias, quibus præfecit Franciscum Longueuillanum, Franciscumque Valesium. Illi interea Tatrauannam ciuitatem, quam alij malunt Morinorum nomine insignire, per Talcbotum obsident. Ciues diuturna com meatus inopia laborâtes, diutius obsidionem ferre nequibant. Delectis ex toto exercitu fortissimis quibusque, negotium datur inferendi in urbem com meatus: illi strenuè mandata curantes, affatim in urbem com meatum inferunt, spectante sedentēque Anglo, nec auso interea impedire. Sed accidit perincommodè ut redeuntes, ante uictoriam sibi canerent triumphū, multaq; in hostes proferrent, ignauiamque eorum ridentes, fessi de uia corpus curarent, excubisque nullis positus in hosticum, quasi in pacatum locum deambularēt armorum sarcinis sepositis. Horum securitatem Angli uidentes, admoniti ab exploratoribus quo loco res essent, nocte imi tempesta in eos inuehūtur nihil tale metuentes, & leuibz aliquot emissis machinis terrent, & resistentes aliquot obtruncant. Multi nouo casu perterriti fugiunt, multi armis arreptis obuiam eunt hosti, qui & ipsi multitudine hostium circumuenti sunt. Ita reiecta omni uictoriæ spe, uelut panico terrore perculsi, omnes in fugam uersi: unde pugnam eam Calcariam ueteres dixere, cum solis calcariibus Galli fidentes, hastis abiectis ignauissimè fugissent. Capti sunt Longueuillanus, Bayardus, Bussiis, alique pluri mi, qui mox in Angliam classe perducti sunt: Chabaneus, Gestus Gallorum Lib. IIII.

Palicius & Imbercurtius, natus è Cordea familia magni
in Gallia Belgica nominis, frustrati hostes euasere. Cum au-
tem annona ingrauesceret, Morini Britanno ea condicione
deditionem fecere, ne quid illi ex urbe prada attingerent.
At illi recepta urbe. & eam expularunt & in ciues miserè
grassati sunt. Christophorus Longolius commemorat Ma-
ximiliani Cæsaris ad Morinos fugam, cum tamen passim
exteri ad Germanos uictoriam trahant, deditamque ciuitate
urbem à Pontremio, Pienicumque Gallicum ducem fugatū,
ubi & Henricum Britannie Regem, & Maximilianum
Cæsarem adfuisse testantur: inde Tornacum receptum est
ab Anglis uoluntaria deditione, pacto prius inito cum ciui-
bus, salua omnia futura. At hi Cæsarianis impellentibus
nihil non compilarunt: atque ita quidem, ut plerique è ciui-
bus solum uerterint. Britanni Morinis præsidio firmatis,
Tornaco quoque facthione ciuium occupato, classe in Angliā
ouantes rediēre, a suisque magnifice excepti sunt, Gallicōsq;
primores capros satū liberali custodia apud se habuere. Eo-
dem tempore Anna Regina in morbum incidēs, octauo die
extincta, incredibilie sui desiderium apud Regem reliquit.
Aulici ita sibi persuasere, aduersa eā semper ualerudine fuis-
se post ultimum partum, quasi parum fideliter obstetricum
opera usam: tatisque fuisse mæror Regis uisus est, ut pulla-
tus nisi pullatum neminem admisit, acroamataque &
ludicra omnia aula sustulerit. Hanc Quintianus ait summè
in exules & uiduas & calamitosos omnes officiosam fuis-
se, authorēque fuisse Ludouico, ne abhorreret à fouendis
literatis hominibus. Si quādo irata (nam in summis laudi-
bus eius, unam excipit iracundiam) declinasset à religione
officiū, in aliqua re, tantam postea adhibuisse uim pœnitē-
di, ut remunerando cumulandōque obliteraret priores of-
fensiones, easque uoluntaria obliuione obrueret, ut in Gienſi

Arnol. Ferroni de rebus

accidit,

accidit, seque eo nomine obiurgari cum uerborum grauitate acriori iuberet: imperaretque pontifici qui ei erat à sacris confessionibus, ne se expiata absolueret, nisi prius aut eis quos offendisset irata, aut liberis damna illata resarsisset. Hac ex eodem die quo natum filium masculum amisit, uixit in luctu, eodémque etiam confecta contabuisse putatur. Eodémque tempore rursus pacis sunt inducie inter Ferdinandum & Ludouicum, aut cum priorum dies exisset, prorogatae. Ferdinandum narrabat Grandimontanus Regius legatus, cum oraretur de fœdere paciscendo aduersus Maximilianū Sfortiam, illum primùm sane diu multa conirà, ad extremū manus dedisse, & negasse submissurum se ei auxilia: durius id Franci accipere uisi sunt. At cum uiderēt quo in cursu essent, & quàm omnes gratiae retinendae essent, satis esse putarunt, si ille in officio maneret: satiusque esse illius animū offensiozem recolligi, quàm ueteres inimiciuas renouare. Ipse quoque Rex cum finem alterius mali nouam quotidie calamitatem uideret, Italia amissa, Morinis oppugnatis, Nauarrorum Rege ob operam sibi delatam, in sui cōtumeliam Regno pulso, suis ad Nouariam fusis: arce Genuensi ab Octauiano Fregoso expugnata, etsi rationes ita habebat constitutas, ut peruellere potuerint hostes & pūgere uires eius, non frāgere: quotidieque admonebatur per Claudium Saysellum legatum suum apud Pontificem, quantum ei cupeeret Pontifex: de eo tamen legatoque suo proceribusque aliis quot aulicis sibi metuere cœpit: unde factum est, ut in morbum incideret periculosissimum. Medicorum tamen iussu, relaxandi animi gratia fanum Germani adiit: ibique anno millesimo quingentesimo quarto decimo, Maio mense nuptiae celebratae sunt inter Claudiam Valesiam Regis filiam, & Franciscum Valesium. Interea Lōgueuillanus cum Hērico Anglorum Rege congressus, honorificèque exceptus,

tentare cepit inter Reges concordiam. Ac tandem legatis, eius hortatu ultro citroq; missis, pax inita est, ea conditione, ut Regi nuberet Maria Britannorū Regis soror. Huic Rex in Galliam ad nuptias uenienti Abbeuillam usque obuiam iit, magnificeque eam excepit: ad Dionysiique profectam, splendidiſſime ornandam infulis diademateque curauit. Erat ea liberali forma, indolēque & suauitate morum Regi gratissima: unde accidit ut Rex iam morbo ingrauescente, etateque prouecta, cum ea congressus parum recrearit senectutem, at morbo acrius uexatus sit. Iam tamen copias contrahere parabat, spe Mediolani recipiendi, cum medici curare eum ualeitudinem iusserunt. Antonius Pratianus præses Parisiensis prius à Rege impetrarat nomine Valesii generi, ut Britannia minoris ditionem ille moderaretur. Et iam tadebat eum quorundam superbia, qui ultro ad se omnia reuocabant, siue ita esset, siue Rex id suspicatus id sibi persuaderet. Certè in Pratianum male iam erat affectus ob Episcopatus cuiusdam controuersiam, unde in febrim incidisse creditur: uel ob Britannia res ab eo liberius administratas in gratiam futuri Regis. Morbus tamen ingrauescens ea consilia suppressit. Anno millesimo quingentesimo decimo quarto, Calendis Ianuarij fato functus est: sepulchroque maiorum ad Dionysii illatus, non sine maxore Caroli Borbonij, Vindocinensis, aliorumque multorum. Is ea moderatione Gallis imperauit, ut defunctus integri principis patrisque patrie nomen retulerit: uiuens non tam plebi gratus, uel ob senectutem ingrauescentem, uel ob paruitatē. Ipse ut prospero fortune cursu aliquandiu usus, ita ad extremum uariis telis impetitus. Susurriones adulatorēque aula exegit. Iustus idem, etiam priuatus, integritatis & fidei multa testimonia dederat: Regnum adeptus habuit integritatem eandem quam adolescens, at cautiorem ac dili-

Arnol. Ferroni de rebus gentiorem

gentiorem: cum in eo nulla essent literæ præter vulgares, hætenus tamen sapiens est habitus, ut & quod opus esset ipsi ueniret in mentem, & aliorum bene inuentis obtemperaret. Exosusque aulicos gregariosque milites & nobilitatem, si quos ex his iurisiurandi religionem contemnere rescierat: temerèque iurantes uariis edictis coercuit, usus ea in re consilio Gulielmi Parui, qui ei erat à sacris cōfessionibus. Fouit uiuens Ambasianos omnes, Georgium & Carolum, reliquosque fratres, quos omnes multis præfecturis dignitatibusque ornauit. Georgio defuncto, multum usus est opera Stephani Poncheri, & Florimondi Roberteti, & Iacobi Belnensis Samblanciani.

ARNOLDI FERRONI RE-
RVM GALLICARVM

LIB. V.

POST interitum Ludouici, regnum delatum est ad Franciscum Valesium proximitatis iure. Is corpori eius iustis perlutis, Rhemos mox contendit: ibique uigesimo die Ianuarij, anno millesimo quingentesimo decimoquarto, magno apparatu unctus est: Lutetiãque properas magnifice exceptus est, lata plebe, fausta que omnia eo Rege sibi spondente, qui & ætate & insigni corporis magnitudine polleret. Eo anno pax inita est inter Carolum Maximiliani Cæsaris nepotem, Cæsarem postea futurum: renouata pax cum Anglo. Rex Carolum Borbonium Magistrum equitum dixit. Antonium Pratianum iuris præfectum designauit, hominem iurisciuius peritissimum, sed populo parum gratum. Certior factus incursiones

Gestis Gallorum Lib. V.

ab Heluetiis factas in Delphinatum fines. Lugdunū pro-
 perat: exercitum paratum inuenit, quem contraxerat Ludo-
 nicus: statuit Mediolanensem principatum recipere. Maxi-
 milianus sfortia quanta Mediolano impenderet tempestas
 intuitus, & cum Maximiliano Casare, & Leone decimo
 Pontifice fœdus interat: ingentem procellam depulerat sub-
 motis Ludonici copiis. Ardenti Francisco cupiditate inua-
 dendi Mediolani, quod opponi posset præsidium disquire-
 bat. Erexerant se iam Mediolani ciues tacite ad recipiendū
 Gallum. Germanos paulò antea iussu Maximiliani Casaris
 sua ei studia profitentes remiserat: itaque excedendum ei ad
 tempus Casar suadebat: sed animus infixus in retinenda
 spe Mediolani, rursus Heluetios eum uocare suasit, auxilia
 quoque à Pontifice Leone accersere. Franciscus cum exhau-
 stus esset fiscus immensis donationibus, Prælati consilio
 ingentem pecuniam contraxit ex institutione nouorū ma-
 gistratuum. Vicenariam enim classē Lutetia senatui ad-
 didit: quæ uelut adscriptitia & superuacanea, diu male au-
 diebat apud uulgus. (Scribit Gulielmus Budæus, ea nota
 hominūque opinio ut deleteretur apud uulgus, partem alle-
 torum patrum in alias classes contributam, & parem nu-
 merum aliarum classium, in illā intercalatum fuisse in sup-
 plementum.) Senatibus quoque reliquis nouos conscripsit
 senatores, minus tamen exagitatos uulgi rumoribus quàm
 Parisienses, quibus uicenaria classis data erat. Rex ipse in
 eam expeditionem profectus est cum euocatorū firma ma-
 nu, & equitatu Gallico ornatissimo, metum ut omnem pe-
 riculūque præsentia eius excuteret. Relicta est regni gu-
 bernatrix Ludouica Sabaudiana mater Regis. Inde Gratia-
 nopolim & fanū Virginis Dâbruna, & Guilestras & fa-
 nū Pauli adiens, uia Argentaria per Alpes exercitū eduxit
 ægæe machinis bellicis transmissis. Caterū tanta alacritate

militum usus est, ut cum hostes cum nondum cōtraxisse copias putarent, instructo exercitu in eorum finibus uisus sit. Iam Sfortia ingentem numerum Heluetiorum contraxerat: Leo Pontifex Prosperū Columnā cum mille quingētis equitibus subsidio ei miserat. Prosper nunquā eo loco Gallos iter tentaturos putans, de uia fessus, se, equitatumq; suum apud Villāfrancham, oppidum situm in Pedamontanorum finibus, recreabat Rusticus quidam Claudium Morelium admonuit quo loco equitatus Columnæ esset. Is Palicio & Aubignio & Baiardo renūtiat. Illi Nicolaum Imbercurtiū acrem hominem, cum expeditis militibus celeriter eò properare iusserunt: ipsi mox cum robore copiarū secuti. Is ubi Villāfrancham uenit, pacata omnia nactus, urbē occupauit. Circa Prosperi domū, quem prandentē deprehenderat, ad arma conclamatum est. Sed Palicio adueniente, Prosper in Gallorum uenit potestatem. Cæsi equites hostium mille: reliqui in fugā uersi aut capti: urbs direpta. Prosper in Galliam missus est. Multi aiunt Galli os equites: qui prius à Palicio missi erant ornatu mercatorum, quasi uidulis & sarcinulis in dorso equorū reiectis, portæ adequitate: & quasi hospitium quærerent, eos qui portis assidebant, oppressisse. Laus quidem Prosperi intercepti cæsus Palicio. Rex ne quid à tergo relinqueret, Odetum Lautrecum, & Petrum Nannum attribuit eis Aquitanicis peditibus, paucisq; equitibus, Nouariam oppugnare uoluit. Iamque ad oppugnandā urbem omnia aptauerant, cum ciues aliquot ex urbe egressi, nunciare iubent Lautreco, uelle ipsos ad eum mandata perferre. Admissi in tabernaculū, urbē dediderūt, pacti omniū incolumitatem. Recepta Nouaria, missus est Lautrecus ad Heluetios auro placandos. Cum eis pepigit multus pecunias promissis, modica tamen parte persoluta, ut iam confectum bellum Rex putaret. Adfuerunt ei Germanorum copiae ad

bellum paratissimæ. Sfortia per Matthæum Sedunensem cardinalem Heluetios, cum quibus ictum erat fœdus, impulit ad bellum renouandum, pactus maiores pecunias: futurumque ostendens, si per eos Gallus excluderetur, eorum ut arbitrio Mediolani principatum componeret: ipsiq; Italia nobilissima parte potirentur. Iam Lautreco negotium datum erat pecunia ad Heluetios perferendæ. Is in itinere à Ioanne Francisco Pico pertumultuose, neque tamen non uerè, cum consideret illos fore in officio, & in Regis potestate, certior factus est de immutata eorum uoluntate, celeritèrque in pacata loca pecuniam recepit: præmissisque speculatoribus, fremitum hostium audiens, mox Regem admonuit, copias suas pararet, ad futuros mox ferocissimèque instaturos hostes, qui omnia belli consilia in celeritate defixerint. Peruenerat Rex Marignanum: & quanquam mouere castra statueret, eo loco substituit. Erant Heluetiorum uigintiquatuor millia: Hispanorum, Italicorumque octo millia: hi egressi ad Gallum oppugnandum, Idibus Septembris in conspectum eorum uenire. Miratus est Rex unde ea repentina mutatio: sed adhibitis in consilium peritissimis rei militaris ducibus, copias expedit ad pugnam, ita tamen, ut bellica tormenta, quibus abundabat, Gallis essent pro uallo. In prima acie collocatus est Carolus Borbonius, in extrema Palicius, mediamsibi Rex sumpsit. Vix instructa erat acies, cum Heluetij ingenti ui in primam aciem inuehuntur. Erant cum Borbonio Germani qui nuper subsidio Regi uenerant: hi quod raptim instructas acies uiderant, fœdusque ictum cum Heluetiis, uereri cœperunt, ne eo fœdere cautum esset, ipsi ut Heluetiis dederentur: itaque fuga ab iis primum facta, sed certis ordinibus, minimèque turbatis. Hortatus autem Borbonius Gallicum Aquitanicumque peditatum, pari impetu hostes excepit, & initium cum hostibus con-

Arnol. Ferroni de rebus

fligendi

fligendi fecit. Itali aliquot è Mediolano egressi, à Palicio in
 urbem redire coacti sunt. Fatigabantur Helvetij machinarum
 impetu, quibus plures obterebantur. Itaque ubi uidet præ-
 ter spem Gallos praelium acriter inire, deliberant impetu fa-
 cto bellica tormenta diripere. Ea acrius in eos emissa loco
 eos submouerunt, pluresque eo impetu quam bello absum-
 pti sunt: ferocius tamen incurrunt, ut primo impetu multi
 obriti sint. Cum Rex in mediam insiliens aciem, confirma-
 tis animis suorum, praelium, quod iam elanguerat, accendit:
 mutatoque equo (quippe plures fatigarat) dum acrius ho-
 sti instat, parum absuit quin hastis obterreretur. Pedites nunc
 fugam captare, nunc redintegrata spe acrius in pugnam pro-
 dire. Petrus Nauarrus labantes Aquitanos excitare, Nox
 praelium diremit: dubia uictoria nisi quod Helvetij se, stanti-
 bus in armis Gallis, uicisse non credebant. Ne nox ipsa qui-
 dem pugnae expers fuit: nam Heluetiorum aliquot Galliani
 acclamantes, quosdam ex Gallis errore eò appulso obrun-
 carunt: dispersosque Heluetios aliquot naeti Galli, eodem
 ululatu tractos dissiparunt. Germani errore cognito, nihil non
 pollicebantur. Is cura data bellicorum tormentorum con-
 seruandorum, nam et ad ea diripienda Heluetios prope-
 raturos Rex putabat: ipse insomnem noctem duxit: tantum
 paludatus paululum in rheda quieuit. Sequenti die primo
 diluculo adfuerunt Helvetij, inconditoque clamore sublato
 ferociter in primum cornu inuecti sunt. Reddiit et à Gal-
 lis Germanisque par clamor. Ibi uero cominus coacti conse-
 rere, gladios utrique impigre stringunt. Pergunt illi ad tor-
 menta bellica diripienda. Ibi Germani quo fidem suam pro-
 barent Gallo, acriter impetus hostium depulere: collato pe-
 de quasi uir uiro congrediretur, diutius dimicatum est. Ga-
 li orus Ienolacus qui machinis prepositus erat, quæ confer-
 tos hostes impetum facere uidebat, ita solerter machinatum

pilas admouebat mittebátque, excidere ut illi acie mox cogitarint. Franciscus Rex nō Regis magis quàm militis munera exequabatur, acriter & uehemēter praeliabatur, multas edebat strages, impetum cum prætoria cohorte faciebat in illam manum hostium confertissimam. Aquitanicos pedites præda ingenti promissa hortatus, hastis hostium impetitus, non deesse suis, exempla undique factaque Regis ostendere, occurrētium Helueticorum aduersa ora fodere, fugientium terga: ubi maior impetus esset hostium, ibi occurrere cum prætoria cohorte. Heluetū machinarū opprimendarum consilio omisso, cum etiam aliquot intercepissent, conferti in primam aciem inuecti, ultimamq; oblique adorti, uariè iam perturbabant Gallos. Tum uerò media acies aduentante Rege suosque stimulante, fortissimè eorum impetum excipiebat: ut ea quidem parte sensim Heluetū cederent, ordinèque laxarent. Cedentes tamen retrorsum diuertebant, acrisque Gallos inuadebāt. Ludouicus Tremolius & Iacobus Triuultius cum fatigatos iam uiderent Gallicos pedites, authores fuerunt Regi ut equites cataphractos in hostem immitteret: idque cum esset factum, pedirèque sublato clamore acrius instarent, instantibus Gallis, in fugā uersi sunt. Inde ex fuga Comum & Mediolanum contendeabant. Veneti scriptores ita prodidere: Constituisse adhuc Heluetios cum cohortibus integris, nec bello fatigatis Regē inuadere à lateribus, ac per conuallem uicinam Marignano, paratos fuisse in pugnam peruenire, ni Bartholomæus Aluianus cum Veneto equitatu mox sese efferens, inuectusque in iam dissipatos, ultro etiam terruisset, territisque instans adcurrentibus quoque Gallicis equitibus cos fudisset. Et periti rerum Gallicarum mirantur nunquam Venetos inuictos in hostes fuisse, donec certam uiderent Gallis uictoriam, à quibus accisis rebus parum se tutos credidere. Certè

D. Aemylū de rebus

legatos

legatos ū antea ad Regem miserant, se cum omnibus copiis in Regia castra esse venturos: atque horum officio Rex cōmotus egit eis per literas gratias, idque ut maturarent hortatus est. Rumore tamen Venetorum aduentantium, & Frācis animus accessit, & Heluetiis timor iniectus est. Cāsi ad sexdecim hominum millia. Scio ego ita iactatum, quasi Borbonius territus ex prima acie in secundam se recepisset: at ille uiuens non tulisset eam notam. Vulncratus eo praelio Glibertus Leuius, qui Ventadorei cognomine notior est. Cāsus & nocturno praelio Salaxartus è familia Inarica natus, oppidulo cui nomen Ochagabia haud longè à sano Pediportij, quem ut uirum fortem magnique & acris animi, magnificiebat Petrus Nauarrus. Germani ueteribus inimicitii incitati, nacti cohortes aliquot Heluetiorum, in eas doloris iracundia eruperunt, omnesque interfecerunt. Quosdam in subterraneam domum confugientes, praesente Carolo Borbonio, incenderunt. Nec Gallis incruenta fuit uictoria. Desiderati sunt Franciscus Borbonius Caroli frater, Imbercurtus, Carolus Tremolius, Telamonius Ludouici Tremolij filius, Iacobus Sancerrius, Buſsius, Moius, Nicolai Petiliani Comitris filius, alique plures: ex peditibus mille quingenti. Mediolanenses supplices Regi obuiam uenerunt, deditionemque fecerunt. Hos ille in fidem reo p̄i pecunia prius mulctatos. Mox castrū munitissimū, in quod se Sfortia receperat, oppugnari cōptum. Petrus Nauarrus cuniculis solerter actis, muri iam partem disiecerat: sed dum à Rege missus Carolus Borbonius cōditiones pacis agitat, remittere cōperunt milites ex pristina diligentia aliquid. Itaque Nauarrus accersitis Aquitanicis centurionibus, uariè increpitos rursus cuniculus insistere eos iubet. Yrions Aquitanicus centurio ex uico Eustario, qui egregiam operam extrema pugna Regi nauarat, dum circa cuniculos quos ho-

Gestis Gallorum Lib. V. P ij

stis peruertebat, lampade accensa progreditur, proximus Nauarro pila plumbea ictus cecidit: cuius mortem Nauarrus, quod dux cum ducibus Gallicis, Italicis, reliquis bellis fuerat, summamque rei militaris scientiam habebat, graui- ter tulit: multosque alios idem cuniculus oppresserat. Sfortia commotus, quod castrum & natura loci & manu munitum egregie oppugnaretur, legatos ad regem mittit: sequi ut initis aliquot pactis quae proponebat, in deditionem recipiat, petit. Non recepit Rex conditiones, sed misso ad eum in castrum Antonio Pratiano summo iuris praefecto, novas proponens conditiones, quibus eum multis annuis uectigalibus dona- bat. Cum haec placuissent, uenientem in fidem recepit, uiuen- temque ita fouit, ut pulsus etiam Mediolano, nihil ex pri- stina in eum obseruantia remiserit: illeque cum liber posset facillime ad suos peruenire, noluerit. Multus inde tota Ita- lia sermo de tanta Regis uictoria: cuius aduentu maxime Heluetiorum copiae Italarumque omnibus rebus ornatae at- que instructae, castrum Mediolani munitissimum obsessum, tot hostiles uires uno praelio essent deletae, patefactumque Gallis Mediolanum: quod ante Heluetiorum copiis ex om- ni aditu clausum esset. Itaque & Leo Pontifex & Vene- ti, Italiaeque omnes reguli gratulatum ad eum legatos mi- serunt, operamque ei suam omnem detulerunt. Et quando Pontificis animus alienior a Gallis quam deceret uidebatur, per Iulianum Medicem cardinalem, cuius arbitrio Pontifi- catum Leo administrabat, actum de sanciendo foedere: ipseque Pontifex Bononiam uenit ad Regem excipiendum. Regi obuiam misit Nicolaum Eliscum & Iulianum Medi- cem purpuratos. Rex Bononiam profectus, magnifice a Pontifice exceptus est: sancita simul foedera: datum Ponti- fici ut pragmatica sanctio nouis conuentionibus in eius lo- cum substitutis aboleretur, non sine intercessionem prouoca-
Arnol. Ferroni de rebus
tioneque

tionēque Gallicarum ecclesiarum & academiarum: ibique Adrianus Gounferius purpureo galero donatus est: occultiora etiā fixdera opera Iuliani cardinalis inita. Erat is Regi amicissimus ob Narbonensem pōrificatum, multis repudiatīs competitoribus à Rege cōcessum. Alberti quoque Pij industria eo tempore Regi probata. Carolus Caesar obiciebat Regi, de diuidendis Italia plurimis principatibus, urbibusque, Siciliaque regno actum. Plane à Rege purpuratos omnes pontificios constat multis & pecuniis, & sacerdotio, cōnobiorū, praefecturarūque ecclesiasticarū muneribus donatos. Regem muneris insignis loco à Pontifice demum accepisse trunculum dominicae crucis. Parmam & Placentiam Regi Pontifex reddidit, uelut uetus Mediolanensium patrimonium. Actum est quoque de bello Turcis inferendo, imperiique Constantinopolitani insulas libenter Pontifex defererebat Regi: sed is & Antonij Pratiani inrispraefecti & aliorum usus consilio eas contempsit. Hippolytus Estensis unus è purpuratis Alphonsi frater suadebat, dum uires integrae essent, studiis exterorum parata, regnum Neapolitanum Rex armis inuaderet. Sed Gallos domesticum oculum domum reuocabat. Vnde Pontifex in expiationibus delictorum elargiendus Liberalissimus habitus. Undeque magna uis pecuniae parata: tantaque fuit eo tempore concionatorum impudentia, sine iis expiationibus hereditatem ut illam caelestem cernere neminem posse palam iactitarent: unde odio pecunia in alios usus insumptae uilesce-re cepit tantae rei authoritas. Martinus interea Lutherus exortus est, homo maximè Pontifici infestus, & qui ad ei concitandam inuidiam, omnes rumorū uentos colligere consueffet. Is uelut unguis in hoc ulcere existeret, stimulator fuit eius tumultus Germanici, quē pij omnes nondū placatū dolent: eum Pontifex habito patrum concilio impium pro-

nunciauit: sacris interdixit omnibus qui eum aut tuerentur, aut susciperent. Nec tamen minus Federicus Saxoniae Dux aliique Germani principes hominem fouerunt: ij Pontificia liberalitate primum crimina minimè extingui, neque manes noxae eximi: multaque declamitabant in nationem sacerdotum, ut ueterem disciplinam cauponatam. Deinde eò etiam postea progressi sunt, Pontificem ut ipsum in ordinem cogerent, institutaque ac sanctiones ueterum aperte reiicerent, nouorum ipsi dogmatum assertores. Cætus augustus Academiae Parisiensis iure eum male de religione sentiente, à Pontifice ex sancta hominum communitate exterminatum prodidit, doctrinamque illius eiusmodi esse, quæ neque liberalis sit, neque ex ipsis diuinorum librorum hausta fontibus, & talem plane quæ partim ex Hussitanorum, partim ex Waldensium, ac cæterorum olim factiosorum damnata iam commentariis corrogata uideatur. Atque in hæc recentem flammam iniecti professores bonarum literarum multi: res exagitata apud uulgus: clamitatu à multis, Erasmmum Roterodamum huius tumultus causam fuisse: haussisse ex eius libris occasionem reliquos: cum tamen ille editis libris multis, nihil sibi cum his esse, nec unquam fore commune profiteretur. Nec dubitauit aperte profiteri Sacerdotum quorundam palam impiam uitam, Theologorum supercilium, Sodalium quorundam non amplius ferendam tyrannidem: huic tempestati locum fecisse, dum politiorum literarum cultores inuoluunt fidei negotio, acrius multos irritatos: potuisse a quibus conditionibus initio res componi: uitia emendanda, non ordinem tollendum. Hoc ita dictum in malos ut bonorum existimationem nihilo faciat deteriore: & ita dictum in genere, ut nulli ordini sit irrogata contumelia. At alterius parui semper in peius uergentis perniciam, alterius quorundam odii & intempestiui clamori-

Arnol. Ferroni de rebus

bus,

bus, hucusque progressam tragediam, agere ut sedari possit. Sperandum tamen Deo optimo hortante promouentēque, futurum, resipiscētibus illis etiam capitum al: quot dogmatūque palinodiam recinentibus, pontificiæ ut maiestati debitum illi tandem officium exhibeant. Ex huius quoque scriptis quædam expuncta sunt iudicio Academiæ Parisiēsis: cuius semper censura hīc in rebus apud pios plurimum ualuit. Hispania quoque co prætextu pecuniæ in sacrum bellum erogandæ uexata: eodem tempore exactæ à Carolo eo nomine summa acerbitate pecuniæ, manētque in hunc usque diem anniuersaria ea exactio. Rex paulò antea auctus Ludouica filia, in Galliam compositis rebus redit. Carolum Borbonium Mediolani relinquit: cōuenerat cum Venetorum legatis Antonio Grimano, Dominico Triuifiano, & quibusdam aliis, ut coptis eos Rex inuaret ad Brixiam & Veronam, quæ à Cæsarianis tenebantur, recipiendas. His ex pacto auxilia petentibus, nulla interposita dubitatione, peditum tria millia, equites mille expeditos, una cum Lautreco Fuxeo mittit Borbonius. Sed cum Maximilianus Cæsar Henrici Britannię Regis hortatu, qui pecuniam ad bellum suppeditaturum se pollicebatur, ad: unctō etiam Ludouico sfortiæ Maximiliani fratre, bellum Mediolano inferret, tanta rerum cōmutatione motus, ad suos redit: quippe ad Maximilianum magnæ ex Germanis Heluetisque copiæ conuenerunt. Isque admodum magnis diurnis atque nocturnis itineribus confectis, non longè à Mediolano peruenit. Borbonius tanto periculo commotus, ad Heluetios Regis fœderatos fidelissimos ex suis mittit qui auxilium peterent, Mediolanōque egressus primum ad Abduam properauit. Ibi certior factus parata quidem ab Heluetiis auxilia, sed tardius properare, Maximiliano copias suas noluit opponere. Mediolanum autem rediens, iam gliscentē

seditionem compefcuit. Ex tringinta tribus ciuibus, qui in Galliam ad Regem mitebantur, tres eò tantum peruenérât, reliqui ad Maximilianum confugiebant: hos ex itinere re-tractos occidi ille iuffit. Aduentu Borbonũ territi Mediolanenſes, qui iam Bartholomæum Claudium tribunum rerũ capitalium ad urbis præſidium relictum oppugnare parabant, confilio immutato cum Gallis de urbe tuenda confiliũ ineunt. Iam Caſar prope Marignanum caſtra locarat, elarĩſque ſpe certa uictoriæ ex Borbonũ fuga, urbi contulit caſtra. Veritus Borbonius ne ſuburbia ſibi pro caſtris occuparet, ea quoddã ſe teneri non poſſe iudicabat, ne cui eſſent uſui Caſarianis, incẽdit: legationes ad Heluctios nouas circummittit, ad eos pagos quos ſuperiore anno Rex pacauerat: miſſãque ingenti pecunia, paludamentisq̃ue militaribus auro argentoq̃ue egregie contextis, ad iter mox eos extruſit. Properatẽs hi poſtico arcis excepti ſunt: Maximilianus occaſionem aucupabatur, incitatus promiſſis Galeatũ Vicecomitis, ſi qui tandem ex urbe erumperent, Gallõsque inuaderet. Ea ſpe fruſtratus cum eſſet, non eſt uiſa ratio ad Mediolanum oppugnandum commorandi, ne dum in eo eſſet occupatus, circumuentus à tergo ab equitatu Gallico aduentante laboraret. Ad hæc cum Borbonium aggeres duxiſſe, ſeque imparatum à comœatu uideret, diuiuſque eodem loco tantæ copiæ ali non poſſent, Heluetiisq̃ue diffideret, Brixiam adiit: ciues pacti ingenti pecunia ut caſtra aliò trãſferret impetrarunt. Inde Laudem præteruectus urbem hoſtiliter diripuit atque incendit, dubitans an in Venetos tantas copias duceret. Venit interea ex Anglia ingens pecunia Maximiliano. Erat is perhumanus & liberalis, neq̃ue pecuniæ cupidus: Baltheo quoque Germanico ſuccinctus, gregarios milites humaniſſime audiebat. Si quis egeſtatem deploret, nummis è baltheo depromptis egeſtati eorum ſub-

Arnol. Ferroni de rebus

ueniebat:

ueniebat: raróque bella capessēbat, nisi cū re nummaria laboraret. Igitur ingenti pecunia ab Anglo accepta, cū unus de iis qui erant ei a secretis solito tristior esset, rogatisque ab eo quid frontem contraheret: Quid (inquā) non doleam, qui tantam pecuniam inter tot milues diuisam, euolaturā nox uideam? Atrist ille, laudaróque eius consilio, omnibus ignaris uelut literis acceptis, quibus in Germaniam properare iubebatur ob Ladislai Hungari Regis mortem repentinam, è castris se proripuit frustratus militibus. Borbonius extremum agmen Caesaris carpens, impeditos tardiusque properantes oppressit: reliqui Caesarem secuti in Germaniam rediē. Vsi sunt Galli fideli ea in expeditione Venetorum opera, itaque mox cum Venetis ad Brixiam contendunt: ibi iubente Lautreco quinque uariis locis separatim quatiuntur maxima; quinque quoque postea locus uariè certatū, parūque absuit quin a Petro Nauarro undique Cantabros Aquitanosque submitte perueniretur in urbem. At hostes non sibi defuere in iis depellendis. Ii mox terri: annonæ inopia, deditione ab Hicardo facta, urbem arcēque Lautreco dedidere. Deinde ad Veronam recipiendam cum eis missus est Lautrecus: ibi congressi sex equites Gallici cum totidem ex Hispanis, uictores rediere. In iis fuere Cicheus Regi familiaris, Moularcus & quidam alij: quos imitatus Pomperanus, inermis cum inermi hoste congregiē, uictor & ipse rediit, sed Cicheo & aliis irridētibz: unde postea ingens inter eos orta simultas, ut aliquot pōst annis Cicheus renouatis inimicitis, in decursione militari ex cauda equi ferocientis impacta ori proximi Pomperani, clam cum Pomperano congressus necatus sit: ipse Pomperanus à Lorgio uulneratus, & iussu Regis, qui Cichei morte gransissime affectus erat, ad supplicium rapi iussus: sed cum constaret aliterum alteri uelut priuatum duellum prius denun-

ciasse, Borbonio adnitente mitigatus est Rex. At Verona cõ-
 ferri Veneti Galli que quassatis prius moribus, parum ab-
 fuit quin urbem expugnarent. Hanc tuebatur M. Antonius
 Columna, & Lautrecus quidam Mátuana porta progre-
 diens quatefaciebat muros: ac quodam die Thoma Fuxeo,
 Lescuno fratre cum pedite uarie irrucnte, post dirutum pro-
 pugnaculum in spem uenerat urbis interceptiendæ, nisi tor-
 mentis clanculum reconditis pulsæ essent Galli. Cæsar inte-
 res auxilia misit: quæ causa fuit, ut induciæ paciscerentur
 cum Cæsare, deligerenturque Carolus Hispaniæ Rex, &
 Franciscus Galliæ honorarij arbitri. Hi que tandem ita sta-
 tuerunt, uti acceptis ducentis millibus nummum aureo-
 rum, Verona Cæsar cederet: proniorque fuit ille ad pacis cõ-
 ditiones accipiendas, ob quinque pagos Heluetiorum nuper
 Regi conciliatos, quibus quingenta millia nummum aureo-
 rum Rex miserat, ingentemque pecuniam in singulos annos
 pronunciarat. Eo que tempore gliscere cæpit seditio apud
 Hispanos, plebe in nobilitatem incensa. Ea res mouit Caro-
 lum ad pacem cum Gallo ineundam, ut is Ludouicam filiã
 uxorem ducturum se polliceretur, eiúsque matrimonij gra-
 tia remitteret Rex Carolo ius omne, quo Neapolitanum
 regnum sibi afferit: ac donec matrimonium contractum es-
 set, centum millia nummum aureorum quotannis Regi pẽ-
 sionis nomine penderet, eiúsque rei ergo sponsores classici
 & asiduos daret. Id eo lubentius arripuit Carolus, quod
 uereretur adiunctis Heluetis, Pontifice, Italiæque omnibus
 regulis, ne expeditionem ille pararet in Neapolitanum re-
 gnum: quod ei tum perfacile fuit: postea ne quicquã tentatũ
 est. Borbonius antea in Galliam redierat relicto Mediolani
 prætore Lautreco, cuius opera conciliati fuerant Heluetij.
 Senatus Gallicus Mediolani constitutus præside Ioãne Sel-
 na, cuius iudicia probatissima ubique uisa sunt: nã quanta

Arnol. Ferroni de rebus

in inuidia

in inuidia, quântoque in odio reliqui fuissent animaduertens, multo grauior atque acrior in reuocandis iudiciis ad pristinam religionem uisus est. Florebât eo tempore res Gallicæ. Sed tamen perpetuo euentu plaudentis fortunæ, fastu aula regia abundare cœpit. Multi inter blanditias rerû prosperarum minus iam cupiditatibus suis imperare. Si quam uidebant eximia corporis specie & decore, eam deperire. Italicas aliquot pellices pala habere. Posthæc anno millesimo quingentesimo septimo decimo, Regi natus est Erâscus filius, regno si per fata licuisset successurus. Ei patres lustrici adhibiti Leonis decimi Pôtificis nomine, Ludouicus Medices, & Antonius Lotharingus: Ambasiæq; infans summo splendore apparatûque ablatus est, cum esset Maximilianus Cæsar fato functus. Dum comitia habêtur de Cæsare diligendo, uisæ res est non indigna Gallica maiestate. Itaque cãdidatû se mox Rex ostendit, quadraginta millia nummûm aureorû mittens ad cõcilanda sibi suffragia: missus Ioânes Langiachus ad Poloniæ Regẽ. Prenabat unus Federicus Dux Saxonix sine fuco more Germanico. Acrior erat competitor Carolus Maximiliani nepos Rex Hispaniarû, Austriacæque familia cõmendatus. Fuit legatorum Gallicorû tarda prensatio: nam passim ita negabant, ut Carolo se debere profiterentur. Pontifex aperte Gallo fauebat si quid cõferre potuisset in eum. Iam Ludouica Sabaudiana Regis mater sollicita erat de insulis Imperij, apparatû pompæque solenni. Arturus Goufieriûs præfectus prætorio missus erat ad res tentandas: is se nondum expedita in itinere obiit, nõ sine Regis querelâ qui eo familiarissime utebatur. Lentum negotium, sed tamen erat in spẽ. Designatus tandem Cæsar Carolus Austriacus, Erardô Mâica maxime adnitente, qui palâm in mores Galli multa conferebat: leuissimis de causis, ille hostis, cum pater & fratres Gallis amicissimi essent. Et

Leo pontifex per Thomam Caietanum unum è purpuratis
 adponebat Germanos, prohiberi Carolum Imperij petiti-
 onis, cum ueteri professione unus idem & Romanum Impe-
 rium, & Neapolitanum retinere non posset. Itaque eo no-
 mine postea is legibus solutus est, aucta etiã Pontifici Nea-
 politana pensione. Franciscus Sammarfallus, cuius consilio
 in consuetudine quotidiana magnopere Rex delectabatur,
 celeriter mutatis equis ad Pontificem missus, spe Regem ip-
 sum rediēs implauerat. Et Leo quidem natura probus erat,
 qui principem Romanum probe egisset, liberalitate regisq;
 aliis doribus nulli inferior, uenationi deditus, uoluptatum
 sine aliorū iniuria cupidus, ac paulo antea allectis in pur-
 puratorum collegium multis, ingentem uim nummorum
 contraxerat, ut & ex indiētione belli Turcici: sed Iuliani
 Medicis opera toto pontificatu usus, acris hominis, multa
 effecit ut posteritas in eo Pontifice, dum Franco bellum in-
 dicitur, desideraret. Inde Regi natus alter filius, Henricus
 Regi successurus. Eodēque tempore clatros cancellōsque
 argenteos obiectos fenestree ad fanum diui Martini Turo-
 nici, euulsos multi mirati sunt. quorundam consilio, non sine
 plebis querelis, ut tandem uindictam diuum sacrilegij pœnas
 sumpsisse iactatum sit. Sunt & post aliquot demum annos
 tandem à Senatu Lutetiæ confirmatæ hæc conuentiones, qui-
 bus pragmatica sanctio abolebatur imperio insūque Regis
 sapere repetito, allegato ad Senatum Ludouico Tremolio: idq;
 incidit in annum millesimum quingentesimum septimum
 decimum. Detecta est antea coniuratio improbißimi nebu-
 lonis Guysoti præfecti uigilum apud Tholosanos, qui coer-
 cendis nocturnis rapinis præpositus cum esset, prædabatur
 ipse in obuios cum satellitio improbißimorum nebulonum:
 constatque multos ab iis necatos, multos spoliatos, in cister-
 nas, puteos sordiora que alia loca cōiectos. Michaël Crassus,
 Arnol. Ferroni de rebus & plerique

Oplerique alij integræ opinionis, detestantur velut prædæ par-
 ticipes: decreta in eos quæstio: iussu Senatus præpositus
 quæstioni N. Bertrandus. Vix in hostico unquam patrata
 talia facinora apparuit. Sumptum de iis supplicium ea se-
 ueritate, in hunc ut usque diem maneat memoria tam fix-
 æ coniurationis. Et annus quidem agebatur millesimus
 quingentesimus uicesimus, cum ultro citrôque missis lega-
 tis, fœdus initum est cum Henrico Angliæ Rege, iniecta mē-
 tione sponsaliorum inter Frānciscum Regis filium, & filiam
 Regis Angliæ. Inde ad urbem, cui Ardea nomen, conueniūt
 ambo Reges unà cum uxoribus, eo splendore, eaque pom-
 pa, ali ut plures legiones in plures annos eo sumptu potuis-
 sent. Tabernacula tria magno splendore excitata sunt loco
 medio inter Ardeam & Guinense castrum: alterum Gallo,
 alterum Anglo, aliud Thomæ Vulseno Cardinali, quo uiro
 familiarissime Anglus utebatur. Fama est dum proximi
 essent Reges, nec dum locus esset destinatus colloquio, sum-
 mo diluculo petasatum Regem comitatūque tribus tantū
 ministris, Caletium properasse, Anglūque inuississe: eum
 cū lectulo decumberet excitatum à ministris, festinante
 Rege disinctum tunicatūque adhuc, necdum dato spa-
 tio ad domesticam uestem sumendam, obuiam iisse. Eadem
 comitate usum Anglum, Regem nullo stipatum satellite in-
 uississe. Mox ad Ardeam conuenēre, ea usi familiaritate, ut
 ab iis inuitis profectum amorem non modò seruatu-
 ros, sed aucturos Reges coniectura omnes augurarentur. & Angli
 à Gallis toto triduo magnifice opiparæque excepti sunt, &
 Galli ab Anglis alio triduo profusis epulis accepti: proceri-
 bus utrinque dona donata. ut propinans Borbonio Anglus,
 pateram auream egregie calatam dederit: qui ut erat An-
 glis iniquior, munus aperte quidem repudiasset, sed eo non
 exaudiente ignarôque, ueluti ei assideret, munus accepit Ca-
 gestis Gallorum Lib. V.

rolus Barrosius, homo dicax, aulicâque dicacitate solitus risus Regi excitare. Quæ causa fuit, ut quod alij certam fuisset exitium allaturum indignâre Borbonio, huic ob morum festiuitatem festiuissime cesserit. Eoque tempore Philibertus Chalonius Aurengiorum princeps, in aula degens, ob aduentum Thomæ Vulseni Cardinalis Lutetiæ hospitium mutare coactus: grauissime id tulit, delatâque ad Regem querela cum se rideri putasset, irarum plenus ad Cæsarem transfugit, ei que amicissimus fidelissimusque postea fuit. Hoc fœdere desponsa est Maria Henrici filia Francisco Regis filio: id fœdus ut sacrum & perpetuum esset, execrationes adhibuit à Pontificibus sacrorum authoribus: Qui fœdera uiolaret, huic aqua atque igni interdictum. Et Carolus quidem Cæsar iamdudum cōsilia belli in Gallum agitabat: ademptum Burgundiæ maioribus suis principatum querebatur: frendebat Mediolanum Cæsarem patrimoniū occupari. Conciliari tamen Gallo uoluerat, dū seditiones Hispanorum componit, Austriamque & maiorem Germaniæ partem seditionibus æstuarè uidet. Factâque spes ut ambo congredierentur, amicissime si quid alterum premeret transigerent, cum repente sese proripuit Cæsar, rebus iam suis cōpositus ferocior factus. Accendebant odia aulici, qui Cæsarem ut stolidum apud Regem traducebant, matrisque furorem referentem. Id ut erat ineptum, ita ætèrnum fuit, matrem Cæsaris perpetuo furore laborasse: datos ei custodes qui furentem obseruarent: quæ se cum inedia conficeret, toto conclauis passum ordine miro tragemata & salgama custodes apponebāt, quibus illa gustatis inedia depellebat, resipiscēs interdum, interdum omnia deiiciens: quæ tamen ita cōstituta erant, ut facile deiici non possent: unde accidit ut quoniam illa intempestiuus horis saepe & nocturnis cibum peteret, singulis horis nocturnis & diurnis epula illi pararentur. Et

Arnoi. Ferroni de rebus

cum prædes pecuniæ Neapolitanæ causa Rex postularet, exarserunt utrinque eruperuntque tandem odia male pressa: Leone præsertim Pontifice, Franciscoque Sfortia ad Italiam recipiendam uocante Casarem: stimulantēque Henrico Britannia Rege, qui per Ioannem Albania Regulum, missum in Scotiam à Gallo, grauiter ferebat Scotorum Regis paruuli recipiendi per sororem ademptam sibi facultatem, proscribiq̃ue ab eo Anglica factionis procures. Robertus Marchius Cedanum habitabat uicum, sed castro munitissimo insignem: ibi castrum depresso submissoque loco omni machinarum genere instructissimum. Is Gallo semper amicus fuerat: erant ei in armis semper paratæ aliquot cohortes. Accidit ut is cum Emeriano de arce Hiergiæ controuersiam haberet: eductis repente cohortibus ipse non solum hostes fugauit, sed collectis maioribus copiis in uicina loca impetum faciens, populationibus uicos aliquot fixauit. Id Caesar interpretatus est quasi iussu Regis ea patraret, missique legatis impetrauit ut reuocarentur ab eo Gallici milites, qui iam Viritonum obsidebant: Accensis tamen odiis cum uiolato fœdere Anglus Casarem ad bellum hortaretur, utrinque bellum pararicæptum. Cum autem Regem admoneret, de Casare nihile esse quod laboraret: ira Casarem suspici à se, ut se putaret præstare debere si quid in Gallos moliretur. Hæc Rex intuitus, cum seditio apud Hispanos recruidisset, opemque asferre Henrico Nauarra Regi saluis cum Casare fœderis legibus posset, Andreæm Fuxcum, qui Lesparrous dicebatur, Antonium Turnonium aliósque plures, adiunctis ex Aquitania multis peditibus, equitatisque Pictonico, in regnum Nauarra impetum facere iubet. Fuxeus celeritate usus, priusquam Hispanus copias contraheret, usus nobilium oppidanorumque egregia opera Pompelunam recepit, aliaque aliquot non ignobilia loca oppu-

Gestis Gallorum Lib. V.

gnauit. Cum præsidia locis disponere debuisset, aut aucto exercitu alia loca expugnare, uoluntarijs milites Aquitanos omnes sponte dimisit, maioremque equitatus partem ad suos remisit: ac Gruniam profectus (quod alijs Logroniũ, alijs Iuliobrigam ueteribus fuisse aiunt) oppidum cepit oppugnare. Ibi acres homines, & multis rebus ad defendendũ parati: nec faciliè uallo & fossa aggerẽq; id aggredi Euxeus poterat, cum tormentorum copia non abundaret. Hispani ubi longius progredi hominem uident, sedatu seditionibus exercitum contrahunt, ei obuiam ueniunt: lūc urbem oppugnans tantum absuit ut hostem terreret, ut quotidianis eruptionibus uariè Gallos illi fatigarent. Quibus ille, penuriæque annonæ fatigatus, cui prius non consuluerat, expectabat opportunum tempus inde sese proripiendi, prius recepto Nauarrorum regno. Post receptam Pompelunam (quã alijs Pompeiopolin uocant) Lesharrois peruenerat in locum quem incolæ uocant Pontem Reginae. Stellam etiam receperat, & Lozarcon: Gruniam uerò dum obsidet, territi oppidani machinarum impetu, ni noui auxilij spes affulcisset, de deditione cogitabant. At nobilitate Hispanica, quæ commota domestico bello in gratiam cum plebe redierat, auxilium urbi ferente, cum abundarent Hispani copiis, & ob Hyberum fluium, medium inter urbem & castra, duriora omnia erant Lesharroo: itaque consilium redeundi inuit, sequentibus hostibus & extremum agmen laceissentibus. Adhacerunt penes reliqui ex urbe, undique admixtis alijs, Gallos perturbabant. Vbi ad Noyum uicum uentum est, fatigatus ille aciem pro tempore instruit circa horam quartam post meridiem. Anceps Gallos terror circumstabat: nam neque leuibus hostium equis procurstantibus conferri pugnare poterant, & procurcando latius euecti, patebant sagittis Hispanorum. Sustinebant tamen hostium impetum

Arnol. Ferroni de rebus donec

donec Lestparrous hasta in oculos infixâ obtritus est, unde postea obcatus est. Galli passim cæsi & fugati. Nauarorum urbes eodem momento receptæ: quæ in re sane plagam accepere Franci odiosam tum re, tum tempore. Turnonius & Lestparrous captiui abducti. Multi putarunt culpa Lestparroi cladem acceptam: nam Pompeluna, cupida nobilitate recipiendi Henrici sui Regis, nulla Navarorum insignia Gallica fixerat: ob quæ illos mox in gratiam rediisse cû Hispanis Ioanne Luxo etiam Aquitano sequestro: qui cum apud eam gentem gratia ualcret, indignaretur in nullam se partem bellicarum curarum accersitum. Ipse Lestparrous culpa se uacare aiebat, propterea quod firmus ab equitatu non fuisset, infrequensque præliorum miles, rapinisque demum assuetus, ac paulo ante are ditutus, ad tantam expeditionem sibi attributus fuisset: qui nec suo imperatori parere didicisset, neque ut pareret coerceri, quasi uoluntarius miles posset. Rex in solatium amissorum oculorum, & Lestparroum suo are carcere liberauit, & multis annis uectigalibus donauit. Cæsi eo prælio sunt Durfortensis & Arinachus Fuxenses: sanctolocumbanus cum multis aliis dedisse in fugam. Atque eo quidem tempore satis constat, multis Gallia locis equites Gallicos grassatos. Quæsti non solum stipendia passim uagabantur, oppidula dirpiebant, agros uastabant, pecus abigebant, ne pudicitia quidem uirginum parcetes, ut uicis multi diffusi, in urbes se recipere cogerentur. Meldenses, cû illi uicinos agros popularentur, obuiam prodierunt raptim ad arma plebe uocata, eductisque machinis, has cû globi a nei deessent, quod terrorem excitarent, onustas papyraceis globis emisere. Illi uel admoniti à latio quodam (namque is postea eo nomine ceruice luit) uel incondita plebis arma cõtemnentes, facile in urbem ingenti strage edita eos compulere. Dissimili euentu cessit milit-

Gestus Gallorum Lib. V. Q

tibus ferocia in Aquitania: Nam post expilatos aliquot uicos, uel leuissimis urbibus exclusi, ad Mompauum oppidulum Petracoriorum peruenere: ibi somno & uino madentes, nocte intempesta ab oppidanis rusticisque concisi spoliarique sunt. Erant hi etate uiribusque florescentes ex turmis Chandū, qui uarie prius agros popularium uexarant, ac sibi mille Dæmonum nomen imposuerant. Si rogasses quod pergerent, ad Dæmonem: unde prodirent, è Dæmone, aiebant: unde multi suspicati à potentiore immisos. Rex irritatus Cæsarianorum in Galliam irruptionibus, excursionibusque in Mediolanensem agrum, quem iam magna ex parte occupant, copias parauit quibus auerteret Cæsarem ab exteris bellis, ad sua eum tuenda reuocaret: his præfecit Gulielmum Gounfierium Boniuctum tribunum maritimorum. Erat ille Regi perfamiliaris, arcanorum omnium sermonum particeps: Burdigalam profectus à priuatis, ne ipsis quidem Senatoribus sacerdotibusque parcens, mutui nomine ingentes corrasu pecunias, exegitque magna acerbitate. Is cum in Nauarros se proficisci palam iactitasset, nocte intempesta admonitis clam præfectis, continuatis nocte dieque itineribus, prius uisus est circa Fontem Rapidum, urbem hostium minutissimam, quam illi suspicati essent ex alio eum itinere diuertisse. Eam urbem etiam designant Fontis Arabici nomine: nactusque ad locum, cui Andayo nomen, mare tranquillum, traiecit copias. Aduexerat plures machinas: è Burdigala quoque sumpserat plures inusitatae magnitudinis, non satis ex uoluntate ciuium. Situs urbis, & uicinum mare reddebant oppugnationem difficilem. Urbs machinis quassata, turres prostrata: nec tamen conferti Galli ui expugnare urbem poterant, ut iam de reditu etiam cogitarent. At prius ea ui machinarum impetu conuulsa ita muri pars, ut hostis sibi diffideret: ita deditione facta, urbs recepta est. Cū ma-

chinis emissis aditus esset in urbem factus, strato muro Digus Verus, qui urbi præerat, Francos irruentes complanato prius loco, & infra oppleto igni, & sulphure sefellit. At cū hosti pulvis deesset ad onerandas machinas, & commeatus, uentum est ad deditiōē. Claudius Lotharingus Guyssius, cum in murum magno animo ascendisset, laudatus est à Gounfierio. Urbis custodia tributa primum Sancto Boneto: hoste tamen uicos proximos occupante, ita factum, ut Campo Rufus & Sancto Romanus, cū uicum uicinum Sancto Marianum ex pilarent, casi sint, Curtono fugiente. Substitutus in Sancto Boneti locum Iacobus Daillonius Ludæus. Boniuetus in Galliam reuersus, quasi nulla impensa tantum bellum confecisset, gloriabatur. Omnes multa de eius industria ac re gesta: atque hæc una uox omnium, nihil magnificētius, nihil præclarius gestum: unum hunc uere esse bello Mediolanensi præficiendum. Rex hoc facto sic incensus erat, multum ut accessisse ad eius erga eum amorē uideretur. Cæsar post aliquot menses Philibertum Chalonium Aurengium misit ad urbem obsidendam. Urbs egregie à Ludæo defensa: sed periculum erat ne commeatus inopia opprimeretur. Satis constat eò uentum inopia, ut nec muribus alioue animali immundo abstinerent Galli Aquitanique qui in præsidio erāt: & omne herbarum radicūque genus muris eruerent, sutrinæ etiam coriis uterentur. Tum demum apparuit Claudij Lotharingi consilium non inutile. Is ubi primū urbs est recepta, author erat Boniueto illius diruendæ: rudera operaque alia in Endaium trāsferri uolebat: sentiens facilius Gallum quærere, quàm quæsitum tueri. Parandæ erant copię ad annonā inferendam: hæc parata sunt à Iacobo Palicio, qui inuito hoste urbem omni refferfit commeatu. In locum Ludæi & aliorum recentes immissi. Urbis custodia Francisco Frangio Aquitano, qui apud

Castillonum gratia ualebat, & Petro Nauarrulo, cuius maiores à Casare necati ferebantur, attributa. Asidebat urbi Bertrandus Cúena in omnes occasiones intentus: is tandem ingentibus præmiis Nauarrulum sollicitat ut urbem dedat. Erat id difficile nisi communicatis consiliis cum Frangio: is uerò abhorrebat ab eo facinore. Multi ex turmis Nauarruli quotidie ad hostem transibant: oppidani ad seditionem spectabant: corrupti aliquot milites, uel ut aiebat tædio lóngæ militiæ à Nauarrulo uenia impetrata in Galliam redibant: quos omnes Lautrecus deprehensos mox necari iussit, submotis magnorum uirorum precibus. Ita factum ut urbs dederetur. Frangius incolumis cum incolumibus aliquot militibus urbe emitteretur. In hunc Lautrecus mox animaduersurus erat, nisi multa ille quo dilueret à se omnem culpam retulisset, quæ uisisperiti consulti probata magni esse momenti aiebant. Interposita hac dilatione per Castillonum, à Rege impetrauit causam ut diceret: atque is postea publice exauthoratus est, uel ob urbem celerius quàm par esset ignauissime relictà, uel ob parum fidelem operam Regi nauatà: cum tamen quicquid id esset culpæ in Nauarrulum conferret, qui seditionem concitatis militibus, deditorem suasisset. Euentus rei dolo eum uacare monstrabat, cum Nauarrulus auctus stipendio, restitutisque annis bonis, ad Casarem transisset. Castillonus uel morbo, uel dolore quem contraxerat, ex euentu rerum aduersarum, Baiona interiit: Deinde Hispani populari cæpere Aquitaniam, duce Aurengio: qui collecto ex Hispanis Germanisque exercitu, Luxo etiam Aquitano adiutore, ut quidam frendebat, suscepit eam expeditionem. Ac transmissis pontibus Gauo fluuio alioqui rapidissimo, qui tunc placidissimus fluebat, Sordam oppidulum peruenit. Prope Sordam quasi rostro finditur Gauus, & diuisus æqualiter in duas partes, latera undique alluit, rapide

deque dilapsus mox in unum cōfluit. Est Sorda sita in prefectura Daciorum, uicina montibus Pyrenæis: ibi domus sodalium Benedictinorum lauius nuper à Carolo Grandimontano pontifice Burdigalensium, atque eius loci cœnobiartha ædificata. Gaius qui Sarransam, idem eum locum præteruehitur, tumulus eo loco Turpini pontificis Caroli Magni familiaris: famâque est ibi castra magnum Carolum diutius olim fixisse. Hispani locum nacti uacuum incenderunt: eodem terrore uicinum aliud oppidum Petrâ Foratam, quod Adriano Asprimontano paret, peruenerunt: sed ibi superiore loco atque arduo ueteris castrî reliquiæ, satis tamen tum munitæ loci difficultate: quo factum, ut commeatu tantum ex inferiori loco ab oppidanis excepto, Estingum uicinum aliud oppidum appulerint. Fluit & ea parte Gaius, oppidum satis excelso loco situm, sed ad hostiles impetus excipiendos parum munitum. At oppidani in nemus uicinum delapsi, syluestribus sepibus densum, paludibus defendebantur: intercepte etiam aliquot equos hostium. Est & alter fluuius Vidosus nomine, qui ex Pyrenæis montibus prodit, & circa Vidacham castrum Grandimontanorum haud ignobile præterlabitur. Hispani Estingum incenderunt: & diripuerunt, ac Vidacham profecti, diu arcem loco palustri sitam obsederunt: eamque post uicesimum diem necatis crudeliter qui obsidionem tulerant, receperunt, & diruerunt: rustici palam Daciam & Baionam persugerunt. Erant Dacû paratissimi ad hostes excipiendos, eoque paucos ante dies immissæ copię. At hostes prædabundi, prius arcem uicôsque eius loci, quem Mauleonum solum uocant, populati redierunt, multis ex suis desideratis: quippe agricolæ armis assueti, præcipue in balistis sagittisque emittendis periti, si quos temere ex ordine progressos deprehendebant, passim feriebant. Eodem terrore hostes inuecti in Biarnensium, qui

Gestis Gallorum Lib. V. Q. iij

se Bernenses dici malunt, fines, saluam terram & Nauar-
 rinum oppidum diripuerunt. Progressi etiam ad Oleronum
 urbem, qua tamen abstinuerunt, direpto tamen fano Mariæ
 uicino, quo loco pontifices Oleronensium sacra peragunt. Ve-
 tus est enim fama necato olim pontifice ab Oleronensibus,
 sacris eis interdictum: sacra translata ad fanum illud uici-
 num Marianum, quod tunc hosti ut minus munitum pa-
 tuit. Sed accidit, Oleronenses cum essent instructi milite ad
 hostem excipiendum, ut præter uoluntatem prætoris qua-
 dringenti ex urbe egrederentur, quasi hostem inuasuri, qui
 excepti ab hoste paratissimo, multis casis in urbem compul-
 si sunt: multi quoque ex his submersi, dum Oleronenses fu-
 gientibus portas occludunt, ueritine unâ hostes irrumpe-
 rent. Dirimitur uerò fanum id Mariæ ab urbe Olerono, ui-
 cino fluuio. Ipse Aurengius aliquot post menses in Italiam
 naue actuariæ uectus, sordidâque ueste de industria, quò
 facilius lateret, amictus, ab Andrea Doria exceptus est, &
 ad Palicium perductus, diuque captiuus in Gallia mansit.
 Diripuerunt quoque circa id tempus hostes fanum Ioannis
 Lucensis, & uicum Viarrium & agros Laburtium uicinos
 Baionensibus. Parte alia Cæsar in finibus Galliæ Belgicæ,
 per Henricum Nansoum collectis plus quàm equitum octo
 millibus, peditum uiginti millibus, Mosone urbe per dedi-
 tionem recepta, Maserias oppidum oppugnabat. urbs satis
 munita est, omnibus etiam præterfluentibus munitior. Sed
 suburbia quæ eo tempore urbi æqualia erant, ab ipsis Gallis
 diruta, ne hosti prædæ essent. Sunt urbi uicina loca excelsa,
 ex quibus emissa tormenta bellica uariè oppidanos terre-
 bant. Missus est Petrus Terralius ad urbem tuendam: hunc
 secuti Anna Mommorantius, Turritus, & plures alij, qui
 quotidianis eruptionibus hostes fatigabant. Ipse Baiardus
 caduceatori Nâsoi disertè imperauit, ne sub specie deditionis

Arnol. Ferroni de rebus

impetrandæ

impetranda rediret in urbem, ni pareret morte denunciata. Multi tamen opprimebantur globis aneis è superiore loco emissis: in quibus parum absuit quin opprimeretur Franciscus Brassacus è Golarorum antiqua familia in Cadurcorum finibus. Nansous dum uidet acriter urbem defendi, castra aliò transtulit, seditione orta in castris à Germanis, aduentatèque Gallico exercitu, qui ad Atignium iam coactus erat, atque ita proxima utrinque fuisse copiae, ut quodam die certum iam praelium speraretur. At Caesariani Gallos frustrati in tutiora se loca recepere: constructis tamen ponticulis aliquot, progressæ cohortes aliquot Gallicæ, turmas aliquot hostiles relatis spoliis dissiparunt impetu tormentorum: ubi Aymericus Spurius uulneratus, post paucos dies desideratus est. Carolo quoque Borbonio aduentante, Hisdinum receptum est. Paulò antea suadebat Borbonius, dum hostis Valentia obequitans cum copiolis inermibus conspectus esset, impetus in eum fieret, nec tamen auditus est: ipso Casare postea proficiente, magno se defunctum periculo. Sed & is indignabatur Alenconium, cui Margareta Valefia Regis soror nupserat, primæ aciei præpositum: sibi-que multi falso persuasere illū ideo authorem fuisse ne Casar opprimeretur, quasi insidias hostiles ueretur: fuisseque deinceps eius animum à Rege alieniorem. Belgicum hoc bellum, quoniam ab exteris parum fideliter perstrictum est, danda est nobis opera, ut res à principio quemadmodum gesta est repetatur. Castra fecit Rex ad Tignium uicum: ibi præfuit Alenconius cum Castellono tribuno militari, adfuit & Franciscus Borbonius fani Paulini comes cum sex peditem millibus quibus dæmonum nomen inditum: Carolo Borbonio imperarat Rex, ut ex Aquitania, Boiis & Narbonensi prouincia contraheret pedum decem millia, quadringentos equites cataphractus, ducentos equites leuis ar-

maturæ: Vindocinēsi uerò septē peditum millia ex ea parte Belgicæ Galliæ cui erat præfectus: expectabat & quatuordecim peditū millia ex Heluetis. Hæc ubi parata sunt cum prætorica cohorte, amicæque familia armata, pluribusque machinis eò contendit: conuocauit conciliū in uico quodam Rhemis proximo: ibi decretum primam aciem duceret Alenconius; uel quòd proximus esset regi affinisque, uel quòd principio exercitui præpositus esset: refragante sane Borbonio, qui suas eas esse partes contendebat. Hunc ut placaret Rex, potestatem ei dedit imperandi in media ipsa acie, cui cum Borbonio ipse præerat, suasque partes imperandi à se abdicare sese professus est: extrema acies Vindocinēsi tributa: Rex longius progressus prædabundus, certiorque factus, Carolum Casarem ad Valentianum desiderere, paucis milliariibus à Scalda amne exercitum collocat, Pontonibusque præparatis transportari iubet partem copiarum, iamque hi pedites, qui Borbonio Paulino attributi erant, in citeriorem ripam peruenerant. Caesar Valentiano relicto longius secessit. Henricus Nanfous relictus qui coercere uel Francos, is ut impeditos Francos in ipsa nauigatione interciperet, constituerat prima aurora eò accurrere. Sed accidit ut Germani tardius progredierentur, eoque ipso die nubecula obscurior id impediret. Iam Gallicæ copię in citeriorem ripam peruenerant, unà cum rege qui in armis erat. Alenconius & Castillonius cum prima acie ad Valentianum pergebant. Tum uerò diserte imperauit Borbonio Rex, quæ ad prælium pertinerent iuberet: is iubet Galeoto Ienolaco machinas admo-ueat, instetque Valentiano. Interea ex his qui ad Valentianū contendebant, certior fit adesse hostem: esse huic ad uiginti peditum millia, equitum duo millia, machinas decem. Interea dum se expedit Borbonius, ad certamen adest Pompeianus, quem comiter ille excepit. Iamque ense manu elato,

Arnol. Ferroni de rebus

concitata

concitato equo accurrit ad regem, his eum uerbis affatus
 ense altius elato: *Here, hic ensis gestu hodie operam tibi na-
 uare egregiam. Cui Rex elato quoque ense: Et hic (ait) non
 deerit: adesse & nuntiat hostes, lataturumque hodie qui
 mox dissipatos sit uisurus, neque enim impari cum esset nu-
 mero, uel leuem Francorum impetum uideri posse sustinere:
 accersitoque Pomperano: hic, ait, Here, sentiens fortium ope-
 ra tibi hodieopus esse, deesse noluit, ut uitam quam tibi de-
 beret, tibi patri & que tribueret. Petit autem, egoque pro eo, cō-
 dones ea omnia quibus à te alicuior factus est, placabilem-
 que ei te præbeas. Cui Rex, Ego uerò tibi hominem condo-
 no: Caterum quæ ad prælium pertinent iubeto. Iamq; pro-
 grediebantur copiae Gallicæ, nebulæque discussa hastæ ho-
 stium apparuerunt: itaque plures excursionem tentabant hostes
 elucere ad bellum. Pedites hostium sinistra progrediebantur,
 equites dextra. Machine à Ienolaco emissæ, iam perturbare
 incipiebant ordines: hostiles machinæ, utpote leuioribus, parū
 nocuabant. Mirabatur Borbonius, indignabaturque primam
 aciem tardius progredi, neque se loco mouere. Itaq; ex suis
 delectata turma fortissimorum equitum, rectà in hostes con-
 tendit. Palicius quoque iam hosti instandum uociferaba-
 tur. At Borbonius è medio cursu, imperio regis sæpe repetito
 reuocatus est. Aymericus Spurius Nansoum admonet actū
 esse, nisi mox deliberantibus interea Gallis, nec se commo-
 uentibus, sese proripiat. Interea alij hostes in primam aciem
 impetum facere: alij ut radios solis obuertos uitarent, loco se
 mouere aiebant: donec longius progresso pedite securus est
 cum equitibus Nansous, Valentianumque sese proripuit.
 Aymericus interea casus fortiter pugnans, casique equites
 aliquot ex hostibus, qui tardius progressi fuerant. Quo loco
 Aymericus casus est, castra fixa sunt, dièque sequenti ru-
 mor dissipatus est, quasi agrè Valentiani Nansoum exce-*

Gestis Gallorum Lib. V.

pissent, parati, si Galli secuti fuissent, deditionem facere: eodemque terrore percussos Duacos & Attrebates. Inde Boucherium oppidum cepit Borbonius oppugnare cū quadringētis cataphractis equitibus, decem pedum millibus. Ciues misso prius Hectore Borbonio Lauediano, & Ioanne Escarti Lauaugiono deditionem fecere. Die sacro caltibus omnibus, paucis milliaribus ab Attrebatibus castra locauit, ne tamen obsidēdi animo. Quarto postea die, soluto exercitus robore parte copiarum Borbonio attributa, instāte iam hyeme, missus ille ad Hisdinum oppidum oppugnandum. Fixit castra ad pratum uicinum urbi: ad motis machinis, cum inciperent murum deicere, oppidani per colloquia deditionem offerebant. Sed accidit petulantia militum, ut minime exaudirentur, ad motisque scalis ui in oppidum perreperant. Borbonius celeriter alia porta effracta in urbē perueniens, hortatus fortissimum quemque ē suis, coegit in templum pueros & mulieres, & oppidanorum partem: praconioque edixit, adiecta capitali pœna, ne quis ex iis qui ad templum confugissent uiolaretur, neue incendio urbs fixdaretur: qua tamen in re uix serōque exauditus est. Secesserāt ex hostibus plerique in arcem Hisdinsensem: cui & ille machinas admouet pernoctans, quo prius loco ob rumorē dissipatum de Nanfoi aduētū, Galiotus nihilo secius uolueret machinas cepit. Post deiectum murum uxor Rutij quæ in arcem secesserat, misit colloquij causa qui orarent, paulisper machinarum impetus dīterretur: futurum sequenti die rogatis praefectorum sententiis, ut conditiones aquas ferret. Qui missus est, facessere mox iussus est, iactante Borbonio, futurum ut per muri deiecti ruinas arcem ui perumperet. Illa deinde fide accepta, misit Sucreum media nocte ad Borbonium, qui à Lauedano perductus ad Borbonium, his legibus deditionem fecit, Ut Rutij uxor cum suis incolumis

Arnol. Ferroni de rebus

effertce

efferret suppellectilem omnem: equites, arma & equos: pe-
 dites bacillo albo manu elato incolumes abirent. Missi pri-
 ma aurora Ludouicus Telignius & Lauedanus cum alis
 aliquot equitum, qui obseruarent ne quid illa damni pate-
 retur. Hos mox secutus Borbonius, cum Paulino, Vindoci-
 nensi, Chabaneo, Galio, deambulans extra arcem, ueritus
 ne quid miles in comitatum muliebrem moliretur, edu-
 ctis omnibus summo silentio in arcem ille tandem uenit, consti-
 tutaque illius custodia paucos post dies ad regem peruenit.
 Videri poterant illata utrinque damna aequalia, nisi Casa-
 riani, Tornacenses, quos alij Neruios uocant, uictos recepis-
 sent, cum sera auxilia aut nulla superuenissent. Libet hoc lo-
 co ueniam deprecari, si diuersarum annorum mensiumque
 monumenta uaria confuderim. Nam quæ de Gallis postea
 Mediolano pulsus proditurus sum, quædam circa ea tempo-
 ra, quædam antea contigere. At nos Gallica suo loco, cetera
 separatim quoque maluimus reddere, ne uellicatim aut sal-
 tuatim scribendo, lectorum animos impediremus. Rex cum
 integris copiis Burgundionum agros late populatus est: pas-
 sim uilla exusta, corrupta ædificia, arbores excisæ. Domus
 ipsa in quam rex diuerterat, ob hospitæ nobilis preces, quæ
 genibus eius aduoluta incendium deprecata fuerat, cuique
 parcendum rex iusserat, à pueris aulicis (ut sunt ad omnem
 petulantiam educati) dum uix rex ocreatus equum admisiss-
 set, incensa est. Talibus incendiis initium hostes dederant.
 Fuerant enim Albentini ab iis direpti, oppidum incensum,
 cōstructi oppidani, omnia cæde, strage, flamma permixta:
 inusitato more sæuitum in pueros ad cunas uagientes: sa-
 cerdotes aliquot aras tenentes, pueri iis ministrantes iugu-
 lati, cum pauci è latebris & cineribus oppidi, quasi elati iã
 & ustulati semineces inde sese proripissent. Burgundi &
 Germani ense succincti, & ignem gerentes, ut cuique expo-

sito loco occurrebant, quâ sacro, quâ profano, ita bellum ag-
 gressi & exorsi: effratiores insolentioresque facti hostes,
 ignauia stationis unius quæ hosti dedit manus ad Mosonû
 oppidum. Leu pōtifex qui spe pacis uana lactauerat regiones
 legatos, bello etsi non indicto, tamen iam decreto hostis erat
 Gallo. Immutatus estis à Iulio cardinale Medice: qui etsi
 multis acceptis & pecuniis & præfecturis ecclesiasticis, re-
 gi amicissimus esse debebat, Cæsari tamē totum se tradidit,
 accepta pensione annua decem millium nummum aureorū
 Hispanicorum, qui ducis nomine insigniri solent: adiectum-
 que uti Parma & Placentia ad Leonem redirent, augeretur
 pensio regni Neapolitani Cæsar scripsit ueritum Leonem, ne
 uires Gallicæ augerentur, secum in fœdera uenisse: obtende-
 bat Leo pontifex præfecturarum ecclesiasticarum prouentu-
 tus, in Mediolanensi ditione occupari à Gallis irritis ponti-
 ficiis codicillis, idque Manaldi Tarbellorum pontificis im-
 probi & ignari hominis temeritate: cuius consilia ut &
 Sancto Stephani, Lautrecus pro oraculis sectabatur. Hæc
 clām: addebat etiam, multa Gallos arroganter præiudicare,
 reuocareque ad suum arbitrium oppressa pontificia maie-
 state & dignitate: patam Italia libertatem personabat,
 concipiebātque animo pulsīs Gallis maiora, ne ab ipso qui-
 dem Cæsare, aut Francisco Sfortia, cuius iactitabat restituti-
 onem, succedentibus rebus temperaturus. Coniunctis ut-
 ribus Cæsaris, Pontificis, & Sfortiæ, bellum erat gerēdum.
 Prosperum Columnam equitatu, peditatu Ferdinandum
 Daualum Piscarianum præposuere: Federicum Gonzagam
 adiungere pontificis copis, Hieronymo Adurnio interea
 nauticis copiis præposito, Paulō antea Lautrecus qui Me-
 diolano præerat in Galliam redierat, relicto Thoma Fuxeo
 Lescuno fratre prorege. Hic à Federico Gonzaga certior fa-
 ctus est, exules Mediolanenses res novas moliri. Gabriel
 Arnol. Ferroni de rebus Venetus

„ Venetus vir magni animi, summâque prudentia admonere
 „ bat Leonem bellica ea consilia prima specie lata, tractatu
 „ dura, euentu tristia esse: adesse Gallicos legatos: dum inter
 „ gra omnia essent, uerbis potius sopirentur controuersia, quâ
 „ Italiam, Galliam, Hispaniam ad funestum armaret bellum.
 „ Cogitaret potius de Turca labi faciendo: in quem nisi mu-
 „ cronem pontificium exacuisset, parum pie in reliquos uerti
 „ arma. Futurum id ei spectaculum iucundum, qui uideat u-
 „ nius corporis duas acies lanista Pontifice dimicantes? eô ne
 „ recidisse tot annorum magnificas pollicitationes, quibus
 „ subigendi essent Turcæ, ut repenti signum belli ab ipso Pô-
 „ tifice, in Christianorum mutuam perniciem proponeretur? An
 „ non iure Galli dubitare poterunt, quæque non esse apud nos
 „ arcem religionis, non oraculum pacis, non Senatum illum
 „ pacificum, commēdataque & sanguine diuino sancita pa-
 „ cis authorem? At arcem discordiæ, faces bellorum, armamē-
 „ tarium commune, unde Respublica Christiana consilia bel-
 „ lica deprompsit? Eniteretur potius ut cætum piorum, quæ
 „ uanis quibusdam opinionum quasi fluctibus iam pridem
 „ agitatam, tuendum suscepserat, in tranquillitatis portum per-
 „ duceret, non bellum indiceret sanguinolentum. Et mouisset
 „ Leonem prudens hominis consilium, sed is Iulio Medice om-
 „ nia administrante parum sui iuris uidebatur. Lescunus
 „ ueritus ne exules res nouas molirentur, absente fratre Rhe-
 „ gium adiit. Præerat iussu Pontificis Rhegio Vidus Rangoni-
 „ us: cum eo Lescunus expostulat de exilibus receptis præ-
 „ ter fœdus. Dum tempus protrahitur diuersis altercationi-
 „ bus, ab Alexandri Triuultii militibus, qui cum Lescuno ue-
 „ niant, impetus fieri cæpius in oppidanos: at hilenibus ali-
 „ quot machinis emissis Triuultianos compressere: ipse Tri-
 „ uultius pila plûbea ictus, post aliquot dies occubuit. Lescu-
 „ nus cum retineri posset à Rangonio, emissus est. Rumor in-

terea percrebuit, Lescunum captum, deletas turmas quæ eũ secutæ fuerant: resque parum absuit à seditione, perterrito Senatu Mediolani, ni Lescuni aduentus timorem omnem discussisset. Eoque tempore Mediolani arx Iouis de calo tacta est, non sine strage Gallorum. Manfredus Palauicinus raptim Germanorum copiis in gratiam Francisci Sfortiæ eductis Como imminabat, sperans ab iis cum quibus prius conuenerat, orto tumultu, loco se potiturum. Como præerat Gratianus Garrus Aquitanus, quem licet ut nouum hominem multi prætereant, gentilitate tamen Grandimontanis coniungebatur. Is cum urbi proximum Palauicinum rescisset, atq; de uia fessos Germanos in locum uicinum consedisset, ut ex uia labore relaxarent animos, cum turmis aliquot Aquitanicis urbe tacite egressus, in eos impetum facit, nactusque imparatos, palantes faciliè dissipat. Palauicinus ut erat locorum peritus, per montes fuga elapsus, defunctum se tanto periculo existimabat, ac iam cum Germanis qui ex fuga superfuerant, agitabat de bello renouando. Garrus subductis rationibus, admonitus à peritis locorum, mortis fauces eò celeriter actuariis nauigiolis uectus occupat, eoque contendit quò Palauicinum peruenire necesse erat. Celeritatem inuit rei cuentus, deprehensum hominem unà cum Ioanne Stulto comprehendit: Germanis ad suos reditu permissis, reliqui maiestatis damnati capite luere. Eius indicio decreta quæstio in Christophorum Palauicinum, cuius rei ille non ignarus suadentibus amicis, fugæ consilium neglexit: & hūc aiunt in arce aduentantem Lescunum ultro excepisse, non ignarum quā ob causam adesset: ut Lucæ Ogo Scoto peditum ductori, qui eò nocte à Lescuno præmissus fuerat, ignarusque esset quam ob causam eò missus esset, dixerit, immeritò fidem suam suspectam Gallis. Comprehensus est & alter qui sanguine cohærebat Palauicinis: qui

Arnol. Ferreri de rebus

quotidis

quotidie loricatorum satellitiisque stipatus ad salutandum Lescunum ueniret: qui ubi sensit prætorem adesse cohortē quæ iniiceret manum, chlamydē abiectā parū absuit quin sequentes frustraretur. Huic aiebant certum fuisse cum suis in Lescunum impetum facere, eūque occidere. Multa quoque ad Pontificem profectæ legationes dicebantur à potentioribus, & Triuultius ipsis, qui & ipsi ueniebant in suspicionem, esse demorati Lescunum ne longius in hostes uagaretur. Quam suspicionem consecuta res aliquot auxerunt maxime, quod se ueluti clientes aliorū tacite profiteri uidebantur. Res erat in ea opinione, ut hostes domesticis insidiis Mediolano se potituros non desperarent. Cribelli iam & Caymi copulas in agro Mediolanensi contra Regem collocant: crescebat in dies numerus: hos ne se commouere possent diu obseruatos, multis & firmis praesidium accersuit, repente idem Garrus oppressit. Authores tumultus fuga sibi consulere: apparatus belli direptus & à Garro abductus est. Conflato iam bello Mediolanensi Lautrecus Mediolanum redierat. Non defuere qui Lautrecum & fratrem cogitasse dicerent, quo pacto Triuultiorum & Palauicinorum agros maximos & feracissimos, uillas, castra, oppidula, in suos quæstus conuerterent. Et Mediolanenses parum iam Gallis æquos fuisse, ob impetus aliquot direptionesque nocturnas factas in domos ciuium aliquot opulentorum, partium inuidia. Menaldi Pontificis consilio, à Lescuno absente fratre. Vnde in domum suam ingentem pecuniam auarus Pontifex auertit. Fama est Leonem decimum Palauicino affinem fuisse, certe pro eo intercessisse eo animo, ut rem suā agi diceret: nec cessasse galerum purpureum offerre Menaldo, quem gratia multum ualere sciebat apud Lautrecum, modò ex reis eximeret Palauicinum. Fuisse Lautrecum, ut nemo nascitur uitiorum expers, natura acerbiorē, & agre

prehendebat Daualus. Prosperi Columnæ consilio admo-
uentur tormenta ad propugnaculum eruendum, quod erat
circa inferiorem murum: ita factum ut intra octauum diem
conuulso propugnaculo, cum tormētis præfecti assidue glo-
bos æneos in id solerter immitterent, aditus ad irrumpendū
cōmodiore loco pateret. Erat id propugnaculum satis mu-
nitum, caterū diuersis locis concauatum atque apertum,
ad bellica tormenta cōmodius emittēda: & libratores ho-
stium dum in ea loca aperta dirigunt tormēta, nec sulphu-
reo apparatu abundans Lescunus incensis ictibus audet
terrere hostes, factum est ut propugnaculi uis concideret.
Fluuius ita mediam ciuitatem diuidit, ut undique muris
septus uoluatur: ita quādo & uis hostium imminebat, &
ægre uasta urbs omnino ob præsidij paucitatē retineri po-
terat, Lescunus trans fluuium subductis tormentis, cum suis
secessit, ab ea interea parie quæ munitior erat uim facilius
depulsurus: passimque uniuerſa ripa collocatis militibus,
alueū tuebatur, concisis pœnibus quibus eò perueniri pos-
set, uallo, cratibus, dolisque undique ripæ adiectis. Hostes
direpta uacua urbis parie ad reliquam uim parabant, ma-
chinisquē emissis forissimum quenque è Gallis stiernebant:
in quibus fuere & Carolus Montacutus Aquitanus Agē-
nensis dum incautius murum subit, & Lucas Scotus, &
Ladonicus Auerus Baionensis: quorum morte Lescunus
perturbatus est, ut ei quidem tredecim diebus continuatis
unā noctibus, circa ripam excubandum fuerit, frustra inte-
rea hostibus uim admoventibus, tamen si à latere uariē tor-
menta Daualus admoueret. Galli uigiliis confecti, animos
iam despondebant. Lautrecus ad fratrem misso Carbone
Saiaſo homine impigro, per eum fratrem admonebat ut ui-
rum se præstaret, ne concideret animo, auxilia ulla ne expe-
ctaret, meminisset quem in locum progressus esset, idque clā;

palam uerò admonerat epistola scripta, quam de tribunali militibus legi iubebat, seipsum mox cum lectissimis copiis adfuturum. Atque ut iniiceret spem auxilij, hostesque terreret, Cremonam peruenit, stipatus equitatu Gallico & Heluetiis peditibus: iamque ad Sancto secundo oppidulū transierat, personantibus omnium nocibus quasi ad Parmā soluendam obsidionem irent: mittebat tamen Petrum Picconicum Sanctoualerianum cum mille quingentis peditibus Gallicis è Narbonensi prouincia, Delphinatiumque finibus. Quæ causa fuit ut Prosper & Daualus soluta obsidione rapidissime inde se proriperent, Lescunisque abeuntium trepidationem sentiens, urbe erumpens, & plures oppresserit, & una machina ingenti, quæ segnius auehebatur potitus, in urbem redierit. Interea opera Matthæi Cardinalis Sedunensis cohortes aliquot Heluetiorum ad pontificia castra peruenere: hi cum in Gallos non esse sibi bellandum dicerent, missi sunt in Ferrariensem, qui Mutinæ & Regiolepidi imminebat. Venit & in castra Iulius Medices unus è purpuratus pontificiis, qui postea Pontifex designatus Clementis nomen tulit, qui quod adolescens Rhodiorum militiam secutus fuerat, rei militaris non imperitus habebatur: frater uerò patruelis Leonis cum haberetur, arcanorumque omnium moderator, magno plausu exceptus est. Hunc plerique reptitum & temere insitum familia Medicea, quos eius uiri odium ceperat, affirmarunt: unòque ex Mediceis fratribus submerso, confictis quorundam testimoniis, ut submersus pro spurio pronuntiaretur, operâ dedisse, ipsum sese pro legitimo asseruisse: quæ ut uanissime conficta plerique risere, educati unà cum eo. Interea hostes ad Casale maius pôre copias traiciunt: obseruabātque Lautrecus eorum iter, traiecto Ollio & Abdua. Posuere Columna & Daualus castra ad Robechum iuxta Ollj ripam, minus commode.

Id cum sensisset Lautrecus, re tantum communicata cum Francisco Maria, qui Venetis copiis præerat, & Antonio Columna, & Lescuno fratre, ipse in crastinum diem prima uigilia admotis copiis, parte una hostes inuadere parabat: parte alia è ponteuico machinis emissus ita erat hostes impetiturus, ut sine iactura ullius certam omnes sibi sponderent uictoriam: patebant enim hostes tormentis bellicis, atque ita imperite castra fixerant, deploratâ ut oporteret eorû salutem. Fama est aut ab Vrbinatè, aut Venetis quos Vrbinas monuerat, hostes admonitos, repente castra mouisse: nam & Veneti illis receperant nihil eo loco hostile uererentur, & dum res acceleratur, machinis Gallicis non suis impeti hostes uolebant: Lautreco ea simulatione ita commoto, ut Veronam Brixiamque cum illi adiunctis Gallicis copiis reciperent, se ipso Gallicarum copiarum ductore nunquam latas à Gallis tales conditiones exprobraret. Hac sicut exposui, ita gesta esse audiui, referentibus integrâ opinionis nobilissimis equitibus, qui eo tempore sub Lautreco meruerant. At exteri scriptores ita hac in re parum sibi consentiunt, ut contraria eorum scripta multum ab eis gratiæ patriæque datum ostendant. Alij enim ita narrant: dum ad Robechiû occurrentes hostes non detrectant certamen, Lautrecum ad consiliû de pugna retulisse: duces Gallicos & Franciscum Mariam Heluetiosque omnes pugnam decreuisse, paucos alios dissensisse: quid enim frustra belli aleam tentarent, cùm fuis his copiis mox hostes sint Mediolano potituri, qui facile alia uia distineri possint? fieri posse ut interea dilabantur hostiles copię: ducendum bellum: sua mox mole ruituros hostes. Atque huius sententiæ authorem uolunt fuisse Petrum Nauarrum, cuius unius sententiâ Lautrecus pessimo exemplo secutus sit: narrantque eum multorum sententias exquirere solutum, quodque pluribus displi-

„ cuisset quasi unus ipse sciret, plerunque secuti. Docent ue-
 „ ro morum magistri ex incōtinentius eam sanabiliorem esse,
 „ qua attrabili impediti uti consueverunt, quàm eam quæ co-
 „ rum est qui consultant, sed postea tamen in iis quæ consul-
 „ tarunt non persistunt. Alij narrant admonitum ab Urbina-
 te & Columna Lautrecum, quàm incommodissime sita es-
 „ sent hostium castra: missum ab eo Cardonum ad loca in-
 „ tuenda, eoque transferenda tormenta: illum moræ impatiē-
 „ tem, qui consilium tegere debuisset, leuius tormentum in ca-
 „ stra hostium emisisse: territos hostes & Venerorum pollici-
 „ tationibus diffisos, qui salua omnia receperant, repente ca-
 „ stra mouisse. Vtunque sit, Lautrecus in fugiētes hostes, alas
 „ aliquot equitum cum Lescuno fratre, Ioanne Bonauallio,
 „ Ioanne Chabaneo, Palicio, cui Vandensy cognomen erat,
 „ propere emisit: hi multis concisis, cum frustra Daualus co-
 „ hortēs aliquot peditum circa fossas & uirgulas in insidiis
 „ collocasset, submitte Lautreco Pontiremium & A. Co-
 „ lumnā, cum recentibus equitibus ita hostes oppressere,
 „ parum ut absuerit quin ipsum Prosperum temere extra or-
 „ dines inuectum interciperent, ex Ioannis quoque Medicei
 „ ala uix uiginti illasi redierint: quanquam non ignarus sum
 „ qua fide hæc ab aliis relata sint. Lautrecus deinde ad Be-
 „ briacum hostes secutus, castra posuit: hi cōmodiore loco ca-
 „ stra collocarant, eaque uallo fossisq; munierant integra no-
 „ cte: ita Prospero Columnæ munitiones urgente, primus ut
 „ fossus æquandus operam daret ad excitanda aliorum studia.
 „ Non est uisa ratio Lautreco, cur periculoso loco frustra præ-
 „ lium committeret: tantum aliquot horis equestre prælium
 „ factum, æquòque certamine discessum est. Bernardus tamē
 „ Caunaus Aquitanus, familia nobili Caunea, haud longe à
 „ fano Scueri, & Montaldo, & quidam alijs emisiss machi-
 „ nis desiderati sunt. Lautrecus Pontiremium & Hugonem

Arnol. Ferroni de rebus

Populum

Pepulum miserat, uti claustra Sebini amnis occupantes, trāsitu arcerent hostes aduenientes. Erat hi Heluetij, qui neque hac neque illa parte parum fideles, uelut licitatione auctiōneque proposita, ad hostes transierāt. Prosper & Daualus cum integris copiis redeunt ad Ollium: Lautrecusque misso Lescuno ad Sebinum lacum, leuem hostium armaturam temerius uagantem oppresserat, eo loco cui Carauagio nomē est. Rursus Lautrecus cis Abduam cum integris copiis rediit, traductisque nauibus omnibus in ulteriorem ripam, uariis munitionibus, dispositisque undique militibus & machinis iuxta ripam, Casarianos Pontificiosque transitu arcebat. At illi Francisci Moroni Mediolanēsis consilio, cimbis aliquot piscatoris repertis in Brābo fluuio, qui per Bergomatum campos fluens in Abduam se præcipitat, ad Vaprium traiciunt. Munierat Lautrecus uaria loca circa ripā, & ad Vaprium, Hugonem Pepulum cum ala Italica reliquerat, qui & transitu arceret hostes, & celeriter si res exigeret, admoneret Gallos transitus hostium. Hunc omnes fidentur serò uigilum incuria excitatum, ut iam occupata ripa domibúsque uicinis, cum illi magno numero traiecissent, imparesset eis pellendis. Tarde excitatus Pepulus, tardius Lautrecum monuit quo statu res essent. Mittit tamen cum delectis equitibus Lescunum & Palicium iuniorem, unā cum machinis aliquot. Daualus cohortes aliquot subsidio suis tuendis & Rhetorum & Hispanorum submutit, delecto impigro quoque eorum qui periti habebantur uolendarum leuium machinarum. Concurrunt Galli hortante Lescuno acerrimè: relictis equis peditum munia implent: multisque ex iis qui traiecerant casis, Vapriū eos area excludunt: igne iniecto in domum in quam Hispani sese receperant, multos sese præcipitare cogunt. Et prorsus eo die concisæ essent hæ copię, ni Ioannes Medices, qui cum recētibz

traiecerat, iam Hispanos, Italos, Rhetosque terga uertentes ad pralium accendisset. Venere & Lescuno subsidio cohortes aliquot Aquitanicae: sed Medicei & Hispani globis æneis fortissimum quemque sternebant: & Lescunus dum in celeritate omnia sita putat, machinis relictis pralium accelerarat: quæ si adfuissent, haud dubie afflictas deploratæque res hostium oportebat. Lescunus à Theceno Rheto hasta impetius parum absuit quin abduceretur, suorum tamē uirtute sublatiis est. Palicio iuniori equus suffossus est à Mediceo equite. Gratianus Lussus spurius è Lussorum, qui & Luxi uocantur, familia, & Cardonus uicinus Belnensib. Aurelius casti sunt. Benedictus Dorsius Belnensis ingenui rōphæa, quam ambabus manibus undique uibrabat in perniciem hostium, Caponio & Serralio Hetruscis, & Martingo Nouariensi obruncatis, multis quoque uulneratis, à Stoncino Aretino & ipse necatus est. Lescunus ubi aduersa omnia uidet, receptui canit, ad fratrem se recipit, nemine ex hostibus sequente. Lautrecus mutato consilio Mediolanū rediit, urbe hostes prohibiturus. Helueti quotidie dilabebantur, confluebant ad hostes, in dies singulos copiacius minuebantur: & præter peditum Delphinatum & Aquitanicorum paruum numerum, equitesque Gallicos, qui multis mensibus nulla acceperant stipendia, pauci exteri sub eo mercbant: exceptis Venetis, quibus partem Mediolani coactiis est committere. Hostibus uerò Matthæus Sedunensis Cardinalis recentes Heluctiorum plures cohortes adduxerat: ipseque cum Iulio Medice Cardinale in perniciem Gallorum uarie eos acuebat, sanctius uterque operas suas daturi sacris suis, nec eas, ni mens uana occassset animos, eò collaturi. Lautrecus ne Mediolani suburbia hostibus prædæ præsidioque essent, usus Andrea Griti Veneti consilio, incēdit. Iam Casariani Pontificiique Mediolano proximi erant: Arnol. Ferroni de rebus dubitanti.

dubitantibusque quo statu res essent Gallicæ, fama est ab obuiio rustico, quasi deploratas res Gallicas assereret, accensos maturasse uer. Periculosum illis uidebatur, spatium confirmandi sese Lautreco dari. Præmissus est Daualus cum leui armatura & cohortibus aliquot Hispanicis, uenitque ad locum quem Vigentinum uocant: huic loco Venetos præsidio reliquerat Lautrecus, cum Grito & Theodoro Triuultio. Veneti mox irruentibus Hispanis uelut panico terrore perculsi, undique armis abiectis munitiones deseruere. Triuultius uillosa domesticâque ueste amictus, mulaque insidens capitur: Gritus cum integra ala equitum fuga sibi cõsultat, priusquam ad iactum teli uenisset. Lautrecus diris deuouens Triuultij Gritique & socordiam & dubiam toto hoc bello fidem, ad arcem cum equitatu reliquisque copiis peruenit: ac cõstitutis rebus arcium Comum traiecit copias, relicto eo loco cum præsidio Palicio, Vandenesio, & Bonauallio, inde Leucum peruenit. Triuultius cum liberasset se, ut aiebant, ingenti pecunia, deinceps eius opera minime usus est. Hostes potius sunt Mediolano rapinis omnia fœdantes: opera quoque Marj Montani Papiensis Pontificis, Papiæ mox ab eis recepta. Lautrecus Lescunum fratrem mittit ad Cremonenses in officio continendos: hi paucitatem Gallorum irridentes, urbe Gallos excludebant: accersierant enim Nicolaum Verolum cum quatuor exulum millibus, fossusq; ille præaltis & aggeribus urbem munierat. Venit Lescunus in uicum nõ longe à Cremona, cui Possayo nomen, ibi equos sarcinasque relicto Aquitanico præsidio collocat: contendit deinde in arcem Cremonensem, cui præerat Bunonus Gallicus eques. Est medius locus inter arcem & urbem, hunc hostes palus, aggeribus, doliis uinariis undique sepserant. Gallici Aquitanicique equites nihil aggeres ueriti, quidam in Cremonenses proruperant: plures remissis equis, peditum

munere functi sunt. Ita disiectis aggeribus, Cremonenses & exules coguntur in aliam urbis partem: è tectis tamen picæ, lapides, Græcūque ignem iaculantes, Lescuni impetum morabantur. Erat ille æquissimus Cremonensibus: nam rebus florentibus eum obseruant, in eius clientelam recepti fuerant, multis indictionibus liberati. Itaque se in arcem recipit, caduceatorem mittit qui eos admoneret, uideret quò progredierentur: recreati illi Lescuni aduentu ad deliberandum consilium petunt insequentem diem. Lescunus unius denum horæ ad deliberandum dat spatium, uim posthac denunciat. Lata sunt ab eis hæ conditiones, Fraudè ne cui esset Casarianos secuto: Verolus cum suis incolumis urbe abiret: Galli reciperentur. receptis conditionibus additum, aleretur Regius exercitus. Ita recepta Cremona. Sed accidit perincommodè ut Federicus Bozulus, quem cum præsidio Parmæ reliquerat Lautrecus, Parma excederet, commissæ urbis custodia Roberto Sanseuerino nepoti. Is gratiam initarius apud Leonem affinem, mox Alexandrum Vitellium & Hieronymum Columnam è Placentia euocatos, in urbem recepit. Huius ignauiam quò plerique regant, referunt duos equites loris equos trahentes. prætextu in officinam eos ferrariam abducendi, portæ irrepsisse, custodes necasse: reliquos qui proximi erant, mox adcurrisse, urbemque potitos. Federicum à Lautreco è Parma euocatum, dum putat Lautrecus maioribus copiis opus esse ad Cremonenses in officio continendos, urbe excessisse. Mox aliis scriptis literis eidem imperatum, urbe ne moueret: si mouisset, eò rediret: uix Bozulum urbe fuisse egressum cum hostes urbem occuparint. Plane Lautrecum constat acriter in Bozulum inuectum, qui adolescenti urbem commisisset, nec à se euocatus uenisset: interea urbem Sanseuerino reliquisset, cui nupsisset Leonis Pontificis ex sorore neptis. At ille ita sibi Deos propitios

Arnoi. Ferroni de rebus

obtestabatur.

obtestabatur, itaque obtingere ab his quæ exoptabat sibi, ut nunquam sciens commeruisset, merito ut suo Lautrecus ei succenseret: firmasseque sibi sansuerinum fidem, salua omnia Gallis futura. Hæc flagitia facturum cum atque admissurum indigna genere suo, nunquam cum nisi expertus esset crediturum. Interea Daualus pergit ad Comum Gallicis extorquendum. Como præerat Palicius Vandenesius. Hostes admotis machinis bellicis ad turrim ad Septentriones spectantem, eam ita quatiebant, ut iam irruptio in urbem parata uidere:ur. Enimvero imminabat fossa eo loco aquis referta, & è propugnaculo uicino emissæ machinæ in dextrum latus, Nicolaum Valentinum, Alphonsum Peraltam, Carolum Errium Hispanos conciderant, dum audacius qua parte irruptio tentanda sit, excutiunt. Palicius quoque crates, palos, dolia, circa ruptos muros disposuerat: infra quoque munitionibus confectis, quibus illæsi essent ab hostium pilis æneis, instar grandinis undique ex hoste prodeuntibus, qui præsidio relictæ erant. Eas munitiones cum uarie immisissis tormentis Daualus concidisset, emissis tamẽ ex urbe machinis uim ad mouere dubitauit: Gallici enim equites ultro peditum munere fungentes, magno animo locum tuebatur, alius doliis rursus oppositis. Sed sulphureum omnem apparatus iam Palicius consumpserat. Itaque per Petrum Forensium admonet Lautrecum, ne sulphureo apparatu iuuetur, loco hostes potituros. Mittebat abunde necessaria omnia è Leuco Lautrecus per Larium lacum. At Daualus delecto fortissimo quoque, Ludouico Gusmano misso, eum omnem apparatus intercept, ipso tamen Gusmano, dum incautius in nauiculam Gallicam inuehitur, necato. Hoc incommodo accepto, nulla iam Vandenesio consultatio reliqua. Quàm de urbe aquis conditionibus dedenda. Has cupidissime accepit Daualus, conceptis uerbis, ritu maximo adhibito, palam

iurauit Comensibus salua omnia futura: Gallos cum armis impedimentisque omnibus palam uexillis elatis incolumes abituros. Iam Comenses in uerba Caesaris iurabant: Galli instructis copiis urbe maiore ex parte cefferant: ipse Vandenesius humanissime cum Daualo colloquebatur, cum repēte Hispanus miles & Gallorum & Comesium impetu facto fortunas miserè diripit. Vandenesius purganti se Daualo, Hæc ne ait fides? Nec plura locutus, ad Lautrecum, diripiente urbem Hispano, peruenit, prouocans mox ad singulare certamen Daualum, qui fœdere uiolato, & Gallorū & Comesium res diripiendas Hispano militi dedisset. At ille culpam in milites transferens, iurisperitorum usus consilio, & uerbosa simulatione prudentiæ, quasi ille ex iure manum confereret, ac non potius perfidiam ferro expiaturus esset: perfectō demum bello duellum se subitum respondit. Prosper Columna aut in milites animaduertendū tanto scelere patrato, aut duelli leges accipiendas suadebat. alioqui fatiurum ut ea animi labes, nec diurnitate uanesceret, nec manibus ullis leguleiorum uel cauillis, aut formulis & actionibus exceptionibusque elui posset, ut nec traslatione criminis. Sed neutrum a Daualo impetrari potuit, sibi non conscio, quem passim & exteri & Gallici scriptores culpa liberare uidetur. Interea defuncto Leone decimo Pontifice, uel ueneno uel pituita, designatus est in gratiam Caesaris, cuius tum uenti ualde secundi erant, Adrianus Sextus. Lautrecus consternatis morte Pontificis Caesarianis, Bonauallium cum Federico Bozulo & Antonio Colūna mittit ad Parmam tentandam. Hanc iam Pontificij ualidis præfidiis munierat: itaque cum aduectæ non essent machinæ, uanus fuit conatus, nuntiato præsertim Prosperi aduentu, qui se iam accingebat ad urbem tuendam, ut uano rumore dissipatum erat. Iam Lautreco in mentem nihil uenire

Arnol. Ferroni de rebus

poterat

poterat non modo quid speraret, sed quid optaret. Nā Helueticorum opera ægre toto eo bello utebatur, quippe qui nec Parmam nec Cremonā adire uoluerint: sollicitatque à Pontificiis, quasi sub hac exceptione euocati essent pro Rege se militaturos, non tamen in Pontificem palām iactarent. Eodem accedebat, quòd exploratorum aut nulla aut minus fideli opera utebatur prudentia Prosseri Columnæ. Nanque is cunctator insigni silentio consilia sua tegebat: sæpèque cum moturum minime quis putaret, repente paratus uisebatur. Idem Lautreco pugnae copiam faciente ita aciem instruebat, ut inuitus ad prælium nisi superiore esset conditione, cogi non posset. Nisi quid à prætereunte uiatore exceptum esset, aut perfido transfuga, scire nihil poterat. Dolebātque Lautrecus omnibus se uentis inuidiæ in aula regia circumflari: inculcatumque fuisse Regi Palauicinum damnatum non ruit, morèque maiorum decreta quæstione: non hospitij ius atque nomen à cupiditate Lescunum ad partem humanitatis reuocare potuisse, quin eius arces exhauriret & exinaniret refertas rebus omnibus. Ad ea purganda mittit in Galliam Lescunum fratrem, simul ad noua auxilia paranda. Parte alia Casariani & Sfortiani Alexandriam & Nouariam expulsis Gallis receperunt. Rex Renatum Sabaudianū præfectum pratorio una cum Palicio iuniore ad parandas copias ad Helueticos misit: hostiumque copie prius aduenientibus septem Germanorum millibus auctæ sunt: his Georgius Franispermus præpositus est, homo eius gētis imprimis nobilis. Et quasi omnia Gallis infesta essent, niuibz quæ in montium cacumina itineraque infederant multis mensibus, etsi magnus sumptibus itinera resecta essent, Heluetij ne ad Lautrecum peruenirent impediti sunt. Erant hi conscripti à Sabaudiano ad sexdecim millia: hi tandem Cremonam peruenerunt: exierātque iam annus ab

initio belli secundus. Sed fuit quoddam belli ueluti iustitiū. Accidit id militum amore in Lautrecum: quippe rumor percrebuerat abrogato ei imperio, decretum omne belli imperium Sabaudiano, quod iniquo animo miles ferebat: & Sabaudianus ea fuit modestia, ut præsente Lautreco nihil ipse iuberet, absente uidebat dilapsuras copias. At accingēte se ad iter Lesqno, certiores facti milites, nihil mutatum, Mediolanum omnes profecti sunt. Videbat Prosper Lautrecum ad arcem uenturum, eaque parte facile Mediolano positurum: itaque eo discludendos Gallos putabat, munitionesque novas instituendas. Vercellensi itinere ad Comensis portæ suburbia, duas munitiones perfecit. sinuato quasi in orbem ambitu: has duplici fossa conclusit: spatium uiginti passuum inter utranque munitionem comprehendit: ad fastigia munitionum, lorica pinnasque adiecit instar propugnaculorum. Plutei obtegebant intervallum quod erat inter pinnas: pinnæ interstructæ erant inter pluteos. Cerui ingentes collocati inter pinnas aggeris: hi suspensi plutei, quibus tecti Hispani, Itali, & Germani ascensum Gallorum & Heluetiorum depellerent. Lautrecus sæpe cupas seuo picæque completas & ardentes, ad incendendas hostium munitiones immitti iubebat: cūque hi operi acrius instarent, collocatis loco apto machinis maioribus, pinnas propugnaculaque deiecit. Constat uno die plusquam ducentos impetu machinarū elisos. Vilis ea iactura Prospero uisa, cū maior pars cōstaret ex fossoribus rusticanis hominibus: nec desinebat uilia eorum capita periculo exponere. Sed parum absuit quin Alphōsus Daualus elideretur. Petrus Nauarrus intētus deiciendis munitionibus, ita cuniculos agebat, ut in media hostium opera penetraret: sed hostes emissis tormentis bellicis Nauarri consilia perturbabant. Itaque parte alia Lautrecus urbem oppugnare instituit, territus ma-

xime morte Marci Antonij Columnæ & Camilli Triuul-
tj, qui emissæ è munitionibus hostilibus machina necati
sunt: cum & Mandusus Aquitanus magni nominis crue-
liso abisset, suadente tamē Palicio & Sabaudiano, distulit
oppugnationem, dum hi annonæ inopia aut stipendiū dila-
tione non desperant urbe potiri. Interea Franciscus Sfortia
sex secum ducens Germanorum millia & trecentos equites
pontificios, unā cum Federico Gonzaga Ticinum peruenit.
Lautrecus ad Cassinum motis castris, ea ratione, ut Sfortiā
copiāsque eius excluderet ab ope ferenda Mediolanēsisibus,
castra muniit. Iam Lescunus Genuam peruenerat, collectio-
que peditatu fratrem admonebat, Nouariam si sibi obuiam
copias mittat, recipi posse: mittit ille Annam Mommoran-
tium & Federicum Bozulum cum peditum septē millibus
& equitibus quadringenis. Mommorantius mox Vigle-
uenum castris palsisque Casarianis recepit. Narrant postea
arcem receptam à Lescuno: uituperantque Hispanos in eius
arcis deditioe, quod cū Italis commilitonibus suis non
minus ac sibi consulere potuissent, irati Galli arbitrio conci-
dendos eos dederint: eius rei author Christophorus Longo-
lius. Inde iunxit copias Lescuno Antonius Leua & Feder-
icus Gonzaga, summo silentioeductis raptim è Ticino qua-
tuor Germanorum milibus, & trecentis equitibus, ad Gā-
belotum uicum obuiam sit Mommorantio. Apud eum ubi
parata uident omnia ad certamen, in urbem rediere: ille ad
Lescunum contendit. Philippus Torniellus cum peditum
duobus millibus ducentisque equitibus Nouaria præsidio
relictus erat. Signum dat Lescunus ad inuadendam Noua-
riam. Torniellus suis excitatis celeriter arma cepit, Gallōs-
que repulit: & quibusdam interfectis nihil minus quā de
deditioe cogitabat, misso Carolo Salominio ad Sfortiam,
auxilium expectans. Lescunus & Mommorantius cū

machinis ad motis strauissent mania, sit impetus ab Aquilano Heluctioque pedite, iam proposita urbis direptione. Illi primum acerrime obsistere: mox ubi redintegratis uiribus actius oppugnantur, undique circumnenti desperata salute, se per munitiones deicere, & fuga salutem quaerere ceperunt. Nouaria direpta est: multi caesi. Torniellus, Rusca, & plerique alij capti. Casus est tamen Renatus Bouchagius unus e Gallicis proceribus spectatae uirtutis. Interea sfortia clani nocte flexuosis itineribus Mediolanum peruenisse refert Lautrecus: itaque ad Papiam oppugnandam traducit copias, celeriterque ad motis tormentis sternere incipit moenia, ea parte, qua uergunt à porta Noua ad castrum. Praeerat Papiæ Federicus Gonzaga, & semel atque iterum sub motis Gallis, Sfortiam & Daualum admonebat, ni mox adsint auxilia, urbe se Lautreco cessurum. Galli ut mutui auxilij spem Casarianis adimerent, & castra diffuderant ingenti latitudine, & sua & Venetorum itinera obsidebant. Missi tamen sunt à Daualo mille ducenti pedites, partim ex Corsica, partim ex Hispania, qui media nocte hoc astu fefellere uigiles, dum obambulantes per Veneta castra Aquitanicè loquuntur, pro Aquitanis à Venetis habiti sunt: Gallicos autem uigiles Italica lingua decipere pro Venetis habiti. Verum in cautiore uigiles incidentes, tesseraeque nomine ignorato detecti, dum ad arma undique conclamatum esset, plusquam quadringenti caesi sunt: reliqui fugati aut capti, exceptis paucis qui Papiam peruenere. Hos insecutus est Petrus Riberacus Daydius Aquitanus, consanguinitate Lautreco proximus, alaeque eius signifer, qui Ticino transmissio in hostes ferebatur tanto impetu, ut intra portam quæ Ticino fluuiio iungitur, militare uexillum intulerit, capique potuerit urbs si ceteri eodem impetu secuti essent. Sed tardius accurrentibus & Riberacus cecidit, & Ioannes Lan-

Arnol. Ferroni de rebus da Bernolius

da Bernolius unus è Medulorum nobilitate pila plumbea percussus circa gulam. Rupiposus quoque uulneratus est. Lautreco ita mortem Riberaci agrefereute, ut incolumes hostes saluo eo cupere se diceret Papiam peruenisse. Eo acerbius quaterere cepit moenia: iamque strarat triginta muro- rum cubita, cum subito Sansius Castalius cum centum equitibus & ducentis peditibus uisus est, parans sibi aditum inuitis Gallis in urbem. in hunc Renatus Sabaudianus, & Palicius, & Galeatius Sanseuerinus inuecti, multis caesis in fugam hominem uerterunt. Tum uerò mox adfuit Daualus cum flore equitatus omnis hostilis & peditatus: eius aduentu commotus Lautrecus, acie instructa in eum graditur: ueritus quoque ne unà Prosper adesset. In hac trepidatione Castalius Gallis ereptus, fuga sibi deuiss capratis itineribus consuluit. Daualus sensim se ad suos recipiens, Gallos frustratus est. Apparebat Lautrecum potiturum Ticino: itaque eductis omnibus copiis, Prosper & Daualus pergunt ad soluendam obsidionem: occupatioque sodalium Cartusianorum fano, indeque Venero praesidio pulso, castra munierunt. Ita Lautrecus soluit obsidionem, cum & illud intelligeret, Corsicos & Hispanos pedites prius inuitis Gallis cum ferro sibi iter aperuissent, Ticinum ingressos: & cum propter assiduos imbres minus annona in castra inferri posset, consumptaque esset omnis pecunia in stipendium militum à Sabaudiano allata, soluisse Lautrecum obsidionem uerisimile est, Heluetio quoque milite iam missionem seditiosè flagitante. Circa ea tempora archipiratae aliquot Hispani, deligentes sibi insulas aliquot haud longe à mari Santonico, quas habebant adiutrices scelerum, furtorum receptrices, flagitiorum socias, mare Santonicum oramque Medulorum circa fanum Virginis Solacae uariè uastabant, in Blauiam ipsam & Burdigale

uicina loca inuecti. Quidam cum myoparonibus deprehē-
 si, alius ad malum, alius ad cornua antennarum gula fracta
 pœnas dederāt. Strabo urbis Santonum Mediolani memi-
 nit ad Oceanum uergentis maxima ex parte arenosæ, &
 agro tenui ex milio alimoniam captantis, quam ait reliquis
 fructibus sterilem. quæ satis ostendunt, ad eorum urbē quos
 hodie Santones nominamus, uix referri posse. In Medulo-
 rum finibus, uisuntur ruinae urbis cuiusdā, ut & apud Sā-
 tones loco arenoso, haud longe ab Arueto. hæc Oceani im-
 petu an corruerit incertum. Vnus quoque Gallicus pirata
 cum ad Barcelonem usque temere prouectus esset, circum-
 uentus supplicio à Cæsarianis affectus est: hunc Ioannem
 Fleuriū uocabant. Normanus is erat, rei nauticæ peritissi-
 mus: sed uicis permultos hostium, alios miserè funditus e-
 uerterat, alios non solum bonis exhauserat, sed nefarias etiā
 libidinum cōtumelias, turpitudinēsq; subire coegerat. Lau-
 trecus ad Landrianum è Ticino mouens, celetuer cōtende-
 bat, aut Mediolano se potiturum Prospero Daualōque ab-
 sentibus, aut nacturum in itinere iustæ pugnae copiam cre-
 diderat: utraque spe deiectus est, cum deuiis itineribus no-
 ãte Daualus regressus esset Mediolanum. Itaque Mogun-
 tiam exercitum traduxit, & ueritus Heluetiorum seditio-
 nem, & Veneti ne dilaberentur metuens, nanque hi com-
 meatibus eum suis uti uolebāt: atque hos quidem dum a-
 bundè toto bello & Cæsarianis & Gallis suppeditant, in
 lucro id deputantes, bellum trahi è re esse sua putabant. Hel-
 uetū & si stipendius solutis nihil queri possent, uel desiderio
 repetendæ patriæ, uel quòd à paucis Cæsaris pecunia corru-
 ptis admonebantur, nō reditum festinarent, futurum ut de-
 creto gentis pro proscrip̃tis haberētur, aut ultro pugna depo-
 scebant, aut discessuros sese palām iactitabant. erat utrunq;
 sane quàm durum Lautreco atque acerbum. Nam & ad

Picocam (aliq Bicocam uocant) munito loco confedisse hostes
 uidebat, nec inde nisi magno accepto incommodo erui posse:
 & Heluetiorum discessu debilitatas regias copias uidebat.
 Itaque palam submitens nobilissimos homines, & Hel-
 uetius uirtutis nomine notissimos (in quibus fuere Renatus
 Sabaudianus, Palicius, I. Medices, Galeatius, Sanseuerinus,
 Lescunus frater, Mommorantius, Terralius Baiardus, Io-
 annes Bonauallius, Pontiremius) multis precibus conten-
 debat ab Heluetiis & Alberto Petra, qui eos maxime aut
 ad discessum aut pugnam sollicitabat, ut abeundi pugnandique
 consilium remitteret, donec hostes fatigatos commea-
 tus inopia aut ui tormentorum bellicorum, e locis munitis
 eduxissent. At hi unico uerbo praecedentes, aut pugnandum
 aut abeundum clamitabant. Re ad concilium a I autreco
 „ relata, Palicius dimittendos potius Heluetios censebat: Re-
 „ natus Sabaudianus & ceteri omnes, excepto Petro Na-
 „ uarro, satius esse aiebant tentare eventum belli, quam incer-
 „ mes copias dilabentibus Heluetius hostibus obicere, mox
 „ eis praeda futuras. Nauarrus I autrecum, Lescunum, Pali-
 „ cium, totque nobiles imperatores Gallicos singulos regno
 „ dignissimos, multis casibus didicisse quando pugnandum,
 „ quando abstinendum sit pugna. Intolerandum esse si Per-
 „ alta & Heluctij docere uelint tot bellis assuetos, quiescen-
 „ dum an pugnandum sit. Rationes aliis in rebus a fœdera-
 „ tis forte in tempore reposci posse: nunc nisi auctoritate tot
 „ procerum contenti sint, pro perduellibus habēdos. Esse Gal-
 „ lis uictoriam exploratam, si intra paucos dies consumpta
 „ annona, munimentis, agmine effuso hostes abeuntes paten-
 „ tibus in campis adoriantur. Nunc si castra eorum praeter
 „ fonticulis undique munita, uallo insuper septa innuadentur,
 „ quis non uideat inde Gallos maxima clade accepta reditu-
 „ ros? Itaque nisi qui stipendia Gallica iam consumpserint,

„ Gallico imperatori pugna consilium differenti pareant, cō-
 „ cidendos esse aut potius domum remittendos aiebat. Vide-
 „ batur hac sententia durior alieno tempore, cum Gallicæ res
 „ auxilium Heluetiorum starent: cum rursus & Palicius &
 „ Lescunus & Sabaudianus frustra adnisi essent, ut Helue-
 „ tios à pugna deterrerent, satius visum est pugnae copiam
 „ fieri. Lautrecus accitos ad se Albertum Peraltam & Arnol-
 „ dum Vnderaldū Heluetiorū duces, Hōccine rogauit huma-
 „ num esset factū aut inceptum? hōccine officiū fœderatorū
 „ dissentientibus omnibus succlamare, praliūque poscere,
 „ aut discessum minari? Obiicere hostilibus munitionibus ex-
 „ ercitum fortissimum, maxima auxilia, proceres Gallicos,
 „ prouinciam Mediolanensem cunctam, summa dementiae,
 „ & temeritatis esse: sibi quē si ita oppressus esset, rēque Me-
 „ diolanensem perdidisset, mortuo non modo honorem, sed
 „ misericordiam quoque defuturam. Cum sc̃tes huc meas
 „ omnes collocarem, quid iam habiturus sum reliquum, si
 „ hæc mihi atque Regi expectatio in uobis posita decoxerit?
 „ Persacra omnia obtestatus est, cuncta ut integra intra ali-
 „ quot dies seruari: daturum se operam quoad copias alias
 „ Rex submisserit, salua ut eis omnia sint. Illi adhac, sustinere
 „ se non posse Heluetios: nisi in crastinum diem pugnam de-
 „ cretam audiant, omnes dilapsuros. Ita Lautrecus Gallici-
 „ quē alij proceres, illi tum Heluetiorum delitius, tum Altosaxi,
 „ Peralta, Vnderaldi, Polamyri, qui multum apud eos pote-
 „ rant, insolentia, copias propē in aspectum hostium adduxe-
 „ runt, Heluetiis summo impetu in hostem ruituris: à quibus
 „ nec impetrari potuit, ut nocte prius tentarent educere ex ea
 „ munitione hostes, pollicente Lautreco futurum, ut pluribus
 „ locis circumductis machinis, hostes loco depelleret, debellan-
 „ dōsque daret. Præmissi sunt Petrus Terralius, Baiardus &
 „ Petrus Nauarrus, qui munitiones hostium, à qua parte cō-
 „ Arnol. Ferroni de rebus modius

modius inuadi possent, renuntiarent. Aciem ita distribuit Lantrecus, ut Lescuno partem equitatus cum Pontiremio, Hugone Pepulo, Mommorantio attribueret: alteram sibi ipse sumeret cum Federico Bozulo, Galeatio, Sanseuerino Sabaudiano, Bonauallio. Theodorum Triuntium & Venerorum equitatum iubet Heluetiorum terga claudere. Iohanni Medici (is post Leonis Pontificis mortem, quod Vido- nem Rangonium à Florentino populo, in copiarum impe- rio ferre non posset sibi praelatum, Gallicas partes sequeba- tur) cū expeditis equitibus imperat mox in hostes præcur- rat. Prospero tuto loco ad Bicocam castra fixerat. Ad dex- tram fossa uia militari muniebantur: laeua & à tergo, duo- bus fonticulis clauderantur: in fronte uero admodum erat caua, & implicita. Itaque eo loco machinas & pedites posuerat cum Daualo & Georgio Franispergo: Hispano Italoque pedite succincto pilis plumbeis in fronte collocato, ipse à tergo cum equitibus constitutus erat: constituto quoq; Francisco Sfortia militari uia, qui eò è Mediolano exiit, fortissimo quoque peruenerat. Aliquantulum Medicei equi- tes cum Petro Castalio, qui ad exploranda Gallica arma præcurrerat, dumicant. Multi utrinque desiderati, sed Medi- ce ut habebat expeditissimos equites, uariè hostes ludifican- te, proripuit sese Castalius. Helnetij uix dato spatio ad di- sploendos maiores machinas, temere quanquam acerrime in frontem aduersus Daualum & Germanos prouunt: sed ab Hispano Italoque pedite emissis pilis aeneis ita prostrati sunt, ut & alij impliciti fossarum altitudine, alij pilis concisi sint. Plerique per cadauera caeorum, difficultatem locorum transgressi, in hostes proruperunt. In qua rerum uarietate, à Peralta Franispergus uulneratus: reliqui diu cum locorum angustiis conflictati, Germanis & Hispanis irruentibus, & instar turbinis pilas uoluentibus, pulsi loco cesserunt. Ve-

neti quoque equites dum Heluetios terga uertere uident, cū Theodoro Triuultio mox sese proripuerē. Iusserat Daualus, assuesceratq; pedues, ut cū ex priore ordine pilas aneas uoluissent, in genua proclinati secundis uoluēdi locum aperirent: idem aliis ordinibus imperarat, ita ut sequentes cū uoluissent, primi consurgentes qui interea impleuerant fistulas ferreas, rursus nouas ipsi pilas uoluerent. At sinistra parte Lescunus, cū strenuē transilisset duplicem fossam, captis caesisque multis Sfortianis, tentorio quoque Leua & Castaliū direpto, properabat ad pontem occupandū. Atrox tenuit certamen utrosque. Sed tamen cū Sfortiani minores machinas diuina quasi uirgula loco opportuno transulissent, easque in transuersos Gallicos emisissent, & essent loca munita fustis, & funibus & cippis ita coniunctis inter se atque implicatis, ut qui intrarent, seipso acutissimis uallis induerēt: irrita erat Gallicorum equitum uirtus, cū pedites maxima acclamatione uocati nusquam adessent, equoque suffosso, quem eo die Lescuno Lautrecus dederat: cum is ex uulnere debilitatus nusquam se loco moueret, quantum uis calcaribus agitatus, in periculum ille uenisset, nisi ab Ossuno primum, mox à Lupeo auxiliū latum fuisset. Lupco qui signifer erat Lautreci signum elapsū. Id dū Ianotus Monferratus adolescens, quem & Portensem uocabant, magna ex parte sustulisset, uolentibus hostibus undique pilas, hosti cessit. Canaplio qui Pondormij signum efferebat, equus suffossus. Salutianus cum Lescuno intrepdē periculo se offerebat: Mommorantianus pilis undique emissis eodem fuit in periculo. Adfuerē & eo praelio ala illa equitum, quæ attributæ erant Ludouico Arsio & Aubignio. Heluetij ea fuere contumacia, ut neque qua parte Baiardus præscribebat, impetum cum eo fecerint, neq; fracti cū integræ essent plures cohortes, obicere se hosti uoluerint.

luerint. Lautrecus nihil territus Heluctionum strage, Vene-
torumque fuga, à dextra sumpta rubra cruce hostili insigni,
mutatâq; alba, & Eironymi Adurni & Colssani equi-
tes fugarat, & unâ cum Casarianis parum absuit quin ca-
stra hostium penetraret. Prosper dolo intellecto, herbæ ui-
rentis fasciculos, quibus locus ille abundabat, mox suos om-
nes colligere iussit, uti ab hostibus discerni possent. Cum
undique aggeres, fossæ palus perforatis, interiectis longuriis
impedirent equitatum, pedites hostium pilis emissis in latus
obuersi multos conciderent, Lescuno fratre ad se redeunte,
iam suadentibus omnibus frustra uim ad moueri, receptui
canit. Discessum Gallorum nihil simile fugæ habuisse faten-
tur Galeatius Capella, Barladus, exterique omnes scripto-
res: non militem ullum, non equitem, non quicquam impe-
dimentorum, non machinam ullam bellicam, dum se reci-
piunt Galli interceptam. Daualus cum saucium Guineam
cum duabus cohortibus in discedentes emisisset, effecit, ut
unâ cum Guinea à Batardo, Medice & Heluetiis qui ma-
chinis reducebant, concideretur. Emissi mox hostium equi-
tes à Pontiremio, Mommorantio, Lescuno, unâ cum Medice
redeunte in castra compulsi sunt. Eo prælio necatus Roque-
laureus, unus ex Albiensi nobilitate, signifer Philippi Cha-
boti Brioniæ, & Petrus Lurus Longanus è Petrocorio-
rum Longana illustri familia: Lescuno equus suffossus est,
idem alio equo admissso ense in os impacto uulneratus est.
Ex Heluetiis Peraltra & Vnderaldus, & Altosaxus cæsi: ex
quibus etiam duo millia cæsa aiunt. Desiderati quoque
Miolantius, & uicinus Sabaudianis Gurycheus, quem La-
guichen uocant insigni genere è Burgundia, & Monfortius
è Lauallorum Britannorum familia, & Turnonius. Ex ho-
stibus quoque Petrus Colisanus Cardonia familia natus,
quem alij Ioannē Cardonensem uocant, Guinea & Paulus

Vagius casti: uulnerati Alphonsus Vastius, Georgius Franspergus, Hieronymus Adurnius, Ambrosius Landrianus, Castalius, & plusquam trecenti alij. Ita fractis Gallis, caesis Heluetiis, nullo ex hostibus iam sequente, copiae inde eductae sunt, Vadenesio qui paruulo equo uehebatur tardius sequente, atque hac identidem Heluetiis suggerente, Siccine uenimus? Prosper deinde Laudem Pompeiam profectus, frustra Carolo Casterao Aquitano adnidente, ipsoque Bonauallio segnius urbem tuente ac stertente, Italoque pedite dilabente eam recepit, diripiendamque militi dedit. Lautrecus cum Heluetij ne salute quidem Gallis reddita dilapsi essent, ueriti ne minus stipendia à Lautreco repraesentarentur, equiti quoque plurium mensium stipendium deberetur, Tritium peruenit: cumque deesset pecunia, fidemque omnem suam consumpsisset, ipse fratre Cremonae relicto, comitante uno tantum atque altero seruulo, per Heluetiorum fines in Galliam reditum parabat. Veritus uero insidias hostiles & Heluetios aliquot, in quos pugnae ardore temere flagrantibus inuectus fuerat, ipse uidulo sarcinulas compositas equo uehens iter faciebat, uno è ministris pro hero se gerente, atque ita in Galliam rediit. Nactus est autem Regem grauissimè Mediolani amissi iacturam ferentem, praecipitatumque eius inde discessum carpentem. Is Lautrecum etsi satis hilari uultu excepisset, ueluti re male gesta, haud eodem quo prius locu numeroque habere uidebatur. Nam multi è castris redeuntes in eum Regem incenderant, Palauicini bona dirupta iactitantes: & moleste constabat ferre Regem quòd eo tempore Mediolano excessisset, quo nondum illius recipiendi abiecta omnis spes uideri poterat. Quodam die Lautrecus ad Regem admissus, Carolo Borbonio impetrante ut audiretur, atque ut nullis simulationum inuolucris, militaris potius quàm eloquentiae aulicae homo iram tegere pote-

„ rat, sic Regem affatus est: Audita tibi esse arbitror, here,
 „ quæ Mediolani, quæ Papiæ, quæ nuper ad Picocam acta
 „ sint: quæ fuerit cuiusque sententia de bello, munitionibûsq;
 „ hostium eo tempore minime inuadendis. Magnum in Gal-
 „ lia Transalpina bellum, magnæ Caesaris copiæ, mihi perdis-
 „ ficilis ratio administrandi præsidij, nobis parum sumptus
 „ annuus uix numeratus. Neque ego superiora repetam, sed
 „ extremo bello si ab Heluetiis impetrari potuisset, ut pugna-
 „ di ardorem in mensem unicum differrent, aut oppressum
 „ iam esset bellum, aut Casariani in aduersissimâ illis loca cû
 „ detrimento eorum maximo extrusi. Fuit aliquis fatalis ca-
 „ sus quem tulimus, quoquo modo tamen ferendus fuit. Ego
 „ quidem reliquique Gallici proceres, consilio quantum po-
 „ tuimus, labore plus penè quàm potuimus excubauimus, sal-
 „ ua ut essent omnia. Cum hæc ita sint, grauitè fero alios uc-
 „ tera accersere de Palauicini cæde, qui decreta quæstione à
 „ peritis iuris legumque ciuiliû, dånatus sit: alios præcipitatis
 „ meum inde discessum apud te obliquè carpere. Equidem sa-
 „ cere non possum, here, quin grauitè feram, aditum patere
 „ ad aureis tuas uanis hisce sermonibus pusillorum hominû,
 „ et ipsa maleuolentia ieiunorum atque inanium: nec ani-
 „ mitui magnitudo, nec acerrimum iudicium multis magnis-
 „ que rebus perspectissimum id postulat. Didicisse enim ui-
 „ deor à maioribus, quò grauius sit crimen id quod ostendi-
 „ ture esse falsum, hoc maiore ab eo fieri iniuriam qui cõsingat.
 „ Paratus est enim grauitate criminis ita occupare animos
 „ eius qui audit, ut difficilis aditus defensionis relinquatur:
 „ in iis explorandis maiores partes esse prudentiam eius ad
 „ quem ita res deferuntur. Profectò si me uirum fidelem inc-
 „ minissent, me quoque ex natura sua fingerent. Atqui sic hæ-
 „ beto, te tot tuus in me præclarissimis beneficiis non modò
 „ id asecutum, perpetuò ut animam hanc pro te expositam

„ uelim (quod quidem ipsum cum tua parum referat, mea cer-
 „ te plurimū interest, ut ingrati animi tot cumulatū honoribus
 „ notam fugiam) uerū me etiam ubi uoles, daturum o-
 „ peram, uti ne tot in me profusorum honorum unquam pœ-
 „ niteat: ut uoles uel utare uel nō utare opera mea, a quo ani-
 „ mo laturus sum. Si quid aliud te offendit, tuum est admo-
 „ nere. Ego quidem innocentia una reclusus, prudentiāque
 „ tua fretus, mihi persuadeo graues maleuolorum suspensiones
 „ discussas fuisse: iamque sentio causā nostrā ueritatem, & si
 „ uanis rumoribus diu affluctam, tuā humanitate & quitatē
 „ que erigat: que recreari: maiora à te ornamenta consecutus
 „ sum, quā sperare unquam debueram. Id eò sane pertinet,
 „ ut intelligas, quā mihi maiestas tua & fuerit & esse de-
 „ buerit curæ: si modo is ego sum, ut planè sum, qui officium
 „ meum, memorēmque erga tot tua merita animum prastite-
 „ rim. Illud tamen admonebo: si equiti Gallico plurimum mē-
 „ sium stipendia non defuissent, me Laude aut Cremona non
 „ moturum. Cremona tamen prasteci fratrem. Cum plerisque
 „ in rebus gerendis tarditas & procrastinatio nocere solet,
 „ tum hoc bellum indiget celeritatis. Succurrendum est Lescu-
 „ no, & Genuensibus horam si eximis ullam in eis submit-
 „ tendis auxiliis, nihil est quod amplius sollicitus sis de Me-
 „ diolano retinendo, hosti omnia patebunt. Hæc admoneo,
 „ qui ut nō omnis peritissimus sim belli, cum Casarianis qui-
 „ dem manum conferere bonis malisque meis didici. Ad ea
 „ Franciscus Rex, ut erat humanissimus & suauissimus: Ea
 „ orationis tuæ pars Lautrece, qua mea in te beneficia enu-
 „ meras, minime necessaria fuit. Ea si ideo enumerasti ut uel te
 „ nō ingratum ostenderes, uel meum in te amorem excitarēs,
 „ neutrum eorum adducere te debuit in eam commemoratio-
 „ nem. Neque enim tu ingratus esse potes, qui re non uerbis
 „ industriā tuā mihi tot bellis perspectā probaris, omnēque
 „ Arnol. Ferroni de rebus uel

„ uel cogitationes meas officiis tuis uiceris . Neque ego is sum
„ qui à te amando reuocare tam facile animum possum , nisi
„ tu is esse desinas qui es, animique magnitudinem fidemque
„ dediskas . Itaque si me amas , ne tu posthac ad me quidem
„ quicquam eiusmodi . Te uerò scire uelim(quod subuereri ui-
„ deris, gratiam nostram, & quā de spectata tua fide semper
„ habui opinionem , nullius unquam sermonibus labefacta-
„ tam . Apertè quidem uel odisse magis est ingenū mei , quā
„ fronte occultare odium: neq; facile criminibus credidi obla-
„ tis, neque unquam in exulierato animo fictum crimen insi-
„ dere sum passus . Tibi quidem certe nullo loco deo: idque
„ etiam si mihi tecum nihil unquam fuisset, facerem propter
„ singularem illam animi tui magnitudinem . Grauer uerò
„ tui praeipitatum tuum è Cremona discessum , cum neque
„ Gallicus equitatus, neq; firma Venetorum auxilia deessent,
„ ipse peditem conscribendum nouum mihi proponerem, quē
„ tibi mox submittere . Itaque egi tecum paulo quidem aspe-
„ rius quā tu putaras & expectaras: sed & iracundia Me-
„ diolani amissi perinotus , aut ne me tam remissum putares,
„ si in eo uultus seueritate nō te admonerem, in quo te omnes
„ culpa minime eximebant . Nam equitum stipendia haec-
„ nus à me tibi curata sunt , aut summa perfidia à qua stori-
„ bus interuersa . Me quidem in posterum tuae dignitatis non
„ modò fautorem sed amplificatorem cognosces . Ad ea Lau-
„ trecus , quinque se mensium stipendia corrasisse ostendit , se
„ aluisse milites eo tempore, fidem iam suam omnem consum-
„ ptam, non potuisse uicem se fisci praestare, amicos omnes se-
„ que ipsum aere alieno obstrictum . Cū nulla spes nummi
„ affuisset, dimissos Heluetios , qui nec triplici stipendio reti-
„ neri potuissent: ignoscendum Gallicis equitibus multis si do-
„ mum rediissent tanto tempore dilato stipendio: reliquos mu-
„ nitis locis praesidio relictos . Tum Rex , qui pecunias puta-

bat ad eum missas, Iacobum Belnensem Samblancianum
 quæstorem uocari iubet: uenientem rogat num pecuniam
 prætorum mensium ad bellum Lautreco curasset. Ille cū
 primò impudenter respondisset, ad extremum debilitatus
 atque abiectus, se numerasse quibusdam fassus est: hiq̃ue
 introducti cum faterentur, culpam tamen deprecarentur,
 quasi putassent ea nō missa, salua omnia Regi futura. Tum
 „ Rex: Enimuero, ait, abiecta est spes Mediolani recipiendi,
 „ idq̃ue nostro merito: non si ipsa uictoria uelit, ipsi uincere
 „ posthac Cæsarianos Mediolanóque pellere possimus. Nec
 plura locutus, bono animo omnes esse iussit, ut erat officio-
 sissimus & humanitate omnes omnium gentium & pro-
 ceteres & reges uincens, cum Lautrecóque rediit in gratiam.
 Hac excepta à Iacobo Minutio præside Tholosano, qui
 Lautreco fuit familiarissimus, narrare libuit, fidei periculum
 in me minime recepturus, quando in gratiam Lautreci ab
 eius familiaribus conficta arguere quis posset. Accidit ut
 quodam die Rohanus Spurius Diacetes Rhotomagensis
 qui ostio liminis regū præpositus erat, homo asper & ferox,
 uel ea re initurus gratiam apud aulicos, uel suapte asperita-
 te & petulantia, cum egrederetur è cubiculo regio Lautre-
 cus, talos ei uixdum egresso conculcaret ianua celeriter im-
 pacta. Non tulit ille ferociâ aulici mancipij, foribusque mox
 apertis multis intrepitum uerbis, pugno in os ferociter im-
 pacto, cecidit: quod aliis in animum Regis descēdisse mul-
 ti putabant, expectantes ut eo nomine decerneretur quæstio.
 Sed us contumeliæ impatientem Lautrecum cum scirer, aut
 dissimulauit, aut ignorauit ut alij uolunt. Nā Lautreco quin-
 decim postea dies Lutetiæ obambulante, nihil auditum est
 in eum seuerius: quin & in aulam reuersus, cum Ludouica
 regia mater de ea iniuria exposlularet, causam ei suam pro-
 bauit: & Gulielmo Gounfierio subiiciente, se libèter Regem

Arnol. Ferroni de rebus

placaturum,

placaturum, sibi uerò non opus intercessore respondit. In Aquitaniam deinde rediit, cuius rector erat, ad res partim quarum suprà meminimus, componendas: contractis etiam ad Tartasium Aquitanie urbem copiis, quibus hostium incursiones reprimeret. Vbi Petrus Pontius cui Fuxeo cognomen, pedibus præsuit & Ioannes Monferratus. Hostes quidem triplici parato exercitu effusi sunt in Aquitaniam: neque redeundi consilium cepissent, nisi Lautrecus, corruptis ipse prius & direptis frugibus, inutile eis solum & sterile uacuumque reliquisset. Ita factum ut cū illi multa facere uiderentur egregie, uerterint ad extremum omnia, frustratāque est ita Casarem Aquitanie spes.

ARNOLDI FERRONI RE-
RVM GALLICARVM

LIB. VI.

DVM ita Galli & Casariani de Mediolano certant, Solymanus Rhodum terramarique oppugnabat. Repetam uerò & ueterem aliam Rhodi oppugnationē nihil ab historia Gallica alienā: cū utranque Gallicis ducibus, ære, milite, magna ex parte confectam omnes satis intelligant. Annus agebatur Millesimus quadringentesimus octuagesimus, quo tempore Romanis sacris Sixtus quartus Pontifex, Romano imperio Federicus tertius, Gallus Ludouicus undecimus, Rhodiis Petrus Dabussius Gallus Aruernus præerat, cū Mahometes Turcarum tyrannus, qui unus potentia & opibus haud inferior omnium aliorum uiribus erat, consilium inuit de Rhodo oppugnanda. Eius oppugnandæ habebat has causas: Quod

Gestis Gallorum Lib. VI.

graues uicini incubarent uiribus eius, facile si qua eum fortuna feriat, labantes res eius impulsuri: quòd multis myoparonibus mare infestissimum Turcis redderent: quòd ab eorum sacris abhorrerent: quòd uni omnium neque imperata facerent, neque leuissimi tributi impositione honorariaeue ulla alia professione, Turcarum imperium agnoscere essent parati. Ad hæc, ea is erat animi elatione & magnitudine, quibus nimia dominandi cupiditas in nascitur, ut & incredibili arderet cupiditate nominis illustrandi, & æquum censeret neminem imperium eius detrectare. Augēbatur ea cupiditas perpetuo cursu prosperarum rerum. Erat Antonius Meligalus Rhodius, familia non ignobili, uario homo ingenio. Is cū delectaretur magnificis apparatibus, uitæque cultu cum elegantia & copia, patrimonium paucis annis deuorauit. Redactum se ad penuriam uidens, homo omnium nequissimus, nihil humile agitabat, is cui nihil unquam nefas fuit nec in facinore nec in audacia. Meditabatur uerò ut prius patrimonium, ita patriæ ruinam: neque ita se parauit ut spes nulla reliqua in se ipso sibi esset, & consiliū cum se amisisse dicere: ut quiduis perpeti & patrare, quā squalidus Rhodi, cū bona abliguriisset, maluit. Is cum indignus esset Rhodo, fallax & leuis, & ad assentationem eruditus, in regiam Mahometis Constantinopolim peruenit: ac licet antea ignotus, suis tamen artibus id affecutus est, breui ut in Mahometis familiaritatem penitus intraret, cum eum acueret ad Rhodum debellandam. Attulerat is secum Rhodice urbis descriptionem, portis, propugnaculis, munitionibus, arcibus, portubus, uicinis locis ita apte descriptis, representare ut urbis faciem faciliè uideretur. Idem quā mari peruadendum, quò exponendæ copię, qua parte propugnacula mœniæque sternenda essent, ita acutè dissebebat, oblatas ut diuina uirgula ad antea meditatā oppu-

gnationem

gnationem uideretur. Pellexerat is in eandem patria perniciem unum, cui uana spe animos inflarat quasi orto familia Palæologorum, & Euboicum Demetrium, & Sophoniū, qui quasi magorum uanitati deditus male passim audiebat. Expectabat uerò Antonius, Rhodo uicta, urbis prefeturam. Is uerò prætexebat cupiditati suæ Græciæ libertatem, quæ & innumeris portoriis & uectigalibus, & acerba seruitute opprimeretur à Latinis: se uerò eam iactabat provinciam suscepisse, ut mederetur incommodis Rhodiorum, prouideret salutem, quasi patriæ amator & dici & haberi uellet: quasi uerò fidelior hic esset patriæ, quàm CHRISTO OPTIMO MAXIMO, cuius sacra homo impius uictus Mahometis auro, intra paucos annos passim repudiauit. Erat Petrus Dambussius (quem alij Dambossianum, alij Ambussionum, alij Maubussionum uocant) ortus parentibus nobilissimis, qui & re & æstimatione magna apud Gallos fuere. Puer sub sigismundo Cæsare uixit, mæfuetiorum Musarum amantissimo: ita factum quasi tinctus literis, ut multa quæ ad antiquæ historiæ cognitionem pertinebant, meminisset. Contigit huic forma decora, ingenium acre, conciliandæ eorum cum quibus uersaretur amicitie, ac promerendi passim amoris singulare studium. Adhibuit à Carolo septimo Gallorum Rege arduis negotiis, diligentie laudem à principe prudentissimo eam tulit, ut & amorem eius in suscipiendis mandatis, & fidem in conficiendis ac renunciandis perspicere se fateretur. Adscriptus inter Rhodiæ militia procures, optima & fide & fama semper apud eos fuit: ut Rhodiæ militiæ imperatores, qui sese magistros appellari uoluere, & abstinentem & moderatum & à cupiditate omni remotissimum, præterea magni laboris, summaque industria, & dignissimum summo Rhodiorum imperio iudicarent. Ita res Rhodiorum administrabat, ut

publicas res sic procuraret ut suas: ita uero manus abstineret ab iis, ut alienis. Idem plenus officij, gravis præter Gallicum morem, & liberalissimus: sic prorsus & Græcis & Italianis placebat, illius ut ordinis obseruarent neminem diligētius. Catus aded & sagacissimus in odorandis Turcarum Mahometisque consiliis erat, ut octauo quoque die per exploratores, quos magna uī auri subornabat, cōsilia eius notissima haberet: rursus idem uaser aded ingenio in iudicandis his quæ ab exploratoribus & transfugis nuntiarentur, raro ut bis ab eodem deceptus sit. Somni cum esset breuissimi, & nocte & die semper ad depellendos aut intercipiendos Turcas paratissimus erat. Rhodi mœnia qua parte infirma erant, sedulo instaurabat. Molas quoque manuales & publicè & priuatim curarat: solitus idem in otio de negotiis cogitare, & in solitudine se ita agitare, ut neque cessaret unquam, & magnum quid tacens etiam & ambulans meditari uideretur. Vbi circa mœnia Rhodi obambulare, & circa uicina loca (obambulabat uerò frequenter) quos acres & industrios ex suo ordine nouerat, rogabat ecquid hac parte satis munita propugnacula uiderentur: Quid si illa parte hostis occurrat, quæ ei anteuortendū: quid si multitudo hostiū superueniat, in eos qui urbe temerè eruperint, quæ receptui canendum, quo loco classis hostium commodissime possit incendi: quæ ad incendendam antea paranda, quæ diuerticula, quæ flexiones implicatis quaerendæ. Ex quo intelligebant omnes Dambuſium mentis agitatione, inuestigationeque earum rerum, quæ sibi necessaria uidebantur ad Rhodi conseruationem, neque otiosum esse, neque ubi in præsens certamē ueniendum esset, imparatum futurum. Nō latuere Dambuſium, quid Meligalus & Demetrius molirentur apud Mahometem. Curauit igitur magnam uim frumenti & tritici ex uicinis locis: sulphurei uerò

Arnol. Ferroni de rebus

pulueris

pulueris tantam copiam repositam habuit, ut hac una illius cautio maximi momenti ad uictoriam fuerit. Arma, tela, gladios, clypeos proceriores ad manibus arcendum hostem recondidit: per Antonium Dambuſium fratrem oppigneratis etiam annuis ueſtigalibus, pecuniam accepit: à Ludouico quoque undecimo Gallorum rege, qui bello Burgundico implicatus, distrahi ſuas nollet copias, dono accepit ſexto ante obſidionem menſe, ſexaginta nummum aureorum millia: à Ferdinando Neapolis rege quatuor millia, & cōmeatum in multos menſes: à Sixto Romano pontifice permiſſum, uti è ſacris uicinis decumam ſacerdotiorum multorum auferret, & ueſtigalia quædam quæ ambigui iuris inter Pontificem & Ferdinandum fuerant. Paucus quoque ante obſidionem meſibus Rhodum uenit Antonius Dambuſius frater, ſtipatus nobiliſſimorum equitum comitatu, qui maxime ex Aruernis erant. Venerat & cum eo Ludouicus è Craonum nobiliſſima Gallia familia, ſed ſpurius, Gulielmus Gomardus Xantonenſis, Claudius Columbus Burdigalenſis, Carolus Regius Diuionenſis, Ludonicus Sanguinus Pariſienſis, Matthæus Brangelorius Petrocorienſis, & alij plures è Gallia, inſignes omnes & bellicis rebus à pueritia aſſueti. Venerat & paulò antea Benediſtus Scaliger, ortus nobiliſſima Scaligerorum familia, cuius olim maiores Verona Italiæ quæ parte nobiliſſima potiti fuerant. Vtebatur autem ad omnia Dambuſius Carolo Montelono Heduenſi, quo neque prudentior quiſquam, nec fide maiore eſſe ferebatur, neque amantiſſimus. Cōcoquebat toto triennio eam expeditionem Mahometes, incertus adhuc fluctuansque an ſuſcipiendam ſibi proponeret. Tandem rem ad conſilium, uocatis intimis quibuſque, qui conſiliis bellicis adhiberi ſolent, reſert. Erant Mahometi trium generum conſultores, militares homines & ueterani, conſiliis milita-

taribus: ciuilibus negotiis urbani, sacris rebus sacrificuli adhibebantur. Ipse sapissime præerat consiliis, ita tamen ut audiret sigillatim sententias omnium, nihil eo loco decerneret: sed ut negotij grauitas exigebat, interdum ampliabat totam rem, interdum post aliquot horas aut dies clanculum iis qui summæ rei præerant, significabat quæ magis sibi probarentur sententia. Eam ubi semel indicasset, mox illi mandata curabant. Deliberatio omnis hæc fuit, esse ne Rhodus opugnanda. Cum iniuriæ Rhodiorum erga Turcas plurimæ, tum contumeliæ illatæ recentes, adducebant multos ut opugnandam dicerent. Accedebat illud, uicina insulam & Latinorum auxiliis tum nudatam, non difficile esse intercipere: quæ multis rebus usui esse possit ad subigendas reliquas Europæ partes. Neque uerò periculum esse, ne inde cū aliquo fortè dedecore abeundum sit, cū multo plures machinæ ad eius expugnationem afferri possint, quàm Rhodo urbi sint lapides, quibus ambiantur mœnia. Qui uicina cætera in continenti litora possideat, cur Rhodo abstineat? cū & ueteres Rhodum Asiæ addiderint, quæ Cariæ obiiçitur: Asiam qui subegerit, æquum ne esse Rhodios uana libertatis nomina, exterorumque Deorum cultus iactitantes, colentesque intueatur? In hac parte hæc erant quæ Turcas accuebant ad eius obsidionem urbis: in altera quæ deterrerent hæc: Diuersam causam Rhodi opugnandæ quæ olim fuerit, aut Constantinopolis, aut Trapezuntij imperij: Ibi pro imperio certatum, hîc pro insula quæ uix emergat. Cur tot corpora in certam perniciem trahenda? Non idem futurum bellum quale nuper ad Chalcidem aut Scodram: deligi insulam omnium bellicosissimam ad prælium, ubi sedes Latinorum equitum fortissimorum, ubi multæ uires, multi qui concurrant, multi qui defensam uelint: etiam si nemo auxilium ferat longius bellum futurum. Si reliqui Christiani

Arnoi. Ferroni de rebus

procetes

proceres succurrant, relinqui ad posterum bellum implacabile: eam oppugnationem cum Mahometi, tum Turcarum omni imperio inutilem & periculosam esse. Priorem sententiam probauit Mahometes. Decimo quinto postea die Dābusius per exploratores admonitus est, quasi non dubium bellum haberet: adfuturos mox Turcas Misacho Palaeologo duce (hunc & uocāt Mesithum Bassam, omnes quidem ortum Palaeologorum genere fatentur) cum maximis copiis: & euocatorum firmam manum, & fœderatorum populorum, regūque & sociorum tanta auxilia ad futura, ut octoginta hominum millia expleant. Ipse exercitu lustrato, Rhodiusque ciuibus & exteris, Iudeis quoque & seruīs qui ad arma non inutiles erant, sexdecim hominum millia habebat: segetesque etsi immatura essent, colligi & in urbē inuehi curauit, ne essent prædæ hosti. Iam per flexum litoris Lycū usa classis Turcica felicitate nauigandi, cū Auster leuissimus flasset, Rhodum contendebat. Rhodis situs à ueteribus plurimis copiosissimè descriptus est: uerū haud prorsus eodem loco nunc uisitur. Quà portus Septentrioni oppositus est, mari alluitur: quæ pars occidentem intuetur, hanc excipit planicies lapidosa, maiore longitudine quàm latitudine. Proximè uisuntur colles aprici ciuitati imminentes: nullis uicinis lautè ædificatus, & fontibus undique scaturientibus, hortis, oleastris, uiribus, cerasis, malis punicis, citriis insignes. Ignari ueteris historię, qui Colossū illum celeberrimum hodie describunt, cū Eraciū aut Constantij Cæsaris tempore, eius qui sectam defendit Monothelitarū, Saraceni ab Alexandria soluentes, capta Rhodo Colossū illum memorabilem demoliti sint, ex cuius ære nongentos camelos onerauerunt. Quà exitus patet in montem Philereum, Dambuſius propugnaculum munitissimum paucis antè mensibus erexerat. Vnde factum ut porta uicina Dā-

Gestus Gallorum Lib. VI. T

bosio qui ei successit, exornatam Fanum Stephani (ubi mōs
 huic diuo sacer ab eodem nomen accepit) uix uno miliario
 ab urbe abest. Habebat pluribus uicinis locis dispersitos in-
 dustrios homines Dambusiū, qui in speculis erant: qui ex-
 cubabant eo monte, primi aduentum Turcicæ classis tumultu-
 osè nunciarunt. Dissipatum interea est consilio ab hosti-
 bus, ut imperatum ab exercitu facilius Dambusiū op-
 primerent, Mahometem occubuisse. Hic rumor cum raucus
 esset factus, & per alios quorsum emanasset ille nouisset,
 nihil remisit de pristina cautione. Misachus Palæologus in
 classē profectus, uocari ad se iubet Antonium Meligaliū.
 Is paucos ante dies scaturientibus undique uermibus, te-
 trōque odore commotis omnibus, delū hominūque fidē
 implorans, quos ea perfidia implacabiles habebat, neque-
 quam, quiritās in mare à nautis præcipi: atus fuerat. Mor-
 tuum demersum passim aliis renunciatum est. Vocari dein-
 de iubet Palæologus Demetrium, eōq; ueluti interprete, &
 itinerum dūce postea usus est. X Calendas Quintiles equi-
 tatus Turcarum in monte Stephani expositus est. Ibi ma-
 chinas æneas, testudines apparatusque alium oppugnan-
 dæ urbis, ima montis parte collocarunt: ita aptè, ut ob mon-
 tis cacumen rupēsque, è Rhodo conspici non possent. Dein-
 de aliæ copię superuenere. Dambusiū & si antea delata
 quoque urbis præfectura, Antonio fratri uariè singulos hor-
 tatus fuerat, hac tamen oratione uocatos rursus omnes si-
 mul ad ferenda obsidionis incommoda hortatus est: Tan-
 dem aliquando, sodales charissimi, quod & literis multorū
 & sermone omnium perferebatur, uidemus anhelantes
 Turcas perniciem nostram: delubra, aras, sacrosanctāque sa-
 cra nostra uiolare paratos: uastitatem urbi huic nobilissimæ,
 perniciem singulis nobis moliri: fortunas omnium, uitam,
 spes, opēsque omnes, tot annis parata decora inuadere. Atque

„ ego quidem ut omnem belli Martem communem, & sem-
 „ per incertos esse praeliorum exitus non diffiteor, animi ta-
 „ me nostri magnitudine in spem certissimam uictoriae uocor.
 „ Susceptum ab eis bellum nullo nostro merito: causa belli
 „ nulla alia quam libido immensa propagandi imperij, op-
 „ primendi que nominis Latini, & excindenda sacrosancta
 „ Christianae persuasionis. Nobis machinae, arma, tela, com-
 „ meatus in multos annos: nobis auxilia è Gallia Italiâque
 „ firmissima: nobis denique dux & author CHRISTVS
 „ OPTIMVS MAXIMVS, quo freti uim ab hoste sce-
 „ lerato & impio facile depellemus. Nobis nominis CHRIS-
 „ TIANI tuendi cura exuscitat animos, & maiores ad-
 „ uim depellendam facit: illi pro impiis sacris propagandis
 „ laborant. Nobis Galli, Itali, Germani ad bella nati: illi Ae-
 „ gyptij, Syri, Afiatici militant ad delitias educati. Neque ego
 „ ullum uelim scientem in paratam perniciem incurrere, neq;
 „ uana se lactare animos: id tamen spondeo recipiôque, si
 „ longius bellum ducetur, & Gallica, & Italica, & Germa-
 „ nica, & Hispanica auxilia ea ad futura, non dicâ quae obsi-
 „ dionem soluant, sed quibus freti ultro & Constantinopoli-
 „ tanum illis Trapezuntiumque imperium eripere possimus.
 „ Videbunt illi neque sui se consilij ullum exitum reperturos,
 „ & totam eorum rem ita uacillare & claudicare, ut preci-
 „ pitum hinc profectionem inutile sibi sentiant. Quod si quid
 „ acerbitus etiam impenderet, conscientiam rectae uoluntatis,
 „ & uitam profusam tuëdorum sacrorum nostrorum gratia,
 „ ecquis nõ foelicissimam laudatissimamq; diceret? Me quidẽ
 „ ipsum atas & acta iam uita, cū suo cursu confecto ex ani-
 „ mi sententia in propagationem Christiani nominis, tū cer-
 „ tissimum quae maneant à patre illo caelesti, & diuino prae-
 „ mia eò uocant, ut uim etiâ futurôsque casus parum timeã:
 „ qui tamen ne nos opprimant quoad eius fieri potuit, data

.. egregie à nobis est opera. Vos fortè facite animum habeatis
 .. & magnum, quod est in unis nobis situm: reliqua temporibus
 .. regentur, consiliisque nostris prouidebuntur. Accidit ut
 die qui sacer est D. Ioanni, antelucano tempore Demetrius
 trans fuga, cuius suprà meminimus, cum turmis aliquot e-
 quitum & peditum iussu Palaologi, quasi qui in rem præ-
 sentem uenisset, circa muros obequitaret, locaque apta ad
 oppugnationem designaret. Non tulit Antonius Dambus-
 sius contumeliam transfuga (hunc Antonium alij Moteliū
 à ditione more Gallico uocant.) Is igitur circa recētem Tur-
 carum aduentum, ad existimationem nominis Latini per-
 tinete arbitratu comprimere eorum insolentiam, acceptis à
 fratre turmis aliquot equitum, quæ maximè ex Aruernorū
 nobilitate erant, eò contendit. Turcæ hortante Demetrio in-
 tenti, insensique eos excipiunt: committitur prælium. Anto-
 nius adesse, instare, multisque locis stipatus equitibus lectis-
 simis, in eos inuehi. Contra ea Demetrius cum Turcis ob-
 sistere: ubi quenque periculum ceperat, ibi resistere: pedites e-
 quitibus permisti, uim propulsare: denique quando nume-
 ro uincebant (neque enim plures emissi fuerant quàm cen-
 tum) à tergo Gallos inuadere. Antonius conuerso equo id
 intuitus, eo impetu in hostes inuectus est, ut iam illi impli-
 cati & dissipati cedere cogerētur: magna pars aut uulnera-
 ti, aut cæsi sunt. Ipse Demetrius suffossis iliis equi, procidēs
 obtritatus est equitum incursu. Muratus eques Gallicus dum
 cæsi spolia incautius legit, unā quoque necatus est, Turcis
 etiam caput eius palam conto gestantibus, ei quæ mira diri-
 tate insultantibus. Hostes qui ex prima eruptione Latino-
 rum robur fugati cognoucrant, Georgio Frapamo authore
 (hunc alij Germanum, alij Pannonium, Danum alij fuisse
 contendunt, quisquis is fuit, machinarum admoventiarum
 egregius fuit artifex, eoque nomine acceptissimus Maho-
 .. meti.)

meti.) decreuere non aperta oppugnatione neque acie, sed alio more Rhodum oppugnandam. Occupato igitur horto Antoniano, excisis arboribus, tres inusitatae magnitudinis machinas erexere, quibus Nicoleum propugnaculum portamque subuerterent. Aduersus eos conatus Dambuſſius antea eo traductis ingentibus duabus machinis, quibus Basilici nomen inditum erat, ita apertè eas hostilibus opponi curarat, frustra ut inceptum eorum fuerit. Erat hortus quē equitum Aruernorum hortum passim uocabant, quasi is esset Aruernis equitibus attributus: & quia ad subitas eruptiones aptus locus uidebatur, attributis custodibus septus fuerat uallo & fossa, additis quoque tribus machinis. Palaeologus loco animaduerso hunc statuit oppugnare, ratus id quod res postulabat, aut Dambuſſium laborantibus suis auxilia submissuram, & urgente suorum multitudine intercepturum se eos: aut si auxilia non ueniant, loco se potiturum. Diffidere quoque ceperat loco Dambuſſius: itaque antequā luceſceret, distributis cohortibus & auxiliis, machinis inde abducere parabat. Hostes instare, urgere. Latini ubi innumerum hostium uident, ueriti ne quid granius accideret, relictis machinis hosti, in urbem se proripuerunt. Id eorum consilium, etsi metu fortè compulsi ceſſerant, laudauit Dambuſſius, non ignarus si hosti occurrissent cohortes, id futurū ut occidione occisi omnes, nullo postea usui in tanta militū penuria sibi Rhodiisq; esset. Rhodis sitis distat à turri Nicolea trecentos ferè passus: uergit ea in mare miro artificio, apta ad myoparones bellicos excipiendos, & aphracta quā patet in occasum. Eius exitus paulò est angustior imminente ingenti concauitate: uersus Septentrionem ea moles sita est, eiūque imposita turris prodigioso opere, circumdata undiq; rupibus marinis. Visitur adhuc hodie moles dextro cornu ante portum in mare proiecta: huic impositum

ferunt Solis nobilem illum Colossū: de quo Græci multa, ueterisq; omnes passim, ut rei capti humani ingenij prætergressa, meminere. Munitam ferunt turrim pecunia collata à Philippo Burgundionum Duce, Caroli quinti Gallorū regis fratre. Persuaserat sibi Palæologus hac occupata, prosperè successura omnia. Itaque rursus circa hortos Antonianos, & multò plures machinas disposuit, & erexit ingentis molis turres ligneas, Georgio eodem authore: eo consilio ut & munitiones quibus septus est portus conuelleret, & ne naues alia auxiliū ferrent, facilius impedire. Ex his turribus saxa ingentia uoluebantur, sed irrito conatu: in quo Georgius Palæologi spem scellit. Accum se illi suspectum uideret, uel dolo malo quasi exploraturus Rhodiorum consilia, antequam lucesceret uisus est circa portas urbis, obuiū quemque rogans, perduceretur ad Dambusium. Hunc plerique uelut certissimum exploratorem necandum mox censebant: alij, cum suspectum se Palæologo uideret, sponte & sincera fide transisse, aculeo etiam diuina ope homini, qui olim sacra Christiana coluerat, expianda ueteris perfidix iniecto. Vicit ea sententia ut attributis ei sex custodibus diligentissimè obseruaretur. Ipse interea rogatus de apparatu, copius consilio hostium, grauiter prudentérque disserebat. Prægrauanti tamen dicta factaque eius multa, ut quasi explorator missus fuerit: repeti: & exemplo Tarquiniū Iunioris & Zoprii, Rhodum sese proditurum Mahometi sponderit: ita ostēdit se infelicem, cui Christianæ persuasione ueritas posterior ambitione & opibus fuit. Quarebat interea frustra admotis machinis mania hostis: pila tamen sæpius præteruolantes, priuatos infestabant. Itaque Palæologus retulit animum ad uetus consiliū, & spem Nicolææ turris occupandæ. Ex his ligneis turribus, quarum suprà meminimus, ingentia saxa eaque rotunda, in eam

Arnol. Ferroni de rebus uoluebantur,

uoluebantur. Quin & nuper cum trecentas machinas minores admouisset, quæ pars in occasum ueryit, ita quassata est, ut ingentia ea saxa quæ extra turrin collocata erant, aptissimè ad uim depellendam corruerent, quorum ruina ingens exauditus est fragor: signinum tamen aliæque ædificij opera integra manebant, mortario necdum excusso. Commoti sunt grauiter Rhodij ea ruina. Sed Dambusijs per industrios homines hortabatur moderatè eum casum ferrent: ipse interea contra fortunam cautius pararent & armarent: curaturum se ne turri etiam quæ tanta ruina prostrata sit, potiatu hostis. Eadèmq; passim concionantem audire Rhodij libenter Antonium Etadinum sodalem Franciscanum, doctum hominem & studiis optimis deditum: cuius oratione cum essent moniti ne ita caderent animis, quasi aliquid euenisset quod fieri posse nunquam putassent: essent uerò eà mente, quam ratio & persuasio Christiana præscribit, placatè ut si quid etiam impendeat ferant, acrius illi ad uim depellendam accensi sunt. Vtebatur ille oratione & celeri & concitata, & uerbis effervescentibus, quibus id affectus erat, ut unus aptissimus esset & ad populum languentem incitandum, & ad effrenatum moderandum & placandum. Interea cum se posituros turri putarent hostes, Dambusijs equites Rhodios delegit, qui locum tuerentur: Fabritio Carreto imperauit, fossas, propugnacula, nouasque munitiones intus excitet, quibus uis hostium arceatur: huncque cum reliquis præsidio reliquit. Ipse nauicula uectus locum ipsum lustrauit, & quæ muniendo eo necessaria erant, ut accelerarentur continuatis noctu diuque operibus curauit. Ibi uerò cubicula quibus Rhodij equites insederant, ita oppleta saxis arenæque uisa sunt, uix ut recipiendis illis nactus inueniretur locus. Exitura est alia munitio circa propugnaculum (quod & nocant anemura-

le) & turrim quæ à diuo Petro nomen retinet. Ex eo loco usque ad molem, quæ protrahitur uersus turrim Nicoleam, quando mare ibi parum profundum, & interdum uado inuento permeabile erat, in ualle & fossus equites Gallici & Hispanici notissima uirtutis, Craono & Scalgero du- cibus collocati sunt, qui facilereliquis auxilio essent. Sed & machinas bellicas plures circa mœnia auehi iussu, quibus naues fascelosque Turcarum, qui se se accingebant ad turrim occupandam, deprimeret. Nocte ingenti ululatu quid pa- rarent ostendebant. Prima luce tympanis omnes excitati, ingens undique strepitus. Turcæ nostros inuadunt: machi- narum fragor ad cælum ferri. Qui turrim defensabant, con- trà acerrimè niti: neque ullus quàm in dextra spem habere; sagitta utrinque uolare. Intenti illi nostros loco pellere: no- stri fortiter uim arcere. Illi rursus plurimis locis loca semiru- ta oppugnare, nostri saxa uoluere, quibus multos in mare præcipitabant: maius illis studium Turcas sauciendi, quàm semet tegendi. At dum fessis & sauciis recētes undiq; Ale- xius Tarsius (nam is eo die Paleologo agroto Turcis præ- erat) summittit, scalis Turcæ propè summa occupant. Cō- currunt Latini: lapides, tela, ollas prætere a pice sulphurēque igneo plenas ingerūt. Addunt aliū funibus & restibus quæ ad instar scalarum aptè compactæ fuerant, hamis & har- pagonibus ferreis, quas edocti erant mira arte in turrim summo impetu uibrare Turcæ, fatigatos Latinos. Turcæ principiò resistere: deinde ubi omnes scala hæmæque com- minutæ sunt, contraxere uela. Multi afflicti: multi præcipi- tati in undas, pauci integri: magna pars post horam diei tertiam uulneribus confecti, Alexio iubente, inde se subdu- cunt. Eo prælio Antonius ipse Dambuſſij frater, unâ cū ipso Dambuſſij interfuit. Octingenti Turcæ necati sunt, uubne- rati mille: præter eos qui in undas excussi iacuere, quorum

Arnol. Ferroni de rebus

maior

maior numerus, certò tamen iniri non potuit. Ipse Dambusi-
 us, excussa lapide casside territis aliis, pileo sumpto ni-
 hil remisit de pristina diligentia, quin suis semper praesto
 adesset. Sagittam quoque in femur impactâ, clypeo dixer-
 it: & Fabritio Carreto oranti subduceret se periculo, cum
 illi proximus Benedictus Aguius à manu feruus cecidisset,
 Tibi (inquit) iuique similibus labores hi mei sudant, prae-
 giens & uaticinans Carreto summam Rhodij imperij po-
 testatem, qua & postea potitus est. Ipse quoque Antonius
 Dambusi-
 us praegravante Turcarum multitudine, ingenti
 arca è satis longinquo loco humeris uecta, ingenti strage
 proiecta ea multos elisit & oppressit. Sequenti die ad clas-
 sicum paludatus Dambusi-
 us, & comitatus equitibus or-
 natissimis, qui phaleras equorum, & arma auro & argen-
 to polierant, Rhodum rediit. Vbi ei concursus priuatorum
 Rhodiorumque omnium, mirabilem in modum incredibili
 multitudine praesto fuit. Nihil exoptatius aduentu illius, ni-
 hil charius. Plebs Dambusi-
 um ad calum tollere, resque il-
 lius gestas summorum imperatorum uictoriis anteponere.
 Fortunam eius qua paulò duriore conflitari uideatur, for-
 tunæ qua reliqui reges florentissima utebantur, praeferre:
 supplicationes ob res prospere gestas decretæ. Antonius Fra-
 dinus sacro die concionatus populum edocuit, uni CHRIS-
 TO OPTIMO MAXIMO tantæ uictoriæ fru-
 ctum acceptum ferendum. Votique reus Dambusi-
 us in sa-
 cratum fanum diuæ Virginis profectus est: quo damnatus
 spectante omni populo, & Deum & sacram Virginem ob-
 testatus est, auerterent iram à Rhodiis, & in uulsi-
 ma Tur-
 carum capita transfunderent. Palæologus ea spe excidens,
 admotis rursus machinis quatiebat mœnia, parans adiū
 quæ sui irrumperent. Sed & acriter Turcæ urbem oppu-
 gnabant, erectis propugnaculis è regione montis qui uergit
 Gestis Gallorum Lib. VI.

ad Septentrionem, eo loco quo supplicium de fontibus sumi solet. Loco excelso machinas admouent, quibus & moenia & domos Rhodiorum concutiebant. Nec id sefellit Dambuſium: itaque Iudeorum hortos, domosque ibi adiunctas, ipse diruendas curauit. Ibi fossa & uallo locum ambiētes, erecto etiam muro secundum fossam, ne eò peruaderet hostis effectum est. Nemo ab eo immunis opere fuit, uel omnibus passim ad tam utile opus operam sanè quàm lubenter deferentibus, uel motis ipsius Dambuſii labore, qui lapides, terram, calcem, arenam suis ipse humeris auehat. Huius exemplo & exteri negotiatores, & Iudæi ipsi, cum Gallicos equites tam cupidos uiderent loci muniendi, operas quoque suas in id opus contulere. Frāscani quoque quidā ē Gallia unā cū Fradino, qui Gallia exulabat, quod liberius, aulica uiria Oliuero Dano præsente accusasset, ipsi quoque plaustis subuectabant sabulum: totaque ea oppugnatione armati negotia attributa strenuè curabant, ut eo maximè motus Dambuſius uictor, cænobium diuo Francisco edificandum magnis sumptibus curauit. Horum commota exemplo & mulieres ipsæ Rhodiæ, & quæ Deo addicte erāt, dum alij incumbunt operibus, cibos occupatis preparant. Ipsæ quoque si quæ uirili corpore apparuere, catrata armataque uisæ in transuectione publica, quò hosti è monte spectanti maior numerus uideatur tuētium urbem. Sed tamen hostis machinarum assiduo impetu ita profecit, ut sterneret partem muri: nocte quoque saxa uoluentes multos ē Rhodiis opprimebant. Ita Dambuſius collapsa celeriter reficere, intus nouas fossas erigere, has leuiter arena ligno superiniecto tegere, proximè picatum apparatus sulphureūque admouere, ut si eā hostis irrumperet, facile opprimeretur: quod Palæologus per exploratores intelligens, irrumpendi consilium distulit. Georgius transfuga futura

Arnol. Ferroni de rebus

ea prædi-

ea prädixerat Rhodiis, uel uerè ita sentiēs, uel aucupaturus eo nomine apud cos fidei opinionem. Cum autem eorum saxorum impetu, quæ ingentia in oppidanos uoluebantur uariè omnes afficerentur, pueros & mulieres quæ bello inutiles erant, in hortum conclusit Dambuſius, annonæ affatim illata: eum tabulato ita contexit, illa si omnes ut fuerint. Noctu plerique in cellis uinariis, antris & speluculis, concauiſque locis & reſtis firmo opere deſidebant, facilius diuuitantes ſaxa: multi quoque in aedes ſacras ſe abdebant. Ita cum omnes latibulum & perſugium noctu quærerēt, nihil hoſtis ea oppugnatione profecit. Neque tamen Palæologi animus minuebatur: at quotidie plura agitare, machinas rursus opportunis locis admouere. Vbi multa agitanti nihil procedit, pertransfugas aliquot, qui nondum indiſto bello ſubdolè Rhodum ſpeculati Dambuſij conſilia ierant, parat ueneno Dambuſiū tollere. Rumor interea diſſipatus eſt, auſtus Calibaſſæ iunioris uanis impoſturis, qui a Mahomete in caſtra miſſus fuerat, adfuturum mox Mahometem ipſum cum centum hominum millibus, & machinis mille quingētis inſignibus. Eo rumore ita Itali aliquot, Hiſpani quoque & Nauarri conſternati ſunt, ut conuenticulis actis quærerent, ſaluū ne eſſet Rhodum imperiū. Ipſe Dambuſius non minuendo neque negādo rem, at præterea augendo addendōq; confirmabat: uocatis iis qui ſeditioſè iam miſſionē flagitabant, aphræctus ſe quas in terras uellent auenhendos curaturum ait, lubentēque ſe eos ex manipulis expunſturum, modò deſinant quærere quantæ eſſent hoſtium copię. At ſi odioſi eſſe pergant, inferias ſe Murato daturum, iugulatis omnibus: Rhodumq; Gallis ſolis inuuantibus & Rhodiis, cū Veronenſium cohortibus, quas lectiſſimas Benediſtus Scaliger adduxerat, deſenſurum ſe edixit. At hi ad frugem redeuntes pœnam ultro in ſe depopoſcerūt: ut obli-

Gestus Gallorum. Lib. VI.

rerata seditionis infamia, cum tumultuosissimè adesse hostes dicerentur, proriperent se, nec redirent, nisi multis capitibus conto elatis. Sequentibus quoque oppugnationibus maximo usui fuerunt, perforatis aliquot hostium tormentis, repentina eruptione. Nec tamen erumpere eos sinebat Dambuſſius, nisi attributis Aruernis equitibus, ut Palæologus rem esse sibi dixerit cum bellicoso Cantabro, Quiriniq̃ & Magni Caroli uetere progenie, & Hispano indomito: nouerat enim per transfugas à quibus ea eruptio fuisset tentata. Interea Ianus Dalmata transfuga in urbe disquirebat, quo pacto ueneno Dambuſſium aggredetur. Denique omnia tentando socium sibi adiungit Pythium Epirotam: erat is Mario Philelpho familiarissimus, qui erat Dambuſſio à secretis. Eum uerò & patris Francisci nomine, cuius nomē celebre erat, & quòd eius opera crebrò uteretur in præscribēdis epistolis & Græcis & Latinis, & quòd humanitate eius in consuetudine quotidiana magnopere delectabatur, liberalissimè fouerat Dambuſſius: recenti tamē seditione cui is hæserat, excidisse uidebatur amicitia: ut tamen remissione usus leuata & dissuta magis quàm extincta uideretur amicitia. Hunc Pythius anxium aggreditur, hortaturque pœnas petat uiolatæ amicitie. Id adedò mature posse euenire, si ueneno parent Dambuſſium tollere: esse id ei facillimū cui cum cocis, pincernisque Dambuſſianis familiaritas sit. Sed ille cum simulasset sese ea curaturum, quæ manēat præmia exquirat. Ille Palæologi literas ostendit, quibus rem acceleret monebatur, quâcunque participibus facinoris fidem dedisset, se præstaturum, nec tamen (ne res deprehenderetur) subscriptæ erant: tantùm prima literarum nomina latius à tergo scripta uisibantur. Marius uti & ingenio: & optimis studiis, quibus erat deditus, æquum fuerat, cum recepiſſet se curaturum quæ in rem uidebantur, cognitis insi-

Arnol. Ferroni de rebus

diis

diis ad Dambuſſium pergit: & rem omnem uti acta erat, enarrat. Deprehendi mox ille iubet & Ianum, & Pythiū. Pythius interrogatus de infidiis, quid egisset cum Mario, quid parasset, principio negare, deinde dissimulare: pōst ubi tormenta admoueri uidet, omnia uti parata erant aperit: docētque magnis se premiis sollicitatum, ut Dambuſſium ueneno tolleret. Igitur Pythio gula laqueo fracta est, Iano caput truncatum. Conscī duo tanti facinoris nominati, cognito indicio mox urbe profugerant. Marium deinceps ardentius complexus est Dambuſſius, à quo nulla simulatione antea se cultum aut obseruatum causa temporis, sed uerissimo mutuōque amore intelligebat: praesertim qui in eolumen insigne probitatis, & fidei indicio hoc delato perspexisset. Palæologus diu in incerto habuit, quidnam consiliū caperet, detectis domesticis infidiis. Rediit autem rursus ad Nicoleam turrim: prius tamen parat comminuere eas munitiones quas Rhodiū circa litus maris erexerant. Antonius Dambuſſū fratre animaduerso eorum consilio, quin-quaginta ex Italica statione delectis, exitu clanculum sub-tus terram parato, summo eos silentio emisit, circa locū quo incipiebant hostes ea moliri: sublatiſque repente scalis, telis, gladiis, lapidibus, in fugam Turcas uertēre, dissipato eorum apparatu: decem ex his necatis, quorum capita hastis uictores extulere. Eos palam laudatos, multis premiis Dambuſſius donauit: ac tanti eis honores habiti, ut in honoribus decernendis quasi nimius & prodigus reprehenderetur. Iam Turcæ machinationes suas summa industria turri admouent, sperantes sese munitiones Latinorum fracturos: sed quæ hi diruebant, mox multitudine operum & militū reficiebantur. Ineunt autem nouam de integro rationem, ne ponte constrato ex transuerso, prodirent ex fano Antoniano usque ad turrim. Pons ex uariis lignis constratus est, cui

incrant aditus desuper, ingētes porro clauis suffixi: ita latus,
 ut exciperet sex homines armatos prodeuntes. Hunc per
 mare funibus oblongis & grauibus obstrictum trans ferre
 parabant. Geruasius Rogerius è Britannia minore, rei nautica
 peritissimus, noctu indicans suis magnū nescio quid se
 moliri, in mare insiluit: summāque celeritate usus funes quibus
 pons illigatus erat incidit: deinde ordine rem uti erat
 gesta, in urbem reduens enarrat Dambuſſio. Huic ille summos
 honores habuit, donauitque ducentis nummis aureis,
 pro concione etiam publice laudatum. Hæc ubi frustra fuerit,
 parant hostes pontem subductis pluribus nauiculis, in
 turrum educere: simul etiam fascelos alios & pontones miræ
 magnitudinis, quibus abundabant, subducunt, onerantque
 eos tormentis bellicis: ut & uno eodēque tempore alij Latinos,
 qui præsidio turri relictæ erant, infestarent, alij ascensum
 pararent, alij machinis eos terrent. Dambuſſio cum
 esset nunciaturus fascelos hostium circunduci, eosque classem
 instructam & paratā in aqua habere, nouo præsidio mille
 delectis equiibus locum auxerat, intusque omnibus passim
 intentus nouas munitiones pararat. Repentē nocte signo
 dato Latini inuaduntur, sed sagittis globisque aneis
 pelluntur hostes. Magna rerum hominumque strages, nocturno
 fragore ululatuque circumsonante, cymbis transfuehitur
 pons: sed machinas aliquot bellicas Dambuſſius ita aptè
 direxerat, ut hæc & pontem & reliquum apparatus cominuerint:
 & quatuor myoparones & pōtones aliquot onustos
 bellicis tormentis perfossos dissiparint: ubi multi quoque
 ex hostibus submersi sunt. Nec tamen remittebant hi
 aliquid de pristina oppugnatione: Namque multitudine
 tormentorum bellicorum abundantes, uariè Rhodios infestabant,
 qui & ipsi aliis tormentis tormēta hostilia subuertebāt.
 Protracta est ea oppugnatio ex hora noctis tertia, usque ad

Amor. Ferroni de rebus

horarum

horam diei sequentis decimam. Palæologus ubi uidet suorū
 minui numerum, receptu canit, & ardens ira in castrare-
 diit. Fluitantia hostium corpora diebus sequentibus ripa
 appulsa sunt, & spolia à Rhodiis lecta. Duo hominum mil-
 lia & quingenti desiderati. Eadem nocte duo è Creta sti-
 pendiarū, qui transitum ad hostes parabant, intercepti cer-
 uice lucrunt. Circa eam muri partem ubi Iudæi & Itali
 excubabant, rursus incumbunt hostes: ac die quidem non
 desinunt mœnia obruere, nocte uerò actis cuniculis, mīo
 quammaximè instant: fossas quoque perfodiunt, easque ne
 uideantur, obtegunt arboribus. Munitiones novas erigunt,
 easque uiburnis tegunt, ut inde commodius machinas æ-
 neas admoueant. Erat ingens uel fossa uel hiatus haud lon-
 ge à muro, quem illi multa arena multisq; saxis illatis per-
 aquare instituebant, ut inde ueluti dorso parato, commo-
 dius in murum scandere eis liceat. Consulit Dambuſius
 quid agendum, quo pacto disturbanda hostiles munitiones.
 Flacuit Liguris equitis Caroli (quem quidam aiunt è fa-
 milia Aruensium Sixtiq; Pontificis fuisse) consilium, qui
 machinam ligneam die quidem struendam, nocte uerò al-
 tius promouendam docuit, qua ingentia saxa in hostilia o-
 pera laceranda emitterentur. Nec spem Dambuſij ille fe-
 fellit: ita ingentia saxa nocte emittebantur alius promotā
 machina, ut munitiones eorum comminuerentur. Pla-
 cuerat eodem authore, ut uacuaretur fossa ea quam exa-
 quarant hostes. Ita nocte cuniculis actis eò multi concurre-
 re, ut magna parte hiatum uti antea uacuum reddiderint.
 Palæologus tot se repente circumuallatum angustiis fateba-
 tur, unde nunquam emergeret. Calibassæ tamen consilio nō
 desinit quaterere mœnia. Dambuſius cum fratre sanctiorē-
 que consilio ex Aruernis equitibus & Liguribus, & Ve-
 ronensibus disquirat, quo pacto se hac expediat turba tanta,

iamruentibus muris qua Iudei & Itali excubias agebāt. Decretum est iuxta hortum uicinum extruendum alterum murum, densatum latitudine geminarum palmarum commodum esse: mox figere in terra paxillos è ligno tenacissimo: diffundi deinde dispergiq̃ue uisci copiam, diu multumque commixtam aqua & irrigatam, intra arborum ramos, quæ mox comprimatur. ut constitutum erat, mox opus procedebat: nec id Calibassem latuit, Dat igitur operam, ut impediatur opus Latinorum, adhibito plurimo igne artificioso admoti: hic magna industria inferebatur doliolis plenis pice & sulphure, aptissimus incendio mouendo. Accedebant loculi, & sacculi opplati alijs lana & canabi ferro intermixto, alijs ramento, scoria & ferri excremento, quibus ille existimabat se munitiones deleturum. Sed accidit ut austro reflāte, uel quod uerius est, imperitia eius qui machinis iis erat præpositus, uanum is esset conatus, multosque ex hostibus absumeret. Ipse quoque Dambussius quid hostes machinarentur per transfugas intelligens, breuibz illatis machinis multos prosternebat: unde Rhodius Latinisq; aucti animi. Georgius transfuga prius in eum locum perductus fuerat, uti consuleret, qua arte eludendi essent hostes. Isque cum perfunctoriè agere uideretur, ad extremum consuluit, ut noua eadēque altiuscula erigeretur machina, unde impeterentur Turcæ. Hæc dum pararentur, machinis hostilibus uexati sunt Latini acerrime: ita diffidere omnes illius consilio, ut transfugam fallacissimum ad supplicium raperent. Sunt qui inuito Dambussio discerptū à furibunda plebe scribant. Sunt qui acerrimis hominibus datum ad questionem, ordine retexuisse narrent, quò dolo in urbem transierit, quibus artibus Rhodum Mahometi daturum se pollicitus esset: quibus simulationibus alias quoque urbes, aut pellekerit ad deditionē, aut inuitas diripiendas, elusis ciui-

Arnol. Ferroni de rebus

buz,

bus, ei tradiderit: ita laqueo illi gulā publice fractā. Eius sup-
 plicio accisas spes aiunt Palæologi, qui etsi omnibus modis
 insidias parabat Dambuſſio, intelligebat tamen neque illi
 ad cauendum prudentiam aut aſtutias deeſſe. Poſtquam ui-
 det uim fruſtra eſſe, neque insidias quas Dambuſſio facie-
 bat proſperè cedere, quando quæ ui tentarat, aſpera ſordā-
 que acciderant, conſtituit aliis aſtutiis Latinos opprimere.
 Scribuntur literæ à Palæologo Græcis & Rhodis, quibus
 narrat bellū hoc à Mahomete ſuſceptū, ut eos æquitate &
 fide tueretur, oppreſſos iam Latinorum ſeruitute. Principiū
 eos uirtutis, continentia, beneuolentia, libertatiſque Rhō-
 diorum propaganda uiſos ſtudioſos: ſenſim hanc conſue-
 tudinem & diſciplinam amiſſam: deſitum in eos reliquā-
 que Græciæ lumina uideri quicquam iniquum, ut iam com-
 moti eorum cotumeliis multi patria fortunisque carere ma-
 luerint: id eſſe clariſſimum & antonij Meligali, & plurimū
 „ aliorū exemplo. Tandem aliquando miſeræ patriæ conſu-
 „ lant: libertatis legūque praſidium, quod improbitas La-
 „ tinorum eripuit, reſtituant: ne eos patiantur licentia ra-
 „ pinarum quaſi rabie, ad ſingulos integrōſque procedere.
 „ Dambuſſium ne audiant, qui angatur ac laceretur ani-
 „ mi cupidine, & noxarum metu inquires, abutatiſque
 „ eorum facilitate: ſibiipſis conſilium ſalutare capiant, ante-
 „ quam copiis rurfus admotis ferro atque flamma Rhodum
 „ ſubuertant. His literis publicè lectis, Rhodij Dambuſſio
 „ reſpondere: Pollicitationibus pleniffimis inſidiarū ſe nihil
 „ moueri: à Græcis uerò, ſibi, Latinōq; omni nomini paratiſ-
 „ ſima eſſe omnia conſideret. Iuberet demum quæ ad Rhodū
 „ tuendam pertinere arbitraretur, omnia ſe diligenter ſtu-
 „ dioſeque curaturos, profuſo etiam ſane quàm libenter ſuo,
 „ liberorum, uxorūmq; ſanguine: quæ cum facerēt, amorem
 „ erga ſe Dambuſſij Latinorūque imitatuſ, merita non

affecuturos. Rursus è Græcis transfugis mittuntur legati ad
 Dambuſiũ, qui intromiſi uariè eum ad deditiõẽ Maho-
 metis, etiã oſtentatis præmiis, accēdebant. Monuerũt uide-
 ret etiã atq; etiã quò progredederetur proclinata iam re: nõ
 eandem illi ſemper occaſionem in conditionibus aquis ſe-
 rendis & impetrandus futuram: cogitaret, ne ſe Latinõſq;
 omnes funditus euertetet: nec ſe prudens, ſciẽs q; eò demit-
 teret, unde exitum uideret nullum eſſe. His reſpondet Dã-
 buſius, conſiliis ſe hoſtium libenter minimè uti integris re-
 bus: affluctis uerò conſtanter ſe uitã quã DEO OPTI-
 MO MAXIMO debeat redditurũ: idq; potius quàm
 ad ullas deditiõis etiã honoratiſſimæ & uiliſſimæ leges
 ueniat. Cum legati præſtito aliquo obſequio Mahometi nõ
 ad deditiõem, ſed ad ſocietatem ſe eum hortari dicerent,
 tum Antonius Dambuſij frater, Tu quidem, ait, frater
 uerbo ad ſocietatem, re quidem certè ad prædam certam pe-
 teris. Ita uitatis inſidius legati digrediuntur. At Palæologus
 ubi nullis conditionibus bellum componi poſſe uidet, noua
 rursus conſilia capeſcit. Parari itaque iubet omnia tormen-
 ta, & trigefimo die poſt uanam oppugnationem Nicolææ
 turris, & die & nocte ita pergit ſternere mœnia, lenioraq;
 alia tormenta in urbem altius emittere, ut quatuor diebus
 integris atratum cælum, & fulgura emittentem conden-
 ſatum ærem ſtridore, & fumo ſulphureo omnes dicerent:
 & erant aliquot turres altiſſimæ, iãmque parte una muri
 ita proſtrati, ut ad irruptionẽ hoſti locus datus uideretur.
 Quinto calend. Auguſt. inuadunt urbem, multitudinẽque
 prægrauante, muro potiuntur. ibi ſigunt uexilla. Idem fa-
 ciunt circa turrẽ Italicam: ſed à læua & ſiniſtra accur-
 rentibus Italis & Cantabris, quibus & ſubſidio uenit
 Antonius Dambuſius cum nobilitate Aruernorum, pellũ-
 tur hoſtes: & mutilatis corporibus, alij cadunt, alij præci-
 pitantur.

Arnol. Ferroni de rebus

pitantur.

pitantur. Quæ in re Caroli Montij Aruerni equitis nobilitata est uirtus. Erant quatuor scale quibus ascensus & descensus parebat in uicem Iudeorum, quo loco fuit eam irruptio. At cum animaduertisset Dambussius una Turcas in urbem descendere, comminuta ea, qui temere irruerat disscerpi sunt. Altera scala cum iam instarent hostes, ipse Dambussius conscendens impetu facto sæpe hostem ferre, strenui miluus & acris officia exequi, temere inuectos disturbare: alios quoque equites Rhodiōsque inducit, qui hostes perturbatos loco depellunt. Multo cum cecidissent, rediere tandem hostes in castra. Eo prælio plagas accepit Dambussius quinque: harum unam circa mamillam dextram, letalem medici dicebant: Delt tamen ope emerfit ille ex incommoda ualitudine. Casa Turcarum tria millia: addunt alij quingetos & trecentos, qui concisi sunt in uico Iudeorum: addunt & perterritos hostes & destitisse oppugnationem, inspecta in aere cruce insigni, & uirgine fulgente, quæ manu scutum & hastam gestabat: astitisse huic synthesi hominem indutum, stipatum insigni nobilium comitatu, quasi pararet obsessis ferre opem. Iacobus Sadoletus scribit fulgere in soluo calitus ad confirmandos nostros apparente, pleiosque Turcarum in acie sine uulnere, sine sanguine sine ulla aperta ui cecidisse. At Palæologus cum suorum numerum imminutum uideret (casorum enim numerum ad octo millia, sauciorum ad quindecim millia multi protrahunt) anxius trahere cum animo suo, omittetne Rhodi oppugnationem, quæ frustra hactenus fuisset, an fortunati opperiretur; quæ sæpe prospere usum se meminerat. Hæc cum plures dies noctesque astuans agitasset, desperans uictoriam, tandem deliberat suos inde educere. Accelerauit consilium profectiois fama, quæ ante paucos dies petere bruerat Latinorum auxilia à Gallia, Neapoli: & Romæ

aduentare. Ferdinandus Neapolis Rex, subsidio Rhodi immittēbat naues duas duce Ioanne Poo, refertas militibus, commeatu, machinis. Hæ portum inspeçantibus Turcis ingressæ sunt: emiserunt tamen hi in eas machinas bellicas, quarum impetu malus unius disruptus est. Harum una cū decrasset paululum, Palæologus missis uiginti myoparonibus, eam inuadit. Effusi erant omnes in hoc spectaculum. Tribus horis integris pugna protracta est, dum hostes circūuenire nauim parant: sed ea talibus erat machinis munita, ut respirandi hosti nullus locus daretur, tamen si agitatione maris parum absuit, ne obrueretur. At sedatis iam fluctibus, & tempestate commutata, elapsa tandem tribus depressis myoparonibus, ad Rhodios se recepit. Erat in nauē Neapolitana Franciscus Auerfianus à Sixto pontifice literas afferens, ante decimum quintum diem, nisi interea solutam obsidionem Dambusiū nunciet, se ingentem nauium, fascelorum, hominumque multitudinem missurum: libenterque omne ærarium pontificium in tam sanctam expeditionem exhausturum. Hæ literæ publicè cum essent recitata, recreati sunt omnium animi, gratiæque habita Pontifici. At Turcæ succis prius arboribus & uineis, abactoque pecore quantum licuit, inde sese proripuerunt. Posteriore ea oppugnatione sunt qui ita Turcas sibi certam urbis direptionem adfuturam crediderint, ut octo millia palorum adduxerint, quibus publicè denūciarint, se palis podici impactis fixuros totidem Latini nominis: repertique sunt circa zonas casorum funes, quos in Latinos, ut nō dubio euentu, portauerant. Tribus integris mensibus obsidionem tulerunt Latini, magna animi cōstantia: aut ut alij malūt, octoginta diebus. Christophorus Richerius captam obsidionem ad undecimum Calend. Iul. solutam, ad sextum decimum Calend. Septemb. ait. Hæc habui quæ de Rhodique

Arnol. Ferroni de rebus priore

priore oppugnatione scriberem, ut oblitteratam penè Dambusij memoriam ab obliuione hominum, atque à silentio uindicarem: qui cùm bello asperissimo premeretur, armis, machinis, militibus multis spoliatus, occupata etiam murorum parte, nunquam defessus sit, uel uitæ iactura de sacrosanctæ nostræ persuasionis honore, Rhodique saluti pugnare. Nō doli, non insidiæ, non multitudo Turcarum, nō aduersa asperaque res ingentem eius animum subegit, quin quem uirtute adeptus erat principatum, simulcum anima retineret. Quæ multis bellis militans uiderat, quæque ab adolescentiâ à prudentissimis uiris tradita, memoria & scientia comprehenderat, his aduersis rebus usus est, atque ita semper instructus fuit, nō modo tranquilliora ut latè ferret, sed omnia turbidissima etiâ si essent, tamen ex conscientia & factorum & consiliorum probatissimorum, quacunque acciderent, fortissimo & maximo animo ferre paratissimus esset. Atque his quidem magis prudentibus consiliis, ut qui sese antea aduersus tantam potentiam munierat, & sincero cultu diuini numinis, quàm magnitudine uirium ferocissimos hostes depulit. Cuius utinâ exemplo Pontifices maximos, Casares, Reges, Regulos, liberos populos ea cupido exerceat, ut quàm primum labantem rempublicam Christianam fulciat: labefactatoque Turcarum imperio decora Christiani nominis priuatis commodis potiora habeant: neque sacrosanctum CHRISTI nomen apud Afros, Aegyptios, Iudæos, Asianos, Græcos, Macedonas, Illyrios, Thessalos, Hōgaros tabescere ætustate, ac per summam socordiam dilabi patiantur. Eniterentur porro & cōtenderent, ut longi temporis usuram, qua caruit Christiana respublica intermisso officiorum debito, & industria, & fortibus consiliis, & magnitudine copiarum sarcirent: tantumque studiū, opera, laboris, pecuniæ, ad cōficiendum bel-

lum conferrent, quantum maiores suos, quorum pietate
 aucta habent quanta quanta sunt aut imperia, aut regna,
 contulisse exploratum est. Ac nisi sui ipsi morosi aestimato-
 res, fructus quos uetus inertia desidiaq; Christo subtraxit,
 omnes à seipsis exegissent, hac amplitudine imperij, hac
 maiestate regnorum, hoc splendore dignitatis, non se satis
 dignos iudicaret. At enim quousque tandem illi desinent
 in mutua corruiere uulnera? quousque desinent multiplici-
 ter animos curis atque uigilis fatigare, uicinos ut propin-
 quos, affines, foederatos reges regnis spolient? quem ad fi-
 nem sese efferret princeps hac & iniques ambitio? Quid ex-
 peccant nisi ut Græcorum & Aegyptiorum exemplo, antè
 opprimantur quàm anhelantem Christianorum omnium
 perniciem Turcam, debacchantem inaudita crudelitate, si-
 tientem Christiani cruoris, depeccare possint? An nò, obsecro,
 intuentur quid Trapezuntius Byzantiisque, quid Myce-
 nis, Andronopoli, Spartæ, Mothoni tam immani seruitute
 oppressus acciderit? En uidemus lugere Græciam, Macedo-
 niam plangere, eiulare Cyclades, Cariam dolere, Phry-
 giam ingemiscere, Dalmatiam queri, Thessaliam mœrere,
 tristari Bæotiam: superata septem ostia Nili, Alexandriam
 omnemque Aegyptum domitam, occupatam nuper ma-
 iorem Ungariæ partem: fugisse Arabes, Hierosolimam
 iugum ferre coactam, formidare Caras, metuere Persas,
 expauescere Assyriam: & interim semper putamus nos ab
 isto periculo uacuos futuros? Usque eò sumus eneruati, ut
 ruinam proximam longè malimus spectare & otio tabe-
 scere, quàm in uenientem procellam diuertendam incum-
 bere? Profectò nisi tandem nobis consulimus, qui hactenus
 tantos terrores iecerit atque denūciarit, malum dabit Chri-
 stiano nomini. Eruptura sunt pessima consilia in capita ma-
 gnatum, neque sinent atatem nostram quantumcunque

Arnol. Ferroni de rebus

diuturnis

» diuturnis laboribus deuexam, ad otium domesticarum
 » curarum spectare. Si decoris causa bella suscipimus, quæ
 » causa belli præclarior? si opes quærimus, omni tot regum
 » gazæ, tot Cæsarum, quæ fuit maxima potiuntur Bar-
 » bari. Hic pecunia, diuitiæ, fructus congesta spolia mul-
 » torum annorum. Expergiscantur itaque tandem Reges,
 » Pontifices, Cæsares. Si stant, ingrediantur: si ingressi sint,
 » currant: si currere cæperint, aduolent, ut flagitiosam, im-
 » piam, sacrilegam Turcarum uim Christianæ existima-
 » tioni petulantius illudentem oppugnent, lacerent, con-
 » tundant, deleant. Excutiant se ipsos aliquando, magni-
 » tudinem animi excitent, ad pulcherrimum opus conten-
 » to cursu nitantur. Impertiantur Christianum nomen hoc
 » beneficio, ut tot gentes laboribus eorum conseruatæ, liber-
 » tatem & salutem gloriæ fortitudinique eorum acceptam
 » referant. Sed reprimam iam me, nec insequar hæc lon-
 » gius. Quæ quoniam in hunc locum semel incidissem, ad-
 » monendos eos putauì, ne per uniuersum orbem terrarum,
 » uastitatem, bella, cædes Christianorum, oppressorum in-
 » digna seruitute gemitus passim exaudirentur. Cæterum
 » CHRISTVM OPTIMVM MAXIMVM
 » precor, ut quocunque modo agent, ea eis res, relique publi-
 » cæ Christianæ prosperè ueniat. Ac de priore quidem Rho-
 » di oppugnatione hæc dicta sint. Reliquum est ad poste-
 » riorē expugnationem ueniamus, in qua consultò breuior-
 » es erimus, cùm & extent Gallicè scripti commentarij
 » eius historiæ locupletissimi à F. Macedonio, Gallo eodem
 » equitèque Rhodio, qui huic bello interfuit: & Latini mul-
 » ti, ita tamen scripti, ut alij ab alijs multis locis dissentiant,
 » qui & in linguam Italicam uersi sunt. At hoc non scripto-
 » rum esse uitium arguere debemus: quippe eodem loco dum
 » diuersis locis urbs oppugnatur, omnes nō possunt interesse:

quos consecuti multi sunt, in eodem historia genere uersati. Cum Fabritius Carretanus Rhodiorū imperator è uita emigrasset, comitibus habitis de nouo imperatore deligēdo, accidit ut Philippus Villarius Liladamus Gallus, & Thomas Doctrans Britannus aequales calculos ferrent, nulla habita ratione Antonij Moralijs Lusitani, cuius praeperam praesentationem omnes repudiarunt. Vbi aequalia sunt suffragia, uetere Rhodiorum more, est in potestate primi maximique equitis, qui ad ea comitia delectus sit, renunciare utrum malit. Is igitur Philippum Liladamum cum renunciaasset, è Gallia ille salutato prius Francisco rege, uocatus tandem Rhodum peruenit. Ex eo tempore Moralius, qui nullum calculum tulisset, mirandum in modū fuit ab alienato animo, non à Villario solū, sed à Rhodiorum omnium libertate. Eo odio percitum atque actum precipitem, non dubitasse multi scribunt, & in se & in Rhodios pessimè consulere: & nouandis rebus studentem communicaſſe clanculum cum Solymano, quibus artibus Rhodopotiretur. Et iam dissipatis rumoribus, cum parare diceretur classem, arma, milites, Solymanus ad Rhodum oppugnandam, mittit Villarius Ioannem Lupum Aruernum circa uicinum mare, ad exploranda hostium cōsilia. Atque his faſelo suo, comitatus aliquot aphraētis, intercepta nauis Turcarum eam Rhodum perduxit. ex captiuis notiſſima fucere Rhodijs hostium consilia. Dispari cuentu Alphonsus Trotus & Iacobus Xaicus alter à piratis, alter fide ab hostibus data dum in colloquium uenit, intercepti & abducti sunt ad Solymanū: qui cum Xaicum uerborū contumelijs infecto ore lacerasset, tormentis questionē habuit de consilijs & apparatu Rhodiorū: ac tam fuit immemor humanitatis, quam interdum ostentare solet, ut suam insatiabile crudelitatem in hominē fide publica abductum exerceret.

Arnol. Ferroni de rebus

cucrit.

cuerit. Menetonus eques Gallicus uitatis insidius, subduxit
 se huic procellæ. Annona deinde & molis ligneus, reliquôq;
 apparatu ad obsidionem tolerandam necessario, purgatis
 etiâ sordibus urbis & murorû: propugnaculisque lustratis
 & instauratis, ubi opus esset, muniit Rhodum Villarius:
 uocatôsque Rhodios equites acriter accendit ad obsidionis
 incommoda toleranda: eademq; cisdem & Rhodiis alio
 tempore, cum appropinquare Turcarum aduentus putaretur,
 per Leonardum Balestrinum Genuensem pôtificem Latinorû
 apud eos, & Rhodiis per clemente episcopum Græcorum
 proponi iussit. Balestrinus ex sodali Franciscano ad pontificatum
 peruenerat: cuius toto hoc bello, & beneuolentiam erga se,
 & fidem expertus est Villarius. Clemens ea erat opinionis
 sanctitate & probitate, ut uetere Græcia dignissimus
 passim haberetur. Misit interea ad Carolû Cæsarem
 Villarius, ad Franciscum Galliarum regem, ad Henricû
 Britaniæ, Rhodios aliquot equites, cum frustra auxilium
 ab Adriano pontifice & Leone expectasset: qui eos
 hortarentur suam quoque rem agi, auxilium Rhodiis
 ferrent aduersus eos hostes, quibus tandem obuiam nisi uen-
 tum sit, annorum aliquot processu in eorum fines irrupturi
 sint: eôsque aut posteros eorum, sedû in modum habituri, &
 in graue & gloriæ & salutis amittenda adducturi discrimen.
 Susciperent uero communem religionis causam, maiorûq;
 uestigiis consecrâdis, hæreditatem eorum nō minus laudis,
 quàm regnorum cernerent. Ita sibi persuaderet insitas
 inimicitias huic esse genti cû Latino nomine, ut oppressum
 uelit: ac tum demum tale quid quod operæ pretiû sit,
 fecisse sibi uideatur, si obtinere & cōiungere Latina
 decora possit, ac nobis negotiû facecitû intelligat. Sed hæc
 occu patis eis distractisq; Belgico Italicôque bello, frustra fuere.

Incidit posterior hac oppugnatio Rhodi in annum
 Gestus Gallorum Lib. VI.

M. D. XXIII. VI. Cal. Iul. certior factus est Villarius, qui paulò antea ne prædæ essent hosti hortos, uicinâsque regiones imminentes uastauerat, adesse Turcarum naues cum Mahomete Carra. Cæpit classis periculoso aditu sub Rhodiorum conspectum ferri, sed machinis à Rhodiis emissis mox inde abacta est, secessuque in Boium promontorium, quod alij Parobolinum uocant. Sed cum rursus machinis emissis uariè illi uexarentur, in terram paulò post subducti sunt. Hieronymus Bartolutius Florentinus communicato cum nauticæ rei peritissimis aliquot consilio, hanc inibat rationem incendendarum nauium hostilium, ut myoparonibus lectissimis & leuissimis, quasi eliceret hostes ad pugnam, his occurreret, mirâque arte factitium ignem qui uasculis concludebatur, nauibus hostium aliquot locis inferret. Sed cum magni sumptus fieri deberent in eam rem, & res periculi plena uideretur, repudiatum est id consilium. Interea copiæ in insulam perueniunt: explorantque qua parte commodius urbs oppugnari possit. Placuit occupare eum collem, qui sano ædificato sacer erat Cosmæ & Damiano, spectans in Britannicam stationem. Tricoplerus cum delecta Britannorum multitudine eam tuebatur. Mostaphes cæpit eum locum adhibitis emissisque machinis uariè quaterere, Pyrrus Apocletus Italicam stationem simul terrere cæpit. At cum loci depressione frustra hic esset labor, cæpere aggere proiecto, fossus loca aliquot urbis circumdare: nanque Turcæ calonum multitudine abundabant, ut eis ad ea opera tum perficienda I. Fontanus quinquaginta hominum millia, alij sexaginta adfuisse prodiderint: excisâsque ab his rupes durissimi silicis, & campos montibus aggere æquatos, & cõplanata fossuris montium iuga. Constabant hi maxime ex Asapis. est id apud Turcas genus militum, quos Turcicæ urbes mittunt, exhibito

in singulos menses trium nummum aureorū stipendio, quos Solymanus aut remigum loco, aut operarū interdum habet. Achimetus interea stationem Hispanicam, & Cassius Antoniam portam vicināque loca uariē tormentis emissis quatiebat. At Villarius in eos qui opera hostium accelera-
bant, cuniculisque agendis intenti erant, suos erumpere iterum atque iterum ex urbe iussit: simul apertissime monet ubi elucuerint hostes, recipiant se: nam machinus se ingen-
tem stragem facturū. Erumpunt Rhodij equites, prosternunt innumera calorum multitudinem. Mostaphes id intuitus, suos properē castris educit: illi infestū adesse, instare Hos-
ludificati Rhodij, nunc leuitate equorū impetum eorū de-
clinabant, nunc quasi cōferendi manum cupidi, urgere. Po-
stremō quasi cedentes citato cursu, uariis locis dispersi, ad
suos se recipiūt: cum interea in Turcas proximos emissā tor-
menta infinitam eorum multitudinem prostrariūt. Id Mo-
staphes & Achimetus intuiti, pluteos quibus cōtegerentur
qui operi instabant, erexere. Pyrrus machinas opponi etiā
iussit quæ mox in erumpentes emitterētur: noctūque opera
promoueri iubebat, die faciliē innumera muliitudine Tur-
carum opera tuente. Interea Basilus, quem alij Rhodium,
alij Creiensem fuisse aiunt, simulato mercatoris officio
dum cibos uicino littori quasi uenales ostentat, interce-
ptos aliquot Turcas faselo impositos Rhodum perduxit.
Qui cum principio rogati de consiliis hostium uarias ne-
citere uiderentur captiones, tandem metu tormentorum
omnia ordine enarrant, ut illi Solymani aduentum ex-
pectent, interea parum in officio miles contineatur: eius
aduentu futurum, ut strato muro peruadere in urbem illi
modus omnibus eniantur. Quo die illi adfuturum Soly-
manum prædixerant, qui fuit V I. Calendas Septemb. eo is
adfuit: aduentumque eius Rhodij perspexere, emissō in-
Gestis Gallorum Lib. VI.

genti undique machinarum fragore, & cum eò uenientibus quindecim bellatorum milibus. Is ubi aduenit, ut se acrem & seuerum imperatorem ostenderet, multos, quos Pyrrus ut seditiosos criminabatur, cum ignominia dimisit: in exercitu recensendo multorum increpita inertia, acerbior uisus est. Turris Phari fastigia, eo adueniente, cum ut è præalta explorarentur à Rhodiis multa, diruere hostes. Admotis itaque machinis rursus uexare urbem constituit. Proiiciebantur & magno conatu globi saxei, quibus parum absuit quin ipse Villarius opprimeretur. Immissi quoque sunt passim cupro contecti, instar pilarum pastilli bituminati, refertissimi pice & sulphure. Rursus eiusdem apparatus alij globuli contecti intortis restibus, quibus ferrei aculei hærebant: qui tetrum in modum odoriferi, cum essent acuminati, ubi hærebant uariè quos impetebant lacerabant. Sed maiorem in modum obsessi fatigabantur, & terrebantur assidua conquassatione tormentorum ingentium. Horum duodecim Basilicos, quindecim salamandras, tredecim quorum magnitudo alios superabat, Crocodilos uocabant illi, prædam aduectam direpta Aegypto: quorum perpetuo impetu factum, ita ut comminuerentur mœnia, duriores ut conditionem impendere sibi Rhodij iam uerentur. Turcæ ut tormenta sua facta teçta seruarent à Rhodiorum impetu, hanc ineunt rationem, ut asseres contignatione proxima coniunctos supponerent, hique medio loco introrsum ab axibus sustentarentur, prominentiorique loco restibus ad machinarum extrema diducto, in altitudinem ingentem remeuerere, ut tormentorum os apertum uideretur: inde inducto ad foramen igne mœnia quatiebant. Diu cum laborassent Latini in disturbâdis his operibus, tandem rem illi ad exitum perduxere, non suppetente nostris apparatu pul-

Arnol. Ferroni de rebus

neris.

ueris. Itaque in hunc celeriter conficiendū suos ipse equos maiores & delectos ex sua cohorte fidelissimos quosque Villarius preposuit, in quibus fuere Belgæ aliquor. Solymanus interea increpita eorum segnitia, qui uanè tandiu tempus tererent, nouo consilio ad turrim Nicoleam occupandam incubuit. Sepserat eam Villarius prasidio delecto ex Gallicis equitibus & Cantabris fortissimo, quibus prafecerat Gydum Ragusum Gallum. Admotis tormentis cum sperarent hostes se loco potituros, rursus proiectis ex ea aliis tormentis Ragusus ita Turcas infestabat, ut tormentarios eorum plures, & tormenta ipsa laceraret. Ita factum ut omissa diurna oppugnatione, nocte tormenta rursus illi promouerent, nihilominus nocturna quàm diurna oppugnatione promouentes. Namque Ragusus qua parte nocte uerisimile erat emissuros hostes tormenta, ita sua quoque collocata displodebat, ut iurarent hostes patefacta ei prius omnia consilia. Suffodiēdis itaque rursus cuniculis Pyrrus incubuit circa Rhodum, Villariusque his auertendus, ut utrinque multi desiderati sint: Britannicum tamen propugnaculum magna ex parte ab hostibus prostratum est, Britannis multis oppressis. Et iam ea parte tumultuose nūciatum est Villario instare hostem, & muro potiri, cum ille cum cohorte pratoria adcurrrens, multis necatis loco deturbat. At Mostaphes suos reuocans, & fessis recentes submittens, prælium acrius renouabat. Rhodij, Galli, Hispani equites pilis plumbeis emissis, simul aduectis breuiusculis tormentis, ita lacerabāt hostes, ut nihil nisi de fuga consulerent. Fracti itaque & debilitati pedem referūt: ac multis cæsis ex Hispanis & Gallicis Britannicisq; equitibus, quorum, ut & Italorum quorundam, animi magnitudinem eo congressu omnes extollunt, qui huius temporis res gestas conscribere: ex Turcis

mille caesos, alij duo millia addunt, alij mille quingentos: illud quoque prodidere, ex Britannica statione machina emissa necatum tormentorū magistrum, qui ob singularem industriā clarus erat solymano: & ex Gallis XX desideratos, ex Hispanis XVII, ex Italīs XIII aiunt prorsus ostentantes magna se incuria scripsisse historiam, cum oppugnationi interfuerint, ac nomina silentio obruerint fortissimorum uirorū & immortalitate scriptorū dignissimorum. Recensent tamē inter cætos Philippum Lömelinum Genuensē, Petrum Melā Senensem, & Michaēlem Dargelunantium inter saucios & Baptistā Romanū, & Franciscum Teluē Lusitanum, & Henricum Mansellēum: quos & Gallicus scriptor quatuor addit sauciatas Rhodias mulieres, quæ uascula plena pice, sulphurē & igne immittētes; uirilibus ipsæ officiis in patria tueda urebantur. Omnes cōsentiunt, dū ignis in cuniculos ab hostibus immittitur, intremuisse urbem eo pacto, ut ruinam omnes uererentur. Addunt & ea strage mœnia ita procidisse, facili ut esset hosti irruptio, sed anxios metu uirūcū abstinuisse. Ita acriter irrupisse eos, ut aliquot uexilla fixerint in fastigiis propugnaculorū & murorum: & per ruinas aditum sibi facile essent paraturi, nisi erectis à Villario prius munitionibus ex assensibus & trabibus, ab ipsis Rhodiis loco deiecti essent: & ex nostris tantum tredecim desideratos uolunt. Quinto die post id prælium rursus Mostaphis hortationibus, inuadendum id sibi Britannicum propugnaculum Solymanus credidit: & iam penetrarant per loca prius diuita Turcæ, Britannosque loco depulerant. At Villarius cum equitibus lectissimis occurrens, rursus excitat Latinos. Instauratur prælium quantum unquam antea: iam qui potiebantur propugnaculo, præcipitati temeritatis pœnas luebant. Pyrrus & Mostaphes compescunt fugam suorum: ita rursus

Arnol. Ferront de rebus

reduci-

redintegratur oppugnatio, quæ eò durior erat, quòd globis æneis, & telis longe emissis Latini sauciabantur. Sed cum suis laborantibus Aruernos equites plures submisisset Villarius, tum uerè fuga facta, receptui quoque Mostaphe canente ob cædes purpuratorum aliquot, qui apud Solymanis gratia atque autoritate ualebant. Hos alij fuisse aiunt ex eo ordine qui apud Turcas honoratissimus est, quem alij Spacum Oglanum, alij Spahiglanum uocant: qui eo loco quem Turcæ uocant Clausuram, liberaliter instituti, seriis honorificisque negotiis præficiuntur, quibûsque & mulieres educatæ apud eandem Clausuram, & sorores & filia nubere solent ipsius tyranni. Fatentur omnes incredibilem ea pugna fuisse animi magnitudinem Emerici Ruiauli Aruerni, qui propè amissum uexillum Rhodiæ, militiæ multis cæsis hosti feroci extorserit. Pyrrus non succedente hac parte, ui propugnaculum Italicum summo imperu paucis postea diebus adoritur, admotis tormentis quibusque eximius: eodẽque impetu stationem Narbonensem suffossis cuniculis innadit Cassius. At Gabriel Chierus Narbonensis contrà actis cuniculis, compressit eius conatus, ut & Gregorius Morgutus Pyrrî. Emericus Ambosius summus olim Rhodiæ militiæ princeps, ingentem aggerem struendũ curarat, proximum Italico propugnaculo. Pyrrus cum eum locum altero die cum syro milite inuasisset, necatis qui custodia præpositi erant, loco iam potiebatur. Vndique strepitus quasi capta urbe, Rhodij ciues permixti equitibus, & multi è Frasciscanorum sodalitia, & Aethiopes serui aduolantes pellunt Turcas. Pyrrus Turcas integros saucius submittens, rursus aggere potiebatur. Nostri rursus instare lapidibus ferreisque sudibus, & hastis & uerubus impellere Turcas. Tardatus est hostium impetus industria Fernandi Gentilis, qui ex uicino propugnaculo

in lauis irrumpentium multis emissis machinis, & conglobatos dissipabat, & dispersos alius facilius detrudendos proponebat. Clamor permixtus hortatione, acclamatione, fremitu, gemitu caesorum ad caelum ferebatur. Pyrrus ubi consilia sua secus procedere, neque quod intendebat efficere posse uidet, anxius immitteret ne suos, rursus deliberat. Sed cum tribus integris horis pugnatum esset, & nunciata cade purpurati alterius, indignatus Solymanus, suos reuocaret iubet: paruit ille, suosque in castra reduxit trahens sauciorum ingentem multitudinem. Mostaphes qui apud Solymanum se uilescere sentiebat, ob frustra iam bis Anglicam stationem tentatam, rursus eo contendit, altera quoque parte Achimeto Hispanicam impetere. Mostaphes suos hortando ad uirtutem arrigere prorsus intentus, summo impetu fertur in Latinos: illi hostem infestum nidetes, ac recordati omnia sua decora in extremo sita esse, manibus hostem prohibent, eoque acrius instant ac fundunt. Cum labare Britanni dicerentur praegruante Turcarum multitudine, eo Villarius mittit Ioannem Buochum Britannum, cum delecta Italorum Cretensiumque ala: qui superuenientes detruferunt animose hostes. Multi fortiter pugnantes à Britannis desiderati, quos rursus huius historici scriptores silentio obruere, excepto Ioanne Bucho. Preianus Aquitanus eo die cum aliorum fortitudinem uicisset, seipsum uicit, ne circa gulam quidem plaga accepta impeditus, quo minus plerosque ex hostibus instar pecorum mactaret: fuit & toto eo praelio eius industria apud Villarium Rhodiòque celebris. Maiori impetu Hispanos fatigabat Achimetus, ut iam in fastigia muri uexilla Turcarum fixa essent. Sed Hispanie equites tanta ui occurrebant, ut nisi saucium magna ex parte omnes paululum remississent de priore impetu, soli facile innumeros hostes fuissent.

Arnol. Ferrons de rebus

gassent.

gassent. Sauciis Villarius mox adfuit cum Aruernis equite
 & Germano: quo factum est, ut qui loco iam potiri se exi-
 stimabant, magna clade depulsi, sensim se ad suos reciperet.
 Crediderat Achimetus initio se loco hac arte potiturum,
 cum prius subter effossos cuniculos igne immisso ingentem
 mœnium partem fregisset, puluere ingenti simul Latinis ob-
 iecto, & ipse quidem quæ parauerat industriè executus est.
 Sed cum per alios subter cuniculos Latini impetum in ho-
 stes fecissent, admotisq; aliquot machinis nihil tale metuē-
 tes oppressisset, ualde debilitati sunt: qua in re Christophori
 Vualderici Germani uirtus non immerito celebratur, qui
 memor generis & Germanici decoris, in confertissimos ho-
 stes incurrens, duobus eorum uexillis potitus est. Nec tamen
 Achimetus absistebat oppugnatione, sed maximo clamore,
 infestis signis, rursus recentes submittit: hi uerò miserè atte-
 rebantur & lacerabantur emissis machinis ex propugna-
 culo uicino à Ioanne Maupaso læuo latere: & rursus aliis
 emissis dextro latere à Francisco Gienraucio: aliis quoque e-
 missis ex tectis domuum proximarum, quas solet ubi in-
 stare uidet periculum, eò aduexerat Gabriel Martinigus
 Brixienfis. Itaque cum uim frustra parari uideret, è prox-
 imo loco Achimetus ita suos reuocat, ut tamen non desine-
 ret strata iam mœnia undique tormentis quatere: & quidē
 plus eo pacto Rhodo nocuit, quàm si ui aperta ut cœperat,
 irrupisset. Villarius tamen, diruta quoad eius fieri poterat
 instaurabat. Sed ea multitudine machinarum hostes abun-
 dabant, ut iam in quartum mensem protracta obsidione, o-
 mnia Latinis asperiora: Turcis in quorum exercitu adfuisse
 constat plusquam cētum hominū millia, prosperiora uide-
 rentur. At Caierbeius in eam muri partem inuectus est,
 quæ ab Aruernis equitibus defendebatur. His Raimundus
 Rogerius, quem Gallum aut Rhodi patre Gallo ortum scri-

bunt, præerat. Falsi sunt tamen Turca qui sperabant artificio cuniculi lapsurum murum, & qui incautius eò properarunt, necati sunt. At Caierbeius modo huc modo illuc cum globo Turcarum adcurrere, pro fatigatis ualidos sufficere: neque uero Aruerni, neque Turca pedem reserere, pugnare utrique summa ui: undique bellantium clamor, occumbentium planctus exaudiri primis cōfosis per eorum strata cadauera reliqui congregari: & iam qui scalis mœnia conscenderant, deciecti sunt. At Caierbeio urgente, uociferante, iterum irrupere, iterum aditum ad mœnia cunari, iterum Aruernos in extremam belli aleam deducere. Tandem Aruernorum uirtute Turca fatigati potius quàm uicti, à mœnium oppugnatione abstinuere. Caierbeius subducta ratione ignis, tanto impetu in cuniculum immissi, fragorēque emissi, etsi aperte uis non apparet, intus tamen uitium accepisse murum non temere coniectura augurabatur. Ita factum ut eius consilio, magno tormentorum numero murum in egra nocte dieque sequenti quatendum illi sibi desumpserint. Id cum esset factum impigre (abundabat enim Solymanus omni apparatu, artificiumque industria, haud temerè à scopo pile aberrabant) murus stratus est: neque uerò tam facile erat Villario excitare uouas introrsum munitiones, quàm hosti & ueteres diruere, & nouas impedire. Ea oppugnatione maximum laudis cumulum tulere, Rogerius is cuius suprà meminimus, & Fornouius Aruernus. Caierbeius paucis ante diebus lectissima secum ducens Solymano auxilia equitum & peditum ex Alexandria uenerat: ut & Pharates ex Anatolia, multa & ipse ducēs peditum millia. Solymanus Mostaphis consilio, quando abundabat multis hominum millibus, pluribus locis simul Rhodios oppugnare statuit. Decem hominum millia deliguntur ad propugnaculum murumque Britannicum, decem millia ad

Ayncl. Ferroni de rebus

Hispanicum

Hispanicum, decem millia ad Italicum, decem millia ad Narbonensem, decem millia ad Aruernorum: his multi alij qui fatigatorum uicem suppleant, uelut optiones deliguntur. Turcæ inuehuntur acriter multis locis in murum: occurrunt & Rhodij animosè: eoque loco unus ex iis desideratus est qui Ianizarius præerat magna apud suos fortitudinis opinione. Undique diuersis locis pellebantur hostes. & Gallus, & Hispanus, & Britannus, & Italus suo fungebantur munere, Rhodisque mulieribus & sodalibus Franciscanis picatos igneosque orbis in Turcas uoluentibus. Villarius cum cohorte prætoria prius Italicam stationem, quæ opprimebatur hostium multitudine liberauit, mox ad Britannicum propugnaculum cum iam uexilla hostilia apparerent, occurrit sed cum uix dimidia cohorte: reliquam partem Antonius Mōterollus Gallus, eius iussu hortabatur ad subeunda strenuè pericula. Pdululum resederant impetus Turcarum adueniente Villario: nam his st. patus fortissimorum equitum ueteranorumque robore, quæ uicque incedebat, hostes deturbabat, cum repente exclamant alij Hispanici munitionem ab hoste iam occupatam. Itaque ex suis acerrimū hominem Emericum Combautum relinquens, adcurrit cum robore suæ cohortis. Ex Turcis aliquot qui machinarum uidebantur impetum, turpi desidia circa molem lapidum deiectionum haeserant. Turcæ interea parte alia immixtis machinis, uariè Hispanos fatigabant à dextro latere, ubi quod suis opem ferrent, & fatigatis succederent fortissimi quique ex Hispanis occurrebant, nullo iam ipsum propugnaculū oppugnante. Tandem hi quos scripsimus desidia circa saxa haesisse, cum strepitum nullum audirēt, rati id quod erat, locū propugnatorie inuacū, uersuri desidia in robur & fraudem; eluio reprætes deseruo loco potiri sunt. cassis paucis quibusdā à tergo, uexillisque deiectis. Reliqui hæc intraentes, in calum

horum robur tollentes, increpita sua ignauia, incitato media fossa cursu, suis se parabant adiungere. In hac tanta rerum perturbatione occurrit Villarius, ac primum iubet tormenta aptè emitti, ne simul hostes coniungantur. Et simul ui murus conscendatur, Et deturbentur hostes imperat. Et machinæ quidem ne illi iungerentur effecere, multis cæsis: qui autem iam propugnaculum conscenderant, saxa uolentes ascensum impediabant. Interea tamē unus ex his qui Vlufagis præerat (est id apud Turcas equitum honoratissimo- rum nomen) cum duodecim aliis strenuis, in mœnia Hispanorum conscendit. At Villarius Et ipse cum suis iam propugnaculo Turcas deturbarat, Et misso Burdigalesi Ioāne Maquenao, uno ex suis industrio homine, ad Guydum Ragusum qui turri Nicolæ præerat, iubet retentis solūm qui paucarum horarum hostilem impetum sustinere possint, reliquos omnes ad se emittat. Paruit ille: mōxque cum Alioro Hispano equite lectissima auxilia aduentare uisa sunt, quibus Et Latinis Rhodisque animi aucti, Et Turcis fracti sunt. Et iam parte alia Menorius Gallus, Et Hugo Caponus Hispanus, cum Cretensium cohortibus aliquot, per portam erumpentes multos ex hostibus trucidarunt, celeritèrque ad suos se receperunt. Interea hostes qui se nihil ui proficere uiderent, iussu Solymani in castra redire, multis cæsis, ac tantis quidem, ut eorum numerum alij ad uiginti millia protrahant, alij ad decem. Commendant omnes hoc praelio Villarij ipsius militarem gloriam, Et Georgij Faucelli Lugdunensis, Et Tori Hispani, Et Ioannis Antonij Franciscani. At nobis omnes quidem certe qui tanto impetu potentissimo hosti obstiterint, laude dignissimi uidentur. Multi tamen Et ex Gallis Et Hispanis, Et Italidis desiderati sunt: quorum nomina qui se scribit silere, quasi id esset historia indignum, parum uidetur ueterum scriptorum di-

Arnol. Ferroni de rebus

ligentiam

*ligentiam hac in re amulatus. Solymanus ita exarsit huius
 oppugnationis frustra tētae causa, parum ut abfuerit quin
 Mostaphem, quem archiectum uocabat totius huius belli,
 supplicio palā afficeret: & uix animaduersionem & sup-
 plicium quo in eum erat usus, Pyrro intercedente remit-
 teret & condonaret. Interea Solymanus in cacumine Phi-
 leremi montis arcem edificari iussit, mole insigni: & iam
 aspera hyeme multos absumente, reficiebat suos. Accidit dū
 hyeme prædura minus timetur hostium impetus, ut pro-
 murum qui Aruerno muro proximus est, Achimetus occu-
 paret. & qui occupant tandiu se, obsistentibus quantum-
 libet Latinis, loco continuerant, donec auxilia maiora ad-
 fessent, quæ eo adcurrerūt per pluteos antea paratos: simul etiā
 ingesta humus altissimè, usum machinarum iis qui propu-
 gnaculo Aruerno præerant, adimebat. Latebant & Turcæ
 alij intra aggeres, qui & ipsis suis tormentis, ne Latini è
 muro Turcas tormētis arcerent, curabant: ex eo loco Achi-
 metus ima murorum dolabris uetibūque ferreis euersurū
 se, aut perforaturum credebat, sed Preianus uariè eos oppri-
 mebat. Asaporum ingēs multitudo huic operi incumbibat:
 horum salutem Solymanus multis expeditionibus, hācque
 Rhodia, eo loco habuit, ut excauandis implendisque fossis
 eos præficeret, eāque interdum eorum corporibus impleveret,
 quo commodius aditum Ianizaris ad loca expugnāda pa-
 raret. Hi igitur urgente Achimeto, concauata propè funda-
 menta mœnia ingentibus stipitibus sepiebant: deinde im-
 pactis malleis ignēque diruebant. Apparebat uano eos la-
 bore operam consumere: ineunt itaque aliam rationem, ut
 murum hamis ferreis, funibūque in terram impellant. Eo
 tamen loco cū muro propius succederēt, machinæ ex Ar-
 uernica munitione emissæ, diruere omnia ea opera hostium,
 multosque ex Asapis necarunt. Martiningi consilio locus*

lum conferrent, quantum maiores suos, quorum pietate
 aucta habent quanta quanta sunt aut imperia, aut regna,
 contulisse exploratum est. Ac nisi sui ipsi morosi astumato-
 res, fructus quos uetus inertia desidiaq; Christo subtraxit,
 omnes à seipsis exegissent, hac amplitudine imperij, hac
 maiestate regnorum, hoc splendore dignitatis, non se satis
 dignos iudicaret. At enim quousque tandem illi desinent
 in mutua corruiere uulnera? quousque desinent multiplici-
 ter animos curis atque uigiliis fatigare, uicinos ut propin-
 quos, affines, foederatos reges regnis spolient? quem ad fi-
 nem sese efferet princeps hac & iniques ambitio? Quid ex-
 pectant nisi ut Græcorum & Aegyptiorum exemplo, antè
 opprimantur quàm anhelantem Christianorum omnium
 perniciem Turcam, debacchantem inaudita crudelitate, si-
 tientem Christiani cruoris, depellere possint? An nò, obsecro,
 intuentur quid Trapezuntius Byzantiisque, quid Myce-
 nis, Andronopoli, Spartæ, Mothoni tam immani seruitute
 oppressis acciderit? En uidemus lugere Græciam, Macedo-
 niam plangere, eiulare Cyclades, Cariam dolere, Phry-
 giam ingemiscere, Dalmatiam queri, Thessaliam mætere,
 tristari Bæotiam: superata septem ostia Nili, Alexandriam
 omnemque Aegyptum domitam, occupatam nuper ma-
 iorem Ungariæ partem: fugisse Arabes, Hierosolimam
 iugum ferre coactam, formidare Caras, metuere Persas,
 expauescere Assyriam: & interim semper putamus nos ab
 isto periculo uacuos futuros? Usque eò sumus eneruati, ut
 ruinam proximam longè malimus spectare & orio tabe-
 scere, quàm in uenientem procellam diuertendam incum-
 bere? Profectò nisi tandem nobis consulimus, qui hactenus
 tantos terrores iecerit atque denūciarit, malum dabit Chri-
 stiano nomini. Eruptura sunt pessima consilia in capita ma-
 gnatum, neque sinent aetatem nostram quantumcunque
 Arnol. Ferroni de rebus diuturnis

„ diurnis laboribus deuexam, ad otium domesticarum
 „ curarum spectare. Si decoris causa bella suscipimus, quæ
 „ causa belli præclarior? si opes quærimus, omni tot regum
 „ gaza, tot Cæsarum, quæ fuit maxima potiuntur Bar-
 „ bari. Hic pecunia, diuitiæ, fructus congesta spolia mul-
 „ torum annorum. Expergiscantur itaque tandem Reges,
 „ Pontifices, Cæsares. Si stant. ingrediantur: si ingressi sint,
 „ currant: si currere cæperint, aduolent, ut flagitiosam, im-
 „ piam, sacrilegam Turcarum uim Christianæ existima-
 „ tioni petulantius illudentem oppugnent, lacerent, con-
 „ tundant, deleant. Excutiant se ipsos aliquando, magni-
 „ tudinem animi excitent, ad pulcherrimum opus conten-
 „ to cursu nitantur. Impertiantur Christianum nomen hoc
 „ beneficio, ut tot gentes laboribus eorum conseruatæ, liber-
 „ ratem & salutem gloriæ fortitudinique eorum acceptam
 „ referant. Sed reprimam iam me, nec insequar hæc lon-
 „ gius. Quæ quoniam in hunc locum semel incidissem, ad-
 „ monendos eos putauì, ne per uniuersum orbem terrarum,
 „ uastitatem, bella, cædes Christianorum, oppressorum in-
 „ digna seruitute gemitus passim exaudirentur. Cæterum
 „ CHRISTVM OPTIMVM MAXIMVM
 „ precor, ut quocunque modo agent, ea eis res, reique publi-
 „ cæ Christianæ prosperè ueniat. Ac de priore quidem Rho-
 „ di oppugnatione hæc dicta sint. Reliquum est ad poste-
 „ riorē expugnationem ueniamus, in qua consultò breuior
 „ res erimus, cum & extent Gallicè scripti commentarij
 „ eius historie locupletissimi à F. Macedonio, Gallo eodem
 „ equitèque Rhodio, qui huic bello interfuit: & Latini mul-
 „ ti, ita tamen scripti, ut alij ab alijs multis locis dissentiant,
 „ qui & in linguam Italicam uersi sunt. At hoc non scripto-
 „ rum esse uitium arguere debemus: quippe eodem loco dum
 „ diuersis locis urbs oppugnatur, omnes nō possūt interesse:

quos consecuti multi sunt, in eodem historia genere uersati. Cum Fabritius Carretanus Rhodiorū imperator ē uita emigrasset, comitius habitis de nouo imperatore deligēdo, accidit ut Philippus Villarius Liladamus Gallus, & Thomas Docrans Britannus aequales calculos ferrent, nulla habitatione Antonij Moralijs Lusitani, cuius prapropiam prensationem omnes repudiarunt. Vbi aequalia sunt suffragia, uetere Rhodiorum more, est in potestate primi maximique equitis, qui ad ea comitia delectus sit, renunciate utrum malit. Is igitur Philippum Liladamum cum renunciasset, ē Gallia ille salutato prius Francisco rege, uocatus tandem Rhodum peruenit. Ex eo tempore Moralijs, qui nullum calculum tulisset, mirandum in modū fuit ab alienato animo, non à Villario solū, sed à Rhodiorum omnium libertate. Eo odio percitum atque actum precipitem, non dubitasse multi scribunt, & in se & in Rhodios pessimē consulere: & nouandis rebus studentem communicasse clanculum cum Solymano, quibus artibus Rhodopotiretur. Et iam dissipatis rumoribus, cum parare diceretur classē, arma, milites, Solymanus ad Rhodum oppugnandam, mittit Villarius Ioannem Lupum Aruernum circa uicinum mare, ad exploranda hostium cōsilia. Atque his faselo suo, comitatus aliquot aphraētis, intercepta nauis Turcarum eam Rhodum perduxit. ex captiuis notissima fuere Rhodijs hostium cōsilia. Dispari cuentu Alphonsus Trotus & Iacobus Xaicus alter à piratis, alter fide ab hostibus data dum in colloquium uenit, intercepti & abducti sunt ad Solymanū: qui cū Xaicum uerborū contumelijs infesto ore lacerasset, tormentis questionē habuit de consilijs & apparatu Rhodiorū: ac tam fuit immemor humanitatis, quam interdum ostentare solet, ut suam insatiabile crudelitatem in hominē fide publica abductum exerceret.

Arnol. Ferroni de rebus

cuerit.

cuerit. Menetonus eques Gallicus uitatis insidius, subduxit
 se huic procellæ Annona deinde & molis ligneus, reliquôq;
 apparatu ad obsidionem tolerandam necessario, purgatus
 etiâ sordibus urbis & murorû: propugnaculisque lustratis
 & instauratis, ubi opus esset, munus Rhodum Villarius:
 uocatôsq; Rhodios equites acriter accendit ad obsidionis
 incommoda toleranda: eademq; eisdem & Rhodiis alio
 tempore, cûm appropinquare Turcarum aduentus putaretur,
 per Leonardum Balestrinum Genuensem pôtificem Latinorû
 apud eos, & Rhodiis per clementem episcopum Græcorum
 proponi iussit. Balestrinus ex sodali Franciscano ad pontificatum
 peruenerat: cuius toto hoc bello, & beneuolentiam erga se,
 & fidem expertus est Villarius. Clemens ea erat opinionis
 sanctitate & probitate, ut uetere Græciâ dignissimus
 passim haberetur. Misit interea ad Carolû Cæsarem
 Villarius, ad Franciscum Galliarum regem, ad Henricû
 Britanniæ, Rhodios aliquot equites, cûm frustra auxi-
 lium ab Adriano pontifice & Leone expectasset: qui eos
 hortarentur suam quoque rem agi, auxilium Rhodiis fer-
 rent aduersus eos hostes, quibus tandem obuiam nisi uen-
 tum sit, annorum aliquot processu in eorum fines irrupturi
 sint: eosq; aut posteros eorum, sordû in modum habituri, &
 in graue & gloria & salutis amittendæ adducturi discrimen.
 Susciperent uero communem religionis causam, maiorûq;
 uestigiis consecrâdis, hereditatem eorum nō minus laudis,
 quàm regnorum cernerent. Ita sibi persuaderet insitas
 inimicitias huic esse genti cû Latino nomine, ut oppressum
 uelut: ac tum demum tale quid quod operæpretiû sit,
 fecisse sibi uideatur, si obterere & cōiungere Latina de-
 cora possit, ac nobis negotiû facescitû intelligas. Sed hæc occu-
 patis eis distractisq; Belgico Italicoque bello, frustra fuere.

Incidit posterior hæc oppugnatio Rhodi in annum
 Gestus Gallorum Lib. VI.

M. D. XXIII. VI. Cal. Iul. certior factus est Villarius, qui paulò antea ne prædæ essent hosti hortos, uicinâsque regiones imminentes uas tauerat, adesse Turcarum naues cum Mahomete Carra. Cæpit classis periculoso aditu sub Rhodiorum conspectum fern, sed machinis à Rhodiis emissis mox inde abacta est, secessuque in Boium promontorium, quod alij Parobolinum uocant. Sed cum rursus machinis emissis uariè illi uexarentur, in terram paulò post subducti sunt. Hieronymus Bartolutius Florentinus communicato cum nauticæ rei peritisimis aliquot consilio, hanc inhibat rationem incendendarum nauium hostilium, ut myoparonibus lectissimis & leuissimis, quasi eliceret hostes ad pugnam, his occurreret, mirâque arte factitium ignem qui uasculis concludebatur, nauibus hostium aliquot locis inferret. Sed cum magni sumptus fieri deberent in eam rem, & res periculi plena uideretur, repudiatum est id consilium. Interea copiæ in insulam perueniunt: explorantque qua parte commodius urbs oppugnari possit. Placuit occupare eum collem, qui sano ædificato sacer erat Cosmæ & Damiano, spectans in Britannicam stationem. Tricoplerus cum delecta Britannorum multitudine eam tuebatur. Mostaphes cæpit eum locum adhibitis emissisque machinis uariè quaterere, Pyrrus Apocletus Italicam stationem simul terrere cæpit. At cum loci depreffione frustra hic esset labor, cæpere aggere proiecto, fossus loca aliquot urbis circumdare: nanque Turcæ calonum multitudine abundabant, ut eis ad ea opera tum perficienda I. Fontanus quinquaginta hominum millia, alij sexaginta adfuisse prodiderint: excisasque ab his rupes durissimi silicis, & campos montibus aggere æquatos, & cõplanata fossuris montium iuga. Constabant hi maximè ex Asapis. est id apud Turcas genus militum, quos Turcica urbes mittunt, exhibito

Arnol. Ferroni de rebus

in sm-

in singulos menses trium nummum aureorū stipendio, quos Solymanus aut remigum loco, aut operarū interdum habet. Achimetus interea stationem Hispanicam, & Cassius Antoniam portam vicināque loca uariè tormentis emissis quatiebat. At Villarius in eos qui opera hostium accelerabant, cuniculisque agendis intenti erant, suos erumpere iterum atque iterum ex urbe iussit: simul apriusimè monet ubi elucuerint hostes, recipiant se: nam machinus se ingentem stragem facturū. Erumpunt Rhodij equites, prosternunt innumera calorum multitudinem. Mostaphes id intuitus, suos properè castris educit: illi infestè adesse, instare. Hos ludificati Rhodij, nunc leuitate equorū unperum eorū declinabant, nunc quasi cōferendi manum cupidi, urgere. Postremò quasi cedentes citato cursu, uariis locis dispersi, ad suos se recipiunt: cum interea in Turcas proximos emissā tormenta infinitam eorum multitudinem prostrariūt. Ad Mostaphes & Achimetus intuiti, pluteos quibus cōtegerentur qui operi instabant, ercxere. Pyrius machinas opponi etiā iussit quæ mox in erumpentes emitterētur: noctuque opera promoueri iubebat, die faciliè innumera mulitudine Turcarum operatuente. Interea Basilus, quem alij Rhodium, alij Cretensem fuisse aiunt, simulato mercatoris officio dum cibos uicino littori quasi uenales ostentat, interceptos aliquot Turcas faselo impositos Rhodum perduxit. Qui cum principio rogati de consiliis hostium uarias ne-
 ceterè uiderentur captiones, tandem metu tormentorum omnia ordine enarrant, ut illi Solymani aduentum expectent, interea parum in officio miles contineatur: eius aduentu futurum, ut strato muro peruadere in urbem illi modus omnibus enitantur. Quo die illi adfuturum Solymanum prædixerant, qui fuit V I. Calendas Septemb. eo is adfuit: aduentumque eius Rhodij perspexere, emissō in-

genti undique machinarum fragore, & cum eò uenientibus quindecim bellatorum millibus. Is ubi aduenit, ut se acrem & seuerum imperatorem ostenderet, multos, quos Pyrrus ut seditiosos criminabatur, cum ignominia dimisit: in exercitu recensendo multorum increpita inertia, acerbior uisus est. Turris Phari fastigia, eo adueniente, cum ut è præalta explorarentur à Rhodiis multa, diruere hostes. Admotis itaque machinis rursus uexare urbem constituit. Proiiciebantur & magno conatu globi saxeis, quibus parum absuit quin ipse Villarius opprimeretur. Immissi quoque sunt passim cupro contecti, instar pilarum pastilli bituminati, refertissimi pice & sulphure. Rursus eiusdem apparatus alij globuli contecti intortis restibus, quibus ferrei aculei hærebant: qui tetrum in modum odoriferi, cum essent acuminati, ubi hærebant uariè quos impetebant lacerabant. Sed maiorem in modum obsessi fatigabantur, & terrebantur assidua conquassatione tormentorum ingentium. Horum duodecim Basiliscos, quindecim Salamandras, tredecim quorum magnitudo alios superabat, Crocodilos uocabant illi, prædam aduectam direpta Aegypto: quorum perpetuo impetu factum, ita ut comminuerentur mœnia, duriores ut conditionem impendere sibi Rhodij iam uererentur. Turca ut tormenta sua sarta tecta seruarent à Rhodiorum impetu, hanc ineunt rationem, ut asseres contignatione proxima coniunctos supponerent, hique medio loco introrsum ab axibus sustentarentur, prominentiorique loco restibus ad machinarum extrema diducto, in altitudinem ingentem rem euexere, ut tormentorum os apertum uideretur: inde inducto ad foramen igne mœnia quatiebant. Diu cum laborassent Latini in disturbâdis his operibus, tandem rem illi ad exitum perduxere, non suppetente nostris apparatu pul-

ueris. Itaque in hunc celeriter conficiendū suos ipse equos maiores & delectos ex sua cohorte fidelissimos quosque Villarius praposuit, in quibus fuere Belge aliquot. Sophymanus interea increpita eorum segnitia, qui uanè tandiu tempus tererent, nouo consilio ad turrim Nicoleam occupandam incubuit. Sepserat eam Villarius prasidio delecto ex Gallicis equitibus & Cantabris fortissimo, quibus prafecerat Gwydum Ragusum Gallum. Admotis tormentis cum sperarent hostes se loco potituros, rursus proiectis ex ea aliis tormentis Ragusus ita Turcas infestabat, ut tormentarios eorum plures, & tormenta ipsa laceraret. Ita factum ut ommissa diurna oppugnatione, nocte tormenta rursus illi promouerent, nihilominus nocturna quàm diurna oppugnatione promouentes. Namque Ragusus qua parte nocte uerisimile erat emissuros hostes tormenta, ita sua quoque collocata displodebat, ut irarent hostes patefacta ei prius omnia consilia. Suffodiēdis itaque rursus cuniculus Pyrrus incubuit circa Rhodum, Villariusque his auertendus, ut utrinque multi desiderati sint. Britannicum tamen propugnaculum magna ex parte ab hostibus prostratum est, Britannis multis oppressis. Et iam ea parte tumultuosè nūciatum est Villario instare hostem, & muro potiri, cum ille cum cohorte pratoria adcurrrens, multis necatis loco deturbat. At Mostaphes suos reuocans, & fessis recentes submittens, praelium acrius renouabat. Rhodij, Galli, Hispani equites pilis plumbeis emissis, simul aduectis breuiusculis tormentis, ita lacerabāt hostes, ut nihil nisi de fuga consulerent. Eracti itaque & debilitati pedem referūt: ac multis caesis ex Hispanis & Gallicis Britannicisq; equitibus, quorum, ut & Italorum quorundam, animi magnitudinem eo congressu omnes extolunt, qui huius temporis res gestas conscribere: ex Turcis

Gestis Gallorum Lib. VI.

redintegratur oppugnatio, quæ eò durior erat, quòd globis aeneis, & telis longe emissis Latini sauciabantur. Sed cum suis laborantibus Aruernos equites plures submisisset Villarius, tum uerè fuga facta, receptui quoque Mostaphe canente ob cædes purpuratorum aliquot, qui apud Solymanis gratia atque autoritate ualebant. Hos alij fuisse aiunt ex eo ordine qui apud Turcas honoratissimus est, quem alij Spacum Oglanum, alij Spahiglanum uocant: qui eo loco quem Turcæ uocant Clausuram, liberaliter instituti, seriis honorificisque negotiis præficiuntur, quibusque & mulieres educatæ apud eandem Clausuram, & sorores & filie nubere solent ipsius tyranni. Fatentur omnes incredibilem ea pugna fuisse animi magnitudinem Emerici Ruiauli Aruerni, qui propè amissum uexillum Rhodiæ, militiæ multis cæsis hosti feroci extorserit. Pyrrus non succedente hac parte, ui propugnaculum Italicum summo impetu paucis postea diebus adoritur, admotis tormentis quibusque eximii: eodèmq; impetu stationem Narbonensem suffossis cuniculis inuadit Cassius. At Gabriel Chierus Narbonensis contra actis cuniculis, compressit eius conatus, ut & Gregorius Morzutus Pyrrhi. Emericus Ambosius summus olim Rhodiæ militiæ princeps, ingentem aggerem struendū curarat, proximum Italico propugnaculo. Pyrrus cum eum locum altero die cum syro milite inuasisset, necatis qui custodia præpositi erant, loco iam potiebatur. Vndique strepitus quasi capta urbe, Rhodij ciues permixti equitibus, & multi è Fraciscanorum sodalitia, & Aethiopes serui aduolantes pellunt Turcas. Pyrrus Turcas integros saucius submittens, rursus aggere potiebatur. Nostri rursus instare lapidibus ferreisque sudibus, & hastis & uetubus impellere Turcas. Tardatus est hostium impetus industria Fernandi Gentilis, qui ex uicino propugnaculo

in latus irrumpentium multis emissis machinis, & conglobatos dissipabat, & dispersos alius facilius detrudendos proponebat. Clamor permixtus hortatione, acclamatione, fremitu, gemitu caesorum ad caelum ferebatur. Pyrrus ubi consilia sua secus procedere, neque quod intendebat effici posse uidet, anxius immitteret ne suos, rursus deliberat. Sed cum ictibus integris horis pugnatum esset, & nunciata cæde purpurati alterius, indignatus Solymanus, suos reuocaret iubet: paruit ille, suosque in castra reduxit trahens sauciorum ingentem multitudinem. Mostaphes qui apud Solymanum se uilescere sentiebat, ob frustra iam bis Anglicam stationem tentatam, rursus eò contendit, altera quoque parte Achimetæ Hispanicam impetere. Mostaphes suos hortando ad uirtutem arrigere prorsus intentus, summo impetu fertur in Latinos: illi hostem infestum uidetes, ac recordati omnia sua decora in extremo sita esse, manibus hostem prohibent, eoque acrius instant ac fundunt. Cum labare Britanni dicerentur praegrauante Turcarum multitudine, eò Villarius mittit Ioannem Buochum Britannum, cum delecta Italorum Cretensiumque ala: qui superuenientes detruferunt animose hostes. Multi fortiter pugnantes è Britannis desiderati, quos rursus huius historici scriptores silentio obruere, excepto Ioanne Bucho. Preianus Aquitanus eo die cum aliorum fortitudinem uicisset, seipsum uicit, ne circa gulam quidem plaga accepta impeditus, quo minus plerosque ex hostibus instar pecorum mactaret: fuit & toto eo praelio eius industria apud Villarium Rhodiisque celebris. Maiori impetu Hispanos fatigabat Achimetus, ut iam in fastigia muri uexilla Turcarum fixa essent. Sed Hispani equites tanta ui occurrebant, ut nisi sauciij magna ex parte omnes paululum remississent de priore impetu, soli facile innumeros hostes fuissent.

Arnol. Ferroni de rebus

gassent.

gassent. Saucius Villarius mox adfuit cum Arverno equite & Germano: quo factum est, ut qui loco iam potiri se existimabant, magna clade depulsi, sensim se ad suos reciperet. Crediderat Achimetus initio se loco hac arte potiturum, cum prius subter effossos cuniculos igne immisso ingentem mœnium partem fregisset, pulvere ingenti simul Latinis obiecto, & ipse quidem quæ parauerat industriè executus est. Sed cum per alios subter cuniculos Latini impetum in hostes fecissent, admotisq; aliquot machinis nihil tale metuētes oppressisset, ualde debilitati sunt: qua in re Christophori Vualderici Germani uirtus non immerito celebratur, qui memor generis & Germanici decoris, in conferatissimos hostes incurrens, duobus eorum uexillis potitus est. Nec tamen Achimetus absistebat oppugnatione, sed maximo clamore, infestis signis, rursus recentes submittit: hi uerò miserè atterebantur & lacerabantur emissis machinis ex propugnaculo uicino à Ioanne Maupasio læuo latere: & rursus aliis emissis dextro latere à Francisco Gienraucio: aliis quoque emissis ex tectis domuum proximarum, quas solenter ubi instare uider periculum, eò aduexerat Gabriel Martinings Brixienfis. Itaque cum uim frustra parari uideret, è proximo loco Achimetus ita suos reuocat, ut tamen non desineret strata iam mœnia undique tormentis quatere: & quidē plus eo pacto Rhodo nocuit, quàm si ui aperta ut cæperat, irrupisset. Villarius tamen, diruta quoad eius fieri poterat instaurabat. Sed ea multitudine machinarum hostes abundabant, ut iam in quartum mensem protracta obsidione, omnia Latinis asperiora: Turcis in quorum exercitu adfuisse constat plusquam cētum hominū millia, prosperiora uiderentur. At Caietbeius in eam muri partem inuectus est, quæ ab Aruernis equitibus defendebatur. His Raimundus Rogerius, quem Gallum aut Rhodi patre Gallo ortum scri-

bunt, præerat. Falsi sunt tamen Turcæ qui sperabant artificio cuniculi lapsurum murum, & qui incautius eò properarunt, necati sunt. At Caierbeius modo huc modò illuc cum globo Turcarum adcurrere, pro fatigatis ualidos sufficere: neque uero Aruerni, neque Turcæ pedem reserere, pugnare utrique summa ui: undique bellantium clamor, occumbentium planctus exaudiri primis cœfosis per eorum strata cadauera reliqui congregari: & iam qui scalis mœnia conscenderant, deciecti sunt. At Caierbeio urgente, uociferante, iterum irrupere, iterum aditum ad mœnia conari, uerum Aruernos in extremam belli aleam deducere. Tandem Aruernorum uirtute Turcæ fatigati potius quàm uicti, à mœnium oppugnatione abstinere. Caierbeius subducta ratione ignis, tanto impetu in cuniculum immissi, fragorèque emissi, etsi aperte uis non apparet, intus tamen uitium accepisse murum non semere coniectura augurabatur. Ita factum ut eius consilio, magno tormentorum numero murum in egra nocte dièque sequenti quatendum illi sibi desumpserint. Id cum esset factum impigre (abundabat enim Solymanus omni apparatu, artificiumque industria, haud temerè à scopo pile aberrabant) murus stratus est: neque uerò tam facile erat Villario excitare uouas introrsum munitiones, quàm hosti & ueteres diruere, & nouas impedire. Ea oppugnatione maximum laudis cumulum tulere, Rogerius is cuius suprâ meminimus, & Fornouius Aruernus. Caierbeius paucis antè diebus lectissima secum ducens Solymano auxilia equitum & peditum ex Alexadria uenerat: ut & Pharates ex Anatolia, multa & ipse ducēs peditum millia. Solymanus Mostaphis consilio, quando abundabat multis hominum millibus, pluribus locis simul Rhodios oppugnare statuit. Decem hominum millia deliguntur ad propugnaculum murumque Britannicum, decem millia ad

Arnol. Ferroni de rebus Hispanicum

Hispanicum, decem millia ad Italicum, decem millia ad Narbonensem, decem millia ad Aruernorum: his multi alij qui fatigatorum uicem suppleant, uelut optiones deliguntur Turcæ inuehuntur acriter multis locis in murum: occurrunt & Rhodij animosè: eoque loco unus ex iis desideratus est qui Ianixarius præerat magna apud suos fortitudinis opinione Undique diuersis locis pellebantur hostes. & Gallus, & Hispanus, & Britannus, & Italis suo fungetibus munere, Rhodijque mulieribus & sodalibus Franciscanis picatos igneisque orbis in Turcas uoluentibus. Villarius cum cohorte prætoria prius Italicam stationem, quæ opprimebatur hostium multitudine liberauit, mox ad Britannicum propugnaculum cum iam uexilla hostilia apparerent, occurrit sed cum uix dimidia cohorte: reliquam partem Antonius Mōterollus Gallus, eius iussu hortabatur ad subeunda strenuè pericula: Paululum resederant impetus Turcarum a dueniente Villario: nam his st. patus fortissimorum equitum ueteranorumque robore, quæ uique incedebat, hostes deturbabat, cum repente exclamant alij Hispanicam munitionem ab hoste iam occupatam. itaque ex suis acerrimū hominem Emericum Gombautum relinquens, adcurrit eū robore suæ cohortis. Ex Turcis aliquot qui machinarum uidebant impetum, turpi desidia circa molem lapidum deiectionum haeserant. Turcæ interea parte alia immixtis machinis, uariè Hispanos fatigabant dextro latere, ubi quod suis opem ferrent, & fatigatis succederent fortissimi quique ex Hispanis occurrebant, nullo iam ipsum propugnaculū oppugnante. Tandem hi quos scripsimus desidia circa saxa haesisse, cum strepitum nullum audiret, rati id quod erat, locū propugnatorē uacuum, uersuri desidia in robur & fraudem; eluo reptates deserto loco potiti sunt, cassis paucis quibusdā à tergo, uexillisque deiectis. Reliqui hæc intaetes, in cælum

horum robur tollentes, increpita sua ignauia, incitato media fossa cursu, suis se parabant adiungere. In hac tanta rerum perturbatione occurrit Villarius, ac primum iubet tormenta apte emitti, ne simul hostes coniungantur. Et simul ui murus conscendatur, et deturbentur hostes imperat. Et machinae quidem ne illi iungerentur effecere, multis caesis: qui autem iam propugnaculum conscenderant, saxa uolentes ascensum impediabant. Interea tamen unus ex his qui Vlu-fagis praerat (est id apud Turcas equitum honoratissimo-rum nomen) cum duodecim aliis strenuis, in moenia Hispanorum conscendit. At Villarius et ipse cum suis iam propugnaculo Turcas deturbarat, et misso Burdigalesi Ioane Maquenao, uno ex suis industrio homine, ad Gwydum Ragusum qui turri Nicolae praerat, iubet retentis solum qui paucarum horarum hostilem imperum sustinere possint, reliquos omnes ad se emittat. Paruit ille: moxque cum Alioro Hispano equite lectissima auxilia aduentare uisa sunt, quibus et Latinis Rhodisque animi aucti, et Turcis fracti sunt. Et iam parte alia Menotius Gallus, et Hugo Caponus Hispanus, cum Cretensium cohortibus aliquot, per portam erumpentes multos ex hostibus trucidarunt, celeriterque ad suos se receperunt. Interea hostes qui se nihil ui proficere uiderent, iussu Solymani in castra redire, multis caesis, ac tantis quidem, ut eorum numerum alij ad uiginti millia protrahant, alij ad decem. Commendant omnes hoc praelio Villarij ipsius militarem gloriam, et Georgij Fau-celli Lugdunensis, et Tori Hispani, et Ioannis Antonij Franciscani. At nobis omnes quidem certe qui tanto impe-tu potentissimo hosti obstiterint, laude dignissimi uidentur. Multi tamen et ex Gallis et Hispanis, et Italis deside-rati sunt: quorum nomina qui se scribit silere, quasi id esset historia indignum, parum uidetur ueterum scriptorum di-

Arnol. Ferroni de rebus

lugentiam

*ligentiam hac in re amulatus. Solymanus ita exarsit huius
 oppugnationis frustra tēata causa, parum ut absuerit quin
 Mostaphem, quem architectum uocabat totius huius belli,
 supplicio palā afficeret: & uix animaduersionem & sup-
 plicium quo in eum erat usus, Pyrro intercedente remit-
 teret & condonaret. Interea Solymanus in cacumine Phi-
 leremi montis arcem edificari iussit, mole insigni: & iam
 aspera hyeme multos absumente, reficiebat suos. Accidit dū
 hyeme prædura minus timetur hostium impetus, ut pro-
 murum qui Aruerni muro proximus est, Achimetius occu-
 parer. & qui occupant tandiu se, obsistentibus quantum-
 libet Latinis, loco continuerunt, donec auxilia maiora adess-
 sent, quæ eo adcurrerūt per pluteos antea paratos: simul etiā
 ingesta humus altissimè, usum machinarum iis qui propu-
 gnaculo Aruerni præerant, adimebat. Latebant & Turcæ
 alij intra aggeres, qui & ipsis suis tormentis, ne Latini è
 muro Turcas tormētis arcerent, curabant: ex eo loco Achi-
 metus ima murorum dolabris uectibûsque ferreis euersurū
 se, aut perforaturam credebat, sed Preianus uariè eos oppri-
 mebat. Asaporum ingēs multitudo huic operi incumbibat:
 horum salutem Solymanus multis expeditionibus, hâcque
 Rhodia, eo loco habuit, ut excauendis implendisque fossis
 eos præficeret, eâsque interdum eorum corporibus impletet,
 quò commodius aditum Ianixaris ad loca expugnâda pa-
 raret. Hi igitur urgente Achimeto, concauata propè funda-
 menta mœnia ingentibus stipitibus sepiebant: deinde im-
 pactis malleis ignéque diruebant. Apparebat uano eos la-
 bore operam consumere: ineunt itaque aliam rationem, ut
 murum hamis ferreis, funibûsque in terram impellant. Eo
 tamen loco cū muro propius succederet, machinæ ex Ar-
 uernica munitione emissæ, diruere omnia ea opera hostium,
 multòsque ex Asapis necarunt. Martiningi consilio locus
 Gestis Gallorum Lib. VI. X iij*

patrefactus est intra murum, ut inde emissi Rhodii disturbarent opera hostium. & per multarum machinarum hinc inde collocatarum impetu conculcarentur. Non desinebant tamen illi murum perforare, & qua parte hiulus erat murus, per fissuras eum tormentis quatiebant, uulneratis multis: ita factum ut iam ruinam murus apertam minaretur. His Villarius recentem opposuit murum, magno labore Rhodiorum ædificatum. Rursus Achimetus urbis direptione uoluntate Solymani proposita, accendit suos ad urbem occupandam, imperiumque facit in portam quam ab Ambofio Emerico ædificatam aiunt: simul etiam classem circumduci iubet, quasi ad urbis oppugnationem. Trepidatur tota uibe, occurritur Turcis, sternuntur undique multi. Ludonicus Tentaullus Gallus cum uexillum in hostes immisisset, languentes iam suos excitauit. Achimetus obuersis in frontem cuneis, summa uiam inuictus in Rhodios urbe potiebatur, ni qui extrema maxnium operibus celeriter erectus defendebat, dextra læuâque parte hostium latera laceraissent emissis machinis. Ita accidit, ut suos Achimetus reuocaret, sequentibus uero diebus murum sternendum curaret, igne eos qui recentes construebantur corrumpens: ingentiaque saxa in urbem uoluebant hostes, quæ priuatorum domos & fortunas atterebat. Et sane hac perpetua oppugnatione ita quasata sunt maxnia ut multis locis aditus in urbem pateret: atque ita omnium animi Rhodiorum consternerent, extrema ut iam omnia metuerent, sibi que diffiderent. In tanto & tam repentino motu multi delati sunt, quasi Rhodi Turcis prodicione dedenda authores, quæ & animam Villarii magnopere mouerunt. Dicebantur plerique infami simulatione quasi in hostes sagittas emitterent, apertis literis sagittæ, omnia consilia Solymano prodere. Ita factum ut edicto, præconis uoce, magno omnium concursu, circa omnes urbis an-

Armoi. Ferroni de rebus

gulos

gulos propugnaculaque omnia pronūciato, prohiberet Villanius, ne quis sagittam in hostes emitteret. Lucius Castrophylacus Rhodius cum aduersus edictum emisisset, mox in vincula coniectus est. Erat illius authoritas, ut clarissimi & spectatissimi viri, & grauissimis causis cogniti summa, atque imprimis hac postea iore oppugnatione probatus fuerat: sed aduersus recens edictum, alieno & loco & tempore emissæ sagittæ, suspectum eum reddebat. Quo factum ut decreta quæ honeste à Tribunis rerum capitalium, tormentis ad eliciendam rei seriem subiiceretur: à quo tamen pauca extorta sunt. Paulò antea unus è Iudeis, qui in Christianissimum adscriptus erat, deprehensus cum esset, Moraliū Lusitanum suspectum red duderat. Tandem cognitum est Moraliū architectum totius doli, & epistolis telorum amētitus illigatus, quo statu res essent, solitum indicare. Atque is minime tortus, quippe magna apud Rhodios & dignitate & authoritate, passus est odio repulsæ in id se erupisse: simul initurum gratiam apud hostem, quem ipse Villarius Rhodique omnes uident apertè, si uim paret adnouere, urbe potiturum. Ea tamen palam edixit, ut appareret deplorare eum tot annos quum fideliter Christo seruisset, ad extremum tam nefarium scelus cōcepisset. Ita ille ceruice luit, ac de multis indicio eius delatis supplicium sumptum. Narrauit Paulus Iouius in libro de rebus Turcicis, feruente bello Adrianum Pontificem Maximum, qui cum nonnullis nauibus ac triremibus, peditumque circuebat tribus millibus nenerat, rogatum à Iuliano Medice, aliisque purpuratis, ut eas naues ac pedites unà Rhodū mitteret, id apertè derectasse: futurum uerò omnes sperasse, ut hæc naues ualidioribus uentis adiutæ, inuita etiam Turcica classe portum ingrederentur: præsertim cum quinquaginta Venerorum triremes in Creta tunc essent, quæ hac in re nonnihil auxilij, etiam

si solum sese hosti ostentassent, attulissent. Lilius Giralduſ
 addit in Gallos eos pedites mox ab Adriano missos, audi-
 tasque palam infaustas uoces, Pontificis non in eum usum
 paratas sibi copias, ut Rhodiis opem ferret, uertendum aliò
 impetum dictitantes. Idque magis mirandum in Adriano,
 quem & uirtus & eruditio, & Dei optimi beneficium,
 nouum hominem & terræ filium, in editissimo authorita-
 tis fastigio collocarat. Obstrictum uerò meminisse se potius
 debebat Deo quàm Casari: & hostes se eos relinquere,
 quorum potentiam crescere iniquum ac pestiferum esset,
 opprimere & sanctum & necessarium. Germani scripto-
 res narrant illum sophisticis nugis occupatum, & poëtis
 Roma exigendis, quos perduellium loco habebat, quæ per-
 tinerent ad acquirendam ueram laudem, nec scisse cogitare
 propter imprudentiam, nec exequi potuisse propter inertiã.
 Erat & Bernardinus ex Rhodiorum sodalio, non tamen
 equites inter adscriptus, homo nauticæ rei peritissimus, &
 qui unico myoparone & faselis aliquot mare redderet
 Turcis infestissimum. Hic quoniam illegitimis parentibus
 ortus equitum gradum, ordinemque assequi non potuerat,
 cum posset Rhodiis magno esse auxilio, repulsæ memor do-
 mi se continuit. Iam res Rhodiorum eò reciderant, ut Villa-
 rius diutius tantum exercitum Solymani sustinere nō pos-
 set, neque quo se pacto his expediret ærumnis reperiret. Ma-
 le ipsi Rhodii omnes equites ciuēsque metuebant, ne malum
 aggrauesceret: omnes cogitationibus molestissimis pertur-
 babantur, pendebant animi, cruciabantur, angebantur: nec
 longius res aberat à seditione, profusis lachrymis porre-
 ctisque libellis more inueterato Rhodiorum undique Villa-
 rio, à Græcis orantibus ne se, pueros, uxores, urbem diripiē-
 dam Turcis præberet. Nec uerò Villariū tam hæc mala an-
 gebant, quàm suspicio intestini doli, domesticarumque in-
 Arnol. Ferroni de rebus fidiarum:

fidiarum: quanquam accito Preiano, Martiningo, & aliis,
 uidebat deploratam urbis salutem. Apud Solymanū quo-
 que resaperelata & grauiter acta, & planè perspecta eius
 uoluntate, dum Achimetus diripiendā primo impetu Rhodum,
 Pyrrus ad deditionem hortandos nobilissimos equites
 & ciues, decretū est humanitate tentādos eorū animos. Mis-
 sus est itaque Rhodum Genuensis transfuga, qui cū pri-
 uati alterius Genuensis prius colloquium peteret, acturus
 postea maximis de rebus, à Gallico equite non ferente iam
 conditiones ut uictis dici, pulsus est. Refertur res ad Rhodiū
 consiliū à Villario, atque is prioribus belli calamitatibus
 breuiter enumeratis, ueniam petiit, dum ruina imminenti
 „ consiliū quærit, si prius ipse sententiam dicat: Rogauit no-
 „ bilissimos equites, ne tantis plagis acceptis conciderent, ne
 „ deficerent: uulnus quidem esse eiusmodi, ut & pertumescen-
 „ dum uideretur, nec dissimulandum: At enim res à nobis
 „ gesta id exigunt, libenter ut Deo acceptam uitam repetenti
 „ referamus. Quis scit an interea noua auxilia ueniant? Quis
 „ scit an nouo stupore perculsi, ut in bello paruæ res magni
 „ momenti sunt, illi cedant? Imitemur nos oportet, nobiscum
 „ ipsi certemus: ne licet quidem iam tantis rebus gestis non
 „ nostri similes esse. Quamobrem erigite animos, retinete pri-
 „ stinam animi magnitudinem. Ego quidem primus libentis-
 „ simè hoc pectore tela hostium excipiam. Vos uerò omnes
 „ quantum periculorum ad uim hostium ferendam subieritis,
 „ etiam si occisione omnes occisi cecideritis, tantundem uobis
 „ ad assequendam immortalitatem loci apud Deum Opti-
 „ mum Maximum comparabitis. Tum Raimundus Lupus
 Pacus Hispanus, homo & fortitudinis & prudentiæ opi-
 „ nione apud omnes Rhodios clarus, hac: Oratio tua Villari
 „ etsi est nobis probatissima, quòd ab insigni inuictoque pro-
 „ dut pectore, tamè hoc nobis multò est iucundior & gratior.

Gestis Gallorum Lib. VI.

„ quòd tantis acceptis plagis te neque defatigari, neque angī,
 „ neque unquam antea uidimus, & hoc tempore constan-
 „ tissimum agnoscimus. Sed quando potentissimo hosti pares
 „ esse non possumus, quid tandem molimur morte nostra ui-
 „ ctoria eorum insignire? Nam ciuibus famem, iam urbi ua-
 „ stitatem uides inferri: urbem & decus Latini nominis ser-
 „ uandum, quantum in nobis fuit, semper putauimus. Sexto
 „ iam mense miser obsidemur, auxilia aut nulla aut ea su-
 „ peruenere, quæ uel'e uisimo cōgressu impetūque hostiū pu-
 „ gnando mox concident, cedendo duriorem nostram condi-
 „ tionem facient. Quin te ipsum Villari uideo, quasi exitum
 „ adsit, nos hortari: ceterum nostrā ne sponē an Turcarum
 „ ui pereamus, id modò agitari: ia omnibus rebus urgemur,
 „ quas sustinere nullo modo possumus: una erit leuatio, si & ho-
 „ dum relinquimus. Obsecro te, obsecro omnes nobilissimos
 „ equites, est ne ulla nobis uia? superest ne aut ars aut dolus
 „ aut consiliū quo hosti æquales esse possimus? si quis id a-
 „ gnoscat, expromat, me quidem ipsum authorem habiturus,
 „ me priore loco in uulnera ruiturum uidebit. Si qua modò
 „ spes reliqua est, si resstantem fortunam, si uastuatē ur-
 „ bi proximam declinare possumus: si nihil superest, si hu-
 „ manas omnes spes consumptas agnoscimus, cur non qua-
 „ les quales condiciones dedenda urbis potius proponi-
 „ mus, alio fortē tempore dolorem uindicaturi, quā te-
 „ meraria morte hosti immanissimo nos obiciamus? Necesti-
 „ tati parere semper est sapiētis habitum. Caput illud est: etsi
 „ ista mors laudatior esse uideatur, cogitandum tamen sit, ne
 „ Christiano nomini Rhodiōque ordini incommodior sit. Ita-
 „ que censeo consulamus rēporibus, mittamus ad solymānū
 „ legatos, qui tentent an æquis conditionibus hoc nos loco e-
 „ missurus sit. Villarius seruato antiquo more, exquisitus om-
 „ nium sententiis, ubi uidet in Lupi raptum currere omnes

Arnol. Ferroni de rebus

sententiam,

sententiam, iubet nominari qui ad Solymanum mutantur. Delecti sunt Robertus Perusius, Raimundus Marchetus, & is ipse Lupus deditionis author, & Groleus: rursus & alij missi. Pactum est Villario, equitibus, Rhodijque qui uellent, abire auehereque quacunque possent, annonamque & naues, liceret: machinas belluas quas uellent uauibus inferre: templa Turcæ ne polluerent: nulli qui Christianam fidem sequeretur fraudi esset, ac nemo in Turcarum sacra inuius adisceretur. Variæ uerò sunt sententiæ scriptorū huius temporis quàm fidelissimè ea Solymanus exsecutus sit. Iacobus Fōtariu qui eo tempore ius Rhodius dicebat, narrat porta Cosquin inui effracta insoletem eum in urbem introuisse, polluta templa, licata quædā Mahometi, Christianis casis uice iumentorū usus: CHRISTI OPTIMI MAXIMI stellas luto conspersas: in foro aut loco publico neminem expertem fuisse contumeliæ. At qui nuper scripsit Italica lingua Solymani res gestas, pactu aut demptis areis machinis res Latinis proprias liceret auehere: cōuentionesque Solymanū humanissimè ac religiosissimè seruasse: præterea res sacras D. Ioanni ne attigisse quidem: seque audisse de Villario, cum Solymanus Rhodum triginta hominum millibus stipatus esset ingressus, ne unum quidem uerbum petulans ex alicuius ore emissum: cūque secundo Solymanum Villarius inuississet, ut abeundi copiam impetraret, conuersum eum ad Habraimum Bassam hæc dixisse, Equidem haud possum non dolere, qui infelicem hunc senem, propriis laribus pulsū, mactum hinc abire uideam. Villarius tandem post uarias fluctuationes Melita à Cæsare concessa, eò fixit sedem equuum Rhodiorū. Melita quidem ea lege à Cæsare donata est, ut Tripolim suis sumptibus Rhodij tuerentur. Multum uerò eo tempore simulatio Adriani Pontificis elusa est à prudentibus: qui cum

omnes palam uiderent ad bellum eius uti consilio dignitate, gratia, ope, hostes, ut sumptibus bellicis exhauriretur aerariū omne pontificium, tamen nullam se partem belli suscipere Francisco Regi scriberet, hortareturque eum oblitteratis simultatibus ad bellum Turcis inferendum. Hic si in suis maximis curis aliquid impertisset temporis huic quoque cogitationi, ut Gallorum Caesarisque controuersias componeret, pū tum Pōtificis nomen famamque retulisset. Pertinebat hoc ad pontificium officium, ut pacis utriusque & communis concordiae cupidissimus haberetur. Nec tamen tot iniuriis irritatus Rex humanus, & religionis amāissimus adduci potuit, quin sui semper similis esset in pontificia maiestate obseruanda. Narrat Iacobus Sadoletus huius Regis pietate factum, ne in tam diffuso regno usquam sectarum labes existeret, aut non subito exorta uindicaretur. Eundem in maxima fame aliquando, cum sterilitate & inopia frugum laboraret Frācia, patefecisse fontes liberalitatis Regiae, permultaque hominum millia aluisse cōplures menses, quoad nouis frugibus uberior annus copiam passim frumenti suppeditaret. Quo uero tempore Turcarum Rex Syriam atque Aegyptum occupasset, Romae hortante Leone initum id consiliū, ut in quinquēnium fœdus Christianis Regibus indiceretur. Dictā esse sententiā ab Antonio Mōtio. At cum Bernardus Diuitius Biebenna legatus Pōtificius de his induciis Regem admonuisset, sacroque bello capeffendo, diem sibi eum sumpsisse ad deliberandum: Quæ cum uenisset dies, essetque frequens ornatissimorum uirorum cōcilium, Regem commemoratis maximis beneficiis, quæ sibi diuinitus essent collata, ad extremum pollicitum, si ceteri principes induciis essent assensi, causamque Dei priuatis dissensionibus prauertendam esse cōstituisent, sese cum quadraginta milibus peditum, duobus millibus cataphractorum equitum,

Arnol. Ferroni de rebus in bellum

in bellum atque in expeditionem in Turcam iturum: neque ante finem facturum, quàm profligato bello atque cōfecto, aut uitam suam quam deuoueret Deo, aut ueteres prouincias, quas impiè hostes eripuissent, Deo restituisent. Ipsi quidem Pontifices, si bellum non aluissent, suscipere debebāt curam dignissimam tantæ maiestatis, ut Carolum & Franciscum maleuolorum susurris distractos, rursus in pristinam concordiam reducerent.

ARNOLDI FERRONI RE-
RVM GALLICARVM
LIB. VII.



ALIQUOT iam menses transierant, & aestas præcipitauerat, neque auxilia ulla Lescuno ueniebant, Ioannésque Medices & Veneti dilapsi erant: Mediolanenses qui iugum Gallicum se exuisse existimant, in compedes se Hispanorum duriores, ferius quàm uellent incidisse agnoscebāt, ut nihil uulgatius tota ea prouincia fuerit trito hoc multorum sermone prouerbio, A Gallo attrēctatas clām Mediolanensium uxores, ab Hispano & uiolatas palām, & insuper bona direpta. Cum neq; à sfortia ad tātās alendas copias suppeditarentur pecuniæ, neque à Casare, exhaustum cūm esset iam ararium pontificium, Prosper & Daualus deduētis militibus in locupletissimas Mediolanensium domos, has interdum diripiendas eis dabant. Interim imperabantur tota urbe pecuniæ, maioreque acerbitate exigebantur, mutui ac crediti nomine uelatis rapinis. In capita singulorum & famulorum & infantium indicebatur pecunia, nunc in stipendium militi, nunc in ue-
Gestis Gallorum Lib. VII.

stem, nunc in acetum & ius, nunc in ligna, nunc in arma detergenda, nunc in calorum expensas, nunc in vias purgandas: cuius modò rei nomen inueniri poterat, hoc satis ad argentum imperandum erat. Non solum Mediòlano, sed vicis castellisque vicinis Hispani milites publicanorù officio functuri praeponerantur. Eorum qui aliquid contumeliæ sissimè impudētissimèque fecisset, ut ut uere Casarianus, & libertatis studiosissimus commendabatur. Atque hi prater inditos nummos priuato suo compendio intenti erant: ut iam & Sfortiam ipsum & Hieronymum Moronum taderet Casarianos accersitos, non ad Sfortia asserendū sed ad dripiendum (ut aiebant) Mediolanensem principatum, quamquam armis oppressi tegerent odium. Cùm uideret Prosper direptas iam Mediolanensium afflictasque res, ipse Daualum ad Pistonem oppugnandum mittit, cùm & annona deesset, neque satis esset praesidiū ad uim arcendam, paxta Gallorum oppidanorūque omnium incolumitate, à Bonauallio qui oppido praererat, atque ut datis uix ducibus Cremonam mitteretur, sit aquis conditionibus deditio. Vix dedutio facta erat, cum Prosper iter in Cremonā parare incipit, literaeque ab eo Daualo redduntur. properaret ad se cū expeditis Hispanorum cohortibus uenire, omniāque posthaberet: tentanda enim sibi Gallica omnia praesidia, longiusque procedendum existimabat. Valde Dauali uoluntas abhorrebat à Prospero. Ipse ut erat elato animo, indignū putarat cui pareret: dedere tamen operam communes amici, ut & ei quàm humanissimè scriberet, & se mox cum eò cōiungeret. Lescuno in multis & uariis molestiis cogitationibusque, cùm & deesset comeatus, & dilapsa undique auxilia, haec una consolatio occurrebat, quòd neque à laudatiore auioreque quàm Prospero quoquam oppugnari posset: neque is deditiois honesta leges. si ita res urgeret,

Arnol. Ferroni de rebus

memor

memor casuū humanorū repudiaturus esset: qui meminisse posset fieri posse, ut & ipse in easdē angustias precipitatus, eandē fortunā deprecaturus esset. Hanc spem cū haberet de eius uoluntate, arcē muniuit, praesidia in urbe disposuit. Neque uerō Prosser etsi innumera copia adessent, ui oppugnare urbem instituit: angustē Gallos cū uideret ut ire frumentaria, asidendo adiuuque intercipiendo. eos undique magna cura obsidebat. Itaque foras tandem ictum his legibus, ut Lescunus intra quadragessimū die Cremonae cum Gallicis copiis ueraretur, remissa interea omni obsidione. Si interea Gallica aut foederatorū adfuissent auxilia, quae aut Padum inuisit Casarianis tranarent, aut urbem unam Casarianorum armis occupatam reciperent, infecta essent conditiones: sin secus accideret, ipse Cremona Prospero cederet, ita tamen, ut Callus sibi que ē praesidio decedenti expansis uexillis, tympanis personantibus, incoluntibus omnibus impedimentis, & salus Cremonensiu fortunis iumentis quoque praebitis, quibus & agri & impedimenta ueherentur, datus quoque uiae ductibus in Galliam ire liceret: captiui utrinque restituerentur, reliqua loca quae praesidiis Galiorum tenebantur eiusdem essent iuris: castra tamen Mediolanensium, Nouariensium & Cremonensium quoad eius fieri posset sese tueri possent, nec huic deditioni obnoxia essent. Datis sunt obsides eo nomine à Lescuno, in quibus fuere Francis Riberacus Daydius, alterius Riberaci qui ad Papiam ceciderat frater: Treisillius qui postea Daciorum rector fuit, & Bonauallius. His confectis, & ultra praestitutum diem de ditione facta, Prosser quàm potuit maximus uincibus cum ea copia quam Alarco comparauerat, & cum his milibus, quos Leua legerat circa Ligures, ad Genuam contēdit, cū ad eum Ottobonus Sinibaldus Elisci pollicerentur uisis Casarianis Ligurum ciuitates imperata facturās, aut

ui futurum ut extorquerentur Gallis. Erant Genuæ factio-
 nes plures: Elisci ueteris homines potëtici, & Adurnij Hie-
 ronymus & Antoniotus, & Augustinus Spinula Casa-
 rianos uocabant. Octauianus & Federicus Fulgosij, An-
 dreas & Philippus Doria, & Ligurij reliqua nobilitas A-
 durniorij exosa imperia, Gallis fauebant. Itaque cum spes
 esset ad futura mox Gallica auxilia, constituunt obsidione
 ferre. Genua ipsa etsi sua nobilitate omnibus notissima est,
 quò tamen huius obsidionis rationes apertius quiuus intel-
 ligat, pauca nobis de eius situ dicenda sunt. Est illi portus me-
 morabilis ad Africum expasus, urbē, quā patet ad Orientē,
 Feritor amnis prætersluit, quē & hodie Bisamne uocat, am-
 nē è proximis montibus præcipitatū, qui se Bisamni immi-
 scet, Ferixanum uocant: haud longe modici circa litus uici
 Neruiū, Buliaschū, Saulū, Rechum, Camuliū. Post Camuliū
 fanum Fructuosi, & promontorium, quod & Caput mō-
 tium appellant, saxosum in mare excurrit, læuāque irum-
 pentes fluctus angustis faucibus excipit, Delphini portum
 efficiens, quem & portum Finum uocant: planis locis &
 luttori proximis, passimque totis uallibus & collibus lau-
 tius uilla ædificatæ ciuium spectantur: has uillas edicto, ne
 Casariani aut diruerent aut spoliaret, Prosper cauerat. Pro-
 sper cum Sfortianis & Germanis ad eam portam fixit ca-
 stra, qua ad Feritorem amnem peruenitur. Classis Hispanica
 duce Ioanne Recasentio sese intra Delphini portū continuit.
 Habebant Fulgosij magnum Corsorum numerum: simul ex
 Liguribus plerique homines rusticani atque montani exer-
 citati in armis, in urbem se receperant. Andreas Doria &
 celeritate nauium, & sciētia rei naualis superior, uariē Re-
 casentium fatigabat, impetūque in Casarianas naues fa-
 ciebat, easque circunuenire, aut remos transcurrentes deter-
 gere si posset, laborabat. Ille quòd minus exercitus erat,

Arnol. Ferroni de rebus

assuetis que

assuetusque pugnae nauticae, tutiore consilio sese posthac è portu Fini non commouit, ut ne classem quidem mouerit ad apparatus sulphureum Prospero Daualoque perferendum: at hic iumentis fuerit summo noctis silentio efferendus. Interea Petrus Nauarrus cum duabus trirēmibus freta Genuensi prouehitur, appulsisque Genuam trirēmibus, uariè Genuenses accendebat ad obsidionem perferendam. Prosper iubet denunciari Genuensibus, nisi intra diem sequentem saluis ciuium & immunitatibus & fortunis, liberòque discessu Gallorum deditionē faciant, uim se allaturum. Octavianus Fulgosus ager lectulo decumbebat, cum Nauarrus & reliqui omni machinarum copia abundantibus hostibus, parum esse tuta omnia referrent: uisum è re Genuensium fieri deditionem: ad leges conscribendas missi sunt Thomas Cataneus, & Paulus Bulgarius, Benedictus Viualdus. Dū legati agunt cum Prospero, Daualus interea Ioanne Urbino acri homine & summo apud Hispanos loco dissentiente, & iniquum esse clamitante, summa Caesaris ignominia, cum legati deditionem polliceantur, diripi urbem: seque subducente Hieronymo quoque Adurnio, & Francisco & Hieronymo Moronis dissuadentibus, machinas emitti iubet ex loco excelsò in eum locum, cui est Petra Parua nomen: accesso ad prædam Hispano Italòque pedite, Nauarrus celeriter iubet emitti minores aliquot machinas, quibus ex Hispanis quidam discripti sunt. Tandem frustra Genuensibus repugnantibus, cum undique tormenta uoluerentur; & omnes ad urbis opulentæ direptionem properarèt, multis præterea qui in urbe Adurniis optimè cupiebant adiuuantibus, Caesariani urbe potiti sunt. Octavianus Fulgosus ager, cum se Dauali fidei commisisset, soluto redemptionis pretio semel emissus: deinde ex Auersa in quam perductus fuerat reuocatus, effecit, ut in Cesare aut Caesarianis probus quisque

fidem desideraret. Petrus Nauarrus oblato ingenti pretio, tametsi Daualus liberatum cuperet, cum & Caesar ei esset iratior, qui causa sua relicta Gallicam tutatus esset, aut diutius uellet eos habere sollicitos, à quibus se existimaret diuturnioribus molestiis esse consuetatum, uix post aliquot menses capto Rege liberatus est. Federicus Fulgosus Pontifex Salernitanus nauicula conscensa cum multis, magno uitæ periculo Massiliam perfugit, multis ex eadem factione occulsi in aliquas onerarias corripendum fuit. Narrat Iacobus Sadoletus, eo tempore quo Octavianus & Federicus Fulgosus fratres, regis auspiciis regerent Genuam patriam, nunquam florent orem fuisse Genuam: cum illi nihil præter æquum & bonum permittierent cuiquam, nec in studiis & dissentionibus partium, quæ in illa republica assidue uigebant, potentiores & gratiosi homines plus possent per iniuriam & gratiam, quam aduersari eorum per ius & iudicium. Federicum concessisse in Galliam, cænobio opulentissimo donatum à Rege, atque ibi cum fratribus pijs nonnullis, nocturnam diurnamque operam sacris literis impendisse: conciones sæpe à fratribus hortandi, docendi, monendi, consolandique causa more maiorum habuisse: rediisse in Italiam, & in Eugubinorum ciuitatem quam habebat sedem sacerdotu sui, domicilium omnium suarum rerum curarumque fixisse. Ibi intra aliquot annos magna caritate frumenti & grani fame exorta, fructus suos omnes ecclesiasticos in egenos effudisse, etsi omni etiam tempore egenorum curam sustineret. Ita factum, ut à Paulo Pontifice Maximo ignatus & absens in purpuratorum ordinem cogeretur. Caesar etsi Genuæ receptione latatus est, tamen direptionem urbis à Daualo per speciem colloquij cum legatis factam, molestè tulisse uisus est: durior tamen in Octauiano Fulgoso & Petro Nauarro iudicatus. Franciscus planè Rex

Arnol. Ferroni de rebus

& Carolus

Et Carolus Cæsar, cum æquali haberentur potentia, diutius ferebantur consiliis. Cæsar callidior et occultior. Franciscus apertior et elatior. In Rege clemens et mitis natura: in Cæsare durior et minus remissior. Cæsar ualde acutus et prouidens: Rex strenuus et magnanimus habebatur. Cæsar quòd astu infidiisque falleret: Rex ut pugna aperta uinceret, laborabat. Cæsar militares homines et callidos complectebatur. Rex miscè ingenii excellentibus delectabatur. In Cæsare maiorem fidem: in Rege interdum maiorem cautionem desiderares. In Cæsare orationis breuitatè, in Rege copiam efferebant. Erant apud Cæsarem industria quidam stimuli ac laboris: flagrabant ornàmèta fortitudinis, comitatus, humanitatis apud Regem. Cæsarem parcum nec illiberalem tamen, dices: Rege in largitione nemo effusior habebatur. Cæsar seruire temporibus, regere ad tempus suam naturam, huc atque illuc torquere et flectere didicerat: Rex constantiam sermonum re exequebatur, eaque palàm sentiebat, quæ inuictum eius animum facile ostenderent. Cæsar cum callidis acutè, cum suis grauiter uersabatur: Rex cum aulicis iucundè, cum proceribus humaniter uiuebat. Conferres Regem Carolo Burgundioni Cæsaris auo, nisi quòd et fide et comitate, ditione, eruditione fuit maiore Rex: Cæsar Ludouico undecimo Gallorum Regi simillimus: In Rege uariam eruditionem memoriàmque propè diuinam: in Cæsare uarium et ad omnia uersatile ingenium non desiderares. Cæsar representabat umbram humanitatis, et clementie: in Rege non adumbrata simulachra, sed totam effigiem harum uirtutum agnosceres. Rex manu fortior: Cæsar cautior ferebatur. Cæsarem nisi se ambitu commaculasset uerè p̃i nomen relaturum: Regem nisi delictis aulicis implicitus fuisset, omniam Regū triumphos superaturum, detrectatores tantarum uirtutum, et quasi Gestus Gallorum Lib. VII. Y y

Momi Veneris sandalum carpentes, aiebant. Sed Regum est cum benefecerint, malè interdum audire. Natura enim cum esset comis, facilis, benignus, disertus, conciliabat sibi communium principio regni amorem. Rhythmos quidem Gallicos ea cōcinnitate Rex edebat, ut nec fluere rotundius, nec cadere numerosius, nec coherere apertius ullo pacto possent: dubitarentque qui eo in genere uersari sunt, an res uerbis, an uerba sententiis magis illustrarentur. Atque ita amatorius lusibus philosophorum seueritatem permiscebat, ut & illi hinc auctoritatem, & hanc illinc hilaritatem precario accipisse uideri possent: totumque Francisci Petrarchæ myrothecion, ac nonnihil etiam Danti Aligerij pigmenta consumpsisse uiderentur, tametsi obscuritatem in his Critici interdum reprehenderint. Vidimus ipsi si quid plebi Gallica lingua suaderet, præcipites ferri impetu animos audientium, quocumque eos ei impellere libuisset, tanta copia orationis, tantum flumen lectissimorum florum, id pōdus grauissimarum sententiarum ex eius ore manabat. Eo ferè tempore Susanna Borbonia Caroli Borbonij magistri equitum uxor emigravit è uita. Erat Borbonius homo & gnauus & industrius, experientissimisque in re militari. Defuncta uxore cum ad sanum Germani Layci Regem inuississet, pullasque nestes ponere iussus esset, animumque oblectare, uultu ipso ingentem animo premere dolorem uidebatur, molestissimisque cogitationibus molestiam quam contraxerat testari, ut ad blanditias aulicas undique subringentem, constaret nondum illum ad pristinam suam alacritatem rediisse. Guilielmus Gounfierius tribunus maritumorum ita Regi familiaris erat, nihil ut posset esse coniunctius. Eo tantum potènte, cum & rem & existimationem, & auctoritatem suam tueri se nō posse putaret, illumque sibi præferri grauiter ferret, commotum putant: præsertim cum olim apud Regem

Arnol. Ferroni de rebus dignitate

dignitate & gratia plurimum ipse ualuisse, eo tēpore parum posset. Ludonica Regis mater Borbonium in ius uocauit ad Boiorum aliquot oppida, quæ sibi ut proximiori ab intestato delata esse contendebat, quæ ab uxore ille relicta possidebat. Ille irarum plenus qui paterna auitæque oppida in iudicium nolebat deduci, aperte frendebat iniquum esse sibi ea adimi à quibus data oportuit. Ita factum ut ea iniret malo exemplo consilia, quibus & regiam dignitatem & uniuersam Galliam concuteret: rempublicam Gallicanam ad exitium & uastitatem uocaret: ac iam odio æstuus, iracundia ardens in patriam præceps ferebatur: atque ita obfirmato animo obduruerat, ut nullum laborem recusaret, nullum periculum defugeret, quò uel perturbata uel oppressa Gallia, iniurias ut aiebat ulcisceretur. Rex ut erat humanissimus Molinij inuisens Borbonium, uersatus apud eū humanissime fuerat: uidebaturque quæ eum ob litem motam offenderant, quæque acrius in animo eius insederant, & suauitate orationis deleuisse, & uultu illo familiari sustulisse. At is paulò antea oblitus patriæ, misso ex suis fidelissimo ministro ad Casarem & Henricum Britannia Regem, cum eis pactus fuerat de Rege regno depellendo, Gallia sibi adsciscenda, parte tamen Casari, parte alia Britannia tradenda: Italia imperio Casari asserendo, Helionora sorore Casaris in matrimonium ducenda. Quidam ad id impulsus uolunt Borbonium ob ueteres similitates quas cum Rege gesserat: quippe priuatus Rex ob quædā ad Ludouicum ab eo delata, ad certamen eum prouocarat palàm è Borboniana domo, quæ Lutetia circa Luparam arcem sita est. Harum similitatum tantum aberat, ut regnum ille adeptus meminisset, ut ultro magistrum eum equitum designaret. Alij putant Borbonium, cum deleteretur magnificus apparatus, uitæque cultu cum elegantia & copia,

omnesque passim domo mensaque exciperet, necres familiaris etsi amplissima, tantis sumptibus pareffet, turbare omnia ac permiscere uoluisse: captiūque regni libidine, excusis tot suis clientelis atque amicis, iniisse consilia rapiendi
 » regni quod semper concupierat. Docent uero sapientissimi
 » homines in maximis animis, splendidissimisque ingeniis plerunque
 » existere honoris, imperij, gloriae, potentiae cupiditates: nec tamen ullum adduci debere, ut eum iustitiae patriae
 » que capiat obliuio, cum in imperiorum honorumue cupiditate
 » tate in inciderit. Borbonius non solum perturbatione indignationeque animi, sed consulto et cogitato hac molitus fuerat. Narrat enim auditum, cum diceret se post tam acres aculeos infixos, aulicis uerborum mulsulis, blanditiarumue lenociniis flecti non posse. Laudabat idem et in ore habebat Aquitani eius scitum responsum, qui rogatus à Carolo septimo quo tandem premio impelli posset, ut fidem sibi tot
 » magnis rebus perspectam falleret, Non tuo (inquit) here regno,
 » non orbis imperio adduci possim, non omnium thesauris,
 » contumelia tamen et stomachosa iniuria possim. Manauerat interea rumor in aula nescio quid illum moliri, atque is ab uno authore ad plures peruenerat, aliusque alij tradiderat. Quibus permotus Rex Borbonium euocarat: atque is uacua lectica uno die elata, quasi aeger conspectum hominum uitaret, noctu Molinum egressus. Posteaquam in arce, cui nomen Chanteneria et alia Carlaca pernoctasset cum Pomperano, in Burgundiam uicinam quae Caesaris imperio obnoxia est perfugerat: missamque ualidam manuū, rumore certiore ad se comprehendendum frustratus est. Borbonium secuti Emarius Prius, Lursius, Tanfanus, Ioannes Beumontius, Pomperanus, Pelusius Morra, Ioannes Hospitalis medicus, illustri ingenio et industria indices autem extiterunt tantae coniurationis, Argus et Arnol. Ferroni de rebus. Marrignonus

Martignonus Normani. Galeatius Capella Borboniū abiiſſe ait ob liſſem quam ei Ludouica intēderat. Adrianus Barlandus narrat curaſſe Regem uti Borbonius Ludouica matri nuberet, cum nuptias repudiaſſe: ueritum tamen ne cogere-
 retur, abeundi conſilium ſumpſiſſe. Id ille unde expiſcatus ſit, incertum: nunquam in Gallia auditum: maioreſque uerſimile eſt Ludouicam modeſtia, & Regem humanitate maiore fuiſſe, quā ut inuito obtruderent nuptias: atq; ſue illius deuexa à nuptiis abhorre-
 re uidebatur. Ac ſæpe & multum admiratus ſum exteros ſcriptores illarum nuptiarum memin-
 iſſe: atque eam à Borbonio cauillo impetiſſe ſolitā ut ambitioſam, quaſi ea eſſet quæ arbitrio ſuo, non ratione & conſilio uteretur. Prudentiſſimè uerò erudiſſimi homi-
 nes ſenſiſſe mihi uiſi ſunt, qui ſcripſere, ſciētiam eſſe eorum
 quæ ſic comprehenduntur, ut conuelli ratione non poſſint:
 ſin aliter, inſcientiam uocari: ex qua exiſtit opinio, quæ eſt
 imbecilla & cum falſo incognitōque communis. At qui ipſi de Frāciſco Borbonio fanī Paulini Comite audiui-
 mus, miſſum ſe à Ludouica paucis autē menſibus ad Carolum Borbonium: eius nomine egiſſe cum eo accuratè ne angeretur
 ob liſſem eam intentatam: ſi liberos ipſe quacunque uellet, uxore ſibi adiuncta ſuſciperet, iure quo optimo maximo iis
 ſe daturam, ceſſuram eorūque poſteris omnia ea oppida, quæ in controuerſiam deduſta erant: ſin calebs maneret,
 uſuſfructu ſe ceſſuram quandiu ſuperſtes eſſet: impetraturā etiam à Rege, ut quem uellet ex agnatis ad eam hæreditatē
 cernendam, libere uocare poſſet: interea moleſtè ne ferret iudicio patrum Pariſienſium rem decerni: nulla ſe regia poteſtate eo in iudicio uſuram: neminem miſſurum, qui ſuo nomine
 patres preſarct: permittere Borbonio quos uellet ex cohorte iudicum reuiceret. Pariſienſis ſenatus ſi diſpliceret,
 quem uellet ipſe deligeret, aut Tholoſanum, aut Burdi-
 Geſtis Gallorum Lib. VII. Y iij

galensem, aut Rothomagensem, aut Diuionensem, aut Gravianopolitanum, aut Aquensem. Ad ea illum respondisse, Feruntur mihi hæ conditiones quas ego accipere lubentissimè debueram: at satius controuersiam in iudicium delatam patrum iudicio sopiri, ipsa dabit dies consilium. Addebat idem cum Borbonio sibi sæpe multum fuisse de Ludonica sermonem, qui sibi uisus esset nunquam, nisi reuerentissimè de ea sentire & loqui: unde eum placatiorem crediderit futurum, nisi Pomperanus, Pelusius, & quidam alij, quibus mendaciis, multiplicando uerbis Caesaris uim & liberalitatem, crexerant eius animum, iisdem spem eius inflascent, quasi mox summo omnium uoto ad Gallica regna uocaretur, & undique cõcursus ad eum futurus esset, ubi Caesaris exercitum cõspexissent: præsertim cū hinc Caesar haud dubie uocaret eum ad regnum Gallicum, illinc Britannus Gallicis cladibus latus, stimularet. Antea Guillotus Maclous Lutetia abscissa prius dextra capite luerat, ob uicos aliquot direptos, quos cū turmis militaribus circuibat, metatoremque suos præmittebat, qui sibi ut Regi hospitium pararent. Missus deinde caduceator ab Henrico Britania Rege, bellum Regi superbissimè indixit. Hunc Rex Lugduni audiit, placidaque oratione placatum dimisit. Ipsi interea in Gallia fines irrupere: iis P. Borbonius Vindocinensium dux unà cum Carolo Tremolio occurrit: missique sunt mox Thomas Fuxeus, Lescunus, Anna Mommoratius, Federicus Bozulus, Renatus Maserianus cum multis equitum alis: quæ causa fuit, ut mox illi ne tentato quidem pralio rediret, frustra per multos dies arce Hisdinensi obfessa. Annus agebatur millesimus quingentesimus uicesimus tertius, cū rursus Angli stipati longo agmine Burgundionum, maioribus contractis copiis in eam partem Gallia, quæ Piccardia nomine notior est, peruenere: & petente ipso Vindocinensium

Arnol. Ferroni de rebus

docinensium

docinensium duce, præpositus est uniuersæ illi prouincia idē
 Tremolius. Is in Sanctoquinum peruenit, inde Bononiā
 muniit urbem maritimam: deinde Monstrolio urbe se parū
 munita continuit, munitionibus celeriter constitutis. Suffor-
 tius unā ingens agmen Anglorum trahens, cum Distano
 Burgundicis copius præfesto adcurrit: uidebantur lectissimæ
 copię. Constat in armis fuisse peditum triginta millia, equi-
 tum sex millia, tormenta bellica & multa, & inusitæ
 magnitudinis. Hi Bononiam cū obsidere uellent, certiores
 facti prius munitam, incensis direptisque castris aliquot,
 abiē in Tarauannam Morinorum: & quanuis consum-
 pssissent quatuor integros dies assidendo, dum exquirunt
 qua parte facilius urbem obsideant, territi undique emissis
 machinis, ea quoque abstinuere. Petrus Pontius qui urbi
 præerat, cum Gallicis equitibus abeuntium agmen carpēs,
 multis cæsis in urbem rediit. Suffortius deinde mouit ad
 Dorlanum: frustra quoque consumptis quatuordecim diebus
 inde quoque cessit. Nanque Pontiremius prope urbem pro-
 pugnaculum humo undique congesta, in castelli arciumque
 speciem erexerat, unde emissis machinis uariē eos infesta-
 bat. Huic subsidio duæ alæ equitum missæ, quæ expansis
 uexillis, inspectantēque hoste urbem introiere. Valde la-
 borandum fuit Tremolio & Vindocinensi ob copiarum
 paucitatem, ut cū hostis è loco uno sese commouisset, sen-
 sim ex eo eductis copiis hæ in proximum, in quem uerisi-
 mile erat eum uenturum, submitterentur. Mox hostes oram
 legētes Somonæ, Brayam uenēre: eaque præsidio nullo mu-
 nita potiti, amnem transmisere. Inde quoque & Royam
 & Mondiderium desertas ab oppidanis urbes diripuerunt.
 Boiagnum idem prius receperant, & præsidio sepeferant.
 Tremolius & Vindocinensis ubi Britannos & Burgun-
 diones uident Somonam transmisisse, Dammarinum mit-

tunt ad Nouiodunum tuendum cum ala equitum lectissi-
ma. Atque is collectis è vicinis locis militibus, ciuibûsque
uocatis ad arma, breui quantum loci opportunitas, bellique
ratio postulabat, urbem muniit. Idem fecere Mommorus
& Humerius, qui ad Peronam missi sunt. Luxemburgus
Brienneus & Brenneus ad Guyssiam: ad Corberiam Ponti-
rcmius, Franciscus Regulus Turenensium, & Hector Bor-
bonius Lauedanus: ad Sanctoquintinum Iacobus Albo-
nius Sæctoandreas: ita hostes circinuallare ea loca pro-
hibiti. Scripsit ad Senatum & Decuriones Parisienses Tre-
molius, quos iam anxi ob aduertum hostiû uidebat, & de-
lectum Lutetiæ habere: soluto essent animo, & per Marto-
nam machinas bellicas, sulphureûmque apparatus mitter-
rent. Ipse in omnes intentus occasiones, annonam undique
quâ uenturum uidebat hostem, corrumpibat. Quo factum
ut illi mole sua ruentes, clàm se è Gallia proriperent infelici-
ter succedentibus rebus. Hos secutus Tremolius uestigia eo-
rum undique ita premebat, ut inspectantibus eis, cæsis qui
in præsidio ad Boiagnum relictî fuerant, locum reciperet:
darètque operam ne ullo loco ad obsidendam ullam urbem
consisterent. Itare infecta pars ea Galliæ metu, periculôque
liberata est. Atque eo tempore & prioribus annis ad tanta
belli impendia perferenda, uariis indictionibus urbes Gal-
licæ oncratæ sunt: noui magistratus designati, hiq; uena-
les propositi: in seneratores iudicia seuerè multa facta dais
selectis iudicibus, submotâque prouocatione, qui passim ubi
minus pretium à uenditore datum constiterat: usuræ præ-
textu temere initos contractus rescindebant, adiecta mul-
cta fisco maiore interdum quàm res esset empta. Imperatæ
quoque decumæ nationi sacerdotum. Interea ne senescerent
consilia belli Mediolanensis, Rex undique copias scribebat.
Eadem quoque tempore multi absentes postulati maiesta-

Arnol. Ferroni de rebus

tu, qui

tis, qui Borbonium secuti fuerant: in quibus fuit Pötieurius è Britannia minore, Ioannes Huraltus Eduensium Pötifex, qui postea captus est, Carolus Motta, Pomperanus, Pelusius, Sanctouincentianus, & plures alij. Capti & in carcerem coniecti Ioannes Troius Pictonicus, qui & Sanctoualeriani nomen retinebat: & Ioannes Escartius suppraefectus Boiorum, qui Lauaugioni cognomine notior est. Ac multò post tempore Valerianus maiestatis damnatus, Regia humanitate liberatus est. Nam qui consanguinitate illi erat proximi, orabant Regem ne extingui pateretur, extinctum post patris ærumnosissimi mortem, ni filia mortem uidere uellet: daret illi quæ ab ineunte adolescentia & Claudie Regina, & Ludonica matri præstò semper fuisset ad aulica ministeria, patrem in falsa inuidia, periculisque uersatum: leuaret hunc aliquando supplicem, quem seruatum plurimi uolunt, seruare ipse unus possit: ne permitteret in tot bellis periculisque perspectum uagari flammam aliorum facto & cupiditate excitatam: orabant Regem & obsecrabant, ne infelicissima filia uota, ne preces repudiaret, aliter post funus paternum filia funus, propinquorumque expectaret: quòdnam ob facinus? quid ipsi tantum sceleris admisissent? Rex ut tam in breui spatio omnem eiecisset animum, preces ut miserorum nihil apud eum possent? Ita flexere illi animum humani benignique Regis. Nanque atatis nostræ Reges, Cæsares, Pontifices, aliis fortè in rebus æquales Francisco aut superiores fuere: humanitate, clementia, pietate omnes ille nicit. Excubabant illi pro salute rei: ita curarunt mox diploma regium obsignari quo crimen obluerabatur, idque cursu Pegasario celerrimè, quocunque statu res essent, perferri curarunt. Ita factum ut desperata tam propè salute, in carcerem reduceretur, beneficiòque Regiæ clementiæ frueretur. Escartius absente Rege, ueritus ne falsi crimi-

nis inuidia opprimeretur, dum fugam parat custode carcerum ita alligato, ut neque uerbo neque facto fugam impedire posset, acclamantibus aliis captiuis, prouenienteque plebe, causam iterum fugæ dicere coactus, cum patribus innocentiam suam probasset, absolutus est, multique alij aut absoluti sunt, aut humanitate Regis restituti. Aequius enim uidebatur ei liberare etiam suspectos, quàm oblati criminibus insectari, aut capitis arcessere. Maximè uerò Gallia omnis perturbata est incendiariorum iniecto metu: quos passim submissos à Cesarianis, ut in uicos urbésque ignes immitterent, plebs suspicata est. Trecensium ciuitas maiore ex parte ea lue polluta est: nec tamen unquam exploratum esse potuit, unde ea incendiij causa orta, tantum in Cesarianos causa translata uulgi rumoribus. Ac rursus ob metum Cesarianum Tarauanna Morinorum scripto exercitum cōmeatu instructa est. Caroli Borbonij bona fisco addicta, exceptis iis de quibus contendebat cū Ludouica, quæ decreto senatus post aliquot annos ei cessere. Hactenus res Gallorū eo statu fuerant, ut de Mediolano recipiendo nondum spes abiecta esset. Amissa autem Cremona, expugnata Genua, arce Mediolanensi reddita, morbo & fame tabèque consumptis qui in eam introierant, in quibus fuit Gratianus Garrus, Venetis in Cesaris partes uenientibus, Carolo Borbonio rei militaris peritissimo, cui consilia omnia Gallica notissima erant, adiuncto Adriano Pontifice Maximo Cesaris studiosissimo pecunias exercitumque suppeditante, accitis etiam ad partes Florentinis, Senensibus, Lucensibus, regulisque Italiae; Ioanne etiam Medice (iterum repudiata Gallorum amicitia opera Iulij Medicei Cardinalis) cum equitibus leuis armaturæ trecentis; graui quinquaginta, quinque peditum cohortibus ad Cesarianos transeunte, uersa est belli alea: & studiosi Gallicarū partium uim ho-

Amol. Ferroni de rebus

stulem

stilē ueriti, Italia excedere coacti, cū Romæ Vuleranus u-
 nus ē purpuratis pōtificiis Gallicarū partiū inuidia, in uin-
 cula esset coniectus ab Adriano Pontifice. Nec licuit Regi, ut
 constituerat Mediolanum pergere, ob patefactam Borbonij
 coniurationem: terebatūrque interea tempus, bellique ap-
 paratus refrigescēbat. Ac tandem summa imperij traditur
 Gulielmo Gounficio Boniueto tribuno maritimorum: cum
 eo fuere Vaudemontius Lotharingus, Palicius, Vandene-
 sius, Baiardus, & plures alij. Erat ille quidē Borbonio ini-
 miciſſimus, eūque ille oderat a quē atque illos ipsos qui
 Regis animum à se auerterant: multāque antequam Gallia
 excederet acciderant, in quibus & similitates illius, & o-
 dium expeiretur. Huic adfuere triginta peditum millia, e-
 quitum quatuor. Prosper Columna illi ad Ticinum occur-
 rit, ripa munita transitu cum prohibēturus, sperans futurum
 ut turbatis ordinibus Gallos interciperet. At illi munitioni-
 bus praeſcriptis, interceptis etiam aliquot machinis, Pro-
 sperum mox Mediolanum redire coegerunt, Batardo primo
 cum suis Ticinum intrepide transeunte. Omnes qui huic bel-
 lo interfuere, ipseque Baiardus & Vandenesius, culpam
 hanc adscribebant Boniueto, quōd perterritos hostes non
 secutus, spatium eis dederit Mediolani muniendi. Id & in
 eo Galeatius Capella desiderat: multiq̃ue suspicati sunt spe-
 pecuniae ingentis ab oppidanis exigendae dilatatam oppu-
 gnationem, quōd ab eius uiri uir:ute abhorret. Natura ue-
 rò id insitum, ut consilia euentis ponderemus: ac cui faustē
 quid contigerit, prudentiſſimē illum prouidiſſe, cui infelici-
 ter, male sensiſſe iudicemus. Ipse aiebat sequi se confestim nō
 potuisse, nondum equitibus, sarcinis, machinis traiectis: de-
 territumque à Galeatio Vicecomite, quem parum fidū Re-
 gi ferō sensiſſet. Interea Prosper eadem ratione qua prius
 Mediolanum muniit. Eo fere tempore Adrianus Pontifex
 Gestus Gallorum Lib. VII.

Maximus concessit fato: & post uarias disceptationes suffectus in locum illius Iulius Medices, qui se Clementē VII uocari uoluit. Prossper cum extrema uale tudine conflictaretur, absente Daualo, qui ob simulcrates aberat, Ferdinandū Alarconem docebat quid agi uellet. Gounfierius castra fixit ad Ticinensem portam. Serò autem Baiardi Vandensique consilium se non secutum, qui perterritis mox instandum suaserant, agnouit. Interea Carolus Laurius & Ferdinā-
 dus Daualus è Neapoli Papiam peruenere cum recentibus copiis: & Borbonius è Germania acceptis à Ferdinando Casaris fratre septem Germanorum millibus, Mediolanū quoque perueniebat. Mutata belli ratione Gounfierius ipse cum parte copiarum Mediolanum obsidebat: Baiardum misit cum septem peditum millibus, equitibus ducentis, & Federicum Bozulum ad Laudē Pompeiam oppugnandā. Laudī praeerat Federicus Mātuanorum regulus, qui se imparem Gallicis uiribus agnoscens, tentatus per Bozulum honestis conditionibus deditionem fecit. Alios deinde praefectos cum quatuor peditum millibus leuique armatura Moguntiam mittit, quam & ille profugientibus Casarianis occupauit: frustra tamen Cremona tentata est. Itaque rediere rursus coniunctis uiribus ad Mediolanum omnes. Summa tamen annonae inopia, assiduisque imbribus fatigabantur Galli. Fama est, cum Boniueto promeretur frumentum à rustico, acclamasse hominem, Edite triticum conditū ante sexaginta annos: idque minimè insuaue uisum. Sunt autem ut huius qui uicini sunt Tholosatibus accidit, qui granaria habeant sub terris, uti spelūcas, quas uocant Syros, ut in Cappadocia. Horum solum, ut ait M. Varro, paleis substernunt, & curant ne humor aut aer tangere possit, nisi cū promitur ad usum: sic conditum, ait, triticū manet uel annos quinquaginta, milium uero plus annos cētum: & quò spiritus

ritus non peruenit, ibi non oritur curculio. Ad hæc Federicus Gonzaga Mantuanus, & Medices Ioannes, frumentatores Gallicos uariè concidebant: & maturius soluisset ille obsidionem, nisi per Carolum Murgantè Parmensem in spē uenisset clam potiundi Mediolani: nanque is ponte sublicio occupato quò extra munitiones ad urbem aditus patebat, Gallos erat introducturus. At dum incautius consilia sua communicat cum Ioanne Ferrario, detecta ab eo coniuratione pœnas dedit. Prospero interea mortuo summa imperij redierat ad Carolū Lanoium. Peruenit & Borbonius Mediolanum cum Germanorum copiis, cui unà cum Lanoio totius imperij cura à Cæsare commissæ, uicario etiam imperij, ut uolunt multi, designato. Iam autumnus in exiū erat, Baiardoque & Rentio Cerro in uicina loca dilapsis, seduloque adnitentibus, ne quid commeatus in urbem inferretur: molis quoque dirutus fame prius experant Mediolanenses urgeri. Tantis copiis hostibus auctis, coactus est Gounfierius & Baiardum & Cerrum ad se reuocare: horum discessu recreati Mediolanenses minus angustè re frumentaria usi sunt. Prius quoque de induciis actum fuerat, quas cū Prosper & Alarco duorum mensium se dare recepissent, Hieronymi Moroni opera præcisa est eorum spes. Fuerat is Moronus Gallis olim amicissimus, at se totum eo tempore à Gallorum amicitia auerterat: in:tiòque huius belli nō sensim atque moderatè ad Sfortiæ amicitiam arreperat, sed breui tempore totum hominem difficillimis adhibuit cōsiliis, mirusque artifex in pecuniis undique auertendis, possederat: eadem ratione non ingratus Prospero & Duale, cū & Cæsari optimè se cupere iactitaret, ac neq; hæc neque illa parte fidem habens, omnia perditæ ob prædā cupiebat: ardebat studio præproperè adipiscendari præfecturarum sacrarū: sedatisque tandē bellis, neque Cæsari, neque

ipsi Sfortie parum fidelis uisus. Ac principio quidē sic pro-
 gressus est, ut maximis in rebus pacis & belli consiliis ad-
 hiberetur intimis. Posteaquam uero ambitio praua, uirtutis
 imitatrix, sine ulla ratione officij subdolo freta ingenio, cō-
 cutere nouum hominem & ambitiosum principatus, &
 labefactare fidem ciuium & praeſectorum impulsit, suis ip-
 se captus artibus parum absuit quin perfidia daret pœnas.
 Huius igitur consilio sublatis induciis, Gounſerius Abdia-
 tum se recepit, Rentium Cerrum Aronam mittit, qui frustra
 arcem oppugnavit. Gaudentius Merula scribit Aronam à
 Gounſerio classe etiam quam ad hoc opus praeſepararat, &
 terra infeliciter oppugnatam. Hæc ante Borbonij Lanoijq;
 aduentum gesta. Borbonius quartana fatigatus, Germa-
 nos ad iter longum promisso tantū stipendio pellegerat. Ef-
 flagitabant illi stipendia ab eo, minitabanturque futurum
 ut ad Gallos transirent, nisi fidem suam liberaret. Adriano
 Pontifice extincto, cum pecunia deesset, à Clemente Pontifi-
 ce, Senensibus & Sfortia undique corradens nummos, tan-
 tum pecuniæ sumpsit, ut multorum mensium stipendia
 militi persolueret. Veneti quoque misso Francisco Maria,
 Casarianis se coniungere: quorum opera cum toto superiori
 bello minus aut prospera aut fideli Galli uſe essent, ueluti su-
 peris in eorum perniciem coniurantibus, Casariani & se-
 cunda & fidelissima deinceps uſuri sunt. Miserat Gounſie-
 rius Baiardum ad Robechum oppidum tuendum, haud
 satis opportunum ad uim hostilem arcendam, haud longe
 ab Abdiato, cum equitibus levis armaturæ quadringentis,
 cataphractis centum, & peditum quatuor cohortibus. Da-
 ualus re cum Lanoio & Ioanne Medice cōmunicata, no-
 tēte intempeſta raptissime ductis quatuor Hispanorū mil-
 libus, indusiis albis quò facilius fallerēt superinductis, Ro-
 bechum peruenit. Erat ei notissimū quid ageretur in caſtris
 Arnol. Ferroni de rebus Gallicis

Gallicis: nihil Galli tentabant, nihil moliebantur, nihil deliberabant quod ille aut non resciret, aut non sentiret per Genuenscm quendam transfugam. Itaque intelligens leuem armaturam maximè ex Italico equite constare, summa uimultis locis circunuallato oppido irrumpit: ut in re inexpectata undiq; strepitus & terror. Pauci, in quibus Baiardus & Egidius Cortonensis, memore pristinae uirtutis, hosti occurrere, multos deiecere, reliqui fuga sibi consulere: ita factum, ut multis casis Robecho hostes potirentur. Terralius qui se unum peti non ignorabat, cum duodecim equitibus ferro uia aperta, uiam sibi fecit, & ad Gounfierium peruenit. Qui res gestas Baiardi scripsere, narrant cum loco diffideret ille, saepe agitasse cum Gounfiero de praesidio inde educendo: Gounfierium illi recepisse, futurum ut iustas copias mitteret, nec tamen misisse, idque illi à Baiardo exprobratum: non tamen eadem cum aliis aliquot equitum ab eo acceptis, in aliam Mediceam impetu facto multis necatis, ense iam ita sanguinolento, ut inutilis esset deinceps futurus, ad suos rediisse. Exteri scriptores negligentius uigilias egisse Baiardum & Gallos aiunt, eumque disinctum uix inde sese proripuisse. Casariani interea deliberant, quo pacto Gallos persequantur, Borbonique autoritate permoti, praesidia uicinis locis undique constituta, inuadenda censuere. Hac ille suadebat, quod angusta re frumentaria uterentur, quodque Gounfierius multitudine equitum ualebat, ut minore periculo undique commeatum suis curaret: simul uti pabulatione Gallicum equitatum prohibens, ad rem gerendam inutilcm redderet. Mitit itaque Franciscum Mariam ad Garlasum oppugnandum cum Ioanne Medice, Venetorumque copiis: Garlasco praerat Baptista Leca Ligur. Abundabant Veneti machinis multis bellicis, quo factum est, ut obrueretur mox murus multis locis. At Leca intus nouis munitionibus

nibus celeriter excitatis, sibi non deerat. Fit impetus in urbem: promptissimus quisque ex Venetis, dū incautius progreditur cæsus est, ut iam de fuga cogitarent, ni Maria recentes undique submittens ita suos hortatus esset, ut perripentes transilientesque fossas aqua refertas, loco tandē positi sint: direpta urbe, præda undique abacta, multi cæsi. Plures ita prodidere, ex hostibus ducentos, ex Gallis quadringentos desideratos. Cæsi sunt ex hostibus notissimæ uirtutis, Hieronymus Angelus Patavinus, Carolus Eugubius, Scipio Palaucinus. Gounfierius, ne authoritatem, qua maximè Gallicus equitatus apud exterarum gentes niti uidebatur, minueret, si fama percrebresceret se suis subsidia nulla submittere, neque audere prælio dimicare, Vigleuenum mortis castris properabat: posterorūque die ante frontem castrorū hostilium, qui eodem cum Borbonio, Lanoio, Daualo, Maria, Medice peruenerant, copias struit. Borbonius an productis copiis prælio decertaret dubitabat: nam etsi numero abundaret, cataphractorum, tamen equitum robur metuebat: & studium alacritatēque pugnandi cognoscens, sperabat futurum ut cū resedisset ea alacritas, hyemisque sæuitia consumpti essent Gallici equi, ad prælium minus apti essent: simul auertendo annonam & singulatim præsidia eorum expugnando, incruentam sibi pollicebatur uictoriā. Cū omnes in eius sententiam transiissent, castris se continuere Casariani, tametsi triduo pugnandi copiam faceret Gounfierius. Mittit uerò Borbonius ad Vigleuenum oppugnandum Daualum cum tribus Hispanorum millibus, atque is celeriter concusso muro, frustra præfecto adnitente cū sui undique fugerent, oppido arcēque potitus est. Ioannes quoque Medices ad Mortarium missus: is quandiu Gounfierius proximus fuit, quasi alia tentaret, in alia loca iter simulabat: eo abente productis copiis, circūuallato oppido,

pido, prostratoque muro, dum Ioannes Biragus agit de de-
 ditione, irrumpentibus suis loco potitus est, capto eodem Bi-
 rago & multis aliis. Sic & Ioannes Vrbinus capto Hu-
 gone Pepulo, Sartirano oppido sito circa citeriorem ripam
 Padi expugnato, rediit ad Borbonium. Iam Gounfierius
 Nouariam peruenerat, expectans equitum noua auxilia,
 quæ à Rotelino adducebantur: expectans quoque Helue-
 tiorum nouas copias; quas iam sciebat ad Gattinariū per-
 uenisse: simul sperans futurum, ut Rentiū Cerrus qui ab eo
 accepta pecunia ad Rhetorum ingentem numerum conscri-
 bendam missus fuerat, & Federicus Bozulus ut inter eos
 conuenerat, Mediolanum obsidentes, Borbonium Casaria-
 nōsque eò reuocarent: ipse mox adesset cum recentibus le-
 uissimisque copiis ultro hostes ad pugnam prouocaturus.
 Excidit ille utraque spe: neque enim Rotelinus in tempore
 adfuit, neque Cerrus ut receperat, potuit Rhetorum auxi-
 lium Laudem perducere ad Bozulum, ut inde Mediolanum
 inuaderent. Cum per Ioannem Medicem illi Sfortiano auro
 corrupti, legatis ultro ad Sfortiam missus fœdus cum eo pe-
 pigissent, relinquebatur Gounfiero, ut se cum Heluctiis cō-
 iungeret: nam illi aliter reditum ad suos minabantur, cum
 equitatus hostilis uim soli sustinere non possent: & Borbo-
 nius fixis inter Nouariam & Vercellas castris, comtea-
 tus intercipiebat. Quin & per Hieronymum Pechiū à Ver-
 cellensibus aut potius per Sabaudiani uxorem, ipsumque
 Sabaudia Ducem Carolum impetrarat, ut neque à Tauri-
 nis, Gallis, neque è uicinis ullis locis annona deferretur, af-
 fatim uerò in Casarianorū castra inferretur. Accessit aliud
 incommodum ex Abdiati occupatione. Franciscus enim
 Sfortia cum multis equitum pedirumque millibus, unā cum
 Ioanne Medice Mediolano egressus, occupato prius ponte
 Ticini quem Galli retinebant, Abdiatum peruenit: atque

ex antelucano tempore usque ad horam primam post meridiem machinis muros concussit. Huic præerat Federicus Carafa cum ualido quidem præsidio: sed pestis iam in plerosque ita grassabatur, ut inutiles essent ad uim depellendam. Impetu itaque ab hostibus facto potiuntur Abdiato, abducta ingenti præda & multis caesis: nec tamen præda illis diuturnum gaudium attulit, contagione mox morbi in eos quicquam attrectarant serpente, Carafa captus est. Gounfierius harum rerum commutatione territus, longe aliud sibi capiendum consilium uidebat, sollicitus erat de Gallia repetenda: itaque cum Heluetij ad Eporediam peruenissent, iis se adiungere parabat. Ad Padiripam ubi Sicida fluiuius ostia habet, Bremide oppidum: & ad fluuij dextram Palestrum, superiusque est Romagnum. Superius ad sinistram Sicida, Burgus: deinceps ad Padum est Triduum, & prope cœnobium cui Lucedo nomen, Duria Baltea amnis apud Hastubiam ex alpibus oriens, cui inferius adhæret Crescētinum, superius Salugia, & paulo supra Eporedia. Borbonius per exploratores certior factus Gounfierium in Galliã reditum parare, ut inclinari eum uideret, timore sic impulit, omni ut diligentia uteretur ad eius exitium, abeuntēque premeret. At ille pro certo habens id quod erat, si quid de celeritate remitteret, eripi se non posse Borbonio, transuersis itineribus Romagnum peruenit, oppidum difficili ascensu atque arduo, nocte intempesta è Nouaria eductis copiis. Mox diuersis itineribus ad insequendos Gallos præmissi Daualus, qui serò circa Romagni uicinos uicos peruenit, & Vastius, qui frustra Fontanetrum perrexerat: missis tamen cum Mercado peditibus Hispanis, qui colles eos conscenderent. Galli conferti in eos impetum fecerunt, illique in fugã coniecti sunt. Sed Daualus Ioannem Vrbiniū mox his submisit, qui & ipse multis caesis irruente Baiardo pulsus est,

Arnol. Ferroni de rebus

cum

cum prius vulnus accepisset pila aenea impetit. Itaque cum robore peditatus & equitum leui armatura Daualus & Vastius progressi in pugnam: cum & his & Vandenesius & ipse Gounfierius strenue occurrerent, sensim suos recipere, & in castra ad Gemium vicum reducere eos coacti sunt. Ex Hispanis octoginta, ex Gallis viginti eo praelio, quod fuit instar decursionis, vulnerati sunt. Nocte quae secuta est, colles vicinos Daualus occupauit: nec Heluetij qui ad Gattinarium erant, ullis precibus adduci potuerunt ut flumen transirent, ita necessario fuit Gounfierio ad eos transendum. Borbonius percussis instandum, ut & Daualus, & Franciscus Maria & Vastius aiebat: Lanoius abeuntes faustis omnibus excipiendos: non esse usque adeo accisas res Gallicas, atque ut sint accisae, praecisa salutis spe in desperationem uersos, cladem forte illaturos. In ea Caesarianorum altercatione Gounfierius nocte eductis Gallis, iam uenientibus ad ulteriorem ripam Sicida Heluetius, qui Eporedia uenerant, uado fluuium transiit. Borbonius celeriter summo diluculo e castris cum Daualo & Vastio profectus, paucos lixas & calones & saucios: qui nondum flumen transierant, impeditos & inopinantes aggressus, concidit: moxque aduentantibus integris copiis in alteram ripam reperto uado transiit cum equitibus mille, peditibus totidem, qui in equorum dorsum sublati sunt, omnes peritissimi globorum ancorum emittendorum. Non dubitauit Gounfierius quin ille omnia moliretur, quibus iter suum auerteret: itaque leuibus aliquot machinis in ripa adhibitis, Italorumque & Narbonensium peditum, quos Prouinciales uocant, cum Casseo Tristanoque relicto praesidio, ipse aciem instruebat. Hi cum a Daualo pulsii essent, uident futurum ut temere progressus turpe haberet exitum, si hostes machinis bellicis potirentur, dandum esse ait operam, ut acceptum damnum uirtute sarcire-

tur: uocatisque Vandenesio & Baiardo præstare aiebat per uirtutem in pugna belli fortunam experiri, quàm per summam infamiam sinere hostes machinis potiri. Illicum se ultro prælio offerrent, in Casarianos impetu facto machinas quidem maiores omnes abduxere, septem tantum leuibus desideratis, quæ antea in aduersam ripam ab hoste celeriter transuectæ fuerant. Pedites tamen Hispani succincti machinis leuioribus dum modò instaret, modò sensim se reciperet, in gyrumque uoluerentur, uitato impetu Gallicorum equitum, plures uulnerauere: in quibus Gounfierius necatis tribus Hispanis, qui maius tormentum abducere parabant, sinistro brachio glande ænea ictus uulneratus est: Vandenesius quoque circa humerum grauioris pilæ uulnere accepto, post paucos dies animam exhalauit. Philippus Cerbelio & Paulus Luxascus Hispani leuiores machinas abducere, eoque prælio specimen dedere fortitudinis. Ea pugna Heluetij cum dicerent ad suos se recipiendos, non certamen uenisse, adduci non potuere ut Gallos in hostem ruentes sequeretur. Hispani rursus flumine traiecto ad suos se recepere. Iam Gounfierius integra nocte longum iter emensus erat, cum Borbonius, Lanoius, Daualus, Franciscus Maria media nocte eos consecuti sunt. Heluetij iam equites Gallicos & machinas in medium receperant agmen. Tyrones præcedebant: uetus eques Gallicus, ut quisque plura stipendia meruerat, aut spectata eius esset fortitudo, à tergo sequebatur, nullo fragore, nulla perturbatione audita: sensim ita incedebant, ut neque ullus ordine se suo commoueret, neque celerius progrediretur: neq; ullis procursationibus hostium terreri potuere, quin aut somnū caperent horis duabus, aut quæ pertinerent ad iter commodius explicarent. Iam instabat, cum se illi ad iter accingeret, cum robore exercitus Borbonius. Nam ante huius aduentum miratus Daualus or-

dinem constantiamque, copias suas exiguas noluerat obui-
 cere. At Gounfierius qui imperatoris officia, oppressus acer-
 bitate uulneris, minus commodè implebat, accersito Baiar-
 do: Vides, inquit, quo statu sint res: opinio magni mali im-
 pendentis uincenda constantia. Borbonius quos persequa-
 tur immemor, quasi quasdam immutat in nos atque incitet
 furias, omnibus uiribus in perniciem nostram incumbit. Si
 uolumus quod reliquum est uitæ sine infamia traducere, om-
 ni nobis cōtentione, uelis remisque fugiendum, ne potia-
 tur machinis bellicis. Me uerò uulneris magnitudo munus
 officij mei exequi & tueri uetat: interea principē te tantis
 copiis nominaui, & ad omnia te alterū me fore dixi: ita-
 que per sacra omnia illum animum adhibe quæso, quem
 fortem semper habuisti. Erat Baiardus naturā dicax: atque
 eo tempore Gounfieriō respondit, Magnificentius id sibi ces-
 surum, si tantum decus imperiūque prosperis rebus im-
 pertiisset: se tamen rebus afflictis & difficillimis sic adfutu-
 rum, ut & præstaturus sit quod debeat, & quodcūq; sibi
 acciderit, moderatè laturus. Borbonius Daualisque Gallis
 instantes cum quatuor Hispanorum millibus, pilis plūbeis
 emissis, uariè equites Gallicos, extremūque agmen carpe-
 bant: nec tamen ordines sensim incedentes perturbabant.
 Baiardus ut cohiberet hostes, cum lectissimis equitibus, ut
 interea præcedendi spatium pediti daretur, in confertos eos
 sese effudit. Hispani leuisque omnis armatura repentē ex-
 pansa, impetum Gallorum fugiebant: rursus hortante Bor-
 bonio sensim ad iactum globi ænci pedem conferētes, mul-
 tos uulnerabant: cōculcati sunt tamen prius aliquot ex ho-
 stibus. Baiardus dum equitum alas, ad suos se recipiat, uo-
 lubilis circumagitur, sub latere dextro glāde plumbea iectus
 corruit: ac sese circa uicinam quercum prosterneēs, CHRI-
 STVM OPTIMVM MAXIMVM obtestatus
 Gestis Gallorum Lib. VII. Z iij

est, se circumdaret, se complecteretur, se tueretur, purgatâque
 præteritorum memoria animam ad se euntem exciperet,
 ablueret sua humanitate & gratia sordes, parceret misero,
 vultu placido intueretur, seu seruum, seu reum mallet: gra-
 tia se filium adoptatum ab eo, culpa reum factum, uinceret
 gratia culpam: ut diuina clementia maiore in scelere cresce-
 ret, malè quidem tot annis numen diuinum cognitum, parū
 abesse quin humanitas superaretur sceleribus: se tamen ex-
 cusso demonum iugo, nihil nō beneficio sanguinis effusi, pa-
 trocinioque CHRISTI OPTIMI MAXIMI
 sperare. Semianimisque adhuc uenienti Borbonio eūmq̃
 consolanti, nihil aliud respōdit quàm, S ERO ET VBI-
 NAM FIDES, HERE? Casus & Beauuosis ex
 Belnensi nobilitate Aurelius proximius. Constat curasse Bor-
 bonium ut sacro prius libamine sumpto decederet, quē &
 in huius funere multum profudisse lachrymarum certum
 est. Symphorianus Campegius narrat illum percussū,
 morientem hæc dixisse, Mortem se non agrè ferre: etenim
 uenisse domo ut Regiūtam debitam tribueret: eo uerò no-
 mine angī, quādo manu minimè usus moteretur. Nicolaus
 Querretus eius opera saluas redusse ait Gallicas copias, ma-
 gnumque ab eo strenuis uiris exemplum præbitum, quanto
 potior esse debeat probis dignitas sine uita, quàm uita sine
 dignitate. Galli tandem incolumes, paucis quibusdam Hel-
 uetiis, qui longius in hostes excurrerant desideratis, Epo-
 rediam uenēre. Hic finem factum sequendi Gallici scripto-
 res aiunt, dissentiente Hispano scriptore, qui Celando oppi-
 do multas machinas bellicas relictas, à Gallis per Fernan-
 dum Alarconem abductas ait. Laudem deinde Pompeiam
 hostes recepere, Federico Bozulo qui urbem tuebatur, a quis
 conditicionibus unà cum omni præsidio, saluis rebus omni-
 bus emissio. Rex etsi belli aleam male cessisse uidebat, exte-
 rior. Ferronj de rebus
 nuariq̃

nuarique spes suas & euanescere, incolumē tamen exerci-
tum, incolumēmque Gounferium rediisse letabatur: atque
ita res eius gestas commēdabat, ut laudabilem eius ex Ira-
lia cessionem, quam hostes fugam uocabant, cessionī illi no-
bilissimæ Græcorum, qui Cyro iuniori militabant aduersus
Persas, Xenophontēque imperatore non sine laude ad suos
redierant, multis superatis hostium & uiribus & insidiis,
conferret. Desiderasse uisi sunt Borbonius & Daualus in
Francisco Maria toto hoc bello celeritatem, qui tamen unus
nostra atate exacuisse d. ciur illam ingenij acie, ad captan-
das rerum occasiones fortunæque prospero cursu diutius u-
sus: aliud accidit Guydo Vbaldo, cui is successerat, cuius &
eruditio & summa animi magnitudo constricta uinculis,
labefactatæque aduerso exitu cōsiliorum prudentissimorū,
ius tamen suum retinuit. Et iam aderat annus millesimus
quingentesimus uigesimus quartus, cū mense Iulio Blesis
Claudia Valesia Regina migrauit ad superos. Hanc liche-
nes morbo, aut non ita dissimili impetigine fama est occu-
buisse, imperitia medici: qui cum morbum erumpentem cu-
rare debuisset, abigere pharmacis adhibitis & aluo subdu-
cturum se receperat. Fuit ea stata quidem forma & libera-
li, sed summa integritate pudicitiaque. Abundabat illa in-
nocentia, pietate, religione, obsequio in uirum, diligentia in
familiares: nunquam insolens elatæque uisa, eundem uultū
eodem tenore referebat, grata ciuibus, iucunda plebi, nobi-
litati optabilis: ut in aduersis rebus constantiam, ita mode-
rationem in secundis retinebat. Familiare illi nihil nisi de
diuinis cælestibusque promissis, cætioneque diuina hæredi-
tatis dies & noctes cogitare. Placabilis erat in eos à qui-
bus esset offensa, afflictis multa condonabat, probis piisque
uiris multa elargiebatur. Nemo eam ulla lucra ligurientem,
nemo ad rem attentiores, nemo ullis deprauatam cupidi-

ratibus, aut uidit, aut audiuit. Ita sapienter, ita scitè, ita eleganter, castum sincerumque animi motū singulæ eius sententiæ olere uidebantur, omnibus ut abundare ornamento- rum generibus, omnibus uirtutibus quasi fontibus scaturire uideretur. Interea Borbonius Daualum mittit ad Alexandriam oppugnandam, daturus operam ne usquā subsisterent Galli. Claudius Boisius Gounfierij nepos Alexandria præerat, & quanuis urbs satis munita uideretur ad pellendum hostilem impetum, ueritus tamen Dauali ueterani imperatoris astutias, nec uidens in quem usum amissis alijs urbibus retenta Regi Alexandria prodesse, deditionē facit, ea lege ut saluis rebus omnibus emitteretur: atque ita in Galliam cum Federico Bozulo rediit. Ante aliquot menses frustra Vitellius Romanus, Hieronymisq; Adurnius, etsi stipati ingenti Corforum multitudine, urbem ei eripere tentarāt. At Borbonius uel ueteribus stimulatus simultatibus, atque ex federe Galliam recepturus, uel Cæsaris iussu, ne tot copię dissoluerentur, cum sciret Regem expeditionē nouam in Mediolanenses paraturum, ut eum ad sua tuenda reuocaret, prætexens etiam eam Gallicam præfecturam, cui uetus Prouinciæ nomen mansit, Cæsarem uetus esse beneficium, simul Mediolanensem agrum militum rapinis liberaturus, in Galliam cum ualidissimis instructissimisque copiis progreditur, unā cum Daualo & Ioanne Urbino & Philippo Cerbellione, Italicisque multis proceribus. Carolus Lanoius qui ad Astam sedebat, mille se equites grauis armaturæ submissurum receperat. Cæsar quoque pollicebatur occupata reliqua Narbonensi prouincia, qua ex Perpenniano aditus patet, uires se suas ei coniuncturum, Henrico interea Britanniæ Rege cum Burgundionibus ad Parisios penetraturo. Ricardus Pacæus, qui ab Henrico legatus ad Borbonium Cæsarianosque uenerat, maximè eum ad bellū

Arrol. Ferroni de rebus

acuebat;

acuebat: neruſque belli pecuniam ingentem afferens, auctor fuit itineris actelerandi. Borbonius primum ignobilia aliquot caſtella, deinde etiam A quenſem urbem, cui Aquarum Sextiarum uetus nomen multi tribuunt, uacuaſ natus (prius enim iubente Rege, fortunis quantum licuit ſublatis, ſeceſſerant ciues) occupat: deinde crebris literis Lanoium admonebat, grauis armaturæ equites mitteret, non ignarus his detractis rebus ſuis quantum mali conſtitueretur. Ille cum rem extraxiſſet uariis ſimulationibus, ad extremum totum illius poſtulatam cauſamque negligere ſe oſtendit. Cupiebat Borbonius Auenionem, Carpentoraſtū, Cabelionem, Arelatem, uicināque alia loca inuadere. Non ita uiſum Caſarianis, Maſſiliam malebant oppugnari, quæ ſemel occupata retineri facile poſſet, magnōque uſui Caſari futura eſſet ad Galliam edomandam. Hoſtes hortante Borbonio Tholonienſem arcem aggreſſi, multis admotis machinis ea ſunt potiti: Hugone Moncata, qui è Genua cum aliquot militaribus nauibus uenerat, mari uim admovente. Hūc poſtea Andreas Doria adortus in fugam uertit, interceptis tribus nauibus, quarum unam abduxit, anchorariis funibus à Iona nauarcho Gallico iam præciſis: ſuperuenit Daualus, qui reliquas ne prædæ eſſent Gallis, incendi iuſſit. Pergit deinde expoſitis à Moncata Borbonius machinis ad Maſſiliam oppugnandam. Huius ſitus ex ueterum commentariis notiſſimus, ipſoque Iulio Caſare, à quo aut eius præfectis urbs oppugnata eſt: at pleraque hodie munitiones. Quin poſt Borbonianam oppugnationem nouæ excitatæ munitiones. Erat portus ferreis cathenis pilis duabus medio mari collocatis obſeptus, hæ etiam alligatæ ſunt turri, quam Santoioannam uocant. Extra mare ſanum Victorianum, quod ualido præſidio munitum fuit: inde hortus regius, inde locus quem Canalem uocant, ubi aſſignantur, or-

nantur, reficiunturque classes. Et minus commodè tentaturus uidebatur obsidionem, qui fanum Virginis custodia dictatum, situm loco excelsso, præsidio suo muniendum non curarat. Ibi nunc arx munitissima, eo enim occupato ciues facile perterritisset. Relinquebatur ut ad portā, quæ ad Lazari templum spectat, cum ea parte mœnia parum firma uiderentur, urbs quateretur. Miserat Rex ad urbem tuendam Philippum Chabotium Brionum unum ex Aquitanis proceribus, cuius humanitate & prudentia in consuetudine quotidiana magnopere delectabatur. Ille & fani, cuius supra meminimus muniendi author, & substruxerat aliud munimen eo loco ubi erant mole frumentaria, sito excelsa parte urbis & media, machinisque bellicis dispositus uariè Casarianos infestabat. Hūc locum hodie Galli ualidius communierunt. Superuenit deinde æquali cum imperio à Rege missus Rentius Cerrus, cum bellico multo apparatu delectisque Italarum turmis. Fama est missum à Borbonio ad urbem caduceatorem, qui Gallos ad colloquium euocaret. Hi cum non detrectarent colloquium, sperantes futurum ut ille solueret obsidionem, prohibitos à Cerro, qui diceret urbem obsessam quæ per colloquia ad hostem tentetur, iam pro dedita haberi: promde si quis egrederetur ad colloquiū, futurum ut redeundi iter præcluderet. Brionus dum animaduertit subuehi hostium machinas, ad portam minore præsidio quàm deceat missio Iona, cum Massiliensibus aliquot Gallicisq̃ peditibus, uariè hostes fatigauit. Nanque illi è portu conscensis onerariis nauibus, in alteram ripam euaserant, hisque cæsis qui tormentis uehèdis occupati erāt, reliquos in fugam uertunt, tormenta quoque iam abducebant. Id Borbonius intuitus, Daualo & Cerbellione repente uocatis, cum delectis Hispanorum cohortibus adcurrit. Galli numero inferiores cessere: ita tormenta recepta: quidā

Arnol. Ferroni de rebus

tamen

tamen feruescente acrius intumescētēque mari absorpti sunt: reliqui unā cum Iona faustis acclamationibus excepti. Aegrē ab hoste admoueabantur urbi tormenta, cum terra praedura & petrosa perfodi uix posset ad excitanda opera. Ad hac ipse Doria & Ionas circumactis undique myoparonibus, uariē eos, & oppidani quoq; fortuito emissis tormentis infestabant. Antonius Rupifocaldus quem uulgatiorē cognomine Barbesium ab oppido in Xātonensiu praefectura sito, uocat, admonet Brionum & Cerrum, sibi si ducenti milites dentur, futurum ut hostes opere prohibeat. His attributis munitiones acerrimē impediebat: multisque casis reliquos in fuga solum spem habere compulit: audaciusque eos premere & instare cōperat, ni ueritus ne à multitudine circumnueretur, aliquot captiuis abductis spoliisque hostium in urbem rediisset. Ille eo nomine deinceps innotescere cōpit, a Briono Cerrōque palām commendatus. Borbonius deinceps cautior futurus est ad eas eruptiones coercendas. Vincentius Tibaldus Romanus, gentilitate proximus Cerro, non quò aliquid delibaret de laude Rupifocaldi, at incensus animi magnitudine, acceptis Italicis aliquot cohortibus, porta quam Regiam uocant, dissentiente Cerro ipse quoque perrumpere hostiles munitiones constituit: rēque feliciter exorsus, ancipiti praelio hostes distinebat, cum in insidias quas Borboni iussu Daualus misso Alphonso Vastio parauerat, precipitatus esset adolescens omnibus rebus ornatus, fortissimē pugnans, occubuit: fugientes alios cum hostes effusē usque ad mœnia sequeretur, inde abacti sunt machinis bellicis: quidam etiam circa portam cæsi, in quibus fuit Rodoricus Corius signifer Urbini: repressa satis uidebantur Gallica eruptiones. Borbonius cōtinua munimenta ad mare circunduxit, turriculisque excitatis effecerat dispositis militibus, ne opera illi turbarent,

nēue impedirent impetum machinarum: ea enim opera uix quadraginta passus à muro aberant: & iam ita strauerat mœnia, ut irrupēdum sibi uideretur in urbem. Ita enim collocarat machinas, ut plures simul uno eodēque puncto uoluerentur, stragēque afferrent strepitu quodam & fremitu ingenti & horribili: & miles Gallicus, cui nullā dabantur interualla requietis, succumbere laboribus uidebatur. At Brionus & Cerrus intus pro dirutis reseiebant muros: ac tametsi multis urgebantur angustis, tamen nullā eos res magis quā uigilia assiduā fatigabant. Interea ē superioribus colliculis ex urbe emissis tormentis, uariē tentoria Casarianorum lacerabantur. Accidit ut quodam die in ipsum tentorium Dauali ingens emissus globus, stermeret unum ex eius familiaribus, qui uix sex passibus ab eo aberat. Itaque Daualus accito puero tolli ab eo mox globum iussit, ad Borboniūque perferri, rogāte puero & sciscitante Dauali nomine, essentne hæc clauēs Massilia? Id ille rogare puerum iusserat, cauillo impetens Borbonium, qui prædixerat futurum ubi ad portas Massilia processisset, ut sibi ciues cum clauibus urbis occurrerent. Est uero Daualus omnibus, propter summā uirtutem summāque nobilitatem, maxime propter Regis captiuitatem, atque egregiā operam totis his præliis Casari depensam, notissimus. Multi uero machinis magni apud hostes nominis concisi sunt, in quibus fuere Franciscus Gusmanus & Ludouicus Callectus Hispani, Franciscus Cantelmus, & Titus Fanfulla Parmensis, & plures alij. Cū iam strata satis uiderentur mœnia, Borbonius, Motta, Pomperanus, Pelusius, reliquique Galli qui Borbonium secuti fuerant, signum inuadendæ urbis proponendum putabant. Hæc cum etiam ipsi ueterani Hispani milites sentirent, & cū in eam sententiam incitati prædæ spe loquerentur, unus erat Daualus qui dissen-

Arnol. Ferront de rebus tir

tiret: futurum enim coniectura augurabatur, intus nouo re-
fecto muro ingenti ut strage depellerentur, praesertim Briono
Cerro ita uigilantibus, ut decem iam noctes ipsi ad mœ-
nia excubarint, ut constabat per Corsum exploratorem, qui
infecta omnia futura Caesarianis palam iactitabat. Tum
multi concurrunt, orant Daualum educat omnes ad oppu-
gnationem: alioqui futurum, ut Borbonio hortate ad quem
summa imperij pertineat, ipsi ultro urbem sint inuasuri. Ibi
Daualus uerò astuare dubitatione, uersareque se in utran-
que partem. Tum uerò simulans se uictum eorum rationi-
bus, id impetrauit, ut uelocissimi aliquot ex Hispanis mit-
tantur qui impetu facto excutiant saluisne rebus urbs pos-
set oppugnari. Hi cum irruissent per deiecta mœnia, quibus-
dam caesis, omnibus uulneratis, renunciant obseptum undi-
que dirutum locum nouis munitionibus, ingentes specus
concauatos, hos picato apparatu aptissimo ad incendium
excitandum refertos: ita futurum, ut priusquam ad teli ia-
ctum uentum sit, alij incendio flagraturi, alij semiuistulati in
hostium potestatem uenturi sint. Borbonius uerebatur, ne
per Hispanos pedites fucum sibi fecisset Daualus: itaque in
ueterem permanebat sententia urbis oppugnandæ. Rex Mas-
siliæ obsidionem grauiter ferens, contracto ingenti peditatu
ex Heluetiis, equitatuque Gallico instructissimo, cui Iaco-
bum Palicium Chabaneum praefecit, Palicium praemisit ad
Auenionem, ne fortè hostes qui uicini erant Aquis Sextiis,
consilia inirent de urbe ea intercipienda. Is Auenionē pro-
fectus, urbe quidem minimè exclusus est à Francisco Cla-
romontano Legato pōtificio homine Gallo: cum tamē urbs
pontificiæ esset ditionis, clauēs urbis penes eum ad quē sum-
ma imperij pertinebat, manere æquum aiebat. Rex conster-
natus ea altercatione raptissimè Tremolium, Maserianum,
Aubignium ad eum misit, qui reciperent futurum salua

omnia Pontifici futura: aut ultro temeritatem coercerent pupurati pontificū, cuius fratres cum honorificis functionibus in Regia fungerentur, unus etiam Narbonensi prouincia prepositus esset, mirabatur hunc immutatum, qui splendidissimis sacerdotiis, Auxitanensique prefectura maxima (quæ multo omnium opulentissima est apud Gallos) frueretur. Tremolius mox admissus cum esset, hominē placauit ut ille ultro omni abdicato imperio, omnia regie potentia, & fidei traditis omnibus portarum clauibus permiserit: Aubignio cum ueteranis aliis equitum custodia urbis data: Palicius & Tremolius properabant ad obsidionem Masiliae soluendam. Horum aduentu & fama uenientis Regis territus Borbonius, qui nullo pacto commouere se obsidione urbis uolebat: simul etiam ueritus, quod & aiebat Daualus, ne Mediolanensem agrum milite uacuum nacti Galli, faciliē Casarianos pellerent, mutato consilio transiit in Daualis sententiam: soluta urbis obsidione post quadragesimum diem, Rex Aquas Sextias cum excessissent hostes, mox quoque recepit. Ibi deliberatum est an ipse Mediolanum proficisceretur, an imperium alicui ex proceribus decerneret. Tremolius, Palicius, Aubignius, Lescunus, cum iā in exitu ætas esset, differenda belli consilia in uer proximum auebant: præsertim cum robur exercitus exteris constaret, qui agrē retinerentur sine nummis. Gounserius, Samarsallus, Ioannes Barra, Philippus Chabotius Brionus minimè differendum bellum, instandum hosti perterritos censebant: ueterani proceres ut maxime hosti sit instandū, præsentem Regem reuocabant à bello: uulgius Gallicum, ut ex ueritate pauca æstimat, authorem fuisse Ludouicam Regis matrem huius profectionis credidit. Id tantum abest à uero, ut ille matrem, cui nihil non deferebat, abiens salutare minimè ausus sit: pro certo habens futurum, ut illa profec-

Arnol. Ferroni de rebus

ctionem

Et non remoraretur. Indicarat enim ea per literas esse quædam quibus angatur & sollicitetur magni momenti, quibusque uerendum sit ne ipse premeretur: quæ non audeat committere epistolæ, ea mutui sermonis communicatione egere: aculeos quosdam & scrupulos solitudinum insidere atque urgere, qui mutuo congressu exhauriri possint: adfuturam se intra paucos dies. Ille hæc ueritus mox sese proripuit: abiens tamen illi administrationem omnem regnareliquit. Assidebat uero Ludouica Antonius Prætorius iurisprefectus, absenteque Rege omnia illi exequébatur, in speciem uocatis aliquot proceribus. Sic & ante multos annos matri curam regni in Heluetios Sfortiamque Maximilianum moturus, delegarat, assidente tum ei in locum Prætorii iurisprefecti, qui cum eo proficiscebatur, Mondoto Martonio præside Parisiensi. Hunc Rex mox regnum adeptus; cum Prætorium iurisprefectum designasset, in locum Prætorii ex Burdigalensi præside Parisiensem renunciavit liberalitate eius cognita cum ad Cantabros recipiendos adulescens profectus esset, eiusque industria factum, ut & Rex Martonios alios complecteretur, & Robertum Martonium; quem Bouensem uocabant, multis obeundis legationibus præficeret, in quo ille dexteritate ingenij multum ualere uidebatur. Itaque cum Carolus Geldricæ Dux cum multis copiis Hollandiâ ingressus, cæde, incendiis, ruinis omnia strauisset, Medelbicum diripuisset, Alcmariam spoliaisset, Sparandanium incendisset, Aspera capta in oppidanos ita seruauisset, ut & pueros in gymnasiis inuentos trucidaret, miserimèque sciuisset in uagientes infantulos ad cunas repletos, manente tamen prius pace inter Cæsarem & Regem, misso Rex Roberto Martonio Bouensi cum frustra id alij retassent, per eum conciliauit Geldrum Cæsari. Iam Borbonius & Daualus maturabant fugam, ita tamen instructa

acie, ut laceſſiti facile uim depellerent. Annâque Mommo-
 rantius, Bozulus, Marchianus, Aubignius, & plures alij
 tardius inſecuti hoſtes erant proximè, cum Borbonius pu-
 gnâciendâ auidiſſimus, qui & antea Egulum ſuppraſe-
 ctum Ruthenorû temerè inuectum repreſſerat, ſiſtere ſuos
 iubebat: monitus tamen à Daualo quantum cladis inſa-
 miâque inſtaret, iter ita accelerauit, ut & mediocres duas
 machinas relinqueret, cum maiores nauibus impoſuiſſet,
 minores uerò minutim ſcidiffet, easque iumentis impoſuiſ-
 ſet, ut ex eodem are cùm Mediolanum ueniſſet, reſicerentur.
 Rex per Coſtias Alpes celeriter uolens Caſarianos ante-
 uertere, Mediolanum properabat: idque ratus Borbonius
 continuatis nocte dièque itineribus ſuos urgebat, effecitque
 ut prius Papiam perueniret quàm Galli. Ibi Caſariani de-
 liberaturi accerſebant Franciſcum Sfortiâ, qui ueritus Gal-
 licas copias cùm diceret non eſſe ſe auem, ut cauea inclu-
 datur, adduci non potuit, ut ſe Mediolano ab obſidione per-
 ferendam teneret: uitatòque Caſarianorum colloquio ſu-
 ſpectus eis fuit. Iam Borbonius, Lanoius, Daualus, Anto-
 nium Lauam cum ſex Germanorum millibus, Hiſpanisque
 octingentis, cum machinis multis bellicis apparatùque ma-
 chinario maximo, Italorûque cohortibus aliquot Papiæ
 præfecerant: uidentes futurum Regem, ut erat magni ani-
 mi, ægrè poſt ſe Papiam relicturum. Atque ille urbem pro-
 pugnaculis nouòque opere cõmunierat, magnam uim fru-
 meti cõegerat: recensuerat oppidanos omnes qui arma ferre
 poſſent, tormenta aptis locis locarat, ſingula loca ſuis cuſto-
 dibus firmarat, molas manuarias multas paraauerat, nihilq;
 ſibi reliqui ad moleſtam longâque obſidionē tolerandâ
 fecerat. Erat Papiæ cum Laua Garcia Mauritius impiger,
 rei que militaris peritiſſimus, cuius & in ea oppugnatione
 uirtus cognita eſt. Rex miſſo Michaële Salutiano cum alis
 Arnol. Ferroni de rebus aliquot

aliquot equitum, submissoque mox cum maioribus copiis Iacobo Palicio, & Ioanne Albanio, repente Mediolanum occupat: ea quidem celeritate, ut cum Borbonius, Lanioius, Daualus diffisi uiribus cederent, abirentque Romana porta, Galli Ticinensi & Vercellensi urbem occuparet. Galeatius Capella ait, si eo die Galli Caesarianos secuti fuissent, nemini dubium fuisse, quin eo die debellatum fuisset. Sed persequētibus Gallus, cum temerē qui inuecti repressi essent, rediissent, frustra id fuisset. Nam Daualus uariis locis constitutis Hispanis, qui pilas plumbeas in Gallos ruentes emitterent, facilem fugam suis efficiebat: authorēque scribunt, qui Tremolij res gestas scripsere, illum fuisse Regi, ut propter hostes insequeretur, quocunque illi se reciperent: nec tempus tereret in urbium oppugnationibus, ubi Gallicus ardor flueret, remissusque parum posset: id illius consilium repudiatum. Misit deinde Rex Tremolium, qui Proregis nomine Mediolano praeset: huicque postea si quid hostes mouerent, subsidio misit Frāscum Borbonium fani Paulini Comitem, Vaudemontium Lotharingum, Thomam Fuxcum, Lescunum, Theodorum Triuulium. Circa finem Octobris mensis, deliberante Rege satius ne esset aut Comum aut Laudem aggredi, an uerò potius Papiam, cum ueterani omnes procures, in quibus erat Ludouicus Darsius, qui pedibus ager lectica aduectus fuerat, censerent aut Como aut Laudem admouendas copias. Gounfierius cui Sammarfallus quoque haerebat, à regia maiestate ostendit alienum esse, relicto proximo hoste longinquum consecrari. Huius sententia tantum ualuit apud Regem, ut medio ex itinere Albanus, qui iam Laudem à Tremolio praemissus fuerat, renocaretur. Daualus ubi uidet Regem ad Papiam contendere, qui Laudem relicturus erat, consilia de ea retinenda non abiecit. Borbonius autem in Germaniam transiit noua Ger-

manorum auxilia coacturus. Lanoius ita consternatus fuit Gallorum aduentu, saluas ut sibi res futuras desperarit, donec trans Abduam sereciperet: ex quo apparuit postea malo omine ad Papiam peruentum. Rex castra posuit inter ædem sacram Seruatoris, quam uulgò Saluatorem uocāt, & Lanfrāchi ædem, uia militari qua ad Laudem itur. I. Chabaneus Palcius substituit cum prima acie: Anna Mommorantius à Gounficio cui familiarissimus erat, in insulā missus, ut impediret exitum hostium. In hunc Laua iussu cum paucis Germanis, pluribus uerò Hispanis, Garsia Mauricus urbe erupit, & quibusdam utrinque caesis, arcus pontis postremus concameratus incisus est. Vtrinque deinde & à Laua & à Mommorantio munimentis perductis, postriedie occupato suburbio, Mommorantius molas, quæ secundum Ticinū sitæ erant, partim ui adnota, partim tormentis emissis comminuit. Eo factum cum putaret ut illi fame essent laboraturi, spe lapsus esset, cum trusatiles molas, prius id præuidens Laua, parasset. Has interdum homines, interdum asini & equi in gyrum adigentes, ne quid desideraretur effecere: hæc uersabantur & quibusdam locis publicis & sacellis, & in ipsa academia ciuilis pontificisque iuris. Ita pinsorum uoces inconditæ nobilissimo loco strepebāt, ubi paucis antè annis Iasonis, Deciorum, Cursiorum, Picorum, cum admiratione acuminis audita fuerant. Erat turricula in ripa Ticini haud longe à muro lateritia, obseptaque erat præsidio Hispanico: hanc Mommorantius adcurrente quoque Claudio Longauillano caesis Hispanis recepit. Barlandus narrat Hispanos pactos corporum salutem, à uictoribus Gallis suspendio uiolata fide necatos. Alij cum per præconē sæpe moniti, deditionis omnes leges repudiassent, ui expugnatos aiunt cōcisos: cōstratōq; pōte ad mutua auxilia submittenda faciliior locus uidebatur. Ex ea turri-

Arnol. Ferroni de rebus

cula

cula pilis emissis ita perterrebant Galli oppidanos, consiliū
ut inendum Laua fuerit de ea diruēda. Itaque multis, iis-
que ingentibus admotis machinis, celeriter diruta est qui-
busdam oppressis. Pergit Rex urbem oppugnare, quassatis-
que manibus, & à se & Palicio ad propugnaculū Aqi-
tanos cum Sancto Stephano & Ambleuillano mittit: atque
hi munitionibus praeceptis, si recentes alij submissi fuissent,
poterant loco potiri. Sed Ambleuillano necato, dum nemo
fert auxilium, multis uulneribus confecti rediere. Et sanè
sperabat Rex futurū, idque malebat, ut afflicti rebus ho-
stes agerent de deditione. Ipse cum alueo ueteri uult Ticinū
despectere: impensis factis grauissimis, frustratus est: addunt
& alij multis de caelo aquis decidentibus impetu aquarum
opera corruisse. Cumq; Ticinū postea Rex diuertisset, fossis
& uallo à Laua excitato impeditum ne uim admoueret:
quod sanè dissidet ab his qui omissas munitiones scripsere.
Eo quoq; tēpore postulatus unus è Caesarianis maiestatis,
quasi Regi per literas indicasset laborare obsessos sulphurei
apparatus inopia, cum tormentis facta infectaque efferre
cogeretur, damnatus est. Raptus ad supplicium sanio-
rem mentem Laua imprecatus est, qui crudelitatem exerceret
in se innocentem, ut eo exemplo deterreret Germanos ne se
commouerent. Resupinato & districto carnifex pectus
aperuit gladio, manu sanguinolenta, cor, hepar, praecordia
abstraxit, minutimque in frustra reliquas partes corporis
dissecuit, improba simulatione tegente hoste crudelitatem:
omnesque Neronis & Phalaridas, Domitianosque uincēte
exemplo proposito animi parum memoris humana socie-
tatis. Claudius Longauillanus dum incautius munition-
es spectat, glande plumbea ictus, magnum sui desiderium
reliquit. Interea per Albertum Pium Carporum Comitem,
clandestina inita fœdera inter Clementem Pontificem Ma-
gestus Gallorum Lib. VII. A 4 iij

ximum, Regem & Venetos: missoque I. Matthæo Giberto Veronensi pontifice, hortabatur Casarianos Pōtifex ad inducias, donec conuenisset inter Regem & Casarianos. Eoque uentum est, ut principio ferrentur hæ leges Casarianis, donec agitur de sedetibus utrique quas urbes occuparent, retinerent: id si displiceret, penes Pontificem quasi sequestrum interea Mediolanū maneret: Ipse cum se sedere Adriani nō teneri diceret, ne Florentini, Senenses, Lucenses pactā prius pecuniam numerarent, effecerat. Rex sublata induciarum spe, I. Stuardum Albanæ regulum & Rentium Cerrum, attributis eis decem peditum millibus, sexcentis equitibus, ad Neapolim recipiendam mittit, consilio maxime Pontificis ad quem miserat Ioannem Lāgiachum, & Venetorum: ut reuocaret Casarianos ad sua tuenda, dissuadentibus multis qui copias distrahi nolebant: desideraturus est Rex eas postea copias. Ille in Senensium fines profectus, adiuuante etiam Fabio Petrucio, qui Senensibus mutata reipublicæ forma præerat, ab eis & tormenta bellica, & pecunias ad bellum palam sumpsit. Clemens tamen cum spe Albanium lætando, remoraretur eius iter, uel pacis sequester esse uult, utrique & Casari & Regi ex æquo defert, & Casarianis & Gallis æquè suspectus. Ac postea parum abfuit rumore pugne aduerso intellecto, quin Albanus Romæ ab Hispanis interciperetur, ni Rentius auxilio ei fuisset, libero aditu in Galliam dato. Ea expeditio eius fuit momenti, ut Carolus Lanouius, ni Daualus multis precibus dissuassisset, & in aduentum Borbonū differrentur ut ea consilia impetrasset, ad Neapolim tuendam redire uoluerit. Interea à Germanis cum inopia ac fames timeretur, concursus est ad Lauam factus: Azornio quoque magnæ apud eos nobilitatis & authoritatis seditionis stimulatore & concitatore, à quo & dissipatos ferunt sermones de Papia Regi dedenda. Itaque

ARROL. Ferroni de rebus ualde

ualde fuit providendum Læuæ, ne in hanc tantam materiam seditionis ea funesta fax adhæresceret, & undique à ciuibus magna acerbitate exactis pecuniis, sumptisque panis quibus illis uestes confectæ sunt militares, solutioque stipendio sedauit seditionem: iussitque uasa sua omnia argentea liquefacta, & inde pecunia conflata, in eos erogari: palam quoque sumptis donariis, statuis, calicibus, patellis, thuribulis, pollubris, phyalis, capedunculis è sacris omnibus locis. A Læua quoque Azornius ad cœnam uocatus, ueneno sublatus est: neque expertem Læuam fuisse huius consilij palam omnes prædicabant. Sauiente uero hyeme cum ligna ad obsonium parandum deessent, Germani lautissimè ædificatas ædes Papiensium, asseribus contignationibusque direptis, nudabant, eisque pro lignis utebantur. Scio ita rumoribus vulgi exagitatam, & à quibusdā pro re seria scriptum, missum fuisse clām à Rege ad Læuam sodalitij Fræciscani hominem, qui Læuæ fuerat olim à sacris confessionibus, ut per eum oblata ingenti pecunia sollicitaret eum ad Papiam dedendam. Huic ob uitæ morumque sanctumoniā, & opinionem quam olim de eo conceperat, illum pepercisse, cum prius laqueum interminatus esset: admonuisseque operam potius dependeret sacris uoluendis, quàm acueendis hominibus ad uiolendam fidem: id ipsi etiam Casariani & Læuæ familiares falsum fatentur. In castris regis iactatum, obfessus ad eam caritatem rerum penuriāque uenisse, ut consumptis equinis asininisque carnibus, uix hæ reperirentur, cum gallina nummo aureo Gallico ueniret. Cum tamen constet cœuiua eos profusissimè iniussisse, quasi in summa omnium rerum copia. Cursitabāt è Papia in castra Gallica Hispanorum exploratores, & ad Daualus & Lanouii, quorum dubia fide Rex utebatur. Daualus centior factus ob stipendia non soluta periculum esse ne tumultuentur

Germani ueteranos duos subornat specie mercatorum, qui prætèxtu uini in castra regia deferendi, fixis tabernaculis ubi primùm licuit ancipiti prælio occupatis Gallis, Papiam se proripuerunt, tria que nummum aureorum millia Laue reddiderunt, affirmantes paratam quidem reliquam esse pecuniam, fieri uerò non posse hoc tempore circumsidentibus Gallis itinera omnia, tutò ut in urbem inferri possit. Ita illis ad tempus placatis, admonitòque Laue de toto Borbonij Dauaaliq̃ consilio, qui regia castra inuasuri essent, utrique se ad belli præmia ubi debellatum esset accingebat. Sed & per Hispanos qui conscientia sceleris patrati, in Gallica castra transfugerant, rursus eis sollicitatis à Daualo, expiatione omnis sceleris condonationeq̃e proposita, pecunia allata Laue. Interea per Alphonsum Ferrariensium regulum curatus ingens apparatus sulphurei pulueris in castra perductus est: Ioannesque Medices oblati à Rege summis stipendiis cum multis cohortibus equitariq̃e lectissimo, relictis Casarianis in castra Gallica uenit pridie nonas Decembres. Huius aduentu territi obsesti, cum candida uexilla quindecim haud longe à mœnibus ostentata fuissent: conatiq̃e sunt Medicei pedes ad motis scalis subire muros, uano conatu, cum Germani irruentes omnes deiiecissent. Cum Germani quærentur integra stipendia non soluta, Laueq̃ intelligens flaminibus templi quod Maius uocant, pecuniã esse reconditam, omnes accepit: argenteosq̃e baculos, qui instar fascium & insignium Ticinensis gymnasij præfecto præcuntibus apparitoribus circumferri solent, in usus suos conuertit. Nonis Ianuarij Rex imperat turrim mœnibus sitam machinis quati, retaturus hac parte irruptionem. Hæc biduo quassata uel ita corruit, ut ruina muri aditum difficilem Gallis præberet, uel ut alij aiunt, ex parte tantum concessa irruptionem distulit. Carolus Borbonius qui ad Fer-

dinandum

dinandum Caesaris fratrem, ad noua auxilia Germanorum paranda peruenerat, etsi pauca pecunia accepta cum accendisset spe prædæ pollicitationibusque Germanos, sex peditum millia, duo equitum contraxit. Venere cum Borbonio Georgius Franspergus, quem alij Fronspergum uocant, Marcus Psittacus Empsus, quem & Sithium uocant, & qui equitum præerat Nicolaus Salmus. Hos Germani scriptores magis Borbonum uel amicitia uel pollicitationibus (unus enim omnium optimè comprehendere Germanos, quos olim multis rebus in Gallia detinuerat amicitia, tueri obsequio, cum iis communicare quod habebat didicerat) pellectos scribunt ad iter, quàm Ferdinandi hortationibus. Borbonius cum his Germanorum auxiliis sexto Calendas Februarias uisus in agro Laudensi: is se deinde cum Lanoio Daualoque coniungit ad Laudem. Huius Daualique consilio ad Papiam contendunt: quippe cum dubio prælio ex urbe irruipientibus Lauianus pugnari posset, & foris multa peditum equitumque copia adessent, Regem se intercepturos non desperabant: quem affirmabat Borbonius nunquam se è Papia, nisi aut uictorem aut uictum, commoturum: ita ei esse constituta consilia, etiam accisis rebus, ut magis pœniteret eum

” cœpisse, quàm liceret desistere: Qui strages tantas iam præ-

” lia iactando ciet, quid non aduentu nostro ausurus? Mox rui-

” turum in pugnam scio ferocem: ita futurum ut Ticino no-

” bilior Gallicis cladibus locus non relinquatur. Rex nūciaro Borbonum, Lanoium, Daualique aduentu, ex Rhetis & Sedunis noua accersit auxilia: Ludouicumque Palauicinum Manfredi fratrem Guydonem & Franciscum Rangonios cum aliquot peditum equitumque turmis, oblato stipendio ad se inuitat. Accidit autem ut Palauicinus annonam, quæ in castra hostium inferretur, attributis sibi peditibus mille quingentis, & quadringentis equitibus impediret, nactusque

Casarianos interciperet, & iam Sfortia qui Cremona sub-
 stiterat terrori esset, dum Casale maius munisset. Missus est
 ad eum reprimendum à Sfortia Alexander Bentiuolus Bo-
 noniensis. Admonuerat Franciscus Rangonius Palauici-
 num per literas, se intra paucos dies cum delectis equitibus
 peditibusque uenturum. At Palauicinus contemptus Sfor-
 tianis, ne participem adsciscere uideretur laudis Rangoniū,
 occurrit mox Bentiuolo: pugnatum est utrinque summa ala-
 critate. Bentiuolus pratoriam cohortem Sfortia, quam ab
 eo acceperat (constabat ea ueterano milite) cum immisisset
 in Palauicianos, perturbauit ordines, mox & dissipauit.
 Palauicinus equo excussus, cum suos ad pugnam reuocaret,
 captus est: reliqui fuga sibi consulere multis & captis &
 casis. Eodem tempore Michael Salutianus Genuenses Sa-
 uonensesque obsidebat: Andreāsque Doria pro Gallis, &
 Hugo Moncata pro Casarianis classe instructa aderant.
 Defertur ad Moncatam Gallicos pedites ad Veragrium se-
 dere oscitantes, uino, luxu, epulisque diffuentes. Is classi im-
 positis peditibus ad eos opprimendos contendit. Pombria-
 nus & Sanctochemantius è Lemouicensium nobilitate,
 cum Simone Tibaldo Romano & Gigantio Corso, Gallicis
 Italicisque cohortibus praeerat: & tametsi agrè in officio
 militem continerent, ipsi tamen cum paucis aliis excuba-
 bant, uigiliāsque agebant. His cum esset nuntiatum adesse
 hostes cum paucis cohortibus, in eos erumpunt uocatis o-
 mnibus ad arma. Moncata qui fucum sibi factum uideret,
 & ad suos se in classem recipere uellet, classem resstantibus
 aduersis uentis soluisse uidet: suos tamen expediens ad pu-
 gnā paululum restiruit, donec undique suis fugietibus ca-
 pitur. Rex omissa Genua obsidione, ad se euocat mille pedi-
 tes Italos. Hi Tibaldo & Gigantio ducibus ad iter se accin-
 xerant, peruenierantque nullo ordine in agrum Alexandri-
 num.

num. Præerat Alexandria Gaspar Maynus, is certior factus palantes eos uagari, alios stertere, cum octingentis pedibus centumque equitibus Alexandria egressus, in eos impetum facit: facileque oppressis multis, reliquos in fugam uertit. Multi tamen in Castellatium oppidum perfugere, quos & ille obsessos ea conditione recepit, ut armis equisque acceptis saluos emitteret. Tibaldus & Gigantius antea Sauonam ad Salutianum redierant. Rex concussus Borbonij, Lanoij, Daualiq̃ue aduentu, Tremolium, Franciscum Borbonium, Lescunum qui mediolani erant, ad se euocat, cura Mediolani mandata Theodoro Triuultio, qui d agat consulit. Tum Tremolius senior, Papiæ oppugnationem tantisper differendam ait, donec traducto in tutiora loca exercitu, trans Ticinum nouum belli ineant cōsiliū, aut ad Binascū motis castris: uetera illa militarium hominū iactitās, Citius uenire periculū cūm contemnitur, contemniq̃ue esse leuius quā percūti: eripiendā esse tela irato Borbonio, nō danda: uenire iratū, uenire uitæ suæ prodigiū, uenire cum leuissimis Germanorum copiis: adesse Lanoium & Daualum cum Hispano pedite ueterano, qui mori sibi tutum putet, adeo præmiis prædæque accensus ruiturus sit: qui mortem sic negligat, metuendum. Honestum laudabilēq̃ue esse seruire temporī, cedere fortunæ ad tempus. Erumpentibus Læuiānis ex urbe, urgentibus Casarianis alia parte, facile futurum ut Rex facilius obsideatur, quā obsederit Papienses. Magna spe obsessam Papiam, nunc aduentantibus hostium uiribus, fortunæ uim temporūq̃ue rationem in cōsiliū admitti debere. Adhidendam eam cautionē quā non solum gloriosis cōsiliis utamur, at paulo etiā salubrioribus: fortissimos & Reges & Imperatores aduentantibus hostibus soluisse olim obsidionem, ne duplici hoste oppressi suos perderent: Ticinenses & Lauam, qui soli robur

„ Gallicum sustinuerint , quanto audaciores factos Caesaris
 „ lectissimis copiis aduentantibus? Sic instare futura mala , ut
 „ tamen uitari possint prudentia . Transiere in Tremolij sen-
 „ tentiam Palicius , Lescunius , Franciscus Borbonius , Suffor-
 „ tius , Sanscuerinus . At Goussierius ita castra munita aiebat ,
 „ ut uis hostium metui non debeat . Proinde ita quidem agē-
 „ dum , ut nisi potioribus oblati conuentionibus praelio non
 „ decernatur , ita dilapsuras hostiles copias quibus nulla sti-
 „ pendia persoluantur : ut potiamur commodis , ferenda in-
 „ commoda . Fraudes se Borbonij & Dauali semper ueritum ,
 „ nunc minus esse noxias cum sint aperta : miserum esse angī
 „ metu mali , quod nondum impendeat : raro periculum sine
 „ periculo uinci : alios Regem uidisse uentos , alias prospexisse
 „ animo procellas : aliis impendentibus tempestatibus non
 „ cessisse , aliis turbinibus ac fluctibus regni nauem saluam in
 „ portu collocasse . In rebus dubiis plurimum ualere animi
 „ magnitudinem . In eas plagas iam irretitum Borbonium
 „ transfugam & exulem , unde se explicare uix possit : huius
 „ belli conficiendi multo se maximam spem in erecto Gallorū
 „ animo posuisse . Incumbendum esse omnibus , ut in alieno
 „ solo ad bellum laboresque assuefacti , de retinenda pristina
 „ gloria solliciti sint . Itaque aequum esse expergesieri & accē-
 „ di , & ad praliū (si res exigat) nunc maxime gerendū , ani-
 „ mum adiicere : nec patiendum talem occasionem diuinitus
 „ oblatam elabi , nec committendum ut fraudi sit cunctatio :
 „ dandam potius operam , ut illata plurima incommoda nūc
 „ uindicentur . Papiensibus ut prima oppugnationis exitus
 „ animos dare , ita ditutos passim muros summamque rerum
 „ omnium penuriam sollicitos habere . Neque enim facilem
 „ refectiōem deficiente materia , & multis iam aut belli
 „ imperu , aut inedia extinctis , maiore multitudine opus esse
 „ ad tuendam urbem . In Goussierij sententiam trāsire multi
 „ Arnol. Ferroni de rebus ex nobilitate

ex nobilitate Gallica, quos aetas immatura feroces, & ad omnes casus promptissimos reddiderat. Rex eam sententiã quæ ultimo loco dicta est approbat, hortante maxime Sammarallo, qui Casarianorum vires eleuans, blanda pro ueris solutus ingerere, opinione prudentiæ sibi conciliata fellebat: magnisque additis munitionibus & fossis à tergo, à fronte, & sinistra firmarat castra, antea septi etiam Papiensis mœnibus ea obtexerat. Borbonius patriæ immemor, cui unâ cum Lanoio decretum erat supremum imperium, priusquam à Laude Casariani mouerent in Regem, milites hac sibi oratione uocatos, excitandos putauit: Tandem aliquando commilitones letor illuxisse diem, quo potestas uobis daretur, ut quantum animi, quantum roboris, quantum fidei uobis inesset, & Cæsari de uobis optime merito, & ciuibus Papiensibus, Antonio Lanoæ, fidelissimisq; sociis Germanis ostendēdi daretur occasio. Me quidē ipsum nihil aequè ac pulcherrimæ uictoriæ adipiscendæ cupido sollicitabat: ita diurnis nocturnisque horis agitabam, si quā possem pulcherrimorum facinorum patrādorū uobis auctor esse: uoto enim meo abundè id sufficere arbitrabar. Id uerò supra uotum, uictores nos uolitare per ora hominum seruitute depulsa à fidelissimis sociis, suoque decori pristinaeque maiestati restituito imperio. Ac mihi quidē quādiu in Gallia olim uel leuissimam spem uidi ab eo quo opprimebar onere respirandi, & sorbenda multa & concoquēdarebar. Posteaquam ueterem me ferēdo iniuriam inuitare nouam uidi, nec tūque mihi grauiores laqueos, statui mecum insignem esse materiam oblatam insectandi Regis: miseros uos socios uindicandi: in proferendo Cæsaris imperio omnem ei meam operam studiumque deferendi. Mutata est mihi fides quæ irritata fuerat iniuria: & quando facta uerbis potiora sunt, scitote de sententia ducum mouenda

„ castra, mox hostem oppugnandum. Ego si solus eam sentē-
 „ tiam dicerem, qua regia castra inuadenda essent, certe igno-
 „ sceretis, ueniam ueteribus simultatibus querelisque præbe-
 „ retis. Nunce a demum summa uoluptas est, uel quòd id Pa-
 „ pienfibus, Læuæ, Germanisq̃ prodest quarto iam mense
 „ obfessis, ut ira nostra nihil à comodo publico differat: uel
 „ quòd authores habeo Daualum uirum & prudentissimum
 „ & fortissimum, & Lanoium cautissimum. Qui si propter
 „ insigne odium in me Gallicum, castra omni impetu putant
 „ oppugnanda, quónam me animo esse oportet, qui uindicā-
 „ dæ contumeliæ occasionem hætenus terra, mariq̃ tot ex-
 „ antlatis laboribus quæsierim? Iamdudum parauimus o-
 „ mnia, quæ pertineant ad hostium oppugnationem: conspi-
 „ rantem Italiam, coniunctam Germaniam, paratas copias,
 „ expeditos duces uidetis. Retinenda est uobis, commilitones,
 „ pristina animi magnitudo: repetenda uetus illa alacritas,
 „ inuadēdi sunt hostes: quod diu quidem distulimus, sed erat
 „ tunc occasio numero illis superioribus dura illa quidem, sed
 „ tamen iusta, nunc quidem nulla: æqualis aut maior nume-
 „ rus. Ad hæc, fatigatis hyberna oppugnatione, eruptioni-
 „ busq̃ crebris Papiensium, ipsi recentes occurrimus: nunc
 „ ui occupanda sunt, quæ ui ab eo extorta sunt: uenit tempus
 „ serius omnino quàm Cæsare nobisq̃ dignum sit, sed tamē
 „ ita maturum, differendi ut nulla expectādiq̃ supersit ra-
 „ tio. Fuit tempus quo insultantibus illis minus commodē
 „ obuiam iremus, id quoquo modo tulimus: nunc si quis erit
 „ casus, iure ille nobis adscribetur. Ego quidem commilito-
 „ nes, consilio quantum potero, labore plus penē quàm pote-
 „ ro, excubabo, seduloq̃ dabo operam, ut quàm minimo
 „ uobis negotio confodiendos, spoliandósque locupletissimos
 „ hostes exhibeam. Ardet animus contundendæ reprimen-
 „ dæq̃ Gallicæ audaciæ. Mihi constat nec meas ferre inu-

„ rias, nec deferere Antonium Leuam fidelissimum socium,
 „ nec Ticinēses pati ad cruciatum rapi. Res intra paucos dies
 „ ad extremum discrimen deductas usuri sumus: nolite com-
 „ mittere, ut uos à maiorum pristinaque animi magnitudi-
 „ ne desciuisse quis opinetur. Simul illud ante oculos uestros
 „ proponite, Primum superatis Gallis opulentissima praeda,
 „ opimisque nos spoliis potituros: deinde Italiam omnem ar-
 „ rectam ad spem libertatis recepturos: tum etiam fidelissimos
 „ socios Ticinenses, Hispanum Germanumque commilitonem
 „ subleuatos. Postremo id fixum in animis reponite, capto
 „ superatoque nobilissimo potentissimoque Rege, immortale
 „ uos decus adsecuturos. Quando uero res eò perducta est, ut
 „ aut ille pœnas luat audaciæ, aut nos perpetuò seruiamus,
 „ pristinum animū uirtutemque recipite: ut aut recuperemus li-
 „ bertatē, aut mortem captiuitati præferamus. Hæc ille cum
 „ dixisset, conclamatum est, duceret quò uellet, militem suo of-
 „ ficio non defuturum. Ita educi milites, cum simulassent se
 „ Mediolanum pergere, exploraturi an Galli metu urbe cede-
 „ rent, nihil eis perterritis, Papiam contendunt. Hanc Borbo-
 „ nū concionem unus ex hostibus magni nominis excipiens,
 „ Præclarā aiebat, si pro patria magnificè ille perorasset: quid
 „ autem in patriam præclarum? Est oppidum quod sanum
 „ Angeli uocant, medium fere inter Laudem & Papiā. Rex
 „ qui non dubitaret hostes oppido omnibus rebus munito
 „ insultaturos, prius eò miserat Palicium & Federicum Bo-
 „ zulum, qui explorarent, satis ne ad uim hostilem depellen-
 „ dam munitum esset. Oppido præerat Pyrrus, Gonzaga, Bo-
 „ zulus: hi que renunciant parata omnia ad uim arcendam.
 „ Iam Borbonius castra fixerat, Daualumque præmiserat ad
 „ machinas commodo loco ad mouendas. Quibus ille celeri-
 „ ter confectis, primo diluculo ad motas machinas in turrim
 „ quadratā emittit, multisque horis quassatam tandem con-
 „ gestis Gallorum Lib. VII.

*cussit: Antonio tamen Capuano dum incautius cum Dau-
 ualo situm oppidi explorat, globo ex urbe emissso necato:
 Fossus mox aggestis uirgultis complanatis, irrumpit in op-
 pidum. Itali qui cum paucis Gallis in praesidio erant, mul-
 tos pilis plumbeis sternunt: in quibus Antonius Capecius
 Neapolitanus in ipso iuuentæ flore præreptus est ipse Da-
 ualus bis pila aenea decussa, ne occumberet parum absuit,
 turri tamen potitur. Secesserant Itali, qui in praesidio erant
 in secundam munitionem, uariè tamen impetebantur pilis
 à Caesarianis, nec loci iniquitate poterant um arcere. Itaque
 cum Pyrrho omnes se in arcem recipiunt. Daualus multis
 precibus cum agrè impetrasset à Casada Centurionè Hi-
 spano, ut per speculas turris in murum desiliret, cognouit id
 quod sibi persuaserat, ab hoste munitiones desertas. Nan-
 que ille & pileo rubro hasta elato, & puero mox in mu-
 rum sublato, indicauit nihil hostile subesse. Daualus celeri-
 ter cum Vastio Hispanoque milite in murum euadit, & por-
 ta obseptæ aperta, aditum suis aperuit. Pyrrhus mox cū suis
 deditionem fecit, equi armæque militibus captis adempta;
 Imperatum ut trans Abduam transirent, neue ante men-
 sem in Caesarianos arma ferrent: summa præda in arce in-
 uenta hostes potiti. Non desunt qui Pyrrhi fidem in dubium
 reuocent, qui affinitate iunctus cum esset Daualo, ante tē-
 pus oppido relicto in arcem confugerit cum suis omnibus.
 Iam castra castris collata uidebantur, ac sæpius nunc
 Borbonius, nunc Daualus, nunc Alphonsus Vastius, nunc
 Alphonsus Caruailus occultè Gallicas copias inuadentes
 assiduis incursionibus fatigabant, nunc hac, nunc illa parte
 inclinante uictoria. Quodam die parum absuit, cum Borbo-
 nius & Daualus in pecora Gallica, quæ extra uallum paulò
 longius procefferant, Hispanis irruentibus fugatisque cum
 robore exercitus auxilium tulissent, parte alia Gounferius,*

Lescunus, Antonius Cusanus, Ioannes Medices cum equitibus Gallicis Italicisque, adiuncto etiam ex Heluetiis & Aquitanis peditatu adcurrissent, quin iusta pugna certaretur. Iam enim Rex accingebat quoque suos ad certamen: sed hostes cum impetum Gallicum non sustinent, receptui canunt: multis tamen desideratis, in quibus fuit Alphonsus Caruailus. Alio die Daualus ita inuectus est in Gallorum munitiones, ut parum abfuerit, quin tormenta clauis configeretur: sed urgentibus Gallis secessit. Laeva quoque urbe erumpens cohortes aliquot Ioannis Medicei dissipauit, absente tum Medice, qui intra paucos dies Lauiarios ad eruptionem inuitans, quibusdam quoque casis ultus uidebatur priorem cladem: nisi accepto uulnere pila plumbea iuxta pedis talum, post pugnam dum stratorum hostium cadauera Gallis ostendit, maxime commouisset Gallos. Nanque ille intra paucos dies uulneris acerbitate urgente, coactus est Placetiam nauae deferendum se praebere. Atque hunc non ferentem magnitudinem doloris, sunt qui putent pede amputato non diu superuixisse. Et sane habebatur is rei militaris non imperitus, multum in eo audaciae ad pericula subeunda, multum industriae inter ipsa pericula, ni tantas uirtutes ingentia uitia sedassent: quippe & inaudito iureiurando uarie Deum diuosque lacepsabat, & fœdis puerorum amoribus deditus cum esset, flagrare uitia libidinis apud eum uidebatur. Quin à diuinæ maiestatis contemptore auditas has uoces ferunt, Florentinis se uelle imperare, sed tamen inuitis diis: si uellent diu, nolle imperare: quæ uariissime dissipata in uulgus ab iis quibus ei magnum odium, cum crudeli dissidio extitisset, multi imprimis authores prodidere: conferentes Medicem aut Themistocli, aut Iasoni Theffalo illi commendato à Xenophonte. Accidit autem postea caso Alexandro Medice Florentiæ principe, factione Laurentij Medicis, ut Cosmus

Medices aliquot pōst annis adnūte maxime Innocentio Ciboo uno è purpuratis pontificiis, & Alexandro Vitellio, dux Florentinus designaretur. Erat ille Ioannis Medicei filius, à quo optimè constitutam rempublicam Florentinam eruditi homines passim fatentur. Et quasi quotidie esset deterior posterior dies, accessit aliud Regi incommodum. I. Iacobus Medices Mediolanensis, qui arci Musi præerat prope Larium lacum, Thecano, qui cum sex peditum Rhetorū millibus apud Regem militabat, pollicitus sex nummū aureorum millia, per eum cōficiēbat ut Rheti è Gallico exercitu abducerentur, Velare ille specie aliqua perfidiam uolebat: itaque arce Clauennæ de industria positis insidiis à Medice occupata, id effectum est, ut Rheti insolito perculsi metu, quasi bellū pro aris & focis instaret, omnes qui apud Regem militarent proscriptionem minitantes, domum reuocarent. Rex multis precibus obtestabatur, ne prælium cū instaret desereretur, maiora ultro deferens stipendia, traducturus confecto bello copias ad Medicem debellandum. Et quanquam Tremolius & Gounfierius multa in eam sententiam cum Thecano egissent, ingenium aduersum uti flecterent, aut ad operam Regi nauandam accederent, à Rege eum plura commoda accepturum, quàm incommoda perpeti possit ab hoste reciperent, tamen nunquam flecti potuit. Itaque factum, ut corruptum auro abire multi suspicarentur. Lescunūque contumeliæ impatiens probri omnibus conscindēs Thecanum, ultro eum ad singulare certamen prouocaret. Ille uerò sibi conscius fidem qui perdit nihil admodum posse perdere, etsi haberent aculeum eius contumeliæ quem pati uir fortis & probus non posset, qui tamen pretio fidem addixisset, ne tantulum quidem cōmotus est. Franciscus Lotharingus ita in eum incensus est, uix ut contineri potuerit quin perfidum hominem mactaret: feruidūque iu-

Arnol. Ferroni de rebus

uenta

uenta Regem regiōsq; omnes procures obtestabatur, ut Gallicas omnes copias in medios Rhētos induceret, eōsq; circuncinctos obrucari iuberet. Erat id consilium periculi plenum: nam si illis resistentibus Cæsariani tumultu audito impetum in Gallos fecissent, intestinus hostis non minus damni intulisset, quàm externus. Abierēque Rhēti abduētis etiam Heluetiorum aliquot cohortibus, atque horum discessu Albanū copiae maximè, serò tamen, desideratae sunt, quae quoad fuere cum Rege per bono loco res erat, ubi ab hostibus Rēx premi captus in perditis & desperatis haberi cæpta ea obsidio. Borbonius & Daualus tentandum existimabant quidnam Rēx propositi haberet ad dimicandū; sepeque quasi instructa acie Gallos uelitaribus pugnis fatigabant: quae res quotidie confirmationem eorum equitatu faciebat, cum Galli eo uincere uiderentur. Institutumque id seruabat Borbonius, ut quoniā uereretur ne par esset equitatu, ex peditibus Hispanis & Italis delectos dorso equitatu impositos, sclopo ferire equites edoceret. His erat effectum, ut equites pauci Cæsarianorum apertioribus etiam locis, multorum equitum Gallicorum impetum, cum esset usus, sustinere auderent. Quin & partitus diligenter excubiis per uiginti singulos dies castra Gallica nocte infestaret: quae res affecta uigiliis corpora Gallorū extenuarat, ut iam sauitia etiam hyemis & imbrium strigosiores equi apparerent. Borbonius, Daualus & Lanuius deliberant castra regia inuadere. Est locus quem Mirabellum uocant, uel palatij nomine olim insignitus, uel lauta domo, qua Mediolanensium principes olim dum uenationi impliciti sunt, diuertere soliti sunt. Est is medio ferè in septo: hoc potiti si essent, necesse erat aut liberari Leuam obsidione, aut Regem in Mediolanum cogi, aut pugnandi copiam eduētis e castrorum munitione copiis, facere. Ferunt superiori nocte qua com-

missum est pralium, uenisse ad Borbonium exploratorē nar-
rantem quid apud Regem ageretur: dum Rex uentrem ex-
onerat audita quadam afferentem, quasi minimè Rex esset
pralium detrectaturus. Adhibitis militibus fabrisque pro-
strata est muri pars, qua cingebantur regie castra, nec quic-
quam ex audientibus Gallis, uel quòd alia parte eodem tē-
pore infestassent hostes castra, uel ut alij prodidere arietibus
malleisque lana oblitus, quæ Cremonæ Borbonius in eum
usum pararat, uel oscitantibus uel deceptis uigilibus, ad-
monetur Laua, eruptionem faciat è Papia, cum impetum
duarum ingentium machinarum audierit. Missus a Borbo-
nio Daualoque Alphonsus Vastius qui Mirabellum occu-
paret: is multis oppressus iam loco potiebatur. Et iam Rex
uidēs hostes septum ingressos ad se properare, Heluetius &
Germanis eductis, quos hinc machinæ bellicæ, hinc eques
æquis frontibus æquabant, suos ad pugnam hortabatur,
& Heluetios quidem Germanorum copiis opponebat: Hi-
spanis uerò Germanos, quos Nigros uocabant Galli: Italo-
rum autem multas cohortes aptis locis collocat ad eruptiones
Antonij Læuæ comescendas: Bußium uerò Ambrosianum
castris cum Gallico pediter reliquit tuendis. Aliquot hostiū
cohortes, cum longius septum ingressæ à suis disiunctæ es-
sent, misso Philippo Chabotio Briono, & Federico Göxaga
Bozulo qui eas machinis deducendis implicatas nacli erant,
miserè discriptæ sunt: neque in uicinum nemus elapsæ iram
uictorum uitauere, quin Gallis sequentibus protererentur.
Cæsariani equites leuis armaturæ in Gallicos qui subsidio
erant Germanis inuecti, repellebantur: & in uallē proxi-
mam cogeabantur. Nam Lenolacus Galeatii tormentorum
magister, raptatis aptissimè tormentis quæ necesse erat, ua-
riè afficiebat hostes. Palicius quoque Chabaneus cum pri-
mo agmine cū Borbonij Lanouijque equitatu congressus, iā
Arnol. Ferroni de rebus cedentibus

cedentibus illis superior uidebatur. Rex qui instādum perterritis putabat, a dextro cornu cum robore equitatus ita se rebatur in hostes, nihil ut propius fuerit, quā ut uerē illi fugientes uictoriam ei relinquerent. At Borbonius missus ad Daualum Carolum Mottam, qui docere deplorata omnia, nisi mox pedites succinctos globis plumbeis ut conuenerat, mittat: missis ab eo octingentis in dorsa equitum collocatis, uersa est belli alea. Nāque hi à tergo, à latere, globis assidue emissis stragem ingētem equitum equorūque edidere, & eam quidē, ut hoc maximē nomine uictoria illi potiti sint. Fortissimus quisq; passim sternebatur: conglobati Gallici equites acrius urgebātur pilis: expansi & dissoluti & petebātur, & inutiles erāt ad uim arcendā. Tremolius, Lescunus & Sansueurtus, dū conferti coactis suis inuehūtur in eos, in gyrū eis sensimq; dilabētibus, nihil impedire quin maior strages ederetur, cū hostes emissis semel leuib; machinis, & rursus adimpletis displodendi finem nullum facerent: cū interim Gallicæ machinæ inutiles essent, nec emitti in hostes, nisi prius in Gallos emitterentur, possent: quæ parte insigniter peccatum est. Rex hortando suos, periculāque intrepidē obeundo, languentem pugnam multis locis restituebat, concitatioque equo in confertos hostes, multis casis, fortitudine aduersas res uincere uidebatur. Ille Ferdinandum Castriotam Theſſalorum Regum sanguine ortum, ille alios plerosque manu sua confodit: & tamen ex immenso campo, in exiguum sanè gyrum compulsos uidebat Gallicos equites, internecone multos liberauit, se subinde interponens ferocissimis hostibus. Erat ei in animo rectā se inferre in confertissimos hostes. Et quanuis undique se suosque profligante fortuna, omnibus uiribus connixus substitit in acie, strenui equitis intrepidique munia omnia summa alacritate, inuictosq; animo obies: equoque caſo ite-

Gestus Gallorum Lib. VII. B b iij

rum cum esset sublatuſ in alium, acrius in hoſtes ferebatur: eo quoque ſuffoſſo, pedeſtre certamen intrepidè iniit. Parte alia Daualuſ cum Germanis in Gallicos, Germanoſ, Nigroſ inuehitur. Iſ cùm eſſet leuiter uulneratuſ, monuit Fröſpergum & Marcum Piſſitacum Germanorum duceſ, ut expanſa acie circuirent hoſteſ acriter reſiſtenteſ: quo factuſ eſt ut circumdati ad unum trucidarentur. Ibi fortiſſimè dimicanteſ periere. Suffortiuſ Britanniſ notaſſima uirtutiſ, Franciſcuſ Lotharinguſ, Longamantiuſ Vindelicuſ Auguſtaniſ, multique e Germania proceſ, multoſ tamen ex hoſtibuſ & caſiſ & uulneratiſ. Alio loco Alphoſuſ Vaſtiuſ Dauali iuſſu à dextro cornu in Annam Mommorantiuſ fertur: uique ambo pugnanteſ uifi, cùm & Hiſpani ingentem ſtragem ederent Gallicorum equituſ: quo factuſ uulnerato equo ut excidens Mommorantiuſ ab Hiſpano pedite caperetur. Iam Hiſpani cum Daualo in omneſ parteſ ſe circumagente, & Vaſtio in Heluetioſ impetum faciebant. Marchianiſ quem ab oppido Cedano ſito in Belgica Gallia Cedanuſ uocabant, agère tametſi in prima acie pedes uerſaretur impetrauit, ut primum hoſtiuſ impetum ferrent. Tum demum Deſpacho ſumma apud eoſ nobilitatiſ proceſ caſo, in fugam uerſi: qui ſi uiſeſ ipſi ſuaſ metiri uoluiffent, æqualeſ ſanè erant hoſti. Altera eorū acieſ multoſ caſiſ fortiſter impetum hoſtiuſ ſuſtinebat: at intellecta Gallicorum equituſ conſternatione, mox quoque in fugam uerſa eſt. Narrat Germani ſcriptoreſ, & Helueti, dum præceps Rex ruit in initio in pugnam, & Nigriſ nudatiſ equituſ præſidio & machinarum uſu, ſimul inſtar procelle emiſſuſ ab hoſte globiſ, neceſſe fuiſſe hoſti cedere. Leſſianiſ quidem à Rege miſſuſ fugam eorum ſiſtere nunquam potuit. Non conſtant ſibi ſcriptoreſ neque Gallici, neque Italiſ, neque Hiſpanici, neque Germanici in huiuſ pugne nar-

Arnol. Ferroniſ de rebus

ratione;

ratione : ut qui dixit, tot pugnae narrari formas, quot sunt auctores, uerè dixisse uideatur. Partum uolunt, cum ad uoces tumultuosorum nunciorum ad arma conclamatum esset, ut hostis occurrebat, sine imperio, sine signo, incompósitos inordinatósque qui Gallis aderant, in praelium ruisse. Partim aiunt, in septum progressos hostes, Gallos adcurrentes pulsos : his subsidio uenisse Heluetios cum equitatu Gallico à latere, à quibus pulsí sint Hispani : inuectos deinde Franspergum cum Germanis in cuneatam frontem, prorigentes acie Heluetios post longam dimicationem concidisse. Partim uolunt Gounserium nondum omnino accisis rebus, ita perterritum uisum, quem intrepidum semper agnouerant, ut mentem ei à diis ademptam quiuis diceret. Ille captus animi, non manu, non lingua pollere, neque aliorum monita exaudire, neque sua expedire, huc illuc circumagi. Denique cum haud dubia fortuna hostium esset, ne superstes tantis copiis, quæ suo consilio praeliū iniissent, esset, concitato equo in confertos hostes se immisit, pugnantque occubuit : existimans captum se Borbonio eripi non posse, cuius in se implacabile odium multis rebus accenderat. Regem iam stiparoribus suis cæsis, uix tandem aiunt Lescuni, multorumque horratu in proximum pontem se recepisse, ibique obrutum hostium subsequente multitudine, qui armis insignem uiderant, rogantibus multis dederet se Borbonio, etsi undique enses pugionesque admouerentur, tacuisse. Deinde adcurrente Pomperano, agnitum, qui mox Lanoium proximum euocarit, cui ille deditionem fecerit : aliis arma, aliis calcaria, aliis annulos diripientibus, dum omnes capti Regis decus penes se esse uolunt, discerptisque ornamentis militaribus, uitæ adiut, irruente in eum turba, non leuius periculum. Tū demum multi capti, fuga apertè facta, multi fugientes gurgibus absumpti Ticini, quorum pauci in terrâ enauerint.

fluitantia corpora undæ per multos dies fœdissimè uisa. Cæsariani scripsere Regis feruore, qui abducto secum robore equitum inuectus esset in eos, & machinarum bellicarum usum suis ademisset, partam uictoriam. Galeatius Capella narrat Ioannem Alenconium sororium Regis, cui postrema equitum acies attributa fuerat, statim conferta manu cū tota acie, prælio se subtraxisse. Adrianus Barlandus, illum suorum stragem uidentem, quadringentis cum equitibus Galliam quam maximè citato cursu contendisse: uniusque huic, qui suo equitatu integro Heluetios tueri potuit, Heluetij ipsi fugæ suæ causam cum deserti ab eo essent, adscribunt. Vnus demum è uulgaribus Gallicis scriptoribus narrat Aléconium in pugna captum, mox à Tiercelino legato alæ suæ ereptum hosti, cuius se consilio receperit Mediolanum, comitante Aureliano & Forgeo: ipsum Tiercelinum, qui hosti Alenconium eripuisset, captum fuisse. Ludouicus Tremolius facie uulnus excepit haud lōgè ab oculo, equo uulnerato, cū obuius fuisset Ludouico Bonnio Cluseo, Iacobo Brosius, domesticis suis, Iacobo Borgeto, qui sub eo olim militarat. Tum Brosius qui apud eum puer educatus fuerat, equo suo integro illum intulit: Brosius pedes ad Heluetios se recepit. Tremolius iterum se Regi adiūgit, acriter dimicans glande plumbea ictus corruit. Cæsi quoque sunt ex eius alâ nobilissimi equites, in quibus Ioannes Iancurtius Villarnous alæ eius signifer, Iacobus Salexardus, Ioannes Iofferandus, Layreus, Marconus Britannus, Arrasius, Ioannes Poixus, Villemorus, Carolus Cazeratus, Adamus Rauenellus, Riuerius, Ludouicus Poixus, Forgeus: uulneratus grauissimè Claudius Crauantius. Bonnius autem, cuius suprâ memini, & Georgius Chargius, & Roncéus iunior capti, liberatique à Borbonio corpus heri in Galliâ aduxere. Sunt uerò hi quorum meminimus maiore parte è

Arnol. Ferroni de rebus

Pictonica

Pictonica nobilitate. Thomas Fuxeus Lescunus Lautreci frater eo praelio memorabilis fuit: sapius audacissimè qua parte premi Regem uidebat, concurrat, eo iubente nunc hos nunc illos capeffentes fugam, pristini decoris admonebat: coxàque cùm esset globo ictus, uulnus præ calore non sentiens, nulla non strenui equitis munia obibat. Captus cum Rege, & Borbonij sedulitate Daualiq; humanitate omnibus adhibitis rebus, quibus uulnus curari posset, cùm tardius plaga curata esset, intra decimum diem desideratus est. Rex primis literis quas captiuus ad matrem scripsit, iubebat erogata quantum hostes peterent pecunia regia, mox ille liberaretur. Cæsi quoque Palicius Chabaneus Tribunus militaris, Galeatus Sanseuerinus, Bußius Chaumontius, Bußius Ambosianus, Franciscus Duratius, Caianus, Marrafinus Tonorreus, Moretta, Franciscus Beumontius Xantoniesis, Iustus Turnonius, Hector Borbonius, cui Lauedano cognomen, Deybaldus, Petrus Rohanus, Dasmotus, Andoinus, Catargus, Merlinus Sanctogelasianus cùm equo admissio exiisset, nusquam postea à suis uisus: Galotus Ienolacus captus ab uno ex hostibus magni nominis, què ipse olim ceperat bello Neapolitano: liberatque quasi in tempore persolvente eo mercedem & pretium beneficij, liberatus est & in pacata loca perductus. Renatus Sabaudianus post octauum diem captus, ex uulnere moritur. Paris legatus ala Brionis casus, & plures alij illustres. Capti Henricus Nauarrorum Rex, Franciscus Borbonius fani Paulini Comes, Ioannes Montferratus, Claudius Boyßius, Boneuallius, Philippus Brionus, Anna Mommorantius, Antonius Rupifocaldus, Barbesius, Franciscus Sammarfallus, Ludouicus Cliuensis, Carolus Tiercelinus, Marchianus Riensis, Lorgius, Monchenus, Monteianus, Lumens, Boutierius, Cardilacus Mompexatij cognomine notior, Gestus Gallorum Lib. VII.

leatius Vicecomes: innumeriq; aliq nobilitate & rerum gestarum magnitudine insignes. Borbonius uariè elusit Sanmarfallum quasi architectū totius in se conspirationis. Castra direpta: ubi inuenta ea omnia quæ delicati homines desiderare solent. Nec desunt qui narrent admonitum Regem per Gounfierium nihil esse salui, sibi ipsi consuleret: sed spe renouandi prælii id non exauditum. Alenconium & Carolum Claromontanum cum multis Mediolanum properasse: deinde unà cum Theodoro Triuultio & Chandio, dissimulato casu pugna aduersæ, sese in Galliam præcipuisse. Satis constat Palicio, Tremolio. Lescuno, Suffortio, Sansseuerino funus apparatissimum à Borbonio factum, cui & ipse atratus interfuerit. Rex Pisleonum in custodiam ductus est: custodia eius attributa Ferdinando Alarconi. Borbonius cum eum salutasset, humaniter exceptus est. Scio tamen iactitatum, ad Regem ut uenisset, collachrymanti similem Regē dixisse: Egregiam uerò laudem Borboni, egregia uerò spolia refers, tuis oppressus, uictis, dissipatis. illum hæc respondisse, Ego quidem, here, si nemo me cōgisset ad ea molienda, libenter supersedissem. Deinde illos semifultos proximæ fenestræ, multis uerbis ultro citroque habitis, dimidium horæ consumpsisse. Pomperanus quidem Borbonij comes & dux itineris, ita officiosus tota hac captiuitate in Regem fuit, in Galliam ut mox condonatione impetrata aditus illi patuerit, posteaque alæ equitum præpositus sit. Rex Pisleonum ingressus, uisus est quiddam efflagitare à Borbonio & Lanoio: recipientibûsque illis futurum ut acciperet, alia cum expectarent, petiit ne pueros Gallicos, qui capti erant, Italicus miles attrectaret. Si quos cepisset, Hispano redderet permutatis captiuis: atque id petiit pudicitia eorum consulens. Id libentissimè Borbonius Lanoijsque concessere. Mox totis castris per tubicines edicto proposito.

Arnol. Ferroni de rebus plusquam


plusquam sexcenti adolescentes liberali, egregiâque forma
 Hispanis redditii: quorum pudicitiam deploratam, si apud
 Italos mansissent, omnes fatebantur. Cœna apparatus accu-
 buere cum Rege Borbonius, Lanioius, & Alphonsus Va-
 stius, cum diu frustra deprecari essent ne accumberent. La-
 noius argenteam lancem lauanti Regi sustentabat: Vastius
 hydria argentea aquam infundebat: Borbonius ad manus
 abluendas mantile obtulit: idem honos, idem cultus, eadem
 in captum obseruantia quæ fuisset florentibus rebus, captis
 magnitudine animi facundiâque hostibus. Post cœnam ue-
 nit ad Regem salutandum Ferdinandus Daualus Piscaria-
 nus: cum quo in multam noctem Rex prottraxit sermones
 grauissimis de rebus, captiuus planè mirabiliter homines
 mouebat. Nunciata clade Ticinensi, Gallia maximè con-
 sternata est: ipsa quæ Ludouica Regis mater perterrita. At se-
 natores Gallici, qui Lutetiae, Tholosæ, Burdigalæ, Rotho-
 magi, Diuione, Gratianopoli, ex ueteri instituto iuri dicen-
 do præerant, populum passim admonuerunt, ne animû de-
 mitteret, sese colligeret potius. Decurionibus urbium nego-
 tium dederunt, ut urbes passim circuitent, uigilias agerent,
 mœstitiæ publicæ speciem decernerent, omnibusque excitandis
 & confirmandis & intererant ipsi priores, & præerant.
 Horum exemplum secuta Ludouica, consilium habuit pro-
 cerum, consolata quæ & hortata est eos, ne ad tantas cala-
 mitates animos submitterent. Lautrecus cum Baionæ curâ
 Grandimontanis delegasset, Narbonam, qua fama erat uē-
 turos Cæsarianos, adcurrit. Huic multis uerbis laudato cō-
 silio eius, Ludouica scripsit uideret, ageret, ne quid Gallia
 detrimenti caperet. Si Baionensium res curasset, Narbona
 ne se commoueret: quid peditum, equitumque ad prouinciæ
 fines tuendos satis esset, scriberet. Ad hæc literis humanissi-
 me ad ciuitates scriptis, singulos consolabatur. Abfuisse fi-

„ lium Regem tantum à culpa in bello gerēdo, ut etiam pru-
 „ dentissimè omnia disposita habuerit: euentusque magis cō-
 „ siliū, quā consiliū reprehendi possit: quando præsiterit quod
 „ debuit, moderatè quod euenit ferendum: futurum mox ut
 „ armis aut conditione positis, aut defatigatione abiectis, aut
 „ hac ipsa uictoria detractis, Gallia omnis respiceret, & digni-
 „ tate sua frui Regi & populi beneuolentia liceret. Rex etsi
 „ cum maxima molestia desideretur, nullā tamen absente eo
 „ futuram rerum perturbationem, hinc Vindocnensium Du-
 „ ce Belgicæ Gallia incubante, hinc Lautrecq Aquitania pro-
 „ spiciēte: dedisse se operam, suum ut statum omnia tenerent,
 „ nec melius si ille adesset tenerent, nec esse ullo in proprio pe-
 „ riculo: polliceba:ur quoque futurum filio liberato, si quid in
 „ eo desideratum esset, ne posthac desideraretur: neque futurū
 „ quod multi grauiter tulissent, ut rebus semel iudicatus recu-
 „ peratores ulli, nec delecti amplius iudices, sub mora sua cui-
 „ que iurisdictione, darentur.

ARNOLDI FERRONI RE-

RVM GALLICARVM

LIB. VIII.


 N hanc dimicationem duorum maximo-
 rum potentissimorumque Regum, omnes
 Italiae principes Veneti que animos inten-
 derant, inter quos Clemens Pontifex, eo
 magis quo propiores Mediolano urbes
 habebat. Is ubi primum audiit uictum Regē, utrius mallet
 uictoriam dubiis adhuc uiribus fluctuatus animo fuerat.
 Postea captiuitate illius nunciata ad fortunam inclinauit,
 legatosque ad Borbonium & Lanoium misit, centum quo-
 Arnol. Ferroni de rebus

que

que nummism aureorum millibus, quos uocant ducatos, ut inde stipendia persoluerentur militibus, missus: pactoque: fore conuenit, ut Casariani è finibus pontificiarum urbium educerentur, conditione adiecta, si de fœderis ineundi cum Casare legibus illi non conueniret, pecuniæ redderentur. Sperabat autem futurum, ut Regio Lepidi & Ruberia Ferrariensi exorta Casarianorum copiis, potiretur: qua spe deiectus, uariisque procrastinationibus à Casarianis elusus, totum se ab eorum amicitia auertit, & ad Regem liberandum animum cum reliquis Italiae regulis serò adiecit. Nondum clade ad Ticinum accepta, Hispani cum ualidis copiis Baionam peruenierunt: & antea prope portam Leonis conspecti sunt, quàm resciret Lautrecus ullum eorum apparatus. Mox tamen ab exploratoribus certior factus, uenisse eos spe demum furtim ciuitatis intercipiendæ, nullo consilio urbis diutius oppugnandæ & ciues qui uetere instituto ad impetus hostium excipiendos paratissimi semper sunt, & sacerdotes & sodales Dominicanos & Franciscanos, & reliquos omnes qui arma ferre possent, recensens quasi milites, qua parte maximè hostibus terrori esse posset, circumduxit, ac per tres dies ita frustratus est, donec Ioannes Grādimontanus & Asprimontanus Ortenfis, & Caunaus cum expeditis militibus urbem per sanum spiritus ingressi sunt: hostesque uel spe frustrati, qui auxilia nulla uentura crediderant, uel audacia ciuium oppidanorumque perterriti, qui quotidie ex urbe erumpebant, ad suos se obsidione soluta receperunt. At clāsus hostium pontem, quem media in urbe mare alluit, deicere parabant. At celerner & ob maris angustias & solertia oppidanorum in fugam uersa est, uno etiam faselo tormento ex urbe emissio, eliso. Compositis Baionensium rebus Lautrecus Narbonam peruenit, inibaturque rationem unde pararet copias qua tanto bello suffice-

rent, si res interea minimè componerentur. Lanioius cum Rege agit captiuo (multa enim iam infcio Borbonio & Daualo moliebatur) ut fide publica data ex Gallia in Hispaniam ultro citròque pegasariis cursoribus iter pateat, & Philippum Chalonium Aurengiorum principem, & Hugonem Moncadam captos antea à Gallis in libertatem restituat: pro quibus & Petrus Nauarrus, & quidam alij redderentur. Anna quidem Mommorantius liberatus nihil non tentabat summis uigiliis, industriâque ad Regem liberandum: patuitque ad Cæsarem per Galliâ aditus, quando reciperet Lanioius futurû, uti facillimè induceretur Cæsar remisso Mediolanensi principatu iurèque regni Neapolitani, ad liberandum Regem. Rex scriptis ad matrem literis id petiit: missusque est in Galliam Pelusius Gallus unus ex his qui Borbonium secuti fuerant. Is cum Ludouica collocutus, faciliè Hugonis Moncada libertatem impetrauit, Chalonio in aliud tempus dilato. Acceleriter ad Cæsarem transiturus, cum Narbonam peruenisset, ueritus ne si abiret Lautreco in salutato ex itinere retraheretur, cum petasatis comitibus petasatus ipse, quasi mox equos admissurus, Lautrecum inuasisit. Ille nobilium aliquot cateruis, qui ultro nomina dederant armatis corpus circumsepsit: urbemque custodia acris firmavit: armorum splendore apparatûque collucebât omnia, ille admissus in crastinû diem. Cum ad-

» misso multa Lautrecus differuit de sua cum Borbonio ami-

» citia: at nihil tanti fuisse quo frangeret fidem, uideri sibi Bor-

» bonium capto Rege egregiû facinus consciuisse: at sibi prius

» quigentiisque aliis potentioribus omnia diuos adempturos,

» quam ut concedât Gallie res diutius periclitari. Scire se qui

» furore irâque deprauati, hostes patriæ semel esse cæperint,

» eos cum à reipublicæ pernicië repulsi sint, neque ui coerceri,

» neque beneficio placari posse: sibi cum talibus sempiternum

Arnul. Ferroni de rebus

bellum

bellum susceptum: hoc scelere expiando seueritate animad-
 uersionis nimis uehementem neminem esse posse: si suo de-
 mum arbitrio res agatur, exempla se ea editurum, quorum
 posteritas meminisset. Hac dicens diducta manu quasi se-
 caturus aliquid esset, uisum illum exanguem & aestuantē
 ferunt, tremulāque uoce respondentem. Lautrecus quidem
 uisus est eo splendore militarique apparatu instructus, re-
 gia ut illi castra regūumque splendorem sibi uisum putarent:
 multūque remitterent de spe Gallia à Casare inuadendā,
 qui in uno Lautreco tantū roboris, tantū maiestatis agno-
 uissent. Pelusio ad Casarem proficiscenti, Ludouica literas
 dedit ad Casarem in hanc sententiam. **LVDOVICA**
CAROLO FILIO CAESARI S. D. Equi-
 dem ut audita filij captiuitate indolui, ita non leuiter recrea-
 ta sum, cum tui eum iuris factum agnoui: cuius ego huma-
 nitatem multis rebus perspectam, perspexi. Quò fit ut con-
 iectura augurer, facile te ei præbiturū. Id si accidit, & rei-
 publicæ Christianæ, & populorum uestrorum tranquill-
 tati filij mei calamitas proderit. A te uerò postulo, animum
 tandem ad eum liberandum adicias, peto que donec conue-
 niunt inter uos conditiones, absentis filij desiderium crebri-
 tate literarum leniri patiare. Ego quidem ea proponam cō-
 silia, quæ si secutus fueris, magnificentiū te uictoria uisum,
 quàm uicisse omnes existimaturisunt. Interea & neces-
 situdinis uestre iura proxima, & tua humanitas, & illius
 dignitas, liberali ut custodia asseruetur exigere uidentur. Id
 si feceris, erit mihi uehementissimè gratum. Vale. Caesar
 audita tanta uictoria, supplicationibus passim decretis ue-
 tit ignes accendi, cæteraque uictoriæ encomia & trium-
 phi prænuncia adhiberi: palāmque populo ad sacram con-
 cionem uocato edici iussit, uictoriam uni Deo Optimo Ma-
 ximo referendam: nihil nec sibi nec suis eo nomine blandiē-
 Gestu Gallorum Lib. VIII.

dum: literis que Ludouica lectis, flecti cœpit, memor casuum humanorum. Scripsit uerò & ad Ludouicam has literas.

„ CAROLVS CAESAR LVDOVICAE MA-
 „ TRI S. D. Ego quàm pacis antea cupidus fuerim, &
 „ tu ipsa scis, & filium tuum testem adhibere potes. Repu-
 „ diaſtis uerò pacis omnes conditiones etiam aequissimas. At
 „ præteritorum quæ magis reprehendi quàm corrigi possunt
 „ oblitus, non faciam ut insultem aduersis rebus uestris. Scito
 „ idem pacis studium, eandem semper retinere uoluntatem,
 „ hære in eadem, commorari que sententia: eoque mitto ad
 „ te, filiumque tuum Regem, qui uos nomine meo ad quas
 „ ego pacis uenturus sim conditiones edocebit, Rutium. Ac
 „ uos quidem tandem aliquando remittere aliquid ex pristi-
 „ na elatione æquius fuerit. Neque planè uelim eadem uti au-
 „ steritate non solum in filium tuum, at ne in procerem ullum
 „ tenuiorem ex uestra nobilitate, qua uos usi estis in Phil. ppū
 „ Aurengiorum principem consanguineum nostrum: quæ ob-
 „ secro uel aliorum captiuorum permutatione, uel soluto re-
 „ demptionis pretio, curabis mihi liberandū. Id si feceris, quæ
 „ te uelle, quæque pertinere æqua arbitror ad discordias
 „ hæce pacandas, diligentius studiosiusque curabo. Vale.

Lanoinus interea simulans se Regem abducturum Neapo-
 lim cum Borbonio & Daualo, Regi curam iniiciebat: &
 quasi illi in Galliam arma mouere uellent, pacisque turbare
 consilia, consuluit ei classe ut sua Hispaniam ad Casarē per-
 duci se pateretur, oblueratis simultatibus, futurum maiore
 ut comitate liberaretur & exciperetur, quàm olim Alphō-
 sus Aragonius à Philippo Mediolanensium Duce exceptus
 liberatisque esset. Non ignoro iactatum, dum in senatu Lu-
 tetiæ agitur de Rege liberando, quosdam ita sententiā di-
 xisse, quasi leuibus tantum conditionibus liberandus esset:
 quod falsum est. Tantum constat, dum uerborum contem-

Arnol. Ferroni de rebus tionibus

tionibus impliciti quidam, ob fœdus Britannicum ineundū cum Henrico Britannia Rege, qui sese Francia Regem dicere solitus est, hisq; fœderibus dicebat, multi id fœdus auersarentur, parum abfuisse quin saluberrimæ cum eo pacis cōsilia abrupterentur: unde male in eos Regem animatum fuisse, ut & in patronum magni nominis. Quæ causa fuit, ut & quidam diutius postea arce Lupara asseruarentur. Constititque eodem tempore diem dictam Antonio Pratiano iurisperfecto, cui præsens ipse adesse iubebatur, ob cœnobij cuiusdam possessionem immisissis militibus occupatā. Is cum Ludouica Lugduni moderabatur consilia liberandi Regis, unā cum Ioanne Rupibelcurtio, qui ualde Ludonicā obseruabat: ob quæ postea reuerso Rege edito caueri imperauit, ne ulla decuria senatum Gallicorum in iurisperfectos quæstionem decernere posset. Idem è senatibus præfecturarum ecclesiasticarum iura cōtrouersa cognitione aulico consilio demādata attribui uoluit: eoque tempore cū aulicum consilium decretum aliquot patrum Parisiensium infirmasset inter priuatos quosdam ob uindicias sacerdotū secundum possessorem datas, oblato libello ab eo qui causa ceciderat contrario, inductoque iudicio aulico, à patribus Parisiensibus id sublatum est. Ludouica lectis Cæsaris literis, post aliquod tempus recepto Petro Nauarro Lautreci admonitione, liberauit Aurengium, qui consilium fugæ iā pridem deprehensus inierat, eoque acriori custodia asseruabatur. At Clemens Pontifex & Veneti ueriti ne Cæsar occupato Mediolano, quod esset reliquum Italia inuaderet, cū Ludouica Henricoque Britannia Rege agere cœpere de Rege liberando, Cæsareque Italia pellendo. Henricus his bellis ca fuit simulatione, ut inferiori innixus bellum aleret: ita qui uires Cæsaris augeri nollet, fœdus percutit cū Ludouica multis magnisque de rebus, quod à senatibus Galliciis

comprobari uoluit sibi consulens. His fœderibus paciscendis præfuerunt adhibiti à Ludouica, Ioānes Brimo Præses Rothomagensis. & Ioannes Ioachimuss Passanus, ab Henrico Gulielmus Cantuariensis Pontifex, Thomas dux Morfordius, & Thomas Morus, & quidam alij: cuiusmodi ut quæ depraedati essent Galli superiore bello, restituerentur, & ob Tornacum, aliâsue pactiones contractum æs alienum dissolueretur, agereturque de bello Turcis & Lutheranis inferendo. Serius omnino quam utilitas Gallie postularet, aliquando tamen Cæsaris uires Galli antea sæpe contemptas uereri cœperunt. Ludouica etsi tantum esse consensum omnium uidebat, ut ad auctoritatem dignitatēque regiæ defendendam conspirasse omnes uiderentur, externis tamē auxiliis freta, multum captiuo filio ad liberationem à Cæsare impetrandam conferebat. Rutius à Cæsare ad Regem missus, duriores conditiones retulerat: simul admonuerat Carolum Lanoium, simularet sibi iussum à Cæsare Regem Neapolim abduceret, ita futurum ut longinqua captiuitate depulsa, ad quasuis pacis esset uenturus conditiones. Is cum uideret iniquius id Regem ferre, & Pontificis, Venetorum, aliorumque fœderatorum coniurationes uereretur, ei persuadere cœpit, si in Hispaniam ad Cæsarem pergeret, futurum uti æquioribus conditionibus liberatus, in regnum mox rediret. Lanoius id quoque recipiebat. Id eius consiliū maluit Rex sequi, quam periculosa aliorum consilia tentare. Genuam tamen profectus, cum undique occurrisset multitudo, petulantique aliquorum risu irritatus esset, pœnitere eum cœpit consilij, minusque æquus semper postea Genuensibus fuisse uisus est. Scriptores Gallici aiunt ita pacto conuentum inter Regem & Lanoium, nisi eum æquis conditionibus Cæsar liberaret, ut eum in Italiam reduceret. Cæsariani uanissimè ea confingi, quasitumque colorem fran-

gēda & uiolādæ fidei. Borbornius etiam postea in Hispaniam classe uectus ad Casarem peruenit. Cui Casari multis passuum millibus extra urbem Toletanam obuiam iit, cum toto comitatu aulico: ingentiq̃ pecunia donauit, quæ mox ut erat ille profusus, passimq̃ omnes domo excipies, mensæq̃ue adhibens (quod rarissimum est apud Hispanos) consumpta est. Vnde postea & ab Henrico Nansoo mutuò decem aureorum nummū millia, & à Laurentio Gonomodio uēdita Calmontū Montealtiq̃ue ditone uiginti nūmū aureorum millia accipiens, omnia mox consumpsit. Henricus Nauarrorum Rex, cui inuito regnum iam pridem Caesar seruabat, etsi pactus erat de redemptionis pretio cum Daualo quod mox adfuturum erat, iussu Casaris diligentius in Papiensi arce asseruabatur. Id Franciscus Rupifortius cubicularius eius intuens, qui ultro citroq̃ue in urbem cursitare solitus erat, acri homo ingenio & solerti, paulatim duos è custodibus præcipuos in eam adduxit sententiā, uti consilium eius liberandi caperent. Solicitatos urget custodes: deligitur nox proxima reiparandæ. Interea funes comparantur oblongi: hi nocte intempesta sanè quā solerter aptantur à custodibus, ut his innixus fossas arcis transiliret. Ille admonitus ubi transiliendum fuit, animo consternatus uel periculo ne in fossas decideret, uel acriori custodia, si minus res ex animi sententiā succederet, parum abfuit quin improbo suorum consilio in cubiculum rediens, prudens consilium eluderet. At cubicularius ut erat natura ferox, & qui heri audaciam nosset, quasi tamen ignauia ei exprobrata, resipiscendi nullū locū rebus iam paratis ait. Quis enim nō damnet ignauia tuā here? Vin' liberari? Vin' redire in Galliā? Vin' distractionem bonorum fugere, quæ iam agitur ob redemptionis tibi pretium asserendum? Et uelle quidem te uideo. Addo etiam uelle te Casaris iram

uitare, qui redemptione persoluta regni æmulum, quod iam pridem occupatum possidet, fortè sublaturus est. Ea omnia cum uelis, tuum esse in experiendo periculum non uis: haud stultè sapis, si quidem id sapere intelligis, te regnumque tuum funditus perire. Aut abeundi periculum tibi hodie suscipiendum, aut spes opesque omnes regni & uitæ amittendæ: harum cõditionum utram malis dispicito. Parata uides omnia tutissimè: sine metu abeundi facultatem uides. At nos in tua uita laudem quærimus? ubi si paululū modò quid nos præterierit, abeundi quæ consilium Casariani rescierint, ipse perieris? Immo uerò nullo abeundi consilio animaduerso, ut regni æmulum tollendum te deliberarunt: ut non deliberarint, an putes minus meam rem agi quàm tuam? Hic enim si quid nobis aduersi (quod diu avertant) euenerit, ego perierim: tibi salua omnia. Tibi quidem à Casarianis paululum diligentior custodia, & uerba: mihi & compedes & uerbera, ad extremum ceruice id mihi luendum uideo. *Quin* age & te & nos metu omni libera. Ea cum audisset Rex Henricus, iactamque iam aleam uideret, redeundi consiliū omisit. Nec tamen, funes illos ueritus, prius sibi transiliendos putauit, quin prius unà à puero aulico qui ei perpetuus comes fuerat, tentarentur. Misso igitur puero, & transiliente eo, ensis pueri in fossas desiliens, stridulūque sonū emittens, maiorem ei iniecit timorem. At cubicularij excitatus sermonibus nomine compellare cæpit puerum. Is strenuè transilerat, ex auditūque à Regulo cum se transilisse sine periculo diceret, tatum ensē decidisse: proinde ne quid ueretur, pacata esse omnia, eum mouit ad transiliendum. Itaque Rex transgressus, cubiculario & custodibus sequentibus ex arce egreditur: seruilique ueste sumpta, celerique cursu uectus, in Galliam rediit. Custodes ingentibus neccigalibus annuis donauit. Interea quò res esset occultior, nec

Arnol. Ferroni de rebus

fugientes

fugientes Casariani assequi possent, iusserat Rex occupationes prætexens, alterum ex pueris suis lectulo suo decumbere. Is ignarus horum consiliorum creditus est. Ac reliquis custodibus prima luce uenientibus in cubiculum, cum Regem obdormire de more summo iam die uiderent, nihil admirabantur. At ubi ad undecimam iam horam mirantur hominem stertere, lectulo puerum extrudunt, dolique ignarum nactus, serò sequi abeuntem ne quicquam pergunt. Acciderat paulò antea parua quidem res, sed quæ in extremum penè discrimen conditiones liberandi Regis adduceret. Nā Rutio, quem à Casare ad Ludouicam missum diximus, per Narbonam proficiscenti, Lautrecus comitem dederat Carbonem saissimum hominem rei militaris peritissimum, qui iter eius obseruaret, secretaque colloquia inhiheret. Is ubi Monspeffulum peruenit, nactus hominem exterum cum Rutio colloquentem de conditionibus Regis liberandi, Gallicæque statu, malæque in Gallos animatum, edixit ei faceretur ex eo loco, alioqui futurum ut uinctum ad Lautrecum perduceret. Ille qui se iam designatum uideret, grauioræque uereretur, proficiscentes sequitur, tacitè obseruans, si quo tandem pacto rationem inire posset Carbonis intercipiendi, nactusque occasionem cum de uia deflexisset Carbo uentrem exoneraturus, concitato calcaribus equo in ipsum infestus dirigit, ualidoque ictu transfixum obtruncat. Rutius qui Carbonem miraretur tandiu uer differe, ubi ad eum properans obtruncatum agnouit, obcuntem insidiatorem sequutus, accitis uicinis hominibus persequitur: nactusque palude delitescentem uinctum ad Lautrecum perducit, rem quo erat ordine gesta exponens. Videbat enim si aliter accideret, futurum ut ex itinere à Lautreco reuocatus, eum in se accenderet. Non uidebatur uerisimile ei, ignarum Rutii sceleris. Reus tortus et adductus satis hominē purgabat:

Gestus Gallorum Lib. VIII. Cc iij

tandem Cæsaris Ludowicaque literis acceptis, cum dimisit, de insidiatore supplicium sumpsit. Interea Clemens Pontifex cum Venetis, Sfortia, Ludowica, aliisque fœderatis occulta inibat cōsilia, quibus ex Italia & Neapoli pelleret Cæsarem. Cū autem uideret fieri uix posse, ut tantæ Cæsaris copiae deleterentur, nisi adiuncto aliquo è Cæsarianis, tentauit in eandem factionem perducere Ferdinandum Daualum, oblato regni Neapolitani titulo. Hieronymus Moronus sollicitandi Dauali negotium receperat. At is quo sagacius hostium consilia uirēque exploraret, finxit se libenter huic prouinciæ præfuturum: occultè autem literis ad Cæsarem scriptis eum certiore tota de re facit: admonuit tamē, dissimularet quæ tentarentur. Iam conueniebant fœderati cum Daualo, ut is mox cum parte copiarum quantam posset contrahere, ad eos transfugeret, Neapolim inuaderet: eo regno Pontifex ritè Cæsarem rebus iudicatis Pontificique rebellem priuatum declararet. Cū transiturum eum expectaret, periit ut in quindecim proximos dies res differretur, quibus interea responsis peritorum scire posset, an hæc faciens in maiestatis crimen incideret. Re autem uera interea totum rei exitum Cæsari patefecit. Iurisperiti Romani cū respondissent posse eum iussu Pontificis arma in Cæsare ferre, Cæsarque eodem tempore quid moliretur non ignoraret, uana spes fuit fœderatorum. Risit autem Cæsar Pontificis calliditatem, qui cū totius esset coniurationis architectus, Cæsarem tamen scriptis literis admonuerat rebus suis sibi cauere, ducēsque suos fidelius sibi deuinciret. Rex in Hispaniam profectus ubique honorificè iussu Cæsaris exceptus fuisset, nisi fortuna suæ eos honores non conuenire dixisset. In Hispania quoque cū agros sanaret, strumis scrophullisque mederetur: (quod ei singulari uelut prerogatiua à DEO OPTIMO MAXIMO concessum, uetus est

Arnol. Ferroni de rebus opinio.)

opinio)cum in corporis custodes liberalitate incredibili uteretur, passim à plebe Hispanica laudatus est. Inde Margareta Valesia Regis soror cum Fracisco Turnonio Biturigum pontifice, Ioanne Selua Parisiensi præsidente, Philippo Cauotio, Galioto Ienolaco ad pacis conditiones tentandas missa est. Cæsar qui Rege in Italia agente ad æquas pacis conditiones se uenturum ostenderat, repente immutatus est. Nam Burgundiam omnem sibi prius reddi postulabat, Mercurini iurisperfecti consilio usus: & Margaretam Regis sororẽ Borbonio iungi connubio, reliqua temperari poterant. Selua respondit de Burgundia restituenda nihil sibi imperatum: Margareta quiduis potius se passuram, quàm Borbonium maritum. Sunt qui scribant Regem apertè contestatum, si ad duriores pacis conditiones cogeretur, futurum ut in Gallia reuersus pacta uiolaret. Irritatus Cæsar qui Regem diceret Hugoni Moncada ea omnia pollicitum, exceptis pauculis aliquot conditionibus, missos ait oratores ad pacis perturbandas rationes: simul illud simulans, inita consilia inter Regem & sororem, quibus is in Galliam fugeret. Itaque & Regem arctius quàm antea custodiri iussit, & longum ei carcerem per suos minitatus est. Inde Rex in grauissimum morbum incidit, uel tædio longæ custodiæ, uel animi consternatione, cum liberandi sui consilia non procederent. Id ubi rescit Cæsar, qui antea Regem non uiderat, pergit ad eum consolandum: nam & facile medici morbum auctum ex animi consternatione, renouata spe depelli posse aiebāt. Et is nihil se eius morte uidebat consecuturum: angebaturque animo tantum bolum sibi creptum austeritate sua. Itaque ad eum profectus, initio orationis ualitudinem tantum diligenter curaret admonuit: ad futuram mox ei certam liberationem: multa se remissurum æquis ut conditionibus liberari posset. Rege conualecente in Mantuano conuentu,

Gestis Gallorum Lib. VIII. Cc liij

quod recentiore nomine Madricense uocatum est, conditiones Regis liberandi acceptæ sunt, Turnonio Selua & Sauotio pro Rege spondentibus: pro Casare Hugone Moncada & Ioanne Alemanno. Conuenit uti Burgundiae ducatum Casar reciperet: remitteret Rex iura Mediolani, Genuæ, Hastæ, Tornaci, & Attrebatensium: abdicaret à se suprema dominia Flandriæ, Attrebatensium, aliorumque uicinarum, cederetque promocationibus. Henricus Nauarra Rex cederet iuri, quo regnum Nauarra sibi maioribusque suis delatam contendit: ei Rex ulla ne auxilia ferret. Casari ad infulas imperij suscipiendas Rex tredecim naues paratas daret: ad hæc ingentem pecuniam. Donec quæ pacti sint, impleuerint Franci, obsides manerent Frânciscus & Henricus Regij liberi: aut si liberos dare nollet, Vindocinensis, Ioânes Scotius, Lautrecus, Michaël Salutianus, Aubignius, Lauallus Riuenfis, Sauotius, Mommorantius: Eleonoram sororem Casaris Rex uxorem duceret: Borbonio aliisque qui ad Casarem transfugerant bona redderentur. Pluraque alia discrete adiecta sunt, quæ omnia sancita sunt Patrum Gallicorum decretis, quæ nos omittimus cum uideamus paucis postea mensibus irrita fuisse. His conditionibus Rex liberatus est, datis obsidibus duobus liberis: pactus ni pacta impleret, futurum ut ad Casarem rediret. Carolus Lanoius cum eo profectus ad Burgundiam recipiendam. Miserum spectaculum: non longe à Fonte Rapido, una nauis pater redibat: altera liberi eadem uia in seruitutem abducebantur. Rex in Galliam reuersus solito tristior uisus est. Ad Montem Marsanum diuersatus, ad pristinam hilaritatem redire cepit. Burdigalæ magnificè exceptus, ibi dies aliquot consumpsit: nactusque cum Ludouica matre Annam Pisseleuam, quæ postea Ponticuria à mariti nomine uocitata est, uel Estampæ ab oppido eiusdem nominis. ut uidit liberali facie puellam,

Arnol. Ferroni de rebus

lam,

lam, delectatus est eius comitate & suauitate. Inde in Angolismesium urbem diuersatus, Cognacum etiam adiit, ubi multos dies consumpsit: ex eo enim loco ortus cum esset, suadebant medici uti leniret curas captiuitatis diuturnæ. At dum audius ceruum uenationi deditus sequitur, ex equo prolapsus, magnum adiit uitæ discrimen. Ibi magno principum, procerum, pontificumque coacto concilio, palam expressit cum Cæsare inita fœdera, obsecrans deliberarent, suaderentque quid in rem esset & suam & suorum: affirmans nihil sibi esse antiquius, quam fœderibus seruandis operam suam omnem deferre, perpetuæque pace cum Cæsare frui. Illi re deliberata, iniquissima esse aiunt fœdera: neque uerò à capto homine ui, doloque extorta seruanda, metu carceris perpetui pollicita irrita esse: ut autem maximè ea Rex uelit seruare, non situm in sua unius potestate: solum cum non peteret à Pontifice ultro legibus, & iure quidem: neque enim uanis illis pollicitationibus distrahi, alienarique potuisse Gallici regni uerum patrimonium, ab ipso ut non partum, ita posteris seruandum: cum nulla populi uoluntas adfuerit, irrita esse omnia. Ac post lōgum tempus uocatis Burgundie proceribus, cū instaret Lanoius de ea recipiēda: longa Rex ab eis oratione petere cepit, fidem suam apud Cæsarem liberarent, libentes ad eum trāsirent. Hi negarunt se unquam in Cæsaris uenturos potestatem. Quòd si pergat Rex ui eos cogere, futurū ut & ipsi uim ui depellentes, solutiq; dominio omni & à Rege & Cæsare, seruitutis iugū depellant. Lanoius etsi omnia perbelle instructa compositaque uidebat: quippe quem præsentem Rex his cōsiliis adhibuerat, rogare cepit Regem, uti arces quas præsidio munitas possidebat, redderet. Ut uerò nec hoc impetrauit, quid gereretur sensit: precibusque Regis adductus ad Cæsarem scripsit, suadens ut pecunia accepta Burgundiā

remitteret. Ille rescripsit nihil esse quod Rex culpam in suos uertat, pactis eum satisfacturum si in Hispaniam rediret, reque infecta ad Casarem rediit Lanoius. Nec tamen protinus ad arma uentum est: at misso à Casare ad Regem Nicolao Perenotto Grauiillano utrinque de fœderibus actum est. Dum hæc geruntur, non cessabat Clemens Pontifex clādestinis legationibus Regem sollicitare, cuius mentem nondum à superiori bello resedisse uidebat, ac tandem nouum fœdus initum est inter Regem, Clementem Pontificem Maximum, Venetos & Franciscum Sfortiam. His cautum est
 „ amicitiam inter eos perpetuò futuram. Si quis his, uni ue
 „ horum hostis sit, hostem omnibus futurum. Possè Casarem
 „ participem huius fœderis fieri, si prius Regios liberos a quo
 „ soluto redemptionis pretio reddiderit, Mediolanumque
 „ Sfortiæ, neque Italiam adeat ad insulas imperij recipien-
 „ das, nisi eo comitatu, qui arbitrio relinquetur Pontificis &
 „ Venetorum: solueritq; Anglorum Regi debitam pecuniam.
 „ Parabuntur autem à fœderatis sumptibus communibus
 „ copiæ triginta millium peditum, quingentorum equitum
 „ cataphractorum, triumque millium leuis armaturæ, unà
 „ cum machinis tormentisque bellicis necessariis. Manebit is
 „ exercitus donec bellum confectum sit, debellatiq; qui Ita-
 „ liæ quietem perturbant. Conducentur ad bellum Heluetij:
 „ dabiturque opera à Rege qui multum apud eos authorita-
 „ te potest, ut honestis conditionibus ad bellum accedant.
 „ Admonebitur Casar de restituendus Regis liberis: Ni faxit,
 „ confecto hoc bello fœderatus quisque Franco ad bellū Cæ-
 „ sari inferendum auxilia suppeditato: omnes uerò decem
 „ millium peditum, mille cataphractorum, & quingento-
 „ rum equitum leuis armaturæ numerum, aut eorum loco pe-
 „ cunias ad eum numerum militum cogendum. Parato clas-
 „ sem ad id bellum uiginti octo triremium, nauiumque on-
 „ cularum

" rariarum adeum usque numerum qui fœderatis placebit.
 " Permittito Francus Sfortiam iure quo optimo maximo uti
 " frui Mediolanensi principatu, soluta tamen quotannis pen-
 " sione annua, quæ Pontifici Venetisque æqua uidebitur: mo-
 " dò tamen ne sit minor quinquaginta millium nummum
 " aureorum. Pro his soluendis prædes sponsoresque assiduos
 " eo nomine dato. Hos si non inuenerit, Pontifex eius nomi-
 " ne spondeto: Veneti cõsponsores accedunto. Persoluito Sfor-
 " tia Maximiliano Sfortiæ fratri annuam persionem æquam
 " pro dignitate familia. Liberato Regem ea pensione quam
 " ex fœdere pendit Maximiliano. Amicis fœderatorum resti-
 " tuunto bona: his liber in patriâ reditus esto: præcipuè qui-
 " dem Alberto Pio Carporum Comiti. Pensiones quas Gallus
 " Heluetiis persoluebat, has illis Sfortia persoluito, adiunctis
 " sibi eis eo fœdere, quos sibi Rex adiunxerat ob Mediolani
 " defensionem. Vxorem Sfortiæ Rex dato Pontificis arbitrio,
 " regio ortam sanguine. Interea si quid acciderit Francisco
 " Sfortiæ, eadem hæc Rex in Maximilianum conferto. Red-
 " dunto fœderati Regi Astensem comitatum, Genuensium
 " quoque supremum dominium: relicto tamen Antonio A-
 " durno Duce, si is fœderis uelit particeps fieri. Parta Italia
 " quiete, si moretur Cæsar in reddendis Regiis liberis: fœde-
 " rati iisdem copiis Regem iuuanto. Neapolitanum regnum
 " ubi debellatum fuerit, Pontificis esto: persoluta tamè æqua
 " quotannis pensione Regi, modò tamen minor ne sit septua-
 " ginta quinque nummum millium aureorum. Dato Ponti-
 " fex eo nomine coacto ritè purpuratorum concilio, eorumq;
 " consensu sponsores Regi. Ni faxit, redito Rex ad pristina
 " iura. Hactenus capita aliquot fœderum adscripsimus, ple-
 " raque autem omisimus aliò spectantia. Actum & antea
 " fuerat inter Cæsarem & Pontificem, dum prius nuncias-
 " sent medici, Sfortiam parum esse firmam ualitudine, ut abdi-
 " Gestis Gallorum Lib. VIII,

caret à se Cæsar, Ferdinandoque fratre Mediolanensem eū
 principatum. Et iam fingebar se Cæsar acquiescere postula-
 tionibus Pontificis, nominaratque uel Carolum Borboniū,
 uel Georgium Austriacum spurium Maximiliani Cæsaris.
 Repudiato Georgio uterque Borbonium præferbat, ni fidē
 Cæsaris suspectam habens Clemens, ad fœdus Gallicum
 animum adieciisset, ita subito bellum exarsit, quod Cæsaria-
 ni prius audierunt geri quàm parari: quiduis prius futurū
 rati, quàm ut hunc fœderatorum consensum conspirantem,
 atque ita conflatum uiderent. Tanta Italix coniuratione
 territus Cæsar, eò remittit Carolum Borbonium attributis
 copiis: eodem peruenit Georgius Fronspurgus cum multis
 Germanorum millibus, frustra Francisco Vrbinate iter im-
 pediente. Rex quoque Michaëlem Antonium Salutationum
 cum quatuor Aquitanicorum peditum millibus multisque
 equitibus in Italiam mittit: qui expugnatis aliquot oppi-
 dis, cum uidet latius uagari Cæsarianos, qui Mediolanum
 præsidio tenebant, imparatos adortus, Mediolanum redire
 coëgit. Quo factum est, ut parum absuerit, quin orta gra-
 uissima seditione res Cæsari infelici sumè cederent, nullo to-
 to biennio militi soluto stipendio. At Borbonius uariè mi-
 tigans militum animos, corrasisque à priuatis et sacris lo-
 cis ingenti pecunia, seditionem iam gliscentem compefcuit.
 Submiserat Cæsar Hugonem Moncadam Romæ ad per-
 turbandos Pontificis conatus. Is etsi Cæsari fauentes Colū-
 nenses prius placarat, quippe cum Vespasiano Columna
 redierat in gratiam, Pompeium tamen Columnam unum è
 purpuratis pontificiis ad insidias Pontifici tēdendas impel-
 lit. Ingressi coniurati Romam, direpta pontificia supellectili,
 securum sibi que nihil ab his timentem adorti in Vaticanū
 cogunt: nec prius dimittunt, quàm pactus in quatuor men-
 ses induciis: recipit etiam quos cis Padum haberet milites
 Arnol. Ferroni de rebus reducturum

reducturum se, Præerat Borbonius cum magnis copiis Mediolano: pontificiūque & Venetum exercitum adeo contemnebat, ut ultro Placentiam oppugnandam sibi suscep-
 rit. Cuius oppugnationem dum uidet tardio-rem, tardēque militibus à Casare stipendia suppeditari, re cum Antonio Lauda, Alphonso Vastio, Georgio Frösspergo, Philippo Chalonio Aurengio deliberata, consulit unde egeno militi succurri possit. Placuit, quoniam rumor increbuerat iectissimas duce Laureco Gallorum Heluetiorūq; copias parari, quæ Neapoli Casarianos pellerent, eò traduci copias. Sed interea dum cōperuenitur, magnopere uisū futurum ad subleuan-
 dam rerum inopiam omnium potiri Florentia, urbe plena atque opulenta, & quæ hætenus Casarianis iniquior fuerit. Borbonius usus singulari militum studio, Florentiam aduolat. Florentini consilio Borbonij cognito, iam fœderatorum copias & Salutianum, Federicū Boium, Pomperanum cum turmis equitum lectissimis præsidio sibi prius uocarent. Ita facile impetrarunt, eam ut tanti exercitus procellam à se depelleret, aliōque copiis transferret: præsertim cum dubia esset futura urbis nobilissimæ oppugnatio: Fræ-
 cisco Vrbinate sensim Casarianos sequente. Itaque mutato consilio, Romam properare, eoque omnem belli apparatus conferre decreuit. Nihil minus uerebatur tunc Pontifex ob pactas nuper cum Columnensibus, Moncada, & Carolo Lanoio inducias. Nec uir astutus sentiebat se in eadem esse nauis positum, in qua alij sanientibus procellis multos iam dies periclitabantur: ac sanè quàm libentissimè incitatus ueteribus odiis, cupiebat Florentinorum naufragia ex terra intueri. Vbi autem audiit iam instare urbi Borbonium, ita perterritus est, diris ut tantum pontificiis fugaturum se hostes putaret. Romani interim muros armatis complent: frequenter considunt ad se defendendum: at ut in populo belli

imperito, undiq; res trepida, timor insolitus, malum impro-
 uisum: Heluetiis tamen qui stipatores erant Pontifici, reli-
 quisque paucis strenue dimicantibus, aeneisque machinis
 facile hostes pellentibus. Borbonius qui intueretur si pro-
 traheretur urbis obsidio, futurum ut neque militem retine-
 re, neque alere posset ob commeatus inopiam, pridie Nonas
 Maias pergit ad urbem oppugnandam. Hispani & Ger-
 mani bis moenia scalis scandentes pulsi sunt: eo die nebula
 crassior urbi insidens pontificis oberat. Pergit, dolēs suos pul-
 sos Borbonius, celeriter allatis scalis ipse scandere: cum eo
 certatim aduolat Germanus Hispanusque miles. Emissa au-
 tem ex Ianiculo temerē ex aeneo tormento globo, qui in crus
 sinistrum deuolutus est, inde repente sublatus est. Nec mi-
 nus tamen cessauit oppugnatio Philippo Aurengio uulne-
 ratum tantum dicente: proinde ulciscerentur uulnus impe-
 ratoris sui. Itaque illi acrius instare, auidi praeda murum
 ascendere: nec nisi urbe capta cessare. Pontifex in Adriani
 molem prius secesserat: capti ciues, direpta domus, & sacra
 loca: uiolatae mulieres & uirgines, etiam sacris addictae. Pō-
 tifices minores purpuratique passim in seruitutem abducti,
 qui se pecunia redemerant, iterum in captiuitatem ab aliis
 abducebantur: nihil sancti, nihil sacri prorsus intactum, ne-
 que modum, neque modestiā uictores habuere, fixa faci-
 nora in Romanos patrauere. Borbonium adhuc spirantem,
 Romae expirasse creditum est. Is ita ab exercitu toto deplo-
 ratus est, ut Germanus miles tumulo eius titulum hunc ad-
 scripserit: AVCTO IMPERIO, SVPERATA
 ITALIA, DEVICTO GALLO, PONTI-
 FICE OBSESSO, ROMA CAPTA, CA-
 ROLI BORBONII HOC MARMOR
 CINERES CONTINET. Delatus est iam mor-
 tuus in pratorium Augustini Guysi: non defuere qui ador-
 natam

natam hanc expeditionem à Borbonio sibi persuaderent
 uoluntate Pontificis. Clemens quidē audita Borbonij mor-
 te, tum demum consternatus, in Adriani molem se recepit.
 Tandem exacta à Pontifice post aliquot dies ingenti pecu-
 nia, abactaque undique praeda, Neapolim Aurengius cum
 Casarianis profectus est. Interea factus Rex artissimum
 cum Henrico Britannorum Rege prius contractum reno-
 uauit: ambóque reges faciales suos ad Casarem misere, qui
 & bellum indicerent, & indignam Pontificis captiuitatē
 ei exprobrarent. Facialibus Caesar respondit, indici bellum
 à captiuo suique iuris homine non posse: Gallum iure captū
 belli, seruum factum: liberatum datis filiis obsidibus, iure-
 iurando sacratissimo pepigisse ni pacta seruaret, seruare ne
 per suos non posset, futurum uti in captiuitatē rediret. Quid
 interea contra ius gentium, neque religione solutus iurisiu-
 randi, bellum indicit? Si pactorum poenitet, redeat in meam
 potestatem captiuus: conuentiones irritae sint: quicquid ha-
 buere Galli ante receptas pactiōnes recipiant: tum bellum
 & audaces prouocationes placeant. tum sponsio & iusiur-
 randum repudietur. Expostulastis Pontificem captum, quasi
 is me ignorante non captus sit: captiuūque adhuc libera-
 ri uultis, qui multos iam menses iussu imperioque meo libe-
 ratus est. Hac ubi Caesar dixit, separatim rogato Guye-
 neo faciale regio, petiit ab eo ecquid Rex intellexisset de
 Ioanne Caluimontano Burdigalensium praeside, regioque
 apud se legato, quod illi denunciarat. Caluimontano autem
 Caesar multis antē mensibus dixerat, nisi pacta Rex serua-
 ret, futurum uti inter profligatae fame, uilesque homines eū
 deinceps haberet. Ea ubi Rex rescit, per facialem Casarem
 ad singulare certamen prouocauit. Addunt alij Regis no-
 mine mendacium Casari exprobratum, quod genus contu-
 meliae multo maximum est apud procures: Caesar ad Regē
 Gestis Gallorum Lib. VIII.

Et ipse facialem suum misit. Hunc excepit Rex in Palatio Lutetie, uocatis magno apparatu legatis Pontificis, Venerorum, Florentinorum: nobilitate omni Gallica, Cardinalibus, Episcopis, iurisperfecto Antonio Pratiano assidue una cum Senatu Parisiensi, theatro etiam in eam rem parato, uti res populo notior esset. His ita paratis, admissus est facialis. Admissum rogauit Rex, afferret ne à Cesare duelli locum. At ille Rege orato ut audiretur, iterum atque iterum ferocissime à Rege rogatus est, ecquid afferret locum duelli? nihil opus uerbis, proinde afferret ne duelli locum? Ille cum se id afferre diceret, quod Regi satis esse deberet: proinde prius sibi diserte imperatū à Cesare esse, uti quædā Regi referret, quæ paratus erat referre, non est exauditus. Ita cōuentus est dissolutus, cū prius Rex de multis Caesaris in se iniuriis exposulasset, spectantibus audientibusque legatis. Interea Odlo Lautrecus contractis multis equitum peditumque millibus, Hastam peruenerat: ubi Heluetiorum septem milia expectans, ne quid interea hostes molirentur, (certior factus Ludouicum Lodronū Comitem Boschum peruenisse, urbem Alexandrinorum satis munitam, cum quinque milibus Germanorum, quos Alexandriam traducturus erat) constituit intercipere Lodronium unā cum Germanis: celeriterque properare iussis militibus unā cum Heluetiorum cohortibus, quæ recentes peruenerant ad eum, Boschū cœpit oppugnare: misso Ioanne Momperatio Carbone supraprefecto Vasatium, qui urbem cingēs Germanos exitu arcebat. Lautrecus paucos post dies cum robore exercitus sequutus, cū oppidani Germani acriter urbis defensionem incumberent, ad motis grauibus machinis stratisque muris, signo suis dato, prædāque concessa militibus, eorum usus opera mox expugnat Boschum, direptāque urbe prædam militi concedit. Sunt qui Lodronium, dum Boschum obside-

tur, iam Alexandriam peruenisse scribant: uxore apud Bofchum relicta, quæ & ipsa in potestatem Lautreci peruenit. At ita humaniter tractata est, ut & pudicitia salua non ipsius tantum, sed comitum omnium fuerit: & supellex ei, omnia uasaque aurea & argentea, quæ diripuerat miles, conquisita & reddita. Iam prius attributa parte copiarum Carolum Lotharingum Vaudemontium Alexandria Lautrecus miserat: in qua Baptista Lodronius & Albericus Barbianus cum ualido præsidio erant Germanorum. Barbianus per colliculos Alexandria uicinos inuito Vaudemontio ingressus fuerat. Celeriter admotis machinis ueriti oppidani Boschi casum, ad deditionem cogunt Lodronium & Barbianum: his quidem conditionibus, Germani, ut qui uellent, redirent in Germaniam, Barbianus intra sextum mensem arma ne in Gallos ferret. Venit interea ad Lautrecum Cæsar Fulgosus, indicans facile esse Genuam recipere. Si partem copiarum sibi is attribuat, ita res se Genuensium attriturum, sequeute ut Lautreco ad deditionem cogi facile possint. Visa res Lautreco non indigna regio nomine. Itaque attributis aliquot cohortibus Fulgosum emittit: eodemque tempore ab Andrea Doria Genuensi, quem Rex nauibus suis nauticisque copiis præfecerat, ita ora Ligurum omnis infestabatur, ut ad portum Delphini perueniens, naues obsideret Genuensium. Non longe à Genua promontorium est, quod saxosum in mare excurrens, sinistroque latere exundantes undas angustis faucibus excipiens, Finum portum efficit, quem ueteres Delphini uidentur nomine decorasse. In eum locum Genuenses in Dorianam nauesque Gallicas progressi, usi uentorum auxilio, & obsessas naues liberant, & Dorianam capto etiam Philippino Doria nepote Andrea, usque Saonam persequuntur, ferociorēque facti in Fulgosum progrediuntur, Gabriele Martinengo duce. Ful-

gofus fugam simulans, capto prius Martinengo, alio itinere in urbem peruenit: nactusque uacuam milite com meatisque inopia laborantem, cum iam Lautrecus proximus esset, urbem recepit. Antonius Adurnus cum Casarianis in arcē se recepit: inuitatisque à Lautreco honestis pactionibus deditione facta arcem reddidit. Ita Liguriam omnem mox Lautrecus recepit. Hinc Lautrecus in ditionem Mediolanensem peruenit. Cūque Mediolano proximus esset, Ludouicūque Barbianum ab Antonio Lauasciret Papiā missum cum praesidio ualido peditum, uel quod nollet sfortiam Mediolano potiri, cui captum mox reddendum erat, uel quod Papiensium insolentia commotus est, qui se Regiū domitores praedicabāt ob captiuitatem Regis, summo usque Aquitanorum studio Papiam contendit. Quatuor diebus admotis machinis mœnia prostrata sunt. Papiensibus & Barbiano non indiligenter urbem tuentibus: quinto die expugnata est ciuitas, incensa domus, expilata templa, direpta bona, uolatae mulieres. Et iam parabant Aquitani ita urbem diruere, nunquam ut refici posset: ni Lautrecus post aliquot dies edicto uetuisset, ne quid in ciues oppidanōsque miles moliretur: utque Venetus miles qui expugnata urbe aduenerat, passimque omnia postica libidine polluebat, deinceps ullos ne attrectaret. Barbianus captus est: Aquitani pedites praeda ditati, plerique inscio Lautreco in Galliam rediere: quos omnes edicto regio conqueri, ultimōque supplicio in eos animaduerti iussit Lautrecus, ob desertam militiam. Fama est capta urbe post aliquot dies deprehensas aliquot hostiles cohortes, subterraneo loco collocatas, fusasque ac misere concisas ab Aquitano milite, quem eo quidem bello ferociorem crudelioremque plusquam res exigeret passim fuisse aiunt. Quod & ipsi Lautreco non satis probabatur: qui ut erat clementissimus, si quis ad aequas condi-

tiones rediret, ita impatiens contumelia, si quem nactus e-
 rat à quo se contemni putaret, uelut accidit ad Viglebanum.
 Nam praefecto arcis cum per caduceatorem iussisset, arce
 Regi cederet, isque superbissime caduceatorem abegisset,
 remisso ad praefectum caduceatore, eò se uenturum cum to-
 tius exercitus robore denunciavit: ubi machinae essent ad-
 motae, nullum precibus locum futurum. At is superbius ab-
 egit caduceatorem, multa in Lautrecum Gallicumque no-
 men conuicia effundens. Itaque admotis machinis cum prae-
 fectus deditiorem fecisset, iure militariusus, cum exercituum
 regium lussisset, in praefectum animaduerti iussit, reliquis o-
 mnibus illaxis: Et tamen admonentibus rogantibusque
 aliquot Italicis proceribus, animaduersionem suam in eum
 remisera, nisi momento prius temporis hi quibus impera-
 tum fuerat antè mandatum executi fuissent, quod grauius
 ipsum Lautrecum tulisse fama est. Interea cum Antonius
 Pratianus Pratiani iuris praefecti filius in Galliam uoluntate
 Lautreci rediens, (reditum tamen breuem pollicitus, quip-
 pe eum Lautrecus quòd tardius antea subministrabantur
 pecuniae regiae secum abduxerat, patremque ideo, cui ararum
 cura incumberebat, faciliorem putabat futurum ad pecunias
 suppeditandas) nunciasset Regi Papiæ expugnationem, ru-
 morque tota Gallia dissipatus esset, plebs Lautrecum ad ca-
 lum tollere, ueluti macula priori sublata melius sperare.
 Nanque alia egregia belli facinora peperisse quidem Gallis
 laudem: Papiam autem expugnatam, in cuius oppugnatio-
 ne priori Rex haesisset, restituisse ueterem omnem Gallicam
 gloriam, priorisque captiuitatis famam obliteraturam. Cle-
 mens interea Pontifex etsi captiuitate liberatus, uel spe ut
 conuenerat Neapolitani regni recuperandi, uel quòd Cæsari-
 anos à quibus uexatus fuerat ulcisceretur, sperans etiam
 futurum uti Lautrecum in Florentinos male sibi pacatos

immitteret, non cessabat Lautrecum ad Neapolim uocare:
 atque ita effecit apud Regem, ut is Lautreco imperarit, ex-
 peditionem Neapolitanam sequeretur. Non satis id place-
 bat Lautreco: imperia tamen regia secutus, accinxit se ad
 expeditionem. Vix tum abierat cum Antonius Laus, qui
 antea in oppidis coarctatus fuerat, Mediolano cum Căsa-
 rianis egressus, Sfortianos Abdiato spoliat. Huius rei admo-
 nitus Lautrecus à Sfortia, Petrum Nauarrum cum tribus
 Aquitanicorū peditum millibus subsidio Sfortianis misit:
 qui mox fusis fugatisque Căsarianis Abdiatum recepit. Iā
 Lautrecus longius cum exercitu progressus, pramiserat Pe-
 trum Nauarrum ad Aquilam tentandam. Aquilani etsi
 Căsarianorum aduentum expectabant, deditionem tamen
 fecere. Inde Troiam Galli peruenerunt. Ibi Căsariani Gal-
 los expectabant: Philibertusque Chalonius Aurengius sa-
 tius existimabat pralio decerni, antequam res Neapolita-
 norum tentarentur. Erat uallis inter duas acies non sanè
 a: duo descensu: eò Aurengius equitatum omnem & leuem
 armaturam ex urbe emisit, qui Gallicos equites lacefferent,
 in eos Lautrecus equitatus partē mittit. Diu cum esset pu-
 gnatum, & multi è Căsarianis qui longius procurrerant
 circumuenti, in urbem redierunt. Erant hostiū copiae ut nu-
 mero, ita robore ueteranorum militum non inferiores Gal-
 licis. Hi ueriti ne eo loco impetum Gallorum sustinere pos-
 sent, ut maximè possint, periculum esse ne Neapoli exclu-
 dantur, concilio conuocato optimum esse statuunt, Troia re-
 lieta Neapolim redire. Itaque Aurengius prima castrensi
 uigilia è Troia copias subduxit, crebris ignibus spem praliū
 faciens: non tamen ita occultè egressus est, quin ex fremitu
 abitu eorum Lautrecus senserit. Agitatum est apud Lau-
 trecum sequendi ne essent hostes, sequendos plerique sua-
 debant, præcipuè Michael Salutianus: percussas acies ac
 Arnol. Ferroni de rebus perterritas

perterritas facile dissipari posse. Dissentiebat Petrus Nauarrus : neque enim in certius exitium properare hostes posse, quàm ad Neapolim confugientes vastam urbem, & que diutius tantas copias alere non posset. Quid si eos sequi uelint Galli? quid impediatur quo minus illis & numero & robore non inferioribus, belli alea feliciter cadat? Emensos iam tota nocte longa itinera assequi quis possit? Quæ tandem res cogeret Gallos se fortunæ committere aduersus hostem, quem tempus mox deteriorem & locus ipse redderet, sine stabili munimento degentem? Placuit Nauarri hominis rei militaris peritissimi sententia Lautreco. Itaque hostium sequendorum consilium omittens, Troiam recepit. Troiam urbem alij à ucteribus Aeculanum uocatam, alij per castra Annibalis ab aliis designatam contendunt. Lautreco culpam passim omnes adscribunt qui hostes persecutus non sit: rei militaris periti homines culpa cum quidem liberat: cum Melphi retro relicta, periculum urgeret non leuius. Gallicæ copiae occupatae fuere circa Melphim quatuor integros dies: intereaque colligendi sese spatium hostis ad Neapolim habuit Ludouico Lotharingo, cui cognomen Vaudemontio, ægrè id ferente. Apud Troiam propè oliueta urbi proxima defixerat Lautrecus bellica tormenta, unde hostibus ingens periculum & terror. Id Aurengius intuitus, pugnam Lautreco denunciarat. Intempestaque nocte multum itineris emensus erat, pugnae tamè speciem relictis aliquot uelutibus præbuerat: quo factum est, ut de hostibus sequendis consilium tardius initum sit. Ergo Melphim cum robore exercitus processit Lautrecus: ibi rustici & reliqui uicini quod non putarent eò Gallos peruenturos ob loci situm, fortunas suas collocarant: & Ianus Caraciolus Melphitanorum princeps cum quatuor peditum millibus urbi suæ præsidio relictus fuerat. Vbi tormentorum impetu prostrata sunt mœnia, cū

Gestus Gallorum Lib. VIII. Dd iij

nōdum satis prostrata essent, Italicus miles spe praeda summa ui capere urbem intendit. At cum locus quod euadendū erat, angustior esset quān deceret, frustra illi conatus procedebat: hostes igni, machinis, lapidibus optimum quemque cedere: eo die in castra rediit Lautrecus. sequenti die ad motus iterum machinis, cūm mœnia grauius essent prostrata, impetum in urbem facit. A quitani diu multūque fatigati, tandem in urbem perueniunt. Tum uerō cæsi fugatiq; hostes: urbs direpta, praeda ingens militi parata. Caraciolus in arcem se receperat: ibique a Grandimontano captus est: pugnans & reluctans excelsa ipsa arcis parte armis excussis, parūque absuit quin ab irato milite cederetur, ni Grandimontanus cohibuisset militarem audaciam. Is postea in Galliam partes Regis sequutus peruenit: neque huic Casar Melphim recepto Neapolitano regno reddidit, dominio eius Aurēgio attributo. Sibi enim Casar persuaserat Caraciolum libenter partes Regis sequutū. Quod ut ille facilius & nulla sua nota faceret, captiuus petiit a Casare, quando Galli urbeis omnes fortunāsque suas occupassent, ipse eum pecunia attributa ē captiuitate liberaret. Id cum peteret, negarit ne Casar quod transiturum eum ad hostes uideret, alia ex causa incertum. Captiuus planē obsecrauit Casarem liberaretur, nec nisi sacramēto solutus ab ipso Casare, in uerba unquam Regis iurare uoluit. Iam Trecarienses, Rapolani, Monspulosi per legatos de ditionem fecerant. Capua etiam recepta est, & Samnium totum cum parte Calabria: Campania tota, eo tractu quo agrum Leborinum situm aiunt, quem hodie Terram Laboris uocant, usque ad Neapolim parebat Lautreco: Capuæ præpositus Daguerrius Cantaber. Restabat Neapolis urbs antiqua, & pro arce regni habitata: qua recepta confectum erat bellum. Eo Aurēgius cum quatuordecim ueteranorum militum millibus,

Arnol. Ferroni de rebus

magnis

magnis itineribus Lautrecum urbibus interea alius recipiendis occupatum, anteuertat: abundè commeatum in urbē introduxerat, urbem munierat. Lautrecus pro tempore atque loco paratis rebus mœnia exercitu circumuenit. Auersa urbs nonnihil uisa est uelle Gallis aduersari: eo loco Atellam ueterem ciuitatem stetisse passim produit. At tutius sequuta consilium, mœnibus excepit Lautrecum: is eo loco plures dies res componens diuersatus est. Circa maris littus post Vulturnum sequitur Clauius, apud Sueffulam, medio tractu inter Capuam & Nolam in montibus oriens, Auersanum agrum multis inundans locis: ita ut ponticulis multis inter Auersam & Capuā fluuium oporteat iungi, ad quos pōticulos multæ sunt mola passim ædificatæ: eas cum disiecisset Lautrecus, ita Capuanos perturbauit, deditionem ut sponte fecerint, & urbibus præsidium impositum, & ciuiū mutabiles animi & ad potentiorum excipiendas res propriores, Gallos ad Neapolim recipiendam acrius incutabāt. In quam Lautrecus totus & animo & corpore incumbēbat, recepta ea bellum profligatum agnoscens. Ceterum dū ea res agitur, Andreas Doria qui classi Gallicæ præfectus fuerat è Genua soluens, uariè Neapolitanorum res affligēbat. Id Hugo Moncada intuitus Gallicæ classi obuiam pergit, ex insula quam uulgus Isclam uocat, Aenariāque, atque ut constantius illi occurreret, fortissimum quemque ex urbe deligit, classi que imponit. Philippus Doria cū tota dere admonuisset Lautrecum, ex Gallicis etiam copiis impigris hominibus delectis, in quibus fuit Crotus Aruernus eques strenuus, Moncadæ occurrit. Videbantur Galli fugam parare: pratoria hostium nauis id intuita, longius euecta, redeunte Gallica classe æneis que tormētis emissis depressa est: at non nisi post longum certamen, reliquæ uariè circumuentæ, partim captæ, partim depressæ sunt. Hugo Mōcada for.

Gestus Gallorum Lib. VIII. D d iij

titer pugnans interiit. Crocus, qui prior in pratoriam illius nauem inuaserat, post aliquot dies uulneratus cum esset grauissime, occubuit. Alphonsus Vastius & Ascanius Columna, alique plures è primoribus Hispanorum & Neapolitanorum capti. Multi putauere potuisse Neapolitanam classem Gallorum impetum euadere: sed dum nauarchos qui priores redierant, ob fugam Fernandus Gonzaga occidi iubet, reliquos metu perterritos, ultro deditionem fecisse, Satis constat Andream Doriam nauali praelio non interfuisse, atque eius animum iamdudum abhorrere à Gallis multis suspicabantur: qua maxime ex causa, incertum. Alij ita prodidere: Cum in Sardiniam paulò antè cum myoparonibus suis & Gallicis peruenisset, seditione leui ex causa inter suos & Gallos orta, repente conclamatum ad arma fuisse: Doricæque nomen inclamatum, cæso etiam Langio cū uicissim Galli Franciam acclamassent. Visum id & Samplicardo: & Rétio Cerro iniquius, atque illos in eum stimulandi Regis authores fuisse, ut abrogato maris imperio, Antonium Rupifocaldium Barbesium præficeret: qua ex re eum indignatum ad Casarem transiisse. In hoc ulcere ueluti unguem fuisse Daualum & Columnam aliósque captiuos, quos Rex quasi suos repetebat. Ille à Philippo nepote captos, suos esse contendebat. Atque is Saonam Genuensibus attribui uoluerat, quod cū nō impetrasset, desperās se eorū principem futurum, quod iam pridem concupierat, magis irritatus est. Itaq; Daualum & alios captiuos qui in Galliam proficiscebantur, sui iuris fecerat à Philippo nepote missos: Vastumque ut erat uario atque acri ingenio, authorem Doricæ fuisse ut relicto Rege sequeretur Casarem. Alij ita prodidere, Vastum hominis animum aliàque cupiètem, cum maxima eum libido inuasisset sese principem constituendi imperij maritimi, neque id quibus modis adseque-

Arnol. Ferroni de rebus

retur, in

retur, in Gallia uideret, eò eum impulsisse. Cùm transiturus esset ad Cæsarem, transeundi occasionem quassisse: utcuq; quasitam arripuisse. Nanque Lautrecus id sentiens, miserat ad eum colloqui causa familiarem quendam suum: pollicebaturque daturum se operam uti maritimum ei imperium decerneretur, pretiũque pro captiuis ipse se redditurum sponsoribus datis receperat: capitũque aliquot fœderũ ambo signis suis admiserant, quibus ipse confisus de Doria fide minimè dubitabat. Ille uerò & decem millia nummũ aureorum, quæ ex reliquiis stipendiorum debita contendebat, petebat, & Saonam: rescripseratque Rex Lautreco, hoc puncto temporis hæc se præstare uix posse, curaturum autẽ postea ut Doria & liberalissimè & honorificentissimè sese tractatum intelligat. Ad Cæsarem transiens & captiuos reddidit, & Genuam Gallo parentem ad seditionem pulsus Gallis concitauit. Paulò antè decreto à Rege maritimo imperio, circa litus Neapolitanũ peruenerat Rupifocaldius. Interim Lautrecus qui porta Capuana Neapolim oppugnare uolebat, cùm muri & opere & natura muniti essent, ratus id quod erat, nulla uì oppugnari posse urbem, tentabat si quo tandem pacto fame eos ad deditiõem cogeret. Prope Neapolim paulò suprà Palæpolis est, Herculis nomẽ retinens. Ad uctèra quoque mœnia Nolanãque portam, sacellum Seruatoris: & in eadem regione, Mariæ ecclesia. Post Palæpolim ubi hodie noua est arx cum hortis, pòstque montem qui Palæpoli imminet, promontorium protenditur in meridiem Pausilipum: è regione aliud promontorium: quæ loca uariè hostes munierant, Aurengio diutino morbo, quem ex scabie Neapolitana contraxerat, fatigato. Dum ad Neapolim sic sedetur, Ioannis Vrbinatis consilio Aurengius ex improuiso castra Gallica cum magna manu inuadit. Circa fanum Antonio sacrum, & circa Sebethi amnis

erectas ab hoste fossas, & ad Pausilipi fauces, egressi hostes caesis multis equitibus, relatisque à Fræco signis aliquot militaribus trepidantes in urbem compulsi sunt. Quodam tamen die Horatius Ballio cum delecta manu Itolorum, earumque cohortium quas à colore Nigras uocabant, repente perculsus est, mox reliqui sibi quisque consulere: alij fugere, alij praelium parare, multa impedimenta direpta. Lautrecus qui clamorem hostilem à tergo accepisset, equitatus partem subsidio suis misit: hostes perturbati in urbem redire. At Galli immodicis caloribus calique inclementia iam seniores fiebant. Ad extremum & febribus & peste (quas ortas multi uolunt hostium opera) exagitati uarie terebantur. Quod Veneti Italiq; alij intuentes, iam dudum dilabebantur. Accidit ut quo die multi Gallici proceres cum Ruppifocaldio & Carolo Nauarro reguli Nauarrorum fratre, post nauigationem longam in castra regia concederent, ratus id quod erat Lautrecus, hostes adfuturos, robore exercitus collecto eis obuiam prodiret. At illi ubi extremum agmen Lautreci redire uident, porta Brutia egressi, paulatim procedere: mox signo dato Gallos innadunt, multi modò eminus uulnerantur, modò locorum imperitia intercipiuntur: pars cedere, pars sequi. Lautrecus ubi uidet hostes acrius instare, Ioâne Candalio Fuxeo admonito, adiuncto, etiam Lupeo Armeniaco signifero suo, iubet ut in unum conductis militibus impetum faciat in hostes. Ille uti imperatum erat, immixtis militibus loco depulit hostes. At dum audacius fugientes sequitur uulneratus est, ac paucas post horas desideratus. Vulnerati & notissima uirtutis equites, in quibus Grimo Andronus, cui & Mauriano cognomen, Burdigalensis, & Petrus Daydius, cui Ognao cognomen. Eo die parum abfuit, quin totis copiis certaretur. At illi magni interesse sua uidetes, in urbem rediere, fortissimo quoq;

Arnol. Ferroni de rebus

ex ueteranis

ex ueteranis aut caeso aut uulnerato: cum interea haud pauciores è Gallis desiderati essent. Multi eo praelio negant Lautrecum interfuisse, at misisse tantum Cădaliū. Ex eius diei pugna, ob Fuxei mortem Lautrecus fatigatus in febrim incidit: uigintiſque dies ita iacuit, pro mortuo ut haberetur. At dum conualeſceret, uideretque castra circumiens ſuos uariis morbis affluſtos, pleroſque hac atque illac prater militarem diſciplinam diſperſos, ita acclamauit, ut renouato dolore in febrim incidens, paucos poſt dies extremum uitæ ſpiritum ediderit. Et ſanè cum Rupifocaldius cū myoparonibus Gallicis tardius auxilium ferret, Doriāque iam Gallis apertus eſſet hoſtis, facile fuit hoſtibus Gallorum impetum ſuſtinere. Sunt qui ſcribant, dum putat Lautrecus ruptis Neapolitanorum aquæduſtibus, ſe ciues ad deditiōnem coëgiſſe, ex graui intra aquas reſtagnatione aquæ ſcortorem excitatum: unde Gallicus exercitus peſte poſtea laborauit. Aliū uocatum in caſtra ſeplaſiarium Italum, peſtis morbiſque authorem fuiſſe prodidere. Gulielmus Bellaius id accidiſſe prodidit ex caſtorum ſordibus, parūque purgato ambitu caſtrorum: adeo maximis in rebus miniſcula neglecta nocent. Venere Franci deinde Auerſam cum Michæle Salutiano, caſtrāque mouere media nocte, eoſque peruenere ſummo diluculo. Obſidebātur interea ab hoſte Frācicis ipſis tormentis, acciditque ut nocte una & prima aurora, temerè irruentes hoſtes coercerētur. Id illi intuiti, agere cōpere de conditionibus quæ ita lata ſunt, Vt eques uno equo relictō abiret, haud tamen militari: pedites abirent, album bacillum manu efferentes. Id cū expreſſiſſet neceſſitas, uiſtores ea ſuere inſolentia, pacta ut uiolarent: multi ex equitibus transportari iis myoparonibus uolebant, quos Barbeſius habebat. Ille multos excluſit, multi Plumbinum, Liburnum, & Genuam peruenere: multi Romam

Geſtis Gallorum Lib. VIII.

profecti, stipe emendicata in Franciã rediere. Michael Angelus ex uulnere aeger, Neapolim perductus : multi morbo extincti, ut Ludouicus Vaudemotius, Moleacius, Pöperanus, Viuonius, Antonius & Ioãnes Turnonũ, Ioãnes Carleus, Petrus Nauarrus, Grandimontanus, Carolus Fuxeus frater Hērici Regis Nauarrorũ aeger Neapolim perductus, uel ui morbi, uel propinata potione extinctus, dum consilium fugã iniit. Deceßit & Ioannes Carbonerius unus è Petrocoriorum nobilitate, Iacobus Lanus cui Rochchaleo cognomen. Et poterat tota ea Lautreci expeditio feliciorẽ exitum nancisci, si Clemens Pontifex, Veneti, aliq̃ue fœderati stipendia pacta persoluissent. Veneti receptis aliquot urbibus cū essent languidiores, cū Clemens exitum rei expectaret, nec Rex interea Gallis subsidia pecuniãque mitteret, parta propẽ uictoria elapsa est: lue præsertim morbisque & ducem exercitus & militem inuadentibus. Nec uerò feliciore fato circa Genuam & Mediolanum Gallice res tractabantur. Doria qui urbe Genua Gallos expulerat, arcem etiam à Theodoro Triuultio per deditiõem recepit: cū Franciscus Borbonius Paulinus Comes, obseßis (ut putabatur) auxilium non tulisset. Rangonius hyeme sequenti aliquot oppida Appuliæ retinuit, donec desperatis rebus pace postea parta, iussu Regis cedendum sibi uidit. Rex primum eo consilio Paulinum miserat, uti Lautreco subueniret: deinde Genuensium res cum tentare uolebat: postremò Sfortianis & Venetis iunctũ res Italicas curare. Ac multa quidẽ quæ è re essent suorum iubebat: caterũ ex distantibus interuallis mandata post res afferebantur. Sequenti æstate quæ situm quæ sedes bello legeretur. Papiæ cū esset nuper recepta ab Antonio Laua, uisã potior: simul urbem nobilem ad quam olim Galli diutius steterant, auferre Cæsari, in rem famãque uidebatur. Erãt Itali mille, Germani

trecenti

Arnol. Ferroni de rebus

trecenti relictī praesidio : sed ita acriter oppugnata est urbs à Gallis, ut post quassata mœnia, casis hostibus, recepta direptaque sit. Sed & Mortariū & Nouariam Gallirecepere, multaque alia oppida: pellique Mediolano Lauam sperari poterat, ni iussu Regis Paulinus ad Genuensium res tentandas maluisset redire, uulgato Gallorum consilio. Dum Landrianum Paulinus uenisset, tormētāque & primum agmē praemisisset, negligentiusque suos reficeret, Antonius Laua Mediolano egressus, repente imparatos adoritur: priusque adfuit quàm Galli de eius aduētū cognouissent, exercitūque instruere, aut sarcinas colligere possent. Itaque Hispani cateruatim uti quosque casus conglobarat, in eos concurrūt. Galli aliquot uirtutis memores, & Germani arma capere, Italos ad pugnam hortari, sine ordinibus eques pedesque permixtus necare quosdā, quosdā conculcare, alios in fugā uertere. At Italus palām in fugam uersus est, ex quo praecipuus numerus cōstabat: Hispani nihil remittere, acrius instare: ita sensim & à Gallis & Germanis fuga facta. Paulinus sibi consulens, dum desperatis rebus ne quicquam fossas ingentes equo parat transire, captus est: multi simul capti, impedimenta direpta, reliqui dissipati. Exteris scriptores prorsus quod attinet ad Papiæ expugnationem, maxime commeatu & apparatu bellico adiutos aiunt Gallos & Lautrecum à Venetis: ibique Ioannem Paulum Manfronium, dum tacitus spectat uim Gallorum, qua sternebant propugnacula Papiensium, pila plumbea iectum corruisse. Petrum Longhenam custodia urbis à Lautreco praepositum. Hunc postea dum parum suo fungitur munere, urbem amisisse, interceptum à Laua: praepositos Caesaris nomine Papiæ Apontesium Hispanum, Ludouicum Belxoiosum, & Petrum Biragam. Narrant iidem pluribus uerbis, Gallicæ & Venetæ classis apparatus maritimum unā cum Doriæ Gestis Gallorum Lib. VIII.

in Siciliam, cuius intercipiēda spes affulserat: utque & Ioannes Morus Venetorum nomine, & Rentius Cerrus qui Regi militabat, ipseque Doria cum Gallis loca aliquot Sardiniae expilarint: aliquot etiam uoluntaria deditione receperint, dum qui Caesaris nomine praessent, parum locis fidentes, sese ex uno loco in alium protipiunt, quae tandem omnia relictæ sint. Narrat iudem Comitis Aquilani ope, multa accessisse Lautreco. Circa Troiam uariis certatum utrinque prolusionibus. Alarconem tandem cum Caesarianis nocte Neapolim contendisse. Missum Petrum Nauarrum cum Aquitanico peditatu à Lautreco, Melphim capto Caraciolo expugnasse: omnes Appulae urbes obuiam clauis urbium misisse Lautreco: Manfredonios Caesarianis fidos fuisse: dū Manfredoniam urbem in fide Caesaris maluit permanere: Caesarianos uariis munitionibus erectis Neapolim muniisse: supra Martinianum montem erectam munitionem insignem, multis machinis adhibitis, cui tuenda praepositus sit Fabritius Maramus. Fuisse Neapoli acres homines, & uigilantes Hugonem Moncadam, Philibertum Chalonium, Aurengium, Alarconem, Moronum Cremonensem, Alphōsum Vastium, Ioannem Durbinum Hispanum, Salernitanum, Ludouicum Icartum: Maritimis copiis praefuisse Icardum Vaurium. Multi mercatores merces supellectilemque omnem in castra abduxere: ubi tanta fuit abundantiæ annonae, ut in biennium parata uideretur: tantaque fuit uini etiā delicati copia, ut milites non contenti sese eo ingurgitare, pedes equorum eo abluerent. Vnde accidit ut ex ea copia, inopia mox accederet: flagitarētque Italus & Germanus milites uinum seditiosè, irrumperētque in Capuanam arcem praetextu uini inquirendi: ubi uiuix à Ferdinando Alarcone manus abstinerit, qui è fenestra princeps in alium sese locum eiecit, caesis pluribus ex ea cohorte. Ferunt Aurengium

gium commotum ea seditione, turbulentissimis aliquot arreptis, stipatum Urbini Hispani, quem & Durbinum uocant, fidelissimo comitatu, ita seditiosos increpuisse, ut iuberet aperta porta ad Gallos transire. Huic Urbino pinguis-
 mus aqualiculus, isque propenso sesquipede exibat. Ceterum compensabat eam corporis intemperiem insigni animi magnitudine: cohortem habebat circa se fortissimorum Hispanorum: ipse ut ad fugam inutilis erat mole corporis, uastitateque præpingui, ita si quem fugam molientem uideret sedendo & fatigando coercendos Neapolitanos, Rætium in Brutios misit: ad Bituntum, Ioannem Clementem Strangam, quem Bario præfecerat: in Manfredoniam, Camillum Ursinum: Salernum, Horatium Ballionem: in Calabros, Menaldum Daurum cui Asteo cognomen, cuius liberi in nomen familiamque Grandimontanorum succedere & Symonem Romanum, & Federicum Caraffam: Monopolim, Dominicum Bolanum Venetum patricium cum Pomperano Gallo. Hi uaria loca receperunt, expellarunt, uastarunt, cæsis Cæsarianis: oppida præditiis muni-
 erunt. Sed Asteus & Pomperanus receptis oppidis ad Lautrecum rediere. Camillus Ursinus circa Sipontum, dum ab Hispanis qui arci munitissimæ in præsidio erant, eos qui aquatum in uicina loca eunt, opprimi uidet, accersito Georgio quodam summo ingenio homine, cuniculus actus turrim deiecit, oppressis & Hispanis, & quibusdam cuniculorum ministris. Ad Neapolim ingrauescente annona, multæ ad Lautrecum fiebant transi-
 tiones: Hispani tamen undique excurrentes inopiam subleuabant. Hos etiam in Appuliam excurrisse aiunt: eosdem Pontificis Melphitani suppellectilem, & mercatorum quorundam qui ad Gallos transibant: & ad Auclinum procurrentes Pontificem eiusdem loci, direptis
 Gestus Gallorum Lib. VIII.

auectisque rebus multis, cum multis hominibus captiuum
 abduxisse ferunt. Est locus quem uulgo Podium Regale in-
 cola uocant, quem sepeferant Galli, dum scalis multis allatis
 eum se intercepturos Hispani ex urbe progressi existimant,
 plusquam ducentis caesis, multis uulneratis, magna clade
 accepta in urbem compulsi sunt. Nec longè Gallica aberant
 ropia, eo fiebat ut uariis quotidianisq; decursionibus, utrin-
 que certaretur. Erant mole circa Magdalena locum, quæ
 una die quinquies nunc ab Hispanis, nunc à Gallis occu-
 pata tandem Gallis cessere. Duo faseli quibus stipendia
 Gallis aduehebantur, parum abfuit quin adcurrente hoste
 interciperentur: sed Italo serius occurrente bolus is ereptus
 ex hostium faucibus. Calendis sextilibus, dum temere ho-
 stes irrita Gallorum socordia, in uineas proximas dilabun-
 tur, adcurrentibus Gallis multi fatigati, pauci capti: sed fu-
 gientibus suis Hispani opem ferentes fugam cohibuerunt.
 Addūt alij decem Gallicos equites captos: ita permutatione
 inita captiuos utrinque receptos. Impleuit Chaloniū suspi-
 cione eques unus Italicus captus, qui Fabritium Maramū
 affirmabat Lautreco recepisse liberum introitum ea parte
 quam præsidio seruabat. Cum apparet indicium falsum
 esse, Fabritius qui captus fuerat liberatus est, uerè an falso
 accusatus incertum. Camillus frustra per dies aliquot Man-
 fredoniam oppugnauit, Petro Aluigo Farneseo cum Casa-
 rianis acriter urbem tuente. Referunt quoque exteri scri-
 ptores pluribus uerbis classis Neapolitanæ direptionem,
 cuius supra meminimus: & Doriæ ad Casarem transitū,
 cuius transitum uelant, & ob Sauonæ libertatem in Gennē-
 sium damnum tributam: & ob alij præfecturam maris à
 Ludouica destinatā, & ob illustres homines captiuos à Re-
 ge, à Philippo Doria repetitos: interim tamē facientes Alphō-
 si, Vastū, Dauali, & Ascanū Columnæ captiuorum susurris
 Arnol. Ferroni de rebus

& pollicitationibus plectum Doriā in Caſarianorum
 partes. Narrant iidem, cum Lautreco, ſextore & corruptione
 aquarū orta peſte, occubiſſe Michaelē Angelum Salu-
 tianum, & Aluigum Piſanum, qui Venetorum copiis præ-
 poſitus erat. Egreſſum ē Neapoli Fabritium Maramum: à
 quo multæ urbes à Gallis captae, receptæ ſint. Poſt cladem
 Gallorum, Bernardinus Baleritanus celeriter adcurrit ad
 Clementem Stāgam, qui Regis nomine toti huic præſectu-
 ra à Lautreco præpoſitus fuerat. Is ē Beronte (quod & Bi-
 tuntum uocant) mouens, diſſimulata clade quaſi Lautrecus
 Neapoli recepta potiretur, uana ſpe omnes implebat: Bari-
 letōq; munito ſe cōtinebat, (id alij paſſim Barolū uocāt) cer-
 tioremq; clam facit Camillum Vrſinū Manfredonia abſti-
 neat, eoq; ad ſe contendebat. In Calabria Comes Burel-
 lus Caſarianis uariè collectis occurrit Simoni Romano: cō-
 greſſuſque tumultuaria pugna hominem fugat. Huic occur-
 rere auxilium laturi cum Gallorum Venetorūque turmis
 aliquot Boutierus & Federicus Caraffa: hi quoque inco-
 lumes diſſimulata clade Bariletum contendebant. At rumor
 uires die acquirens, peruaſerat in oppidanorum aures cla-
 dis accepta: ita illi introitu urbis excluſi. Hos Stanga inſi-
 mulabat quaſi parum conſtantes, ſparſos ab hoſte rumores
 diſſitans: mox ſibi diſſidens arce ſe continebat. Eandem
 aluerat diſſimulationem Vrſinus Camillus, & Tranium
 peruenerat. At Stanga irritatus Bariletanorum cōtumacia,
 clandestina porta reliquos excipiens ē caſtro impetum in
 oppidanos facit: direptiſque rebus omnibus & captiuis
 abductis, ingenti præda ſuos pauit. At Boutierus Cruceus
 & Federicus Caraffa, captiuos remiſſo pretio liberos reddi
 iuſſerunt. Cū miles Italus nō pareret, Gallicus cum Bou-
 tiero Italiſque proceribus multos obruncauit. Interea Stā-
 ga, Boutierus, Caraffa, Simon Romanus, Morettus, Calau-
 geſtis Gallorum Lib. VIII. E e

resus, Angelus Calaufesius, Nicoletus Corsus, Iacobus Bosus Corsus, Carbo Aquitanus Vassariorum supprafectus de summa rei deliberant: constituuntque quando difficile esset cum his copiolis hosti occurrere, direptis fanis & aliis locis, præda abacta inde sese clàm proripere. Multa fana expilata: ab Antonij fano temperatum, quasi is igne tutus sese vindicaturus esset. Interea Borellus auctus Casarianorum copiis à Calabria mouit, & Rubos & Quadratam peruenit. Rentius Gallorum collectis reliquiis Bariletum peruenit ad Stangam: locoque munito quiduis passurus uidebatur antequam deditionem faceret, cò ex Andria peruenerat Borellus. Is dum incautius equo uectus, intuitus qua parte commodius urbs obsideri posset, machina ex urbe emissa occubuit: relatusque est Andriam magno Casarianorum desiderio. Alarco interea in Borelli locum peruenit, Bariletum obsessurus. At Caraciolus, Caraffa, Simon Romanus, & plerique alij in Canusium procurrètes, pecore multo abducto urbem laborantem, còmeatu subleuarunt: Quadratamque idem Simon obsidere cœperat, ni paratiores Casarianos nactus, soluere obsidionem coactus esset. Interea Veneti classe instructa, Gallis qui ad Bariletum cum Rentio sedebant, auxilium tulere. Erat cum Veneta classe Ionas Nauarchus Gallus: cui ipsi uni, tot nobiles eruptiones, dum obsidet Massiliam Borbonius, quas alij Stifaco, alij Barbessiano adscribunt, acceptas Massilienses ferunt: huius hortatu soluit Veneta classis à Barileto: ubi & Dominicus Bembus adfuit, aut certè classis eius. Hi Molfetam oppidum maritimum progressi, mòxque irruentes in muros, erectis signis Gallicis oppidanos perterritos fudere: partaque præda & multis captiuis abductis potiti sunt. Deceßit tamen ea in oppugnatione Federicus Caraffa: uulneratus alter quoque magni nominis Ione Comes, quem à patria & corporis Arnol. Ferroni de rebus exiguitate

exiguitate Vasconem paruum uocabant. Regressi deinde
 Bariletum iidem Nardi nomine loca insignita depopulati
 sunt: atque ibi classis Gallica cum auxiliis Gallicis præstò
 fuit: quo factum est ut uicina loca undique in Gallorum ue-
 nerint ditionem. Id intuitus Alarco, conscriptis copiis mo-
 uit ex Andria circa Tranium. Ioannes Conradus Vrsinus
 & Simon Romanus Brundisum classe obsidebant: urbemq;
 potius direptis passim omnium fortunis sunt. Arx munitior
 uidebatur, nec priore alterò ue impetu expugnari potuit. Id
 intuitus Simon Romanus, pergit ad locum contemplandū.
 Dum incautius disquirat qua parte collocari aptius possint
 machinæ bellicæ, breui machina emissâ prostratus est: im-
 matura morte à Gallis iuxta ac Venetis deploratus. Interea
 Oregius mittit cum ualidissimis copiis Ferdinandū Gon-
 zagam: hic è Quadrata uariis excursionibus Gallos & I-
 talos qui ad Bariletum & Tranium sedebant, fatigabat. Eò
 tandem contendit ipse Oregius cum Alphōso Vassio, Da-
 ualo, Fabritio Maramo. Rentius & Galli urbem acrius mu-
 nierunt. Id illi intuiti oppugnatione abstinuerunt. Erant Bari-
 leti multæ Gallicæ & Aquitanicæ cohortes, sed longis uigi-
 liis attenuatæ, & ad paucitatem redactæ. Corfi, Veneti
 multi, cum Rentio Cerro, Ioanne Veturio, Stanga, Caracio-
 lo, Camillo Conrado Vrsino, hostes in Grauinâ & Mat-
 teram sese recepere: uidebanturque Galli duce Cerro latius
 euagari, ni Venetorum societate amissa, qui cum Casare re-
 dierant in gratiam, acceptis maritimis aliquot oppidis rur-
 sus compulsi essent Bariletum. Ibi exagitatus est Corsorum
 seditione Rentius, cum stipendiorum solutionem tumultuo-
 sissime efflagitarent: ut iam in seditiosos machinas aliquot
 emitti Rentius iuberet, ni prudenti cunctatione eius qui
 tormentis præpositus erat, dilata re, tandem iræ sedatæ es-
 sent. Fuitque Rentius laudatæ constantia, qui urbem pulsus
 Gestis Gallorum Lib. VIII. E e ij

undique Caſarianis eò uſque tutatus ſit, donec iuſſu Fran-
 ciſci Regis literis acceptis de pace inſita cū Caſarianis cer-
 nor fieret. Hac ab exteris ſcripta referre libuit, quando qui-
 buſdam noſtratia omnino ſordeſcunt. Ad dunt idem, dum
 Nauarrorum Regis frater cum Rupifocaldio claſſe uectus
 eſſet in caſtra Gallica ad Lautrecum, ſalutatione utrinque
 reddita ingemiſſe Lautrecum: rogaſſeque adoleſcentem,
 quis eum lanista ad talem lanienam emiſiſſet. At quo tem-
 pore pugnatum eſt ad Landrianum, Itali ſcriptores initiū
 fugæ à Germanis & Gallis ortum nolunt: culpa planè li-
 berare Paulinum, qui parum ſolicitus fuerit de hoſtium ad-
 uentu, nemo poſſet. Sed Gallie omnia in deterius audita,
 Regem angebant: & liberorum captiuitas & belli tedium
 utrunque principem ad mitiora inclinabant. Feruente ad-
 huc bello, nobiles aliquot aulicos, qui formandæ pueri-
 tiæ liberorum regionum dati erant, procul ab his Caſar a-
 mādauit, pleroſque ferreis uinctos compedibus in triremiū
 ſuarum dedit remigia: ex quibus quidam, captis his tri-
 remibus à Mauris, Tunete oppido à Caſare recepto, ſtipem
 mendicantes in Galliam rediere. Cauſam prætexuit Caſar,
 quod didiciſſet Iacobi Belliuultij coniuratione tentata re-
 deundi in Galliam conſilia. Ea indignitate motus Rex, ca-
 ptos aliquot ex Hiſpanis, triremibus quoque ſuis addixit:
 nec uerò prius liberauit quàm liberata parte ſuorum qui
 manus Maurorum euaserant. Abhorrebat Caſar à pacis
 conſiliis, Burgundiam ſemper petens. At Mercurinus Cat-
 tinarius, unus è purpuratus pontificiis libero homo ingenio,
 Sequanorumque expoſtulationibus admonitus, qui belli
 calamitate oppreſſi uidebantur, hac oratione Caſarem ad
 „ pacem accendit benigniſimè auditus. Ego niſi ſcirem quali
 „ modeſtia Caſarem admonendum ſuſcepi, non hoc uter
 „ dicendi genere, quod neque tua, neque mea modeſtia ſatis
 Arnol. Ferroni de rebus dignum

„ dignum esse uidebatur. Me tu perlongo interuallo propè
 „ memoria, primum hominem nouum iurisprefectum, quiq;
 „ sacro illo tuo scrinio præfset designasti: atque ita designasti,
 „ ut tantus honos, uirtute potius oblati, quàm ullis precibus
 „ efflagitatus uideatur: Id ego tam illustre tuum beneficium
 „ Cæsar, cum ad ingenij mei tranquillitatem duxi semper es-
 „ se permagnum, tum ad curam diligentiamque multo ma-
 „ ius. Versantur enim Cæsar in animo meo multa & graues
 „ cogitationes, quæ mihi nullam partem, neque diurna, neque
 „ nocturna quietis impartiant, & tuenda tantæ dignitatis
 „ & officij decorisque tanta dignitate digni conseruandi. Ac
 „ cetera neglecta tueri possim, casum, imprudenciam, neces-
 „ tatem asserre: fidele cõsiliũ nisi dederim, & te ipsum Cæ-
 „ sar decipio, & me ipsum indignum tali magistratu astrin-
 „ gam notæ sempiternæ. Video te abhorreere à pace. At Se-
 „ quani tui iam queruntur exhaustos sese tributis: Hispani
 „ ingemiscunt ad collationem: Italia propè direpta. Hybreas
 „ olim, Asia cum M. Antonius duplicaret tributa, si potes ait,
 „ M. Antoni, duplex tributum uno anno exigere, id quoque
 „ æquissimum fuerit te posse: ac si possis, Asia impertiri, dupli-
 „ ces ut uno anno æstates, duplces quoque autumnos illa ha-
 „ beat: Talentum multa millia Asia pependit. Quæ si nõ ac-
 „ cepisti, exigito à quæstoribus tuis qui acceperunt: sin cùm
 „ expensa tibi fuerint, iam profusa euolarint, ecquid causa est
 „ quin tot pecuniis exhausti perierimus? Valentinianum Cæ-
 „ sarem narrat Ambrosius sacer author, si quid hoc ad rem
 „ pertinet, cum admoneretur, noua indiceret uestigalia pro-
 „ uinciis, hæc respondisse: Præterita nequeunt soluere, noua
 „ quo pacto sustinebunt? An tantum honoris mihi ideo dela-
 „ tum, ut quo iure, qua iniuria, unus ego fisco tuo locupletan-
 „ do studerem? Vnus ego diripiendos tibi Sequanos tuos, ue-
 „ xandas omnium fortunas consulerem? Certè iam expilati

„ sunt : iam negant fortunas suas talibus tamque crebris in-
 „ dictionibus satis esse. Ne here, ne Caesar committe, ut quem
 „ patrem illi asciuerunt, quem principem, ipsi expilatorem
 „ sentiant, & quiduis potius quam custodem. Summa illa
 „ fuerit: Locupletes Sequanos cum habueris, satis ipse locu-
 „ ples eris: sin exhauris illos, periculum esse ne Gallicum illi
 „ dominatum, quo tot annis carent, ultro optent. Liberalitate
 „ illi proauorum tuorum recreati, si iam à te uexantur, milite,
 „ exercitūque fretus, coercere potes corpora, ingenia non po-
 „ tes: Itaque si me audis, uel minus iustam pacem aquisitimo
 „ bello praeferes. Exhausti cum essent ambo pecuniis, ad pa-
 „ cis conditiones reditum est: ea composita est soluto ingenti
 „ pretio pro liberorum redemptione. Remissaque à Casare
 „ Burgundiae petitione, Cameracique sancita, eò conuenienti-
 „ bus Margareta Caesaris amita, & Ludowica Regia matre,
 „ Post multum tempus procrastinantibus Casarianis redditu
 „ Regū liberi pecunia illis Baiona appensa. Regū liberi cum
 „ prope Fontem Rapidum uenissent, inde retro perducti sunt,
 „ ita iubente Velasco magistro equitum Castulonensi ut mul-
 „ tum Anna Mommorantio laborandum fuerit in his celeri-
 „ ter recipiendis, causante Hispano uel nummos minus fide-
 „ liter appensos, uel retractum ex itinere Hispanum facilem
 „ ad Regem missum. Dueta in Galliam Eleonora Caesaris so-
 „ ror, absenti Regi dederat prius Caesar sponsalia, misso in Hi-
 „ spaniam legato Regio Francisco Turreo Regulo Turen-
 „ sium. Rex Burdigala diutius cum liberorum reditum expe-
 „ ctasset, ægre tulit Casarianorum procrastinationes. Vbi au-
 „ diit Baionam appulisse, obuiam profectus, non longe à Mō-
 „ te Marsano Aquitaniae oppido, apud Veriense canobium
 „ Vestalium, quas à diuina Clara sacris uocant Clareas, uxo-
 „ rem nocte celebratis nuptiis duxit. Bononiā cum esset pro-
 „ fectus Caesar ad insulas imperij accipiendas, Gallicum fœ-
 „ Arnol. Ferroni de rebus dus iterum

*du*s iterum renouatum est: aliquótque annis Galliam pace
 frui contigit, quibus nihil admodum memorabile gestum
 est: nisi quód interea adnitente Gabriele Grandimontano
 cardinale Clemens Pontifex Massiliam magno comitatu
 ad Regem peruenit. Ibi multa inter Pontificem & Regem
 agitata dicuntur. Nupsit tandem Catharina Medicea sum-
 mæ indolis puella Henrico Aureliorum Duci, uni è Regiis
 liberis. Regnum is postea felicissime est moderaturus &
 humanissime. Rex præter cænobîa aliquot pontificiis attri-
 buta, annuas quoque pèsiones constituit: & gemmam no-
 bilem quæ prætium omne superabat, quæ Tholosa in eccle-
 sia diuo Saturnino sacra asseruabatur, Pontifici petenti de-
 dit. Põtifex in eius gratiam Claudium Giurium & Stuart-
 di fratrem Scorum, & Oddonem Collignium Castellioneũ
 adolescentem ornatissimum, deditum optimis studiis, &
 Ioannem Venatorem Lexouiorum antistitem, summa ho-
 minem innocentia & pietate, cui & commissæ est Regiæ
 munificentia, & in egenos erogationis dispensatio, purpu-
 ratorum cardinaliũque numero adscripsit. Romam re-
 nersus Pontifex liberam donationem episcopatum, cæno-
 bîorum, aliarũque præfecturarum ecclesiasticarum Regi,
 sublatis electionum priuilegiis, prærogatiuisque concessit.
 Lutetiæq; multi interea uiolata persuasionis damnati sunt,
 uiuique exusti: Cæsarq; per suos apud Germanos inuidiã
 conflans Regi, dissiparat in multos è Germania animadu-
 ersum: contendereque cõperat, ne Gallica legatio Germanico
 conuentui interesset. Itaque scriptis literis Rex suspiciones
 diluens, neque in Germanum ullum animaduersum, neque
 obtrectatoribus suis fidem habendam ostendebat. Interea
 Clemente pontifice non sine ueneni suspitione extincto,
 Alexander Farnesius, qui se Paulum tertium dici uoluit,
 Pontifex designatus est. Atque is Rodolpho Pio ad Regẽ,

Et Gaspare Contareno cardinale in Germaniam sapissime
 misso fidem faciebat futurum, uti mox concilium sacrosan-
 ctum toties à Germanis petatum induceretur. Indixitque
 primum ad Mantuam, inde ad Veronam, postremò multos
 post annos ad Tridentum. Sed uel Regibus, Cæsareque ip-
 so, uel ipsomet Pontifice, purpuratisque dissimulantibus, ha-
 ctenus irrita omnia fuere. Atque is ab omni dissensione cū
 semper abhorruisset, Columnenses tamen tot bellis attrinixit,
 auitis ut castris oppidisque eis cedendum fuerit. Idem in
 Perusinos seuerus Et acer, edoctus tenere suspensos legatos
 principum, abundans uerbis sui negotij bene gerens. Reli-
 qua quæ pertinent ad Pontificatum, prudenter administras:
 sedulusque, si quis unquam, in principum dissidiis compo-
 nēdis. Paulò antea fato functa est Ludouica Sabaudia ma-
 ter regia, ex morbo qui multos annos eam torserat. Accidit
 uerò ut Ludouica spei plena esset ob pollicitationes Braillo-
 ni medici magni nominis: itaque etsi graui morbo, æstu, fe-
 brique iactaretur, minus intenta uidebatur ad suprema
 munera exequenda. Margarita Valesia filia, hanc admo-
 nuit spem aliò collocaret: illa Braillono inclamato Et aliis
 qui Regem à se abduxerant, animum ab omni alia cogita-
 tione ad Deum placandum traduxit. Et post aliquot annos
 Antonius Pratianus iurisprefectus, uel cancroso ulcere, uel
 igne sacro decessit, cui nondum animam agenti pecuniam
 supellectilemque omnem auream atque argenteam Rex
 assuetuari iussit. concessit tamen Pratiani liberis oppidorum
 aliquot fructus maximos Et opimos, donec quicquid id es-
 set aris alieni, dissolutum esset. Anno quoque millesimo quin-
 gentesimo tricesimo quinto, Lugduni plebs ad seditionem
 proruit. Iubebat Rex uti propugnacula urbis munirentur.
 Quærebat ratio qua ad nummos peruenirent. Exquisitis
 multorum sententiis placuit eorum consilium, qui in singula

uini dolia tres nummos Gallicos imponendos suadebant, in certum usque tempus. Plebs percita annonæ caritate, irrui primū in Campegiū domum: direptaque ea in Marini & Gimbri mercatorum opulentorum. Pomponius Triuultius cū magistratibus iram plebis permulsi, comitem se eis professus futurū ad undique eruendū triticū: circumductus à plebe in sacra loca, & priuatorū domos, ubi fæde quædam patrata. Interea clam decreta quæstio in seditiosos. Admonitus Rex tota de re Boutierum eò misit, qui de seditionis supplicium sumpsit. Franciscus Sfortia Carolū Meruelium regium apud se legatum comiter admissum, tandem occidi indicta causa iussit, agitata consilia in se proponens. Quo scelere Rex & indignitate contumeliæ percitus, diu hac de re apud Casarem exposulauit. Henricusque Angliæ Rex, ob diuortium cum Catharina uxore à Pontifice negatum, illi apertius esse hostis cœpit, palamque instituta maiorumque sanctiones reuicere, Thoma Moro & Ioanne Rossensi qui decretis eius æquum esse negabāt obtemperari, necatis. Atque is eo tempore male apud suos acceptus cum esset, gliscerētque iam popularium seditio, popularium motus sedauit. Parabat interea Cæsar classem & robore copiarum & omni apparatus genere instructissimam: nec regiis legatis unquam aperire uoluerat, quò proficisceretur. Quæ causa fuit uti Rex consilia agitata crederet de Masilia intercipienda Barcinone diu in anchoris cum stetisset, mox cum ingenti apparatu soluit: rogauitque Regis legatum, admoneret Regē ut absenti sibi fides eius & amicitia perinde ut præsentis constaret: nec quicquam rerum interea in Italia moliretur. Cæsar cum tantis copiis primū in Balæares insulas, inde Leonis Giro superato Sardiniam peruenit. Ex ea profectus ad portum Phari, quem Farium uocant, appulit: mox in Goulletam locum munitissimum: quem lo-

cum tribus locis quadraginta continuos dies oppugnauit, uix & suis & hostibus respirandi spatio tributo. Nam Itali parte una, parte alia Hispani, mari autem Andreas Doria cum classis robore & tormentis emissis, & omni oppugnationis genere obsessos terrebant: tādēque post quadragesimum diem ui perumpentes munitiones, simulatione extractis è propugnaculo barbaris, locum caesis eis occuparunt: ibi octo dies cum refecisset exercitum, Tunetum peruenire parat: id nouem millibus à Goulleta abest. Qua ad urbem peruenitur, hinc stagna & aquæ: inde oliueta: medio itinere inter oliueta & aquas pergūt Caesariani. Ariadcnus Aenobardus qui regnum superioribus annis inuaserat, ad aduentum Caesianorū copias contraxerat, ut multitudinem, ita robore Caesianis impares: ratus tamē siti Caesianos fatigatos, medio se in itinere intercepturū, ad eum locum quo putei aliquot siti sunt, illis occurrit. At illi ordine pergentes, nihil aduentu hostium perterriti sunt. Numidae nunc cedere, nunc aduersis equis congredi, implicare & perturbare Caesianos parant: illi ex oliuetis machinis leuibus emissis fortissimum quemque è barbaris prosternere. Ita hostes post breue certamen in loca se munita recipiunt. Caesar circa puteos hos pernoctauit. Sequenti die instructus copius Tunetum proficiscitur. Erat ipse in prima acie cū quatuor millibus Hispanorum ueteranorum, cum totidem Italorum ueteranorum millibus, equestribusque copiis è sua familia comitatūque. Media acies è quatuordecim millibus Germanorum cōstabat: qui & ipsi calones, lixas, reliquaq; castrorū impedimenta asseruabant. Extremam aciem cum sexdecim Hispanorū, quorū maior pars è tyronibus constabat, ducebat Fernandus Daluadus Toletanus Dux Albæ, cū duobus millibus equitū, quibus Regulus Bondegarius è familia Mendosarum præpositus erat. Eratque dies sacer

Arnol. Ferroni de rebus

Magdalene

Magdalena, cum repente obuiam ciuibus uenientibus, intellexit Caesar Aenobardum fuga sibi consuluisse: castrum à Christianis qui captiui asseruabantur teneri. Itaque in urbem peruenit, & Altxachenum Tunçsem Regem, quem & Muleasemum uocant admonuit, nihil esse quod urbem diripiendam militi daret: se curaturum ut aliquot stipendiis solutis salua urbe illi esset consultum. At ille uel suorum rebellionem ulturus: uel per speciem belli potentiorum opes direpturus, orare cœpit Casarem, urbem militi præda daret. Ita immissi Casariani oppidanos cadere, prædam undique auertere: si qui in manus uenerant, obtruncare: direptaque urbe arcem recepere. Altxachenum in regnum Caesar restituit. Inde Gouletam rediens quam sibi uolente eo retinuit, præsidioque firmauit, uictor in Siciliam appulit. Ex eo prælio, & quod superioribus annis ad Viennam profectus erat, Solymanumque obsidionem soluere coëgerat, casis etiã multis ex eius exercitu, magna gloria apud omnes fuit. Cũ interea Casariani Regem apud externos traducerent, quod Solymani legatos liberaliter honorificèque excepisset: ipseque uicissim ad eum legationem misisset: quodque cum eo fœdus sancisset. Ad quæ Rex respondebat, accepisse item & misisse legatos ad Turcam & Casarem & Ferdinandum: ut mirum sit quod sibi licere putant, cur in se uelint reprehendi. Cum uideret Casarem id agere ut fortunis omnibus eũ euerteret: cũ uideret se à Solymano ita urgeri, ut differre nō posset, quin uel se illi pacatum fore promitteret, uel hostem experiretur, adactum esse necessitate cum Solymano placabiliore hoste depacisci inducias. Verum istas inducias ea ratione se depactum, ut quoad eius fieri potuit, Christianis in uniuersum consuleretur. Sed magis antea irritatus Caesar putabatur, quod Ferdinando Casaris nomine bellũ in Huldaticum Vuirtembergæ Ducem gerente, Huldaticum pecu-

nus Rex iuisset: nam aureis nummis Gallicis militi ab Huldarico persoluta stipendia didicerat. Quæ ipse ita refellebat, quasi emisset ab Huldarico Montis Pellicardi comitatum fiduciaria uēditione. Quem porro in usum uerteret nummos, sua nihil interfuisse: & antiquo fœdere quod cum Germanis intercedat, si spoliato homini succurrisset, non protinus uiolata cum Cæsare postea inita fœdera. At Rex interea septem legiones in Gallia conscripsit: quibus lustratis belli iā consilia agitare cœpit. Et plane male simulatam amicitiam dissui aperte æquius fuerat, erumperēque concoctas diutius odij inter utrumque faces: dum cōtinuum inter æquales discordia malum utrumque ad ueteres simulationes reuocat. Sed occultiora Cæsaris odia & consilia: Gallica consilia priusquam res adornatæ essent, ipsi Cæsari notissima. Arx est Lumea quæ nō longe abest à Maseriis & Cedano. Lumeus olim Gallo amicus ad Cæsarianos transierat. Rex iubet obsideri arcem, accitis etiam machinis è Remis: At Lumeus Marchiani opera, reconciliata cum Rege gratia, Cedanum uenit ad eum salutandum, postea tamen irritatus posteriombus bellis aperte Cæsari fauit. Mortuo interim Francisco Sfortia, in Carolum Sabaudianum belli procella uersa est: quem soror consanguinitate mutua Gallo, uxor Cæsari affinitate deuinxerat. Atque, ut interim uxorū moribus dediti sunt uiri, totum se à Galli amicitia iampridem auerterat Sabaudianus, Cæsarem sequutus, uicarius imperij designatus fuerat: ipseque Cæsaris amicitia cū fœderibus omnibus sibi cautum esset, sese securum putabat. Eius belli hæc causæ relatæ sunt. Fuisse Amædeum primum Ducē Sabaudie: huic Ludouicū, Ludouico Amædeum alterū, Amædeo huic Philippum successisse: nupsisse Philippo Margaretam Ducis Borboniorum filiam, ea lege matrimonio adiecta, ut qui ex eo nascerentur, si contingeret Amædeum

Philipo

Philippo superstitem esse, hi Philippi patris loco Amædeo auo ad eas ditiones resque peruenirēt, ad quas Philippus si uixisset, successurus erat: ex Philippo natos Philbertum, qui sine liberis decessit, Carolum qui eo tempore Sabaudia imperabat: Ludouicam Francisci Regis matrem, quæ Margaritæ matris una hæres ex lege matrimonio adiecta, Philippi patris loco Amædeo auo succedere debeat, in omnia quæ censeantur eo iure ut diuidi possint inter hæres, & cadere possint in fæminas: quæ omnia cum uindicare Carolus, iure matris iuste repetiisse Regem. Ad hæc: Niceam & Villâfrancam & Taurinorum oppida in fide Comitum prouincia fuisse: quæ omnia Sabaudiani occuparint: ut & arces & uicos complures ex Salasiorum principatu, qui Delphinatus Viennensis est in cluētela. Eam Rex sibi fuisse belli causam proponebat. Sunt qui putent quo tempore Clemens Pontifex Massiliam uenit, uoluisse Regem cum eo ad Niceam conuenire: sed recusante Sabaudiano, dilatum conuentum, translatumque in Massiliam: unde Rex exarserit iracundia auersissimoque semper postea ab eo animo fuerit. Narrant & Pium II, Pontificem Romanum longo antea tempore diris execrationibusque obstrinxisse Sabaudiani familiam, quo ex tempore pessum pedetentum ierint res eorum. Id ut uano rumore dissipatū est, ita ut fama est interdum ueri nuntia, originem sumpsisse potuit ex eiusdem Pii scriptis: Is enim scriptum reliquit, cum apud Martuam conuentum ageret, Regesque hortaretur ad bellum Turcis indicendum, Sabaudianum Ducem, qui multa promiserat, inter primos repertum fuisse, qui spem auxiliū præcideret. Eius filium adolescentem Ludouicum ea arrogantia usum, cum esset Mantuæ proximus, ut nollet inuisere Pontificem, ita à se prædictū, ut & ille regnū Cypri dotale amitteret (quod & paucis postea mensibus accidit) & frustra quoque pulgestis Gallorum Lib. VIII.

ſus opem ab aliis peteret, quam pater Reipublicæ Chriſtianæ negaſſet. Alij, quodd ſe Carolus Sabaudianus totum ab eius amicitia ad Cæſarem tranſiens auerterat: accidebátque ſæpe ut Gallis è Medioloano redeuntibus iniuria inferretur, potioſorem eam cauſam belli referūt. At Cæſar eo animo & conſilio Regem in Sabaudianum mouiſſe aiebat, ut hoc adumbrato, maiora conſequentis belli momenta regeret: & Allobrogum & Taurinorum agros, Inſubrium finibus cōiungeret: commodioremque & ad inuadendos Inſubres expeditionem, & ad receptos tuendos facilius præſidium haberet. Rex Diuione agens, poſtea quam morbo graui liberatus eſt, huius belli conſilia Philippo Chabotio tribuno maritimorum impellente iniit: Heluetiorum etiam opera uſus, qui Gencuates male Sabaudiano placatos, ad ſe iam pelliciebant. Miſſus eſt ad Sabaudianum Gulielmus Poietus eo tempore præſes ſenatus Pariſienſis, qui res maternas, Niciã, aliãque oppida repeteret. Atque is feroci oratione uſus, cū Sabaudianus negaret ſeſe rebus à maioribus ſuis lōgiſſimo tempore poſſeſſis ceſſurum, nec eſſe cur Rex iudicē ſibi aut recuperatorem ferret, apud quem ſecum interdicto contenderet, nec ex iure manu conſertum uocaret, ſibi mox ferro res repetens ueterem amicitiam renuntiaret, potius uero arbitrium æquum ex amicorum albo ferret: proinde libenter compromiſſo ſe curaturum in Pontificem aut alium quemuis minime ſuſpectū, uti Regi ſalua eſſent ſua iura, maxime Sabaudianum turbauit. Eo enim digreſſo mox Chabotius cum multis equitum peditūque millibus adeſſe nunciatur, uix ut Sabaudiano fugiendi locus, indēque ſeſe proripiendi daretur. Is itaque & Cambrienſes, & Sabaudianos reliquos ubique præſidiis impoſitis recepit. Mox in Taurinos proſeſtus, Thurinum, Foſſanum, ac pleraque alia oppida ditione tenuit: Pedemontanamque omnem regionem,

Arnol. Ferroni de rebus qua

quæ Sabaudiano parebat exceptis Vercellis. At Antonius Læua, qui Cæsaris iussu Mediolano præerat, dum hæc parari uideret, repente Vercellis leue imponit præsidium, Cæsarem tota de re admonens: proinde pacis consilia simularet, donec contractæ essent copię. Contractis copiis & Vercellas & Mediolani principatum sartum se illi rectumque præstaturum. Cæsar ad Paulum Pontificem scribens, arbitrio se eius pacis cum Rege de Mediolano reddendo initurum cōditiones recepit. Proinde mitteret è suis fidelissimum unum aliquem: interea ne quid miles in ulla Mediolanensis agri urbes grassaretur. Ea cum celeriter ad Regem essent perlata, misit ille Ioannem Lotharingum Cardinalem ad pacis cōditiones recipiēdas. Interea Chabotius copias Vercellis admovebat. In eius castra misit Læua qui denuntiarent ei, Vercellas antiquum esse patrimonium Mediolanensium principum: dum ineuntur pacis cōditiones, iniquum esse in agrum Mediolanensem impetum fieri. Ita Lotharingi consilio factum, uti à Vercellis copiæ Regis reuocarentur. Nam is interdictum à Rege aiebat, ne quid Galli quod in re aut possessione esset, Cæsaris attingerent. Alij aiunt Chabotium suo pte usum consilio, copias à Vercellis reuocasse: ob quæ postea in odium Regis grauisimum incurrerit. Nam Vercellis receptis (quod alij ei facile, alij difficile tunc uolunt) ad Mediolanum recipiendum facilius patebat uia. Heluetij etiam percusso Sabaudiano ad eius spolia detrahenda aduolauerunt: Geneuatésque in libertatem factionésque suas asseruerunt. At Cæsar de Mediolano reddendo consilia cum regiis legatis iniens, nunc uni ex liberis Regis eo se cessurum aiebat. Nominatôq; à Rege Hērico Aureliorum tunc principe, usumfructum eius principatus cedi sibi à Rege uolebat: ac ne quidem sibi, at ei ex liberis cui daretur. Quæ cum Rex reciperet, cōtractis iam à Læua copiis, cum admonitus

Gestus Gallorum Lib. VIII.

esset nihil instare periculi, totus repente auersus est à pacis
 tandiu simulata conditionibus. Ipse etiam Læna Franciscū
 salassiorum principem, quem fama erat ad Regem profici-
 sci, uti postea Taurino præsiceretur, in suas iam partes pelle-
 xerat. Atque is Lugdunum postea profectus, redeunte iam
 Chabotio cum imperio, circa Fossanum missus: sed adiun-
 ctis aliis multis aequali cum imperio. Caesar è Neapoli Ro-
 mam profectus magnifice excipitur, diuq; concoctum odiū
 male dissimulans tandem effudit. Nam cum Pontifex &
 reliqui omnes patres existimarent eum à pacis non abhor-
 rere conditionibus, repente nihil nisi praelia sese meditari
 ostendit. Conuocatisque patribus & legatis principum &
 populorum si qui adfuerunt Roma, acerba hac oratione &
 fucata in Regem, qui iam spe in Mediolanum peruenerat,
 " usus est. Cum pleraque, Pontifex Maxime, Patres conscri-
 " pri, à maioribus nostris prudenter decreta sint, tum nihil
 " laudabilius, quàm quod uos ipsos & sacris DEI OPTI-
 " MI MAXIMI, & Romana quoque urbis moderato-
 " res esse uoluerunt: ut nobilissimi & integerrimi uiri sacra
 " pie sanctèque tractando, & rempublicam hanc optime ge-
 " rendo, imperij decus honorèmq; tuerentur. Ac maiores
 " quidem nostri, rationes semper coniunctas cum uobis ha-
 " buerunt: sibi id persuadentes, quantuscunque esset imperij
 " decor, per uos magnificentiorẽ reddi: uosque ad parem
 " curam imperij tuendi & augendi hortantes. Quod si ullo
 " tempore factum est, hoc quidem certe faciundum fuit. Sci-
 " tote enim hodierno die statuendum uobis esse, utrum post-
 " hac uiolentos alienorūque principatuum inuasores hor-
 " sari ipsi debeat, ad uiolenter occupatas restituendas res,
 " an etiam sacrorum istorum uestrorum auctoritate tueri
 " malitis. Etenim si illi funesta illa sua arma, propagando-
 " rūque finium immensam cupiditatem, quam legibus no-

Arnol. Ferroni de rebus

stris

„ stris defendere non possunt, sacrosancta ista uestra authori-
 „ tate tueantur, alij ritus, alij Pontifices, alia sacra quærenda:
 „ ad quæ confugientibus ne quiritandi quidem locus sit reli-
 „ ctus. Sin autem pro uestra dignitate & prudentia ea quæ
 „ ab aliis occupata sunt reddi æquum censeatis, erit ratio cur
 „ decreta uetera patrum nostrorum in ornatissimis homini-
 „ bus, & sanctissimis, ad pontificatum sacræque dignitates
 „ præficiendis iure & tueri & laudare debeamus. Atque e-
 „ quidem si est fortis Imperatoris, cum omnia auxilia labefa-
 „ ctari conuelli que uideat, ferre opem reipublicæ, oppressos
 „ recipere, consulere publicæ tranquillitati: est etiam sanctissi-
 „ morum atque integerrimorum patrum, quales uos omni tē-
 „ pore extitistis, intercludere omnes uiolentiarum uias: tollere
 „ faces seditionum & simultatum: hos, qui secus faxint atq;
 „ legibus uestris in rite rebus repetendis statutum est, uobis
 „ hostes decernere. Qua in re quem non moueat Caroli Sa-
 „ baudiani exilium? qui ferro & armis & exercitus robore
 „ tot urbibus, tot castris, laribus etiam patriis cedere coactus
 „ est? Quare labor in hoc uindicando actuendo sit ille quidē
 „ meus: studiū uerò in homine nobilissimo restituēdo cōmune
 „ mihi uobiscum esse debet. Ita enim constituere debetis Pa-
 „ tres conscripti, hætenus causam nullam neque grauiorem,
 „ neque magis afflictam potiusque à uobis suscipiendam, ne-
 „ que ab Imperatore uindicandam ad uos esse delatam. Agi-
 „ tur uerò nihil aliud in restitutione Sabaudiani, Pontifex
 „ Maxime, quàm ut nulla sit posthac in imperio dignitas: in
 „ uobis nobisque præsidium cōtra arma funesta: nullum per-
 „ fugium, miseris à potētioribus expilatis, pulsis, uexatis. Sed
 „ quando Franciscum Galliarum Regem audio sperare ali-
 „ quem se aditum ad aures uestras esse habiturum: & quos-
 „ dam queri dum affinem unum ex meis tueor, potentissimū
 „ me Regem eundemque affinem in me prouocare ruptis sæ-
 „ gestis Gallorum Lib. VIII. Ff.

„ deris legibus , uiolataque affinitate : respondebo non illius
 „ quidem uerbis , quibus ille nullis usus est , sed uiolentiæ , fa-
 ctisque Rege indignissimis : Cuius equidem uiolentiæ ex-
 ercitationem cum incredibili audacia , tum etiam perpetua
 securitate munivit : docebq; semper ab hoc uno ruptas &
 fœderum & amicitia leges , à me uerò persancte hætenus
 cultas & constantissime retentas . Atq; ut incipiā ab initio ,
 & extrema prioribus cōferam : (omittam etiā quo astu in
 clientelam Ludouicus Rex à Maximiliano auo meo rece-
 ptus sit Mediolanensis principatus , iniecta spe certissima
 matrimonij nostri cum Claudia filia .) quis apud uestri or-
 dinis homines de Francisci Regis autoritate industrius :
 quis apud exteros sæpius egit ? quæ tanta contentio ? quæ cū
 proximis similtas , quam ego non pro nostra amicitia susce-
 „ perim ? susceptam reclamante etiam Maximiliano auo ad
 „ extremum perduxerim ? Quis uerò ignorat , dum Heluetiorū
 bello ille implicaretur , & contenderet Maximilianus Cæ-
 sar auus re ipsa , dilectione pater , uti aliò per Galliæ fines
 exercitum in eum mouerem , constantissime id me renuisse ?
 Neque uerò is ipse negabit , quin audita eius Mediolanensi
 uictoria , profligatisque Heluetiis gratulatus ei sim de tanta
 uictoria : ut miraretur familiares nostri quid accepto uicto-
 riæ nuntio tantopere letarer , Henrico etiam Nāsonensi Co-
 mite ad eum misso . Nec uerò temporaria fuit ea gratulatio :
 fœdera inuicem pepigimus ætissima , quibus ego filiam
 eius sanè quàm libenter uxorem accipiebam . Atqui hanc
 totam coniunctionem conspirationemque nostram certi ho-
 mines calumniis confictisque uanis rumoribus diremerunt :
 hortantes eum ad insulas imperij Maximiliano defuncto
 nobis præripiendas , quas tamen Germanorum opè ad me
 „ deferri uidebat . Ita multis ad deprauandum paratis , splen-
 „ dore honoris obiecto suspicionibus , eorundem & confictis
 Arnol. Ferroni de rebus sermonibus

„ sermonibus exacerbat^{us} ille, totum se ab amicitia nostra
 „ auertit. Iamque ab eo tempore quo uterque imperium am-
 „ biremus, inter nos obtreſtatio quædam nata eſt: etſi legato
 „ apud me ſuo interea hanc honoris petitionem ſaluis fœde-
 „ ribus amicitiaque noſtra futuram receperat. Videte ut ſa-
 „ cta uerbis reſponderint. Vbi uidet me cunctis ſuffragiis Ca-
 „ ſarem renunciatum, obſides à me flagitat pecunia nomine,
 „ quam curatores mei reſtoresque adoleſcentia pacti fue-
 „ rant regni Neapolitani ergò. Ac mox deſuncta filiola, cum
 „ qua mecum matrimonium pactum fuerat, iniicit nouam
 „ mentionem de Renata uxoris ſuæ ſorore ducendâ. Expe-
 „ ctabam quorſum ea obſidum eſſaſagitatione tenderet. His ne
 „ putatis eum contentum? Imò uerò legatis miſſis in Germa-
 „ niam illos quidem in me acuebat: illos ad libertatem uoca-
 „ bat: proſuſus ut nouarum rerum initium mihi expectandū
 „ fuerit, ni gliscentem iam ſeditionem compeſuiſſem. Quin
 „ & Robertum Marchianum eodem tempore in fines meos,
 „ & Henricum Alebreti principem, ſubmiſſis ualidis equitū
 „ peditūque copiis, in Nauarrorum regnum immiſit: coa-
 „ ctus ſum tandem ab inſtituta mea cum eo amicitia deſili-
 „ re, & cum Leone Pontifice agere de meis finibus tuendis,
 „ ueterique imperij patrimonio recipiendo. Ita expulſis Gal-
 „ lus è Mediolano, cum ille ipſe cui tantos ſpiritus adeſſe uide-
 „ tis, captiuitate mei iuris eſſet factus, nihil durius in hominē
 „ bello captum cogitaui: at potius quo pacto reconciliata in-
 „ ter nos amicitia perpetua eſſet: captiuum in Galliam remiſi;
 „ pacta ei ſorore in matrimonium. Et fuerat quidem indica-
 „ tum nobis antequam ipſe dimitteretur, pradiſiſſe eum, ubi
 „ liber ad ſuos reduſſet, nequaquam ſe fœderis leges ſeruati-
 „ rum. Ita mox reuerſus, fœdera Madriſienſia fregit: authôr-
 „ que fuit fœderum Italicorum quæ ad me Italia pellendum
 „ ipſe ille primus cum Pontifice Clemente, Franciſco Sfortia,

„ Veneris, Hērico Britannia Rege iniit: contractisque quantū
 „ nunquam antea copius, Lautrecum in Italiam misit: qui &
 pleraque Mediolanensis principatus loca recepit, & Ge-
 nuenses subegit, spēque iam deuorans Neapolitanum re-
 gnum, uirum fortissimum Neapolim misit: ubi quæ strages
 Gallorum fuerit, ipsi recordamini. Admonitus tandem &
 bello fessus, fisci que inopia coactus resipiscens, rursus noua
 fœdera proposuit: quæ & ipsa à me recepta sunt Samaro-
 brinenſi conuentu. Restitutique ei liberi obsides: quibus re-
 ceptis renouatisque fœderibus apud Bononiam, cum Gæ-
 briele Grandimontano eius apud me legato. Cū Viennā
 solymanus obsideret, ego autem in communem hostem no-
 stræ persuasionis expeditionem pararem, pro ueteri reconcili-
 ataque nostra amicitia petī, iuuaret me nummorum par-
 „ te qua posset: quod ille tam præcise negauit, prorsus ut exul-
 „ ceratum eius animum agnoscerem. Neque uerò clanculum
 à rebus nouis abstinuit. Scitis enim ipsi Marauillium lega-
 tum eius, quod nouis rebus studeret, Mediolani cæsum: to-
 tæque Germania submissos qui uarie in me homines extim-
 mularent. Nam bellū quidē uirtē bergicū suo ære gestum,
 ne ipse quidem negare solitus sit, Hactenus audistis ab illo
 in pace bellum, in bello pacem quæsitam: uidistis hominē,
 in uado sollicitum, in rebus latis obnunciatorē, & qui quā-
 libet ratum auspiciū omine incommodo dirimere solitus
 sit. Præterea quod grauitè me tulisse non inficior, aliquot ex
 meis bello captos, trēmibus addixit, nec prius soluit quàm
 ego multos liberarem, quos ipse querebatur remigiis meis
 addictos. Per Dinteuillanum quoque Italicos aliquot prin-
 cipes sollicitauit: nihil opinor aliud captans, quàm ut uos li-
 bertate per me parta priuaret. Iam uerò quid commemorē
 „ Sabaudianum affinem meum, propinquum eius, in mei cō-
 „ tumeliā fortunis omnibus spoliatum, nullo iudicio, non

• rite repetitis rebus? Cum tamen eum ipsum non ignoraret
 • fœdere Samarobrinensi adscriptum. Ferebam ego te iandu-
 • dum Franciscæ Rex, ferebam: aliquando animum commo-
 • tum ad ulciscendas tuas iniurias reuocabam ipse & refle-
 • ſtebam. Cedebam amicitiæ: dabam multa affinitati: tribue-
 • bam omnia publicæ tranquillitati: distrahi me nolebam à
 • bello Turcis inferendo. At ubi uideo nullum tibi te statuere
 • modum, urgeri me sentio ad conatus tuos comprimendos.
 • Sabaudiani isthæc principatus occupatio, quorsum tendat
 • agnosco, ut facilius uia pateat ad Mediolanum recipiendū.
 • Quid ille speret, & quò animum intendat aperte intueor,
 • diffluentem copia rerum omnium, & sese ignorantem, ut
 • retunderem iandudum admonitus sum. Sabaudiani di-
 • tionem occupauit, ut ad Mediolani principatum inter nos
 • controuersum hoc corollarium adderetur. Verum hoc quod
 • iandudum factum decuit, certis de causis ut facerem adduci
 • non potui. Nunc denique obuiam tibi eundum est, cum tan-
 • dem neminem esse uideam quin agnoscat fœdera omnia à
 • te uiolata, iniuste affinem meū tot urbibus oppidisque spo-
 • liatum. Atque ego quidem ita existimo, patres conscripti, si
 • de pacis conditionibus inter nos non cōueniat, è re esse Chri-
 • stianæ reipublicæ, nostras ut lites controuersiâsque singulari
 • ipsi certamine dirimamus. Nec tamen in eam partem hæc
 • accipi uelim, quasi nulla sit spes inter nos concordie. Ego
 • quidem contendam atque enitar, ne quis publicæ paci de-
 • fuisse me queratur. Nam Regem ipsum expletum Sabau-
 • diani miseriis, ad æquas forte uenturū pacis condiciones nō
 • despero. Quod si neglexerit, cum & uetera & noua omnia
 • fœdera ruperit, cum nullo iure Sabaudianum inuasert, cū
 • iudicio animi certo perpetuum se hostem imperij declararit,
 • spero futurum uti repressos eius conatus audiat. Vos qui-
 • dem facta nostra comprobare æquum fuerit: reuocare ho-

„ minem ab instituto ueteri aliorum opprimendorum . Ego
 „ quantum cura, diligentia, uiribus contendere potero, enitar
 „ ut libertatem uestram tucar: afflictamque fortunam affinis
 „ mei uindictam . Hæc ille cum dixisset, Pontifex hortatus est
 cum ad pacis conditiones ineundas: sibi persuasum dictitās
 esse futurum uti a quibus cōditionibus acceptis, ab armis Rex
 discederet. Cæsar præcidit omnem spem pacis, ni Allobro-
 gica oppida & Subalpina nuper occupata, Sabaudiano
 redderentur. Eam Cæsaris in se orationem cum intellexisset
 Rex, longo postea interuallo missis ad Pontificem legatis,
 has literas dedit quibus sese purgabat illi, Cæsarisque ora-
 tioni responderet. Eas cum sciam à Rege ipso dictatas, ma-
 lui historiæ ueritatem secutus huc adscribere, quàm nouas
 ipse rationes orationis sue comminisci . Sunt autem hæ Re-
 „ gis literæ. FRANCISCVS GALLIARVM
 „ REX PAVLO PONTIFICI MAXIMO,
 „ CARDINALIBVS, LEGATIS, SENATVI
 „ QVE ROMANO. S. Maximè uellem, beatissime
 „ Pater, amplissimi Cardinales, & diuersarum gentium cla-
 „ rissimi Legati, tum præsentem mihi adesse contigisset, quum
 „ istic Carolus Cæsar, ea quæ illi mecum intercesserunt, longa
 „ oratione uobis commemorauit. Commodius enim ad singu-
 „ la capita respondissem, neque suspensa nunc iudicia uestra
 „ tenerentur, oratione tantum alterius percepta . Sed quoniā
 „ id mihi non licuit, existimaui mihi esse scripto satisfacien-
 „ dum, ad ea duntaxat, in quibus non tam res mea, quàm
 „ honos agitur: quod uos rei ueritate ante oculos proposita, fa-
 „ cilius in quo totum contineatur iudicium, intelligatis. Quā-
 „ quam id ipsum quoque, quàm mihi sit futurum difficile, nō
 „ ambigo: quod quum neq; Cæsar legatis apud se meis, illius
 „ suæ orationis exemplum tradere, neque legatus eius, quæ de
 „ scripto mihi recitauit, eorum mihi describendorum copiam
 Arnol. Ferroni de rebus facere

„ facere uoluerit: ego ad ea tantum respondere possum, quæ
 „ uel ipse memoriæ utcunque commendaui, uel meorum ad
 „ me literis sunt perscripta. Sed me in iis difficultatibus, tuæ
 „ me, beatissime Pater, æquitatis, rectissimi quæ iudicij persua-
 „ sio, & quam de illo uestro amplissimo confesso opinionem
 „ concepi, plane recreant ac reficiunt: magna uero me spes te-
 „ neat fore, ut nuda ueritatis causa, etsi ob has difficultates
 „ iniquo imprimis loco constituta, tamen aditum ad omnium
 „ & singulorum aures omnium affectuum uacuas inueniat.
 „ Ac ne diutius expectatione uos teneam: Sanè Caesar, dum
 „ quæ à se faciunt, amplificare oratione: contra quæ à nobis,
 „ aut subterfugere reticendo, aut obscurare dicendo uoluit: mi-
 „ hi eius quam texendam suscepit historiæ dimidiam tantum
 „ partem attigisse uisus est, atque ex tota causa, id quod sibi
 „ commodum esse iudicauit, elegisse. Veluti (nam & ego o-
 „ mittam uanam spem nuptiarum cum Claudia iniectam,
 „ quam & ille sibi omittendam putauit) dum ab eo exordi-
 „ tur loco: quod quum ego primū ad regni hereditatem sum
 „ uocatus, illustrissimum uirum Anaxonensem Comitem ad
 „ me miserit, retinenda firmandæque inter nos amicitia gra-
 „ tia, simul meminisse debuit, se à nobis reiectum eo tempore
 „ non fuisse, quo potissimum hæc amicitia inter nos concilia-
 „ tio, magno sibi futura erat (uti certe fuit) præsidio: ut scilicet
 „ (quod maxime omnium rerum cupiebat) è manibus se sub-
 „ duceret Margaritæ amicitia sua, & ab aui Maximiliani (qui
 „ tum eius tutela ingrati & inuiti administrabat) potestate at-
 „ que imperio ereptum assereret. Atque dum adicit (id quod
 „ ego etiam tum ex legatis apud se meis literis intellexeram)
 „ se acceptis de uictoria mea, de quæ receptione Insubrum nu-
 „ ctis, non minorem cepisse animo uoluptatem, atque ex alia
 „ quacunque re fuerit accepturus: cur me sperare non debuit,
 „ si par illi successus contigisset, eodem in se beneuolo futurum

„ animo? qui quàm illi eius rei memoria obstrictum esse me
 „ sentirem, nunquam prae me dissimulanter tuli? Sed hoc meo
 „ iudicio subiicere non debuit, se tum auo Maximiliano mo-
 „ rem non gessisse, à quo scilicet, ut dum ego eo bello implici-
 „ tus essem, aliunde mihi bellum inferret, urgeretur. Naque
 „ ut hoc ne aggredederetur, obligatum se iurisiurandi atque exi-
 „ stimationis periculo intelligebat. Adde, quod eodem ipso
 „ illo tempore, ego egregiam illi, & ex animo nauabam ope-
 „ ram: neque mihi antea esse conuiuescendum putavi, quàm
 „ ut ille Hispanias omnes (quæ non adeò lubentes illum Re-
 „ gem accipiebant) dicto sibi audientes habuerit. Nec cuius-
 „ quam ego quàm ipsius stare uelim testimonio, quid tum ego,
 „ quid legatus meus à me ita iussus, ex ipsius commodo uti-
 „ litatēque suscepit atque perfecit: fauorūque meus & au-
 „ thoritas quantum rebus ipsius opis atque incrementi attu-
 „ lerit. Addit subinde, pacti sibi cum altera filiarum mearum
 „ matrimonij mentionem. Ego uerò persancte me asseuero,
 „ quum ad me de obitu earum allatum est, non maiorem ex
 „ patrio sensu dolorem cepisse, quàm quòd ereptam mihi hanc
 „ uidebam arctioris cum illo amicitiae conciliationem. At
 „ quum subdit, eo tempore quo ego & illi ad imperij digni-
 „ tatem unà uterque aspiraremus, subortam primum inter
 „ nos fuisse quandam ueluti obtrectationem, & simultates
 „ subinde natas: quanquam ego tamen eius apud me legatos
 „ saepenumero professus erā, me perinde hanc honorum peti-
 „ tionem existimare, atque si eandem uterque puellam am-
 „ biremus: meque adeò (ut cunque res casura esset) in eadem
 „ uelle cum ipso amicitia integra inuolatāq; permanere. Ego
 „ proculdubio iis me uerbis apud eius legatum usum esse non
 „ negabo, neque non orationi meae uoluntas consentiebat.
 „ Quod uerò quaeritur, ubi Caesar fuit renunciatus, me obfi-
 „ des ab eo flagitasse, non contentum ad amicitia nostra fir-

Arnol. Ferroni de rebus

mamentum

„ mamentum superioribus fœderum uinculis: ad hæc nouam
 „ illi matrimonij mentionem cum Renata meæ uxoris soror-
 „ re iniicisse: nihil dissimulanter fateor, à me omnes esse initas
 „ rationes, ut hæc nobis amicitia sancta esse posset atque sem-
 „ piterna. Atque adeò, si cùm filiarum mearum natu maior
 „ mihi fæto erepta esset, altera tam tenera ætate, ut nuptiarum
 „ expectatio diuturnior esset futura, ego nihil mihi humana-
 „ rum rerum prius agendum esse iudicaui, quàm de renouân-
 „ da (nam ea res noua non erat) cum Renata matrimonij mē-
 „ tione: perspicuum ne hoc facere Carolo potuit, me quacun-
 „ que posset fieri ratione, retinendæ eius amicitia studiosissi-
 „ mum fuisse? Nec aliò spectant, quam hic ipse obiectat, obse-
 „ dum efflagitatio. Etenim quòd annua centena nummum
 „ aureorum millia, quæ mihi ex fœdere Neapolitani regni
 „ ergò pæctus erat, diutius quàm par erat debebantur: Ego,
 „ ne concidente fide ob dilatam multorum annorum pensio-
 „ nem, amicitia quicquam decederet, obfides aut potius præ-
 „ des esse mihi flagitandos duxi: quos utique petiturus non
 „ eram, si ad constitutam diem mihi Carolus nomē dissoluif-
 „ set, poterat enim id nomen expunctum esse multorum fide,
 „ qui expromissores se offerebant ultro quò fidem eius libera-
 „ rent. Cuius procrastinatio tametsi paulo mihi diuturnior
 „ uisa est, non adeò tamen ex ea commotus sum, ut (quod ip-
 „ se quirirat) ego uel in Germania quicquam aduersus eum
 „ per legatum meum sollicitauerim, uel Robertum Marchia-
 „ num ulla ratione in eum concitauerim. Mandaueram equi-
 „ dem legato meo, ubi sacri Romani imperij ordines, quibus
 „ cum me tum peruetus amicitia, tum principatus Mediola-
 „ ni ratio sociarat, per occasionem mihi saluaret: meque ostē-
 „ deret non ignatum esse, quænam mea esse deberet, & cum
 „ illis societas, & erga illud ipsum sacrosanctum Romanum
 „ imperium obseruantia. Et legatus quidem ille meus in co-

Gestis Gallorum Lib. VIII.

„ fidei reum non esse. Ego uerò non modò toto itinere, ex quo
 „ id fœdus ietum fuit, sed etiam ad Fontem rapidum, quo
 „ primùm ex loco sum liber dimissus, etiam maiore quã dum
 „ essem Mantuæ, præsidio ac diligentia obseruabar: adeò ut
 „ obstrictam illis fidem habuisse, qui diligentia suã potius
 „ quàm fidei meæ confidebāt, nullo iure condemnari possim:
 „ imò liber & cum libertate fidei, atque sine ulla obligatione,
 „ me ad meos receperim: multum me iis debere arbitratus,
 „ qui plurimū opera studique ad conficiendum reditū meū
 „ contulissent. Quare quod addit Cæsar, fuisse sibi antequam
 „ ego dimiterer, indicatum, ex me plerosque audiuisse non
 „ seruatiū iri eius pacis & fœderis cōditiones: ego id me dixif-
 „ se nō dissimulabo: uidebam enim eiusmodi esse conditiones,
 „ quas seruare neque si poterā, debuissim, neque ut uellē, po-
 „ tuissim. At fœderis Italici societatis, à qua sibi ut liberos mihi
 „ meos restitueret, denunciatum fuisse inquit, eò cōtracta fue-
 „ rat, ut per eam Cæsar ad æquiores adduceretur conditiones,
 „ & redemptionis meæ pretio contentus esse uellet. Lautre-
 „ canam uerò expeditionem, sicut omni assueuratione confir-
 „ mo ad liberandum captiuitate Pontificem initio susceptam
 „ fuisse, ad quod maiorum meorum exempla me inuitabant:
 „ ita fateor me liberato eo, & Cæsare ita pertinaciter omnes
 „ recusante cōditiones, omnis ut spes pacis iā sublata esset, op-
 „ portunitatē hanc, ex adornati iam exercitus occasione, am-
 „ plexum fuisse. In quo bello, si quod obiecit Cæsar, occu-
 „ buit Lautrecus dux fortissimus, imò (quod dissimulare ne-
 „ queam) bona pars exercitus fœdè periit: tamen negare non
 „ poterit, quin si Deo Optimo Maximo uisum fuisset, ita meū
 „ exercitum à pestilenti clade, sicut ab hostium ui adhuc fe-
 „ cerat, defendere, aliò atque inclinauerit, rem omnino incli-
 „ naturam fuisse. Porro Samarobrinenſis conuentus indictus
 „ quum fuisset, ad ea mitiganda, quæ in Madriuliensi pactione
 Gestis Gallorum Lib. VIII.

„ iniqua nimis, neque tolerabilia uiderentur, non modò nihil
 „ mitigatum est, sed adiecta aliæ præterea non minus iniquæ
 „ conditiones: quas ego tamen accipere sum coactus, quòd me
 „ tederet indigna ac diuturna liberorum captiuitatis, quorū
 „ calamitas ex dulcissima commendatione naturæ, mea mihi
 „ calamitas esse uidebatur. Quod uerò me ille facit in uado
 „ sollicitum, & ueluti dirarum obnuntiatorem: Vtinam uero
 „ accidat resipiscerent, ut tandem quibus ego obnuntio eò co-
 „ natus eius spectare, ut libertate omnium conculcata, domi-
 „ nationem sibi ille immensam per aliorum ruinas compareret,
 „ cuius rei iam ab adolescentia dedit ille documenta maxi-
 „ ma, eruptura aliquando in perniciem eorum, quorum ille
 „ uiribus aduersus nos abutitur. At mihi prius omnia Deus
 „ Optimus Maximus eripuerit, quàm illud iudicium quod
 „ non modo Cæsari concesserim, ut Regia aliquid maiestate
 „ indignum patrans, fasces illi submisisse uidear: at ne patri
 „ quidem meo, si reuiuiscat, ut patiēte me Gallicā maiestatem
 „ minuat. Ego quidem is sum qui contumeliam tam grauter
 „ feram, quàm diligenter caueo iniuriam ne cui faciam. Quæ
 „ igitur præclarus ille uindex libertatis, seruitutem omnium
 „ expectans hætenus molitus est, in eam partem accepi, ut
 „ mirabiliter offenderer. Auxit dolorem fœdus clandestinum
 „ cum multis Italiæ Regulis ipsoque Sabaudiano, qui uicinū
 „ mihi mallet Cæsarem quàm se ipsum propinquum meum.
 „ Instabat ille acrius, perfecitque ut nisi de uetere mea sentē-
 „ tia depelli mallet, & existimationis meæ, & salutis curā
 „ abiēcisse uiderer. Saluti meæ consului. Vicinum inimicum,
 „ delicias Cæsaris, ad Cæsarem compuli. Inclusum illud odiū
 „ multarum in me contumeliarum effudi. Missus est contu-
 „ meliæ sanguis: nihil postea residuum apparebit. Ac quan-
 „ quàm multis artibus ita eum conualuisse uidebam, ut nunc
 „ Respublica ad resistendum imbecilla esset, ferebam tamen.

Arnol. Ferroni de rebus

Quæ

„ Quæ cum ita sint, nunquam uel in maximis rei gerendæ op-
 „ portunitatibus, ut à pactione discederem, aut in eam quic-
 quam offenderem, adductus sum. Imò uerò, quo tempore
 Turcarum exercitus bellum in Austriam circumtulit, (ad
 cuius rei mentionem Cæsar reuocat) ego Balansono, qui
 ab eo missus, cataphractos equites & pecuniariū à me fla-
 gitabat subsidium, quanquam de pecuniis quidem non as-
 sensi, quòd nummularius non sim, à quo pecunias flagitare
 Cæsar debeat, cui tum satis esse oportuit, quòd uicies cen-
 tena millia nummū aureorum à me recens accepisset, ta-
 men obtuli liberaliter. Quod maiores mei, quibus nihil un-
 quam est præscriptum, ubi de suo aduersus hostem religio-
 nis ageretur officio, præstare sunt soliti, id me perlubentem
 „ esse Christianæ reip. præstaturum: ut copias scilicet meas
 „ omnes (etsi multæ mihi tum proponebantur à bello quiescē-
 di occasiones) tamen ipse præsens uel ad tuendam Italiam,
 cui tum etiam Turca imminebat, uel aliò quouis, & quæ-
 cunque rei postulare necesseitas educerem: ita tamē, ut Cæ-
 sari nihilominus principem, ea in expeditione locum non
 grauaret ex officio cedere: ac ne suspecta cuiquam essent ui-
 res meæ, potiozem exercitus mei numerum ex milite Ger-
 manico conscribere. Quòd si eò uocatus fuisssem, eo procul-
 dubio descensurus eram apparatu, bonam ut partem eo ex
 bello accepturus fuero uel gloriæ uel periculi. Iam quod
 attinet ad Bononiense fœdus, atque Marauillij cædem, mei
 apud Franciscum Sfortiam legati, non uideò quare Cæsar
 horum mentionem facere hoc loco uoluerit. Nam Bononiensē
 quidem fœdus quem ad finem ictum fuerit, plane omnes
 recordamini. At Marauillij cædes, etiam ut ille quicquam
 aliter molitus sit, atque illum decuerit, (id quod minimè mi-
 „ hi persuadeo, certè nullum à me huiusmodi habuisse man-
 „ datum scio) tam indigna tamen fuit, tam sceleris & nefan-
 Gestus Gallorum Lib. VIII.

„ di flagitiū plena, ut antea nunquam existimauerim Franci-
 „ sci factum à Cæsare probatum iri: qui quo amplius atque
 „ latè patens habet imperium, eo plurium legatorum opera,
 „ atque apud plures ut indigeat, necesse est. Quanquam (ut
 „ uerum ingenuè fatear) ubi me intellexi de tā immani scele-
 „ re, apud ipsum Cæsarem, affinem ac fœderatum meū, Fran-
 „ cisci uerò dominum, à quo tam atrocem acceperam iniuriā,
 „ frustra querimoniam detulisse, commotus sum sanè: neque
 „ dissimulabo, nihil quicquam unquam mihi accidisse tam
 „ improuisum ac inopinatum, quàm hoc turpissimum sfortiæ
 „ facinus laudatorem Cæsarem habuisse. Quod subinde Cæ-
 „ sar obiecit, à me præter Samarobrinense fœdus, quædam
 „ aduersus eum in Germania esse constituta, atque imita con-
 „ silia, maximèque bellum Vuirtembergicum meo ære fuisse
 „ gestum: Primum hoc iterum profiteor atque agnosco, me in
 „ Germaniam legatos sæpenumero misisse. Nam & ego, &
 „ maiores mei, coniunctas semper habere uoluimus cum Ger-
 „ manis principibus & ciuitatibus rationes. Etiam nostra
 „ memoria uisum est, quamuis inter se Cæsares & Galliarū
 „ Reges bello contenderent, Germanicæ tamen & Gallicæ
 „ nationum amicitiam, ac societatem non ideo fuisse dissolu-
 „ tam. Tum à me pecunias esse Vuirtembergæ Duci nume-
 „ ratas, nunquam inficiatus sum. Ex eo enim Montis Pelli-
 „ cardi oppidum emeram, quod is tamen anno uertente (ut
 „ internos conuenerat) refusa pecunia redemit atque recepit:
 „ me non perlubente profectò, qui oppidum illud quàm pe-
 „ cuniam mihi maluissem: in quos autem usus ille pecuniam
 „ esset cōuersurus, nunquam ad me pertinere arbitratus sum.
 „ At hoc magis miror, non fuisse hoc loco à Cæsare præter-
 „ missum, de quo ego quàm honestè queri possit non uideo:
 „ aliquot uidelicet ditioni eius subditos homines, bello à meis
 „ captos, diutius fuisse in trivremibus asservatos. Simul enim
 Arnol. Ferroni de rebus meminisse

- „ meminisse illum oportuit, quàm indignè meos *triremium*
 „ *suarum* addixisset *remigiis*, præter æquum & honestum,
 ac per summam iniuriam, à liberorum meorum *obsidum*
famulatu comitatūque ui abstractos. Simul suos cum fa-
 teatur statim meis ab se missis, per me quoque fuisse libera-
 tos, ignorare non potuit, à se ipso moram fuisse, quo minus
 ipse suos quoq; maturius ex me reciperet. Quod adicit in se
 quosdā ex Italia principes uiros, à me fuisse per Dinteuil-
 lanū sollicitatos: Ego id mihi certè nō facile persuadeā, cū q̃
 nullum à me Dinteuillanus mandatum ea de re acceperit,
 tum quòd nullum mihi cum Casare bellum intercederet.
 Quòd si mihi aliquot insignes ex Italica nobilitate uiri me-
 reant, haud uideo quemadmodum Casar initorum in se
 „ consiliorum, aut uiolatorum fœderum insimulare me hoc
 „ prætextu possit. Qui si uoluerit, dum tam creber est in com-
 memoranda libertate Italiæ per se restituta, hoc interim I-
 talicæ nobilitati iugū imponere, ut ab eo cū recesserint, mor-
 talium nulli dare nomen audeant: hoc certè fuerit libertatē
 eorum simulatione propugnationis expugnare, ac re ipsa
 seruitutem, mentito nomine libertatis imponere. Atque ut
 iam ad Mediolani principatū ueniamus: sape mihi Cæ-
 sar per legatos ad me suos significauerat, nisi fidem ipse Frā-
 cisco Sfortiæ iam obstrictam habuisset, eum se principatum
 mihi omnino traditurum fuisse. Itaque mortuo Francisco,
 sublatōque eo excusationis prætextu, quum uenisse tempus
 uiderem, deesse mihi ea in occasione nolui. Misi, qui eum
 principatum mihi à Casare repeterent. Significauit ille, sese
 uni ex filiis meis æquiore animo traditurum. Aureliorum
 ducem nominaui, in quem ut ego potius quàm in aliorum
 quemuis hunc trāsferri principatum cuperem, multæ me
 „ & magnæ rationes inuitabant: quas quoniam ego non ad
 „ regni mei pacificationem tantummodo, sed ad totius etiam
 Gestus Gallorum Lib. VIII.

„ Christianæ reipublicæ pacem, ocium & quietem pertinere
 „ maximè arbitrabar, Cæsari explicandas & commemorā-
 „ das curavi: etiam atque etiam rogans & obsecrans, ut quæ
 „ sua esset ea de re mēs, animi status, & cogitatio, mihi aper-
 „ tē & ingenuè indicare uellet: quemadmodum & ego mea
 „ omnia consilia candidissime, citràque omnem dissimula-
 „ tionem eius oratori exposueram. Tandem post multas ul-
 „ tro citròque nuntiorum & literarum misitationes, orator
 „ eius acceptis (ut aiebat) ea de re mandatis, Cæsarem mihi
 „ asseueravit postulatis meis assensisse, tantum ut principatus
 „ eius ususfructu cederem, quem deberi mihi conten debam.
 „ Nolui hanc unam reliquam ususfructus controuersiam re-
 „ tinendæ inter nos amicitie moram ullam asferre. Cessi, re-
 „ nunciaui, Cæsarem animi ac sensus mei certiore feci, plane
 „ ut iam nihil uideam, quod pacem inter nos & amicitiam
 „ impedire possit, modò quæ legatus eius est pollicitus, ea dū-
 „ taxat præstare Cæsar, & cauere sibi æquis tantum & ho-
 „ nestis conditionibus uelit, quemadmodum eo ipso tempo-
 „ re, quo hæc inter nos tractabantur, se facturum affirmabat:
 „ atque si alias proponeret, satis signi se daturum, se nolle o-
 „ mnino ut inter nos conueniat. Igitur dici non potest, à me
 „ stare quominus pax inter nos fiat, quum in easdem ipsas
 „ conditiones, quæ mihi sunt ab eius legato propositæ descē-
 „ derim: à quibus ipse si decesserit, omnis in eum neglectæ
 „ pacis culpa, nulla in me residebit. Ego enim retinendæ pacis
 „ tam sum & fui studiosus, ut etiam superiori tempore, quo
 „ nec mihi Cæsar, nec liberis meis Mediolani principatum re-
 „ stituit, nihil aduersus eum molitus sim. Imò quo tempore
 „ Turcicus exercitus in Austriam mouit, non modò à bello
 „ quieui, sed copias etiam meas (ut nunc dicebam) obtuli. Et
 „ cū Cæsar expeditionem adornaret in Africā, ego (ut ipse
 „ uoluit) cum omnibus pacem colui: & quod facere tum po-

Arnol. Ferroni de rebus

seram

„ teram minore (quàm nunc obtinente Italiam Casare) im-
 „ pendio meo & periculo, à repetendus & recuperandis meis
 „ abstinui, nec conuellere ea uolui, quæ tum faciliè potuere cõ-
 „ moueri, cum multi ex Italia proceribus oppressi illius iu-
 „ go iam extollere caput, & aliquando iniecta spe aduentus
 „ nostri recreati, se erigere inciperent. Contudi hac parte ani-
 „ mum & fortasse uici, si per Casarem liceat. Qua in re tuam
 „ in primis conscientiam Paule Pont. Max. implorare mihi
 „ libet. In cæteris uerò omnibus, quæ ad Christianæ reipubli-
 „ cæ quierem & commoda pertinent, nulli concedere uelim
 „ Christianorum principū, ut ea maiore quàm ego, persequa-
 „ tur affectu ac studio, cuius mei instituti esse possunt indicia,
 „ solida satis & expressa, Gallorum meorum mores ac disci-
 „ plina. Quamobrè, beatissime Pater, uosque amplissimi Car-
 „ dinales, & clarissimi Legati, ea satis omnibus nota patien-
 „ tia, qua mihi factas iniurias hucusque tuli: hæc ditaria mea
 „ filiorumque iura, iam tandiu per alios me ferente occupata:
 „ interdictum, ne quid mei, quod in re aut possessione Casaris
 „ esset, attingerent: copiarum mearum à Vercellis de medio
 „ quasi iam desponsæ ac destinatæ uictoriæ cursu reuocatio,
 „ & statuis in castris, ne quid tumultus excitaretur, colloca-
 „ tio: constituendæ pacis amplissima & libera facultas Car-
 „ dinali Lotharingo permissa: usus fructus, de quo memini ces-
 „ sio, satis omnia declarant, pacè ne an bello iura mea obti-
 „ nere maluerim. Neque uerò sanctitati tuæ mirum hoc loco
 „ uideri debet, si quod sentio liberius profiteor. Nam si occu-
 „ pator alieni, quiritari audet interim ac dolere: ego quid fa-
 „ cere debeam, qui tam ampla patrimonialia ut deam mihi ac
 „ liberis meis per iniuriam auferri, & nostra cum ignominia
 „ retineri? Quod uerò ad Sabaudia Ducem pertinet, non ui-
 „ deo qua ille se tueri aut defendere ratione possit, apud quẽ
 „ toties ex postulatum sit, à quo toties flagitatum rationem ut

„ inire mecum uellet de iis rebus, & quas à maioribus suis
 „ nullo iure occupatas, meo damno possidebat, & quas hæ-
 „ reditario iure pertinere ad matrem meam, ambigere nō po-
 „ terat: quas quum ipsa dum uiueret, sæpe ad eum certos uiros
 „ repetitum miserit, cum mandatis (ut sororem decebat) hu-
 „ manissimis. Ego item ab eius morte, uiros meorum iurium
 „ peritissimos, quiq; iis discipuloribus qui sunt illi à consi-
 „ lio, ea singulatim exponerent, sæpe misi. In quo ego quum
 „ tandiu nihil profecerim, necessario mihi ueniendum ad ar-
 „ ma fuit. Qua in re uerò nihil à me peccatum est in ea fæ-
 „ dera, quæ cum Cæsare mihi intercedunt: quibus etsi prohi-
 „ beret, ut ne cum ullo Italico principe aduersus illum consi-
 „ lia communicem, non uideo qua ratione bellum istud Allo-
 „ brogicum ad se spectare Cæsar arbitretur, uel ad eam cau-
 „ sam ullo modo pertinere: quum interim exercitus meus (uti
 „ nunc dicebam) nihil earum rerum ne attigerit quidem, quæ
 „ ab eo rescuerint quo iure quâ ue iniuria possideri: atque ut
 „ ne id facerent, diserte à me fuerit omnibus interdictum. Ne-
 „ que enim si fœdere Samarobrinensi Sabaudia Ducis men-
 „ tio inter Cæsaris fœderatos iniecta est, ideo tamen earum
 „ rerum quas is ad me pertinentes occuparet, ius in eum esse
 „ translatum intelligo. Nam neque is eo in fœdere, uelut qui
 „ cum iniretur, intercedit: neque uox de rebus meis quæ ab
 „ illo tenerentur ulla eo in conuentu missa est. Itaque ex ui-
 „ eius fœderis, neque cedi, neque renunciari potuerunt. Atqui
 „ ego & antea speraui semper, & nunc etiam spero fore, ut
 „ Carolus pro necessitudine affinitatē que nostra, meam po-
 „ tius iure ac legibus nitentem, quàm iniquam Sabaudiensis
 „ causam sibi esse suscipiendam ducat. Quanquam hoc ego
 „ tamen uideo (quod satis mirari non possum) ceterorum, qui
 „ & ipsi armis in Sabaudiensis bona inuasert, factum à
 „ Cæsare non reprehendi, dumtaxat reprehendi meum, qui cū

Arnol. Ferroni de rebus

illo

„ illo sim maximis uinculis & propinquitatis & necessitu-
 „ dinis coniunctus, & ea tantum recuperare uelim, in quibus
 „ luce clarius inu habeam, & non nisi ritè repetitis rebus ar-
 „ ma ceperim. Atque adeò beatissime Pater, paratus sum san-
 „ ctitati tuæ, si hoc ita libuerit, iura mea omnia ex tabulis au-
 „ theticis explicare: ut quæ dico nihil penitus à uero discrepa-
 „ re intelligat. Quòd si ille in animū induxerit suū, quæ mea
 „ sunt, mihi reddere, ego uicissim, si quid à meis praterea occu-
 „ patum est, non grauabor illi restituere. Quare desinat ali-
 „ quando Cæsar nobis præscribere quid moliri audeamus:
 „ desinat nostra fœdera cum Sabaudiano communicare: de-
 „ sinat si quæ ab illo occupata sunt repetimus, de suo aliquid
 „ detractum opinari. Desinat sperare nos Mediolanum repe-
 „ tētes à progressu arcere, à reditu refrenare, occupatis Salas-
 „ siorum ipsiusque Sabaudiani oppidis, & arcibus, quas iā
 „ spe hauserat. Non succumbam eius conatibus, experiarque
 „ & tentabo omnia, neque desistam abstrahere à seruitio Cæ-
 „ sari regnum nostrum. Est mihi tanti huius inuidiæ falsæ
 „ tempestatem subire, dum modò à Francis meis huius nefa-
 „ riæ seruitutis periculum depellatur. Iam quod Cæsar inquit,
 „ si de pacis inter nos retinendæ conditionibus non possimus
 „ conuenire, è re atque commodo fore Christianæ reipublicæ,
 „ nostras ut controuersias singulari certamine dirimamus:
 „ Ego quum hætenus, si quis uitæ meæ splendori notam ul-
 „ lam allinere tentauerit, abundè mihi satisfecisse uideat: &
 „ quum hæc duelli à Cæsare commemoratio, uoluntatis tan-
 „ tiū declaratio, non etiam prouocatio esse uideatur, aut de-
 „ coris atque honestatis nostræ oppugnatio: Ego, inquam,
 „ breuiores esse nostros enses existimo, quàm ut congredi tā-
 „ to interuallo disincti possimus. Quòd si nos propius occa-
 „ sio aliqua stiterit (id quod credibile est omnino futurum, si
 „ res ad arma redierit: egoque ut ita accadat sanè quàm lu-
 „ cestis Gallorum Lib. VIII. Gg ū

„ benter dabo operam) atque situm Cæsar eandem retineat,
 „ quam nunc se habere ostendit decertandi mecum uolunta-
 „ tem, meque tum ad certamē prouocauerit, non recusō, quin
 „ si ex istimationis meæ defensionis defuero, probi me atque
 „ graues uiri, inter profligatæ famæ homines repudiant: id
 „ quod mihi acerbius futurum esset, quàm certamen ipsum
 „ formidolosum: A qua sententia si me abduci uideat Cæsar,
 „ ab eo sponsione me laceſi non inuitus audiam, iusto eum
 „ sacramento mecum eo nomine contendere, mariumque ex
 „ iure conferere tabellis obſignatis uolo, ei que hic uadimonii
 „ polliceor, quod lubentiſſimè obibo. Sed quod ſubinde Cæsar
 „ declarauit nihil accuſandi, aut ſuggillandi mei cauſa ſe di-
 „ xiſſe: neque dicta ſua ita uelle à quoquam accipi, quaſi o-
 „ mni pacis ſpe ſublata, iam claſſicum ueluti cecinerit: Ego ue-
 „ rò non minimam ea ex re uoluptatem me cepiſſe profiteor.
 „ Porro hæc ſunt, beatiſſime Pater, ampliſſimi Cardinales, &
 „ clariſſimi Legati, quæ apud uos commemorari uolui, non
 „ accuſatorè, aut lædèdi cuiuſpiam animo, ſed purgandi mei
 „ cauſa: utque omnes intelligant, quàm ego in publicæ pacis
 „ ſtudia, commoda rei publicæ, propenſiſſima ſim uoluntate,
 „ atque omnem ad arma cum Cæſare deueniendi culpam à
 „ me ſemper abſuturam, ſicut adhuc abſuiſſe perſpiciant: id
 „ quod omnes ſine ulla dubitatione iudicatuſque ſpero & cō-
 „ fido, quicumque ſecum diligenter reputauerint, ad quas ego
 „ me continendæ pacis ſtudio demiſerim conditiones. Ferunt
 „ Ioannem Bellaium legatum Regium, cū exprobraret Cæ-
 „ ſar Regi fœdera cum Solimano inita, multis uerbis liberè ei
 „ reſpondiſſe, fregiſſeque ſummo Purpuratorum ſilentio Cæ-
 „ ſaris faſtum. Illuſit deinceps nimia imperij propagandi
 „ cupiditas Carolo Cæſari. Exceptus Neapoli & Roma ma-
 „ gniſicè, incitatisque Itatorum uocibus, iam ſpe Galliæ hau-
 „ ſerat: triumphos Iulij Cæſaris meditabatur. Augebant ſpē
 „ Arnol. Ferroni de rebus undique

undique plaudentes Italia urbes. Nanque è Roma decedē-
tem Senenses omni honorum genere profuso exceperunt: at-
que eo loco obuium habuit Ioannem Lotharingum cardina-
lem, qui ad sedandas controuersias ad Pontificem mitte-
batur, atque is cum Casare collocutus, non alienum à pacis
conditionibus putabat: præsertim qui non ut purpuratum
unum è multo, sed ut Regem ab eo se exceptum uideret. In-
de Florentiam Casar perueniens ab Alexandro Medice Flo-
rentinorum Duce, Florentinâque omni nobilitate hilariter
exceptus, Lucam peruenit. Vbi iterum è Roma redeuntem
Lotharingum (quippe mutatis sæpe iumentis redierat) ob-
uium habuit. Casar Forum Nouum, ille classe in Galliam
rediit. Ex Foro Nouo accito iam Germano milite, Hispanoq;
instructo exercitu pergere cœpit: Placentiam peruenit, ob-
uiâque habuit Sabaudiani & Sfortiæ nuper fato functi
uxores. Sabaudiana mariti exilio suoque mota, uariè in
Gallum accendit Casarem. Inde Mediolanum perueniens
consilia omnia belli inuit, misso Antonio Laua, qui Fossa-
num urbem occupatam ualido Gallorum præsidio oppu-
gnaret. Ipse interea Asta commoratus, oppugnationis eue-
ntum expectabat. Antonius Prælius Cardilacus, cui Mom-
pesatio cognomen, Fossanum præsidio sepserat. Laua, im-
missis militibus, emissis ex urbe æneis tormentis, oppugna-
tionem eo deferere die coactus est: admotis machinis sequē-
ti die, cum strata muri parte facilem aditum suis putaret,
maiorē uero opus uidens, distulit oppugnationem: interea ta-
men per strages iacentium, urbem sese introiturum iactitâs.
Sunt qui addant (sed incerto auctore) cum iterum refecta
mœnia strauisset, ac ingenti multitudine lignorum fasciūm-
que è uirgulis contracta, fossas repleuisset, Gallos ex urbe
pice sulphureoque igni uirgultorum fascibus immisso lufif-
se eam oppugnationem: simul Mompesatius ad omnia
Gestis Gallorum Lib. VIII. Gg iij

intentus, globis aeneis uariè Caſarianos inſeſtabat. Læua ubi uidet uim fruſtra eſſe, ad paſſiones uenit: liberum exitū paſtus cum omnibus ſarcinis prædæque: quod Mompeſatio non placebat. Sed multi ſpe prædæ conſeruādæ, ad hæc nobiliſſimus quiſque ſibi ob ignauiam metuens, recipiebat eas conditiones. Et iam his conditionibus urbem Caſariani recipiebant, niſi Sabaudiani uxor, quæ gratia apud Caſarem multum ualebat, præſtantandum ſuis cæde Gallorum uoluiffet. Quid enim, ſi alieni principatus inuaſores, qui primi oppugnati ſunt, præda onuſti in Galliam redeant, non auſuros eos in poſterum? ita iuſſus iterum Læua urbem oppugnare. Et iam annona urbē deficiebat: & ſulphurei pulueris copia. Sed cum ediſto Mompeſatiū ingens pretium addiſtum eſſet eiſ, qui ſulphureum puluerem in urbem inferrent, repente illatus in urbem ingens numerus. Quo factum eſt, ut Læua oppugnationem non tentauit: ad Caſarem ſcripſerit, niſi his conditionibus urbem reciperet, futurum uti nunquam ea potiretur. Nam Capillatus quidam natus ex urbe, cui Vilario nomen Tholoſæ proxima, ueluti tranſfuga exceptus, penuria annonæ non ſe quidem tranſfuſiſſe, (nam ea abundare Gallos ſimulabat) ſed ob patratum facinus in Galliis ſimularat, quæ cauſa fuiſſe uiſa eſt multis, uti mox Caſar deditionis leges acciperet. Miſſo à Mompeſatio ad Læuam Ioanne Santiaſterio, cui cognomen Sanctimartino, qui & ipſe perbelle ſimularet ad Franciſcum ſe miſſum ſalaſtiorum principem, ſciſcitatum uerè ne ad Caſarem tranſfuſiſſet: quæ enim cauſa tot rebus Foſſano inſtructo? Vnde factum eſt, ut Læua ante Caſaris aduentum cupidus urbis recipiendæ, pacis æquas conditiones propoſuerit, receptis tantum equis maioribus, qui ipſi ut deditionis lex ſeruaretur menſi ſunt, intra octauum diem. Sed Læua in Mompeſatiū & Gallicos multos proceres ea humanitate uſus eſt, equos ut Arnol. Ferroni de rebus his

his etiam maiores seruaret. Multi intra octo dies tritico frumentoque equos maiores affatim pauerunt, detracto potu aliquot dierum. Casariani ignari doli, cum equis receptis potu eos satiari non uiderent, primum admirati sunt: mox facta strage multis potu nimio necatis, dolos sentire. Ad Cæsarem quidam profecti spirantem Gallie excidium nacti sunt, quippe aut sese unum è Germanis miserrimum, aut Franciscum Regem unum è Gallis infimum futurum iratus dixerat. Suadebat Læua Cæsari, Taurinos oppugnaret. At Cæsariam Galliam spe uorans, sciens urbem munitam, neque Gallo paratas adhuc copias, in prouinciam Narbonensem per Niceam sibi properandum putauit. Ita pergit ualido instructoque exercitu qui ex Germanis, Hispanis, Italisque constabat, nihil ut neque ualidius, neque instructius nostra ætate uisum periti rerum æstimatores contendant. Primam aciem ducebat Fernandus Toletanus Dux Albæ: ea robore Germanorum & Hispanorum constabat. Medie aciei præfectus fuerat Alphonsus Daualus. Equites cum flore nobilitatis sequebantur duce Antonio Pymentelo proximo Cæsare. Extremum agmen ducebat Ioannes Fernandus Mauricus: uelites excursorésque attributi Ferdinando Gonzagæ, qui magna celeritate copias prætergressus, infesta omnia iam Gallis reddebat. His tantisque Cæsaris copiis sese adiunxit Andreas Doria, cum ueteranis Italis aliquot militibus, è Genua profectus, unà cum Salernitano: hi Antipoli urbe prouinciæ expilata, Massiliensem oram infestabant. Ferunt Hispanos ceu ad certam prædam cõtendentes, Galliam ingressos, obuolutos genibus Cæsaris, prostratosque inuicem gratulantes uisos Cæsari, qui agros Gallie feracissimo suberrimosque eis attribueret. Quasi summo in imperio id esset æquius quod potentius. Et quò certior esset Gallie inuasio paratiórque Cæsari: uno eodémque tempore ea dum

Gestus Gallorum Lib. VIII. Gg iij

à Cæsare parantur, actus raptim multis Burgundionū Germanorumque millibus, Henricus Nansous in Gallia Belgica parte, quæ Cæsaris imperio parebat, Peronam urbem inuadere cepit: ea capta Lutetia admoturum se copias iactitans, uel solum cum uictore exercitu, uel adiuncto Cæsare: cui uictori adiuncturum sese copias palam ferebat. Simul eodem tempore cum Franciscum Salasiorum principem ad Cæsarem transfugisse hostes uideret, nihil nisi Gallia excidium expectabant. Cæsar instructo exercitu properans obuiam neminem habuit, donec peruenit ad turrim cui Domina cognomen. Ibi caduceatore premisso qui denuntiaret, ut se dederent extrema passuros, id tantum audiit, deditionem ne expectaret: denique, pro fide se ruituros. Itaque admotis machinis peditūque Hispano, qui turris occupanda curam receperat, toto die continuata oppugnatione, multis Hispanis caesis, in quibus fuit Garzilassus Larzegus, homo rei militaris peritissimus, tandem arx ui recipitur. Qui in praesidio relictī erant, ferè omnes in oppugnatione necati, pauci atque hisauctū supplicio affecti. Inde uentum ad Aquas Sextias, eum locum attribuunt multi Aquensi ciuitati, quam destitutam à Gallis Cæsar ingressus est. Rex apud Viennam consilio de summa rei habito, salutaria eorum audiens consilia, qui expectandos Heluetios et peditum Aquitanicum aiebant: ad quem scribendum Henricus Rex Nauarrae iam pridem missus fuerat. Dum paratur copia, trahendi belli consilia probauit: atque ut à tergo tuta omnia relinqueret, Franciscum Marchianum, et Philippum Dammartinum Comitem praefecit Peronae, excepturos Nansoum. Cæterum imminens ei cura de Cæsare erat, quem nondum Auenionē Diuentiamque trāsisse sciebat. Anna Momorantius summæ rei praeficitur. Ioannes Paulus Rentius Cabellionem mittitur, cum delecta equitum peditūque

Arnol. Ferroni de rebus manu.

manu. (hunc locum Cabelliorum coloniam ueteribus fuisse prodi dere.) Ianus Caraciolus Melphitanus princeps, & Ioannes Boneuallius. Arclatum: Antonius Pratius Mompesatius, & Antonius Rupifocaldus, cui Barbesio cognomen, Massiliam. Castra non longe ab Auenione posita: ubi & Heluetiorum & Germanorum & Aquitanorum cum Francisco Calmontio Lausuno, Narbonensium Gallorumque plus quam triginta peditum millia, equitū lectissimus numerus appulit: Summo ordine à Mommorantio locatae copiae. Castris locus is delectus, quem neque Caesar ui expugnare, & situs munitione & militum robore deterritus, neque eo à tergo relicto latius uagari audebat. Igne ferroque provincia uastata à Mommorantio: si quid usui hosti esse posset, corruptum: sterile ac inops solum & uacuum relictu: ficus & uineas aiunt summo consilio minimè corruptas, famelico & egenti hosti, ut ad cibum in praesens collaturas, ita expleto ac sub dio recumbenti parum salubres. Quod si Caesar nondum accitis à Gallo auxilium Auenionem occupasset, multo omnia Gallus duriora futura creditum est. Accidit ut Monteianus & Boysius & Ioannes Boneuallius, qui paulò antea missi erant ad ludificandos hostes, uariè Caesarianos exciperent. Ferdinandus Gonzaga cum mille quingentis leuibus equitibus Transium arcem occupans, cum Monteianum & Boysium uico quodam proximo excubare audiret, eò mox aduolans, & Boysium & Monteianum multis necatis captos abduxit. Boneuallius uicum sciens parum aptum ad hostem repellendum, eadem nocte longius secesserat. Interea Caesar ad aquas Sextias rationem inibat, si quo tandem pacto pontem aedificans Druentiam tranaret. Sed cum obnoxium se Gallorum incursionibus uideret, consilium abiecit. Et paucis post diebus, cum molas circa Druentiam aedificasset, ob tantas copias alendas, Pau-

lus Rentius è Cabelione cum delecta Gallorum manu pro-
 diens, molas deiecit: iamque aduentante Gallico equitatu,
 prodeuntibusque Hispanis, aliquot horis, uariis excursioni-
 bus decertatum est, non sine hostium caede, multis etiam His-
 panis captis. Ante aliquot dies Turnone occubuit Franci-
 scus Valefius unus è Regis liberis, maximus natu, regno
 successurus. Veneno sublatum multi credidere, idque passum
 tota Gallia uulgatum. Rex ipse literis ad Germanos scri-
 ptis, tam execrandi facinoris administrum fuisse Sebastianum
 Monticuculanum Comitẽ scripsit. De eo supplicium apud
 Lugdunum sumptum est: isque ab aulico concilio damna-
 tus est. Hunc prodidere in ipso articulo supplicij, & priua-
 tim & publicè professum, authores sibi fuisse patrandi hu-
 ius facinoris Antonium Lauam & Ferdinandum Gon-
 zagam: seque primùm à Ferdinando multis oneratum pro-
 missis, quò tollendos uiros aliquot primarios susciperet, ad
 Casarem esse intromissum: à Casare esse rogatum de regij
 cibi & potus ratione: ad Antonium Lauam, ut quæ ille
 imperaret exequeretur, missum: Lauam ut Regem primũ,
 & ex suis aliquot ueneno tolleret mandasse. Caterum Cæ-
 sarem nihil grauius toto eo bello accepisse aiunt, quàm huius
 facinoris in se relationem: palàmque contestatum, maluisse
 se toto prius priuari imperio, quàm uel leuissimam rationẽ
 talis ueneficij adornandi inire. Francisco adolescenti tollen-
 do ecquid ueneno opus fuisse, qui grauissima æstate è Tur-
 none longissimè uagatus, æstu sitique exagitatus, mediõ-
 que in itinere identidem haustu aquæ refrigeratus fuerit,
 qui & aulicarum amore arderet: alioqui magna indolis,
 ingeniique ad rem militarem paratissimi. Cæsar interea A-
 relatum obsidere parabat: sed dissuadente Laua dilata op-
 pugnatio. Ibi inter oppidanos & milites ingens orta sedi-
 tio, quam multi à Ioanne Arfaco Aquitano excitatam uo-
 lunt.

„ lunt, ob coniectos in carcerem aliquot gregarios milites, qui
 „ Italos aliquot Regi militantes obruncarant: uix ut à lo-
 „ anne Carmalio, cui Fuxeo cognomen, Aquitanorum pe-
 „ ditum præcipuo ductore milites temperarint. Victi impetu
 „ facto liberati sunt: ob quæ parum absuit, quin de milite se-
 „ ditioso supplicium sumeretur. Arsacus & plerique alij ni
 „ fuga sibi consulissent, malè mulctati fuissent. Eodem loco
 „ idem Fuxeus igne ex sulphureo apparatu temerè concepto
 „ perustus, magnum adiit periculum: uixque tandem obie-
 „ cta chlamide, beneficio militis seruatus est. Iam Casaria-
 „ nos annona deficiebat, fœda lues stragèsque hominum &
 „ equorum: id Caesar intuitus Massiliâ obsidere cœpit. Egres-
 „ so è castris Casare obuiam undique Gallici equites excur-
 „ rentes, acriter cum Casarianis pugnam inierunt. Sed acci-
 „ derat priori die, ut egressi aliquot Gallici equites, in qui-
 „ bus fuere Gaspar Polignacus Regius, Philippus Lanus
 „ Roccechalius, Gasto Riuerius Aquitani, excepti ab equi-
 „ tatu Caesaris circuirentur. Itaque uulnerato Philippo La-
 „ no, dum sese nostri recipiunt, mixti hostes in urbem fere-
 „ bantur, ni & Galli portis exclusi fuissent. Lanus paucos
 „ post dies ex uulnere obiit. Sed Caesar qui ad Fanum Lazari
 „ properabat, cum emissa ex urbe machina prostratum unū
 „ è pueris suis aulicis uideret, ne uisa quidem urbe, obsidionis
 „ consilium seposuit. Interea & Margareta Valesia Regina
 „ Nauarra, & Rex in castra peruenere, acclamante milite
 „ educeretur in hostem. Et planè constat non alias instructio-
 „ res uisas copias, non paratiores ad dimicandum. Tot exteræ
 „ nationes ea concordia fuere, nihil ut auditum sit quod ul-
 „ lum commoueret: nisi quod inter Aquitanos & Helucios
 „ ob una intercepta leue certamē, sed prudentia ducū mox si-
 „ pitum. Veritus Caesar ne instante iam hyeme opprimere
 „ tur: ad hæc consternatus Antonij Lauæ morte, admonito

raptim milite, uasis minimè conclamatis, præmissis antea machinis bellicis maioribus, inde sese per Niceam & Villamfrancam proripuit. Ipse è Villafranca Genuam contendit. At Ioannes Carbo, cui Mompesatio cognomen, & Ioannes Paulus delecto equitum robore extremum agmen carpebant. Multi quos metus fugientes morabatur, necati, excepti multi uiarum ignari, sauciorum multi à rusticis ipsis obruncati: maior tamen pars exercitus salua rediit. Ex eo tempore Mommorantiùs summa gratia apud Regē flagrare cœpit: aliquot post menses Magister equitum à Rege renunciatus. Quò Cæsar celerius abiret, factum est etiā Regis prudentia. Nam is ad Cæsarem Fulgosum scripserat, daret operam collecta quāta posset militum manu, res Genuensium tentaret: ita apud Mirandulam à Guidone Rangonio collectus hominum octo millibus, quibus adiuncti sunt Canis Gonzaga, Federici Boij Gonzagæ nepos, & Fulgosus, latè agros Cæsarianorum populati, non longe ab Alexandria illi perueniunt. Ergo fugam medians Cæsar, ad Fulgosum opprimendum præuerti commodius ratus, leuem armaturam præmisit, naualesque copias Doricæ, ut improuisa hosti superuenirent. Iam Fulgosus Genuam oppugnabat, iam uexilla Gallica fixerat in urbem ferè occupatis, cum repenti aduentu Doricæ & Cæsarianorum, partam ferè urbem deferere coactus est: admonitus etiam à Gallis instare Cæsarem cum totis copiis. Ita & Canis Gonzaga & Fulgosus cum Rangonio obsidionem soluerunt. Ceteri proximos montes occupauere, nequicquam sequentibus Cæsarianis. In multos Genuenses, qui conscij putabatur urbis Fulgoso regio nomine tradendæ, uariè quæsum: multi damnati, multorum bona publicata. Sed & Fulgosus & Canis, aliorumque discordia, magno impedimento fuit ad res accelerandas. De Francisco Salassiorum principe,

Arnol. Ferroni de rebus qui

qui hoc bello pro trās fuga à Gallis traductus est, uariè proditum est: at duces Gallici initio suspectam eius fidem habuere: & Michael Antonius Salasiorum princeps, fratris iunioris animum à Gallo auersum saepe conquestus est. Is Casare in Gallos aduentante cum Ioanne Villebono, Mompesatio, Tiercelino, Ioanne Sanctiasterio deliberat, adueniente Antonio Laua, commodius ne sit, uel Cenilanum, uel Conium, uel Fossanum praesidio immisso tueri: quippe distrahi copias inutile uidebatur. Placuit deligi Fossanum: nā & arx urbem munitiorem reddebat, & propugnacula quaedam. Decretum est uti Mompesatius Villebonus, Franciscus Salasiorum princeps, in urbem introeant. Sequenti die cum hi introiissent, excepto Francisco de quo iam illi dubitabant, missus est ad eum Ioannes Sanctiasterius, is cuius supra meminimus, cui Sanctimartino cognomen. Hic ad eum perueniens, meditantem altaque suspiria trahentem nactus, se missum ait à Mompesatio ecquid placeret Fossanum, uti decretum erat, tueri, paratos reliquos, multum spei
 „ in eius aduentu constitutum. Ille attonito similis, Mihi uerò
 „ ait commodius, si Conium tueamur. Sed haec praesens mox
 „ docebo: Nec plura locutus, sequenti die ad Casarem se proripuit. Ab Antonio Laua ad quē postea dū Fossanū obsidetur, Sanctiasterius missus est, apertè sibi renuntiātū aiebat, toto prius biennio quæsisse Salasiorum principem occasiones ad Casarem transeundi. Alij indignatum, quod pro regis nomine abrogato, Cabotio parère cogeretur: simul seductum à Laua, quī ei nuptias conciliabat, per quas Monferratensem principatum Casar ei redderet, ad Casarem aiunt transisse. Quo tempore Casar relicto Thurino per Niceam in Galliam inuasit, Thurino praerat Claudius Ennebaldus praelatus à Philippo Cabotio, Monteiano, qui & ipse urbis custodiam affectarat: prudensque fuit consilium
 Gestis Gallorum Lib. V III.

Cabotū, qui ubi Lotharingum ad Casarem proficisci uidit, ad pacis tentandas conuentiones, mox Thurino muniendo quā propugnaculis extruendis, quā fossis, quā aggeribus totus incubuit. Ibi Listenaius uulnere accepto, & brachio comminuto in excursione militari, post aliquot dies decessit, qui magnam sui concitabat opinionem. Casare Genuam reuerso, tentatæ sunt pacis conditiones, at frustra. Is deinde in Hispaniam rediit, relicto Alphonso Daualo Mediolani. Is mox collectis Hispanorum Italarumque copiis, nouas res moliri cœpit. Principio Quiersium urbem oppugnare frustra cœpit: mox auctis copiis rediens, urbem deditione facta recepit: inde Daluā peruenit, quam & recepit. Id Galli intuiti, parte alia aliquot & urbes & castra expugnauere. At Daualus suos hortatus Querasum obsedit: præerat oppido Casar Fulgosus. Post aliquot dierum oppugnationem, multis casis, in quibus fuit Luianus Bartholomæi Aluiani filius, Fulgoso inde cum suis omnibus saluo emissio, urbs ab hoste recepta est. Nec cessabat interea Salassiorum princeps Franciscus, qui nuper ad Casarem trās fugerat: isque Quarayum interea Gallis extorserat: atque ita utrinque accensi sunt, ut media hyeme acrius bello urbibusque oppugnandis incumberent. At ea æstate qua Cæsar in Galliam peruenerat, in Belgica Gallia minus ei ex animi sententia res cecidere. Nanque Henricus Nansous, quem Anaxonensem Comitē uocabant, cum uiginti quinque hominum millibus, sex equitum millibus, qui ex Menapiis ac Cliuensibus contracti erant, cum Cæsari uictori circa Lutetiam occurrere se putaret, falsus est. Id Regis industria factum, qui antequam Cæsari occurreret, ualidus præsidis omnia loca sepsit, adhibitis ubicunque strenuis hominibus. Circa Morinos Bernuliensem Canaplum è Crequiorum familia: ad Montrolium ipsum Crequium: ad Dompierreum Miheriā: Arnol Ferroni de rebus ad

ad Dourlanum Bouchanneum, constituerat: Borbonio Vindocinensi, & Claudio Lotharingo Guysio summa imperij tradita: uiderent, agerent, ne quid toto eo tractu, cui Picardia & Campania nomē inditum est, hostes nocerent. Sed hi cum exiguis copiis occurrere hosti non poterant, tantum extremū agmen carpentes uariē eos infestabant. Nansous instructo exercitu gradiens ubique prædam abigebat: incendiis omnia fœdabat: Tupignium arcem casis qui in præsidio erant, recepit. Arcis custodem (quando locum extra militarem disciplinam asseruarat, nam ita militari disciplina uolunt cautum, quasi ceteræ res parum grata in bellis sint aut pia) ad portam arcis necauit. Ad Guysiam mox urbem petrexit, (ea est hodie munitior) desertā urbem occupare expilatis omnibus, ut & Ribemontium. Mox ad Fanum Quintini peruenit: (id alij Sancto quintinū uocant) nactusque situm urbis & audaces oppidanos, & qui intus in præsidio erant ad Peronā perrexit. Lacus parte una ingens urbem alluit: urbs modica, arx paruula, turris potius quā castri nomē retinens: sed cincta mœnibus satis ualidis, quæ fossis quas aquæ alluūt, cinguntur. Expugnata Perona nō difficilis uia ad Lutetiā patebat: idq; Rex intelligēs, Marchianū & Philippū Bolauillierium, cui Dāmartini comitis nomē passim inditum, homines probatæ fidei & rei militaris peritos urbi præposuerat, cū duobus peditū millibus, quibus Sarcus & Saissenallus præerat. Sape hostes post quassata mœnia in urbē irruerunt: semper pulsī: ut pluribus locis cū impetū facerēt, multū laborandū fuerit ducibus, ne quid urbi accideret. At oppidani ipsaq; mulieres ultro militū munere fungebātur, murus deiectus: latè multi tormentorū impetu discerpti, ut accidit Tasto Burdigalensi. Nansous ubi uim male uidet succedere, cuniculis castrum tentat adoriri. Sed ea in re contrariis actus cuniculis opera & in-

industria Dammartini, inanis eius fuit conatus: exitiosaque nimia industria & cura Dammartino, qui intra ipsos cuniculos proruens, magnum sui desiderium reliquit. Ita post longum tempus soluta obsidio est. Ciues obstrenuam operam, tributis in aliquot annos à Rege liberati. Laudatur ea in obsidione uirtus & scribæ Peronensis, & lanū cuiusdā, qui Cæsarianorum impetum soli sustinuerunt aduersus innumeros, dum interea Gallici milites imparati adcurrunt. Sed & commendatur Claudius Lotharingus Guysius, qui cum omnes aditus armati hostes obsedissent, trecentis militibus immisissis obstupefactos ac perterritos Peronenses recreauit: equites quidem Francisci, strato muro corpora negauere sese obiecturos hosti: Itaque ciuibz ipsis hæ partes suscipienda fuisse. Eodem tempore Domirijs unus è Cæsarianis, ex multis copiis quæ Hisdinierant, apud Cæsarianos lecto fortissimo quoque Fanum Requierij uicinum intercipere conatus est. Intromissi mox ibi centum pedites: sed hostis recens parum aberat quin uiperrumperet. At mulieres ipsæ pice aquisque calidis & feruentibus admotis, mœnia scandentes uiris admixtæ, ita uirorum officio functæ sunt, ut re infecta multis casis redire coacti sint. Sed & à mulieribus uirili habitu dimicantibus, extorta hosti duo uexilla. Alter ex Cæsarianis Regnauiillus, cum in Bononiensem agrum uicinum incurrisset, Desuernensem uicū cum castro expugnauit. At Odoardus Biesius qui Bononiæ præerat, acceleratis nocte itineribus, cum lectissimis copiis aduentans, sepsit recumbentem cum suis Regnauiillanum. Itaque cum locus esset inutilis ad uim experiendum, admoventurque machinæ, qui se uictorem crediderat uictus est: ipseque captiuus cum suis omnibus Bononiam abductus est. Cognita hoc bello Biesij uirtus, quem & Rex prius in consilium uocarat, deliberaturus quo pacto Cæsari occurreretur,

reret, atque is post aliquod tempus tribunus militum designatus est. Eadem hyeme, qua supra Daualum multa moliri docuimus, Iacobus Scotorum Rex in Galliam ueniens, magnifice exceptus est. Data est ei in matrimonium Margareta Regis filia: qua post aliquot menses in Scotiam perueniens, insigni mulier uirtute, extincta est. Nuptiæ Lute tiæ ea pompa celebratæ, quasi una ea cura Regem mancret, cum interim in Pedemontanorum finibus Daualo occurrendum potius fuisset. Sunt tamen circa id tempus Centrones, quos Tarantasios uocant, à Francisco Borbonio Paulino Comite, & Gulielmo Fustembergō uic expugnati, prædæque ingens abacta: ubi etiam Federicus Fuxeus Candalius Comes adfuit. Euerant autem Gallici equites ab iis sæpe direpti, in quibus & aliquot ex alis Maugironi. Conflanum eorum oppidum tum miserè incensum. Sunt & apud eosdē duo fana, Fanum Petri Mosteri, Fanum Iacobi Montani. Posterius hoc fanum, quod & oppidi nomen retinet, munitum postea est à Gallis: quo & lacus uicinus & amnis prætersuit. Conflanenses in Maugironi militum ferociam, quasi fuissent omni diritate terribili, multa postea effudere. In eius loci oppugnatione laudata est solertia Zachariæ Castetiaci, qui in lacum mento tenus progressus, hostes globulus fistula ferrea emissus feriebat. Carolus Consius Aquitanus ex Santonum nobili familia, tum Thurino præerat: huic Burio uulgarius cognomen est. Certior factus Casale minus diligenter asseruari, incitatusque ciuium aliquot promissus, qui agrè Mantuanum in urbem tum aduentantem excipiebant, frequentes milites silentio noctis educit. Galli signo dato celeriter occupant urbem: ut Hispani custodes qui castrum munitissimum præsidio tenebāt, uix se à Gallorum manibus eriperent. Salui tamen castrum, quod ab urbe separatum est, urbēque ualidius ingressi, per Mantua-

num, Daualum, quitum Astæ militem reficiebat, certiores
de urbe capta faciunt. Is integra nocte cum septem aut octo
hominum millibus, nec uentis nec imbris deterritus, eò
mox aduolat: sensere Galli hostium aduentum, ex urbē ne
prodirent deliberatum est: nam auxilium expectare se Bu-
rius aiebat ab Guydone Rangonio, qui author urbis inter-
cipienda fuerat. Committitur tota urbe prælum ipso Bu-
rio acriter dimicante, leuibisque aggeribus ut tempus
postulabat diductis. Post longum certamen uicti Galli, mul-
ti capti, ex captis multos aiunt liberaliter dimissos. Ipse Bu-
rius captus, eo prælío fortitudinem militis, & prudentiam
ducis ostentans. Nam si perculsis Gallis Daualus institisset,
haud dubiè Thurinum in summum uertebatur discrimen.
Diuerso euentu à Casarianis parte alia pugnatum. Nam
cum Franciscus Salassiorum princeps Carmagnolam ur-
bem intercipere pararet: etsi numero Casariani superiores
erant, loco tamen freti Galli, irruentes multis casis depulere:
Rauellum quoque tentantes, plerisque desideratis inde sese
propriuere. Ea urbs sita est loco plano: arx eo tempore non
admodum munita: ipse cum duabus machinis qua parte
sitæ sunt arcis portæ, cum murum sterneret, & minus aptè
uideret tormentorum magistrum ictum dirigere, tormentum
ipse suo loco diduxit, directurus ictum quā commodius ui-
debatur. Dum hæc tentat pila plumbea circa humeri partē
superiorem ictus concidit, haud ita longe à materna domo.
Annus agebatur millesimus quingentesimus tricesimus
sextus, cum ad Ambianum contractis lectissimis copiis, ubi
cum decem Germanorum millibus Gulielmus Fustember-
gus Comes adfuit, & Anna Mommorantiis: deliberauit
Rex in Belgicam Galliam progredi: adfuerunt plusquam
triginta peditum millia, equitum septem. Cum his copiis
Rex pregressus, Auchium mox expugnauit, deditioe no-
luntaria

luntaria loco recepto. Inde Hisdinum contendit. Vrbs mox impetu facto, cum Casariani deditionem recusarent, expugnata est & direpta. Casus tamen in oppugnatione Dunchius, & Helius vulneratus; ambo rei militaris habitum non imperiti. Casariani sese in arcem vicinam recipere sanè quàm munitissimam. Admotæ machinæ nihil proficiebant: rari inueniebantur, qui se ad eam inuadendam accingerent, ob perpetuum strepitum hostilium machinarum, à quibus multi passim prosternebantur. Vnus tamen inuentus Brondasius Cauderoto uico Aquitanico in Vasatum præfectura natus, qui constantissimè murum subiens, impetitus plusquam mille leuibus machinis saluus redierit, & ut expugnari posse locum docuerit: ob quæ à Rege multis mox sit donatus muneribus. Circa præata uicina erat turris ingens arci imminens. Iam multos dies frustra Rex consumpserat: aderamque à Britannicæ Regis legati qui eum admonerent, locum esse naturæ inexpugnabilem, ob quæ iam rumor percrebruerat totis castris soluturum Regem obsidionem. Redibat tum è captiuitate Casarianorum Carolus Consilius, cui Burro cognomen: atque is à Petro Nauarro edoctus, in cuniculis agendis multum solertiæ comparasse uidebatur. Huius consilio, ea turris quam diximus curiculis ætatis, prostrata est aliqua ex parte. Simul per biduum admotæ machinæ ad aliam turrim, quæ diui Christophori nomē retinet. Quæ dum Casariani uident, ac iam apertum ad irruptionem locum, diffidere sibi cœperunt. Castrensis qui à Rutio missus loco præerat, ad Regē de deditione acturus uenit cum aliis Casarianis. Conuenit uti saluis omnibus & rebus & impedimenti illi abirent. Ita locus receptus munitissimus: quæ quidam ut expugnari primum potuisse, alij, nisi sibi hostes diffusi uoluntaria deditionem fecissent, inexpugnabilem uolunt. Receptus autem est mense Aprili millesimo quingentesimo. Gestus Gallorum Lib. VIII. H h 4

resimo trigesimo septimo. Rex arci Sarcusum praefecit, & Piennem attribuit ei duobus peditum millibus & aliquot equitibus. Comes Sanxerrius iunior in eius oppugnatione casus est, & Pombrianus Spurius. Inde ignobilibus aliquot locis receptis, Fanum Pauli ab hoste relictum Rex munire cepit: id passim Sanctopaulinum uocatur: loco munito Ioannem Toteuillanum, cui Villebono cognomen, cum Moyencurtio praefecit: his attribuit peditum duo millia, eorum qui militabant sub Martino Diuetorio, Renato Sancti-aubino, & Salleo. His ita constitutis, cum Bethuni oppugnatione, uicinarumque aliarum urbium difficillima uideretur, Rex in Galliam dissoluto exercitu rediit. Interea Casariani instructo exercitu (cui Comes Bureus, Darfcotus, Aurengius filius Anaxonensis Comitis, Despinogus, Rentius interfuere) cum triginta peditum, sex equitum millibus passim uastare Galliae fines capere: & uidentes Fanum Pauli parum munitum, eò mox adcurrerunt, toto triduo admotis machinis quassata sunt munitiones: impetus saepe in urbem factus. Gallici duces occurrere, modò hostem pellere, modò tanta multitudine fatigati, loco parum fidere. Tercio die eo impetu hostes in urbem irruere, ut post aliquot horas ui loco potiti sint. Moyencurtius cum diutius impetù eorum sustinisset, unà cum fratre multisque aliis casus est: Salleus ita uulneratus, ut post paucos dies occubuerit: Villebonus captus est. Hostes Fano pauli direpto Hisdinū ueniunt, ueriti tamen loci munitionem, Montrolium contendunt. Canaplius è Crequiorum familia maior natu, eò mox missus est cum aliquot equitibus, & sexcentis peditibus: urbs uasta maiorem numerum desiderabat. Illi instare, ad-mouere machinas, excidium urbi minitari. Itaque deditione facta, conuenit uti saluis omnibus urbs dederetur. Leges foederis hostes uiolantes, & expilari Gallicos milites, &

Arnol. Ferroni de rebus

urbem

urbem diripere: nec contenti, urbem igne passim tectis immisso delere uoluere. Ita urbs fudo incendio consumpta: Tētauerē hostes Dampierreum arcem, cui Miherueus præerat expugnare: at frustra multis amissis rediere, uico prius expulso. Rex interea ad nouas scribendas copias Henricum filium, & Annam Mommorantium Ambianam misit: ubi quotidie nouæ copię conueniebant. At Cæsariani Morinorum urbem Tarauennam adorti, ualde in expugnanda laborabant. Præerat Morinis Bernuliensis Crequius è Canapliorum familia: iam quassata parte mœnium irruptionem minabantur. At Crequius ubique occurrere, lapsa resistere, aperta aggeribus factis admotisque uirgultorum fasciculis, & sulphureo puluere, ita hosti obstare, nihil ut minus quàm de irruptione cogitarēt: & machinæ bellicæ ita emittebantur ex urbe, ut strages hostium non leuis fieret. Et iam obseſsi integrum mensem obsidionis incommoda pertulerunt, nihilominus fatigati: tantum Bernuliensis Delphinum qui apud Ambianos erat, admonuit, sulphureum puluerem omnem iam consumptum: daret operam ut in urbem intromitteretur, alioqui periculum esse ne hostes uiloco potiantur. Diu deliberatum est quid agendum esset. De consiliij sententia Claudius Ennebaldus cum lectissimis equitū turmis, peditibus trecentis, quibus Brandasius præerat, curā sibi sumpsit cum sacculis breuibus sulphureo puluere onustis, quos singuli & equites & pedites ferrent, in urbem introeundi. Nec mora, ut deliberatum est, frustra hoste iter impediēte, in urbem peruenit. Recreati eius aduentu oppidani, præsertim cum a Delphino maximas quotidie scribi copias ostenderet, quæ soluere hostes obsidionem cogerent. Brandasius cum suis in urbe relictus est. Hostes ignari eiuscē expeditionis, arbitrati id quod erat futurum, ut redirent in castra Gallica, qui eò contenderant, diligentius

uas sepsere: quod in tanta multitudine non difficile illis fuit. Itaque redeuntem Ennebaldum cum suis interceptere, captiuumque abduxere, cum Honorato Sabaudiano, Pienneo, Hageuilleo, Ludouico Praeposito, cui Sensaco cognomē, & multis aliis. Interea cum Delphinus cum lectissimis copiis adesset, actum de concordia. Ea ad Bomium inita est, usque ad decimum mensem, non tamen ut commearent utrinque mercatores: tantum ut utrinque interea bello abstinerēt. Ita ē Morino illi abiere. Ennebaldus deinceps gratia apud Regem multum ualuit: designatusque tribunus militum, liberatusque ē captiuitate. Hunc saluum redire potuisse alij aiunt, cum ē Morino profectus esset, nisi adulescentes aliquot rei militaris ignari, ultro hostes excitassent, occasionemque sequendi dedissent. Ioannes Bertrandus praefes Parisiensis, cum prius in Germaniam missus esset, tunc in urbes Allobrogum seditionum incēdiis flagrantēs, Regio nomine ueniens, humanitate sua flexit, reuocauitque ad officium ruentes. Sic enim imperium temperabat, humanitatem grauitati miscens, ut illis non ingratus dominatus Francicus uideretur. Hæc ideo adscripsi, quando semper illud M. Catonis probaui, qui praclarior scripsit mansuetudine & innocentia imperatoris, quam ui militū prouinciam conseruari. Paulò antea in aulam perferebantur quotidie tristiores rumores de Francis pulsīs: qui quam sine authore essent, non deerant tamen qui mox eos exciperent, & scriptis ex aula literis undique dissiparent. Id edicto coercitum, latiusque Rex fuerat prohibiturus, ni à Petro Castellano ueteris historia fuisset admonitus, quā id prohibentes Amycla silentio ferūtur perisse. Ipsum Bertrandum eodem tempore factione quorundam ad Cambreium Allobrogum urbem narrant ab hoste unā cum urbe interceptum. Sed cum aduentare copiae Regis narraren-

tur, placatis etiam & emissis hostibus, industria illius & liberalitate, seruata urbem. Circa ea tempora Humerius Albam in ditione Monteferratensi hosti ademit, & Cherascum. A Busco oppido submotus est, ut repente ut panico terrore oppressum multi crediderint: alij id in Conij oppugnatione accidisse aiunt. At Alphonsus Vastius, quem & uocant ab auunculo Daualum, interea in Pedemontanorum finibus, post Quersium expugnatum, multaque alia loca ut supra ostendimus, passim agros populari cepit: unde annonæ inopia laborare Gallos erat necesse. Et quando Humerium, qui è Thurino in Galliam peruenerat, redire cum expeditis copiis fama erat, itinera ita sepsit, aditus ut urbis prohiberetur. Id Boutierius intuitus, cum progredi arduum, & tueri urbem salutare uideret Gallia, priuato cōsilio cum delecta militum manu Thurinum ingressus est: ciuiumque animos ob annonæ inopiam territos, solatus est. Irritus erat Dauali labor in oppugnando Thurino, & Pignerolo: itaque tentabat fame ad deditionem urgere. Rex a suis admonitus quo statu res essent, contracto ingenti exercitu, premisso prius Henrico Delphino & Anna Mommoratio, expeditioni se adcinxit. Hostes eius aduentū ueriti, Susam mox urbem reliquere, quam occupabat Cæsar Neapolitanus. Vastius inde Moncalerium peruenit, deliberās eo loco Regem expectare. Rex Taurinū (quod uulgò uocant Thurinum) profectus, magnificè excipitur. Castrum quoque Vilanum, quod ingenti præsidio Cæsariani munierant, ui expugnatum est. multis caesis, dum Burius agit cum præfecto de deditione, parte alia irruente à Gallo receptum. Inde Rex Moncalerium pergit: eius aduentu non expectato, urbe hostis cessit, omni re instructa: ac urbes finitimas præsidis muniit. Dum Quersium se recepit Vastius, sequentibus Gallis ita dimicatum est, ut Rex pugnam expectarit.

Gestis Gallorum Lib. VIII. Hh iij

Sequenti die actum de induciis: hæc à Rege in tres menses concessæ: instante hyeme, cum sciret & Quierisium & uicina alia loca egregie munita. Vastius pactus induciis, ad Regem salutandum profectus, amicissimè excipitur: eique omnè suam operam detulit, in perpetua pacis conduitionibus cum Casare ineundis: quæ iam aperte utrinque tractabantur. Hyeme quæ secuta est, conuenere Regum oratores ad Leucatam: nec tamen pacis conditiones utrinque placuere. Tantum dilata sunt in æstatem proximam, cum Pontifex Niceam uenturus esset. Mense itaque Iunio, anno millesimo quingentesimo trigesimo octauo, cum Caesar non longè à Villafranca uenisset, Pontifex autem Paulus cum catu purpuratorum Niceam, Rex ad Pontificem uisendum profectus, benignissimè excipitur parata extructaque temporaria domo, quæ in speciem castrî nobilissimi esse posset. Eò Rex cum Pontifice uenit, comitatus aulicorum turba, & Gulielmi Fustembergi militaribus Germanicis turmis: iterum ad Pontificem atque iterum etiam profectus. Ad Casarem, qui intra myoparones suos bellicos, ripæ proximis desidebat, Eleonora Regina soror, cum turba aulicarum profecta, porticulo fracto risum mouit Casarianis, qui aulicæ aliquot repente consternatas ipsi aquis circumfusi metu liberarunt. Hoc eodem anno mense Nouembri annonæ caritate uexata Aquitania, & grauius proposito edicto Regio, quo genus id nummi, quo Aquitania abundabat, uelut parum iusti ponderis sublatum est: uulgus id genus nummi uocabat Vaccas Biarnenses: percutiebatur enim ad Morlanum oppidum, & aliis Biarnensis præfecturæ locis. Insigne huius nummi Vacca, gentilitia insignia Biarnensium & Fuxeorura procerum, qui tum illis imperabant. Multi qui sinceros nummos è Burdigala, totaque ipsa Gallia ex portabant, inde quæstum ingentem nacti, relatis nummis minus probis

iudicio senatus damnati: & coacti sincera, iusti que ponderis pecunia enumerata plebeculae, quæ hisce Vaccis abundabat, nummos alios permutare. Tot propositis edictis Regiis, nummaria res nunquam constitui potuit, ut nobis quidem Francis Mario Gravidiano opus sit, quem C. Plinius Romæ instituisse scholam probandi nomismatis ait, ut ægrè fallere possent adulteratores nummi: tam iucunda plebi lege, uti Mario uicatim statuas dicarit: quanquam sunt apud nos & collegia huiusce rei, & iudices innumeri. Principio huius bellicum Georgius Monlucus scripsisset, pedites educiturus eos in hostes, fratrique educendos commisisset, ù in oppidum Albignorū, cui insula nomen, peruenientes, cum moleste ferrent aditu se oppidi à ciuibus arceri, in oppidum peruenere: Libidine matronas uirginésque polluere. Vnde proscripti omnes postea à Rege, cum & iunioris Monluci precibus nullus adduci potuissent, quin secus atque in hostico prædarentur. Sic exitu posterioris belli à Bernardo Deueso conscripti pedites, ad Mōrauellum uicum Petrocoriorū, in rusticos grassati sunt: palamque acta omnia & quæstiones in reos decretas exuissere, uexaueréque suos hostili ferocia. Hæc ut gesta esse narrant Gallici annales, bona fide appēdimus. Caterum exteri fere scriptores in rebus præsertim Subalpinis, eadem & pressius & diligentius & fidelius quoque multis retulisse uidentur: quæ nos quoque operæpretium facturi uidemur, si ut simpliciter prodita sunt, scripserimus. Ordiantur illi à Caesaris in Narbonensem provinciam irruptione, qui Andrea Doria maritimum omne imperium, Subalpinum Salutiano decreuerit, Salmonem peditatui præfecerit, Casarem classe uectum, stipatum cœtu nobilissimo, & Tuscorum cohortibus appulisse Veixuinū: ubi conuenerant terrestres copiae omnes duce Læua, & Vastio Daualo, & Ferdinando Gonzaga. Procefferat tamē.

longius cum leui equitatu Gonzaga, circa castrum duobus miliaribus proximum Versui. Ibi plusculos dies cum sedisset Caesar, consilio de summa belli habito, mox Gonzaga imperat Ioanni Chiaciario, praeposito alis leuium equitum, exploret quid moliantur Galli, longèque procurrat is diligenter mandata curans, cum quinquaginta equitibus, natus est Monteianum & Boysium. Ducebant hi cætum cataphractos equites, octingentos pedites, qui iam agros urebant, ne praeda essent Casari. Hæc ille Gonzaga renunciat. Ille summo diluculo pergit Gallos insequi, eductis secum duobus Germanorum millibus, mille Italis, cum infinito numero leuis equitatus. Fixit castra in oppidulum uicinum, quod tribus miliaribus distabat à Gallis, excitatisque suis prima luce, & instructis relicto peditatu, educit sexcentos equites, & in Gallos contendit. Medio itinere erat qui suaderent ne iter acceleraret, accerseret robur peditum. Alij dissuadebant, interposita mora elapsuros Gallos dicentes. Visum est commodius futurum, si ad extremum locum prope Breignollum oppidulum situm inter duos monticulos sese collocarent, aut longe ab hostibus, & reuocarent eo loco pedites. Sequenti die Chiaciarus & Paulus Luxascus, uix dum illucescente aurora, acrius præcurrerunt cum leui equitatu. Repentèque superuenerunt excubiis Gallorum matutinis imparatis: tumultumque miscentes, effecere ut apud Gallos tumultuose ad arma conclamaretur. Nec desunt qui prandentes interceptos putent: alij maluit stertentes adhuc. Multi oppido egressi, celeriter in aduersos hostes incurrunt. Illi Gallicum impetum non tulere: celeriter ad suos se recipiunt. In Gallos longius progressos inuectus est mox Gonzaga cum omni equitatu, incitatus maxime oratione Chiaciari, & Valerij Ursini, cum multi expectandum peditem censerent. Pugnatur utrinque acerrime: æqualique Marte dimi-

.. Arnol. Ferroni de rebus .. catum

catur est aliquot horis. Multi ex hostibus caesi, in quibus
 fuere Stephanus Dapnius Parmensis, & Polccanus Bo-
 noniensis. Procedente pugna, cum ferre ultra nostris tantam
 uim hostium non possent, qui imparati cum paratissimis
 congresserant, cedebant Galli, instabant Hispani cum leui
 equitatu. Ita undique caesis Gallis multi sese proripuerunt.
 Monteianus & Boysius capti. Sequenti die Læna se cōiungit
 cum Gonzaga: deinde cum robore copiarū Caesar, a quo co-
 miter capti excepti sunt. Inde peruenit Caesar ad Fanū Mag-
 dalenā, tandemque ad Aquas Sextias peruenit, castris in
 planicie fixis: ibique duos menses desedit, captans aliunde
 occasiones commodiores, quibus Gallia potiretur, quam
 iam spe hauerat. Iunio peruenerat ad Aquas Sextias. Mense
 Augusto cupido eum incesit Masilia uidenda. Vbi erum-
 pentibus Gallis uaria uelitationes factæ, cum uideret fru-
 stra à se urbem tentari, uastatis omnibus agris, usque ad
 fossas Marianas & Arelatenses: clāse (ut supra produū est)
 cum prius ad Aquas Sextias rediisset, subduxit, cū undiq;
 rumor percrebuisse aduentare Regem cum florētibus co-
 piis. Eodem tēpore quo Caesar erat in Gallia, parte alia Tau-
 rini oppugnari cæpti à Medehino regulo Muso, quē & Mu-
 sonium uocant. Is cum duodecim hominū millibus, urbe se
 potiturum sperabat. Ei aderant Scalengus, Caesar Neapoli-
 tanus, Petrus Comes Beliosus. Præerat Taurino Regis no-
 mine Claudius Ennebaldus, cui aderat Carolus Consilius Bu-
 rius Aquitanus, Marcus Antonius Cusanus, Ludonicus Bi-
 ragus, Lælius Marinus, & plures alij è nobilitate Gallica
 & Italica. Vrbs obsidebatur: utrinque erūpentibus Gallis
 magnis animis certabatur. Interea Thomas Picus Mirādū-
 lanus, cū duobus Germanorū millibus, & quingētis Italis,
 uastatis agris Mirandulanorū, copias suas Musonio iungit.
 Galli nihil eius aduētū cōmoti, crebris eruptionibus castra

hostium infestabant. Cusanus decoris avidus impetrat ab Ennebaldo ut sibi liceat cum suis Laliq; turmis urbe egredi, futurum ut Seuilanum locum munitissimum imparato hosti extorqueat. Probatum consilium. Egressus urbe cum mille quingentis militibus, dum Seuilanum tentat, paratio-
 ra omnia quàm putarat nactus est. Fortiter impetum illi sustinere. Is se deiectum spe uidēs, populatus agros, in ecclesiam uicinam, ubi Casariani telorum armorumque ingentem multitudinem congeſerant, ignem immittit, qui secundo uix die extinctus est. Non latuit Musonium Cusani audacia, suspitioneque affectus, infectis rebus inde moturum, Scalengo imperat e ductis duobus peditum millibus (quorum maior pars è sclopetariis constabat) locum deligeret medium inter Taurinum & Seuilanum: unde in insidiis suos locans, in regredientem Cusanum impetum faceret, ac interclusos Gallos Italosque exciperet. Redeunt Cusani, sed maiore ordine quàm Scalengus putarat nec tamen uanus omnino hostium conatus. Vbi proximi fuere hostibus, Scalengus emissis leuioribus machinis cædem edere incipit. Res eo erat durior, quòd illi rursus in nemora se proripiebant. At ubi pedi pes utrinque collatus, ancipiti certamine acriter dimicatum est. Sed Scalengus procedente pugna inferior, antequam maior clades acciperetur, refugiebat ad castra: dum instat acrius Cusanus, cõfossus uulneribus corrui. Birago tamen urgente, passim hostes aut caesi aut dissipati, in sua castra perfugere. Cæsi ex hostibus ducenti, ex Gallis Italisque centum & quatuor: Biragus & Lælius, Cusani corpus pompa Taurinum retulerunt. Ennebaldus illius morte commotus est, cum & summa prudentia esset, & intrepidus ad obeunda pericula. Interea Musonius certior factus, obsessis iam ad inopiã uenientibus, subsidio mox affuturum Guydonem Rangonum.

Arnol. Ferroni de rebus

nium cum lectissimis copiis, soluta obsidione peruenit Carignanum: inde in Astensem agrum profectus. Quo hac agebantur tempore, parte alia Guydo Rangonius Casari infestior: quod neque Prospero, neque Fernado Daualo, aut Carolo Lanoio mortuo praefecturam ullam accepisset, qua dignissimus habebatur ob multa fortiter gesta, operamque Casari superioribus bellis datam. E Venetiis profectus Mirandulam contendit, literis regis inuitatus ad Italicarum copiarum ingentem numerum conscribendū. Ioannes Teus cum sexcentis Gallicis equitibus eò quoque uenerat, atque unā cum Galeoto Pico Mirandulano facili Thomam Picū Mirandulanum & Tamisum, qui Casaris nomine deliberabant de Mirandula intercipienda expulcere. Illi (ut ostendimus) uastatis agris ad Musonium peruenere. Excitati multi ex Italica nobilitate Gallico nomine, certatim nomina dabant militaturi sub Rangonio ueterano duce. Superuenere codicilli regū cum legato regio, qui summā imperij detulerat Rangonio. Hunc sequebantur Galeotus Picus, Teus Sanctocelsus, Ioannes Thurinus Sansepulchrus, Rauielus Concordiensis, Caninus Gonzaga, Annibal Comes Nuolarus, Caesar Fulgosus, Petrus Strosius. Comes Berlingerus, Caldora Reamus ad decē peditū millia cōtrahere equitū duo millia, at nō Gallico numero instructorū. Lustrato exercitu qui armis uariēq; contextis splendebat, peruenere Carpū: inde Rexū. Inde emensi agrū Parmēsem & Placētiniū, Stradellam, mox Vogheram, & Tortona, tandem & Genuam hortante maximē Fulgoso. Missus caduceator qui ciuibus denuntiaret, redirent ad officium, ueterem Regem mitissimum, atque Gallicum dominatum reciperent. Responsum est non defuturos qui Casaris nomine urbē tuedatur. Rangonius sequenti die Canino Gonzaga, Berlingerio, Ioanni Thurino imperat, parata omnia ad obsidendum

Gestis Gallorum Lib. VIII.

urbem habeant: parantur omnia: hinc Galli, hinc Itali urgent: admoventur uariis locis scalæ. Cæsariani machinis, telis, hastis multos iam conscendentes deturbant. Binis horis anceps fuit certamen. Baptista Farina qui urbi tum præerat, adesse suus, instare quâ premi eos uidet, cum prætoria cohorte adcurrere: dum incautius se exponit, necatus corruit. Hector Neapolitanus eo casu dum fortiter suos excitat, ipse quoque occubuit. Cum parte alia nuntiatum esset, Augustinum Spinulam cum septem hominum millibus subsidio Genuensibus uenire, remissa est oppugnatio: Cæsarianis animi aucti. Ex Gallis eo die centum partim cæsi, partim uulnerati sunt: ex Cæsarianis quindecim cæsi, triginta uulnerati. Cæsar, qui Rangonium non dubitaret Genuam oppugnaturum, prudenter eò præmiserat Spinulam cum ualidis copiis. Eius aduentu, & quod nihil mouebantur Genuenses, cum ille motu aliquem ex tam uaria ciuitate sperasset, obsidionem quibusdam dissentientibus soluit: abactâque ex agris ingenti præda, incensisque arcibus aliquot, mouere copias in agrum Astensem. Cumque Astam uacuum uideret milite, inde panis cibarij ingentem numerum lucanicorumque abduxere, parte suis diuisa, parte diuendita. Rangonius deinde Carignanum admouet copias: cingit locum obsidione, munitum illum quidem, at non talibus munitionibus quæ hodie excitatæ sunt. Cæsariani cum se tantis copiis impares uiderent, extremâque omnia semel oppugnato Carignano passuros, deditionem fecere. Ibi cum ingentem simile copiam nacti essent, partem curarant Taurinis aduehendâ, qui iam penuria tritici fatigabantur. E Carignano deinde Carmagnolam contendit, quam salastiorum reguli nomine tuebantur Cæsariani: sed & ea intra paucos dies recepta est, præsidioque Gallico firmata. Hæc circa finem Septembris gesta sunt anno M. D. XXXVI. Venit ille Arnol. Ferroni de rebus deinde

deinde Pinarolum accersito Canino, Annibale Nauolaro, Acciolo Romano, Antonio Maria Aueroldo: in hyberna eos cum suorum alis mittit ad Quiersium. Hi antea ea fuere arrogantia, ut neque Gallos neque Casarianos exciperent, tum libenter iugum ferre uisi. Mittit deinde Casarem Fulgosum cum mille ped'itibus & ducentis equitibus ad oppugnandam arcem munitam R aconam, ibi praesidio relictus fuerat cum sex Italorum signis Annibal Brancaccius Neapolitanus, & Alexander Cribellus Mediolanensis. Prima luce Fulgosus submissis suis acriter instabat, adcurrentibus undique Gallis Italisque si quā irrumperē possint, assidue aliis super alios irrumperentibus. Annibal & Cribellus & ipsi cum suis forti animo pro munitionibus pugnabant. At dum undique premuntur, antequam omnes opprimerentur, multi erumpentes fugere, multi caesi, multi capti unā cum Annibale & Cribello: ingens praeda parva. Eodē terrore qui Semilano praerant perculsi, deditionem fecere. Arcis custodia donec Ennebaldus prorex consultus esset, Lælio & Berlingerio commissa: eo consulto, Petro Corso & Ioanni Thurino. In hisce excursionibus laudatur solertia eius militis qui plures ex hostibus balista feriebat quā multi qui leuioribus in machinis emittendis solertissimi uidebantur. Iam Ennebaldus in Galliam redierat. Thurini custodia commissa est Carolo Burio, à quo mense Nouembri sequenti Casale oppugnatum est, ut antea scripsimus, eique postea extortum. Tantum addunt exteri scriptores Ioannē Gulielmum Bandram authorem fuisse Burio urbis intercipiendae, cum iam praemissi in urbem essent à Mantuano, cui eum principatum Caesar addixerat, qui ea curarent quæ ad eum magnifice excipiendum pertinerent. Addunt supernū hostium casum Christophorum Aquitanici peditatus ductorem strenuum. Iam instabant hyberni dies. mēse Ia-

Januar. anni M.D.XXXVII, hyems erat summa, tempestas perfrigida, imber frequentissimus. Reliqui omnes tentus se continebant, quibus frigorum uim pellicerent, aut lenirent curas & animos oblitos laborum. At non Rangonius, Teus, Boutierius Gallicarum copiarum ductores remittebant animos à curis bellicis. Idem accidebat Alphonso Vastio, Daualo, Francisco Salutiano, Pyrro Columnæ, qui Casarianis præerant. Sedebat Vastius ad Pinerolum, submittebat undique exploratores. Mittit Rangonius ad Rumpem Caraiam Tortesanum Antonium cum duobus peditum millibus, & tredecim signis, qui locum hosti extorqueant. Nec latuit id Vastium: submittit suis auxilio cum ualidis copiis Franciscum Salutianum: atque is celeritate usus eodem tempore obseſis adfuit, quo aderat Tortesanus. Diu se utrinque globulis plumbeis emissis fatigauere, ubi multi & caſi, & uulnerati. Oppidani loco egressi acerbo ululatu Imperium identidem acclamantes (quæ uox Caesaris imperij cupidos eos ostendebat) unâ cum Salutianis in Tortesanum irruere, ut cedere ille coactus fuerit: ita tamen, nihil ut fugæ simile uideretur. Id Salutianus intuitus, urget cedentes acrius: tum demum uera fuga facta, multi necati, multi dissipati: ipse Tortesanus cum paucis elapsus, aggre ad suos peruenit: multi capti, inter quos Colla Squartius nobilis centurio, Zacharias Ariminensis caſus, quem & Zagechessam uocant. Salutianus ad Vastium rediit cum opimis spoliis: summoque omnium plausu exceptus est. Hostes autem incredibili celeritate usi, parum abfuere quin Taurinos interciperent: prodierat enim ex Volpiano Ruffus Mōtanus, cum septem peditum millibus nocte obscura. Iamque illi propugnaculum, cui nomen Daugeum, occupabant, ni ex nigilibus unus insidias breui emissâ machina detexisset. Tū drum conclamatum undique ad arma. Ipse Boutierius

Arnol. Ferroni de rebz. cum

tum paucis stipatoribus iam propugnaculo hostes potitos inuenit. Illi dum tardius suos in ordinem cogunt, ex turri proxima summo artificio dilapsa machina effectum, ut simul occurrentibus undique Frâcis, pellerentur hostes propugnaculo: quo in periculo Taurinensium ciues magis de Francis quàm de se solliciti uisi sunt. Vltro omnia ad pellendos hostes offerentes, sed hæc postea accidere. Accessit Gallis altera elâdes mense Februario. Cupiebat Rangonius à Cæsarianis Bargostum munitum pulsus illis uindicare. Annibal Brancaccius, quem suprà captum ostendimus, elapsus è custodia peruenerat ad Vastium: isque cum trecentis pedibus Corsis, Sardis, Neapolitanis huic præpositus fuerat. Missi sunt ad eam oppugnationem Cæsar Fulgosus, Galeotus, Malatesta, Petrus Strosius, Annibal Nunolarus, Ioânes Thurinus, digni omnes qui imperiis summis præessent. Castra Bargesò collata. Impediti Galli Italique munitionibus, multi pulsi uulneratique sunt. Brancaccius suos hortabatur memores pristinae uirtutis pugnarent: ita factum, ut multis desideratis satius uideretur super sedere oppugnatione. Cæsus est ex iis qui Regi militabant, Thomas Roncus uicarius alicui attributa Nunolaro. Tortesanus angebatur atque ardebat dolore uindicandæ elâdis acceptæ ad Caratium. Rê cum Boutierio communicata obseruabat momenta omnia temporum, si quo tandem pacto ulcisceretur iniurias suas. Tandem cum obseruasset præter centum Hispanos pedites nullum inesse præsidium, Aquitanis, quos ei Boutierius cû Zacharia Castetiacò attribuerat, Italisque eductis, summo diluculo summa ui infert suos in eum locum: ab hisque oppidanis celeriter concursum est, certatimque ab Hispanis ita acruer, ut à uiris fortibus in extrema spe salutis certari debuit. Tandem refractus portus, atque intromissis Aquitanis atque Italibus, ingens cædes facta. Hispani omnes cõfisi;

oppidani necati, ager eorum flamma omniq̃ue contumelia-
rum genere uexatus, identidem acclamante Tortesano Ita-
lica cladis superioris se ultorem: irent nunc oppidani, &
imperij insulas proferrent: insultas miseris, qui superiori bel-
lo superiores, pulso eo imperij nomen acclamarant. Saluti-
anus interea ardebat cupiditate suorum oppidorum recipiē-
dorum. Iam Monteianus, qui persoluto Casarianis pretio,
parum firma uoletudine redierat in Taurinos, urbi praeerat.
Hic Carmagnola praefecerat cum cohortibus aliquot Ita-
licis Stephanum Balium. Accidit ad Taurinos, ut quem uis
hostilis saepe erumpentem nunquam potuerat intercipere,
quique quam expectationem sui concitabat ob robur singu-
lare, eam sustinere actueri posse uidebatur, Castelpersius
Aquitanius seditione intestina nonnullorum occumberet,
hasta ab uno perfidissime uulneratus: cuius morte ita A qui-
tani commoti sunt, ut nisi Monteianus de reis supplicium
sumpsisset, res parum ab futura uideretur à seditione. Inter-
ra Vastius Salutiano robore copiarum attributo, cum Cae-
sare Neapolitano & Brunoro Comite permittit oppida eū
sua recipere, pollicitus, ubi accerseretur, cum omni reliquo
& peditatu & equitatu sese adfuturum. Instabat tum
Martij mensis exitus: dumque Salutianus machinas diri-
git, quibus arx Carmagnola comodius euertatur, machi-
na ex arte emissā necatus est. Hæc exteri prodidere scripto-
res: Nos certiora supra scripsimus. Nec minus tamen Cæsa-
riani commoti, dum acriter castrum oppugnant, loco neca-
tis multis potiuntur. Stephano Balio iussu Vastij gula fracta
est, reliqui captini remis addicti: mensēque Aprilis sequenti à
Comite Diepæ Normano interceptæ naues aliquot Cæsa-
rianæ, ex Indica navigatione redeuntes, refertæ mercibus
laudatissimis. Mense eodem missi sunt à Rangonio Baptista
Legus & Vincentius Strosius cum ualidis copiis, duabūsq;

Arnol. Ferroni de rebus

ac

acribus machinis maioribus ad castrum cui Brachirasco nomen, oppugnandum. Hispani cum diu impetum eorum sustinuisent, & iam multis casis periclitaretur, arbitrio uictorum res suas uitamque commiserunt: quo factum est ut multi à Rangonio Massiliam mitterentur ad remos addicti, quasi ulcisceretur contumeliam acceptam ad Carmagnolam. Interea Cæsar Fulgosus & Ioannes Paulus Cernus in aulam profecti, à Rege humanissimè excepti sunt: moxque mutatis sæpe equis celeri cursu ad Rangonium rediere. Hos ille mox cum Boutierio lectissimisque copiis mittit cum Lælio Marino, Vincentio Strosio, Baptista Lego, Galeoto Malatesta ad Bargelum arcem. Sedebat idem Annibal Brancaccius ad uim depellendam promptus, ad Gallos Italosque pellendos expeditus: sed us fuit impetus Gallici Italicique militis, qui se indignabatur pulsum superioribus mensibus, ut quanquam hostibus fortiter dimicantibus, multus tamen casus locum expugnarent, ipse Annibal Brancaccius fortissime dimicans captus est: ingens prædæ paria. Lælius pila plumbea sinistra ictus, post paucos dies occubuit. Giraldus quoque Camerinus, qui Regi militabat, circa caput altera pila impetitus, necatus est. Rangonius parum absuit quin iuberet Brancaccio gulam frangi, quasi eius cade parentandum uideretur manibus Stephani Baly & Lælii: sed Boutierij aliorumque precibus reuocatus, incolumem seruauit. Bargelum Gallico presidio munitum est: inde in Bonesium mouere Galli Italique: memorisque commilitonum sæpe interceptorum, in multos acrius sauiere. Confecto bello, pacatisque his locis Regi, Rangonius in aulam ad Regem salutandum peruenit. à quo cilius est, ut eo splendore, dignitate, fortitudine ueteranum ducem decebat, diutiusque de rebus Italicis colloqui cum essent, rumor percrebuit quantum conuicti animo posset, quantum labore contendere, tan-

tum facturum Rangonium, ut Casariani Italia pelleretur. Ille ex Gallia in Venetiam regressus cum esset, factum est ut immaturo eius interitu ea consilia perturbarentur: Eodem anno mense Iunio cum multis equitum pedumque millibus missus est Prator regio nomine Humerius, quem & Dumerium uocant, cui se coniungere Ioannes Paulus, Caesar Fulgosus, reliquique procures Italici & Gallici, ad Puerinum. Ex eo loco infestis copiis in Vastium progreditur, pugnandi copiam facturum arbitratus. Ille imparem se sentiens, retro in Italiam peruenit: quo factum est, ut nemine obui ingenti Galli præda potiti, arma undique circuntulerint: pelli que undique potuere hostes, ni Germani quos Humerius adduxerat, ad suum arbitrium omnia reuocantes, minus Humerij imperio paruissent: quo factum est, ut & illum in extremum pene discrimen insolentia sua perduxerint. Missi sunt Centallus & Comes Berlingierius ad Buschum oppugnandum, ubi præsidium inerant sexaginta ueteranorum Hispanorum cum triginta ueteranis Italici. Et quanquam acriter Galli instarent, obessorum tamē robore & constantia cedere coacti sunt, caso etiam Marco Ascocolo ueterano. Peruenit deinde Humerius in Fanum Damiani, & ex eo in Albam urbem, qua regulierat Monferratenfis. Qui absumpta annona cum diffiderent munitionibus, deditionem fecere. Mense Augusto mittit Humerius Casarem Fulgosum & Boutierium ad Cherascum oppugnandum: Septuaginta Itali, Hispanique totidem in præsidio erant. Cumque à Gallis summo ardore oppugnaretur, qui in præsidio erant, contrà telis, sagittis subeuntes impigre arcebant. Leniorum tamē machinarum multitudine quæ à Gallis emittebantur, factum est, ut qui se conspiciendū præberet, uulnere mox accepto excederet: ita exteriorē Cherasci murum Galli subeuntes, loco potiuntur, multius caesis.

Arnol. Ferroni de rebus

Rursus

Rursus Humerius mittit qui Buschum oppugnarent: sed obfessi magno fortique animo temere subeuntes depulere, multis etiam casis: in quibus fuere Annibal Nunolarus, & Gulielmus Finalis. Apparebat Humerium non tam quid expediret cogitare, quam frendentem indignabundumque ad ultionem accingi, cum mox allatum est adesse Daualum Vastium cum lectissimis copiis ad decem hominum millia, præter recentes Germanorum copias, quorum non minor erat numerus. Ita mox dispositis præsidis uelutrumore panico consternati Galli, se in loca munita recepere. Aderant cum Vastio Antonius Rangonius castrorum magister, Caesar Neapolitanus, Brunorus Braxianus, & alter Vincētinus. Exitu Augusti ad Quierfium castra ab hoste fixa. Erant in præsidio Acciolus cum aliquot Italus, & Raymundus Bigorrus Aquitanus: stratique cum diutius essent muri, ut tandem hostes perrupere, multisque casis Acciolum & Raymūdum captiuos abduxere. Vrbs ea sita erat loco opportuno, facileque muniri poterat. Sed Rex adduci nō potuit, ut impensam in rem utilem faceret: hostes itaq; muniere, deinceps ut Gallis desperandum sit eam se recepturos, nisi occasione oblata interciperi possint. Vastius cum abūdaret copiis, ita milites partitus est, ut partem ad Moncalerium mitteret, partem ad Pinarolum: ipse cum robore staret ad Cherascum oppugnandum. Qui ad Moncalerium missi erant, admotis machinis quatiant muros, irruptioneque facta oppido potiuntur, non magna tamen strage facta: idque accidit circa initium Septembris mensis. Vastius ad Cherascum exercitu circumdato, summa ui irrumperere nititur, maxime sperans primo se acrique suorum impetu casum uictoriae inuenturum. Cherasco præerant Linus Ursinus Bartholomæi Daluiani filius, & Caesar Fulgosus. Cum strata esset pars muri, signo dato undique con-

Gestus Gallorum Lib. VIII. li. ii

curritur, ingens clamor exoritur: alij succedere, alij sclopis Gallos impetere, pars eminus omni telorum genere pugnare Contra ea Liuius & Fulgosus, & Galli qui in praesidio erant, subeuntes temere depellere, aquam feruentem, picem uoluere: nec minor erat alacritas obfessorum, quàm impetus obsidentium. Eo die re infecta Vastius multis casis in castra reuertitur. Sequenti die strato quoque muro, Caesariani parant irrumpere. Galli obuiam ire, undique clamor, uulnera, neces. Liuius dum incautius se hosti exhibet, circa petus pila plumbea ictus, corrui. At pro diruto muro undique Fulgosus nouum refecerat: quo factum est ut uana hostium uires, uanus Dauali Vastij esset conatus. Sequenti die quingentos passus retrocedit Vastius: stat tamen sententia, donec loco potius sit, nunquam cessurum. Fulgosus, si annona illata in tempore fuisset, facile impetus hostiles tulisset. Id rescierat Vastius: itaque urgebat hominem: missus est Ludouicus Gonzaga Rodulphi filius in oppidum: cum honestae conditiones proponerentur, uisum est è re Gallica futurum, si loco cedant. Pactiones haec inuita, abirent obfessi saluis omnibus impedimentis, equis, armis. Ipse Fulgosus cum suis Pinarolum ire permetteretur. Si Rex eò perueniret intra decimum quintum diem, machinae bellicae omnes redderentur, sin minus, Caesari cederent. His pactis, ille cum suis Pinarolum uenit, quo amisso maius damnum passuri Galli uidebantur. Misit deinde Vastius qui Albam oppugnarèt. Praeposuerant urbi Iulius Ursinus, Vincentius Strozzius, Carolus Artigadius Aquitanus cum quingentis peditibus: unicuique tantundem fuisse alij uolunt peditum. Hi uel uim hostium metuentes, uel se impares tantis copiis agnoscetes, saluis rebus omnibus & ciuium fortunis, deditionem fecere. Vastius celeriter copias Thurino & Pinarolo admouet. Nec loca ea munita satis commeatu fuere instructa. Tandem

Arnol. Ferroni de rebus

Henricus

Henricus Delphinus cum lectissimis copiis subsidio obsessus aduenit, qui ad eam inopiam uenerant, ut equorum carnis-
 bus non abstinerent. Huius uirtute pulsī hostes Alba, Qui-
 ersio & Asta munita oppidis se continuere, auidissimo He-
 rico pugnae cienda. Tandem pacta sunt inducia in decimū
 annum: interea bello capta uterque tueretur: nisi quod San-
 ctopaulinum Caesar cum quibusdam aliis reddere debebat.
 De Mirandula diu disceptatum cum esset inter Galiorum
 & Thomam Mirandulanum, conuenit iudicium Rex in-
 ter eos reddi pateretur. Interea Mirandula quo tunc erat
 statu, eodem esset. Cum ea ita pacti essent Reges, neque tam
 proximi unquam collocuti essent, mirari homines, male o-
 minari de pace, ea in deterius rapere. At Caesar cum in Hi-
 spaniam rediret, uel fiduciam ostentans liberali Rege non
 indignam: uel (ut alij uolūt) metu aduersae tempestatis mo-
 tus, ultro ad Regem, qui sedebat ad Aquas mortuas, quas
 & fossas Marianas dicunt, misit, uenire se ad colloquium,
 paratum dare fidem & accipere, non nisi datis dextris ē re-
 utriusque sibi uisum ne abiret. Exceptus est itaque à Rege
 humanissime, sic ut cum paucis amicis obuiam ei ueniens,
 in eius se Rex myoparonem coniecerit, abeuntem eodem
 pacto profectus sit. Anno sequenti defuncto Antonio Bur-
 go summo iurisperfecto, designatus in eius locum iurisper-
 fectus Gulielmus Poietus. Hic mox regio nomine constitu-
 tiones plurimas edidit ad componendas lites non inutiles,
 si nihil praterca molitus esset. Ceterum dum fisco augēdo
 quo iure, qua iniuria attentus, omnium hominum ordines
 nouis edictis, auitis, ueteribusque prerogatiuis spoliatur: dum
 salinarum uectigal insulis Santonum, Oloronensibus, Ar-
 ueto, Bruoagio, Aquitania que imponere: dum regio nomi-
 ne senatus omnes Gallicos traducere, in ordinemque cogere
 uult, flagrare inuidia apud omnes coepit. Exciderat iam ē
 Gestus Gallorum Lib. VIII. I i iij

Regis amicitia Philippus Cabotius tribunus maritimorū,
 Anna Mommorantio magistro equitum omnia admini-
 strante. Sed Regij liberi & Anna Pisscleua hominem fove-
 bant. Tandem delecti iudices è senatibus Gallicis dati sunt
 Cabotio, qui post uarias relatas quaestiones in eum more
 maiorum statuerent. Volebat ille è iudicum numero reuocare
 Gulielmum Poietum iurisprefectum: idque poterat ob si-
 multates ueteres. At is peruerso exemplo, dum hunc cruentū
 uidet, & iam exclusum amicitia Regis: alterum uerò Mō-
 morantium iisdem se causis sperat posse in eundem scopu-
 lum impingere, fronte simulans sese maxime afflictus re-
 bus Cabotij fauere, idque recipit Pisscleua, id molitus est ut
 suffragia in reum periculosa ferrentur: agre ut tandem fa-
 ctum sit, ne capite mulctatus uita periculum subiret. Cæ-
 terū grauissime mulctatus est, uix ut opes omnes satis essent
 mulctæ fisco inferendæ. Acciditque, ut erat Rex clementia
 diuina, uti remissis mulctis ex aurationeque omni, &
 restitutis bonis, quæ ita fisco addicta fuerant, nunquam ut
 inde auelli possent, rediret is in Regis gratiam, nec minus
 quam antea gratia apud Regem ualeret: & aliquot post
 menses coactus rursus patribus decerni iusserit, non se mul-
 ctatum aut damnatum ob ullum aut perfidia in Regē, aut
 maiestatis crimen. Eo igitur in aulam reuerso, Poieti res la-
 bare ceperunt. Nam Mommorantiū, cautius & pruden-
 tius aulicis sese rebus inuoluerat. Scio à Poieti assertatori-
 bus temere uulgarum, quasi is à Rege condonationem o-
 mnium rerum impetrasset, plura etiam adiciens quibus si-
 bi conscius non esset, nequando negotium sibi eo nomine
 inuidi facefferent. Quos in eadem re codicillos Poietum, dū
 sigillo regio muniuntur, inspectantibus omnibus palam le-
 gi iussisse, in odium Mommorantiū. Sed hæc paulò post confi-
 cta apparuit, cum ille Poieto undique quærente abstinentiā

Arnol. Ferroni de rebus

suam

suam probasset. Bohemi genus hominum uaga uolubili que
uita: ac potius fax hominum Bohemorum nomen ementi-
ta, & Aegyptiorum furaces, & qui tenuiorum domos, &
apothecas furacissime scrutarentur, coniectorum nomine
abutentes, coacti ex omnium nequam hominum colluue,
Gallia abire iussi: ni parerent, aqua & igni eis est interdi-
ctum. Agebatur annus millesimus quingentesimus tricesi-
mus nonus, cum Gandauenses questi tributorum grauita-
tem, uinóque uendendo indictam collationem, ad seditione
omnia uertunt, parati etiam sese Regi iungere. At is causa-
tus pactas nuper cum Casare inducias, eorum fardere ab-
stinuit. Caesar qui certior fiebat quotidie seditiosorum cona-
tus augeri, periculumque esse ne quid illi molirentur, in po-
sterum constituit eò ex Hispania proficisci: breuior & fa-
ciliior uia per Galliam patebat. Erat Regis nomine legatus
apud Casarem Antonius Castrinouanus Tarbellorū Pon-
tifex: per hunc Mommorantium certiores facit, ecquid pla-
ceret Regi, si per Galliam Gandauum peteret. Simul agit cū
Castrinouano, uti à Rege oretur, ne alia uia quàm per Gal-
liam eò contendat. Mommorantius sperans congressum
Regum toti Gallie non inutilem, id persuadet Regi. Ita scri-
ptis literis & à Rege & liberis Regiis, proceribusque Gal-
licis, oratur Caesar uti in Galliam ueniat. Rex tum ad Lo-
chias ager sedebat, pessimo ulcere admodum intempestiue
uexatus: uerum eo tandem aperto, medicorum eorum qui
manu curant chirurgie opera conualescere incipiebat. Ca-
sari ad Baionam occurrere Henricus & Carolus Regi li-
beri: parati obsides manere, si quid ille dubitaret, aut alios
ex nobilitate Gallica quæ frequens obuiam ierat, dare. Oc-
currit & Mommorantius. Caesar obsidibus recusatis una
cum eis Burdigalam uenit, magnifice ubique exceptus. Dū
illi occurrunt Casari, multum ubique fuit querelarum: nam
Gestis Gallorum Lib. VIII.

passum priuatorum equos sumentes aulici inuitis dominis, stomachum multis mouerunt: atque ut in aula nihil non petulantiae adest, iis quidem qui minus liberaliter instituti sunt, multi abeuntes equos abduxerunt nihil de pretio pacti. Cum Caesaris uxor nuper fato functa esset, existimabant multi affinitatem inter Reges nouam futuram. At illum alij antequam Galliam ingrederetur diserte cauisse aiunt, ne quid sibi dum esset in Gallia, aut de matrimonio nouo, aut de nouo ullo foedere proponeretur. Rex cum ad Lochias Caesari occurrisset, ubique gratulationes, supplicationes, pompa. Accidit Ambasia ut artifex quidam Caesaris cubiculum, igne per aliquot loca immisso, odoribus uariis implere uellet, gratiisque reddere: at fumus immissus in cubiculum errore artificis, ni ei reliqui occurrissent, nocere potuisset Caesari: qui eo sane nomine perturbatus est. Rex tota de re admonitus sese Caesari purgans, miserum artificem rapi ad supplicium iubet. Caesar artificis errore cognito, ueniam ei multis precibus petiit, ut de reo liberando uarie illi contenderent: nisi Rex Caesaris motus precibus, qui se non uenisse aiebat ad supplicia representanda, supplicium ei remisisset. Lutetiae quoque exceptus magnifice, nihil ut pompa in coexcipiendo omissum sit. Alter casus Lutetiae excepit Caesarem: nam Poietus stipatus aulico consilio, cum ad eum isset salutandum, et ob uestis longitudinem fecisset uti tabula lignea quae parata erat ob ignem excipiendum, casu in Caesaris caput impingeret, non leuiter omnes territi sunt, attonito ob ictus grauitatem Cesare, qui tamen mox dissimulans continuato prandio, sese postea secedens in cubiculum medico inspiciendum dedit. Abeuntem Regum liberi ad Valerianum persecuti sunt, quos et ille magnifice eo loco excepit. De Gandauis quaestione habita, multis proscriptis, supplicium sumpsit, castro etiam eorum sumptibus adificato.

Arnol. Ferroni de rebus

cato.

cato. Tentatae sunt interea pacis conditiones per legatos. Caesar ex Zelandia & Hollandia regno constituto, Mediolanum simulabat se Carolo Aureliorum Duci, Regis filio redditurum, nisi fructu tamen retento, si filiam suam uxorem acciperet: eaque omnia liberis, si qui ex eo matrimonio superessent, addici volebat: si liberi non superessent, ad suos redire. Ita Rex frustratus est spe Mediolani recipiendi, dum haec conditiones per Pelosium à Caesare missum non placerent. Iamque is male consultum volebat, qui sibi authores fuissent eius in Galliam recipiendi: qua causa abfuisse aulici diutius Mommorantium suspicati sunt. Media in pace potentiores aulici alij aliis insidiari capere, & iam Cabotius Poietum iurisperitum Regi suspectum reddiderat: ut ille sibi metuens, cum nihil minus homines expectarent, sacris initiatus sit. In Germaniam Caesar ueniens, Sabaudiae Duci legatis Regis accusandi ob res sibi ablatas, potestatem dedit. At Regius legatus Petrus Raymundus diserte respondens benigne auditus. Paulo antea quam Mommorantius aula excederet, celebratae sunt simulatae illae nuptiae ad Castrum Heraldii, quod & Castrum Lerum uocant. Pictonum urbem inter Gulielmum Cluensium Ducem, & Ioannam Henrici Regis Nauarrorum, & Margaretae Valesiae Reginae Nauarrae regiaeque sororis filiam, non satis ex animi sententia & patris & matris, qui alias iam pridem conditiones filiae querebant. Delira fuit fabula, exagitata tamen: inscio Rege ab his actum cum Caesare de ea paciscenda Philippo Caesaris filio: interceptum tabellarium à Carolo Grandimontano pontifice Burdigalensium, opera ea in te utente Ioannis Tardi, quiarci Mauleacensi praeerat: missosque fasciculos epistolarum ad Regem, unde illi in eum male semper animati sint, etsi amicitiam congressu & uultu simulantes. Cum enim esset Grandimontanus regio nomine uicag-

rius Regis Nauarrorum, cui Aquitanica prouincia data e-
 rat regenda, intra paucos post menses dederunt operam, uti
 in eius locum Carolus Consiliarius Burius substitueretur. Ab-
 horret hoc à fide Regis Nauarræ in Regem, pietate sororis
 in fratrem, beneuolentia eorum in Grandimontanum. Per-
 gunt tamen illi narrare, quasi causati ob sacerdotium minus
 ei licere quæ ad bellum pertinebāt curare, tamen si ille aptis-
 simus omnium ad eam esset prouinciam, uel ob familiæ splē-
 dorem, ingeniiq; huiusmodi in rebus acumen: uel ob mul-
 tas cum Hispanis, qui male in Casarem animati erant affi-
 nitates: quibus efficiebatur omnium ut mox certior fieret, si
 " quid Casariani molirētur. At recte sapientissimi homines
 " prodidere, Deum magna exempla in caput inuenientium
 " regerere: ut iustissima patiendi uice quod quisque excogita-
 " rit alieno malo, sepe excipiat suo. Nam Margareta Vallesia
 Regina Nauarræ, etsi ingenij omnibus dotibus quæ Regi-
 na dignæ erant, abundaret, pudicitie laude imprimis ex-
 celleret, nihil illi maius, nihil antiquius diuino amore esset,
 ea haberetur probitate, discordiarum ut & controuersiarū,
 inimicitiarūque ea iudice omnes uterentur: diuinarūq;
 literarum pio studio flagraret: casta mens, pius animus, pu-
 dor, religio semper cū illa esset: nihil sibi ipsa cōcederet, quod
 quidem cum omnes leges, tum certe homines non concessis-
 sent: nihil proprium putaret Reginæ præter uirtutem &
 humanitatem: aliis duceret se natam plus quàm sibi: cultu
 literarum clara præstantia quæ ingenia secum haberet: male
 tamen eo nomine audiebat, uano quorūdam rumore, quòd
 locupletes filias patrum locupletum hæredes, inuitis inter-
 dum parentibus, regio diplomate impetrato, quibus uellet,
 aut his qui è sua essent familia, aut alienis nubere iuberet. Id
 illi eo tempore à diis repositum esse parum æquiterum æ-
 stimatores aiebant. Sed cuius non Regis, quantunuis inno-
 centis,

centis, uita obnoxia est obtrectionibus hisce ignororum
 Et ipsa maleuolentia ieiunorum? illa quidem certe, etsi ho-
 mo nata erat, idq; una omnium optime meminisset, ita uir-
 tute praeluxit reliquis Heroinis, exemplar ut habitura sint,
 ad quod sanctos mores componant. Fama est inuitam filia
 his nuptiis consensisse: impetrasseque matrem ob teneram
 aetatem Et ualetudinem filiae, uti Cluensis horis aliquot
 tantum recumbenti similis lectulo assideret, nec tamen at-
 tentaret illius pudicitiam. Quae causa fuit, ut ruptis postea
 cum eo foederibus, matrimonij foedera, si quae fuerint, rupta
 irritaque fuerint: contestationibus etiam prolatis, quibus me-
 tus clare detegeretur. Quaedam interea immutata Poieti con-
 silio. Datus aulico consilio Praeses Vidus, Bracenus, cum ue-
 tere instituto praessent Libellorum magistri. Sed postea Poi-
 eto post aliquot annos damnato, Libellorum magistri in ue-
 terem possessionem restituti. Frudenter Et illud sancitum, ne
 quis bona ullius antequam fisco essent addicta, dono à Re-
 ge peteret. Si quis petisset, is indignus liberalitate omni Re-
 gia haberetur, priuareturque rebus omnibus quocunque
 pacto donatis: Ne iurisprefectus sigillo Regio ea dona ob-
 signaret. Huic donationi uelut contra bonos mores factae,
 cognitor publicus intercessor esset. Dum hac in Gallia ge-
 runtur, ne reliquae quidē orbis partes in trāquillo fuere. Nā
 Solymanus Turca aggre ferēs Castellum nouū (quae est Dal-
 matiae ciuitas) sibi non ita pridem à Carolo Romanorum
 imperatore uereptum esse: secūmque reputans quanto suo
 cum periculo eiusmodi hostem in suo fines irrepere, ac pedē
 figere pateretur: quantum uerò ere sua foret, si pulso ab im-
 perij sui terminis hoste urbem recepisset: his rebus uehe-
 menter commotus, nihil sibi antiquius esse duxit, quā in
 eam expeditionem omnes suas uires, omnem industriam,
 omnesque animi nervos intendere. Quae quidem cogitatio

cum altius animo in se diffuset, Visiris suis consiliū omne aperit. Illi cōgnita eius animi agitudine, memorata interim iniuria quæ ei à Casare fieret, munitissimum locum occupante, ut quem nuper magna vi construendum muniedūmque curauerat, quēmq̃ munitissimū totius regni propugnaculum esse uolebat, non nihil etiam eius rationibus permoti, magnas terra mariq̃ue comparandas esse copias suadent. Itaque Ariademum Aenobarbum ipse copiis maritimis præfecit: qui quidem breui oblata nauigandi occasione, rebus omnibus recte constitutis, secundus uentis tandiu prouectus est, donec Cifutes, homo rei naualis peritissimus, primo eius agmini (quod fere nauium uiginti septem numero constabat) præpositus, Castellum nouū attigit, anno Christi millesimo quingentesimo trigesimo nono, ad tertium idus Quintiles. Vbi dum Aenobarbum opperitur tardius insequentem, quadam Turcarū cohors aquandi causa se in continentem proripit. oppidani per exploratores admoniti hostes ad fontem (qui ab oppido mille passus abest) inermes constituisse, portis egrediuntur, eosq̃ue nec opinantes adorti ad quingentos trucidant, reliquis fuis fugatisq̃ue. Cuius cladis certior factus Aenobarbus, quā maximis potest itineribus ad Castellū nouum, centū & nonaginta nauium classem ducit. Quō ut uenit, omnes suas uires omnesq̃ copias ad obsidionē cōparat. Oppidani eius aduentu nihilo commoti, mānia conscendere, uallum ac propugnacula tueri, se ad ciuitatem armis defendendā paratos ostendere, ac hostem è superiori loco facile oppressuros non dubitare. At Aenobarbus ex ipsa classe tormentis machinisq̃ depugnabat: cuius impetum oppidani parui pendere, si sibi res cū eo in mari tantum esset. Sed per idem fortē tempus eodem cōtenderūt Balibeche, Ollābas, & Mustaphas Sanguiahi, quos Byzaniū abiens Aenobarbus terrestribus copiis per

Bosynam ductandus præfecerat: ac singulos quindenis Iannazarorum millibus duces constituerat. Ad hæc accesserunt Molarcharum & Marthelotarum triginta quinque millia, quos suis ipse nauibus uexerat. Quæ omnis multitudo octoginta millibus armatorum constabat. Castra ad radices urbis facta, uallo & aggere munita: circumsepta exercitu mœnia. Cumque rari hostes apparerent, Turcis signum prælii quotidie dari placebat. Aenobarbus tamē (quod nisi uirorum fortium morte parari uictoria non poterat) dandum non censebat: sed quonam modo in suā potestatem uentre posset oppidum, doloque aut pollicitationibus ciues capi, tacitus animo uoluebat. Cum uerò hac ratione confici res non posset, facilem cum his mandatis ad Franciscum Sarmientanum Caroli legatum mittit: Aenobarbum, si oppido per eum potiatur, singulos oppidanos cum denis aureis incolumes dimissurum: sin autem uictoriam suam expectet, omnia extrema passuros, Sarmientanis ad hæc respondit, facere munifici imperatoris liberalitatem, sibi sufficere auro opus ne sit. Enim uero fidem dedisse se, nemini in deditiōem uenturum oppidum, nisi Carolo Imperatori, qui id iure belli possideret: qui si dedendum mandet, dediturum: sin minus, omnes hostium impetus in defendendo perlaturum. Quod ideo respondit audacius, Laxaro Albano expeditorum equitum magistro, Ioanne Boschayno, Marchino Monghiano, Roscio, Sanza Friano, Oliuero Burgundione, Mandoza, Lodoico Sandalio, Ariano & Mascheffa hominibus perspecta uirtute & spectata fretus, quos Carolus ex omnibus Hispanis atque Germanis potissimum elegerat, qui singulis ueteranorum cohortibus præessent, urbemque omni obsidione liberarent. Atque his quidem Sarmientiani responsis commotus Aenobarbus, in continentem descendit locum urbis expugnanda commo-

dissimum, turribusque ac castellis, in quibus tormenta collo-
 centur construendis aptissimum explorat, omniaque aduer-
 sa molitur, quibus oppidanos in suam potestatem cogat. His
 ita constitutis, machinas murales classe educit ac manibus
 admouet, obsidionem instruit, oppidumque omni ex parte
 oppugnare coepit. Interea ipse animum suis addit, ac propo-
 sitis signis ad omnia feliciter auspicienda adhortatur. Et mo-
 do mania obequitare, exercitum obire ac lustrare, quenque
 nomine compellere, ad uirtutem proposita utilitate incita-
 re: denique omnia boni imperatoris munera exequi. Quod
 Sanguiaci cum uiderent, tantis eum se periculis obuiere,
 sibi ut suaeque saluti parceret enixius rogabant. Ille nihilo-
 minus a laboribus ac periculis deterrebat, sed magis ma-
 gisque oppugnationem ex omnibus urbis partibus molebatur.
 At oppidani Turcas ascensu lapidibus ac lignis prohibebant.
 Nunc facibus pice ac sulphure illitis, confertissimas hostium
 turmas disturbabant: omnesque pariter instruendis firmam
 disque turribus et apparando aggeri incumbabant: sed
 eorum uirtus hostium multitudine deprimebatur. Crebris
 etiam eruptionibus machinarumque furioso impetu rare-
 scebant. Cum uero in istis rerum angustiis uersarentur, ca-
 lendis Sextilibus duae onerariae naues quae ad Castellum
 nouum emouitis aquila signis aduentarunt, oppidanos in
 falsam magni gaudij spem coniecerunt. Cum enim sibi au-
 xilio uenire crederent, hostibus commeatum munitionibus-
 que faciendis materiam ex Epidauro deportabant. Octauo
 dein calendarum Sextilium die, oppidani multo maiores
 Turcarum vires, quam antea, ac crebris machinarum in-
 sultibus, crudeliores terra marique impetus in ea oppu-
 gnatione experti sunt: nec eius tanta crudelitatis ullius prius
 quam iduum Sextilium octauus dies finem fecit. Sarmie-
 tanus insolita rei nouitate, simulque tam crebra machinarum
 Arnol. Ferroni de rebus ferocitate,

ferocitate, multisque suorum cladibus percussus, ubi nihil aliud urbis saluti relictum uidet, supplicationem Deo Optimo Maximo decernit, suosque urbem lustrare iubet, ac proposita hostibus Christi cruce, inuocatōque eius auxilio, mœnia confidenter tueri ac defendere. Quod oppidani cum rite egissent, eo ipso die ueluti pro sacris aris op̄petituri, portis omnibus erumpunt, hostēsque tanta ferocitate, tantāque animi alacritate adoriuntur, ut perturbatis eorum signis cōfusisque omnium animis, ad quatuor millia trucidarint: ipsi paucis suorum deperditis, in urbem se incolumes receperint. Iduum sexto, cum crescentes Turcarum copie paulatim oppidanorum uires frangerent ac debiliarent, Aenobarbus ex duobus transfugis quo in loco res oppidi essent cognoscit; armatos ex acri illa oppugnatione paucissimos superesse, praesidium superius de septingētorum decem propugnatorum numero nunc tantū à triginta defendi. Quibus quidem cognitis perspectisque rebus, Aenobarbus oppugnationi rursus uehementissime instare, & iam suum esse oppidum credere. Ac statim quidem suis mœnia conscendere, urbemque perturbare, denique omnes nunc uires effundere imperat. Vsusque tormentis multis, multis sagittariis magno labere suo, magna molestia sumptuque sociorum, cedentibus undique tantæ multitudinē oppidanis, urbem in suam potestate recipit. Quod oppidani animaduertentes, eius exercitum muro undique circumfundi, uallo desiliunt, forumque praesidiū causa occupant, ubi omnibus hostium telis subditi, miserè nulneribus consciebantur. At Sarmientanus ubi fugæ nullum locum relictum esse uidet, unā cum Lazaro & Mascheffa, & Ioanne Boschaino, in propugnaculum inferius confugit. Quem gregarij quidam tantæ cladi superstitēs insequuti, & barbaris obuiam facti, omnes ad unum trucidantur. Ipse uerò cum iis praefectus &

oppidanis modò trecentis, munitionem eam incolumis occupat. Sed ubi de se suisque actum uidet, barbarosque acerrimè instare, ueritus ne quid in se grauius statuerent, in Aenobarbi se potestatem dedit, eius ut ferunt, misericordia fretus. Ianizari & Molarchæ quò melius suorum manibus parentaretur, omnes hostium reliquias extinguendas, ac radicibus extirpandas censebant. Verùm Aenobarbus, quòd remiges deerant, dedutitios in triremes suas miserè enecados coniecit. Sarmientanum autem unà cum paucis praefectus, unctum ad Solymanum abstrahi iubet. Interea uictores praeda instare, omnes adiuuantes effringere, sacra profanare, omnia diuina humanaque permiscere. Denique nemo non eorum omni praeda genere onustus, in patriam reuersus est. Sic florentissimum oppidum paucis post diebus, quam à Casare, Venetis adiuuantibus, occupatum fuerat, à barbaris receptum direptumque est. Et iam ferebat belli semina inter Casarem & Franciscum discordia: quæ maxime creuerunt, ob Casarem Fulgosum & Antonium Rinconum, ab Alphonso Daualo circa Padum interceptos. Et hos fama est à Rege ad Solymanum missos, priuatorum habitu clanculum progredientes agnitos, mox captos, seuerissimæque prius quæstione habita excruciatos, ac deinde necatos. Mansit id odium repositum alius apud Regem quàm credi posset. Ex postulauit cum Casare eorum ad Daualum reiiciente. Daualus ad singulare certamen prouocare se simulabat omnes, si qui essent qui tacite eum facinoris arguerent. Et plane incertus adhuc erat tantisceleris author, ni Gulielmus Bellaius Langæus certissimis probationibus in Daualum rem omnem reuocasset. Non tamen rupta sunt fœdera, Casare ad Argicram proficiente: cuius conatus & bellici apparatus quorsum tenderent, diu incertum fuit. Missus amen ad Regem Philippo Mauro cum pontifice Aurégio, Arnol. Ferroni de rebus expeditionem

expeditionem eam Regi significauit, intereaque eum ad pacem hortatus est. Eius autem expeditionis hac fuit occasio. In Germania Caesar, cum inter Ferdinandum fratrem, & Ioannis filium qui Pannoniam proxime rexerat, contentionem de iure regni exortam esse comperisset: & hunc Turcas in auxilium suum adsciuisse, Ferdinando fratri exercitus sui partem mittit, quo hostes ingressu prohiberet. Interim ipse ne Christiana respublica ab eiusmodi hostibus sibi quicquam metueret, de bello in Turcicos fines transferendo cogitauit. Quod antequam susciperet, tenendam sibi necessario Africam existimauit, ne Turciam petens, infestum hostem perpetuumque, Hispanis terrorem post tergum relinqueret. Igitur in eam expeditionem animum appulit, magniſque nauium numerum comparat, quibus exercitum in Africam traducat. Coacto exercitu, dum res frumentaria expeditur, Caesar Luca cum summo Pontifice consilia belli communicat. Vbi dum esset, ad eum Rex legatos misit, daret operam Fulgosi & Rinconi sibi nomine satisfaceret: id ni faceret, suo se iure suas iniurias vindicaturum. Caesar quasi ignarus, ea sibi curae futura respondit. His ita gestis rebus, ipse naclius idoneam ad nauigandum tempestatem, suos soluere, ac in Baleares insulas progredi, seque ibi operiri iubet. Ipse deinde instructa nauium sex & triginta longarum classe, ex Aphrodisio soluit, ut in Corsicam transmutat. Quae cum appropinquaret insulae, tanta tempestas subito coorta est, ut nulla earum cursum tenere posset: sed aliae eodem unde erant profectae referrentur, aliae in aliam partem insulae magno sui cum periculo deiicerentur. Itaque remis contendit, ac cum aliis septem nauibus insulae partem tenuit eam quae in Italiam uergit. Quod cum reliquae sedato mari appuissent, Bonifacium Caesar petit oppidum & natura loci & opere instructum. Nam qua parte id non interluit mare,

Gestis Gallorum Lib. VIII. K lꝛ ū

clauditur muro, duabûsque turribus munitum est, quæ oppidum, ab externa ui defendant. Cæsar ex eo post biduum soluit, & in Minoricam contendit, quam altero biduo attigit: ac deinde in Mahonem portum prouectus est. Atque hic quidem cum classis bidui tempestate detenta esset, tamen secundo dein uento Maioricam facile tenuit. Quò cum uenisset, centum & quinquaginta onerarias naues ab Italia missas comperit: eodémque Fernandum Gonzagã Siciliæ proregẽ trirèmes septem adduxisse. Ac Cæsar quidẽ quindecim longas ex Hispania & alias quamplurimas expectabat, quas tamen in Africam iam peruenisse ei nunciatũ est. Quo audito ipse eodem contendit, & ad Argiram, urbem Africa maritimam peruenit: ubi naues comperit aduentum suum anteuertisse, ac eam continentis partem tenuisse, quæ est propius solis occasum, procul ab urbe decem fere millibus passuum. Ipse autem paulo longius progressus duodecim naues præmisit, quæ tutiorem à tempestate receptum explorarent. Quem quidem nactus, in eum se locum recepit, ex quo totum urbis situm faciliè posset intueri. Postero die cum astus maritimi ingrauescerent, soluit inde, locumque tenuit qui uetis minus esset obnoxius. Quò dum pergitur, duæ naues Turcicæ, quæ (ut ex captiuis postea cõpertum est) explorandi exercitus apparatusque bellici causa missæ fuerant, in Casarianos fortè, nec opinãtes inciderunt: quarum altera depressa est, altera ad terram euasit. Dum hæc ita geruntur, Cæsar Fernando Gonzagæ & Iacobo Bosso præcipit, littus ut nauicula præterlegant, ac sibi renũtiant quã sit exercitui optimus in terram egressus. Quod cū fecissent, Cæsar nullis resistantibus loco opportunissimo milites exposuit. Exercitus autem qui nauibus egressus est, hic erat numerus: Peditum uiginti duo millia ex Hispania, Sicilia, Neapoli, Germania. Italiæque omni coacta: præter Cæsar

saris domesticos, & eos quos equites Rhodij nauibus suis. sustulerat numero quadringetos. Equites præterea Caesaris quadringenti, ac septingenti ex Hispania euocati. Pedites ut primum continentem petiuerunt, sese summa animi alacritate expediunt ad excipiendos hostes, qui crebras in eos excursiones faciebant. At Caesariani machinis ita eos repellant, ut in proximos montes coegerint. Inde ad urbem progrediuntur copia. Cumque Hispani qui à Fernando Gonzaga ducebantur, in acie prima collocati essent, mediam Caesar dirigebat, in qua Germani constituti fuerant. Italis autem & equitibus simul Rhodijs præerat Camillus Columna. Inter hæc Numida Caesaris signa telis infestabant, ad quos ipse repellendos tres Hispanorum turmas misit, Quod cum cernerent hostes occupatis montium iugis, eos ascensu detrudere conabantur: sed ipsi suo loco depulsi ac breui cedere coacti sunt. Caesariani, dū pari certamine res geri potuit, magnum hostium numerum pauci sustinuerunt. Sed ubi signa legionum appropinquare cæperunt, quæ his auxilio ueniebant, paucis amicis se in proxima castra conferunt. Quibus receptis, Caesar exercitum propius urbem mouet. Ac quoniam Numida eius copias ex superiore loco sine magno suo periculo facile premebat, per commodum uisum est eos è montibus depellere, quod locus esset constituendo primo agmini ualde opportunus. Quibus occupatis, Caesar postea exercitum omnem in trianguli formam redegit, ac urbi circundedit. Ipse autem locus magnum afferebat suis ad salutem momentum: si enim ab hostibus fortè incessabantur, illos facile in urbem repellebant. Inter hæc cum omnia à Cesare rectè procurata prouisaque essent, tanta subito ac tam repentina imbrium ac uentorum uis totam illam nocte exagitauit, ut militibus qui sine impedimentis nauibus egressi erant, uires atque animum pene ademerit. Eo autem

tempore, & longas naues quibus Cæsar exercitum transportandum curauerat, quasque in aridum subduxerat, æstus complebat, & onerarias, quæ ad anchoras erant deligatæ, tempestas afflictabat. Quod cum animaduertissent hostes, impetu factò uigilias Cæsaris opprimunt, alij in munitiones tela coniciunt. At Cæsariani quanquam uentis admodum aduersantibus, tamen hostes repulerunt: qui quidem paulò longius regressi sunt, ut illos in insidias apto loco factas perducerent: nec spe falsi sunt, in eas enim illi incidere. Barbari à superiore loco Cæsaris exercitum omni telorum genere incessebant, atque ascensu prohibebant. Non tamen frequētes irruēbant, sed rari equis circuncurrebant, ut eius ordines perturbarent, quo factò plures paucos circumsistunt ac interficiunt. Eo die magnus pedum equitumque barbarorū numerus urbe egressus est: quem cum Cæsariani ad portas usque oppidi consequuti essent, tormentis machinisque bellicis nō sine magna sua clade ac detrimento excepti sunt. Itali uerò Cæsarianis immixti sese fugæ mandāt, equitibus Rhodis ad portas urbis relictis, paucis cum Italiæ proceribus, qui fugam à uirtute sua abhorreere existimabant. Igitur ubi se ita afflictatos uident, ab urbe recedūt, ac in angustiorē se locum recipiunt, unde plurimorum impetum pauci propulsare possent. Quod cum uidissent hostes, in tumulos, qui eo loco imminebant, pedites immisere, qui illos lapidibus & telis lacefferent. Et magnum quidem illorum numerum (eos præcipuē quibus arma decrant) confoderunt. Reliqui tamen tam foriter resistere, ut hostes indignati tā paucos tantam eorum multitudinem sustinere, rem cominus gerere, ac quos singulares conspexerant, incitatis equis impeditos adoriri cœperint. Sed alij à Cæsare auxilium expectantes, fori animo illorum incursum ferebant: longiusque hastilibus faciliē quamplurimos confodiebant, quod nudi

in acie

in acie uersaretur. Qua re perspecta, Barbari ab latere aperto in uniuersos tela conuicere, multisque grauissimè sauciatis omnes ordines perturbare. Interim Cæsar tempore opportunissimo cum omni Germanorum manu suis auxilium tulit: quod conspicati hostes in eius agmen machinas coniecerunt, quarum impetu & ipse penè extinctus est. His ita factis, cum laborantibus suis subsidia summisisset, se suosque in castra recipit. Desiderati sunt eo die equites Rhodij octo, Germanorum atque Italorum non magnus numerus. Dures Cæsaris ita duriter terra marique exagitantur, Numide opprimendi eius occasionem nacti, magna cum manu eam littoris partem occupant, qua Cæsaris militibus in terram esset egressus. Cuius rei certior factus Cæsar, duo Hispanorum millia egredientibus auxilio misit: quæ res deferendarum nauium causa fuit. Itaque fluctibus absorptæ sunt centum & triginta. Quibus fractis, reliquæ cum essent funibus, anchoris, reliquisque armamentiis amissis ad nauigandum inutiles, magna (id quod necesse erat accidere) totius exercitus perturbatio facta est. Neque enim naues erant aliæ, nisi paucae, quibus reportari possent: & omnia decræt quæ ad reficiendas naues erant usui: & quod præterea omnibus constabat, res quibus ali exercitum necesse est omnes periiisse: omniâque peditum impedimenta desiderari, quibus corpus tegi, & ab iniuria temporis defendi posset. Ad hoc accedebat, quod ingrauescens in dies maris impetus, maximum equorum numerum, magnam rei frumentariæ copiam, eaque tormenta quæ ad nauium defensionem urbiumque oppugnationem comparata sunt, omnia denique quibus instructus debet esse exercitus, absorpserat. Quibus acceptis incommodis, Cæsar cum frumento, comæatuique omni se undique prohiberi uidet, equis quæ sunt è nauibus eduxerat, milites triduo refecit, ac præsentem inopiam

quibus potuit subsidis tutatus est. Verum ubi militum vires cibariorum inopia diminui, atque incommoda in dies augeri, ac ita fortunam inclinari uidet, ut sui magna necessarium rerum penuria confluerentur, eam urbis Argieræ oppugnationem in proximam astatem contulit, atque milites reducere instituit. Ac dum Itali Germanique in naues imponuntur, ipse Hispanos (quorum fidei & uirtuti multum tribuebat) in armis consistere iubet, ac prima oblata nauigandi occasione naues conscendere. Quorum qui primi soluerunt, longius à periculo absuere, reliquis tempestate detentis. Interim Cæsar naues Rhodias sequutus, Burgiam appulit. Postero die quâ illud peruenerat, certior factus est per triremes, quæ ad Argieram cum quibusdam nauibus relicte erant, eas fluctibus ad litus eiectas, ac labefactas, milites autem qui continentem tenere potuerant, cum se in hostium potestatem desperatione adducti dare uellent, à Numidis interceptos, atque omnes ad unum necatos fuisse. Delira fuit fabula, exagitata tamen uulgi rumore, & immodicos imbres, & maris procellas magicis carminibus Mauri cuiusdam harum præstigiarum non ignari, accidisse. Barbari quidem diu suis tantam uictoriam acceptam referebant. Sic olim narrat Dion Marco Antonio Cæsare bellum in Quados gerente. Arnuphim magum Aegyptium, qui unâ cum Marco erat, Mercurio daemonibusque inuocatis per eos pluuiam extorsisse. si cui libet fabulis fidem adhibere. Nam CHRISTIANORVM oratione id impetratum alij authores prodidere. In procinctu horum bellorum Ioannes Danguo, qui Vicecomitis Diepensis nomine notior est, ornata classe latius uagatus, uariè Cæsarianas naues ex Indica nauigatione redeuntes intercipiebat. Ille qui dem aut qui pro eo excubabant superioribus bellis, naui insigni quâ sacram uocabant usi, innumeras laureas uictoriasque nauales

uales retulere, quæ ad extremum succedentibus parum rebus, Angonis familie utilitatis nihil, decoris, cuius auida sunt magna ingenia, plurimum attulere.

ARNOLDI FERRONI RE-
RVM GALLICARVM
LIB. IX.

AVDita multò post turbari cæpta fœdera inter Casarem & Franciscum Regē capere: alter enim alterius potentiam suspectam habebat. Et Casaris consilia ut callidiora, & occasionem commodioris belli expectantia erant: ita ob res Africano bello accisas, quietiora eo fuere tempore. Rex eo tēpore bellum orsus est, quo neque satis à re nummaria paratus erat: & si induciarum tempus expectasset, Gallis maximo usui fuisset. Quippe eo tempore abundabat Gallia frumentis, uinis, pecoribus: hostes eorum inopia premebantur, qui si bellum dilatum esset, ingentem pecuniarum numerum in Gallia reliquissent. Sed dolor quem rex conceperat ob Antonium Rinconum, & Casarem Fulgosum casos, maximè cum ad belli consilia acceleranda stimulabat. Simul Philippus Cabotius, & alij aulici ea potentiam Gallicam uerbis augentes accelerarunt. Margareta Valesia, & Henricus Nauarrorum Rex ubi tacitum Regem belli cōsilia agitare uident, instare apud Regem, uti bellum ad Nauarrorum regnum recipiendum transferretur. Idque cū se illi impetrasse putarent, accidit ut Rex Ioannem Mompesatium Carbonem, uicarium copiarum Regis Nauarræ rogaret, ecquid sentiret de bello, & Pompeluna recipienda. Ille si belli consilia eò uertantur, in-

Gestis Gallorum Lib. IX.

structissimis esse copiis, & magno apparatu opus respondit, ne idē accideret quod Andrea Fuxeo paucis antea annis: non enim esse sine ualidis copiis intra alterius munita præsidia ueniendum. At Rex qui decem tantum millia perditum cum turmis aliquot equitum ab aliis sufficere credidisset, cum Carbonis consilium eis non imprudens ostendisset, mutato consilio aliò bellum transtulit. Ob quæ & Margareta Valesia & Rex Nauarræ in Carbonem malè animati sunt: adhuc tamē bello ad Perpenianum moto, sperantes partem copiarum regiarum ad sua recipienda uenturam. Rex iam ob aduersam ualeitudinem morosior euaserat, longèque à pristina comitate abierat: ut eo tēpore captanda fuerint tempora iis, qui ab eo aliquid uellent impetrare: & minus libèter facetias & scōmata ferebat. Interea fuit hoc ueluti belli præludium, cū Rex ad Mariam Casaris sororem, quæ Burgundico regno præerat, per legatos peteret, Sanctopaulinum oppidum uti induciarum tempore conuenerat, reddi: cum Morinorum Pontificis iurisdictionē, quam Casariani interuerterant, pontifici suo restitui uellet. Maria iam bellum parati sentiens, quæ sit Casaris de Sanctopaulino uoluntas, ignorare se aiebat: petendum id esse à Casaris legato, qui in aula regia esset. Non posse se Morinensem iurisdictionem hoc momento temporis reddere inconsulto Casare, cum à Pontifice Romano tota ea controuersia nuper misso ad Casarem diplomate, sopita sit. Et intenta mulier ad arma repellenda, eodem tempore edicto sanxit, ut qui Casaris parteis non sequerentur, aut Burgundia uicinisque prouinciis excederent, aut uitæ & bonorum iacturam paterentur. Hoc tempore ferunt uitulum bina capita gestantem prodixisse, & antea puellam bina quoque capita efferentem. Id prodigiū esse simile, & uero prodigium diuī esse professi sunt, quo significaretur rerum omnium perturbatio.

Arnol. Ferroni de rebus

batio,

batio, imperaturumque principem latius, quasi duobus re-
gnis coniunctis. Quae in re euentus deceptos ostendit ina-
nes hosce augures. Aderat iam anni millesimi quingentesi-
mi quadagesimi secundi mensis Iunius, cum iam omnia
bello feruere coeperunt. Bellum passim conclamatum ob Ca-
sarem Fulgustum & Rinconum caesos. Atque horum quidē
mortis causam Alphonsus Daualus sustinebat: re quidem
uera nemo dubitabat, quin iussu Caesaris caesi essent: eoque
Valentinū antistitem ad Caesarem pergentē Lugduni Rex
interceperat, quem aliquot post menses liberum emisit. Cō-
siliū Regis fuit, ut uariis ē locis Casarianos pelleret, dubi-
tantēque ubi moles belli uerteretur, fatigāret. Ita Carolū
Aureliorum principē in Leucorum fines cum copiis raptim
coactis immisit, Claudio Lotharingo Guysio comite, qui iu-
uentutem ardentiorē si opus esset, moderatione sua leni-
ret. Ille Danuillum oppidulū adoritur. Oppidani & Gal-
los ridebant, & irruentes acriter depellebant. Sequenti die
admotis omnibus copiis, oppidum expugnatum est: praeda
militi concessa, ob Gallicos milites publicē ab hoste suppli-
cio affectos. Aurelius oppidanos qui ad aras confugerant,
seruari incolumes iussit. Inde in Iuorium contēdit. Erat lo-
cus munitissimus: tuebatur locum ualido Casarianorum
praesidio Gillius Deluentius. Admotis machinis pars muri
deiicitur. Hostiles machinae ita ex Iuorio assidue mittebā-
tur, ut parum absuerit quin Aurelius dum incautius locum
explorat, harum impetu caderet, caeso milite cui proximus
erat. Itaque acrius Galli oppugnationi intendere: hostes
ubi Gallorum impetum uident, deditione facta, loco Aure-
lio cessere. Ita Iuorium receptū, quod ualido praesidio Galli
nequicquam Casarianis oppugnantibus, toto hoc bello re-
tinuere. Qui ex praesidio emissierant, excepti postea à Lon-
gonallio caesi. Fuit Iuorium olim uicū potius quā oppi-

dum: at cū Marca uexaret oppidanos, cæptum est agi de muniendo loco & tingēdo propugnaculis. Viretonū quoque & Arlelonum receptum est. Accidit tamen ut dū Gallicæ copiæ ad Arlelonum sese reficiunt, pars urbis magna ex parte conflagraret: quod Aurelius moleste tulit, procacitate & temeritate militari id accidisse questus. Indignūque esse diclitans, qui Regio are mererent, spe prædæ ac rapinarum spurcissimè ad pastum mendicitatis suæ, urbes spolient. Itaque mox eductis militibus Luxemburgum uastam urbem oppugnare incipit. Eò ad eum perueniunt Germanorum copiæ, quas Longouallius ex Cliuensibus, & tota Germania unà cum Martino Rossenio tribuno Geldrensi eduxeratchi ex Rauesteno egressi, inuitis Cæsarianis per eorum loca transiere. Sensere id Cæsariani: itaque raptim coactis equitibus, & peditum numero illis obuiam uenēre ad uicam Hochstrateum, Renato Chalonio Nansio suos ad certam prædam hortante. Ex puluere uterque sensit hostilem aduentū. Pugnatur aliquantulū acriter; donec Flādrorū, ex quibus maior pars hostiū constabat, uires labare cæperunt. Tū demū urgere Longouallius, instare Germani: ut illi fugati, ingens præda abacta. Captus eo prælio uicarius copiarum Nansy: relata sex uexilla, mille quadringenti capti. In iis equites centum quadraginta, cum aliquot tormentis bellicis: Aurengius fugiens, Antuerpiam contendit: Longouallius cum Germanicis copiis aduolat Antuerpiam, tētans si quo tandem pacto urbe opulentissima potiri possit. Oppidanorum ingens fuit terror, ut in urbe opulenta, neque bellorum strepitum experta: parare tamen cæperunt quæ spectarent ad tuitionem. Quod Galli & Germani intuiti, qui & tormentis & reliquo apparatu ad urbis oppugnationem necessario carebant, incensis suburbiis, prædaque ingenti recepta, abierunt. Suadebat Longouallius uti celeriter

ad Louanium, urbem nobilem & potentissimam, sed praesidio uacuam properarent. Sed dum praeda intenti Cluëses nictis expulandis occupantur, urbis potiundæ occasio sublata est. Prodiere ex urbe aliquot differendi cum Longouallio causa, atque inter se colloquendi. At cum ex urbe Fraci globis emissis uulnerati essent, qui colloquii gratia prodierant, in Galliam captiui sunt abducti. Itaque post longa itinera emensa, Maserias peruenere. Inde Longouallius cum iis copiis ad Aurelium, qui iam Luxemburgum oppugnabat, peruenit. Oppidani partim urbe egressi, partim subterraneis locis latitantes, urbem uacuam milite, Gallis reliquere. Ibi militi ingēs praeda parta. Rumor iam manabat ad Antuerpiam aut Louanium aduolaturum Aurelium: sed neq; paludes, quibus hi loci referti sunt, id sinebant: atque ut maxime sinerent, Rex filium iam ipse è Luxemburgo reuocabat cum parte Germanicarum copiarum: quem tamē multū putabant, si copiis maioribus à Rege auctum accepisset exercitum, eas res gesturum quæ Gallia utiliores essent: utiliusque fuisse uno loco acerrimè hostes impeti, quàm copias uariis locis distrahi. Ad Tionuillū oppidū munitissimum missi qui deditionē suaderent: faceffere iussi: cū appareret locum arte & situ inexpugnabilē. Non est uisa ratio Aurelio, cureo loco implicarentur Gallica copiae. Interea iussu Maræ Austria, quæ fratris Caesaris nomine Burgundiae imperabat, Burgundionum copiae mox & uiribus & numero praestantes, post Aurelij discessum ad Iuorium oppugnandum pergunt. Sed admois machinis & tentata oppugnatione, cū uanos suos conatus uideret, inde sese propiunt. Claudius Lotharingus ueritus ne annonæ inopia Galli, qui Iuorio in praesidio erant, ad deditionem si quando iterum argerent hostes, cogerentur, commeatum affatim in eum locum induxit, recentēque milites ex Menapiis: parte

alia in Belgica Gallia mense Augusto Antonius Borbonius Vindocinensis, attributo ei à Rege certo peditum equitumque numero, circa fanum Omeri, ignobilia aliquot castra diripuit. Et quando uidebat ex arce Tornehana uarias eruptiones fieri (nam locum munitum praesidio Caesariani tenebant) eò copias admouit. Caesariani ueriti Gallicum impetum, iam de deditione pacisci incipiunt. Petunt autem à Vindocinensibus tria, Primum ne receptum Tornehanum demoliat: Deinde uti tormenta eis bellica educere salua liceat: Tum ut qui in praesidio erant, cum armis, impedimentis, sarcinisque omnibus, inde incolumes emittantur. Ille rem ad consilium refert. Tandem hostes ita responso dato admonet, licere eis loco cedere, atque inde abire incolumibus unà cum armis: nullas se alias leges deditioni adiecturum. Hostes recepta lege ea deditionis, Tornehano cedunt: eoque Galli potiti, summum rerum apparatus inuenere. Inde certior factus, uicinam arcem Montoyreum ualido praesidio Caesarianorum teneri, nec longe cum expedita militum manu adesse Rutium, eò contendit. Caesariani Montoyreo Gallis mox cessere. Ibi tres aut quatuor dies Vindocinensis suos refecit. Rutius nondum suos ad bellum paratos uidens sese in tutiora loca recipiebat. Ad eum Vindocinensis Helyum, Blaisencurtum, Scitimum cum turmis aliquot suorum misit: qui Caesarianos ex improviso adorti, uariè eos dissipauere, multos captiuos abduxere. Rutius fuga sibi consuluit: ille Tornehanum aliàque loca recepta, solo æquauit. Eadem æstate Gulielmus Bellaius Langæus, qui Legatus Regius Taurinis praeerat, suos in praelium educēs, Querasum oppidum in Pedemontanorum finibus, quod superiori bello Caesariani Galli extorserant, recepit. Et plane etiam pacis tempore semper ea loca bello infesta fuisse, nunc Alphonso Daualo, nunc Casare Neapolitano, qui

Arnol. Ferroni de rebus Volpiano

Volpiano præerat, nunc Sabaudiano ipso novos dolos quibus urbe potiretur parante: ut non minus induciarum tempore quàm belli, copie Regi alende fuerint: cum hostes nunc instructo exercitu, nunc prædatoriis copiis instructi, Taurinis imminerent. Accidit quodam die, ut rhedas quas sæno onustas in urbem introducebant, laterent armati homines, ut occupato ponte & aliquot locis, Casarianis qui in insidiis locati erant, irrumpendi in urbem esset facultas: & succedebat dolus. Cùm unus è militibus circa pontem miratus torhedas sæno onustas, lancea cepit pertentare si quid fraudis inesset: moxque fragore armorum audito, ad arma conclamaret. Alij uolunt laxata cathena qua pons sustinebatur, rhedas deiectas. Ita fraude detecta, armati miserrimè necati sunt, dolique pœnas luere: reliqui detectum dolum uidentes, inde sese proripuerunt. Alio tempore Caesar Neapolitanus, continuatis nocte dieque itineribus, prima aurora parum absuit, quin propugnaculum unum urbis occuparet: sed uigilum industria excitatis Gallis, emissis tormentis bellicis fugatus est. Denique multos ciues pecunia hostes sæpe sollicitauere: quosdam etiam ex Gallicis militibus uti occultè in urbem aditum sibi præberent: quorum semper insidia detectæ sunt, ac de improbis supplicium sumptum. In huiusce belli procinctu Gulielmus Poietus apud Gallos iuris præfectus, in carcerem conicitur: hac quidem ex causa, aut occasione hac arrepta, qua iam aulicis exosus aula excluderetur. Anna, quæ Stampæ dicebatur & Pontieuria, ut ingratum Poietum oderat. Erat illi inimicissimus Philippus Cabotius tribunus maritimarum, ob iudicium in se nuper latum. Eius gratia superbiæque commoti homines, & Regij liberi & Rex Nauarra, reginæque & potentiores alij aulici, illi apertè inimici erant. Accidit ut Ioânes Renaldus unus è Petragorica nobilitate,

litem haberet sanè quàm molestissimam cum Ioanne Tilio scriba regio apud Lutetiam. Ea lis (ut eo tempore, qui apud aulicos gratia ualebant, facile impetrabant) diuersis in senatibus Gallicis agitata. In aulico etiam consilio è Lutetia etiam senatu diplomate regio extracta est, & ad Diuionensem tandem senatum reiecta. Cùmque diploma quoddam obsignandum esset, idque Rex imperasset, & à Giliberto Baiardo, qui à secretis esset Regi, Poieto esset allatum, iussit Poietus quædam mutari. Id grauitè ferens Renaldius, ad Pontieuriam detulit: quæ Renaldium Regi eo die post coenam offerens, neglectum ait imperium Regis, nec potuisse impetrari à Poieto quod Rex iusserat. Vnde iratus Rex iusserit primum scrinia & sigilla Poieto auferri: mox frigidâ suffundentibus aulicis, abduci captiuum. Accidit & aliud: Cùm Renaldius per Pontieuriam impetrasset literas à Rege ad Poietum, quæ acerbius urgerent eum ad obsignationem diplomatis, eas literas cum ille accepisset, casu accidit, ut eodem die salutatum iret Margaretam Valesiam Nauarrae Reginam: cui ostendens eas ostendit literas, indignatisque hæc addidit, At uos quidem mulieres omnia miscetis: Regina, quid salui esse potest, ubi mulierum consilio omnia geruntur? At Valesia cùm mulierum consilium tutum esse Poieto respondisset, & quædam alia acerbius, digressa est ab eo. Re denique cum aulicis aliis potentioribus communicata, non putauit prætermittendam hanc Poieti superbi, uanique hominis, opprimendi occasionem. Circa uesteram cum circumfusi essent circa Regem aulici, refertur ad Regem quid Poietus oblocutus sit in eum. Conclamant aulici ferocitatem urri ulciscendam. Rex, qui malè antea in eum animatus esset, primum quidem abigi iubet Poietum, aulique ei interdicti: sed cùm Henricus Rex Nauarrae, & reliqui aulici qui reconciliari posse Regem uidebāt alio tēpore Poieto,

parum aiunt tutum esse aula eum exigi, qui tot tabulas ad regni utilitatem pertinentes, sua ipse in potestate habeat. Proinde cautius esse, si periculoso hoc tempore, consiliorum omnium bellicorum particeps, tuto loco asseruetur. Iussu Rex uti captus in Bituricensem arcem abduceretur, data eius capiendi mox et abducendi cura Ludouico Neuersio: qui lectulo decumbentem excitans, perturbatis omnium domesticorum animis, mox in Biturigas abducit. Is mox ad Regem et Philippum tribunum maritimarum et Franciscum Tatonium literas dedit, querelarum et miserationis plenas: quibus id tantum deprecabatur, uti molestia carceris liberaretur, nec tamen impetrauit. In eius locum susceptus mox Franciscus Monthelonus, praeses Parisiensis. Poietus per aliquot annos carceri inclusus uixit, agere tandem impetrauit; ut more maiorum et senatibus delecti patres cogerentur, per quos iudicium statueretur: qui tamen ipsi nominati sunt minime in Poieti gratiam: diuque postea Petro Raimundo praesidi Rothomagensi homini graui et probato, negotium datum, uti in Poietum quaereret. Huiusq; demum anno millesimo quingentesimo quadragésimo quinto sententia patrum, ob peculatus crimen, diuenditosque et uenundatos regios magistratus, et multa ad suum quæstum nundinationemque se de patrata, multa grauisima, ut pecuniaria tantum irrogata est, nisi quod aperto capite adesse iussus est, dum sententia in eum lata recitatur. Cuius iudicii exitum Rex acerbissime tulit, et in eos qui ad eum misierant ad iudicium ei aperiendum (nanque ita illi decreuerant, ne quid prius proferretur, quam Rex esset certior factus) effudit multa in iudiciorum corruptelam, in iudicii huiusce contumeliam. Et parum sanè absuit, quin eo iudicio ille capite lucret, agereque aulici ferebant elapsum hominem, qui tamen perpetuo carceri eadem patrum sententia addictus

erat, tametsi ea pœna illi remissa est. Atque hæc quæ multis post annis accidere, in hunc locum referre placuit, quando semel in Poieti mentionem incideramus. Principio huius belli, Rex exercitum ad Perpenianum urbem, quam Casariam pridem occupabat, insituit ducere, cōsilio Antonij Pratiij Mompesaci. Sed cū tardius coacta essent copiae, neque maturius propter itinerum difficultatem urbē obsedissent, inanis fuit oppugnatio. Et sunt qui tardius ab Henrico Regis filio educatas copias uolunt. Sed eum cum copiolis inermibus proficisci, & festinare indecorum inutileque fuisset. Maturius, exercitu nondum contracto, uenire non potuit, pugnae semper cupidissimus. Sunt qui ea parte urbem oppugnatam, qua Mompesacus dissuadebat, Claudio Ennebaldō authore uolunt: quem, cū huius oppugnationis munus suum esse uellet, parum fuisse uolunt æquum aliorum consiliis: & Mompesacum aiunt uanissimè suasse Regi, antequam robur exercitus cogeretur, utile futurum si ipse cum delecta equitum, peditumq; manu prius locum obsideret, itinera intercluderet: neglexisse id Regem. Oppidani cū spatium habuissent sese colligendi, milites instruebant, delectum cogebant, arma expediebant. Ioannes Congeus & Ioannes Cernillio, qui urbi praesidio relictī erant, parata omnia ad obsidionem tolerandam habuerunt. Est Perpenianum mediocris ciuitas: loco superiori eminet Castellum Maius: (ita loco nomen.) Inde muri pars, claudens parte una urbem: est & Castellum alterius munitionis nomen, Castello Maiori minus. Ex ea muri parte inferiore quæ attingit Castellum Maius, est propugnaculū paruum & depressum, per quod tueri possunt mœnia. Cernillionis consilio diruta est ea pars muri ex urbe: mediōque ferè itinere extructum est aliud propugnaculum terreum. A tergo erat Fanum, quod & illi munierāt instar propugnaculi:

culi: ex quo loco uariè Galli afficiebantur. Nec longe ab urbe aliam munitionem extruxerant terream, quam nequicquam Galli frustra diruere conati sunt. Italicus eques latè uicinas regiones populatus est. Hispani ex urbe frequenter erumpebant. Leuia utrinque sæpe certamina, ut quodam die urbe egressi, machinas Gallicas aut abducere, aut obturare omnes tentarint, ni Brissacus cum delecta equitum manu superueniens, hostes in urbem coëgisset. Ibi ex nostris uulneratus Roqueniùs glande quidem aenea ab hoste circa brachium, at uariis aliis locis hasta, uel à Tristano Moneio uno ex nostris, dum irruit uelut in hostem, ut quidam uoluerit, uel ut nocte intempesta accidit, ab alio quodam. Et paucis antè diebus Cappusius, qui Galiotum Ienolacum manu sustentabat, tormento ictus necatus est: & uulneratus Ioannes Salignacus Burdigalensis: cum postea semper incommoda ualetudo, qua iam emeruisse uidebatur, oppressisset eum: & ipse quoque desideratus, Ienolaco prono in humum ruente illaso, ut & Daciero, qui & ipse parum absuit, ne alio tormento emisso opprimeretur: alio die ingens equitum certamen, ut multi utrinque desiderati sint. Captus unus è Cardurcorum nobilitate Antonius Cardilacus Bieulius: qui captum abduxerant, dum contendunt de captiua, ad certamen ipsi uenerunt: id alter intuitus Cardilacum nequicquam sibi metuentem gladio transfigit. Henricus Delphinus cum apud Congeum & Cernuilionem ex postulasset per tubicinem de ferocitate militum, uinctos reos illi parati fuerunt dedere, refutante Delphino de his supplicium Hispani sumpserunt: noui etià milites in urbem immisi sunt, & Caesar cum robore exercitus aduentare dicebatur. Interea Aureliorum Dux Carolus, ad fratrem è Leucis reuocatus peruenit. Rex toto obsidionis tempore, Sallies se non commouit. Cum frustra esset obsidio, placuit dissolui copias:

aduentante iam hyeme, uicina aliquot oppida à Iacobo Perucio Efcartio, & Ioanne Sanctiafterio direpta sunt. Itali & Aquitani seditione facta uix pugna aperta abstinuere, agrèque pulsatis Aquitanis sedata seditio. Narbonensis prouincia à militibus Gallicis eo tempore uastabatur, uel multitudine ipsa militū, uel procacitate ipsa, ut oliueta passim etiam excinderentur magno hominū dolore. Rex Mōssepsulum, inde Tholosam, è Tholosa inuisit Margaretam Reginam Nauarra, sororem Neraci degentem, quam fama erat grauidam esse, & iam ad pariendum uicinam. Sed accidit postea, ut ea pareret quod molā uocant. Mox Burdigalam, è Burdigala Angolismam & Cognacum peruenit. Cæsariani Luxemburgum recepere: & iam instructis copiis Pedemontanorum urbes uariè afficiebant. Eò missi à Rege, qui Cæsarianos ad sua tutanda reuocarent: quædam etiam eorum oppida oppugnarent, perterritosque in sua cogerent. E Perpeniano in Subalpinum agrum transiere Regiæ copia, misso Ennebaldo: & circa finem Nouembris mēsis cōuenere ad Carignanum. Ibi ad sexdecim inuenta hominum millia fuere. Ac ne tempus frustra tererent, properant ad Cunicum oppidum (quod & Conium uocant) oppugnandum. Huic præerat cū ualido præsidio Petrus Portius Vicentinus. Et quanuis acriter per singulos tres dies tentassent Galli Italiq̃ue irruptionem, frustra tamen fuit omnis conatus, impigrè obfistentibus Hispanis. Itaque rediere Carignanum, ubi septem peditū millia exauthorata sunt, quòd rapinis infestassent agros. Ibi cū Ennebaldus muri parte diruta, modicè tuberet Ossunum cum suis peruadere, ille autem comatulos & delicatos iocans deposceret, parum absuit res à dissidio acri, inter Ossunū & Thermum amicissimos: qui frustra proceribus adnixis ut in gratiam redirent, inter se cū contulissent familiari colloquio quæ utrū-

Arrol. Ferroni de rebus que

que angebāt, tandem in gratiā rediere. Est & frustra Quier-
 sium tentatum, multiq̃ue ex peditibus, machinis emissis cō-
 cisi: inter quos Petrus Faugierus Burdigalensis, cui Gorfio
 cognomen. Itali qui in patriam reditum parabant, cū in-
 stare uiderent Casarianos, deligunt certos sibi uelut itinerū
 duces. In his fuere Regulus Malaspinus, Iacobus Sanius
 Vicentinus, Aldrigus Venetus, Strasmus Placentinus,
 Ioannes Andreas, Marinus Brixienfis, Franciscus Pa-
 cius Venetus, Aemylus Bolognetus, Giraldu Frasccherus
 Alexandrinus: Carrerus & Frasccherus cum septingē-
 tis peditibus noctu occuparunt Abruzum oppidum,
 haud longe ab Alexandria: nec diuturna ea fuit eis hac
 sedes. Nanque Vastius Daualus intentus, in omnes oc-
 casiones, arcessiuit mox lectissima Casarianorum auxilia.
 Hi cum sexdecim hominum millibus, & septem tormentis
 maioribus mox adfuere. Daualus quassatis muris summo
 impetu irruit in oppidum. Et quanquam strenuē se tuenti-
 bus illis, dum recentes undique hostes submittuntur, poti-
 tur oppido: ubi multi cæsi, multi capti. Frasccherus iubente
 Vastio, capite diminutus est: cæsus quoque est Pacius. Reli-
 qui Itali cum diu hac illac uagarentur, à Boutiero in arces
 uicinas aliquot, numerato stipendio distributi sunt. At Va-
 stius & Pyrrus Columna, cum septem peditum millibus,
 eductis quoque maioribus tormentis, multa castella igno-
 bilia, partim ui, partim uolūtaria deditione recepere. Rediit
 deinde Astam Vastius. Galli Italiq̃ue, duce Petro Mario,
 Sanctosecundano rursus cōuenientes, cæsis Casarianis rur-
 sus ea recepere: eaq̃ue & Carignanum muniere, annona
 copiosissime illata. Ex eo tempore bellum trahebatur oc-
 cupatione castellorum,munitionēq̃ue. Accidit ut Chincia-
 rius præfectus equitum aliis leuibus Casarianis, ad Verōā
 negligentius sederet. Id Boutierius sentiēs, mittit Ludouicū

Biragum cum aliquot alis equitum, & Antonium Franciū cum trecentis peditibus, qui imparatum opprimāt. Hi summa celeritate usi, Veroa occupata, ita oppressere Chinciarium & Casarianos, ut impedimentis, armis, equis relictis, effusa fuga omnes sibi consulere coacti sint. Multi capti, plures vulnerati, præda opima parta. Acciderat uero antea, ut Gallis pulsus è loco cui Cana nomen, mitteretur ab hostibus Aldrigus Venetus cum trecentis peditibus, ad Marsalium arcem præsidio firmandam. Id oppidani intuentes, admonere Gallos, simul partem in oppidum excurrere iubent: partem aliam ipsi per subterraneum locum perducunt ad Marsalium. Aldricus cum ingressi Galli, Galliam undique acclamarent, multosque sternerent, parte alia ab aliis oppugnaretur, perterritus fugam adornabat: sed multis cæsis captus est per Fantonem, ac deinde Carolo Drotio traditus, ex cuius custodia elapsus ad Vastium confugit. Nec multò post adcurrrens Vastius, oppidanorum agris uastatis omnes crudeliter necauit: tantum duos, quos perfidia prioris in simulabat, uinctos excelsò loco pedibus suspendit, pilariisque ferrearum innumeris ictibus pendentes, à milite necari iussit. Mittit deinde Pyrrum Columnam ad Mondeuium oppugnandum. Instruētissima acie gradientem cū multis Hispanorum, Italicorum, Germanorum millibus. Illi ad Agnellum consilio habito, prima luce uicos occupauere: ubi Galli in præsidio erant cum Ioanne Andrea, & Iulio Landriano. Landrianus captus est, reliqui Mondeuium peruenere. Carolus Drotius, quem & Droßsum uocant, præerat Mondeuio cum Helueticorum aliquot Aquitanorumque cohortibus, Italicisque peditatu, cum Fátone, Paulo Miglio, Naldo, Bonio, Ioanne Regio Turcheto, Ioanne Andrea Marino: qui omnes Italici peditatus erant ductores. Aquitanici uero ductor erat Brianfouetus. Columna Arnol. i Ferroni de rebus admonet

admonet Daualum, quibus copiis intellexerit Mondeuium munitum, maioribus uiribus opus esse. Ille mox eò aduolat cum leuissimis copiis, & decem & octo machinis maioribus. Ac primum quassantur multis locis mœnia, quippe tribus locis hostes machinas aptissimè collocarant. At erumpentes Galli Italiq̃ue, multis utrinque desideratis reddere, è Gallis Brianfoneto caeso. Sequentibus diebus strato muro hostes irruere: sed à Gallis pulsī, multis desideratis, frèdente Vastio, eo die reditum est in castra. Iam acrius quassata erant mœnia: idq̃ue intuēs Drotius quibusdam dissentientibus deditionem facit saluis omnibus rebus. Hac incidere in tertium diem Nouēbris, anno M. D. XXXVII. Vastius Mondeuium muniit, & cum ualido præsidio imponit Ioannem Matthæum Longum. Vicina omnia castella, quorum usque ad octoginta multi numerum transserunt, ab eo quoque recepta, & præsidiis firmata. Pergit Vastius ad Carignanum. Præerat Carignano Petrus Ossunus Gallus & Acciolus: aderant & Franciscus Bernardinus, & Accoltius. Hi impares se agnoscentes tantis copiis (neque enim iis munitionibus quibus hodie septum erat Carignanum) loco relicto constituere uariis excursionibus fatigare Casarianos. Dum abeuntes prosequitur Vastius, & Ossunus acriter dimicat, homo uetere Aquitanica, nobilitatēque ornatissimus, captus est. Culpam ipse retulit in Bernardinum, qui ut conuenerat, aut noluerit adesse, aut terrore impeditus fuerit: eoque nomine ad singulare certamen hominem prouocauit. Sed Rex duelli author esse noluit. Captus est & Magrinus. Vastius Pyrrum Columnnam & Felicem Arcium Germanum, & Sanctomichaëlem Hispanum præposuit Carignano, idq̃ue communiit. Franciscus Rex per Boutierium certior factus nouis copiis opus esse, ex Heluetiis & Aquitanis collectum per-

Gestis Gallorum Lib. IX. Ll iij

ditatum subsidio suis misit: & ad XV hominum millia unà cum Italis habuit. Nec Vastius quæ pararentur sentiens, distulit accersere copias: octôque Germanorum millia è Germania exciuit. Interea mense Decembri accidit, ut Petrus Portius Vicentinus, dum cum Gallis congregitur uariis excursionibus, caperet eum qui Bargesio præpositus erat: nomen multisilucere, parcentes familia: Italum fuisse aiunt. Is captiuum posteaquam de pretio ingenti redemptionis conuenit Portio, pollicitus est daturum se Casari aut Portio Bargesum arcem: in eam rem obsides daturum filium & uxorem. Hæc pacta rata habuit Vastius: his ille conditionibus solutus est. Euocatus Portius pergit ad Bargesum recipiendum cum ducentis peditibus, quinquaginta equitibus: admonetque alterum pactorum: ille præmittat uiginti pedites prius, consult, his se arcem traditurum. Tum demum uenientium Portium exploratis omnibus, nihil sibi sanctius esse fide, quam constrictam liberare uelit. Hoc ille maxime fidem fecit, quasi Portiū utilitati consuleret. Præmittuntur uiginti quinque milites spectata uirtutis: hi omnes Bargesum aduenientes concisi sunt exceptis duobus. His duobus cum ferrum, ignem, acerba omnia supplicia minitaretur, tandem factum est, ut spe salutis consequendæ reciperent, se quæ ille iuberet aut scripturos, aut elocuturos. Collocat eos in turriculam aliusculam: euocantur Portiani ad colloquium. His illi renunciant salua esse omnia, ne dubitarent arcem ingredi. Suadebat iterum Portio ingrederetur cum uiginti quinque equitibus, alij deinde admitterentur. Ipse interea suos, qui pilarum emittendarum peritissimi erant, in armis paratos esse iubet. Introducitur Portius, ut uidebatur, nec tamen introductus est, sed ab alijs qui exituri erant prope Bargesum stantibus honorifice exceptus, mox emissis pilis impetitus est. Nemo è Portianis fuit qui non aut occuberet,

aut

aut uulneraretur: ipse ita uulneratus est, ut mox exanguis desiderium sui relinqueret. Hic finis Portū, cuius fortitudo concitabat magnam opinionem apud Casarianos. Interea Galli receperant ea castella, quæ prius occuparat Vastius. Iam circumagebatur initium anni M. D. XLIIII, tum Bouticrius, Teus, Maurus Gabriel Mauri frater, Biragus, Carlous cum multis equitum, peditumque millibus in agrū Crescentinum peruenere. Huic loco præerat Canus cum trecentis peditibus, ducentis equitibus Casarianis: atque is admotis machinis saluis rebus omnibus deditionem fecit. Properat Bouticrius ad Linornum, quod & receptum est uoluntaria deditione. Tandem admouit copias ad sanum Germani, ubi Caranius cum Andrea tribuno, Petro Gasino, & multis aliis, firmoque equitatu & peditatu relictus fuerat: qui cum robori suorum consideret, deditionē distulit: ubi sensit labare animos, deditione facta emissus est: idque accidit mense Februario. Horum omnium bellorum apud Gallicos scriptores summum silentium. Exteri quædā prodidere: obruere tamen silentio multorum res fortissimè gestas: ut iis accidit, qui Gulielmi Bellai Langai non meminere: in quo ea adfuere ornamenta, quæ M. Tullius in L. Lucullum congerit, magnum optimarum artium studium, tum omnis liberalis & digna homine nobili ab eo percepta doctrina. Tātus uerò fuit imperator in omni genere belli, præliis, oppugnationibus, totiusque belli instrumentis, & apparatu, ut ille Alphonsus Vastius Daualus post Ferdinandum Daualum acutissimus omnium imperatorū, hunc à se maiorem ducem cognitum quàm quenquam eorum quos uidisset, fateretur, Carolus uerò Caesar plus se ab eo unius illius eloquentia, dum apud exteros legati officio fungitur pro Rege debilitatum fateretur, quàm multorum robore, & animi magnitudine. Sed nec aut Dacierij, aut Terridi,

aut Alegræi, aut Thernij, aut Sanctotuliani, aut Petri Os-
 funi, Monluci, Montigrundi, nisi rarissimè meminere, quos
 omnes clarissimos ipsi sciunt fuisse toto hoc bello Subalpi-
 no. Nec hac eo scribo, quasi fidem abrogari uelim exteris scri-
 ptoribus: diligentiam illi maiorem plane quàm Gallici at-
 tulere: sed qui Gallicos exteris cōtulerit, meliora optimis, in-
 gens opera pretium facturus uideretur: obiiciūt nobis ex-
 teri temeritatem, quàm & Gallis Iulius Cæsar maximè
 innatam aut, ut leuem auditionem habeant pro comperta.
 Obiiciunt iracundiam, aulæ immodicos fastus. Obiiciunt
 delicias: obiiciunt cunctationis impatiētes animos, fallique
 eos docent, existimantes fortitudinem pugnantium aper-
 ta inclarescere: cum cunctationem maturam, insignem ma-
 ioremque partem esse disciplinæ militaris ueteres prodide-
 rint. Obiiciunt omnibus bellis loca ad limites sita, aut an-
 nona, aut sulphureo apparatu summa eorum qui præerant
 incuria caruisse. Obiiciunt causarum forensium immorta-
 litatem, exordia causarum & præludia longiora apud nos
 esse, quàm apud alios exitus, ipsosque etiam uictores è foro
 non nisi loculis exhaustis discedere. Iustitiæ interdum quasi
 uirginis elegantis, uenustæ & concinnæ lenocinium fieri ab
 iis, qui eius decus, aut potentie, aut gratiæ, aut opulentie
 prostituunt. Ab his aliisque in nos magna censura scriptis si
 absumus, uana sunt eorum conuiuia. Si more humani inge-
 nij interdum ad ea offendimus, enitendum ut quæ prodi-
 dere sapientissimi homines, præcepta de utilitate capienda
 ab hostibus, ea hac parte exerceamus & consumamus. Nec
 uerò silentio obruenda est mors Alexandri Tortij: is cister-
 nam Regis imperio, cum sæpe à Cæsarianorum insidiis li-
 berasset, Fanum Damiani intercipere parabat. Oppidani
 partim deditionem faciebant, partim deditionis consilia
 simulabant. Sic reuocato eo ex itinere, quasi ad oppidum

recipiendum, machinis emissis uulneratus ac deinde desideratus. Ioannes Nourriserius Bicus, parum absuit ne cum Tortio opprimeretur. Ita Tortio ad summam gloriam rei militaris florescenti, fraude hostium uita erepta est. Eo anno senatus Gallici (quod sepe fit, ubi nouorum bellorum tumultus audiuntur) iussu Regis prorogati sunt in totum annum, cum alioqui feriæ illis usque ad Martinalia stato tempore concedi soleant. Et Carolus Burius Baionam iussu regio missus, uisus est nescio quid occultè tractare de Fano Sebastiani urbe uicina, quæ Caesaris imperio paret, intercipienda: sed uulgato mox consilio uani fuere conatus, & de Aquitania inuadenda moliri insidias Britannus iactabatur, cum tamen pacata omnia fuerint. Eodémque anno nomine mutui exacta est passim ingens uis pecuniæ. Quinque Germanorum millia per Aquitaniam progrediuntur, summo hominum terrore, minore tamen dispendio, nisi quodd insigniter dolia uini siccabant. Sanctones & Rupellani ob salinarium uectigal nuper à Rege constitutum, neque solum aut admissum, hos in se mitti uerebantur: & erat Rex Rupellanis infensor, ob controuersiam quam semper stomachose persecuti erant in Cabotium Iarnacum rectorem urbis. Multi uincti, aliquot in carcerem coniecti. Sed ita res composita, uti ueluti theatro constituto Rex sederet cum aulicorum purpuratorumque comitatu, illi miseri ueniam deprecarentur. Rex delicta omnia remisit: ac ne cui in posterum fraudi esset, sancit, ob ea quæ prius molitus erat. Eo anno Burdigalæ multi persuasionis uiolata nomine rei peracti sunt. Nam Poietus cum adhuc esset inuipræfectus, diplomate regio missus, certos è senatu ipso delectos, acres huic uni rei præposuerat: quæ res multorum odiorum semina alebat. Itaque Margareta Valesia Regina insigni pietate opera, diplomatis huius ui sublata, rediit ad uniuersum

senatum sua cognitio. Iussuque ipso Regis mitigata paululum reus poena: nisi qui inuenti essent, qui sacrosancti diuini corporis sacra illa mysteria conuellerent. Casariani quoque eadem hyeme in Gulielmi Cliuensis Ducis duionem irruentes, loca aliquot expugnarunt: & Cliuensis saepe cum Casarianis congressus, uictor rediit: nec tamen Hensberguin oppidum ab his occupatum recipere potuit: & ad Nurembergum coactis proceribus Germanicis, cum legati Cliuensis prater eius mandatum inducias accepissent, repente in Regis gratiam ab his foederibus discessum est, irritato prater modum Casare. Duo ex purpuratorum coetu utrinque ad Casarem & Regem à Paulo Pontifice missi. Frustra utrumque ad pacem hortati sunt. Instabat iam annus millesimus quingentesimus quadragesimus tertius, cum Rex nias omnes exhausto fisco quærens, quibus tantas aleret copias, nouam iudicum decuriam senatibus Gallicis adiecit, acceptis ab unoquoque nummum aureorum duobus millibus, urbibus omnibus Gallicis nomine mutui ad alendas quinquaginta millium peditum copias, noua pecunia indicta est, exactaque. Narbonenses aduentantibus Casarianis magno in periculo se esse uerebantur: sed mox dilapsis illis, uanum fuit timor. Baionenses simili metu consternati sunt, & suspectos habuere multos, quasi de urbe Casarianis prodenda. Cum enim illi repente aduenissent, ubique ad arma conclamatum est, iam direpto Fano Ioannis Lucensis. Satis constat uisos multos plusquam uiginii scalas aliaque ferentes, quibus urbs interciperetur. Copiæ ut ex inermibus coactæ, ita nisi maior uis occurrisset, satis parata. Auxit terrorem Caroli Burij, qui regio nomine urbi præerat, absentia. Is hostium aduentu cognito, mox equorum celeri cursu arrepto, in urbem properauit, & aduenit inclinato iam die. Eò etiam aduenerunt nocte intempesta

Arnol. Ferroni de rebus

ducto-

ductores peditū, cum turmis aliquot militaribus inter quos Alsatus, Allocus, Stephanus, quos oppidani ea nocte grauiora ueriti urbe excluderunt, inuito ipso Burio. Porta urbis prope quam commeatus à Rege in urbem introducti erant, ea nocte aperta inuenta, socordia, ut putatur, ciuis Baionensis, cuius curæ mandata erat. Oppidani ignibus tota nocte accensis circa muros pernoctauere. Emissus ex urbe machinis bellicis, cum Casariani intercipiendæ urbis consilium parum succedere uiderent, mox aliò dilapsi sunt. Eo anno Naniū oppidulum in Bernēsibus finibus, igne caelesti immisso, maiori ex parte flagrauit. Henricus Nauarrorum Rex non solum Aquitaniæ, sed & Narbonensi prouinciæ, & eius tractus totius, qui adhuc prouinciæ nomen retinet, Prætor designatus. Nouos passim magistratus, nouas præfecturas Rex designabat, designatas rursus mox reuocabat. In Narbonenses cum Casariani iterum duce Francisco Bemuntio incursiones facerent, Mompesacus eduxit uiros acres: hos in insidiis collocans, multos palantes necauit. Bemuntium cum reliquis usque ad Perpenianum fugiētes secutus, deliberans etiam de urbe obsidenda, ni pecuniæ inopia deterritus esset. Principio huius belli Anglorum fides suspecta erat Regi: nam illi Casarianos tacite iuuabant. Quæ eò causa Anglorum Regem Henricum uiolatis prioribus fœderibus impulserit, dubitatum est: nisi quod prudentes rerum æstimatores semper uident illum inferiori sese callidissimè adiunxisse, uti semper ambos committeret, & Gallum & Casarem: & nihil prætermisisse, quantum facere atque eniti potuit, quin Gallum superiori bello à Casaris amicitia auocaret. Ipse interea augendo fisco intentus, expectaret occasionem opportuniorē Gallo nocendi. Anglorum naues aliquot Hispanicis adiunctæ ad Fontem Rapidum in Gallos grassabatur, nec tamen agnitæ sunt, donec Aquitani nauem Hi-

Gestus Gallorum Lib. IX.

spanicam se interceptisse rati, Britannicam agnouere. Ea cum Baionam perducere non potuisset ob fauces portus angustiores, ad Fanum Ioannis Lucensis perducta est. Hunc locum ab Aufonio Lucanicum uocatum multi falso putauere. Angli mox classe Hispanica instructi eo adueniunt, nauemque recipiunt: parati qui nauem interceptissent necare, ni Hispani qui ob uicinitatem multis huiusce similibus casibus obnoxii sunt, ex more uix tandem impetrassent, uti inermes capti ad suos redirent. Erat eo tempore apud Anglum Regis nomine legatus Rogerius Asprimontanus, quem Orteum à gentilitia domo uocabant. Cumque hic quereretur apud Henricum Regem infestari Britanniae oram à suis, responsum accepit à Rege, omnia sibi cognita, aperta, patefacta quae inierint Galli cum Scotis consilia: daturum se operam, ne illi in Scotiam adeant: pollicitationes omnes ad se delatas: curaturum se ne quid illi in se molirentur, & paucos post dies remisso in Galliam Asprimontano, apertum sese hostem declarabat: antè tamen, ne belli minus iustam occasionem habuisse uideretur, per legatos petere cepit annuam illam pensionem, quam Gallici Reges Britannicus ex pacto ob Aquitaniam pendebant. Rex qui uideret iam apertum hostem, etsi pecunia immensa hoc tempore redderetur, sua pecunia bellum sibi maius accessurum, consultò differebat solutionem. Ex eo tempore, & quòd cum Iacobo Scotorum rege congressi Britanni superiores redierant, & Rex Scotorum post paucos dies decesserat, tunc ueluti metu sublato apertus hostis, copiis in Flandriam traductis, Caesarianis se adiunxit. Erat Iacobus Escartius Perucius apud Tarauannam Morinorum cum suis turmis militaribus. Hic cum suis praedabundus ex urbe egressus, hostibus occurrit numero superioribus, ad oppidum cui Hera nomen. Ut ex puluere utrinque hostes agniti, mox reuocati praecursores. Erant ho-

Arrol. Ferroni de rebus stes

stes numero superiores: rati tamen maiores Gallicas copias adesse, taciti excepturi Gallos expectabant. Escartius confertos suos in exanguem hostem prorui iubet. Ibi post leuem dimicationem illi terga uerterunt. Multi casi, centum ex equitibus cataphractis captiui abducti. Ibi Franciscus Lotharingus, cui Aumallo cognomen, cui & huius uictoriae laudem multi adscripsere, adfuit, teritisque hostes apparuit turmis Gallicis undique uariisque locis, ut passim quique excitati fuerant aduentantibus, cum tamen pauci adessent. Diuerso exitu eandem laureolam quarens Sansacus à Maseriis egressus, ab hoste multis captis in urbem coactus est. Captiui utrinque liberaliter habiti, & æquo pretio liberati. Vindocinensis Bapalmium oppugnaturus copias adduxit. Ibi Ocimons Caesaris nomine arci præerat, in arcem sese recepit. At Gallo aduentante ita ex arce emissis machinis Gallos concidit, quo ut loco consisterent, prorsus non haberent. Itaque inde effusi sese recipiebant: cum & Casariani arce egressi Gallos infestaret, ac nisi Gallici equitatus robore Galli subleuati essent, res prorsus infelicius cesura fuisset. Interea Rex lectissimis copiis contractis, in Maroliense cornobium castra defixit. Ex eo loco uariè hostes Gallos infestare soliti erant: & direptis uicinis aliquot arcibus & oppidulis, incensisque & corruptis hostium segetibus, quas tempestiuè eis demetere non licuerat, ad Landrisium oppidum pergit. Oppidani quasi Gallos excepturi, primum impetum acriter sustinuerunt, & tota nocte emissis tormentis uariè Gallica castra infestabant. Sed summo diluculo urbe egressi, corruptis machinis, incensa etiam urbe, in uicinum nemus perueniunt, Casarianisque se adiungere. Rex ad urbem uisendam profectus, præter ducum sententiam muniendum locum curauit: celeriterque munito oppido præfecit Landam rei militaris peritissimum, &

Andream Montelambertium, quem Decium aut Panul-
 lierium notiori nomine uocabant, cum lectissimis cohorti-
 bus, uti eo loco Casari exultanti tanquam frenos iniiceret.
 Accidit ut quodam die, cum circa uicinum nemus cum au-
 lici aliquot obequicaret Rex, repentina hostium copia ui-
 derentur, quasi ad intercipiendum eum parata. Itaque mox
 ad arma conclamatum est: Rex in tutiora loca in castra
 se recepit. Delphinus cum Balncēses uicinos intercepturum
 se putaret, eò raptim peruenit. Illi ita acriter impetum uim-
 que depulere, ut illi mox inde abeundum fuerit, multis de-
 sideratis, in quibus fuisse narratur Alegreus. Rex in Fran-
 ciam latè agris hostium populatis, rediit, munito Landrisio.
 Ipse eo tempore Claudio Ennebaldo (qui in locum Cabotij
 defuncti tribunus maritimorum designatus fuerat) uteba-
 tur familiarissime: ita prorsus ut aulici ordinis nullo fami-
 liarius, ut quæ ad bellicos apparatus pertinerent, illius opo-
 ra expediretur. Casariani interea tacite in cœnobio Guysia,
 urbis uicino, castra defixerant: rati se adiunctis Anglis, Guy-
 siam intercepturos, in quam Neuertius à Rege cum aliquot
 turmis prius immissus fuerat. Interea ex hostium copiis for-
 tissimi quique ad Guysiam excurrerant, et urbis potiun-
 da spe oblata, frequentiores è castris ad urbem oppugnan-
 dam perueniebant. Galli qui urbi præerant, emissis tormen-
 tis bellicis Casarianos infestabant. At Iacobus Escartius
 uel admonitus à Neuertio, uel suos mitemens ad agros hostiū
 populandos, tormentorum sonitu motus, eos ad urbem tu-
 tandam misit. Casariani cum leuis tantum equitatus ad-
 esset, cum ipsi imparati aduenissent, rati iustas Gallorum co-
 pias adesse, sensim in castra suorum uicina confugiebāt, quæ
 ubi locata erant, Escartiani ignorabant: fugientibus instant
 Gallicæ equites, multis caesis, multis captis, finem sequendi
 nullum faciunt, donec in castra hostium uentum est. Ibi

mox ad arma cum esset conclamatum, Franciscus Estensis
 Hercules Ferrariensis principis frater, admissio equo ad suos
 tutandos egressus est: at mox suis fugientibus immixtus,
 tū Galli receptui cecinissent, inter reliquos captiuos abdu-
 ctus est. Petrus Strozius captum apud Guysiam agnovit,
 captiuumque sui iuris effecit. Interea à Ferdinando Gonzá-
 ga tubicines uenere, rogantes, saluū ne Galli Estensem re-
 cepissent. Ita ille agnitus in Galliam perductus est: libera-
 tus tamen post aliquot menses, reddito pro eo à Casaria-
 nis Gabriele Salutariorum principe: cuius captiuitatis ca-
 sum mox expediam. Has uictorias auspiciis Lotharingorū
 partas alij prodidere, ac de Francisco Aumallo Lotharingo
 narrant: hunc cum fortè ex oppido uno rediret, & incidisset
 in equitatum omnem Caesaris, conglobatis suis paucis cata-
 phractis equitibus, peruasisse per medios hostes fortissimei
 eodēque tempore Iacobus Albonius Sanctoandreamis
 cum hostium equitibus, leuibus praeliis aliquot congressus,
 multis caesis, uexilla quoque inde militaria aliquot retulit, ut
 & Renatus Carnutensium Regulus. Eodēque anno Rex
 ad se reuocatis copiis Luxemburgum, suos properare iubet:
 urbs obsessa ab Henrico filio magna diligentia. Casariani
 ueriti ne quid durius accideret, urbe ei ditionēque cesserunt.
 Ibi Franciscum Aumallum Lotharingum circa inferioris
 partem pedis, dum fossas explorat hostium, uulneratū pro-
 didere: adfuisseque cum lectissimis Itatorum cohortibus Pe-
 trum Stroziū, in quibus & fuerit Fabianus nepos Ma-
 rix Montū purpurati pontificū: Strozium cum suis & Gal-
 lica nobilitate instar plutei fixisse munitiones deiectis Ger-
 manis, ulro equitibus peditum munera sustinentibus: Cæ-
 sar in Gulielmum Cliuensium principem progressus est. Ille
 quibusdam expugnatis oppidis, suorum usus consiliis, quasi
 uictus fidei se illius commisit, multatūque, & priuatus

Geldrensi principatu, uictoris leges genibus illius aduolutus, quas uoluit accepit. Is aliquot ante dies quàm deditiōnem Cæsari faceret, quasi armis seſetutaturus, acceperat quinquaginta nummū aureorum millia à Rege: ei quoq; toto hoc bello à Rege in singulos menses, ad alendas copias ſuppeditata ſunt uiginti quinque nummū aureorū millia. Regem multi ſcribit ad Luxemburgum exercitum eo animo traduxiſſe, uti procurata re frumētaria, quàm poſſet maximis itineribus ad obſeſſum liberandum perueniret. Sed cum de eius deditiōne audiū eſſet, in Franciam mæſtum rediſſe: arcem cui nomen Mons Ioannis, iisdem in finibus Rex muniendam curauit. Parte alia in Salaffariorum finibus, Ludonicus Salutianus qui Cæsari militabat, in ſpem ueniens occupandi paterni principatus, quem præſidio Regis Gabriel Salutianus alter ex fratribus, relictō Adurenſi pontificatu poſſidebat, ad Rauellum raptiſſime contractis copiis ſubſtitit. Vnus ex oppidanis, quo ille utebatur familiarifſime, inuitato ad cœnam Salutiano, cum in multam noctem cœna extracta eſſet, conſulto facilè ei perſuaſit, ne ea nocte in arcem munitiſſimam rediret: domi ſuæ pernoctaret. Primo diluculo adſunt Cæsariani cum Salutiani fratre: oppidōque potiti, uinctum Salutianum alterum abduxere: cum eodem exitu arce ſiſe potituros crederent, repente Gallici cuſtodes emiſſis machinis, inde eos eiciunt. Ita Salutianus captiuus abductus eſt, oppidum mox receptum. Is poſteà in gratiam Ennebaldi tribuni maritimorum, qui pacis & concordia inter Reges author fuit, reddito Eſtensi liberatus eſt, nam & Ennebaldi filiam uxorem duxit, prius ſibi deſponſam. Eodem anno Michael, quem uulgo Michelotum uocabant, unus ex his qui nauticis myoparonibus præerant, in ſpem uenit pecunia arcis Niceæ multo omnium munitiſſima potiūda. Nam cum Caſtellano depaſtus fue-

rat, uti arx sibi traderetur: ille à Rege quatuor nummulum aurcorum millia & opima uestigalia annua reciperet. Is igitur Michael quasire explorata ad Regem ultro contendit: indicat quæ pactus esset. Ea cum Regi placuissent, ne res longius efferretur, dat literas Michaeli ad præfectos rei nautica, ut quod is imperaret, quâ ne myoparones bellicos mitti iuberet, eò contenderent. Cû his literis pergit ad Magdalonum Ornezanum & Bernardum Ornezanum, cui Samblachardo cognomen, Magdaloni nepotem. Magdalonus lectis Regis literis deliberat cum nepote. Ille ut erat adolescens, & qui Michaëlem sub patre suo diu meruisse scirer, indignari cæpit: rem indignam, & ea re fædâ diuturnare, cum puppim sibi clauumque superbe is uindiceret, cui ne in sentina quidem inuito patre antea locus relictus erat: ignoto homini parendum, & ita parendum, ignari ut ipsi essent consilij. Magdalonus laudato nepotis ingenio, iussit pareretur, & dicto audicens esset. Sic enim obtemperari Regi ita iubenti, non Michaël: adornaret præsidij classem, futurum uti in tempore eum accerferet. Ita cum Michaële instructis quatuor bellicis myoparonibus proficiscitur. Diuersari cæpere tacite circa eum locum, cui Cannarum nomen, non longe à Nicea. Ibi certior factus à Michael, de tota re admonere hominem cæpit, uideret quid ageret: quem in locum res Gallicas protraheret: nihil se satis arcis Niceæ præfecto fidere: missa autem scapha ad præfectum Nicensem, ille accepta parte pecunie certiore iam facit Andream Doriâ, qui paratus circa ea loca cû quadraginta nauibus agebat. Ergo communicato consilio, quò magis Galli fallerentur, prædæque locupletiori ipsi potirentur, mittit præfectus alteram scapham ad Michaëlem & Magdalonum, ostendens certam esse deditionem. Caterum uereri se ne ipsi satis sint ad custodes arcis exigendos, arcemque tuendam: promde

Gestis Gallorum Lib. IX. Mm ij

accerfendas esse bellicas alias naues milite instructissimas. Michael præfæcti fidem laudare: Magdalonus dolum suspicari. Remex unus de classe Michaëlis, orabat opinionem hanc falsam de Nicea dedenda remitteret, omnia se uidere ad perniciem profligata atque perditâ. Vicit Michaëlis sententia, uti scapham mittat ad Franciscum Borbonium Anguianum, qui ad Massiliam summæ rei nauticæ præfæctus erat, uti mox nocte adesset cū lectissimis & myoparonibus & militibus. Anguianus luteris lectus, re cum amicis deliberata, cū duodecim nauibus magno noctis silentio soluit. Interea Doria uentus ne Galli dolum sentirent, pergit ad Magdaloni naues intercipiendas. Ille cum Anguianum sibi subsidio uenisse putaret, remissius parare quæ pertineret ad classis defensionem. Ita magno impetu & celeritate machinæ bellicæ in Gallicas emissæ, imparatas oppressere. Magdalonus ipse circa coxam tormenti impetu acerrime uulneratus, quando tantæ hostium classi sese imparem agnoscit, remiges mox solui iubet. unumquemque sibi consulere: ipse malum naui, uulneris oppressus dolore, amplecti. Vincit soluti, pars ab hostibus oppressi, pars in mare desilientes fuga sibi cōsulere. Ipse Michaël cū armis exuisset sese, & nauigando iam litus attingeret, ab adolescente quodam Aurelio, qui nauigationis expertus erat, prehensus, cū esset obeso corpore, mox cum eo depressus, & postea submersus inuentus est. Doria ubi insiluit in myoparones Gallicos, agnito Magdalono (quippe cū Regi militaret, familiaris ei fuerat, illiusque opera non leuiter usus) fratrem salutauit: lachrymantique similis deplorare cœpit uicem suam: quippe sane quàm lubentissime amicissimo homini se consulturum: existimasse uerò futurum uti aut Leonē Strozium Capuanum flaminem, aut Vrsinum Anguillarium Comitem opprimeret: agrum mox Genuam perducti iubet, & humanissime Arnol. Ferroni de rebus accersitis

accesitis medicis, nihil sibi antiquius esse ostendit, quàm ut
 ualetudinem amicissimi uiri fideliter curaret: nec uerò ad
 oblectandum hominem aliquid pratermisit. At cum uulnus
 lethale esset, illicque obeso corpore, & parum sobrius, factum
 est uti post quintum diem de euentu belli cum Doria dispu-
 tas, expiraret. Ille curato funere magnifice, corpus cum myo-
 paronibus sex, Magdaloni familiaribus ad Tholonum perse-
 rendum summo splendore curauit. Interea oppresso Magda-
 lono, quò facilius Anguianus interciperetur, Doria prima
 luce nauibus suis insignia detrahi iubet. Anguianus prima
 luce iusserat adolescentem in antennarum molem subfilire.
 Is cum ingentem uim nauium se uidisse renuntiasset, detecto
 hostium dolo propere Massiliam redire cepit. Vento etiam
 adiutus Doria, ubi dolus non succedit, uim parat: Mox An-
 guianum insequitur, & usque ad Tholonum persecutum,
 emissis aliquot machinis uarie terruit: donec frustra uim se
 parare uidens, redire cepit. Hi qui missi erant ad Dorian ad
 Magdaloni corpus repetendum, in itinere obuium habuere
 Ariadenum Aenobardum, à Solymano cum instructissimis
 nauibus ad Regem missum. Ille morte illius audita, accusare
 cepit Rhegienses, quorum opera factum esset ne in tempo-
 re illi occurreret. Nam cum Rhegienses illius classem inse-
 ctarentur, ipse quasi abiret, classem parauit: mox nocte in-
 tempesta rediens, prima luce expositis omnibus machinis
 bellicis, & urbem diripuit & incendit: captiuorumque in-
 genti numero abducto, in Galliam uenit, passim diuenditis
 captiuis Christianæ persuasionis. Antonius Estallinus Es-
 marus, quem uulgo Polinum uocabant, unà cum eo in Gal-
 liam rediit. cum esset in locum Fulgosi & Rinconi ad Soly-
 manum à Rege missus. Exequar deinceps perpetuo ordinē
 quæ anno hoc ab Aenobardo unà cum Gallis gesta sunt. In
 hunc Rex & milites Turcas singulis mensibus multa nū-

mium aureorum millia erogabat. Conueniunt cum eo duces
 Gallie, in quibus Franciscus Anguianus, Grinianus &
 plerique alij fuere. Erant Gallis septem peditum millia, nec
 tantundem quidem, tamen si Rex ad octo peditum millia cō-
 scripsisset: equites aliquot ex turmis Anguiani & Grinia-
 ni. Visum est omnibus è re Gallie futurum, si Aenobardi
 aduentu consternatis hostibus arcem Niceæ, alioqui inex-
 pugnabilem, hosti extorqueant. Itaque Galli cum Aeno-
 bardo Villam francam pergunt: nacti urbem uacua (quip-
 pe iam oppidani inde sese proripuerant) si quid præda na-
 cti sunt, prorsus diripiunt. Inde ad urbem Niceam contem-
 dunt, quæ non longe ab arce abest. Castris inter uineas ui-
 cinas locatis, acrius urbem incipiunt oppugnare. Eduxerat
 ex suis Aenobardus nauibus, ad quindecim hominum mil-
 lia. Oppidani procellam iandudū præuidentes, parauerant
 omnia ad longam obsidionem. Ita per uiginti dies frustra
 ab Aenobardo & Anguiano urbs oppugnata: præsertim
 cum tormētis bellicis nihil hosti noceretur. Aenobardus iu-
 bet octo machinas ex nauibus, quæ ingentis erant magni-
 tudinis, in castra aduehi: ut multa in Turcis desiderares, ita
 ad imperia quæcunque ducis capeßenda promptissimos a-
 gnouisses. Non ætas, nō nobilitas, nō militaris ulla dignitas,
 quin uilissimi calopis operarij, baiuliue muncire omnes fun-
 gerentur: si quando res exigebat, ullum excusabat. Ad motis
 machinis quassari cæpta sunt ualidius mœnia. Labefacta-
 to muro cum Turcæ in urbem irrumperent, acriter ab oppi-
 danis excepti pulsique sunt. Inde sequentibus diebus ad-
 motis Gallicis machinis, maiore uisstrata mœnia: ut tum de-
 mum oppidani deferenda urbis consilium inierint. Ne ta-
 men impelli unquam potuere, uti deditionem Aenobardo
 facerent. In castra Gallica missus legatis in Gallorum se uen-
 turos potestatem recepere, ita tamen uti in crastinum diem
 Arnol. Ferroni de rebus facultatem

facultatem haberent, sua omnia oppidani uel in arcem, uel alia uicina loca quehendi: mox urbs recepta est. Interea Cæsariani certiores facti, periculum esse ne Galli arcem quoque potiantur ob annonæ penuriam, (nāque ingens multitudo ex urbe in arcem confugerat, & seposita & recōdita cibaria consumere incipiebat.) Nicolaum Dorian cum myoparonibus aliquot bellicis summo silentio in arcem introduxerunt, qui celeriter allatis cibariis multorum mensium, eos qui arci præsidio relictis fuerant, & refecit & confirmauit. Hunc obseruans dum rediret classis Turcica, frustra persecuta est, submersis tamen quatuor eius myoparonibus. Interea Turcæ Gallis admixti, accingunt se ad arcis oppugnationem. Et iam paratis ad omnia imperia, quantumuis durissima militibus, uidebatur succedere arcis oppugnatio: cū repente rumor toris castris manare cœpit, adfuturum mox cum lectissimis copiis Sabaudianum adolescentem. Huic adiunctum Vastium cum robore Germanici Hispanicique exercitus. Is rumor unde ortum habuerit, incertum: & sunt qui ab Aenobardo ipso manasse uelint. Coguntur duces Gallici cum eo: de summa rei deliberant. Aenobardus suas esse partes ait maris ab excursionibus hostium tuendi. In Regis gratiam expositas in Niceam copias, urbe recepta non difficilem esse arcis oppugnationem. Si arce potiatu suorum tantum auxilio, æquum esse uti & eam suorum præsidio teneat, eligant Galli utrum malint, an quandiu in arcis ipse occupatus sit obsidione, maritima loca interim ipsi tueri: aut id si nolint, ipsi obsidionis cum Gallis munus recipiant: se illis interea maris periculum præstaturum: nihil se Cæsarianos uereri, si ad arcis obsidionē relinquatur. At Grinianus & reliqui Gallici procures, cum neque se alienæ classi uellent committere, neque sibi esse uirium uiderent ad Cæsarianos excipiendos, & arcem oppugnandam: ad hæc

periculum esse, si ille arce Nicea cum suis potiatur, propugna-
culo Ligustici maris munitissimo, consilius esse aiunt oppu-
gnatione arcis relicta, inde abire: ita arcis obsidio soluta est.
Turca cum ex Nicea quoque urbe abscondum sibi uiderent,
uiolatis deditionis legibus, in miseros ciues grassari cœpere,
captiuos abducere, ignem tectis immittere: latiusque furor
eorum uagatus esset, nisi Grinianus quiritanus, uiolari iura
gentium diceret. Ita uix tandem à rapinis temperatum est:
illud certum, Aenobardum cum robore Turcarum multis
precibus contendisse ab Anguiano, urbis oppugnanda cu-
ra suis permitteretur, quando ciues portis apertis hostilem
uim expectarent. Turcas summo impetu deuolutos in urbem,
sed fractos, concisos, pulsos secessisse. Id intuitum Anguiani
sefe cum equitum flore effudisse, ac uix perripuisse in urbem.
At Caesar Cluensi deuicto, cum nihil admodum toto hoc
bello sibi ademptum uideret, nisi quoddam Landrisium oppidu-
lum Galli praesidio sepsierant, uarięque ex eo loco suos infe-
stabant, coacta ingenti manu Anglorum, Germanorum,
Burgundionum, quoquo modo constituit Gallos Landrisio
cūcere. Iam duobus mensibus frustra obsederant Casariani
Landrisium, quod alij Landericum uocant. Namque Landa
& Decius & Capella, qui oppido praeterant, ita ad omnia
intentierant, quotidie ut ultro ipsi intra uallē & fossam
Casarianos cogerent, nec temere eos ad oppidi oppugna-
tionem prodire pateretur. Accidit ut quodam die audacius
Galli in hostes progressi, in urbem redirent. Landa fuga si-
mulata suorum quasi occurreret, cum letissimis turmis op-
pido egressus est: ferocissime Casarianis instantibus, mox
illis loco cederet effusiores fugam simulans. Casariani fu-
turum rati uti Gallis permixti oppido potirentur, acius in-
stare. At à Landa, signo ut conuenerat suis dato, ubi proxi-
mus oppido fuit, diuisis suis propere alia parte, hi quidem

Arnol. Ferroni de rebus

dextra,

dextra, alii sinistra per alia loca à suis excepti sunt, Casarianis circa urbis portas relictis, in quos mox ex oppido machinæ bellicæ emissæ, magnā eorum stragem edidere. Ita factū est ut Ferdinandus Gonzaga qui Casarianis præerat, suos intra uallum contineret. Commentitiæ sunt fabulæ eorum qui scripserūt, uti etiam Landa in castra eorum perueniens, machinam unam bellicam ex leuioribus abduxerit, abductam in eosmet emisit & in oppidum traxerit. Casar circa Castelletum diuersans, auxilia maiora, iustumque iam exercitum expectās, commeatu omni Gallos priuabat. Instabat iam hyems: & necesse erat aut Galli in oppidum inferrent commeatum, aut oppido hostes potirentur. Ad hæc Casar ipse in castra perueniens, uariè obsessos perterrebat: & ex monte urbi uicino ita tormenta in oppidum emitebantur, uariè ut Gallos affici necesse esset, qui iam apparatus omnem sulphurum consumpserant: ut multi quidem putent Landam nisi à Decio, Renatōque Capella & aliis prohibitus fuisset, deditionem facturum. Venit interea ad castra apud Sanctoquintinum explorator unus è Casarianis Franciscani sodalitij, qui & (ut exploratorum sunt ingenia) pro exploratore Gallico habebatur. Hunc Rex astu adortus, rogatum quantæ essent Casaris copiæ, ut uidet suadentem Landrisii deditionem, persancte iurat sese cum robore equitatus & peditatus mox Landrisio adfuturum, integrisque copiis pugnandi copiam Casari facturum. Id ille quasi exploratum ad Casarem retulit, donatus à Rege ducentis nummis aureis, uti tandem Casari suaderet in aciem cum Gallo descenderet: cum solo consilio annonæ inferendæ Rex prosperaret. Rex à Landa & Decio certior factus, fieri non posse ut post duodecimum diem oppidum tueantur, ex fano Quintini ad suos tutandos profectus est. Erant in exercitu Regis peditum, qui ex Heluetiis constabat, duodecim

millia: Germanorum quinque millia: Belgarum & eorum qui ob clientelas nobiles, Regi milites præbere soliti sunt, decem millia: equitum plusquam sex millia: ultra mille ducentos levis armaturæ equites, & cohortem prætoriam Regis, & Delphini filij: præter eos qui uoluntariam militiam secuti erant, quorum maximus fuit numerus. Primam aciem ducebant Franciscus Borbonius Paulini comitis nomine notior, & Claudius Ernebaldus tribunus militaris: ea constabat partim ex Germanis & Heluetiis, partim ex Heluctiis & Gallis qui Dacierio militabant. Mediam Rex ducebat, unà cum Henrico filio natu maiore, cum robore Heluetiorum, cohortibus prætorijs, equitatisque Gallici flore: quibus etiam Odoardus Bieus tribunus militaris, quem alij Biesum uocant, adiunctus erat. Extremum agmen claudat Antonius Borbonius Vindocinensis, cum Claudio Guysio. Levis armaturæ equites nulli attributi sunt alæ, propterea quòd quotidianis incursionibus, hostibus proximi uarie eos afficiebant: ut hac quidem parte Caroli Brissaci, Coffei, & Escartij Perucij, ut & toto hoc bello opera & industria non temere ab omnibus prædicata sit. Cum eo exercitu Rex Cambresium oppidulum profectus est non longe ab hostibus. Gonzaga ubi Regem tam proximum uidet, qui suos antea ob pabuli inopiam dispererat, in unum locum reuocat. Obsidebatur urbs ex loco cui Murmao nomen parte una, parte alia ex Falerio. Vterque Caesaris exercitus dum se ueretur imparem Gallicis copiis, in unum coactus, Caesar quoque ad Regis aduentum, ex Vanno se in castra contulit: atque ita proxima fuere magnorum principum copia, ut machinæ bellicæ ex unis castris in alia emitterentur. Caesar qui locum idoneum castris elegerat, expectabat uti Rex in eum prorueret. Vbi eum se castris continere uidet, castra longius mouit. Interea Rex per tres dies nequic-

Arnol. Ferroni de rebus

quam

quam mouentibus Casarianis, commeatum omnem in urbem infert, uestes reliquaque necessaria sulphureique omnem apparatus, fessos milites qui diu obsidionis incommoda pertulerant reuocat, recentibus in eorum locum immisus: nobilitatis insignibus omnibus, si qui essent plebei, imperitis: & condonatione omni delictorum, si quæ olim admiserant, tradita. Interea leuia aliquot certamina quotidie fiebant: ubi pauci è Gallis desiderati, excepto Ioanne Andoino Aquitano strenuo homine. Laudata etiam Petri Strozij Florentini magnitudo animi. Amnis medius paruulus Gallica & Casaris castra secabat. Priori die quam Galli abirent, accidit ut aliquot equites progressi Casarianos ad pugnam elicerent: alij autem circa amnem cum leuibus aliquot machinis delitescerent. Casariani acriter pugnare, & iam alij alijs succedebant: ita Gallis instare uti iâ cedere eos cogerent. Id intuiti qui in insidus, ignaris alijs sese locarant, progredientes Casarianos emissis leuioribus machinis, quæ circa cannas & iuncos delitescabant, partim necarunt, partim in fugam uerterunt. At Casariani detecto dolo, cum robore exercitus è castris progressi sunt instructa acie, ut iam passim utrinque ad arma conclamaretur: nisi Rex suos imparatos uidens, repente quatuor machinas bellicas ex maioribus, in hostes confertos emitti iussisset. Harum aliquot ea arte emissæ sunt, uti stragem eorum ederent non leuem, ordinisque perturbare inciperent. Ita illi cum Gallos paratiores uiderent, in castra regressi eo die sunt: Galli quasi ad certum certamen in crastinum diem arma parare, incitati magnifica Regis oratione. Caesar quoque aucto exercitu ex Britannorum & Germanorum recentibus copiis, non detrectaturus erat certamen: ultro etiam fortè ad id Gallos coacturus. Rex qui Landisum munitum ita uideret, ne uis ab hoste Gallis esset metuenda, relicto in urbe Iacobo

Gestis Gallorum Lib. IX.

Veruino, non putauit esse necesse prælio contendere. Itaque circa crepusculum sarcinas præmittens, ignibus accensis, ostentata in crastinum diem summa prælii fiducia, media nocte uasis magno silentio conclamatis, instructa acie inde abiit. Caesariani discessu Regis cognito, cum essent locorum peritissimi, & Regi per uicinum nemus scirent transeundum, instructis copiis Regem persecuti sunt. Inita leuia utrinque certamina, in quibus è Caesarianis multi desiderati sunt. Erant in prima acie Delphinus, Vindocinensis, Paulinus, Ennealdus. Hi prima luce data pugnandi copia, paucitate hostium contempta, ita in eos irruere, ut qui Gallos persequerentur, in fugam ipsi uerterentur, multi etiam necarentur: captique dicebantur Octauianus Eregosus, Ludouicus Daruellus & Rutilius: sed inter tumultus bellicos dum fugientes Galli persequuntur, elapsi. Sequebatur Rex cum robore exercitus primam aciem. Is ubi pontem transiit quo traicienda erant copiae, substitit, uersusque ad hostes, aliquot frustra eos horas expectauit, qui quo magis eum persecuti erant, tanto maiorem his frustratio dolorem attulit: namque illi in tuta loca iam traductis copiis uix eò peruenissent. Id Regis consilium Galli laudant: munito enim oppido quid aliud fuit necesse, quam tot Caesaris copias eludere? At Caesar fugam uocabat, & pugnae detractionem, dissimulans pugnae ancipitem aleam, quam semper uerebatur. Multi tamen ex his equitibus, qui postremi exierant, ab hoste impetiti. Captus Ioannes Lossius signifer alæ Escartianæ. Ita Rex saluus cum incolumi exercitu in Franciam rediit. Nec uero idem hic annus minus domi quam foris quibusdam infectus fuit: à milite ipso Gallico multas iniurias accipiebat agricolæ. In hos iussu Regis Tribuni capitalium emissi sunt, uarie coercentes rapinas militum. Ob salinarium uectigal multi in iudicium uocati, multi damnati, qui inani

Arnol. Ferroni de rebus

teme-

temeritate improbe contemptis edictis, alios acuebant: mutui nomine urbibus indictæ pecuniæ, idque prudenter cum tantis hostium copiis obulam eundum esset. Denique prætorium Andegauense Lutetiæ constitutum est. Vbi Ioannes Bertrandus præses Parisiensis æquus & moderatus, cum alius à Rege datis iudicibus soleribus interdum præfuit: qui quæreret in eas familias, ad quas ex his rebus, quæ fisco Regi ue erant debita, aliquid improbe peruenisset. Horum humanitate multa sunt temperata, ut & Regis clementia. Feruntur Hanequini & Leporei ob id damnati. Ex his quidam cum postea questi exhaustos se pecuniis, magna uero pecuniæ regio fisco illata cum Rege transgissent, accidit ut aliquo postea tempore, Rex fisci sui nomine, ueluti minoris iure utens, in integrum restitui uellet, & ad restitutionis cognitionem iudicandam, noui rursus iudices cogerentur: Sed Rex neque ut restitueretur admodum curauit, neque iudicio restitutus est. De Raynerio etiam Gentili, regio apud Lutetiam inquisitionum præside, palam sumptum est supplicium, sordium reo, & ob uarias alias res illi crimini datas. Vulgus credidit ob Poncherij regij quaestoris pridem damnati interuersas rationes & canticnes damnatum. Francisco Alemanio cum esset dica scripra, ille innocetia sua probata, sanctioris consilij iudicio postea absolutus. In locum Francisci Montelonij nuper defuncti designatus, qui uicem iurisprefecti obiret, Franciscus Errantius Chemanæus, in gratiam Claudij Ennebaldi tribuni maritimorum. Noui magistratus palam designati: cum quindecim senatores quibusdam locis priori anno solum essent designati, his quinque alij adiuncti. Designatio facta est maiori ex parte ex adolescentibus aut locupletibus: in quibus designandis non mores, non antea factæ uitæ dignitas quaeretur. Mixti tamen sunt multi reipublicæ non inutiles & eruditi: & cum uias

Gestis Gallorum Lib. IX.

omnes quærendæ pecuniæ aulici quærerent, factum est ut Rothomagi, Burdigalæ, Tholosæ, & passim in aliis senatibus noua Decuria patrum constitueretur, instar eorum quæ Lutetiæ libellis præesse dicuntur. At exhausto populo Burdigalæ, emptores desiderati: quo factum ut eo loco minus res succederet. At Rex eo erat in plebem animo, ut nisi adactus ad hæc non uenisset. Sed & prudentes rerum aestimatores, minus plebem Gallicam lædi uidebant, cum tot alendæ essent copiæ, sicut pacto Rex ad nummos perueniret. Itaque cum necessitas id extorqueret, æqui bonique omnia consulebant. Rex quoque interea multa prudenter constituebat: Velut illud, quod in hisce hospitibus quæ ægris aut peregrinis dicata sunt, quasi hospitalitatis memoria renouata piorum hominum instituto. Hæc ipse ad ueterem ritum uti in pios usus opima ea sacerdotia erogaretur, curabat: iterum atque iterum edictis uariis propositisque sublata multorum intercessione, Senatus Gallici admodum probabant. Sed is est Franciæ genius, ut pleraque sanctè & prudenter sanciantur: mox uerò statuta nemo exequatur, actoribus interdum Regiis, interdum ipsis conscriptis mollius indulgentiis quæ res tractantibus. Atque in excitando atque aciendo Rege ad sancta ea edicta reuocanda, hortatio plurimum ualuit Caroli Marillaci, hominis doctissimi atque humanissimi. Cû hæc essent ita eo tempore constituta, Caesar interea in Germaniam ad conuentus peragendos spiram profectus: ubi primùm actum est uariis simulationibus distracta oratione de confirmandis his dogmatibus quæ in controuersia iam pridem uertebantur. Deinde cepit auxilium in Regem Gallorum à Germanis petere subdola oratione: Quamquam (aiebat) non minus uobis ipsis, quàm mihi, quàm toti Germaniæ præsidium peto, aduersus eum Regem, cui iam pridem in mentem uenisset ideo regnum nobilissimum sibi

Arnol. Ferroni de rebus datum,

datum, ut eius potentia, omnia repagula iuris, pacis, amicitiae, affinitatis perfringeret: ut vicinorum regum, principum, sociorum, populorum prouincias, suam praedam putaret. Vastatas iam suas prouincias, Germaniae proximas, quid superesse nisi ut in Germaniam contendat? In causa sua periculum, quod in omnes uertitur, propulsandum. Ac ne uererentur delendi illius periculum esse, in tot laqueos iam irretitum Regem se tenere, quorum ex nullo unquam se expediret, nisi deleta Gallia: aut ita atirita, deinceps uiri libentissime Germanorum iugum ferre disceret. Germani proceres suadere Caesari, Primum ipsi suas controuersias componerent: deinde si minus res succederet, armis ipsi decernerent: ne miscerentur Germani tantae controuersiae. Quod olim factitarunt, Regum stipendia sequerentur, idque ex fide: habere se quosdam aditus amicitiae ad Regem, quos cur uiolarent, causam nullam subesse. Nam & illum ita iam pridem sibi recepisse, daturum se operam uti haec controuersia, coacto patrum consilio, indicarentur. Regis imperia haec tenus uisa plena & aequitatis & humanitatis, eo se uicino uos placido & bencuolo. Et aiunt nihil eo certu Caesarem aequi relaturum fuisse, nisi literas ostendisset à Rege ad se olim scriptas, quibus si ipsi inter se conuenisset, eum admonebat arma Germanorum ne uereretur: ea se auxilia equitum ei ad Germanos debellandos missurum, ut illi noua dogmata abiicere cogerentur. His literis permotos Germanos multi putarunt, ultro in Regem Caesari in annum sequentem auxilia quanta uellet decreuisse. Et sanè Rex eam procellam quo pacto à se auerteret deliberabat. Itaque ad Caesaris conatus elidendos miserat Spiram Ioanem Bellaium Cardinalem, Franciscum Oliuarium praesidem Lutetiae, qui postea summus iurisprefectus designatus est: & Africanum Maleium diocete Rothomagensem, summo Gestis Gallorum Lib. IX.

ingenio homines. Hi cœtu eo exclusi sunt, admoniti per literas, sibi redeuntes mox consulerent: ita quod superfuit, literis publice scriptis Regem purgaucte, in Cæsarem belli occasionem uertentes. Narrabo hoc loco quæ paulo antea eadem hyeme inciderūt. Erat locus satis munitus, cui Marano nomen, unde facilis in Græciam traiectus. Ex eo cum Galli in Græciam aut ad Solymanum proficiscentes sæpe intercepti essent, Rex eum locum occuparat, nec Cæsariani recipiendi illius tum consilium abiecerant. Maranum uero receptum est à Gallis hoc pacto circa annum M. D. XLII. Bertrandus Sacchias Vdinus, familiaris ita erat ei qui Ferdinandi Romanorum Regis nomine præerat Marano loco munitissimo, nihil ut esset eorum familiaritate coniunctius: is ex ea familiaritate illius mores existimans, occasionem quaeritabat, qua in ditionem Regis redacto Marano, gratiam ab eo iniret. Confert ea de re cum legato Gallico apud Venetos Ioanne Monluco homine cum ingenio, tum etiam eruditione excellenti. Is stimulat hominē ad parandum facinus: præmia quæ à Rege maneant, ostendit. Accersit Bertrandus in partem consiliorum Turchetū Bersanum: sciebat is opus esse Marano frumento. Conspingit Bertrandus sese onerarias duas naues frumento onustas eduelle inferre: hortatur præfectus id faciat. Parantur naues onusta frumento in speciem, laritantibus interea armatis. Et iam progressi erant aliquantulum, dum quosdam pernitere cœpit conatus audacissimi, nisi hi fuissent cōfirmati, & accensi præmiis à Ioanne Guercio Istro. Iam adsunt naues proximæ, nunciat Bertrandus adesse frumentum. Dum intromitendo eo, porta aperitur, profiliunt armati, Galliaq; nomine exclamato, multis cæsis, multis captis, præfectoque abducto, loco potiuntur. Sed qui eo potiti erant, ob paucitatem hominum quotidianis excubiis obeundis attenuaban-

tur: simul vicini Bertrandi perfidiam insimulabant. Quin
 & Turchetus conspirationis particeps, cum Demetrio Gra-
 co, Baptista Salo & Montano consilium ineunt de oppri-
 mendo Bertrando. Nicolaus Torrens frustra conatus est
 Gallis locum eripere. Nam Sineo opem ferente & legato
 Regio, uani eius fuere conatus. Interea dū è Marano egre-
 ditur Bertrandus, porta illi occlusa est à Turcheto, eo nomi-
 ne quasi cum Casarianus noua iniret consilia. Ferunt pilis
 plumbeis fistula ferrea emissis, eum impetum uitasse peri-
 culum fuga. Is Venetias ad Regios profectus, humanissime
 exceptus est. Cum Torrens instaret Gallicis, qui Marano
 præerant, legatus Regius egit cum Scipione Constantio, uti
 industrii homines mitterentur expensis Regiis ad Mara-
 num. Delecti sunt Syluester Ronigus & Pamphilus Curi-
 naldus. Sed iactati maris tempestate cum essent, noua eis
 ineunda fuere consilia. Tandem industria legati & Anto-
 nij Pontiorum Reguli, & Eschenai cui Vanleo cognomen,
 qui per ditionem Ferrariensis collectos milites eò misere.
 Torrei conatus uani fuere, introductis militibus & com-
 meatu. Hilarius Sineus & Valdeus excitis nomine Galli-
 co undique auxiliis, uicina aliquot loca diripuerunt. Anteus
 dum strenue quidem & diligenter, sed animosius quàm
 cautius ex insidiis profiliens cædem edidit, Gallicorū glan-
 de ferrea ictus occubuit. Interea Venetorum aliquot myo-
 parones, quorum præfecti erant Bernardus Sagredusius,
 Philippus Bragadinus, & Thomas Venierus, & Iulius
 Motenechius, & commeatu & propugnaculis, ut instrue-
 retur Maranum effecere, eoque Regis nomine Raymondus
 profectus est, & ad componendas discordias inter Bertran-
 dum & Turchetum. Accersitus est Turchetus à Regio le-
 gato, eiusque hortatu alteri alter conciliatus est, tametsi u-
 terque, iactitaret haud immemorem se amico conciliatis,

haudquaquam per omnia fidendum. Rex postea Maranum Petro Strozio donauit: is id uendidit Venetis, Rege nõ ignorante, triginta millia nummũm aureorum, qui ducatorum nomine uulgo notiores sunt: sed & quinque millia pro machinis à Venetis tradita. Rex Ferdinandus in Casariis gratiam aut suam utilitatem, terra marique eum locum oppugnare cœpit. Monlucus qui apud Venetos Regis nomine legatus erat, à Venetis id impetrauit, ut eorum nauibus, nauis, commeatu subsidium obseſis mitteret. Naues duæ commeatu onustæ in eum locum introductæ propugnaculum, quod sibi hostes circa uicinam insulam constituerant, direptum, soluta obsidio. Casariani media hyeme duce Gulielmo Fustemberg, Arelonum & Montem Ioannis diripere. Luxemburgum ita obsedere, ut periculum esset, ne uì aut commeatus inopia Galli facerent deditionem: Longouallius urbi præerat. Celeriter contractis copiis (quibus præfuerunt Ioannes Melphitanus princeps, & Claudius Dampetrus) eò concursus est. Commeatus affatim in urbem introductus. Fustembergus cum suorum copiis cedere coactus. Pauci Moratorum, cum iam Fustembergus in tutiora loca se recepiſſet, necati: alio tempore Petrus Strozius eandem urbem seruauit commeatu immisso, erogataq; propria pecunia in stipendia militum. Natus circa hæc tempora filius Henrico Delphino, cum Catharina Medicea magni ingenij, magnæ uirtutis femina, eius uxor multo antè tempore nullos liberos cupienti marito procreaſſet. Ea nata patre Laurentio Medice & matre Galla, nobilissima orta Bononiensi familia, consanguinitate proxima Regiæ familie. Mater illi extincta una cum patre Laurentio. Ante finem anni uertentis, extremo spiritu exanguis & conſecta, filiulam hanc peperit. Ita uisum superis, seruaretur ea ad Franciæ nobilissimam sobolem propagandam. Nato filio

Arnol. Ferroni de rebus

patres

patres lustrici adhibiti Rex ipse, Carolus Aureliorum Dux
 & Margareta, Regij liberi. Parte alia cum Daualus instru-
 cto exercitu, nullis imbribus deterritus, media hyeme su-
 sam aliâque loca occuparet, instaret iam Taurino Rex etiâ
 collectis copiis, quibus Frânciscum Borbonium Anguianum
 præfecit, eò misit, qui Sabaudianos mox & Casarianos ex-
 tortis his oppidulis quæ receperant, ad sua reuocauit. Et sa-
 ne temporum iniuria minus utrisque licuit totis copiis pu-
 gnare: munitæ utrinque arces. Ac nihil quidem deliberatius
 fuit Casari ineunte uere, quàm Regnum Gallicum modis
 omnibus subuertere. Id quò maturius perficeret, Vastio in-
 gentes è Germanis & Italis adiunxit copias, uti primo
 quoque die Taurino & Sabaudia Gallos pelleret, in Lug-
 dunensem etiam præfecturam inuasurus, si res feliciter suc-
 cederet. Ipse Casar parte alia instructissimo exercitu Galliâ
 inuaderet: parte alia Henricus Britannix Rex, post expu-
 gnata alia oppida sese Casari coniungeret ad Suectiones:
 ambo coniuncti Lutetiam expularet, regnumque Gallicum
 partirentur. Tantis Casaris conatibus quò obuiam iretur,
 constituerat Rex triplici instructo exercitu utrisque occur-
 rere. Nec tamen id aulicis moderatoribus placuit, uel quòd
 minus instructa uiderent omnia ad tantas atendas copias:
 uel quòd satius esse putarunt, urbibus oppidisque munitis
 tantas hostium distrahi copias. Cum tamen instaret Daua-
 lus, circa Taurinos Borbonio Angutano raptim instructis
 copiis ei fuit occurrendum: & si altero, eoque iusto exerci-
 tu, occursum itidẽ fuisset Anglis, minus fortè eò peruenisset
 belli alea quò peruenit. Sed cum illis numerosa essent co-
 pie, reliquum fuit in urbium oppidorumque munitione spẽ
 reponere. Illa quoque ingètes & instructissima copia, quæ
 circa Tallonum ut Casari occurreretur parata, tardius om-
 nino contracta sunt. Instabat iam sacer ille dies excitati

à mortuis CHRISTI OPTIMI MAXIMI, cum Anguianus Carignanum oppidū à Casarianis munitum oppugnaret. At cum ille circa Carmagnolam diuersaretur certior factus est adesse Casarianos cum Daualo. Erant in Caesaris exercitu ad decem & octo peditum millia: ex his nouem millia Germanorum quos Caesar recentes Daualo miserat, duo millia ueteranorum Hispanorum, septem Italorum millia: mille ducenti equites leuis armaturæ. Anguianus suas quoque mouere cœpit copias, ut Casarianis pugnandi potestatem faceret. Erant in eius exercitu quindecim peditum millia: equitum, sed lectissimorum & ueteranorum, duo millia: reliqua pars exercitus circa uicinas urbes disposita fuerat. Itali & Helueti procures pugnandum non esse putabant. Gallici contra: hique mouebantur & rerum omnium inopia & oratione Regis, qui denunciabat si redirent in Galliam, futurum uti omnes pro hostibus haberet. Deliberatum est an eo die fieret hosti pugnandi copia. Aderant in cōsilio Boutierius, Teus, Paulus Thermus, Dofsunus, Langeius, Santalus, Drosius, Biragus, Escartius, Dâpetrus, Iammus Sanctoiulianus. Statutū est eo die educendos tantum equites, uti experirētur ecquid animi hostes ad prælium asferrent. Educti equites Casarianos offenderunt circa locum Syrexollas nomine. Iam instabant præcursores. Reliqui ita utrinque congredi cœperunt, ut pœniteret Anguianum quod non omne robur exercitus eduxisset: sed hostes constituti locis infimis minus commode uidebant quales essent Gallica copiæ. Ita eo die post uaria equitum certamina, in castra reditum est. Insequentem diem parata omnia utrinque totis castris, uelut ad certum certamen. Primo diluculo instructa acies Gallica. Prima acies commissâ Boutierio cum equitibus, & Thermo cum ducentis equitibus leuis armaturæ, Mauro Monaldo cum ducentis aliis Arnol. Ferroni de rebus equitibus.

equitibus. Ioanni Teo attributi pedites Gallici. Ipse Anguianus mediæ aciei præerat, comitatus Galioto Ienolaco, quem Dacierium uocabant: Crussolo, Ossuno, Montrenillo, equitibus ducentis leuis armaturæ, Heluetius ad quatuor hominum millia, unâ cum machinis septem bellicis eximie magnitudinis. Extrema acies cõmissa Claudio Dâpetro & Carolo Drotio, adiunctis etiam Italus & Grueriensibus (hi sunt fæderati Gallo non longe à Geneuatibus & Heluetiis distantes, quos alij Veratris & Rhetis adscribunt) nec hostes detrectauere certamen, maiore ordine progressi. Certare cœpere utrinque equites uariis excursionibus æquo certamine. Sed dum emissæ è Gallis machinæ terrent hostes, iubet Daualus Germanicas copias, ex quibus robur exercitus constabat, in Gallos progredi. Illi strenue mandata curantes summo impetu in Gallos inuecti sunt, cæsis æquis & machinarum ductoribus: puluerem quoque machinarium incendere. Itali & Gruerienses, ubi machinas uidet direptas, fuga sibi consulere coacti sunt: ut iam de toto prælii exitu omnes dubitarent. Id Boutierius & alij intuiti, primæ aciei robur cum robore mediæ aciei miscentes, magno impetu in Germanos feruntur. Constabant Germanorum primæ copię ex hastatis: Gallicæ etiam ex hastatis, iunctis his qui in leuioribus tormentis emittendis periti habebantur: hi in Germanos proruentes, tres eorū gradus prorupere & dissipauere. Ita equites Gallici à latere progressi, magnam eorū stragem edidere. Simul Heluetij eo robore inuecti sunt, perturbatisque insistere, ut post unâ aut alteram horam omnes dissiparentur. Anguianus incautius in hostes progressus, cedere coactus est: nactus autem equites Casarianos fuga sibi consulentes, & uicinum nemius occupare parantes, celeriter in perturbatos inuectus, magna ex parte eo concidit. Sunt qui putent Boutieriū, cum se mediū inter Hispanos

Et Italos qui Caſarianis militabant oppoſuiſſet, Italosque eo pacto pugna cohibuiſſet, multum momenti ad uictoriam attuliſſe, Hiſpanos à prima acie in extremam traſſiſſe, cum tamen ſe exiſtimarent ueteranis Gallis occuſuros, Boutierij et aliorum prudentia ita eis occuſum, ut parata omnia inuenirent. Et ſane conſtat peditum Gallicorum uirtutem eo die magnopere cognitam. Ex Gallicis equitibus multos caſis æquis, ſtrenuè peditum munere functos: inter quos numerantur Boniuety tres fratres: horum maiorem natu, ſpecimen fortitudinis eximia, reliquosque prabuiſſe conſtat. Sed et Italos et reliquos qui iam fugam captarāt, redintegrata pugna ad pugnam rediſſe. Sed et longis Germanorum haſtis ita obuiam itum eſt, ut et breuioribus haſtis et gladiis accincti Galli primos eorum ordines diſſiparent. Conſtat et Daualum, Vaſtium, Caſarem Neapolitanum, et Guoetum, cum nihil tentatis rebus omnibus haberent in quo acquieſcerent, ſuorum uiribus diſſiſos in fugam aper tam effuſos. Caſa hoſtium ſeptem millia, capta duo millia: deſiderati quoque multi ex Gallicis equitibus, et peditum ductoribus. In iis Molla, qui eo die ſplendidis armis ornatus, magnam ſtragem edebat hoſtium, uiciſſim ab eis impetitus acriter, cum pro Teo eum haberet, qui eo die parum ſplendide inſtructus in pugnam produit, his uſus armis quæ uelati nigrum colorem referrent, cum ſuum unius caput peti haud ignoraret. Fuit is Molla ex uicinis locis eius præfectura Gallica quæ uetus prouinciæ nomen retinet. In primo ipſo agmine et ordine præfecti ipſi. Horum uicarij, ſigniferi, et qui recentes ex aula primi nominis uenerant, fortiſſimi quique et magni nominis collocati. Sanctoiulianus et Fowrlins Heluetiis præerant. Dum à ſuis reuocatus redit Anguianus, Feruaſcus primus in Hiſpanos inuectus eſt, qui ſeſe propripiebant in canobium quod Caſenouum Arnol. Ferroni de rebus uocatur.

uocatur. Itali & qui Caesaris, & qui Gallorum stipendia secuti erant, effusa fuga se dedere, hostes in Astam fugientes à Cisternensibus direpti. Cæsus est eo praelio Moncaldus ex Armeniacorum robilitate, Pasinus, Descrotius, Chemantius, Doynus, Monsalleus signifer alæ Crussolli. Galio-
tus Dacierius acriter uulneratus est. Nam cum in peditatû hostium satis leuiter armatus proruisset, qua parte leuiter armatus erat, circa axillas & poplites, hastis impetitus corruit, & post aliquot dies desideratus est. Adrianus quoque Lustracus, quem Mottedantium uocabant, inter saucios pro mortuo relictus postea conualuit: sed ita ut resideret semper uis uulnerum. Plusquam octingentie equites Gallici desiderati: in quibus multi ex prætorie cohorte Anguiani. Vastius & Caesar Neapolitanus altius in montes uicinos fugientes non sequentibus Gallis, suorum parte amissa, & à uicinis intercepta, Astam peruenere. Thermus dum effusius quàm decet, Vastium sequitur, saucio equo ipse captus est. Anguianus ad Carignanum progressus, opere munitissimum totum locum exercitu circumuenit. Et quando parua uictoria interceperat ingentes commeatus, quos Daualus in eum inferre uolebat; dat operam ne parte ulla cōmeatus inferatur. Præerat Carignano Pirrus Columna, quorum maiores Cæsaris ditio ni plurimum addiderant. Is etsi consumpto omni commeatu, tres tamen menses ea usus est abstinentia. Ad extremum per multos dies ea usus patientia in fame toleranda, ut Anguianus multis diebus, & laboribus consumptis, anxius dubitauit omitteret ne oppugnationem, quando frustra hætenus esset: an expectaret donec hostes compulsi fame, deditionem facerent. Per multos dies fame tolerata, cum etiam frustra locus morituris qui asseruarent, in Gallorum esset uenturus potestatem, deditio facta est his legibus, Vti abiret Pirrus Columna cum

Gestus Gallorum Lib. IX. Nn ii

suis, sex complicatis vexillis, nec tympana pulsaretur donec
 ipsi Padum pertransissent: nec ullus ex toto eo numero ante
 quinque menses in Regem arma ferret. Ita Carignanum
 in Gallorum uenit potestatem: quem locum Daualus uelut
 propugnaculum munitissimum futurum, in Gallos maxi-
 mis impensis munierat. Interea Strozius & Petilianus, &
 Palauicinus, qui è Mirandula contractas turmas aliquot
 ad Anguianum ducebant, intercepti, à Vastio dissipati sunt.
 Sed missis ab Anguiano mox rei militaris peritis homini-
 bus, benigne curati, & recreati in castra perueniunt. Addūt
 alij cum Daualo congressos, cum modo uictorem se puta-
 rent Daualo intercepto, modò equitum paucitate uictos,
 Daualum ipsum ad Mediolanensem principatum tuendū
 reuocatum. Quo factum est ut Anguianus Monferratensis
 principatus, Tei maxime usus industria, etsi nullas bellicas
 machinas aduexisset, oppida aliquot arcēsque oppugnaret,
 & reciperet: & nisi ueteranis ad Regem missis ad Iallonū
 castra collocantem impeditus fuisset, tentaturus esset Me-
 diolanum. Sedebat Anguianus castrāque locarat non lon-
 gè à Carignano, eo loco quem incola Poyrinum uocant: ubi
 tumultus ortus inter Helucios & Italos, quæ fuit causa ut
 Italos unā cum Ossuno ad alia loca tutanda Anguianus
 remitteret. Ipse cum robore exercitus ad Quersiu peruenit:
 ubi obuiis & prodeuntibus hostibus leuiter certatū, donec
 hī in urbem sunt reuocati. Ab oppidanis interea in Gallos
 multæ emissæ machinæ. Vnde Galli in uicinum fanum se
 recipiunt. Id ut expugnarent hostes, urbe egressi sunt, Gallis
 iam dilapsis. Teus tamen cum Gallicis copiis expugnavit
 Sandanium, agrè id ferente Vastio. At Cæsar collectis plus-
 quam octoginta hominum millibus, partem copiarum mi-
 sit ad Luxemburgum oppugnandum. Præerat Franciscus
 Taugius Luxemburgo, atque is quidē uel quod desperaret
 Arnol. Ferroni de rebus auxilia

auxilia, aliis bellis implicato Rege: uel quòd locum uastum multis incursionibus patere uideret, suis fame iam laborantibus, deditionem fecit. Vbi plusquam quadraginta machinae bellica ingentes ab hoste receptae sunt. Franci iactitabant, commeatus inopia deditionem factam, pecunia Regia à Regis quibusdam praefectis auersa, aut ab aliis. Inde Caesar diu circa Metensium fines uersatus, infesto exercitu in Commarsium progreditur: oppidulum erat ab ipsismet Gallis incensum: arcem aiebant munitam à Carbone l'talo, & Ransa campano: sed ad motis machinis ui expugnata arcem. Carbo & Itali qui in praesidio erant, necati: namque ei insensus erat Caesar, quòd Stenai muntiendi Regi author fuisset. Inde Lignum (id alij Ligniacum uocant) ad motae copiae. Eò Rex ubi ea uia grassari uidet Caesarianos, miserat Eschenaium: simul Brienneus Comes & Roscidus fratres, Luxemburgorum auitum cognomē retinentes, qui Ligniaci domini erant, in urbem peruenerant, post arcis aliquot dierum oppugnationem, Caesariani loco potiti sunt. Vulgo ita iactitatum, cum una parte alij arcem tuerentur, alia ab his intromissos Caesarianos: ut tota Gallia Brienneus & Roscidus & Eschenaius falso pro transfugis habiti sint. Alij ui putant receptum locum, quem in conualle montibus undique interclusum facile expugnari potuisse: captiuos eos abductos, nec nisi pretio ingenti recepto dimissos. Et sane illi restituti sunt, culpa in alios translata. Mox ad Sanctodisierum properatum est. Vrbi praerant Landa & Sancertius. Caesariani in celeritate omnem spem reponētes, magno clamore Burgundione milite oppugnationem oppidi deposcēte, urbem circumstant: summa alacritate mœnia inuadunt. Contrà ea Galli globis depellere irruentes, proximos necare, murum tentantes aliò deuoluere. Ferdinandus Gonzaga cū acerrime rem geri à Burgundionibus uideret, Gulielmum

Fustembergum cum Germanorum cohortibus mittit, uti recentes oppugnationem redintegrarent. Landa cum ualida manu in confertissimos irruens, picem sulphure tædæque mixtam emittens, multis necatis ab oppugnatione hostes submouit, functus eo die fortis uiri munere. Gonzaga dum animaduertit, nisi expugnetur oppidum, multum apud exteros de Cæsaris magnitudine detractum iri, qui cum tanto exercitu hæssisset ad oppidulum nunquam antea munitum, tertiam parat oppugnationem, hinc Hispano, hinc Germano, hinc Burgundione milite fretus. Sed cum Galli magno impetu hostes exceperant, cum fossas ita uirgultorum fascibus, pice, sulphure, tæda, igneque ardenti complanassent, ut illi dolum non metuerent, summa ui irruentibus hostibus, factum est ut multi in fossas irruentes misere armati perusti sint: multi priorum calamitatis admoniti cesserint, irritaque omnis ea oppugnatio fuerit, Renato Aurengio pila ferrea icta & necato, cuius mortem acerbissime uisus est ferre Cæsar. Eam oppugnationem dum adornant Cæsariani & Landa, qui toto die nocteque insomnis manserat excitatus arma induit, machina temerè ab hoste emissa in faciem ictu cadente necatus est. Quo fit ut ad Ludouicum Sancerrium huius oppugnationis gloriam referant: qui & tota ea oppugnatione strenui ducis munere functus sit, ut retrocedere Cæsariani coacti sint: interea tamen diligenter curantes ne quid usquam commeatus in oppidum inferretur. Narrat Sancerrium, dum Cæsariani omnibus uiribus parant irruere in oppidum, delectos milites glandibus plūbeis emittendis aptissimos, ducentos delegisse. Hi in propugnaculum planum, quod alij Iconographum uocant, certo numero conscendentes glandibus emissis uarie Cæsarianos occurrentes fatigabant: his alij integri atque alij succedentes, dum identidem multos ex hostibus uulnerant, emittendi

Arnol. Ferroni de rebus in hostes

in hostes finem nullum fecerunt, donec Cæsariani mediocribus machinis admotis, multis prius tamen desideratis, eos arcuere. Huius propugnaculi altera pars demissior erat, atque ita depressa, ut hostiam conspectui haud esset obnoxia: ita qui integri succedebant eo loco oncratis leuioribus tormentis, in alteram celeriter transibant. Existimabat Rex eo loco implicitum Cæsarem satus esse: at mox post paucos dies sulphurei pulueris inopia audiit aut deditionem faciendam, aut eò iustum exercitum mittendum. Sensit Gonzaga qua parte laborarent oppidani. Itaque dum acrius urbem oppugnati uenit, pactus est cum Sancerrio, Eschenαιο & Hieronymo Marmo intercedentibus, nisi intra diem octauum copiae à Rege uenissent, quæ Cæsarianos cogerent quatuor millia retro cedere, ut Galli urbem dederent, unâ cum machinis, exceptis duabus, totoque cōmeatu. Interea maneret unus è Cæsarianis cum Sancerrio, qui caueret ne quid à Gallis annonæ corrumpere: Galli instructo exercitu, tubis occinentibus, cum omni ea supellectile quæ equo uehi posset, abirent, & perducerentur in tuta loca. Obsides darentur sex è nobilitate Gallica: hæ conditiones referrentur ad Regem. Rex agre audiit eas conditiones: certior tamen factus periculum esse ne his spretis duriores ferrentur, his subscripsit: ita decimo septimo die Augusti è Sancto-dyserio abut Sancerrius instructa acie: captiui utrinque ut & conuenerat, redditi. Sancerrium multi uolunt uiri strenui munere, si quis unquam, in urbe tuenda functum, at commeatus sulphureique pulueris inopia coactum, deditionem fecisse. Ferdinandus admonitus Vitriaco Carolum Brissacum. Cossesium cum aliis aliquot equitum, minus hostilem impetum uerentem desidere, nocte intēpesta delecto ex exercitu fortissimo quoque eò adcurrit: nactus Brissacum cum suis imparatum, in eos irruit. Cum esset ad arma cœ-

clamatum, & multi ex Gallis cæsi, periculum etiam ne Brissacus caperetur, Galli loco cesserunt. Ibi enituit uirtus Raffini Potoni, quem pater iam pridem curarat sacris addici: is multis cæsis, cum essent Galli numero superiores, erat author uti nia alia recipienti se Ferdinando occurreretur: sed perturbatis omnium animis de salute tantum cogitatum. Ferdinandus oppido incenso & expulato eo suos refecit. Hæc quidem passim scripta & iactata de Vitriaco: cæterum qui ipsi non solum interfuere, sed & quadam ex parte præfuerunt, narrant Brissacum non eo locum eum tuendum suscepisse, ut obsidionem toleraret, aut uim hostium, potius ex loci opportunitate infesta omnia Casarianis redderet. Cum est ad arma conclamatum, admonitum Brissacum, satius esse loco cedere. Illum autem suos in armis expeditos uoluisse uim hostium depellere, cum non putaret Casarianos cum prima integra acie adesse: At Italos minus illius mandato paruisse, seseque proripuisse, ponte etiam effracto, ut sequendi hostis finem faceret. Quin iubenti Brissaco loco ne se mouerent, pilas uoluisse non secus atque in hostes: Gallos non ausos imperia illius negligere. Venisse mox Casarianos, qui fugientes Italos frustra se cuti cum essent, in Gallos proruerent. Ibi acriter à Brissaco, & suis dimicatum. At ubi uidet obruisse numero, inde sese proripuisse, sequentibusque Casarianis in eos irruisse: captiuos etiam abduxisse. Hostes equitatu dissipato, adueniente Germanico peditatu, facile pedites Gallicos interceptisse, multis prius necatis. Raffinum tamen si equo admissio, mixtus equitibus Gallicis, strenui equitis operas præstitisset, quia tamen peditibus præpositus fuisset, nihil extra militarem disciplinam id fecisse: quem tamen alij non nisi accisis rebus excessisse uolunt. Pedites Gallicos qui in templum uicinum confugerant, aduenientibus Germanus necatos, captiuos pluribus ab hoste quoque

Arnol. Ferroni de rebus abductis:

abductis: in quos hostes parū memores casuum humanorū, insolenter debacchari fuissent, ni praefectorū imperio prohibiti fuisset. Interea Caesar copias nō lōge à Chalonio (quod & alij Cauillunum uocant, alij Cathalanum) collocat circa fanum Virginis, cui à Spina nomen inditum est. Franciscus Neuersius ad eam urbem missus fuerat cum ualido praesidio. Intromissa etiam hæc ala equitum, quæ Ioachimo Chabaneo Curtono attributæ erant. Curtonus cum suis ex urbe progressus, uariè Casarianos infestabat, atque ita ut si quodam die frequentiores ex urbe prodissent, male res Casari fuisset successura. Proruentibus undique hostibus in urbem quidem rediit, uti accisis suis copiis, ita Casarianis illius animum mirantibus: quos & ille perpetuis incursionibus, ne locum excelsum uicinum urbi occuparent, acerrime urgebat. Caesar hæc intuitus, simul auidus Lutetiæ diripiendæ, Cauilluno relicto, circa urbem progressus est. Hunc secuti Gallici equites extremum agmen lacescentes, ubi multi utrinque desiderati. Præcipue uerò Casariani pugnam simulant, emissa breui machina, cui pistoleo nomen, plerosque cadebant, inde mox sese proripientes. Ibi Franciscus desideratus Lascaus, cui Sauinaco cognomen, è Fano Emilij oppido uicino Liburnensibus Aquitanis, & prius Bordesius ex Bourdiloni familia, & antea quoque Escartius uulneratus. Rex ubi uidet eò uentum, uti aut Lutetia relinquenda, aut retinenda armis esset, necessario copias ad Iallonum cōtrahit: eò mittit Henricum & Carolum liberos cum Claudio Ennebaldo. Simul adfuerunt equites Gallici & pedites, & Heluetij pedites ad uiginti hominum millia. Totus exercitus octoginta millium hominum fuisse dicitur. Eò cōfluxerūt ueterani è Taurino ab Anguiano missi, & qui obuiam Anglo parte alia ierant. Angebatur Caesar Matronæ impedimento: nanque uadi tentandi, qua parte traduceret.

Gestis Gallorum Lib. IX.

tur copia, paucignari erant. Gulielmus Fustembergus prima uigilia suos ex uico educens, solus cum molitore uicino, aut rustico quodam homine quem excitarat, dicitur uadum pertentasse. Dum minus res succedit, aiunt ab his militibus, qui circa ea loca ex Ennebaldi turmis praesidio locati erant, excubias agentibus, suomet indicio proditum & captum. Nam cum rogaretur cuius esset, qui ex radiis lunæ, in signe Ennebaldi, quod milites gestare soliti erant, pro insigni eodem quo Caesariani utuntur acciperet, professus est uelut indignans se Gulielmum esse Fustembergum. Illi quasi ei gratulantes captum hominem, & deorum hominumque fidem implorantem, ad Delphinum perducunt. Alijs solam dum uadum pertentat, suamet uoce agnitum aiunt, dum tesseræ militaris se ignarum ostendit. Is ad Delphinum perductus, constanter asseuerabat futurum, ut eodem die Caesar in Gallos irrueret: & erat uerisimile, si is uti constituerat, Germanorum turmas uado eduxisset, futurum uti parte una ille, alia Caesar in Gallicas copias irruerent: totoque eodem die uisa sunt Caesaris copia, quasi pugnandi potestatem Gallis facere uellent. Caesar interea cum per plures dies castra uno & eodem loco fixisset, & Galli ad Ialalonum stantes ignorarent quid moliretur, misit interea Delphinus delectos ex suis impigros homines, & in his Ioannem Sanctimartino Linensi cognomen fuit, (erat is uicarius earum turmarum quæ attributæ fuerant Escartio, tum ex uulnere ægro) uti iter illius explorarent. Illi tota nocte profecti, obuios habuere Caesaris exploratores, simul & ualidas copias. Sed dum maiorem numerum suspicantur, pugna abstinuerunt, atque explorantes quod essent statu res Caesaris, abeuntem nacti sunt, at ita abeuntē uti castra eodem statu manerent: non tentoria euerfa, non carri abducti: arma etiam etsi igne corrupta, relicta. Conie-

Arnol. Ferroni de rebus Clura

Etura augurabantur Galli, aut dolo ita instructa castra relicta, ut Gallis adcurrentibus & ignaris doli, imponeretur: aut ita consilia instituta Caesaris, ut aut ad Rhemos, aut Parisienses oppugnandos, relictis aliis rebus omnibus, contenderet. At Delphinus, ut erat magno fortique animo, tota q; ipsa Gallica copiae, simul Heluetij studio ardebant pugnae cum Caesarianis conferendae. Rex tamen literis ad Delphinum scriptis disertè imperabat: ne ad belli aleam perduceret summam rerum, suam quoque rem agi, ad quem Regnū mox sit peruenturū. Caesare deuicto superesse integras Anglorum copias. Caesarem Lutetiam contendentem ipse tantum antecurreret. Interea etiam Borbonius Rupisforius ē Maseriis in castra ueniens, à Caesarianis captus est, magno omnium dolore. Matrona fluit ē uicina Campania in Briā, dum fluit: est pratum ingens ex Chalonio usque ad castrum Tierrium (quod & castrum Theodorici uocant) atque ibi quidem parte una uidetur Haya, parte alia Esparnayum: hac Galli ordine militari incedebant, illac Caesariani. Matrona ipsa uelut curriculum inter tantas erat copias, & raris utrinque fiebant excursiones, nisi si qui leuioribus machinis emissis progredientes, mox ad suos se recipiebāt. Veriti Galli ne Esparnayum urbem omnibus rebus instructā hostes occuparent, praemonitis duobus antea diebus oppidanis, urbem incenderunt. Illi ad castrum Tierrium contenderunt. Quod cum Galli ob breuitatem temporis munire non possent, à Caesarianis direptum fuit. Inde usque ad Meldenses excursiones fiebant ab hostibus quotidianae. SueSSIONES quoque interea direpti. Contendebat Caesar Lutetiam: anteuertebat iter atque obseruabat Delphinus. Parisienses quasi urbe iam capta, solum uertere, supellectilē omnem bonāque auehere: mulieres, adolescentes, artifices, quā cuiq; usum, se recipere: ineta omnia uehiculis onusta.

Etiam pestus grassari incipiebat in oppidanos : iam grassatores circa itinera nihil intactum relinquebant , plena omnia tumultus , qua uia Aurelia , qua maritimo cursu quo Rothomagum ibatur : nec sulphureo ullo apparatu arces erant instructæ , nisi eo quæ in ipso belli procinctu ex Aquitania aduehebat Renatus Sanctomorius : in quo excipiendo multi , dum ratibus incautius se effundunt , præcipitati. Huius appulsu Rex fiduciam prælii ostentare uisus. Paulo antea Delphini filius , eductus è saltu Vicenensi , donaria diuitem ex æde Dionysiana , ex sacro Lutetia sacello etiam translata . Omnino nihil uisum unquam perturbatius . Eò Rex , misso prius Ioanne Melodunensi Cardinale , & cum is parum esset plebi gratus , Claudio Lotharingo Guysiano , ciues ad officium reuocabat : & circa Mommartrensem locum satus excultum , ea iam opera instituebat , ut Casaria nus occurreret . Ipse etiam Lutetiam contendens , plebem cõsolatus est . Muniebat urbem , uti cum instructo alio exercitu , cui liberi eius præerant , simul Casari obuiam iretur . Iam pacis mentio iniecta inter Reges fuerat , Gabriele Cosmano Hispano , uno è sodalium Dominicanorum cõitu , utrinque in castra uicina cursitante . Hunc Gallici scriptores putant in eam rem à Ferdinando Vngaria Rege delegatum , alij à nepte Casaris , qua Lotharingia principi nupserat , simul ab aulicis aliquot potentioribus inscio Rege missum , pacis putant authorem fuisse . Illum Galli pugna auidi , agrè cursitatem intuebantur . uix ab eo manus temperaturi , ni Ennebaldus prohibuisset : qui & ipse cum Francisco Errautio Chemantio , iuris præfecti locum tenente , in castra hostium uenit . Tandemque inita est pax his conditionibus qua diu latuerunt , donec Casar eas uoluit à senatibus Gallicis omnibus cõfirmari : inter cætera adiectum , nuberet Carolus Aureliorum Dux , aut nepti Casaris filia Ferdinandi , aut filia

Arnol. Ferroni de rebus

Casaris ,

Casaris, idque Casaris arbitrio. Esset in potestatem Casaris
 si filiam accepisset, Flandriam, & è Burgundia domo qua-
 dam alia loca ei dare. Si neptem accepisset, Mediolanum se-
 bi haberet, retentis arcibus Mediolanensi & Cremonensi.
 Rex Sabaudiano loca bello occupata redderet, exceptis
 Mommelaino & Pignerolo, quæ retinere posset donec in-
 tegrali Mediolani possessio ad filium peruenisset. Extremo
 hoc bello utrinque captae arces oppidâque redderentur, ca-
 ptiui utrinque liberarentur. Carolus Nullius libellortî ma-
 gister, uocatus ad fœdera sancienda ab Ennebaldo, dissen-
 nientem Cosmanum quibusdam in rebus acerbissimè uer-
 bus fregit. Nimis iracundè hoc quidem & ualde acriter. Sūt
 „ autem hæc fœderi adiecta. Pax aterna inter Casarem, Cæ-
 „ sarianos, & Regem Franciæ, ac Regios esto. Qui sub eorū
 „ imperio sunt, liberè simul negotiantor. Quæ & à Casare
 „ & Rege occupata sunt, post ad Niceam pactas inducias,
 „ utrinque restituiunt. Sui eodem iure utuntor, siue ea occu-
 „ pata sint cis alpes, siue trans alpes: loca occupata, arces, opi-
 „ pida, quo nunc sunt statu, uterque reddito. Machinas ne
 „ abducto. Annonam recipito. Darscotho Duci saluum suum
 „ ius maneto hisce in rebus quas repetit ad Lignium: ut ei ius
 „ ex bono & aquo dicatur Rex iubeto. Vergius hisce in rebus
 „ quas repetunt ad Sancto disierum idem ius maneto. Sabau-
 „ dianò & suis. quæ post inducias easdem ablata sunt, eodem
 „ statu quo nunc sunt restituito. Viduæ Monferrati, Duci quæ
 „ Mantuano quæ post easdem inducias erepta sunt reddito,
 „ eaque omnia bona fide Rex curato: Stenaium Rex Lotha-
 „ ringo Duci eo onere clientela, quo pater possidebat, restitui-
 „ to. Si quid illi offenderint in iura clientelæ, de eo statuendi
 „ ius Casari esto. Rex munitiones si uolet demolitor, redigito
 „ tamen eo statu quo erant ante pactiones de eo iniras cum
 „ Duce Lotharingo. Rex iura omnia prærogatiuâsque, quæ
 „ Gestis Gallorum Lib. IX.

„ habet in cœnobio dominiô que Goscensi à se abdicato. Ut his
 „ pareat, Rex Cardinalem Melodunensem, Ducem Guysia-
 „ num, Comitem Lauallum, Hunaudaium obsides dato. Ob-
 „ sidibus receptis Cæsar mox quæ ab eo restituenda sunt, re-
 „ stitui iubeto. Comitatus Carolosius uti à Cæsare possideba-
 „ tur ante bellum affectum, Cæsaris esto. Dabit uero operam
 „ Rex in communi hoste & fraudando & fatigando, Iura
 „ omnia actionesque, si quas habet hisce in rebus quæ à Cæ-
 „ sare Cæsaris ue nomine possidentur, nominatim uerò in re-
 „ gno Terraconensium, & Neapolitanorum, pensiones, reli-
 „ quias ue eo nomine si quas debitas contendit, quocunque
 „ hac titulo quibuscunque pactionibus debeantur, à se abdi-
 „ cato. Rex Cæsari quacunque obsequia debita, iurâ ue pa-
 „ trocinij, professiones, iusiurandum fidei, omnèque supremū
 „ dominium, fines summæ ditionis, potestatem summæ &
 „ ultimæ cognitionis, quam olim exercuit in iudiciis, imperiū
 „ summum, & quacunque iura supremi imperij, quæ olim
 „ exercuit in Flandros, Cæsari suisque reddito. Idem in Insula
 „ Donaya & Orcheio statuto. Hac Cæsar coniuncta Flan-
 „ dria possideto. Cōtractus pactiones ue circa ea aliter initæ,
 „ irritæ esto. Rex quicquid ei iuris competit, ratione Tornaci
 „ & Tornacensis ditionis, Motaigñy, Fani Amādi, siue id alio
 „ iure supremo, siue his uiribus quæ Regalia uocant compe-
 „ tat, in Cæsarem transferto, siue id comperat in locis pro-
 „ phanis, uel sacris. Hac coniuncta Flandria, Cæsar posside-
 „ to. Rex Cæsari omnia iura, actiones, cognitiones summi im-
 „ perij, quæ olim in Atrebates exercuit, donato. Regia quoque
 „ iura, potestatem nominandi coaptandique in locum uacui
 „ sacerdotij Pontificatusque, Cæsari dato. Quæ tamen loca sa-
 „ cerdotiæ, sita sunt intra fines Francici imperij, ab hac ces-
 „ sione excipito: Qui in Cæsaris ditione sunt eodē iure utitur.
 „ Tarauanna Morinorū, & quæ in regno Francico possidēt
 „ Arnol. Ferroni de rebus Pontifices

„ Pontifices Casarianæ ditionis, Ligniū, Morducheliū, Bono-
 „ nienſium uici, Aleſteū, Fanum Michaelis, Heliū, Harguiū,
 „ Ameneū, Eſtrailliū, Morleſum, Sempium, Roqueſum, Cle-
 „ cluium, Securū, Thillerondium, Neuſuilliū, Eſtreſum, eodem
 „ quo prius iure Rex poſſideto. Ea ab hac conuentione exci-
 „ piūtor. Qui in Caſaris ad Artheſiū ditione ſunt, liberi ſunto
 „ dum negotiantur, exportantq; in Artheſium res in Frācia
 „ emptas à iure dominū, his portoriis quæ extraneis imperā-
 „ tur, ſiue exitu regni, ſiue aliter: modo tamē ueſtigaliū redē-
 „ ptoribus caneant, ad promiſſorēſque & conſpōſores eo no-
 „ mine dent, eaſſe merces erogaturos apud Artheſios, idque
 „ bona fide. Rex ſi quid iuris in principatu Geldreſi, & Zut-
 „ pheno obtendit, id Caſari iure quo optimo tribuito. Caſar
 „ quoque hiſce in rebus quas Rex Franciæ poſſidet, ſi quid
 „ iuris obtendit, hoc Regi cedito: niſi hiſce in rebus quæ hiſce
 „ conuentionibus excipiuntur. Perona, Mondiderium, Roya,
 „ Bononia, Guynæ, Ponthicnum oppida, & dominia ad So-
 „ monam undique ſita, eodem quo nunciure Rex poſſideto.
 „ Non tamen comprehenduntur hoc fœdere Tornehanum,
 „ Andrebuſum, Brenedaum, & quæ aut nunc Caſar poſſi-
 „ det, aut ante initia huiuſce belli poſſidebat. Si quid coniun-
 „ ctum eſt Frāciſ ſceptriſ, ſiue id lege Salica, ſeu alio iure, qua-
 „ tenus hoc fœdere id comprehenſum, leges abrogantur. Qui
 „ ſub Caſaris imperio ſunt, ſeu ad Luxemburgū, ſeu ad Lēm-
 „ burgum, Artheſium, Hamaldum, Auſtrabanum, Namurū,
 „ ſiue apud Flandros, Burgundiones, Geldrenſes, Iuptenſes,
 „ Friſios, Vtrictēos, Salanos, Maluos: ū licet in Francia nati
 „ non ſunt, liberi parentibus ſuccedunt hiſce in rebus, quas
 „ in Francia poſſidebant. Francis quoque idem ius ſucceden-
 „ di in rebus ſitiſ in Caſaris ditione eſto. Si quid donatum
 „ eſt uel creditum utrinq; ob fiſco bona addicta, ratione belli
 „ nuper moti, id neque datum neque creditum uterq; habero:

neque eo nomine in posterum actionem dato. Si quid præ-
rogatiua nomine olim tributum est Franciæ populo in Cæ-
sarum oppidum, id illis seruato. Hæc fœdera à Delphino, con-
uentibus Francicis, curia Parisiensi, aliisque curiis, Rex cõ-
firmari iubeto: eiusque rei ergo cognitori publico Rex mæ-
datum mittito. Idque in libris actorum tabulisque curiæ
præscribito. Eadem Cæsar apud supremos suos iudices per-
agito. Hæc uti fiant, Cæsar à se abdicato iura omnia, si quæ
ei competunt in Burgundiæ eam partem, quam Rex possi-
det. Aussenonum, Fanum Laurentiij, Auxerrensis, Matisconij,
Barium situm ad Sequanam: eaque ut rata habeat Philip-
pus filius, facito. Quo uerò radices omnes discordiarum euul-
santur, diuturnaque pax sit, pactum esto matrimonium in-
ter Carolum Aureliorum ducem, Regis filium, & Mariam
Cæsaris filiam, aut filiam Ferdinandi Regis Romanorum:
idque arbitrio Cæsaris. Eamque is deduci iubeto, & tradi
intra quartum mensem, à die initi huiusce fœderis. Recipito
autem in se, fidēque esse sua iubeto Cæsar, quicquid fratris
nomine pollicetur. Quod attinet ad eius filiam, si nubat fi-
lia Cæsaris Aureliorum Duci, huic doti dicito Cæsar, datōq;
matrimonij nomine, principatus Brabantium, Geldrensem,
Luxemburgensem, Lemburgensem, Flandrensem, Hollan-
dum, Zelandum, Haynaudum, Ardenssem, Namurum, Zut-
penssem, Erisium, Vtricheum, Vresillum, Groemuhemum, ac
quæcunque alia hisce in locis possidet. Doti quoque dicito
Comitatus Burgundiæ, Carolum & quæ his iuncta nexa
ue sunt, quibus illa suo iure propriæque authoritate utitor
fruitor, iure quo optimo, eiusque hæredes, si qui ex eo matri-
monio nascantur. Post Cæsaris mortem, hæc ut rata habeat
Philippus filius, Cæsar spondeto: ob eaque à conuentibus
eiusce loci iusiurandum exhibere eis, eorumque liberis, Cæ-
sar iubeto: ac uterque ucteres patriæ prærogatiuas suis con-
Arnol. Ferroni de rebus seruare

» *seruare iurato: Rectores quoque ipsi constituentur à Casare*
 » *interea, eaque administrabunt quæ pertinet ad ea loca, post*
 » *initum matrimonium talibus attributa mox potestate, quæ*
 » *è re patriæ iisurum est futuram Casar. Hæc ut rata sint, Rex*
 » *et suo, et Delphini, et Margareta filia nomine, remittito*
 » *Casari omnia iura actionesque, quas obtendit sibi compe-*
 » *tere in Mediolani receptionem, et Mediolanensem princi-*
 » *patum. At si, quod Dii auertant, ea liberis nullis susceptis ex*
 » *hoc matrimonio decedat, tunc Aurelius quæ hoc matrimo-*
 » *nio tributa sunt, restituito: atque in hac specie redito Rex ad*
 » *ea iura quæ sibi uult competere ratione repetendi Medio-*
 » *lani. Casari quoque salua sua iura manento hisce in rebus,*
 » *quæ ob imperiû iura et alias conuentiones competere sibi*
 » *uult. Tunc quoque ad ea iura redito Casar, quæ ratione Bur-*
 » *gundiæ ei competunt, et ad ea quæ ob Aussenam, Fanum*
 » *Laurenti, Auxerrenses, Matisconenses, Barium, obtendit.*
 » *Quod si Casar secundo loco natam filiam Ferdinandi fra-*
 » *tris, nuptum det Aurelio, tunc dato Aurelio Mediolanensem*
 » *principatum: admittitoque eum Casar ut clientem, nomine*
 » *eorum et masculorum filiorum: liberatorque tum Ferdi-*
 » *nandus onere dotandæ filia. Idque matrimonium si dissol-*
 » *uatur, maneto huic filia dos constituta centum millium nu-*
 » *mi aureorum. Ac si ea ante Aurelium decedat nullis su-*
 » *sceptis liberis, aut quibus ille sit superstes, ea in specie pro-*
 » *fessio fiet Mediolani principatus. Ergo, pro Aurelio et libe-*
 » *ris masculis naturalibus et legitimis, quos poterit suscipere*
 » *ex alio matrimonio, modò tamen cum bona uenia Casaris*
 » *uxorem accipiat: atque ex ea familia quæ Casari, aut si is*
 » *decesserit, Ferdinando, aut Philippo Casaris filio, non ingra-*
 » *ta sit, implebitur id matrimonium. Cum filia Casaris, si ita*
 » *uisum sit, Casari intra quatuor alios menses, posteaquam*
 » *uoluntatem suam Casar patefecerit: si filiam Ferdinandi*

„ elegerit, impletor intra octauum mensem, posteaquam ita
 „ Cæsar statuerit. Mediolaniquæ imperium dator intra o-
 „ ctauum mensem post eam electionem. Quo uero tempore
 „ dabitur Aurelio Mediolanum, is constituito in arcibus &
 „ propugnaculis præfectos, & custodes non ingratos Cæsa-
 „ ri, & quorum fidem ipse suspectam non habeat: iique ius-
 „ iurandum præstanto, quo fidem suam obstringent Cæsari.
 „ Huic potestas esto si uolet, & quoad uolet retinendarum
 „ arcium Mediolanensium & Cremonensium. Tuncque red-
 „ ditis arcibus, reddito unâ Rex Mommelianum & Pigne-
 „ rollum. Cum utrauis harum contrahat matrimonium Au-
 „ relius: quæ hisce in locis quæ doti dicta sunt, Cæsar dederit,
 „ erogarit, iuterque seruato: æs alienum horum gratia contra-
 „ ctum dissoluito. Testamentum Philippi Cæsaris patris, &
 „ quæ Cæsar in pia legata erogarit, impleto. Si filia Cæsaris
 „ Aurelio nubat, habeto Aurelius Aureliorum, Boiorum, En-
 „ golismensium, Castrî Heraldi principatum: utque ex his us-
 „ que ad centum millia libellarum annui redditus deductis
 „ impensis Aurelius percipiat, Rex curato. Ex his si tantum
 „ non possit exprimi Aurelio, his Alenconiorum principatum
 „ adiungito. Si liberos masculos Aurelius non suscepit, filia-
 „ bus (idque unicuique harum) dos centum millium nummû
 „ aureorum constituta esto: donatio propter nuptias filia Cæ-
 „ saris, si ea nubat Aurelio, & superstes ea huic māsferit, qua-
 „ draginta millia librarum esto. Filia Ferdinandi si ea nubat,
 „ triginta millia librarum: eamque donationē hæ percipiun-
 „ to in bonis datis Aurelio, deductis impensis omnibus, ubi
 „ perfectum fuerit matrimonium cum filia Cæsaris, eaque uo-
 „ cata in administrationem. Rex reddito & restituito Sa-
 „ baudiano Duci eodem tempore quæ ab eo occupauit, ante
 „ ad Niceam pactas inducias, siue Transalpes, siue Cisalpes.
 „ Ne quid ex his Rex retineto. Demolitor si uolet propugna-

„ cula, ea tamē quo statu erant antea restituito: si aliud ineatur
 „ matrimoniū, eadē restituito. Quo tēpore tradetur Mediola-
 „ nū Aurelio, iisdē quibus suprà conditionibus retineto. Rex
 „ si uolet Mōmelianum & Pignerollū, si Casar arces Cremo-
 „ nensem & Mediolanēsem retineat. Ne rursus Rex in Sa-
 „ baudianū bellū moueto, neq; oppida eius occupato sub spe-
 „ cie iuris cōtrouersi, donec de iure cognitū sit, rite agitata cō-
 „ trouersia, uel secundū conuentiones initas inter Francos &
 „ Sabaudianos, uel ex bono & æquo, uel arbitrio lite dirē-
 „ pta. Hisdinū quo nunc est iure, eodem Rex possideto. Casa-
 „ riani tamē utūtor ueteri possessione, nec eos praesentes ullus
 „ in uerba Regis iurare cogito, semp̄q; eo in iure iurādo fidē
 „ obstrictā Casari excipito. Neq; his uetato ubicunq; uolent,
 „ fructus ex eo loco perceptos auhere. Rex Angliæ, si uolet,
 „ huius fœderis particeps esto. Rex tabulas ueteres quæ per-
 „ tinent ad dirimēdas cū eo cōtrouersias, & industrios homi-
 „ nes, per quos hæ sopiantur controuersia, ad Casarē mittito.
 „ Si cū eo sui prius nō trāsegerint, Hērico Nauarrorū regi bel-
 „ lum mouenti in Casarē, Rex ne auxiliū ferro. Dotē & do-
 „ nationē propter nuptias constitutā Eleonoræ Regina, Del-
 „ phinus ratā habeto: siue ea in Francia degat, siue extra Frā-
 „ ciam. Rex ad Casarē mittito eam cōtestationē, qua Ioanna
 „ Nauarri Regis filia, inuitā se pepigisse cōtendit matrimoniū
 „ cum Cleuēsi, uoluntatēque eius & sententiā apertā, ecquid
 „ ei placeat id matrimonium. Mittito uterq; ad limites Regni
 „ spectatæ fidei homines, qui dirimāt utrinq; eas cōtrouersias
 „ quæ saepe occurrunt in limitibus. Hæc pacta sancta sunt:
 „ Francis & Casarianis perpetua manēto. Hactenus adscri-
 „ ptimus capita aliquot præcipua fœderis. Tristanus Mone-
 „ ius missus à Rege in Subalpinā regionē qui ex fœdere nu-
 „ per bello capta redderet: Quod factū est summo omniū &
 „ dolore & fremitu. Fœderibus paciscēdis adhibiti à Casare

Ferdināndus Gonzaga & Nicolaus Perrenotus Graulla: à Rege autē Claudius Ennebaldus, Carolus Nullius, & Gilbertus Baiardus. Ipse, Aurelius cum Ennebaldo Casarem in pacata loca perduxit. Vulgus ut ex ratione pauca, multa ex opinione aestimat, in multos quasi huius pacis male conciliatæ authores multa passim dictitauit: in quos & Franciscus Borbonius Paulini fani Comes æger morbo graui, accerbius inuectus est. Atqui recte à prudentibus dictum est, Nihil esse fœdus quàm cognitioni assertionem præcurrere. Casarem peditatu, Regem equitatu superiorem fuisse credidere: nectutū putabat Rex media ipsa Gallia prælium committere. Vbi si quid paulo durius accidisset, direptioni hosti Lutetia patebat. Et quo die captus est Eustembergus, non ita Galli abundabant equitatu, qui postea lectissimus superuenit. Et planè nescias eo bello an ab hostibus, an ipsismet militibus Gallicis acrius sint agricole uexati. Cedebant utrique greges armentorum: quodcunque nacli erant milites epulabantur. Edebant strages ubicunque sistebant nestigia: uastabant agros, diripiebant uillas, matres familias, uirgines adolescentulas abripiebant: ne à pueris quidē Italo milite, qui Regi militabat, abstinerent. Ager ille Campanus & Belgicus, cui Picardix uulgatius nomen indiū, qui solebat esse cultissimus, cuius antea species ea erat, ut dū cultus uideretur, omnes oblectaret, sic erat deformis atque horridus, ut uberrimis in prouinciis uertas passim desideraretur. Ita euersi funditus aratores, relictī agri, non modo ex agris aratores & rustici eiecti, sed etiam ex ciuitatibus multi, ex ipsis prouinciis non ignobiles, bonis fortunisque omnibus ereptis, in Galliam ipsam, mox extremam Aquitaniam sublatis secum misero spectaculo infantulis, mendicare coacti sunt. Dum ita Cæsar in Galliam grassatur, Henricus Angliæ Rex instructo exercitu, ubi plusquam adfuere

Arnol. Ferroni de rebus triginta

triginta hominū millia, parte alia in Belgica Gallia nūc Bononiā, nūc Montrolīū urbes infestabat. Et Hēricus quidem Delphinus quandiu adfuit, etsi cum impari exercitu, uanos conatus eius reddebat. Eo in Campaniam reuerso, etsi Antonius Borbonius Vindocinensis, cum copiis leuibus nunc aliquot uexilla Anglis extorsisset, nunc annonam intercepisset, nunc cum turmis occurrentibus manus conseruisset, superiorque euasisset, non tamen tantæ eorum potentia obuiam ire potuit: eo factum est ut illi Montrolium, & Bononiam oppugnarent. Odardus Biesus, quera rectorem Rex iam pridem Bononiensibus dederat, uidens Bononiæ oppugnationem irritam futuram, quippe locum norat natura inexpugnabilem, uel ea ratione motus, uel sperans Montrolio nondum munito seruato, plus sibi laudis accessurū, Iacobo Concio Veruino genero Bononiam tuendam delegat: ipse Montrolium tuendum suscipit. Iam continuata multorum dierum oppugnatione circa Mōtrolium, domos strauerant Angli machinarum impetu: labefactarant ita muri partem, ut pateret militi in urbem aditus. Biesus etsi aeger corpore, permultas noctes circa muri labefactatam partem lectica uectus mansit: simul paululum extra muros aliam munitionem pararat, quam temere illi adgredi uerebantur. Ita factum ut relictā parte copiarum, illi ad Bononiam peruenirent, adiunctis aliis. Ibi transfixa uicina terra, machinas murales frustra admoucrant urbi: sed cum Veruinus tres menses oppugnationem sustinuisset, mortuo interea Corso, qui quadam ex parte ei comes adiunctus fuerat, cum aditus omnes ita intercepti essent, uti nequid usquā è Gallia audiret, labare cepit & sibi metuere, & per colloquia clanculum sibi consulere, tametsi annona in multos menses esset instructissimus. Rex interea Ioannem Bellaiū, unum è purpuratis pontificiis ad Angliæ Regem misit, ste-

rans solui posse obsidionem . At ille iam per suos cum Veruino de urbe dedenda pactus fuerat. Fama est præter aliorum qui deditionem extrahebant, in decimum diem, pepigisse eum in tertium : ementitumque sulphurei apparatus numerum, neque eo credere ciuibus Bononiensibus consuluisset, & in acerrima oppugnatione urbis interdum latuisse, abditum aliis locis. Ita factum ut nobilissima ciuitas, & inexpugnabilis, uel metu rectoris, uel perfidia aut ignauia, in potestatem eorum uenerit. Ipse rex quem pedibus agrum, & sepulchro uicinum Galli dictitabant, urbem mox equitans ingressus sit summa hostium alacritate : qui tantis conatibus impetitam olim urbem, nunc demum in manus suas uenisse uidebant. Multi suspicabantur pecunia uictum Veruinum, deditionem fecisse. Auxit hanc suspicionem committas hostis, qui quo die Galli Bononia egressi sunt, cum imbre gelido & asiduo milites uexaretur, humanissime Veruinum excepit, reliquis sub dio pernoctantibus, nec satis tutis ab insolentia Anglorum . Multi consilium Odardi Biesi improbarunt, qui locum minus tutum suscepit, munitum adolescenti genero reliquerit. Nanque Montrolio capto, spes erat id posse extorqueri ab hoste: at Bononiam receptam nunquam in Gallorum redituram potestatem inuitis eis uidebat. Multi quoque putarunt ab Antonio Vindocinensi admonitum Regem sapius, si mediocres copias mitteret, repelli posse Anglos. Est autem Bononia & inferior, quam uocant, & superior. Bononia inferior, uicus non septus moribus ante Anglorum aduentum . Ibi fanum diuo Nicolao sacratum, & aliud Franciscanorum sodalium . Mare Anglicum uicum alluit: prope fanum sodalium, quod non longe aberat à mari, facillimus traiectus in Angliam . Abest à Bononia superiore centum fere passus, & eo quid forte amplius : at Bononia superior, cincta moribus ualidissimis.

Arnol. Ferroni de rebus

1bi

Ibi fossa præalta muros ambientes. Totus ille locus sabulosus, ex eo genere, quod sabulum feruens maritimi homines uocant. Vnde Bononiæ nomen à feruenti sabulo, Gallico nomine inditum putant, tamen si Bononiæ uetus esse nomen ex Ammiano Marcellino uideamus. his diutius præfuerat Ludouicus Fayeta: sed seditione orta inter milites & oppidanos, datus eis qui Regis nomine Biesus. Bononiam etiam uetusto nomine non desunt qui Gessoriacū uocent. Ibi inter cetera quinque turres magni roboris, haud ita excelsæ uti ladi ab hoste possint. Turris quæ à Virgine Maria nomen accepit, in Caletos prospectans, castrum instar turris munitissimum, quod minime ambitu muri septū est. Turris Porqueti, quæ aliàs Martinianæ nomen accepit, hæ duæ in Bononiensem agrum spectant. Turris Franciscana prospectas in Montroliū, & Bononiam inferiorē. Turris alia per quā ingressus & egressus in urbē patet. Nam ex turri adnexæ arcis nisi magnates haud temerè prodeunt. Ibi duo sacratia, alterū diuæ Virginī sacratū, ubi olim flamines, quos Canonicos uocāt Regulares, sanè apud eos sanctū & religiosum: alterū Vrsuari, & sacratium diuo Ioanni dicatū: & nō longe ab arce aliud Martino dicatū, unde & turris nomen accepit. Tēplum dicatum Virgini mariæ, augustissimo & religiosissimo in loco. Ibi lampades quatuor argenteæ, prope imaginem Virginis, tres aureæ. Simulachrum diuæ Mariæ altera manu ostētans cor aureum, altera infantulū cōplexa, ostentans flores aureos, ubi carbunculus eximia magnitudinis uisitur. Pila quæ ante altare erāt operta argēto: multa alia certantia cum ueterum quamlibet eximio splendore & apparatu: quæ ita spoliata Angli reliquerunt, ornamenta ut uix sani pristina extent, ecclesiam etiam ipsam complanantes, ibi propugnaculum extruxere. Mirati sunt multi Bononiæ hanc deditionem: quæ quo pacto acciderit, ordine

repetendum est. Quæ ad urbem oppugnandam pertinebāt ab Henrico Angliæ Rege magna cura, & diligentia magna, & facultate, & copia multos ante menses erant constituta. Is paratis rebus iter fecit ex uico Marquiso (qui locus constitutus est inter Caletes & Bononienfes) in Umbantum uicum. Castra deinde locauit ad arcem Bononiensem: eo loco collocatæ sunt duodecim machinæ bellicæ, quæ emissæ & priorē murum (gemino enim muro locus sepiebatur) & posteriorem deiecere, ita tamen ut difficilis hosti aditus pateret. Sed & molem terream hostes excitauere, ubi & aliæ machinæ collocatæ sunt, sed minores, quibus & tecta Bononienfium, & qui per uicos uagarentur eliderentur. Tertio postea die admonuit copias turri quæ Ordrea uocatur. Huic præerat Ioannes Finus Bononienfis, cum uiginti aliis. Turris ea comminuta est, cæsis qui in præsidio erant. Iacobus Contius id intuitus, ueritus ne ab hoste Bononia inferior occuparetur, emissis turmis aliquot militariibus, incendiū iubet oppidum. Hi cū mandata curassent, factum est ut conceptus ignis latius uagaretur è porta Dunesa usque ad fanum Nicolai, peruenirētque haud longe à sodalium Frāscanorū cœnobio. Id Angli uidentes, auxilio allato, oppidum ab incendio & flammis quadam ex parte liberauere: munierētque locum, & præsidio tenuere, collocauerētque circa officinam, ubi tingi panni solebant, quatuordecim alias machinas grauiores, quæ feriebant ea loca quæ sita erant inter turrē Virginis, & portam Duneam: totūque eum tractum uariē infestabant, cum & oppidum operibus munitionibisque sepsissent. Labefactata autem sunt mœnia ab hoste quatuor locis, præcipue: Primum circa fanum Ioannis: Deinde circa arcem, ubi deiectio muri tanta fuit, ut propugnaculum quod extra erat arcem, relinquendum fuerit. Tum & intra eum locum quo sita erant

ades

ædes Caprei Bononiensis, & porta cui Gaiola nomen. Denique ad turrim Francicam, ubi eo usque progressi sunt hostes, ut per cuniculum aditum molerentur, nisi Franci per Lignonum Bononiensem atterere properassent cuniculos. Ita factum, ut turris ea non corrueret, aperiretur uero & diffunderetur in duas ueluti partes. Hêricus Rex coactio ad Bolombargeum uicum equitatu, castra eo loco adiunctis etiam peditibus fecit, ut dirimeret Bononiensibus omnis auxilij è Gallia spem. Ter autem oppugnata est urbs postea. Duæ impressiones uelut fictæ, & tentandæ demum urbis gratia, uno eodémque die factæ apparuerunt. Ibi tamen multi ex Britannia albis uestitus induti, quibus ex lege damnatæ Rex supplicium remisisse ferebatur, cæsi sunt cum temere murum subirent. Tertia impressio, quæ incidit in quartum diem mensis Septembris, ab hora octaua ante meridiem, in quartam horam post meridiem protracta est. Ibi septies succumbente hoste, recentes milites fessis submissi sunt: desideratiquè è Gallis trecenti, ex hostibus plusquàm mille quingenti. Desideratus est è nostris Philippus Corsus, homo Italus. Eo prælio aucti Bononiensium animi: gratiæ actæ Deo Optimo Maximo: supplicatio sacræ Virgini ad omnia altaria decreta. At Veruinus cum quid in Gallia ageretur ignoraret, tempus paucorum dierum, quo ei respirare licuit ab hostium oppugnatione, in magno officio & necessario sibi non ponendum putauit. At exanguis & confectus, & territus hostium minis, an aliis ex causis quæ postea exagitata sunt, legatos ad Henricum misit de deditione acturos. Missi sunt autem Ancelotus, Candelerus, & Pipomontius: his Henricus spem deditionis non ademit, imperauit autem quæ uoluit. Legati cum in urbem rediissent, plebs id grauiter ferre, ut in Ancelotum sagitta emissa uulneratum infausta omnia precaretur. Missi deinde Sambliotus &

Desus, & Conlincurtius eas ratas habuere, Ioānes Poquius
 dissentit. Paucis ante diebus quā dederetur Bononia, plebs
 se lamentis dedere: ut in tanta face hominum alijs salutis, alijs
 conseruandæ urbis curam iactauerunt. Annona quidem su-
 pererat: labefactatum murum plerique uerebantur, quem
 rimas iam agere & facile deiici posse uerebantur imbelles.
 Ante eas oppugnationes Conlincurtius fere centum pedites clā-
 culum in urbem submiserat, uigilias Anglorum fallens per
 sacerdotem Anglicæ linguæ gnarum. Hi noctu excepit sunt
 à ciuibus, scalis è muro datis, quibus ingrederentur. Dille-
 rius tamen sagitta fortuito emissa uulneratus est. Quo tem-
 por: egressi sunt è Bononia ciues & Fræci, Angli immemo-
 res iurisiurandi dati, cum imber grauis effluxisset, & impe-
 dimenta ciuium & militum diripere, & in Bononiensium
 mulieres uolutati sunt. Cæpta est urbis oppugnatio die de-
 cimo octauo Iulij. Dedita autem urbs die decimoquarto
 Septembris, anno M. D. XLIIII. Henricus Britannicæ
 Rex, grauius ferre uisus est inita cum Francisco à Casare
 fœdera. At Casar cum robore exercitus tardius illum pro-
 perasse aiebat spe prius Bononiæ munitissimæ urbis occu-
 pandæ, sibi que conseruandæ. Ob eam urbem receptâ plebs
 Anglicæ Regem suum uerbis ad calum extollebat, nullum
 tanti fuisse triumphum, nullam lauream partam à maiori-
 bus suis cum ea uictoria conferri posse fatebatur. Ex Cam-
 pania reuerso Casare, Delphinus cum robore exercitus, unâ
 cum Carolo fratre, Ennebaldo & alijs plurimis, Bononiam
 contendit. Vulgus putauit ad Bononiam intercipiendam:
 sed cum sciret ab eis munitam inferiorem Bononiam, ibi re-
 lieta septem hominum millia, ad eos intercipiendos parabat.
 Noctē intempesta egressus castris, ex fano Virginis Escuel-
 læ profectus, (est is uicus in Bononiensi agro) non tamen
 antequam illucesceret eò peruenire potuit. Galli & Aquis-

tani pedites in Bononiam inferiorem impetum fecere, simul Itali. Sed dum prædæ intenti, minus imperia ducum exaudirent, Angli ex superiore Bononia tumultum spectantes, acriter in Gallos proruerunt. Ibi Itali, quibus Comes Sancto secundus, & plurimi alij præerant, nullis minis aut hortationibus induci potuere, uti in aduersum Anglum prodirent: at fugam ipsi capeffentes, aliis quoque fugæ authores fuere. Heluetij, Rheti, Galli & Aquitani parati erant, quæ ducibus uisum esset, irrumpere. At cum tormentis ex superiore loco emissis prorui omnes possent, satius uisum est pugna abstinere. Delphinus circa uallem uicinam cum equitatus parte, fuit extra iactum teli cupidissimus pugnae cienda, ut erat animo imperterritus. Simul imber maximus prima luce sese effundens, Gallis maximo impedimento fuit: ut inde quidem, etsi hostibus non sequentibus, abeundum fuerit, etsi plures ex hostibus desiderati sint. Sed eò res male successit, quod cum se intercepturos hostes ipsi putarent, mox cedere coacti sunt. Nam nullis machinis auctis, Bononiæ superioris oppugnandæ non fuit consilium: nisi Angli ex superiori egressi, & in eandem à Gallis coacti, admistis Gallis in eam rediissent: quanquam Veruino authore impetu facto, prius quam munitur strata mœnia, recipi posse urbem multi uoluere. Ibi Fossolius, alter gener Biesi, fortiter pugnans interit. Fuit toto eo itinere annonæ in castris inopia. Eo anno mortuo Francisco Errautio Chemantio, & postea Poieto damnato, Franciscus Oliuarius summus iuris præfectus designatus est, in gratiam (ut putatur) Margaretae Reginae Nauarrae. Paulus Pontifex cum pacem uideret inter Casarem & Regem confirmatam, Tridentinū cœliū auspiciatus est. Huic adfuere è Gallia Antonius Filiolus Aquensis, Gulielmus Pratus Claromontanus, Claudius Chiseus Agatiensis pontifex, missus & Petrus Danesius:

Is cætum admonuit, primum de doctrinis ea semel constituerent, publicèque proponerèt, quæ omnes ubiq; CHRISTI fidem professi sequerentur. Deinde ut uita morumq; in sacris hominibus disciplina, acerrima sacrorum Canonum norma dirigeretur. Denique ne præmia antea tributa Gallicis Regibus, imminui paterentur. Cum salinarium uectigal refrixisse uideretur, misso in Aquitaniam Antonio Boerio quæstore regio, & Pontio Brandoo senatore Parisiensi, repente acrius id exagitatum est. At Pontius dum apud Petrocorios edicto Regis exequendo uacat, orta plebis seditione, miserè & uulneratus & discerptus, traductusque per aliquot loca ignominiosissimè: nec quid aliud auxilio ei fuit nisi quod irritatum uulgus pro mortuo relinquens, occasionem ei inde se proripiendi dedit. Ob id in Petrocorios à Rege immissi milites, qui arbitrio suo uiuerèt: misso etiam Ioanne Cotelio libellorum magistro, summo homine ingenio, qui uariè in seditiosos quasiuit. Et plane merebatur eorum furor maiora, ni rex humanitate solita usus, subleuasset iacentes Hyeme quæ secuta est, multi ex his ueteranis qui è Taurinis Regis militiam secuti erant, ad Anglos transfere, cum stipendia multorum mensium eis à Rege soluta non essent. Anglorum aliquot naues ad Bononiam adeuntes interceptæ, multi cæsi & necati, & capti. Et prius cum Angli magno impetu ad nouem hominum millia propugnaculi Regii, circa Bononiam munitiones impedirent, undique occurrentibus Gallis, duce Bieso magna hostium strages facta. Diuerso exitu, acri iam hyeme, cum Biesus maiore uir Anglus ad Bononiam comœatu instruendam uenientibus occurreret, & impeditos in terram exeuntes se intercepturum crederet, illi diuersis locis exeuntes, & suis è Calerio, & Guynis admonitis, summa uirruentes Gallos depulere multis necatis, quò intenderant peruenire: nec ea contenti

victoria, Ardeam urbem uicinam, quam sciebant parum
 comœatu plenam; obsidere iam incipiebant. Rex eo tem-
 pore ulcere graui & molesto exorto, uariè affectus est, ut
 de salute eius passim desperatum sit. Aperto ulcere paululū
 recreari uisus est: ita tamen ut per multos menses iacuerit.
 Claudius Dampetrus ad Ardeam tuendam missus est: cu-
 ius aduentu recreati oppidani, quòd Angli etiam obsidionē
 minus urgerent. Incunte uere missus Lorgius in Scotiam, ad
 Anglo ea parte bellum inferendum: instructa numerosissi-
 ma classis, quæ in Angliâ parte alia perueniret. Regij myo-
 parones è Massilia in Anglicum mare post aliquot menses
 peruenere: his præerat Leo Strozius, Antonius Escarlinus,
 quem Polinium uocabant, Samblanchardus & plures alij.
 Imperium maritimum decretum Ennebaldo: nam & hic
 tribunus erat maritimorum, cuius in classes Gallicas &
 mare, summum est imperium. Parte alia Odardus Biesus
 terrestri itinere ad Bononiam oppugnandam cum instructis-
 simo exercitu profectus est. Sed dum frustra uidet obsidionē
 futuram, locum interea delectum castris munire cepit, atq;
 inuitis Anglis ædificare. Eum locum uocauerunt Galli propu-
 gnaculum Bononiense, quòd uelut frontem aduersus Bonon-
 niam tuentes, uariè in eos qui Bononiæ præsidio relictæ erant,
 grassabantur. id frustra sæpe Angli oppugnauere. Locum præ-
 sidio Galli tenuere. Angli nondum ornata classe Gallica,
 postquam Rex circa Argentatum uersatus, in portum nouū
 ad Normaniam, quem Gratia litus uocant, peruenit cum
 numerosissima classe, non longe ab eo loco uisi sunt, ut tre-
 pidatum sit à multis. Id Petrus Strozius, Boutierius &
 Anguianus indignum rati, acceptis aliquot myoparonibus
 in hostem contendere. Illi emissa machina Gallos aliquot
 uulnerauere, mox inde sese proripientes. Interea Ennebal-
 dus soluit cum classe Gallica, eaque numerosissima & in-
 Gestis Gallorum Lib. IX. Pp

structissima. Dum soluit nauiſ Gallica, una ex imia magnitudinis nautarum ignauia incenſa eſt, multique abſumpti, quidam longius prouecti ab his: domus incenſa, pecora abducta: ipſe Ennebaldus claſſe ſe continuit, quæ optimè curſum conſecerat. Et niſi qui in eum locum appulerant, mox ex eo ſe proripuiſſent, periculum erat ne hoſtes aquis paſſim immiſiſ, Gallicam ſubuerterent claſſem. Aulſius Rhodius eques, qui Gallo militabat, caſus eſt. Angli ita portus ſepſerant, ita littora muniſerant, ut ea magno periculo adirentur, ſimul exploratorum inopia, & eorum qui locorum eſſent periti, minus res Gallis ſuccedebant. Anglica claſſis in locum tutiſſimum ſe receperat. Circa eam præteruecti Galli, cum hi loco ſe non mouerent, & ipſi pugna abſtinuerunt. Petrus Strozius putabat ui oppugnari debere: unde illi cum Polinio ſimultates poſtea ſuere. Ita nulla alia re geſta, Ennebaldus cum claſſe omni in Galliam reduit, Lorgio interea apud Scotos haud melius Gallicas res promouente. Et iam peſtis in terreſtres copias graſſari incipiebat, ut multi mortales abſumpti ſint. Ea peſtis in aulicos ipſos graſſari cœpit, totaque Gallia diſperſa in Aquitaniam mox peruenit. Interea Dampetrus, qui ad Ardeam regendam præpoſitus erat, ferociâ Anglorum uidens, qui contemptis tot Regiis copiis in Bononiam terreſtri itinere commeatum introduxerant, admonitis prius aliquot Gallicis proceribus, ut ad certum diem cum copiis adeſſent, intra certum locum certamini deſtinatum, ipſe cum robore ſuarum copiarum ex Ardea egreſſus eſt, ſimul Angli ex Guinis lociſque uicinis, numero ſuperiores adſuere. Ibi per multas horas acriter dimicatum eſt. Hoſtes qui Gallicam paucitatem uidebant, ipſi pedetenrim ad eorum numerum egrediebantur: mox, conſerti ita irruerunt, ut paſſim diſperſi Galli, qui cum Dampetro exierant, abirent. Dampetrus cum ſe fuga in Ardeam proripere incolu-

Arnol. Ferront de rebus mis

mis posset, cæso equo diu cum Anglis pugnauit, expectans eorum auxilium, quos sibi adfuturos credebat. Vbi uidet suos dispersos, auxilijspem nullam subesse, cum admoneretur fugæ, satis id perspexit, si ipse fugiens Ardeam properaret, mixtos hostes facile secum in oppidum peruēcturos. Itaque diu immotus subsistens, cum Angli frustra eum captiuū abducere uellent, & à peditibus quodam impetitus se exeruisset, ad extremum ictu brevis machinæ, cui pistoleo nomen, ictus occubuit: alij uolunt hasta transfixum. Galli qui ei auxilium ferre debuerant, cum exploratorum ignauia in unum locum pro alio perducti essent, uel quod uerius est, tardius auxilium tulissent, exanguem & paululum spirātem nacti sunt: sed in confertissimos hostes progressi, aliquot necatis, eos in sua loca fugarunt. Ex Gallica nobilitate multis pretis periculus excurrabant quotidie in Bononiensem agrū. Vbi sæpe Antonius Viuonius Casteneraius machinis impetitus obtulit se periculus, cum quodam die in uallum progressus, perforatis hostium machinis rediisset. Afferebantur ex loco, cui Doyo nomen, terrestri itinere commeatus in Bononiam. Is locus haud ita longe à Caletibus abest, fertilitate agri abundans. Odardus Biesus ad eum locum uastandum profectus est: atque ei eò contendenti per Cæsaris ditionem iter fuit faciendum. Erat ibi propugnaculum satis munitum, quod asseruabatur præsidio aliquot peditū Anglicorum. Hi per exploratores de Gallorum aduentu admoniti, munitionibus auctis parabant eum locum tæri. Itaque Biesus machinas bellicas, quæ fere milliario adhuc aberant, accelerari iubet. His minime expectatis, Ioannes Teus cum peditum robore acriter in hostes progressus, necatus quingentis Anglis, qui in præsidio locati fuerant, propugnaculum occupat. Equites quoque iter accelerarunt, præcipuè Escartius. Brissacus, Sansirus. Escartius etiā præ-

Gestis Gallorum Lib. IX. Ppū

missus est explorandi gratia, quales essent hostium copia. Is
 mox Biesum certiozem facit ingentem adesse & peditum
 & equitum numerum, nec nisi proximis aliis, maiorem ho-
 stium numerum ueritus, in eos inuectus est: idque illi à Ca-
 pella Bironio postea exprobratum. Angli ita sibi persuade-
 bant, robur copiarum ad Bononiam relictum, adesse tan-
 tum cohortes aliquot Gallicas uastandi agri gratia missas.
 Biesus cum robore equitatus recta ad eos contendit, comi-
 tatus sex machinis bellicis. Angli tum demum & numero
 & uiribus se superiores rati, referre ipsi pedem incipiunt.
 Galli acerrime in eos impetum faciunt. Resistentes adhuc
 & sese uicissim ad praelium cohortantes, progressi Gallici
 equites in fugam uertunt, dissipatos passim obtruncant, ea-
 demque ferocia qua illi ubi essent superiores utebantur in
 Gallos, deditioe nulla admissa, passim nobiles & ignobi-
 les obtruncabant: relata inde quinque uexilla militaria. Cæ-
 saria tria hominum millia, alij quindecim uexilla relata uol-
 unt, caesa ad nouem hominum millia. Huic praelio & Ne-
 uersius, & Anguianus, & Tremolius interfuere. Anguia-
 nus ob uadi difficultatem ipse equo per manum educto,
 reliquis uiam ostentabat Gwydus. Lauallus hasta, at modi-
 ce tamen, uulneratus est. Mox passim exusti agri, uilla di-
 repta: ut ipse quidem fumus ab ipsis Caletibus uideretur.
 Hoc praelium uix instat fuisse decursionis leuis, multi uo-
 luere. Menapij ab Anglo mercede conducti, una cum aliis
 multis è Germanorum robore, ad sexdecim hominum mil-
 lia, ad propugnaculum Bononiense euertendum iam profici-
 scipi putabantur: & Rex iam circa campaniam præmune-
 bat robur copiarum, ut praelio decertarent, aut iter eorum
 impedirent. At hi cum per Cæsaris fines transeundum esset,
 iussu Cæsaris qui transitum negarat, uel quod iam instaret
 hyems, ad suos redire. Paulò antea Carolus Valesius Au-

reliorum Dux, Regis filius, immatura morte praeceptus, magnum sui desiderium aulicis reliquit: ut enim implicitus aulicis delictis uisus est, quod cerie adolescentiae condonari potuit, ita uigebant apud eum studia rei militaris. Nemo fortissimos centuriones, tribunos, duces, equites externos iuncundius excipiebat: nemo ubi res exigebat, in laboribus patientior: nemo in largitione dum opus erat, effusior. Ille optime edoctus comprehendere militares homines amicitia, tueri obsequio, seruire rumoribus uentisque aulicis. Regem patrem ita sibi deuincire, & eos qui patri placerent, ut dubitares quorsum tantus patris aulicorumque amor progredi deberet. Ille uersare se, urgere ad tempus, ut potentiam iam eius gliscentem, & ad maiora quotidie progredientem uideres. Is ea ratione decepsisse creditus est. Grassabatur pestus in uicina ea loca, circa quae Rex diuersabatur. Carolus cum Henrico fratre domum agricolae ingressus est, etsi admonitus contagione pestis infectam, mox lusu iuuenili inductus ridere cepit & se & fratrem, qui in pestiferam domum introuissent: simul ense in lectulū & culcitram emissio ludens, in fratrem excussas plumas uoluebat. Ex eo tempore putant mox peste infectum, & dum morbi uis ignorantibus medicis ignoratur, extinctum. Alij nimia exercitatione cum se otiosus exercuisset, uolunt necatum. Nec defuere qui uenenum adhibitum ab hoste suspicarentur: quanquam quid i: a exultanti, ueneno opus fuit? Sed & circa penem ulcere uexatum iactauere hostes Gallici decoris: agitaſſeque noua fœdera cum Paulo Pontifice, iniecta spe matrimonij cum eius nepte, dotalique regno ex Italia parte nobilissima constituta. Huius morte Rex perturbatus est. Ipse una cum aulicis hac atque illac secedēs, diuersi diuersa in loca, quoad eius fieri potuit, pestus contagionem euasere. Et hæc quidem ea gesta æstate sunt eius anni, qui fuit millesimus quingē-

tesimus quadragesimus quintus . Anno sequenti uexata Aquitania peste: ut senatui Burdigalensi ad Liburnenses migrandum fuerit. Legati Germanorum ad Regem hyeme uenerunt, cupidi fœderis cum eo aduersus Cæsarem patiscendi. Sed Rex altiora ueritus, bono esse eos animo iubens, ad suos remisit, nihil pactus aduersus fœderatum Cæsare. Et iam ad Tridentum sacrosanctus cœtus cogeatur, cū tamen è Gallia pauci eò conuenissent. Angli dum Gallos Bononiense propugnaculum præsidio tenentes innadunt, sæpe fusi sunt. Sæpe utrinque pugnatum minus iustus copiis, nūc ad hostes, nunc ad Gallos uictoria redeunte: ut Regi fides quorundam, qui in præsidio erant, suspecta fuerit, uerito ne quid cum Anglo pacti essent. Missi sæpe ad Anglum legati, nullas æquas condiciones retulere. Tandem Ennebaldus missus, pacis utrunque Regem cupidum reddidit: cum tamen leuia certamina quotidie ad propugnaculum fierent, simul ad Ardeam, & uicina loca. Et Angli inter Caletos, & Bononienses aliud ipsi propugnaculum extruebāt, quo munito regium aliud extructum inutile esset. Vltro citroque cursitantibus legatis, tandem his conditionibus sequenti æstate pax inita est: Vti Henricus Rex Angliæ acciperet intra longum tempus (quod fuit multis haud ita certum, addunt autem octauum annum) à Rege ingentem pecunie numerum, certis pendendum temporibus: accepta pecunia, mox Bononiam, uti à Gallis acceperat, redderet. Nata erat superiori hyeme Henrico Delphino filia, quæ tum demum parta postea pace, lustricis patribus adhibitis magnificè abluta est. Sed & eadem hyeme Anguianus, cui Francisco Borbonio nomen, interiit. Cum enim exercitatione ludicra recrearet se in domus oppugnatione, unus arcam ligneam cepit præcipitare, qua, ut erat ingentis molis, in Anguianū prolapsa, ipse corruit magno sui desiderio relicto. Post ali-

Arnol. Ferroni de rebus quot

quot dies pax conuenit inter Reges, quam iniquis conditionibus uulgus conuenisse putabat, nec perit rerum ratam futuram existimabant. Ea ætate quæ secuta est, nihil admodum magnificè domi gestum. Legati Anglorum Regis lautè accepti. Singulare certamen multa pompa inter duos Hispaniæ gentis milites, spectante Rege & aulicis, peractum. Inde Ennebaldus in Angliam missus, classe eò peruenit, omni apparatu ab Anglo exceptus: ut etiam Eduardum filium magnæ indolis adolescentem, Regem futurum, obuiam mitteret, qui oratione breui eaque Latina, aduentantem excepit. Cæsaris cum Germanis contentiones libenter audita. Iniecta mentio fœderis cum Carolo Sabaudiano inuendi. Rex Molinium, ex eo longius progressus, circa uicina loca, & Cæsarianis & Germanis, dum tacitus rumores sparsi in Cæsarem belli expectat, locum interea & arcē, cui nomen Maubertfons, prioribus bellis dirutam, sitam haud longe à Cedano munit. Huic Ioannem Loffum præficit. Lautè autem plerisque in locis ædificari iussit, atque ita sane, ut immodicis substructionibus letatus uideatur. Missi sunt à Cæsare ad Regem legati, qui auxilium in Germanos peterent. Hi benigne auditi, sed præcisa spe auxiliij, suo enim consilio bellum initum, suis uiribus exequeretur: nec ultro quæsitum inimicitarum quæreretur sociū. Missi & à Germanis oratores auxilium in Cæsarem petitori: quibus responsum, spectatorem futurum Regem belli: nullā esse causam uiolandi mita cum Cæsare fœdera. Vtrique cum essent peditatu potentissimi, equitum auxilia expectarant. Rex cū circa litus quoddam nō longe à Bononia portus noui fundamenti iaceret, repente irruentes Angli magno impetu operas disturbarunt. Id Rex dissimulauit, cupidus pacis: eoque factum est uti Ennebaldus ex Anglia mox rediret. Interea cum ad Vlmam urbē Galli aliquot nisi essent, multi

consultò à Rege missos putauere, qui Germanis auxilium ferrent: sed inde mox abeuntibus, neque è Gallia sese Rege mouente, rancus hic rumor factus. Solei serix apud Gallos litigantibus apud senatus regio dari, à die quinto Idus Septembris ad diem Martinatum: ubi soluitur senatus, ex senatoribus legitur una decuria, quæ interea uice senatus iudicet capitales quidem causas omnes, ac ciuiles, quæ certam æstimationem non excedât. Ad eam decuriâ eo anno Lutetiâ sedentem cum delati essent plures uiolata persuasionis rei, in eos est seuerissimè animaduersum, ut quatuordecim uiui exurendi ad Meldenses remissi sint: multi uirgis cæsi, multi multa honoraria castigati, ubi & mulieres multæ adfuerunt criminis, ut aiebant, participes. Domus una solo æquata, ubi querebantur uiolari ueterem ritum sacrorum. Sed quibusdam ex eis qui uiui exusti sunt, cum palinodiam non recatarent, prius lingua execta: cum periculum esse seueri pûque iudices uererentur, ne eorum sermone plebecula moueretur. Hyeme quæ secuta est, Henricus Angliæ Rex animam emisit. Post eius mortè renouata fœdera cum Eduardo eius filio, qui adolescentulus regno præfuit. Eius funus Rex mare regio curauit, pompaque adfuit. Nec multo pòst inuadente Regem ueteri ulcere, quo sæpe angebatur, cum sæpe conualescere uisus esset, tandem apud Rambuletum ritè more Christiano unctus, extinctus est. Is ea constantia pietatèque deceßit, ut iam euanescente uitali spiritu, Dei semper nomen piè inclamaret: & cum uox eum deficeret, animamque iam emitteret, identidem quasi lectulo digitis cruces insculperet, uisus sit. Ferût ab eo, filio Regi futuro commēdatos familiares quosdam, & plebem Gallicam quæ se semper paratam exhibuisset, hanc humanitate sua comprehenderet, præcipuè uero nobilitatē, quæ in obsequio Regi exhibendo, omnes omniū charitates

una complexa esset. Petrus Castellanus hunc admonuit auerteret cogitationes ab aliis rebus, in Deum collocaret, ac ueluti mox euolaturus huic placando studeret, quod ille diligenter curauit. Henricus in sanum Germani Laiacū profectus est, aulq; iampridem absentem Annam Mommorantium, uirum prudentem & industrium, mox ad se reuocauit: nouatq; prudentissimè rebus multis, specimen optimi principis dedit. Incidit autem mors Francisci Regis in ultimum diem Martij, anno impetita à Deo nobis salutis M. D. XLVI. Defuncto Regi PATRIS LITERARVM cognomen delatum. Sed & Henrico Rege studia recta à maximis uiris concelebrata enituerunt, industria præsertim Caroli Lotharingi Guysiani, purpurati Pontificij, uiri eccellente ingenij magnitudine, & bene morati, qui nihil prætermisit quantum facere enitque potuit, quin ea in altissimo dignitatis gradu collocaret. Franciscus quidem Rex, primus omnino Regum Gallicorum, uidetur uitam umbratilem & delicatam eruditorum hominum, ex umbraculis otioque studiorum in solem & puluerem, & in omnes Reipublicæ functiones perduxisse. Testantur id eruditissimi uiri seriis negotiis præpositi, ab eoque honoribus aucti: quales fuerunt Ioannes Bellaius Cardinalis, Gulielmus Bellaius, Ianus Lascaris, Gulielmus Budæus, Lazarus Baius, Ioannes Ruellius, Ioannes Pinus, Georgius Armeniacus Cardinalis, Claudius Dispensius, Aemilius Ferretus, Vidus Braleus, Aemarus Ranconetus, I. Fraiseus, Renatus Bellaius, Ioannes Monlucus, Ioannes Guillardus Morterius, Aegidius Magister, Petrus Stella, Ioannes Fernelius, Franciscus Deloinus, Iacobus Spisamus, Michaël Hospitalis, Seguiarius, Aubrius, Marrillacus, Ioannes Dauansonus, Hugo Salelus, Iacobus Minutius, Gulielmus Pelliserius, Benedictus Theocrenus, Iulius Camillus, Petrus Castella-

Gestis Gallorum Lib. - IX.

nus, Georgius Selua, Petrus Danesius, innumerique alij. Neque mihi tantum relinquitur orũ, aliena ut & extera scribam neque dicatum Gallis laborem, aliorum rebus gestis institui impendere: & tamen ita bellum Germanicum, quod Francisco Rege cœptum, Henrico Rege uix tandem finem atque exitum habuit, cum Gallicis rebus cohæret, ut facturi operæ pretium uideamur, si & aliquid cõsumamus operæ in eo perscribendo. Ac Germanos quidem sape literis suis admonuerat Rex, uiderent, cauerent sibi ab immodica Caesaris potentia. Cum eorum armis, aliis terrorem inieci-
 set futurum, ut nec quietos illos diu uersari pateretur. Sic omnia, quæ hoc bello accidere, præmonuit, ut facile prudentiam eius diuinationem uideamus fuisse. Neque enim ea demum, quæ se uiuo acciderũt, futura prædixit: sed & quæ post mortem eius uenire, cecinisse, ut uates, uidetur. Id uerissimum esse deprehendimus, cum euolueremus uel Regis, uel aliorum iussu eius ad Germanos scriptas epistolas, uel habitas ad eos, aut scriptas orationes. Est igitur in oratione Regis, quæ ex castris ad Cõteum Belgicæ uicum, die VII
 „ Maij, M. D. XXXVII, ad Imperij ordines scripta hoc
 „ modo: Vos itaque per libertatem communem, per fidem at-
 „ que amicitiam, atque necessitudinem, tum Christiani nomi-
 „ nis tũ generis ac sanguinis nostri obtestor. Vos per CHRI-
 „ STI religionem, per pietatem obsecro, Viri amplissimi, ne
 „ Regis hic tantummodo nomen aut Francorum opinionem
 „ tentari existimetis: sed rem etiam uestram agi arbitremini,
 „ existimationis hic uestræ, æquitatis, honestatis, utilitatis
 „ iudicium fieri. Hoc denique sollicitè nunc expectari, publi-
 „ cã ne consiliũ uestri authoritate importunissimi homines,
 „ iniquitatum suarum atque iniuriarum authoritatem con-
 „ stituant, & sanciant: atque innocentia præsidia uobis con-
 „ niuentibus intercludant, an potius istuc more à maioribus
 Arnol. Ferroni de rebus uestris

„ uestris tradito, non nobis tantum, sed reliquis nationibus, sed
 „ consensui & concordia bonorum, & fidei denique, & a-
 „ quitatis cultoribus, spes aliqua iuris sui obtinendi reliqua
 „ sit. Hac etiam in causa existimetis impotentiam istorum,
 „ & insolentiam, per fortunarum nostrarum strages ad li-
 „ bertatis uestre ruinam gradum sibi facere, aditum & uiam
 „ munire constituisse. Deinde alia epistola qua scripta est
 Lutetia Parisiorum, Calend. Febr. anno M. D. XXXIII.
 „ hæc scribit. Ego uero amici, socij, ac foederati ueteres, satis
 „ credo uos dudum illustribus argumentis perspexisse, quàm
 „ insidiosa sit, & quò tendat hæc in me perquam impudens,
 „ & commentitia criminatio: qua me deferri qui uolunt,
 „ proculdubio infensiores mihi non sunt quàm ipsis uobis, quàm
 „ ipsi toti Germaniæ. Quandiu enim hæc duratura est, Gallo-
 „ germanorum & Germanogallorum inter nos amicitia, in-
 „ firmiores futuros se perspiciunt quàm ut simul utrosque pos-
 „ sint opprimere. Sunt igitur in hoc toti, ut collidi nos mutuo
 „ faciant: utricunque parti male cesserit, suam fore occasionem
 „ rati, quò infirmioribus utrisque effectis, in alterutros maio-
 „ re compendio bellum capestant, & minore negotio confi-
 „ ciant. Deinceps in ea purgatione qua scripta est anno M.
 „ D. XLIII, Omnes propterea hoc loco Germaniæ Prin-
 „ cipes & horror & moneo, ut pro antiqua generis nobilita-
 „ te, fide, officio, & tot beneficiis confirmata cum Gallis socie-
 „ tate & amicitia, diligenter considerent quid sit tandem ex
 „ talium hominum consiliis sequuturum, neque se transuersos
 „ ab his aut illis rapi patiantur. Id uero diligenter imprimis
 „ perpendat, quod ad eos maxime pertinet: excidia Regnorum
 „ omnium, urbium, & populorum ruinas, testari nihil tam
 „ perniciosum in hominum uita posse accidere, quàm nimium
 „ unius hominis potentiam augeri: in quem cum certatim o-
 „ mnes omnia conferant, aureis se compedibus uinciendos
 Gestis Gallorum Lib. IX.

" præbent, neque sentiunt se sic undique cōstringi & illigari,
 " ut illis effugiendi potestas nulla detur. Quemadmodum
 " igitur Socrates se tam dementem futurum negat, ut leoni
 " barbam radere uelit, sic recte & consulto mea quidem sen-
 " tentia facient, si ita se totos Casari non dedant: cuius hæ ar-
 " tes sunt, ut tractari se tandiu patiatur, donec nullo discrimi-
 " ne in hostes & amicos grassari possit. Eodēque loco: Iam
 " omnes intelligere arbitror, Casarē id unū agere & moliri,
 " ut specioso quodā titulo, Gallie, Danieq; Reges petat: ex-
 " peditionis Burgundicæ aut Campanicæ prætextu, Heluetiis
 " & Lotharingis insidietur, quorum ditiones ingenta sibi
 " & auita cupiditate, spe deuorauit: ut faciliorem postea in
 " Lantgrauium, & alios principes illustrissimos sibi uiam
 " patefacere possit, & Regnum illud suum Germanorum,
 " quod iandudum sibi despondet, constituere, etiam si omni
 " eos humanitatis officio persequatur. Imò maiestatis suæ
 " fasces (quam sacrosanctam Diis & hominibus uideri uult)
 " submittat, quò iis artibus irretitos, ad extremum sibi parere
 " cogat. Rursus alia epistola scripta anno M. D. XLV. Ve-
 " niet Casar Germani: ueniet succinctus armis uestrus ad Gal-
 " liam debellandam. Regno auito, uestrus auxilium sperat me
 " posse labefactari: sed compositis mecum rebus, mihi credite,
 " non diu patietur quietam Germaniam. Ardet studio Ger-
 " mania labefactanda. Huius uoluntas paulisper reprimi
 " non in perpetuum comprimi potest. Casar itaque compo-
 " sitis cum Francisco Rege rebus, incubuit in Germaniam de-
 " bellandam, prætexens cupiditatem religionis sarcindæ &
 " componendæ: apertēque in proscriptos Ioannem Federicū
 " Saxonem, & Philippum Lanigrauium, quasi maiestatis
 " damnatos, ob uiolatam Imperij maiestatem, sententiam
 " ferens. Atque ut id tempus uacuum periculo, aut periculi
 " expectatione relinqueretur, inducias prius cum Solymano
 " Arnol. Ferroni de rebus. pactus

pactus fuerat . Ad hoc bellum euocati ueterani milites Cæ-
 sariani è Neapoli & Mediolano per Philippum Lanoium,
 accersita auxilia à Paulo Pontifice , quæ conflato iam bello
 Octavianus Farnesius adduxit: Sed & à Cosma Medice
 Florentinorum Duce , & ab Hercule Ferrariensium Regu-
 lo, alij quoque uenere. E Belgis & Pannonia & Germania,
 quæ illi fœderata remanebat, excita quoque aliquot homi-
 num millia. Saxo & Lantgrauius, excitis ex fœderatis ur-
 bibus auxiliis, copias quoque contraxere. Hi si Cæsarem ad
 Ratisponam, sedentem obsedissent, antequam undique ad-
 uenirent auxilia, nullo negotio bellum confecissent, aut Cæ-
 sarem in Viënam extrussissent: Sed uel paratiorem rati, uel
 ipsi imparati adhuc , aliam iniere rationem . Fuit Cæsaris
 hac in re, totóque hoc bello cura, ut committens inter se pro-
 ceres Germanos, alijsque alijs reddens suspectos, faciliorem
 sibi aditum pararet. Sebastianus Scertelius ex Augusta
 profectus, Saxoni fœderata & Fiessem & Clusam Cæsa-
 rianis ademit in ipso belli procinctu, eo consilio ut Pontificia
 auxilia quæ ex Italia ueniebant, aditu prohiberentur . Re-
 stabat Oenipons: sed Carolus Castrialtius, contractis lectis-
 simis copiis, & Oeniponte Germanos prohibuit , & Clu-
 sam tandem interceptit . Iam Lantgrauius , & Federicus
 contractis multis hominum millibus Danouertum uene-
 rant: Ramiâque recepta, quæ praesidio Cæsaris munita erat,
 Neoburgum uenere. Et iam Landishuto imminebant, op-
 pido apertissimo ad belli cõsilia, ni Cæsar misso Pyrro prius
 Columna locum occupasset . Eò uenere ad Cæsarem Ita-
 lici milites à Pontifice , Cosma Medice , & Hercule Esten-
 si missi: & qui euocati erant è Neapoli & Mediolano. Ger-
 manici frustrati Landishuti intercipiendi opinione , Ratis-
 ponam adcurrunt: plena erant castra exploratorum. Itaque
 certior mox factus Cæsar, aliquot cohortibus missis auertit

hostes ab eo consilio. Hi circa Ingolstadium rediere. Federicus & Lantgravius, castra munito loco posuere. Ibi leues utrinque decursiones: ubi Caesar Neapolitanus lōgius euectus, parum absuit quin opprimeretur. Caesariani multa de nocte cum Aluaro Sonda & Arzio, castra hostium tentauere. Sed Lantgrauio satis fuit eo tempore uim eorum arce-re. Farnesius & Itali dum quodam die insidiandi locū captant, ut inde in pabulatores impetum facerent, occupato prius à Germanis loco, & pulsī & fugati sunt. Velites tamen Itali latius excurrentes uariè eos fatigabant. Caesaris toto hoc bello magna fuit diligētia. Vnus ille anteire agmē, locum castris deligere, noctū diūque astutia, ubi periculum poscebat, manu Lantgrauio & Federico Germanisque obniti, habitu nihil à gregario milite discrepans. Cibus illi idē qui reliquis, aptus idem in demulcendis militibus, peritissimæque consiliorum hostilium. Iam Lantgravius castra Caesaris oppugnaturus, summo diluculo riuo trāsmissio, aduectissimæque machinis magno ordine progrediebatur, aptissimæque collocatis machinis, non paruam stragem edebat Caesarianorum. Fertur & pila una in tabernaculum Caesaris pro-ruens, summo terrori omnibus fuisse. Cū horis nouem cōtinuis emissæ machinæ intonuissent, in castra reditum est, proclui iam in occasum die. Sebastianus Schertelius suadebat, dum uires essent integræ, Caesariani perterriti fragore tormentorum oppugnarentur. Caesar castra longiore uallo producto munebat. Caesariani sæpe congressi cum Germanis, è castris prodeuntibus, peritia equitandi & dirigendis glandibus plumbeis cum essent superiores, in castra eos compellebant. Erat uillula in qua Germani machinas fixerant. Caesar aggerem fossamque iam munitis castris contra eum locum perducebat, ut iam castra castris collata uiderentur. Pergit iterum Lantgravius multis emissis machinis, in-

Arnol. Ferroni de rebus

festare

festare castra Caesaris. Caesariani quoque cum Alphōso Vine, uallo altero hostium transgresso, ad uillulam eam contenderunt: delerique potuerunt illi ni obscura nox recipiētibus se auxilio fuisset. Caesar iam uillam occupare conabatur, ut ex eo loco castra illi mouere compelleretur. Illi rursus emisit machinis, castra illius quotidie oppugnare, ut inde detruderent Caesarem. Cū crebris noctibus ad arma conclamaretur, attenuata Germanorū corpora uigiliis uidebantur. Itaque Federicus & Lantgrauus castra mouere. Id & alio cōsilio fiebat, ut Buranum, qui cum lectissimis copiis ad Caesarem perueniebat, interciperent: at ille à Caesare monitus deuiis itineribus profectus, incolumis ad eū peruenit. Germani Neoburgū, deinde Danouertū peruenere, Laugingāque oppidum opportunum ad annonam recipiendam occuparunt. At Caesar Neoburgo potitus uoluntaria deditio-
ne, emisit prius Germanis, quem locum tam opportunum miratus est à Lantgrauio non firmatum maioribus praesidiis. Inde ad Vnedinguam contendit, eo cōsilio, ut hosti in-
festam annonam redderet. Et quāquam podagra uariè affectus, par tamen uidebatur aduersissimo eo tēpore ad capessenda bellica omnia munera: fixerat castra medio loco inter Vnedinguam & Morlinguā. At Lantgrauus lectas peditum aliquot cohortes, interea Norlinguā mittit: hæc ad-
missæ cū essent, duriores uidebantur Caesarianis futuræ belli ducendi rationes. Ipse quoque editioribus collibus occupatis, in tutiora loca traduxerat exercitum, frustrato Caesare ne-
bula crassiore huius diei: qua maturius discussa, pugnandi copiam hosti facturus uidebatur, ultro etiam eos ad pugnā forte prouocaturus. Cū se Saxo & Lantgrauus castris munitis continerēt, uariè eos Caesar quotidie lenibus praliis detinebat. Interea Farnesiū clāculū misit qui multa nocte, sum-
mōque silētio castris egressus, Danouertū interceptit. Eo postea

peruenit & Caesar cum integris copiis, eo cōsilio, ut Danu-
bio potitus, infestiora omnia hostibus redderet, ita mox &
Tilingua potitur, & Haistadio, Langinga, & Gudelinga.
Lantgravius ad Giengam castra quoque mouit, loco muni-
to, ut Caesarē ab Vlma occupanda reuocaret. Et iā ita uide-
batur constituta belli ratio, ut castris subinde commutandis
alter alteri insidiandi commodiores occasiones captaret. Cū
fierent quotidie leuia praelia, Philippus Lanoius cum dele-
cta equitum manu procurrens, eliciensque Germanos ad
pugnam, cum à Casariis prius in uicino nemore posite
essent insidia, multis casis in castra rediit. Parabat & nocte
intempesta castra inuadere tunica ima armatum uelans
milite. Sed cū duplicatas apparet hosti uigilias, paratōsq;
eos ad uim excipiendam, irritus fuit conatus. Vexabantur
tamē illi quotidianis decursionibus equitū, impetuque sepe
facto in pabulatores, ut iam taderet eos bellisuscepti, quod
uix dum affectum, confectum sibi prius persuaseraut. O-
mninoque cūm Caesaris callidi imprimis & acris, unius re-
geretur consilio exercitus, omnibus instructior erat ille re-
bus & apparatior quā Saxoni & Lantgrauū, quibus
& à ciuitatibus agre suppeditabatur pecunia: in castris ta-
men Caesaris magna, ob prædam auersam, seditio inter Hi-
spanos & Italos facta est. Ea seditione & concitatione nū-
tiata, cum ei obuiam ire pararent centuriones & alij pro-
ceres, fremitu & clamore pulsī. Vni Albano aperta au-
res. Nanque is patria lingua eloquēs, & in militibus mul-
cēdus suauis, & ornatus habitus est, autoritate uerō mul-
tū apud suos ualebat. Is ubi eas cōtrouersias, unde irarū ext-
stebat ardor, minime uidet sedari & restingui, atque è cō-
uitiis ad manus irritatos transire milites, uincula iniici tu-
bet authoribus seditionis. Eo acrius frendere miles. Solutis-
que uinculis extrema uis parabatur. Tum demum Caesar

Arno! Ferroni de rebus

proruens,

prouens, nobilissimum quemque, & militari decore illustrem, ad restinguendam seditionem hortatus est, obtestatus etiam Deum, cuius nomine & patrocinio induisset arma, Lantgrauū potius copius eam concitationem, hunc ardorem iniiceret: ita sopita tandem seditio. Caesar postea ad priora illa sua castra ad Ldinguam peruenit: neque acerbissima hyeme & copiosissimis imbribus, madido militi respirandi otium tribuit. Et sane iam Lantgrauius prae miserat exploratores, qui situ castrorum animaduerso, renuntiarent futurum, ut loci iniquitate ille confussetaretur: atque idem & Caesar Albani monitu praeuidens, castra iam commodiore loco proximo mouerat. Ex eo tempore infesta omnia Saxoni & Lantgrauio uisa sunt, illique solliciti uisi. Sollicitos autem eos habuit, cogitatio cum officij tum periculi. Si dissoluerent hunc exercitum, uerebantur ne deessent foederatis: ne tot urbes opulentas fidem eorum secutas, Caesari prodidisse uiderentur. Si manerent iisdem in castris, periculo proprio commouebantur. Nanque & Ferdinandus Caesaris frater, & Mauricius Saxo iam multas urbes Federici occuparant. Idem periculum mox Lantgrauium stimulabat. Cum enim cetera quae prudenter principio huius belli Caesar constituisset, constituta optimè uidebantur, tum illud uaserrime, quod Mauricio spe praedae inuitato, Federici ei oppida si quae bello occuparet, fruēda iure quo optimo maximo permetteret, iniecta etiam spe dignitatis praerogatiuaeque consequēdae, Caesaris designandi. Ita iam occupatis à Mauricio multis oppidis, uidebantur illi ita conturbati, ut non explicarent quid esset optimum. Rationibus subdūctis, summam fecere cogitationum: tentandum per literas a quibus ne conditionibus pateretur eos Caesar ab armis discedere: id si impetrari non possit, equum esse cum tunica palatio propior sit, ad sua quemque tuenda redire. Scribuntur

itaque literæ ad Ioannem Brandenburgensem, qui & gratia & auctoritate apud Cæsarem ualebat, & magnus u-
 triusque beneficiis ornatus, memor & gratus futurus ui-
 „ debatur: sunt autem hæc literæ. FEDERICVS SA-
 „ XONIAE DVX, ET PHILIPPVS LANT-
 „ GRAVIVS HESSVS, FOEDERATIQUE
 „ GERMANIAE PROCERES, IOANNI
 „ BRANDEMBVRGENSI S. T. Cum & nobis
 „ conscj essemus quantite faceremus, & tuam erga nos be-
 „ neuolentiam experti essemus, non dubitauimus a te petere
 „ quod nobis petendum esset. Deos hominésque testamur, ar-
 „ ma nos sumpsisse necessaria ex causa, cum nullo nostro me-
 „ rito proscripti simus. Cæsaris uel oppugnandi, uel contem-
 „ nendi nulla unquã nos incesit cupido. Hunc itaque si præ-
 „ stas nobis paulo æquiores, à nobis Germaniæque tota, non
 „ leuem es initurus gratiam. Et res eum & dies, & opinio
 „ hominum, & sua etiam natura, ut audimus quotidie le-
 „ niores facit. Eoque adducti sumus, ut deslagrare iras eius,
 „ purgari posse suspiciones, non desperaremus. Vidimus saepe
 „ ferocissimos hostes positis armis fœdus pepigisse. Vidimus
 „ priuatas multorum similitates, obliteratas. Vidimus qui la-
 „ tus peterent, mox affinitate deuinctos. Neque exempla cō-
 „ tentionum, neque euentus acerbi, quibus sese fœderati aliis
 „ postea iugulandos subigendosque præbent, Cæsari tali in-
 „ genio prædito, commemorandi. Neque communis Germa-
 „ nia calamitas diutius deploranda, Neque uetera patrum
 „ nostrorum cum Austriacis fœdera, Neque superioribus an-
 „ nis pro Cæsare nostra grauissima contentiones. Habemus
 „ potius communis utilitatis rationem, quàm doloris nostri.
 „ Ardemus perpetuo incredibilique amore Germanici deco-
 „ ris tuendi. Hic nos amor, & subuenire olim impendentibus
 „ periculis grauissimis, cum dimicatione capitis, & hoc ma-
 Arnol. Ferroni de rebus xime

„ xime tempore, cum omnia tela undique esse intenta in Ger-
 „ maniam cerneremus, subire hortatus est; atque excipere
 „ solos pro uniuerſis. Idem nos in patriam priſtinus animus
 „ cum Caſare reducit in gratiam. Hic monet, ſub mora digni-
 „ tatis ratione, ut & ferre conditiones æquas parati ſimus;
 „ quibus hæ ſopiantur controuerſiæ; & ultro dexteras porri-
 „ gamus Caſari. At enim audimus, pergrauiter illum eſſe of-
 „ ſenſum: uoluntatem illius obſtinatiorẽ, & in hac iracun-
 „ dia affirmatiorẽ. Sed enim proh Deum atque hominum
 „ fidem, perque fortunam Germaniæ, quis tam expertus hu-
 „ manitatis? Quis Germanici decoris uſque aded eſt hoſtis, ut
 „ iſta aut ferre poſſit, aut non dolere? ſi ipſi per nos cauſam di-
 „ cere, cur nos ille proſcripiſſet, poſſemus, taciti euentum for-
 „ tuna expectaremus. At ſumus proſcripti, & hi, quibus pu-
 „ blice ſicut cæteris Germanicis proceribus, cum Caſaribus
 „ uetuiſtiſimum eſt fædus: & hi quorum nomine proximis
 „ comitiis, amicitia nuper Gallico bello renouata eſt. At me-
 „ rito noſtro ruptis à nobis fæderibus, poſtea proſcripti ſu-
 „ mus, cum male de religione ſentiamus? Cum imperij oppi-
 „ da aliquot uindicemus? Veleſt ille ſuos affectus religionis
 „ amore. Huius damnata ab eo ipſius cultores eramus reli-
 „ gionis, tum cum fæderati, ſocij, amici uocabamur. An ille
 „ expectat ruinam noſtram, dum exhausti opibus, bellum
 „ affectum Turcæ hoſti ferociſſimo tradamus? Cui ex noſtra
 „ contentione magis quàm ex ſuis uiribus creuit audacia. In
 „ hunc hoſtem debellandum ſi accingi uult Caſar, ultro mili-
 „ tes, pecunias, arma, equos, copias hæ omnes leciſſimas, no-
 „ ſtris ſtipendiis militaturas, Caſari offerimus. Hactæ æquum
 „ eſt Caſari ſuadete, ut omiſſis his bellis, quæ parum habent
 „ emolumentum, & decoris, optatiſſima pace Germaniæ reddita,
 „ in hac toto animo, & cunctis opibus incubat: ad quæ officiũ
 „ eum Caſaris uocat, religio hortatur, quæ in ſummum diſcri-
 „ . Geſtus Gallorum Lib. IX. Q 99

„ men sapius adducta est. In hunc hostem ita ille anima-
 „ tus esse debet, sic tota mente incumbere ad hoc bellum, ut
 „ non satis habeat Turcas Hungariae Germaniaeque finibus
 „ repellere, sed constanter usque in intimas Asiae partes perse-
 „ qui: ut Bizantiis in libertatem assertis, Asiaeque & Aegypti
 „ opibus potitus, in sacra illa urbe, teste ipsa nostra salutis,
 „ praeipuoque nostrae religionis sacrario, uictor Deum ado-
 „ ret, & debitis sacrificiis pro tanta uictoria ueneretur. Sed
 „ nimis haec multa praesertim ad te, à quo uno omnium opti-
 „ mè haec cognoscuntur. Extremum illud est, ut patriam ad te
 „ allegemus, qua nec nobis ulla unquā res in uita esse debet
 „ charior, neque ipsi Casari. Haec quae tecum nobis commu-
 „ nis est, tecum agit de pace communi, de concilianda nobis
 „ Caesaris gratia. Quamobrem tibi sic persuadeto: Si per te
 „ nobis Caesar conciliatus sit, nos sic existimaturos, cum auto-
 „ ritate tua, tum beneuolentia erga nos nobis, quod maxime
 „ cupierimus, contigisse. Brandenburgensis acceptis his li-
 „ teris, ut erant obsignatae, mox tabellarium ipsum cum ipso
 „ literarum fasciculo perduxit ad Casarem: ne quid forte hæ-
 „ reret apud eum suspicionis. Lectas ei reddidit Caesar, atque
 „ is orabat Casarem tandem aliquando cum illi resipiscerēt,
 „ latas aequas condiciones ne aspernaretur: daret se ad lenita-
 „ tem uel propter ueterem humanitatem, uel suis id condo-
 „ nans precibus. Id si displiceret, iuberet quid uellet Federico,
 „ Lantgrauioque à se scribi. Fertur Caesar omne tempus eius
 „ diei in acerrima & attentissima cogitatione posuisse. Duo
 „ cum fluctuaret huc & illuc, tandem uocato Brandembur-
 „ gensi, iubet praescribat ad Saxonem & Lantgrauium, hanc
 „ unam superesse conditionem quae eis à Casare feratur, ut se
 „ suaeque omnia arbitrio misericordiaeque Caesaris tribuant. Id
 „ si fecerint, animaduersurum eum quid aequum sit eis condo-
 „ nari. Haec illi cum intellexissent, frustra quoque rursus colloquio

Arnol. Ferroni de rebus

locum

locum petiissent, eadem semper Casare proponente, ad alias cogitationes traducti sunt. Eueri qui putarent Casarem suae dignitati potius consulturum si ad hæc haud iniqua postulata respexisset. Alij rectius consuluisse sibi illum, qui armis uoluerit Germanos coercere. Impolitæ enim res & acerbæ si essent relictæ (quales erant eo tempore) tamen futurum ut efferrent se aliquando, & ad renouandum bellum reuiscerent. Sed ut ex euentu prudenter id ille uisus est consuluisse, ita si quid incurrisset quod prope iam explicatam Germanici belli rationem perturbasset atque impedisset, prudentius fuisset Brandenburgensis consilium. Paulò antea uenerat missus ab his urbibus Germaniæ liberis, quæ Cæsarianæ uocantur, legatus I. Sturmius ad Franciscum Regem. Is narrabat gentem Gallicam magna semper necessitudine cum Germanica coniunctam fuisse, ut aui quidem utriusque gentis & proauj utramque ferè pro una eademque gente habuerint. Eam ueterem amicitiam, etsi nullis tabulis obsignatam, in gentis utriusque pectoribus impressam, longa temporum serie egisseradices altius, quàm ut labefactari hæctenus potuerit. Casarem horrificum quoddam & nefarium, omni imbutum odio, bellum intulisse Germaniæ: eam de libertate retinenda sollicitam, pro ueteri amicitia petere à Rege, suscipiat causam fœderatorum. Nam Cæsaris quidem tantam esse insolentiam & fastum, non modo ut uocem, sed ne uultum quidem liberum possit ferre cuiusquam. Quòd si Rex satis superque esse sibi suarum curarum existimet, alienis implicari nolit, saltem ducentis millibus nummum aureorum mutuo datis, fiduciaria uenditione accipiat oppida aliquot. Ita futurum ut amicorum iacentium animum excitaret, induceretque in spem cogitationemque meliorem. Non deesse, ne nunc quidem Casari animum ad opprimendam Galliam: at quia uires immaturas uideat,

" eam interponere moram, ut subacta Germania, eius uiribus
 " ea tutius molitur. In mentem ipse ea reuocaret, quæ olim ad
 " Germanos scripsisset, dilapsurum quātuncumque formida-
 " bilem hostem, si tantum auditu perceperit Gallos atque Ger-
 " manos, quæ gens aliquādo eadem fuerit, nunc repetita me-
 " moria prioris ætatis, iterum ueluti in unam stirpem coaluiss-
 " se, uires communis salutis causa contulisse. Ut antea dissi-
 " mulauit Cæsar se hostem esse Germanis, ita postea disimu-
 " laturum esse Franciæ hostem, donec oblata occasione impa-
 " ratos opprimere possit. Non illi solum in animo esse Germa-
 " nos, at omnem etiam Franciam in seruitutem redigere. Ita
 " quæ Regi hominem in dies crescentem non negligendum,
 " neque alios intetere & perire, & pueri uidere, iucundum id
 " spectaculum tanto Regi futurum. At Rex & pacis nuper
 " cum Cæsare confirmatæ rationes, & ueterem affinitatem,
 " & fisci inopiam causatus, ueniam petiit si fœderatus hoc tẽ-
 " pore non subueniret. Ad XI Calend. Decembr. Federicus
 " & Lantgrauius castra mouere, ac pridie eius dies summa
 " nocte machinis prius eductis, ipsi sequebantur, sequente
 " Albano, qui extremum agmen carperet. Virgite etiam Cæ-
 " sare coniunguntur Germani. Albanus collem pugna aptis-
 " simum, desertum ab illis occupat. Occupant illi uicinum
 " alium collem, muniuntque machinis: quibus fiebat ut tuti
 " essent ab equitibus Cæsarianis undique procurrentibus.
 " Venit & postea cum totis copiis nocte intempesta Cæsar in
 " collem occupatum ab Albano. At Lantgrauius & Saxo
 " pugna spe iniecta, accensis ignibus nocte ea longū iter emen-
 " si, Prentio transmissis, ad Haydenā peruenere frustrato Cæ-
 " sare. Quo factum ut ille in uetera castra redierit. Ac uenit
 " ne illi in Franconiam peruenirent, Boffingam contendit.
 " Boffingani mox & Ottingenses, & Norlingenses pace im-
 " petrata deditionem faciunt, eorumque exemplum secuti

Dincelpulenses, & Rotemburgenses. Tam præcipitato Cæsaris aduentu commoti Saxo & Lantgrauus, dissolutis copiis ad sua tuenda rediere. Halam quoque ciuitatem inter Suenos opulentam mox recipit Cæsar. Ibi narrant Federicū Palatinum uenisse ad Cæsarem, ueniam petuisse à Cæsare quòd federatis equitum auxilia misisset: flebilibusque lacrimis cum culpā suam supplex deprecatus esset, ueniam impetrasse. Vlmenses quoque in fidem recepti. Dux quoque Wirtembergensis cum Cæsar ei immineret, maluit durioribus conditionibus pacem accipere, quàm anticipi bellorum alea se committere. Huic imperata ducenta nummum aureorum millia, ademptæ arces tres munitissimæ, Aspergus, Scorendorfia, Circembergus, & annonæ refectæ, & machinis instructissimæ. Interea Francfordienses per Buranū sollicitati iugum acceperunt. Augustani quoque cum frustra petiissent salua esse omnia, tandem arbitrio illius in deditiōē sunt redacti. Idem accidit Argentoratensibus. Iam Saxo pleraque oppida à Mauricio & Ferdinando occupata receperat: missum etiam à Cæsare Albertum Brandenburgensem, qui ad Rocliam sedebat, interceperat, uallēque Ioachima opulenta potius erat, Bohemisque in Ferdinandum concitabat. Erat ita constitutum, ut Mauricius & Ferdinandus ad Aegram, ciuitatem Bohemiæ, conuenirent cum Cæsare: ibi consilia belli exquerentur. Est omnino Bohemia Germaniæ limitibus inclusa: sylua Hercinia tanquam obducto muro undique cingitur. Albi fluuius media irrigatur, & Multania: ad huius ripam sita Praga urbs Regia, quæ male eo tempore in Ferdinandum animata fuit. Coniunctis copiis in Saxoniam primo uere missus est Albanus. Erat & in armis Saxo, dispositisque undique presidii sibi nõ deerat. Ipsi Saxonibus insitum à natura armorum studiū, paratissimi ad bellica pericula adeunda. Ager uini minime

capax. Hordeum triticumque ferunt, unde portionem, cui Ceruisia nomen indidere, vulgò conficiunt: ita sit ut uino oblato immoderatè utantur. Contendit Cæsar cum robore copiarum ad Misniam, uolebátque copiis in ulteriorem ripam traductis, pugnandi copiam illi facere. Sed mouetur cum uidet Saxonem Vitembergam adire. Ac cognoscens ab eius loci peritis, flumen uado transiri posse, nihil commotus periculo eo, quod imminebat ab hoste alteram ripam obsidente, summa celeritate constituit hostem intercipere. Ad quod maturius fieret, imperat ut circa uicina dumeta & arbusculas mille è suis collocarentur, qui glandibus plumbeis emissis hostes terrerent: ita futurum ut reliquis facilius occasio daretur in citiore ripa occupanda. Summa difficultate traducuntur Cæsariani, hostesque à ripa submouentur. Saxo anxius suorum fuga, Vitembergam aut Torgam celerit cursu petebat. Hunc sequuntur equites Cæsariani, extremum agmen uariè carpentes. Saxo iam Cæsarem cum robore equitatus in se ferri uidens, Torga omissa, uel quòd huic diffideret, uel quòd proximis syluis occupatis, tutiorem sibi ad Vitembergam receptum putabat, sese proripiebat: emissis etiam leuibus machinis, quæ Cæsarianis aliquid de celeritate detraherent. Illi in Saxonem inuecti, dissipant funduntque illius copias. Saxo ipse uulnere accepto capitur, nec syluatus, undiq; procurrente Hungaro equite, nec satis paratus ad tantas Cæsaris copias excipiendas. Cæsar post aliquot dies Vitembergam, & multa Saxonis oppida recepit. Latragrauius quoque tandem arbitrio se Cæsaris committens, supplex ueniam petiit, & quibus illi uisum est conditionibus depactus est. Deinde Comitibus Augustanis, aliquot capita proposita sunt iubente Cæsare, quibus ostendebatur quo pacto in negotio religionis, donec ea certa atque definita essent Concilio, uiuendum esset. Hac consentire aiebant

Arnol. Ferroni de rebus Cæsariani

Caſariani cum ueteribus ritibus, præter capita aliquot quæ rata manebant donec aliud ſtatutum eſſet. Id temporibus temp. adis que rebus aliis Cæſar datū aiebat: ex Pariſienſi eoque ſacro & pio cœtu eorum, apud quos de diuinis rebus agitantur quæſtiones, non deſuere qui palam ſcriberent, quod nondum cœtus cenſuiſſet, nec Pontifex Romanus iuſſiſſet id præiudicaſſe, & ad arbitrium ſuum Cæſarē temere reuocaſſe; tamenſi Franciſci Sfrondati purpurati pontificij, Federici Nauſæ Pontificis Vienneniſis pū hominis, & à ſaſtione Germanorum imprimis abhorrentis conſilio, ea Cæſar ſtatuiſſe ſeſe iactaret. Poſtquam uictoria cōſtituta eſt, ab armis que eſſet diſceſſum, conuentionibus acceptus à Federico & Lantgrauio, mirabantur Germani tam arcta cuſtodia diuturno tempore utroſque aſſeruari: Nec à Cæſare iuſtam debitamque gratiam referri Saxonicæ familie que rebatur. Albertus & Ioannes, cum Maximilianus in cuſtodia pari Brugis detineretur, eius liberandi conſilia ea iniere ut neceſſe fuerit Flandris eum liberare. Ex eadem familia prodieſe qui Eriſios Cæſari non parētes edomucere. Mathiam Pannoniæ Regem fortiſimum, Federico bellum inferentem, coercuere Federicus huius Federici patruus, ſi uera ſunt quæ ab Eraſmo Roterodamo prodita ſunt, cum renuntiatione omnium ſuffragiorum Maximiliano deſuncto, Cæſar certus designaretur, ipſe maluit in Auſtriacam familiam tranſferre ſuffragia, designato hoc ipſo Carolo Cæſare. Saxonum familiam quis non admiretur ita ruenſem? Longitudo Saxonicæ imperij paulo antea fuerat à Frāciſ Germanis, uſque ad Saxones imperio eorum parentes, ultra centum quinquaginta millia paſſuum: latitudo ab Albi uſque ad Fontes Viſurgis, cui loco Verræ quoque nomen dedere. Lantgrauius, ut erat magno animo, ſæpe ſe ſuōſque diris deuouit, qui ad Cæſarem tranſeundi authores.

Gestus Gallorum Lib. 1X.

fuere: parumque absuit quin custodibus oppressis euolaret è custodia, ita arte obseruatus, ut uel uigilantem, uel dormi-
 " tantem obseruarent recentes custodes omnibus horis. Ea-
 " mus nunc, & aut dicamus beatos, quibus corpus bene cõ-
 " stitutum sit, aut qui diuitiis, aut qui honoribus affluant, aut
 " qui ipsi, aut quorum aui proauisque, Cæsares obseruare so-
 " luti sunt: unica contentione effluunt congesta tam multo-
 " rum annorum merita. Relatum est paulo ante hoc bellum
 Germanicum, quod gessit Cæsar aduersus Saxonem & fœ-
 deratos, natum esse infantem in pago quodam Francorum,
 cui exempto ex aluo matris, culter iacuit in uentre, eminente
 cuspe extra uentrem, qui & paulatim extractus sit. Id
 accidisse aiunt ad significandas mutuas cædes ciuium, qui
 uelut in uiscera sua ferrum postea strinxerunt. Paulò post
 aiunt in Heluetiis conspectos duos Leones in aere inter sese
 certantes, quorum alter alteri caput mordicus auulserit. Esse
 & multorum annorum historiam, in uisione Steuicensi, de
 his ipsis bellis Saxoniciis, ubi postrema species sit Camelus
 bibens ex flumine. qua specie significari Turcorum aduen-
 tus ad Danubium, aut Rhenum uideatur. Visa & mulier
 uenenum sputis euiciens. Prodidit autem Chrysippus eadẽ
 in corpore uitia fieri, & à mali ueneni haustu, & corruptela
 qua è corpore prodire potest: atque ex intemperie fe-
 bres ut oriuntur, ita ex putredine longius progressa, ueneni
 in nobis gigni posse. Nec desunt qui prodiderint religionis
 nomine, hoc in bello Germanico tegere & uelare solitum
 Cæsarem eam cupiditatem, qua Germaniam omnem fa-
 milia suæ adiungere uolebat. Nam Germanis quos habe-
 bat plures in castris, dissidentes à piorum moribus, & Ger-
 manica lingua hymnos decantare, & concionatorem au-
 dire, & alia facere permittebat, quæ abhorrebant ab eccle-
 siastico dogmate. Neque urbibus deditionem pollicentibus

id præscribebat, ut piorum dogmata reciperent. Vltimis quoque, Augustanis, Straburgensibus nominatim permis-
sum, hisce in rebus quæ ad religionem pertinerent, nihil ipse
innouaret. Ea quoque dogmata, quæ postea sancita sunt,
partim ex ritibus piorum, partim ex nouis dogmatibus, di-
strahendorum magis Germanorum gratia prodita uolue-
re: talẽque depingunt Cæsarem, qualis is sit, apud quem
auctoritas honestatis, utilitatis specie si interdum superata.
Id hoc bello indicasse eum uolunt ex Philippi Lantgrauũ
deditione: leges deditionis ita callide præscriptæ sunt, ut u-
nius literæ apice supposito, ille deceptus. Conuenerat autem
obsequio exhibito Cæsari, ille sine custodia liber emittere-
tur: pactioni subscripturus erat Lantgrauius. At dum obse-
quium ille exhibet Cæsari, ueniãque deprecatur, tabulæ
fœderis, Germanicæ dictioni dempto apice unico, immuta-
te sunt: quibus ille postea subscripsit bona fide secum actũ
existumans. Mox uerò custodia se uidens septum, & uiolari
quiritans leges fœderis, perpetuam tantum custodiam adẽ-
ptam sibi intelligit. Proferuntur tabulæ subscriptæ: uerbũ-
que unum Germanicum in aliud transisse uidet: pactiones
perturbasse calliditate & periurio Cæsarianos clamitans:
quin & aduersus fœderis leges postea in Machliniam
abductus. At Cæsariani Lantgrauium negabant ex per-
duellium esse numero. Hostem uero fuisse communem o-
mnium, qui sacra, qui prophana diriperet: cum hoc neque
fidem debere, nec iusiurandum esse commune: Prætexi ab
his nugas, & sine teste uanissime ea confingi. Quod si olim
à Germanis parum absuerit, quin Iulius Cæsar falleretur,
si simplicitatis specie Cæsares alios fefellerint, si se ipsi do-
mesticis seditionibus assidue lacerant, non esse mirandum,
si rationibus subductus fidem ipse illis non haberet. Verissi-
me à Velleio Paterculo de his scriptum, in summa feritate
Gestis Gallorum Lib. IX.

uerfusissimos, natumque mendacio genus esse: ita non ueriti sunt illi patriæ obrectare, in qua multos floruisse tum acumine ingenij, tum admirabili scientia rei militaris uidemus. Principio belli huius Germanici ad Vicum Aquitanicum Pesenafum, à parturiente femina serpens emissus. Id olim accidisse prodidit C. Plinius: contigerit ne autem maiore quadam potestate, an ex uteri uitiis, & ea quam molam uocant male compacta, unde & monstra oriri prodidit Democritus, oriosorū disputationibus relinquendū. Sed & ex cruditate stomachi aliisque ex causis, in uentriculo hominis generari posse animal angui non dissimile, Erasistratus prodidit: quod & eodem tempore uidit Aquitania. In Gallia interea summa erat tranquillitas pacis & otij. Rex Henricus plenus pietatis, religiones publicas, & maiorum sacra instituta sancte tuebatur, bellicas curas aliis temporibus reseruans: auspiciæque regni eius plena modestiæ, humanitatis, clementiæ, spem omnibus magnam afferebant summa solertiæ, summæque industriæ: cuiusque Regis, qui & retundere posset callida hostium consilia, & eos qui laudem honoremque Francicæ familiæ depeculati sibi uidebantur, ulcisci. Dū faxint, uelim, sedatis ut omnium principum Christianorum controuersis, incumbant illi in eam tandem causam, qua diuini nominis hostes contendant, respersasque manus sanguine eorum ipsi prædicare possimus, aut placatos omnes beneuolentia coaluisse in eandem religionem Christianam: quam palmam utinam DEVS OPTIMVS MAXIMVS HENRICO REGI reseruet, eumque ipsi uideamus in augustissimam illam Solimorum urbem cum insigni illa laurea inuehi. Quod ab eo quidem, quem ornatissimum agnoscimus, Regemque talem qualis & moderatissimus & fortuna optima esse debet, expectare iure optimo & possumus & debemus.

FINIS.